

~~46130~~

108

2

17

J. Prev.  
Coll. 5/55





# BIBLIOTHECA

CLASSICA LATINA

SIVE

## COLLECTIO

AUCTORUM CLASSICORUM LATINORUM

CUM NOTIS ET INDICIBUS

*On souscrit, à Paris,*

- CHEZ N. E. LEMAIRE, Éditeur, rue des Quatre-Fils, n° 16.  
DEBURE frères, Libraires du Roi, rue Serpente, n° 7.  
F. DIDOT, Impr.-Lib. rue Jacob, n° 24.  
DONDEY-DUPRÉ, Imp.-Lib. rue de Richelieu, n° 47 bis.  
TREUTTEL et WURTZ, Libraires, rue de Bourbon, n° 17.  
BOSSANGE, Libraire, rue de Richelieu, n° 60.  
BRUNOT-LABBE, Libraire, quai des Augustins, n° 33.  
J. RENOARD, Libraire, rue de Tournon, n° 6.  
REY et GRAVIER, Libraires, quai des Augustins, n° 55.  
H. VERDIERE, Libraire, quai des Augustins, n° 25.  
Et chez tous les Libraires de France et des pays étrangers.

OMNIA OPERA

QUE VULGO EXSTANT SUB NOMINE

L. A. SENECAE

PHILOSOPHICA

DECLAMATORIA ET TRAGICA

.....  
EXCUSEBAT DONDEY-DUPRÉ.  
.....

VA 1  
1525229

# L. ANNÆI SENECAE

PARS PRIMA

SIVE

OPERA PHILOSOPHICA

QUAE RECOGNOVIT

ET SELECTIS TUM J. LIPSI, GRONOVII, GUTERI, D. ERENBERGII, BUNCKOPFII,  
ALIORUMQUE COMMENTARIIS

TUM SUIS ILLUSTRAVIT NOTIS

M. N. BOUILLET

IN SANCTAE BARBARAE COLLEGIO PHILOSOPHIAE PROFESSOR

VOLUMEN QUARTUM




PARISIIS

COLLIGEBAT NICOLAUS ELIGIUS LEMAIRE

POESIOS LATINÆ PROFESSOR

M DCCC XXIX



---

## NOVI EDITORIS PRÆMONITIO.

---

QUEM, in præfatione primi voluminis, ad partem hanc L. A. Senecæ publicandam, sequi constitueramus ordinem, paululum immutare in hocce con-  
dendo volumine necesse fuit.

Quum enim pleraque Fragmenta, tum vetera, tum recens inventa, ad moralia opera pertinerent, ea statim post *Epistolas Morales*, quæ moralium scriptorum seriem concludunt, collocare satius erat.

Præterea quum *Moralibus Epistolis* subjicere promississemus commercium *Litterarum Senecæ et Pauli apostoli*<sup>1</sup>, visum est ab his non disjungenda esse nonnulla, quæ Senecæ pariter, nec minus falso, tribuuntur, e. c. libros *de Quatuor Virtutibus*, *de Paupertate*, etc.

Unde fit ut ista omnia, quæ sexto volumini antea destinabantur, aptius nunc quarto contineantur.

Denique hoc volumen, ne cæteris prorsus impar

<sup>1</sup> Vide Præfat. I volum. p. xv.

fuisset, implevimus addendo J. Lipsii *Physiologiam Stoicorum*, quæ quinti voluminis, cui antea præfigi debebat, molem nimis auxisset.

Nec censemus nos ulla excusatione indigere quod tres hos *Physiologiæ Stoicorum* libros integros inse-ruerimus, quum optimam certe ad L. A. Senccæ *Quæstiones Naturales* et multa alia ejusdem non secus ac multorum veterum opera introductionem præbeant, et quum, in sexcentis nostrorum com-mentariorum locis, lector ad hoc tanti tamque eruditi viri opus remittatur.

---



**L. ANNÆI SENECAE**  
**AD LUCILIUM**  
**EPISTOLÆ MORALES.**



---

# L. ANNÆI SENECAE

AD LUCILIUM

## EPISTOLÆ MORALES.



---

### EPISTOLA LXXXIX.

---

PHILOSOPHIÆ DIVISIO : DE LUXU ET AVARITIA SUÆ ÆTATIS.

Roganti amico, ut discrimen explicet Philosophiæ et Sapientiæ, ita illud statuit, ut sit illa studium virtutis, hæc illius effectus et præmium. Illius quidem tres partes, moralem, naturalem et rationalem constitui affert, ab aliis aliter. Senecæ tripartitam esse placet : quarum quamque rursus dividit, moralem in tres, naturalem in duas, rationalem 1. Logicam in Dialecticam et Rhetoricam. Quæ omnia quæquam suadet ut legat amicus, tamen movet, ut ad mores et suos et publicos emendandos omnibus utatur, atque divitiarum luxusque cupidissimos castiget.

Jam etiam accuratis et subtilioribus Philosophiæ cultoribus noster vix satisfecisse videri debeat, quandoquidem principia divisionis non satis subtiliter posuerit deduxeritque, tamen conspectum haudquaquam contemnendum dedit, nec quidquam aliud daturum sese professus est. Atque si qui sint qui multa in hæc divisione omisisse eum querantur, ii cogitent, quæso, ea omnia haudquaquam latuisse nostrum, veteresque philosophos, sed non sub iis eos titulis posuisse, quibus nostri ea assignare solent. Sic leges cogitandi in loco qui erat de animo tractaverunt.

Cf. Tiedemanui *System der stoisch. Philos.* I, p. 1 sqq. et amicissimum Buhlium in *Commentatt. Soc. Reg. Gotting.* To. XI, p. 254 sqq.

SENECA LUCILIO SUO SALUTEM.

REM utilem desideras, et ad Sapientiam properanti utique necessariam, *dividi Philosophiam*, et ingens corpus ejus in membra disponi. Facilius enim per partes in cognitionem totius adducimur. Utinam quidem<sup>1</sup>, quemadmodum universa<sup>2</sup> mundi facies in conspectum venit, ita Philosophia tota nobis posset occurrere; simillimum mundo spectaculum! Profecto enim omnes mortales in admirationem sui raperet<sup>3</sup>, relictis his, quæ nunc magna, magnorum ignorantia, credimus. Sed, quia contingere hoc non potest, sic erit a nobis aspicienda<sup>4</sup>, quemadmodum mundi secreta cernuntur. Sapientis quidem animus totam molem ejus amplectitur, nec minus illam velociter obit, quam cælum acies nostra: nobis autem, quibus perrumpenda caligo est, et quorum visus in proximo deficit, singula quæque ostendi facilius possunt, universi nondum capacibus. Faciam ergo quod exigis, et Philosophiam in partes, non in frusta, dividam: dividi enim illam, non concidi, utile est; nam comprehendere, quemadmodum maxima, ita minima, difficile est. Describitur in tribus populus, in centurias exercitus. Quidquid in majus crevit, facilius agnoscitur, si discessit in partes; quas, ut dixi, innumerabiles esse et<sup>5</sup> parvas

1. *Utinam quidem*. Posteriorem vocem adieci ex ed. A et ms. c. et Grueteri libris. Schw.

2. *Universa*. Non *universi*, dedere R. A. c. Schw.

3. *Profecto enim... raperet*. Conferri videtur Philosophiæ laus a Cie. Tusc. Disp. V, 2 celebrata: ob oculos ei fortitan fuerint illa Platonis in Phædro To. X p. 329 bip.: ἡ φιλοσοφία

οὐχ ὁρατὴν· δεῖνους γὰρ ἂν παρῆγεν ἔργων, εἰ τοιοῦτον ἑαυτοῦς ἐνεργὲς εὐδαίμων παρῆγεντο εἰς ἕβην ἴδον. Quæ verba Cie. de Off. I, 5, et de Fin. II, 16 respexit et expressit. Ruhk.

4. *Aspicienda*. Mirum quid ita libri in vocula nota turbent. Nam alii, *abscienda*, *adscienda*; meos *abscienda*. Lips.

5. *Parvas*. Ed. A. cum ms. c. e

non oportet. Idem enim vitii habet nimia, quod nulla divisio; simile confuso est, quidquid usque in pulverem sectum est.

Primum itaque, sicut videtur<sup>1</sup>, tibi dicam, inter Sapientiam et Philosophiam quid intersit<sup>2</sup>. *Sapientia* perfectum bonum est mentis humanæ, *Philosophia* sapientiæ amor est et affectatio. Hæc ostendit, quo illa pervenit. *Philosophia* unde<sup>3</sup> dicta sit, apparet; ipso enim nomine fatetur. Quidam *Sapientiam* ita finierunt, ut dicerent<sup>4</sup> eam « divinorum<sup>5</sup> et humanorum scientiam. » Quidam ita : « Sapientia est, nosse divina et humana, et horum causas<sup>6</sup>. » Supervacua mihi videtur hæc adjectio, quia *causæ* divinorum humanorumque partes sunt. *Philosophiam* quoque fuerunt qui aliter atque aliter finirent : alii *studium* illam *virtutis* esse dixerunt; alii *studium corrigendæ mentis*; a quibusdam dicta est *appetitus rectæ ra-*

Gruteri omnibus. Vulgo *parvæ* ex ed. R. Schw.

1. *Sicut videtur, tibi dicam.* Rectius puto jungentur ista, *sicut videtur tibi*, quomodo distincta oratio in ed. R. Vitiose *si ut videtur* ed. A. et ms. c. Schw.

2. *Inter Sapientiam et Philosophiam quid intersit.* Eam ob causam hæc distinctio affertur, quod aliter visum erat Platoni e. c. in Enthydemio To. III p. 40 bip. philosophia est acquisitio sapientiæ; quum esse debeat questio studiumque. De Rep. V, p. 57 Vol. VII bip. appellat philosophos τοὺς τῆς ἀληθείας φιλοθύουσας : item Aristoteli Metaphys. II, 1 (modo hic liber pro sincero haberi debeat) scientia veritatis (ἰσθῶς δὲ ἔχει, καὶ τὸ καλῶς τῆς φιλοσοφίας, ἰσιστέμην τῆς ἀληθείας θεωρητικόν). Ciceroni tamen : « Nec quidquam aliud est Phi-

losophia præter studium sapientiæ. » Cf. Lipsii Manud. ad stoic. philos. II, 4. Ruhk.

3. *Philosophia unde... fatetur.* Cic. de Legg. I, 22 : « Ita fit, ut mater omnium bonarum artium sapientia sit : a cujus amore græco verbo Philosophia nomen invenit etc. » Pythagoræ vero inventum esse hoc nomen constat ex Pontico Heraclide apud Ciceron. Tusc. V, 3. Ruhk.

4. *Divinorum.* Hieronymus in Isaïæ eap. v : « Inter sapientiam et prudentiam hoc dicunt interesse Stoici, quod illa sit rerum divinarum et humanarum notitia, ista autem tantum mortalium. » Nota de Stoicis : nam Platonici aliter distinguunt, et illam in contemplatione, hanc in actione ponunt. Lips.

5. *Horum causas.* Stoicas esse has definitiones constat, vel a Plat. de

- tionis. Illud quasi constitit<sup>1</sup>, aliquid inter Philosophiam et  
 5 Sapientiam interessc : neque enim fieri potest, ut idem  
 sit quod affectatur, et quod affectat. Quomodo multum  
 inter avaritiam et pecuniam interest, quum illa cupiat,  
 hæc concupiscatur; sic inter philosophiam et sapientiam.  
 Hæc enim illius effectus et præmium est; illa venit, ad  
 hanc itur. *Sapientia* est, quam Græci σοφία vocant. Hoc  
 verbo Romani quoque utebantur, sicut *philosophia* nunc  
 6 quoque utuntur. Quod et togatæ<sup>2</sup> tibi antiquæ proba-  
 bunt, et inscriptus Dosseuni monumento titulus :

Hospes resiste, et sophiam Dosseuni<sup>3</sup> lege.

- Quidam ex nostris, quamvis philosophia studium vir-  
 tutis esset, et hæc peteretur, illa peteret, tamen non  
 putaverunt illas distrahi posse : nam nec philosophia sine  
 7 virtute est, nec sine philosophia virtus est. Philosophia  
 studium virtutis est, sed per ipsam virtutem; nec virtus  
 autem<sup>4</sup> esse sine studio sui potest, nec virtutis studium

Placit. Philos. To. XII. p. 345 Butt.  
 et πᾶν Σπουδαίον, σοφίαν δὲ τὴν διάνοιαν  
 καὶ ἀνθρωπίνων ἰσχυρίων. Nota est  
 hæc definitio e Cicerone et bene ex-  
 plicata ab Ernestio in Clav. Cie. voc.  
*Divinus*. Cf. Ep. Senec. 98, 28 et 30.  
 Rerum cognoscere causas Virg. Ge.  
 II, 490 jam pro scopo philosophiæ  
 declaravit. Ceteras definitiones, quas  
 noster affert, esse stoicas observavit  
 etiam Lipsius in Mauud. II, 2. R.

1. *Constitit*. R. A. c. Pine. Grut.  
 Vulgo *constet* ab Erasmo. Schw.

2. *Togatæ*. Fabulæ dicuntur, quæ  
 scriptæ sunt secundu[m] ritus et habitus  
 hominum togatorum, id est, Romano-  
 rum : toga namque Romana est : sicut  
 græcæ fabulas, ab habitu æque, pal-  
 liatas Varro ait nominari, quia pal-  
 lium Græcorum erat. (Diomed. de  
 Arte Grammat. lib. 3, p. 486; inter

Grammat. Lat. Auct. antiq. edit. Ha-  
 uov. 1605). Confer. et Fest. de ver-  
 bor. signif. voce *Togatarum* lib. 18.  
 (E uotis *Lagrange*.)

3. *Dosseuni*. Fuit Fabius Dosse-  
 nus auctor satis eceleber fabularum  
 togatarum, in quibus mores vestitus-  
 que romani erant. Laudat eum Plin.  
 N. H. XIV, 15 bip. nec Fabrie. Bibl.  
 Lat. Vol. III, p. 238, 240, nominare  
 eum in Comiciis vet. lat. omisit. R.—  
 Eidem Dosseuno Horatius exprobrat  
 quod negligenter fabulas scribat, et  
 nihil aliud quam lucrum ex illis captet:  
 Epist. 1. lib. II. v. 173 et seqq. «Quan-  
 tus sit Dosseenus edacibus in para-  
 sitis; Quam non adstricto percurrat  
 pulpita soeco; Gestit enim nummum  
 in loculos demittere, post hoc Seue-  
 rus cadat, an recto stet fabula talo.»

4. *Nec virtus autem*. I. e. nec præ-

sine ipsa. Non enim, quemadmodum in his, qui aliquid ex distante loco ferire conantur, alibi est qui petit, alibi quod petitur; nec, quemadmodum itinera, quæ ad urbes perducunt, extra ipsas sunt. Ad virtutem venit per ipsam. Cohærent ergo inter se Philosophia Virtusque.

*Philosophiæ tres partes*<sup>1</sup> esse dixerunt et maximi et plurimi auctores<sup>2</sup>: *Moralem, Naturalem, et Rationalem*. Prima componit animum; secunda rerum naturam scrutatur; tertia proprietates verborum exigit, et structuram, et argumentationes, ne pro vero falsa subreant. Cæterum inventi sunt, et qui in pauciora philosophiam, et qui in plura diducerent. Quidam ex Peripateticis quartam partem adjecerunt, *Civilem*<sup>3</sup>; quia propriam quamdam exercitationem desideret, et circa aliam materiam occupata sit. Quidam adjecerunt hanc partem, quam Græci οἰκονομική vocant, *administrandæ rei familiaris scientiam*. Quidam et *de generibus vitæ* locum separaverunt<sup>4</sup>. Nihil autem horum non in illa parte<sup>5</sup> Morali reperitur.

terea, adhuc. Cf. Heusing. ad Cic. Off. I, 28, 9. I, 4, 2. Ruhk.

1. *Philosophiæ tres partes*. Facilis est transgressus a præcedentibus ad ea, quæ nunc sequuntur. Quum nimirum virtus et philosophia inter se aptæ et nexæ sint, sequitur, et philosophiæ easdem esse partes tres, quas virtuti tribuimus. Munio hoc propter Tiedemannii System. I. p. 8 qui Senecam negligentem insinulavit. Ruhk.

2. *Tres partes... dixerunt... auctores*. Aristoteles, Xenocrates (Tiedemann Geist der spek. Ph. II. p. 331 coll. p. 433) et Stoici: cf. Lipsii Manud. II, 5. 9. Ruhk.

3. *Civilem*. Politicam. — Eisdem omnium divisiones præbet et perse-

quitur Cicero, Acad. I, c. v, § 19, etc.

4. *Quidam... separaverunt. Nihil autem*, etc. Quinam hi fuerint, non liquet. Recte observat Seneca, his partibus tribus contineri moralem partem. Ethica enim, civilis s. politica, et Œconomica una cum technica (*de generibus vitæ*) constituebant Aristotelis philosophiam practicam. Cf. Buhlii Lehrbuch der Gesch. d. Philos. II. p. 362 sqq. Ruhk. — Et nunc ita fit in plerisque scholis et in illo nuper edito opere: *Morale appliquée à la Politique*, par M. Jouy.

5. *Non in illa parte Morali reperitur*. Vulgo reperitur, in vitis libris nostris et Gruteri. Cum hoc verbo vulgo jungebatur non particula, quam

Epicurei<sup>1</sup> duas partes philosophiæ putaverunt esse, *naturalem* atque *moralem*; *rationalem* removerunt. Deinde, quum ipsis rebus cogherentur ambigua secernere, falsa sub specie veri latentia coarguere, ipsi quoque locum, quem *de Iudicio et Regula* appellant, alio nomine *rationalem* induxerunt; sed eum accessionem esse naturalis  
 10 partis existimant. Cyrenaici<sup>2</sup> naturalia cum rationalibus sustulerunt, et contenti fuerunt Moralibus: sed hi quoque, quæ remouent<sup>3</sup>, aliter inducunt. In quinq; enim partes Moralia dividunt; ut una sit de Fugiendis et Expectendis, altera de Affectibus, tertia de Actionibus, quarta de Causis, quinta de Argumentis. Causæ rerum ex naturali parte sunt; argumenta ex rationali; actiones  
 11 ex morali. Ariston Chius<sup>4</sup>, « non tantum supervacuas esse, dixit, naturalem et rationalem, sed etiam contrarias: » *moralem* quoque, quam solam reliquerat, circumcidit. Nam eum locum<sup>5</sup>, qui *Monitiones* continet, sustulit, et *pædagogi* esse dixit, *non philosophi*: tanquam

nos, veteres libros secuti, ante ista in illa parte posuimus. Schw.

1. *Epicurei... removerunt... existimant.* Confirmant hæc Diog. Laert. X, 31; Sext. Emp. adv. Mathem. VII, 203. Epicurus, spiois et tricis dialecticis, quas Megarici et Stoici commentu erant, rejectis, pauca tantum præcepta de vero et falso quæ recte tradantur, *canonum* nomine insignire, quam Dialectices, maluit, et exposuit de iis in libro unico, qui *Canon* s. *Regula* inscribatur. Epicurei Canonice Naturali coniungere consueti appellant illum librum, iudicandi instrumentum et principium s. prima philosophiæ elementa. Diog. Laert. X, 30. Adeas Buhlii *Commental.* in *Commentalt.* Soc. Reg.

Gott. Vol. XI, p. 257 sqq. Ruhk.

2. *Cyrenaici... actiones ex morali.* Idem narrat Sextus Empir. adv. Mathem. VII, 11. Alii aliter de his Aristippi (cujus vitam moresque egregie super descripsit Wielandus) discipulis iudicaverunt. Cf. Tiedemannei *Geist der spek. Phil.* II, p. 52 sq. R.

3. *Quæ remouent.* Sic recte ed. R. Vulgo qui remouent eam A. c. S.

4. *Ariston Chius.* De Aristone Chio cf. philol. Bibl. II, 1 sq. Fuit stoicus philosophus, Zeeonis auditor, Cleanthis amicus, Chrysippi inimicus. Cæterum idem et Sextus Emp. p. 140, narrat, qui ex eodem fonte hausisse videtur, quo noster usus est. Contra eum argumentatur Seneca Ep. xciv. R.

5. *Nam eum locum qui Monitio-*



quidquam aliud sit Sapiens, quam humani generis pædagogus.

Ergo, quum tripartita sit Philosophia, *Moralem* ejus <sup>12</sup> *partem* primum incipiamus disponere. Quam in tria rursum dividi placuit; ut prima esset <sup>1</sup> *Inspectio suum cuique distribuens*, et æstimans quanto quidque dignum sit; maxime utilis: quid enim est tam necessarium, quam pretia rebus imponere? secunda *de Impetu*<sup>2</sup>; tertia *de Actionibus*. Primum enim est, ut, quanti quidque sit, judices: <sup>13</sup> secundum, ut impetum ad illa capias ordinatum temperatumque: tertium, ut inter impetum tuum, actionemque conveniat, ut in omnibus istis tibi ipse consentias. Quidquid ex his tribus defuerit, turbat et cætera. Quid enim prodest, intus æstimata habere omnia, si sis impetu nimius? quid prodest, impetus repressisse, et habere cupiditates in tua potestate, si in ipsa rerum actione tempora ignores; nec scias, quando quidque, et ubi, et quemadmodum agi debeat? Aliud est enim, dignitates <sup>14</sup>

*nes continet.* Practicam philosophiam moralem, quæ quid cuique personæ faciendum sit, docet, ideoque specialia præcepta continet, τὸν τοῦ πρακτικοῦ, s. παρασκευαστικῆς vocat Sextus Emp. l. l. *Ruhk.*

1. *Ut prima esset Inspectio.* Hæc divisio tenuis aut sterilis est, iquit Lips., præ illa quæ in Laetio ponitur, ex mente et usu plurium stoicorum (de qua iofra). — Contra autem *Ruhk.* Egregiam hanc, iquit, divisionem esse omnes cum veteres tum recentiores agnoverunt. Quare Catonem induxit Cic. de Fin. III, 23 eximie laudantem Stoa auctores et stoicos philos. Aliam divisionem tradit Diog. Laert. VII, 84, quæ quidem diffusior est, sed non plura comple-

ctitor. In ordioe tamen aliam nostri philosophi dispositionem optaverint, ut qui metaphysicum, s. malis, theoreticum ethices locum, qui est de officiorum principiis notioneque, non io calce, sed io fronte totius disciplinæ rectios collocant. *Ruhk.*

2. *Secunda, de Impetu, etc.* Receptionem lect. invertens Schweigh., dat *secunda de Actionibus*; *tertia, de Impetu*. Sic, inquit, vet. libri, *R. A. c.* et Grut. Vulgo, *secunda de Impetu, tertia de Actionibus*, ex Erasmi iogenio; scilicet, quia impetus, ut mox ipse auctor significat, præcedere debet actionem. At oihil magnopere obstat, quo minus credamus in ordioe docendi præmissum fuisse caput *de Actionibus* alteri *de Impetu*.

et pretia rerum nosse, aliud articulos<sup>1</sup>, aliud impetus refrænare, et ad agenda ire, non ruere. Tunc ergo vita sibi concors est, ubi actio non destituit impetum<sup>2</sup>, impetus ex dignitate rei cujusque concipitur; proinde remissus acriorque<sup>3</sup>, prout illa digna est peti.

- 15 *Naturalis pars Philosophiæ* in duo scinditur<sup>4</sup>: Corporalia, et Incorporalia. Utraque dividuntur in suos, ut ita dicam, gradus. Corporum locus in hos: primum in ea quæ faciunt<sup>5</sup>, et quæ ex his gignuntur; gignuntur autem elementa. Ipse elementi locus<sup>6</sup>, ut quidam putant, simplex est<sup>7</sup>; ut quidam, in materiam, et causam omnia mo-  
16 vementem<sup>8</sup>, et elementa, dividitur. — Superest ut *Rationalem partem philosophiæ* dividamus<sup>9</sup>. Omnis oratio aut continua est, aut inter respondentem et interrogantem discissa<sup>10</sup>. Hanc διαλεκτικὴν, illam ῥητορικὴν placuit vocari. Hæc verba curat, et sensus, et ordinem. Διαλεκτικὴ in

1. *Articulos*. Temporis. Officia enim, ἀσκήματα περιστάσεων καὶ ὄντων περιστάσεων Diog. Laert. VII, 109. *R.*

2. *Actio non destituit impetum*. H. e. hic cum illa convenit, illa hunc comitatur. *Ruhk.*

3. *Proinde remissus acriorque*. Sic *R. A. c.* et Grut. non ut vulgo perinde remissus acriorve. *Schw.*

4. *In duo scinditur*. Secundum Diog. Laert. VII, 132, 133 alii aliam divisionem amplexi sunt. Physicam autem Stoæ plura continuisse quam nostram, facile est intelligere; ut quæ et Theologiæ et Ontologiæ locum præbuit, atque adeo multa comprehendit, quæ licet ad nos, tamen supra nos sint. Sed cf. Tiedemannii Syst. I, 47 sqq. *Ruhk.*

5. *Corp. locus in hos: primum in ea quæ faciunt*. I. e. Doctrina de corporibus dividitur in hos gradus: pri-

mum in ea quæ gignunt, deinde in ea quæ ex his gignuntur. — Duo sunt prima principia, Deus et materia.

6. *Ipse elementi locus*. Non satis hæc capio: ut quidem jam elementa eum principii confundit? Nisi si Elementum aliter a quibusdam capi vult, et ut ipsa principia continent, atque etiam elementa: hoc apparet. *Lips.*

7. *Simplex est*. Int. in partes dividi non potest.

8. *Causam omnia moventem*. Ipsum Deum, sive (ut stoici supra) ejus rationem.

9. *Rationalem partem Philosophiæ dividamus*. De hæc quoque *rationalis partis* divisione non omnes Stoici sibi conveniebant. Cf. Diog. Laert. VII, 40 sqq., qui et reliquas divisiones attulit. Tiedemann l. I. p. 21 sq. *Ruhk.*

10. *Discisso A. c.* et Grut. *Diffusa*

duas partes dividitur, in verba et significationes; id est, in res, quæ dicuntur, et vocabula, quibus dicuntur. Ingens deinde sequitur utriusque divisio. Itaque hoc loco finem faciam,

.... Et summa sequar fastigia rerum<sup>1</sup>;

aliouqui, si volucro facere partium partes, quæstionum liber fiet.

Hæc, Lucili, virorum optime<sup>2</sup>, quo minus legas non deterreo; dummodo, quidquid legeris, ad mores statim referas. Illos compesce, marcentia in te excita, soluta constringe, contumacia doma, cupiditates tuas publicasque, quantum potes, vexas; et istis dicentibus: *Quousque eadem?* responde: « Ego debebam<sup>3</sup> dicere: *Quousque eadem peccabitis?* Remedia ante vultis, quam vitia desinere: ego vero eo magis dicam, et, quia recusatis, perseverabo. Tunc incipit medicina proficere, ubi in corpore alienato dolorem tactus expressit. Dicam etiam invitis profutura. Aliquando aliqua ad vos non blanda vox veniat; et, quia verum singuli audire non vultis, publice audite. Quousque fines possessionum<sup>4</sup> propagabitis? ager uni domino, qui populum cepit<sup>5</sup>, angustus est. Quousque arationes vestras porrigetis, ne provinciarum<sup>6</sup> quidem satione contenti circumscribere prædiorum modum? Il-

ed. R. Inde diffusa ed. Er. Divisa ed. Mur. et seqq. Schw.

1. *Rerum*. Hemistichium est Virg. Æn. I, 342. Ruhk.

2. *Hæc, Lucili, virorum optime*. Meus aliquæ scripti hic ordiuntur novam epistolam: neque abs re videtur. Lips. — At saltem non nulla deesse facile crediderim.

3. *Debebam*. Scripsi cum A. c. Pal. 2. et Col. Vulgo *debeo*, ex ed. R. Schw.

4. *Quousque fines possessionum*. Spectant hæc ad latifundiorum possessiones, quæ causa præcipua Reipubl. laborantis erant: de quibus cf. Senec. de Vita Beat. c. 17, 3. Ep. CXXIV. 6. 7. Horat. Carm. I, 1, 9, et 10 ubi vid. Mittheerlich. Ruhk.

5. *Qui populum cepit*. In quo populus continebatur.

6. *Ne provinciarum quidem*. Ea vix credenda latifundia, et his sequentibusque lucem, aut fidem etiam

lustrum fluminum per privatum decursus est<sup>1</sup>, et amnes magni, magnarumque gentium termini, usque ad ostium a fonte vestri sunt. Hoc quoque parum est, nisi latifundiis vestris maria cinxistis; nisi trans Hadriam et Ionium Ægæumque vester villicus regnet; nisi insulæ, ducum domicilia magnorum, inter vilissima rerum numerentur. Quam vultis late possidete; sit fundus, quod aliquando imperium vocabatur; facite vestrum, quidquid potestis! —dum plus sit alieni<sup>2</sup>. Nunc vobiscum loquor, quorum æque spatiosa luxuria, quam illorum avaritia, diffunditur. Vobis dico: Quousque<sup>3</sup> nullus erit lacus, cui non villarum vestrarum fastigia immineant; nullum flumen, cujus non ripas ædificia vestra prætexant? Ubicumque scatebunt aquarum calentium venæ, ibi nova<sup>4</sup> diversoria luxuriæ excitabuntur<sup>5</sup>. Ubicumque in aliquem sinum littus curvabitur, vos protinus fundamenta jacietis; nec contenti solo<sup>6</sup>, nisi quod manu feceritis, maria agetis introrsus. Omnibus licet<sup>7</sup> locis tecta vestra resplendeant, ali-

mutuare ex III de Benef. cap. VIII; item Epist. LXIV, et nostris Admirandis libro, II, cap. XV. Lips.

1. *Decursus est. Aberat est* vulgo: dedit ed. A. cum ms. c. Pinciani et Gruteri. Schw.

2. *Facite vestrum... dum plus sit alieni.* Intell.: et si omnia appetatis, non omnia habebitis, et plus erit semper, quod alii possideant.

3. *Quousque... imminuant.* Conf. Horat. II, 18, 30; III, 1, 33-40; III, 24 init. et Gronovii Diatribæ ad Statium c. 39. Ruhk.

4. *Diversoria. Deversoria* præbent edd. Mat. aliis refragantibus libris. S.

5. *Ubicumque excitabuntur.* E. c; Baitis, Cutiliz, Thesprotiz etc. Gronov. Diatrib. I. I. Ruhk.

6. *Nec contenti solo.* Aggeres, pilas a. moles in ipso mari struebant, iisque ædificia superstruebant, ut notum est. Cf. Tibull. II, 3, 45; Heyne ad Virg. Æn. IX, 711. Conf. Sallust. Bell. Catil. 13. Horat. II, Carm. 2, 9 sq. III, 1, 45. Ruhk.

7. *Omnibus licet locis... in altitud... educta.* Similia et illustrantia loca collegit Mitscherlich. ad Horat. To. I, p. 384; et To. II, p. 15 et 19: ubi inter alia legimus hæc: « Nonne hoc ipso animum iniquum producit divites Romani, quod, prioribus in fastidium adductis, novis usque sese immergant deliciarum generibus? Jam quibus opes suas explicarent, animique ægritudinem et faterentur, et expellere conarentur, plura genera Ho-

cubi imposita montibus, in vastum terrarum marisque prospectum, alicubi ex plano in altitudinem montium educta; quum multa ædificaveritis, quum ingentia, tamen et singula corpora estis, et parvula. Quid prosunt multa cubicula? in uno jacetis. Non est vestrum<sup>1</sup>, ubicumque non estis. Ad vos deinde transeo, quorum profunda et insatiabilis gula hinc maria scrutatur, hinc terras. Alia hamis, alia laqueis, alia retium variis generibus cum magno labore persequitur; nullis animalibus, nisi ex fastidio<sup>2</sup>, pax est. Quantulum enim ex istis epulis, quæ per tot comparatis manus, fæssæ voluptatibus ore libatis? quantulum ex ista fera, periculose capta; dominus crudus ac nauseans gustat? quantulum ex tot conchyliis, tam longe advectis, per istum stomachum inexplabilem labitur? Infelicis etiam, quod non intelligitis, majorem vos famem habere, quam ventrem. » — Hæc aliis dic, ut, dum dicis, audias ipse; scribe, ut, dum scribis, legas; omnia ad mores, et ad sedandam rabiem affectuum referens. Stude, ut non plus aliquid scias, sed ut melius. Vale.

ratus adnumerat: ac primo quidem loco tangit sæculi sui insaniam, villas in mari ædificandi: tum pisces ipsos inducit contracta æquora sentientes jactis in altum molibus; et sic piscinarum maritimarum amplitudinem præclare oculis inbjcit: deni-

que ædificia splendida, pretiosam suppellectilem, etc. etc. » — *Resplendant R. A. c. Vulgo splendant. S.*

1. *Non est vestrum.* Usu videlicet: quorsum autem, sine usu? *Lips.*

2. *Nisi ex fastidio.* Quæ jam edisse non libet. *Lips.*

## EPISTOLA XC.

LAUS PHILOSOPHIÆ: AD ILLAM SOLIUS ANIMI CURAM PERTINERE.

Laudes continet Philosophiæ, quæ hoc efficit, ut bene vivamus. A Diis quidem non data est, sed facultas philosophandi omnibus tributa est. Ea de gravissimis, i. e. de divinis humanisque rebus varum invenire docuit, vitam formavit, consortia et imperia instituit, natura duce. Primo enim sæculo, quod aureum vocant, sapientes regnabant, quibus primæ leges debentur. Artes quoque invenit philosophia. Hactenus Posidonio assentiendum est: sed reliquas artes, quibus vita communis quotidie utitur, Philosophiæ non tribuendas esse, quippe quæ neque avaritiæ neque luxuriæ aliisque vitiis inservisse non dicenda est. Neque ferramenta fabrilis, neque ferri metalla et æris, neque malleus forcipesve, etc., sapientibus viris ortum suum debent, quum sapientiæ sit, necessaria emendare, delicias despicere, verbo, naturam sequi; quippe quæ non omisit offerre omnia, quæ ad vestitum, ad frigoris calorisve vim arcendam idonea, et ubique facilia inventa, sine tot artibus, præsto essent. Eumvero a natura deseivimus, nec contenti iis, quæ terra in summo ferret, magnas multasque artes commenti sumus, quæ supervacua, contraria quæerunt et corpori atque libidinibus inserviunt. Parum itaque Posidonio assentiariis, qui textricum adeo artem a sapientibus dixit inventam et agriulturam, pistrinum panificinmq. Sed enim ratio quidem humana hæc invenit, sed non recta ratio. Nec a sapiente inventa sunt illa minora, quæ ut se minus digna, sordidioribus commisit ministris reperienda: qui idcirco etiamnunc ea tractant, ut multa exempla earum artium Senecæ tempore inventarum doceat, a vilissimis servis profectarum. Enimvero Philosophia alia eademque præstantiora invenit et curat: utilia molitur, pæci favet, genus humanum ad concordiam vocat, vitam format instruitque, regit vitam ideoque artes. Mala adhuc monstrat, iis homines liberat, etc. Proinde ad illas artes quippe non dignas perpetuo usu non venit, nec Anacharsis rotam figuli tanquam sapiens invenit, sed qua homo. Quod de aliis inventis item valet.

Præstantiora sunt, quæ sapiens stoicus invenit, § 34 sq. Attamen sapientes illo rudi sæculo, quod aureum vocant, nondum fuisse verisimile est. Omni quidem fortunæ genere fruebantur illi homines primi, sed quum ars sit, bonum et sapientem fieri, illa autem nondum iis esset, sequitur sapien-

tia eos caruisse. Virtutis et sapientiam materia iis erat, virtus et sapientia non erat.

Memorabilis est hæc epistola duplici nomine. Ac primum quidem ideo, quod decretum de sapientie Stom tractat contra Posidonium, quem hoc in loco de stoicis veteribus descivisse videmus. Deinde propterea pretii non contemnendi est, quod artium historiam egregie juvat, atque adeo a Gogueto, in primis vera a Jo. Beckmanno aliisque harum rerum curiosis sæpe in partes vocata est.

SENECA LUCILIO SUO SALUTEM,

QUIS dubitare, mi Lucili, potest, quin Deorum immortalium munus sit, quod vivimus; Philosophiæ, quod bene<sup>1</sup> vivimus? itaque tanto plus huic nos debere, quam Diis, quanto majus beneficium est bona vitæ, quam vita? Pro certo deberetur<sup>2</sup>, nisi ipsam Dii philosophiam tribuissent; cujus scientiam nulli dederunt, facultatem omnibus. Nam si hanc quoque bonum vulgare fecissent, et prudentes nasceremur; sapientia, quod in se optimum habet, perdidisset, inter fortuita esset<sup>3</sup>. Nunc enim hoc in illa pretiosum atque magnificum est, quod non obvenit, quod illam sibi quisque debet, quod non ab alio petitur. Quid haberes quod in Philosophia suspiceres, si beneficiaria res<sup>4</sup> esset? Hujus opus unum est, de di-

1. *Philosophiæ, quod bene.* Aristotelis illud assidet: « Qui docuissent nos, magis venerabiles debere esse iis qui nos genuissent; hos enim vivendi tantum, illos bene vivendi esse auctores. » *Lips.* — Egregie hanc et sequentem Philosophiæ laudem jam exornaverat Cic. Tusc. Disp. V, 2 in loco celeberrimo: « O vitæ Philosophia dux! o virtutis indagatrix, etc. » quæ Muretus opinatur Ciceronem e Posidonio hausisse. Ab eodem, de Fin. III, 2, 21, philosophia ars vitæ vocatur. Attigit hæc Upton. ad Arriani Diss. Epict. I, 15 init. p. 184 ed. Schweigh. *Ruhk.*

2. *Pro certo deberetur.* Int. certum est nos debituros magis Philosophiæ quam Deo, nisi, etc.

3. *Inter fortuita esset.* Senecæ sermoni et sententiæ ordini hæc lectio aptissima est, quam cum Gron. ex Gruteri conj. recepi. Codd. enim dabant vel, quia inter fortuita nunc esset, vel, quod, sive, quia inter fortuita esset, vel, quia inter f. non e. Editio vetus: quia inter fortuita jam esset. Vides vacillationem eodd. Quod inter fortuita non est occupavit plerasque edd. auctore Mureto. *R.*

4. *Si beneficiaria res.* Beneficium alieni, quamque tribui posset. *Lips.*

vinis humanisque verum invenire; ab hac <sup>1</sup> nunquam recedit justitia, pietas, religio, et omnis alius comitatus virtutum consortiarum, et inter se cohærentium. Hæc docuit colere divina, humana diligere, et penes Deos imperium esse, inter homines consortium; quod aliquandiu inviolatum mansit, antequam societatem avaritia distraxit, et paupertatis causa <sup>2</sup> etiam his, quos fecit locupletissimos, fuit. Desierunt enim <sup>3</sup> omnia possidere, dum  
 3 volunt propria. Sed primi mortalium, quique ex his geniti naturam incorrupti sequebantur, eandem habebant et ducem, et legem, commissi melioris arbitrio <sup>4</sup>. Naturæ est <sup>5</sup> enim, potioribus deteriora submittere. Mutis quidem gregibus aut maxima corpora præsumt, aut vehementissima. Non præcedit armenta degener taurus, sed qui magnitudine ac toris cæteros mares vicit; elephantorum gregem excellentissimus <sup>6</sup> ducit; inter homines  
 4 pro maximo est optimum <sup>7</sup>. Animo itaque rector eligebatur; ideoque summa felicitas erat gentium, in quibus

1. *Ab hac nunquam... cohærentium.* Stoicum hoc dogma esse, et virtutes esse pares et inter se consortas, sæpe jam attigimus. Cf. Tiedemanni Syst. III, p. 137. *Ruhk.*

2. *Paupertatis causa... fuit.* Nam aulea omnia possidebant eum exteris hominibus communiter: nunc, etiamsi multa habeant, pauperes sunt, si respicias ad illa quæ amiserunt.

3. *Desierunt enim omnia... propria.* Avaritia fecit, ut ea, quæ communia fuerant, singulis dividerentur tanquam propria. *Ruhk.*

4. *Commissi melioris arbitrio.* Vertit *Lagrange*: *Ils remettaient leurs intérêts entre les mains du meilleur d'entre eux.*

5. *Naturæ est... submittere.* Jam

antiqua est opinio virorum prudentium, a natura ita omnia esse constituta, ut deteriora potioribus submittantur: quæ, modo ne eupide interpreteris et premas, veritate sua non destituitur. Paucis attigit hæc Upton. p. 325 ad Arrian. Diss. I, 29, 13: ἐν τοῖς ἀνθρώποις οὐκ ἀντιπαρατίθεται τὸ καὶ χεῖρον. Cf. Gatacker ad M. Antonin. VII, 55. *Ruhk.*

6. *Excellentissimus.* Sic *A. c. Excelsissimus* ed. *R.* et aliz ante Gron. quod tenari fortasse debuerat, quum præsertim mox dicat, *inter homines pro maximo.* *Schw.*

7. *Pro maximo est optimum.* *Pro summo* vulgo, ex ed. Veu. Vitiose *proximos* ed. *R.* *Proximo A. c. Veram script. pro maximo* unus seq-



non poterat potentior esse, nisi melior. Tantum enim, quantum vult, potest, qui se, nisi quod debet, non putat posse.

Illo ergo sæculo, quod aureum perhibent, penes Sapientes fuisse regnum, Posidonius<sup>1</sup> iudicat<sup>2</sup>. Hi continebant manus, et infirmiores a validioribus tuebantur; suadebant, dissuadebantque, et utilia atque inutilia monstrabant. Horum prudentia, ne quid deesset suis, providebat; fortitudo arcebat pericula; beneficentia<sup>3</sup> augebat ornabatque subiectos. Officium erat imperare, non regnum. Nemo, quantum posset adversus eos, experiebatur, per quos cœperat posse; nec erat cuiquam aut animus in injuriam, aut causa; quum bene imperanti bene pareretur, nihilque rex majus minari male parentibus posset, quam ut abiret e regno<sup>4</sup>. Sed postquam, subre-

vavit Pal. 3. Dein placuit quidem *optimus*, quod eum ed. Ven. agnoscit ed. A. et ms. c. sed in *optimum* consentiunt ed. R. et Gruteri codd. omnes. *Schw.*

1. *Posidonius*. Posidonii Rhodii, s. Apameensis, (non Olbiopolitæ, quod male affirmat Fabric. Bibl. Gr. III p. 573) magna et philosophi et historici fama erat in Antiquitate: sed nihil nisi fragmenta operum ejus satis copiosorum nobis relieta sunt: quæ utinam collecta haberemus! Celeberrimum ejus opus τὰ μετὰ τὸν Πολύβιον expressit Trogus Pompeius ideoque Justinus etiam lib. 36-42, quod acutissime observavit amicus. Heeren: cf. *Götting. gel. Anz.* anni 1800, p. 393 sq. 1802 p. 641 sq. Unde autem hæc, quæ Seneca affert, petita sint, non liquet. Locus tamen hinc tractationis de sapiente esse potuit in libro ejus περὶ τὸν ὀν (de summo bono,

quem Diog. Laert. VII, 87; cf. ibi Menag. laudat): ubi quum posuisset, summum bonum esse, ita vivere, ut et veritatem et ordinem omnium rerum contempleris (τὸ ζῆν θεωροῦντα τὸν τῶν θεῶν ἀλόφειαν καὶ τάς τε) imaginem quoque sapientis atque ejus virtutem depinxisse videri potest. *R.*

2. *Judicat*. Sequens Æschylum Prometh. vinet. 446 sq. Egregia sententiam hæc extulit Horat. Art. poet. 396 sq. Cf. I Sermon. 3, 99 sqq. qui Lucret. V, 923, sq. expressit. *Ruhk.*

3. *Beneficentia augebat ornabatque* 1. Reete: quoniam alii Codd. et plurimi habent *agebat*. Accedit quod augere et ornare jungi solent. Cf. Grævii Lectt. Hesiod. p. 2 sqq. *Ruhk.*

4. *Quam ut abiret e regno*. Mss. *abirent*. Sed placeret magis: *quam abire se regno*. Gronov. — Si de conatu intellexeris, locum tueris. *R.*

penitibus vitiis, in tyrannidem regna conversa<sup>1</sup> sunt, opus esse cœpit legibus, quas et ipsas inter initia tulere Sapientes. Solon, qui Athenas æquo jure fundavit, inter septem ævi sapientia notus<sup>2</sup>: Lycurgum si eadem ætas tulisset, sacro illi numero accessisset octavum<sup>3</sup>: Zaleuci<sup>4</sup> 6 leges<sup>5</sup> Charondæque laudantur. Hi non in foro, nec in consultorum atrio, sed in Pythagoræ tacito illo sanctoque secessu didicerunt jura, quæ florenti tunc Siciliæ et per Italiam Græciæ ponerent.

Hactenus Posidonio assentio<sup>6</sup>: artes quidem a philosophia inventas, quibus in quotidiano usu vita utitur, non concesserim; nec illi fabricæ asseram<sup>6</sup> gloriam.

1. *Conversa*, R. A. c. *Fersa* vulgo, ab Erasmo. Schw.

2. *Notus*. Tenui cum Ruhkophio, non quidem (ut ille putabat) Pinciani codicibus firmatum, sed ex conjectura editam ab Erasmo: *notos* ex libris suis commendaverat Pincianus, quod repperunt Mur. Lips. et Gron. consentientibus nostris A. c. Pal. 2. et Col. Alii *natos* cum ed. R. Schw.

3. *Accessisset octavum*. Hoc verum judicavi cum Grutero. *Accessisset octavum* ed. Er. Vulgo *accessisset octavus*, a Mur. ex ora Erasmi, nullo libro prorsus assentiente. *Accessisset* dedit quidem ed. R. cum ms. c. et Pal. 3. sed *accessisset* ed. A. et ms. Col. *Accessisset* Pal. 2. Posterior vox miris modis in vet. libris corrupta. Schw.

4. *Zaleuci leges...* ponerent. Hos legumlatores, illum Locrorum Epizephyriorum in Italia (circa ann. ante Christ. 660), hunc haud ita longe post Catanæ, verum diu ante Pythagoram floruisse constat. Nam istum errorem cum multis aliis, quos Bentleius in Diss. supra Phalaridis Epist.

p. 338 sq. ed. Lips. refellit, errasse ne putes Posidonium ἱστοπελάτας hominem, cui Aristoteles de Rep. II, 12, ob oculos fuisse videtur, sed hanc intelligas potius Posidonii fuisse sententiam: hos legumlatores, more aliorum legumlatorum, e. c. Minois, Numæ in similitudine, quali *Pythagoros* utebatur, meditato, præparasse sese ad leges ferendas. Sic (Tacit.) et Dialog. c. 13 init. « malo secerum serretum Virgilii secessum » i. e. eum, quem Virgil. amabat. Conf. Meinertis *Geschichte und Ursprung der Wiss.* Vol. I. p. 472 ubi notam corrigas. Vide Heynii Opusc. acad. Vol. II. R.

5. *Assentio*. *Assentior* vulgo, in vitis libris vet. Schw.

6. *Nec illi fabricæ asseram gloriam*. Sic edd. ante Mur. cum R. A. c. et Gruteri libris. *Nec illam fabr.* ed. Mur. et seqq. ex Pinciani libris. Denique *assertam* ed. Lips. et Gron. non ex sphalm. typogr. ut Ruhk. existimavit, sed ex Lipsii conjectura. S. — Ruhkplus edidit: *aec illam fabr. illum*, inquit, Pinc. ex vet. lect. scriberemus suasit. Obsecutus est Mu-

« Illa, inquit, sparsos, et aut cavis tectos<sup>1</sup>, aut aliqua rupe suffossa, aut exesæ arboris trunco, docuit teeta moliri. » Ego vero philosophiam judico non magis exco-  
gitasse has machinationes tectorum supra tecta surgen-  
tium, et urbium urbes prementium<sup>2</sup>, quam vivaria<sup>3</sup> pis-  
cium in hoc elusa, ut tempestatum pericula non adiret  
gula, et, quamvis acerrime pelago sæviante, haberet  
luxuria portus suos, in quibus distinctos piseium greges  
saginaret. Quid ais? Philosophia docuit homines habere  
clavem et seram? Et quid aliud erat, avaritiæ signum

retus recte. Erasmus et alii: *illi*. Gruterus quid sibi velit *illam* non satis assequi se fatetur. Sensus est: non concedo illis artibus vilioribus gloriam, ipsas quoque esse inventas a philosophia. *Assertam* per plures edd. propagatum sustuli.

1. *Et aut cavis tectos*. Hanc Lipsii et Gronov. conjecturam, et sequentibus auctoris verbis optime consentaneam, et scriptorum lectionibus *caucasis*, *caucalis*, *causis*, *casis*, quoniam maxime propinquam nos omnibus aliis prætulimus, quas tamen legere valet. — Ruhkopf. dat *et e Caucasii lectos*. Reecepi, inquit, secutus omnes fere codd. mss. qui *e Caucasii lectos*, s. *Caucasis* l. s. *e causalis* l. habent: quod quum editores ad unum omnes non exputassent, mutatum est in: *sparsos e casis*. Erasmus. quem Muræus secutus est, emendavit *sparsos et casulis tectos*: utrumque perperam, quandoquidem teeta moliri nondum callerent primi homines. Sed enim Posidonius de Prometheo cogitasse dicendus est, quem ex Æschyl. Prom. 446 sq. et multis aliis veterum locis, quæ sciens omitam, liquido constat, circa Caveasum tradi humanitatem excoluisse et præsertim Caveasins edocuisse. Τὸς ἀνοπάδας

καὶ τῶν Κανασιῶν ἐκλεχτοῦ; fortasse scripserat Posidonius, docte opinione illa de Prom. sapientia, qua de hominibus meruit, in usum suum conversa. — Schweigh. dat *et casulis tectos*. Ut Erasmi et Gruteri codices, inquit, sic et nostri libri vitiose: *e causis lectos* ed. R.; *e casis lectos* ed. Ven.; *e caucasis lectos* ed. A. et ms. e.; *et casulis tectos* ex conject. ed. Erasmi. Mur. et Lips.; *et aut cavis tectos* ed. Gron. ex Lipsii conject.; *et e Caucasii lectos*, ut unice verum, tuetur Ruhk. Ego mea de conject. *et causis tectos* scripsi. *Causia* autem non solum vocabatur, ut Lexicographi veteres docent, *pilei barbarici genus*; sed eodem nomine etiam intelligebatur (ut ex Veget. IV, 15, discimus) *vineæ sive crates*. Itaque in loco huic parallelo (paulo infra, § 15) ubi ad idem argumentum redit auctor, ait: *Quid ergo? non quamlibet virream crates læxerunt manu?* Eodemque pertinent (§ 9) *spissata ramalia*, ac frons congesta *et in proclivē disposita*. Schw.

2. *Et urbium urbes prementium*. Sic Gronovii et quinque Grut. codd. cum Erasmi. et edit. vet. Antea: *et urbes prementium*. Ruhk.

3. *Vivaria*. Jain Tibull. II, 3, 45

dare? Philosophia hæc cum tanto habitantium periculo  
 8 imminetia tecta suspendit? Parum enim erat fortuitis  
 tegi, et sine arte et difficultate naturale sibi invenire  
 aliquod receptaculum! Mihi crede, felix illud sæculum  
 ante ἀρχαίχρονος fuit. Ista nata sunt jam nascente luxu-  
 ria, in quadratum tigna decidere, et, serra<sup>1</sup> per desi-  
 gnata currente, certa manu trabem scindere.

Nam primi cuneis scindebant fissile lignum<sup>2</sup>.

Non enim tecta cœnationi, epulum<sup>3</sup> recepturæ, para-  
 bantur; nec in hunc usum pinus aut abies deferebatur  
 longo vehiculorum ordine, vicis intrementibus<sup>4</sup>, ut ex  
 9 illa lacunaria<sup>5</sup> auro gravia penderent. Furcæ utrimque  
 suspensæ fulciebant casam: spissatis ramalibus, ac fronde  
 congesta et in proclive disposita, decursus imbribus,  
 quamvis magnis, erat. Sub his tectis habitare securi.  
 Culmus liberos texit; sub marmore atque auro servi-  
 tus habitat. In illo quoque dissentio a Posidonio, quod  
 «ferramenta fabrilia excogitata a sapientibus viris judi-  
 cat.» Isto enim modo dicat licet *Sapientes*, per quos

Tunc laqueis captare feras, et fallere visco

Inventum, et magnos canibus circumdare saltus<sup>6</sup>.

10 Omnia enim ista sagacitas hominum, non sapientia in-  
 venit. In hoc quoque dissentio, «Sapientes fuisse, qui

et Varro R. R. III, 17 memorant  
 hunc locum. *Ruhk.*

1. *Serra* cum Grut. Lips. et Gron.  
 e codd. Pinc. al. recepi. Antea *ferro. R.*

2. *Lignum*. Versus est Virgilii,  
 Ge. I, 144. *Ruhk.*

3. *Epulum*. Magnum et amplum  
 convivium. Nec displiceat scribi, *popu-  
 lum*; ita Seneca epist. CXV. *Capa-  
 cem populi cœnationem. L.* — *Epu-  
 lum*, inquit *Ruhk.*, quod populo da-  
 batur convivium. De Benef. I. 12.

4. *Vicis intrementibus*. Juvenalis  
 Sat. III: «... Modo longa coruscat  
 Sarraco veniente abies, atque altera  
 pinum Plaustra vehunt: intant alte,  
 populoque minantur.»

5. *Lacunaria*. Quæ nos *plafonds*  
 vocamus. Cf. Hor. Carm. II, 18, 2  
 in p. Ernesti ad Suet. Neron. 34. *R.*

6. *Saltus*. Mox versus est Virgil  
 Ge. I, 139. De progressu humani-  
 tatis similia habet Vitruv. II, 1 ed.  
 Rodii. *Ruhk.*

ferri metalla et æris invenerint<sup>1</sup>, quum incendio silvarum adusta tellus in summo vcnas jacentes liqucfactas fudisset. » Ista tales inveniunt, quales colunt. Ne illa quidem tam subtilis quæstio mihi videtur, quam Posidonio : « Utrum malleus in usu esse prius, an forcipes cœperint. » Utraque invenit aliquis exercitati ingenii, acuti, non magni, nec elati; et quidquid aliud corpore incurvato, et animo humum spectante, quærendum est. Sapiens facilis victu fuit<sup>2</sup>. Quidni? quum hoc quoque sæculo esse quam expeditissimus cupiat.

Quomodo<sup>3</sup>, oro te, convenit, ut et Diogenem<sup>4</sup> mire-  
ris, et Dædalum<sup>5</sup>? Uter ex his sapiens tibi videtur? qui  
serram commentus est? an ille, qui, quum vidisset pue-  
rum cava manu bibentem aquam, fregit protinus exem-  
ptum e perula calicem, hac objurgatione sui : « Quamdiu  
homo stultus supervacuas sarcinulas habui? » qui se com-  
plicuit in dolio, et in eo cubitavit? Hodie<sup>6</sup> utrum tandem  
sapientioreni putas, qui invenit quemadmodum in im-

1. *Invenerint. A. c. Vulgo inven-  
runt. Schw.*

2. *Sapiens facilis victu fuit. Para-  
tum vietum habet, nullo labore im-  
penso. De hæ loquendi formula. cf.  
Heynium ad Virgil. Æn. I, 443 Exc.  
Casaubon. ad Sueton. Cæs. 53, init.  
Ruhk.*

3. *Quomodo... convenit. Quomodo  
hæ simul stare possunt, ut tam di-  
versos homines aliquis miretur? De  
dolio Diogenis Sinopensis multum  
disputatum est; et quidni in eo cu-  
bitasse dicatur? Cf. Bruckeri Hist.  
crit. I. p. 872 sq. Ruhk.*

4. *Et Diogenem. R. A. c. Abest  
vulgo prior vocula, quamvis ad sen-  
tentiam necessaria. Schw.*

5. *Dædalum. Sic omnes codd.*

Grut. et edd. Muretus tamen inve-  
nisse dicit in suo codice : *Talum*;  
et verius est hoc. Sed Seneca neque  
Dædalum scripsit ac postea Plin. N.  
H. VII, 56 : fabricam materiariam  
invenit Dædalus et in ea serram. De  
re ipsa consulas Jo. Beekmann. *Be-  
träge zur Gesch. der Erfind.* II. p.  
256 sq. Ruhk. — At Ovidius serræ  
inventorem fecit *Perdicem*, Dædali  
sororis filium. Ita enim de eo scribit  
octavo *Metamorphoseon* : « Ille etiam  
medio spinas in pisce notatas Traxit  
in exemplum; ferroque incidit acuto  
Perpetuos dentes, et serræ repperit  
usum Primus. »

6. *Hodie. Tenent libri omnes. Cur  
Hoc die scriberet Ruhk. nulla causa  
erat. — Qui Ruhk. e margine codd.*

mensam altitudinem crocum latentibus fistulis <sup>1</sup> exprimat; qui Euripos <sup>2</sup> subito aquarum impetu implet aut siecat, et versatilia <sup>3</sup> carnationum laquearia ita coagmentat, ut subinde alia facies atque alia succedat, et toties teeta, quoties fereula, mutantur? an eum, qui et aliis et sibi hoc monstrat, quam nihil nobis natura durum ac difficile imperaverit? posse nos habitare sine marmorario ac fa-  
 13 bro; posse nos vestitos esse sine commercio <sup>4</sup> Serum; posse nos habere usibus nostris necessaria, si contenti fuerimus his, quæ terra posuit in summo <sup>5</sup>. Quem si audire humanum genus voluerit, tam supervacuum sciet sibi coquum esse, quam militem <sup>6</sup>. Illi sapientes fuerunt, aut certe sapientibus similes, quibus expedita erat tutela cor-  
 14 poris. Simplicei cura constant necessaria; in delicias laboratur. Non desiderabis artifices, si sequeris naturam: illa noluit esse districtos<sup>7</sup>; ad quæcumque nos egebat,

Palatini tertii recepisse se dicebat.

1. *Crocum latentibus fistulis exprimat.* Jam Ovidius A. A. I, 103: «Tunc neque marmoreo pendebant vela theatro, Nec fuerant liquido pulpita rubra eroco.» Prop. IV, 1, 15 et 16 ubi conf. Burmann. Nat. Quæst. II, 9. Erat hæc inventio romana, sed din ante Senecam facta. R.

2. *Qui Euripos.* Fossas s. canales, quibus Cæsarem Dietatorem primum arenam s. Circum cirenmdidisse refert Plin. N. H. VIII, 7. Locum Frontini de Aqædoct. rom. c. 97, de ioundatione Circi per occultos canales ex aquæduetibus facta, ut Naumachiz fierent, intellexerim: unde liquet, jam ante Senecæ ævum hæc etiam esse iovenita. Ruhk.

3. *Versatilia... mutantur.* I. e. quocumque novo fereulo subministrato teeta conclavis (carnationis)

mutabantur. Attigit Sueton. Neron. 31, 34 ubi vide not. Ruhk.

4. *Serum.* Seres io Sinæ finibus occidentalibus, nunc Tangut, habitabant. D'Anville monstravit hunc situm, probante Jo. Matth. Sprengelio in *Geschichte der wichtigsten geogr. Entdeck.* p. 126 ed. II. Vestes inde Romam advectæ, sericæ vocatæ. Cf. Intpp. ad Virgil. Ge. II, 121. Ruhk.

5. *Terra posuit in summo.* Non in imo, ut metalla. In summo sunt herbæ, fruges, stirpes. Lips.

6. *Quam militem.* Nam bella et talibus, ex auro, inquam, et luxu. L. — Nec ista locus eget interpretatione: supervacuum esset miles, quia sapiens omnes doceret virtutem, ideoque humanitatem; eoquus inotilis, quia doceret sapiens temperantiam.

7. *Districtos.* Seil. Multis negotiis

instruxit. Frigus intolerabile est corpori nudo. Quid ergo? non pelles<sup>1</sup> ferarum et aliorum animalium a frigore satis abundeque defendere queunt? non corticibus<sup>2</sup> arborum pleræque gentes tegunt corpora? non avium plumæ in usum vestis conseruntur<sup>3</sup>? non hodieque magna Scytharum<sup>4</sup> pars tergis vulpium induitur ac murium, quæ tactu mollia et impenetrabilia ventis sunt? — Opus est tamen 15 calorem solis æstivi umbra crassiore propellere. — Quid ergo? non vetustas multa abdidit loca, quæ vel injuria temporis, vel alio quolibet casu excavata in specum recesserunt? Quid ergo? non quamlibet virgream cratem texuerunt manu, et vili oblinierunt<sup>5</sup> luto, deinde stipula aliisque silvestribus operuere fastigium, et, pluviis per devexa labentibus, hiemem transiere securi? Quid ergo? 16 non in defosso<sup>6</sup> latent Syrticæ gentes? quibus propter nimios solis ardores nullum tegumentum satis repellendis caloribus solidum est, nisi ipsa arens humus.

ad illas delicias comparandas. *Ruhk.*

1. *Non pelles.* A. c. Pal. 2 et Col. Delevi *numquid*, e scholio vulgo præpositum. *Schw.*

2. *Non corticibus... corpora? Sunt* ἰσθητὸς φλδίνου ap. Herodot. al. de quibus vide Forster, de bysso antiquor. p. 30 sq. E cortice mori papyriferae hodieque Otahitas vestes sibi conficere notum est. *Ruhk.*

3. *Non avium... conseruntur.* Exemplo est Philoctetes in insula Lemno relictus, Attii ap. Cic. de Fin. V, 11. « Configo tardus celeres, stans volatiles, Pro veste pinnis membra taxitis contegens. » Ovid. Met. XIII, 53. Quintus Calab. IX, 356 sq., et Americani a Lipsio citati, qui plumatili veste hac utuntur. *Ruhk.*

4. *Non hodieque magna Scytharum... sunt.* Sunt isti mores scythici

Martium et Hermelinarum nomine noti. — Justinus: « Lanæ iis usus ignotus; pellibus tantum ferinis aut marinis vestiuntur. » De marinis haud temere mutem: nam et in Tacito est de pellibus belluarum, quas exterior Oceanus gignit. Tamen alii *murinis*, quod esset hic pro Seneca, de *muribus*. Quod de Scythiis Seneca, idem de Germanis Tacitus: « Gerunt et ferarum pelles, proximi ripæ negligentias, ultiores exquisitis. » Isodorus: « Mastruca, vestis Germanica ex pelliculis ferarum. » *Lips.*

5. *Oblinierunt.* R. A. c. Vulgo *obleverunt.* *Schw.*

6. *Quid ergo? non in defosso... arens humus.* Unde hæc sumpserit, dicere non habeo. Herodotus quidem de his populis, qui syrticam Africæ regionem ad mare mediterraneum si-

- Non fuit tam inimica natura, ut, quum omnibus aliis animalibus facilem actum vitæ daret, homo solus non posset sine tot artibus vivere. Nihil horum ab illa nobis impratum est, nihil ægre quærendum, ut possit vita produci. Ad parata <sup>1</sup> nati sumus : nos omnia nobis diffi-
- <sup>17</sup> cilia faciliū fastidio fecimus. Tecta tegumentaue, et fomenta corporum, et cibi, et quæ nunc ingens negotium facta sunt, obvia erant, et gratuita, et opera levi parabilia; modus enim omnium, prout postulabat necessitas, erat; nos ista pretiosa, nos mira, nos magnis multisque conquirenda artibus fecimus. Sufficit ad id natura, quod poscit. A natura luxuria descivit; quæ quotidie se ipsa incitat, et tot sæculis crescit, et ingenio adjuvat vitia.
- <sup>18</sup> Primo supervacua cœpit concupiscere, inde contraria, novissime animum corpori addixit, et illius deservire libidini jussit. Omnes istæ artes, quibus aut <sup>2</sup> excitatur civitas aut strepit, corporis negotium gerunt; cni omnia olim tanquam servo præstabantur, nunc tanquam domino parantur. Itaque hinc <sup>3</sup> textorum, hinc fabrorum officinæ sunt, hinc odores coquentium, hinc molles corporis motus docentium, mollesque cantus et infractos.
- <sup>19</sup> Reccessit enim ille naturalis modus, desideria ope necessaria finiens : jam rusticitatis et miseræ est, velle quantum sat est.

Incredibile est, mi Lucili, quam facile etiam magnos

tam incohlunt, exponeus IV, 168 sq. hujus rei non meminit. Tröglodytas ibi non habitasse constat. *Ruhk.*

1. *Ad parata.* Εὐεργετῶν, quæ in promptu, ad manum sunt omnibus. Sic Horat. Carm. I, 31, 17 præcatur : « Frui paratis et valido mibi, lateo, dones. » *Ruhk.*

2. *Excitatur.* Pro *excitatur*, quæ

vulgata lectio optimam præbet sensum, Schweigh. dat *circitatur* quod vix latinum est, sed quod præstant ed. *R.* eum ms. *Arg. a* (nam nunc tandem, inquit, nobis suppetias venit noster ille vetustissimus codex), et Ires Pal. et Col. Vulgatum *excitatur* dare *A. c.* fatetur.

3. *Itaque hinc... infractos.* Cf. ad



viros dulcedo orationis abducatur a vero. Ecce <sup>1</sup> Posidonius, (ut mea fert opinio, ex his <sup>2</sup> qui plurimum philosophiæ contulerunt), dum vult describere primum, quemadmodum alia torqueantur fila, alia ex molli solutoque ducantur; deinde, quemadmodum tela suspensis ponderibus <sup>30</sup> rectum stamen extendat; quemadmodum subtemen insertum, quod duritiam utrimque comprimentis tramæ remolliat, spatha coire cogatur et jungi; textrini <sup>3</sup> quoque artem a sapientibus dixit inventam, oblitus, postea repertum hoc subtilius genus <sup>4</sup>, in quo

Tela jugo juncta est, stamen secernit arundo;  
Inseritur mediis radiis subtemen acutis,  
Quod lato feriant <sup>5</sup> insecti pectine dentes.

Ep. 15, 6. Luxum, quem hic taxat, recte caput omnium harum inventionum et artium prodiit Seneca, qui tamen in fervore, quem Russavianum merito vocaveris, naturalem rerum indolem habitumque laudandi, modum excedit. *Ruhk.*

1. Ecce Posidonius... sed nullum pudori est. Descripserat itaque Posidonius, quomodo alia fila plura in unum torqueantur, gyrgillo adhibito, alia ex molli solutoque i. e. a lana ducantur, neantur: deinde explicaverat antiquiorem texendi artem, quum telæ s. tramæ stamina (*Kette*) a ligno transmissa suspensa, ideoque ad perpendicularum directæ lapidum ponderibus infra appensis extenderentur, et subtemen mollior inter tramæ stamina duriora immixtum sursum versus *spathâ* s. radio, non pectine, textorio, quam textrix manu regebat, impulsu percutebatur, atque ita tela densaretur. *Ruhk.* — Non facile est ex hac brevi *Ruhk.* explicatione plane intelligere quæ ratione tela apud antiquos fieret: utile igitur nobis visum est, si difficilis illa

questio longiori disputationi subiceretur; ideo ad calcem hujus Epistolæ applicuimus, Excursus titulo, notas ex Nostratis *Lagrange* versione excerptas, quibus huic loco lox clarior admoveatur. Quas vide.

2. Ex his. Sic ms. a. com R. A. c. Vulgo unus ex iis. *Schæp.*

3. Textrini. Hanc lect. dant Piniciani et Grot. codd. omnes. *Textricum* receperant jam Lips. et Gron. R.

4. Subtilius genus textrini, derelicta tela pendula atque recta, inventum est, scilicet tela plana s. jogalis, quam versibus Ovid. Met. VI, 54 sq. uno male omisso, describit Seneca. Egregie totam hanc artem texendi veterum explicavit Schniederus in Indice editioni suæ Scriptorum de R. R. adjecto, sub voce *Tela*, unda mutuatus sum, quæ consilio meo convenirent. *Ruhk.*

5. Feriunt. Plerique scripti dant *paviant*, pro quo Schiweigh. conjicit *paviunt* quod idem fere significat ac *feriunt*. Gallie enim vertitur: *Battre pour aplanir*. Scripsi, inquit, ex certissima Gruteri conject. quum pa-

- 21 Quid si contigisset illi addere<sup>1</sup> has nostri temporis telas, quibus vestis nihil celatura<sup>2</sup> conficitur, in qua non dico nullum corpori auxilium, sed nullum pudori est? Transit deinde ad agricolas, nec minus facunde describit prosciissum aratro solum, et iteratum<sup>3</sup>, quo solutior terra facilius pateat radicibus; tunc sparsa semina, et collectas manu herbas, ne quid fortuitum et agreste succrescat, quod necet segetem. Hoc quoque opus ait esse sapientium; tanquam non nunc quoque plurima cultores agrorum nova inveniant, per quæ fertilitas augeatur. Deinde non est contentus his artibus, sed in pistrinum sapientem submittit. Narrat enim, quemadmodum, rerum naturam imitatus, panem cœperit facere: « Receptas, inquit, in os fruges concurrrens inter se duritia dentium frangit, et, quidquid excidit, ad eosdem dentes lingua refertur; tunc vero miscetur<sup>4</sup>, ut facilius per fauces lubricas transeat: quum pervenit in ventrem, <sup>5</sup>aqualiculi
- 23 fervore concoquitur; tunc demum corpori accedit. Hoc aliquis secutus exemplar, lapidem asperum aspero im-

riunt dedissent veteres libri omoes. Feriunt ex vulgatis Ovidii libris invenit Mur. Schw.

1. Si contigisset illi addere, i. e. si addere potuisset, si contigisset illi ut addere potuisset. Vulgo videre, ex Erasmi iog. Schw.

2. Vestis nihil celatura. Int. bombycina, quæ Suidas ἀσπαρῆ λακωνικὰ vocali voce ἀσπαρῆ. Sunt autem vestes Coe, teouitate sua iofames, oebula linea ap. Poblum Syrum Petronii 55. Hinc Horat. Serm. I, 2, 101 « Cois tibi piene videre est nudam. » Cf. post Lipsium ad Tacit. Ann. II, 33, Heynium ad Tibull. II, 3, 54. R.

3. Et iteratum a Pioetino est, elsi omnes mss. habent: inter aratrum.

Sed bene boous censor, ait Lipsius; est coim agriculturæ vox. R.

4. Tunc vero miscetur. Sic ed. R. et A. eum ms. a. et c. quibus et alii (ut suspicor) veteres libri assentiuntur. Vulgo tunc vero saliva miscetur, ab Erasmo. Sed, ut vinum miscere dicimus, intelligentes aqua, sic et hic nade miscetur stare potuerit. S.— Seos. : Quidquid excidit miscetur saliva, et io minutissimas partes teritur, ut dempta asperitate, ooo lædal fauces delicatas, et facilius descendat.

5. Aqualiculi. I. stomachi. Cæterum suo consilio res attemperasse Posidonium liquet ex iis, quæ Jo. Beckmann Beytr. zur Gesch. der Erf. II, nr. I, docte exposuit. Spectat huc

posuit, ad similitudinem dentium, quorum pars immobilis motum alterius exspectat; deinde utriusque attritu grana franguntur, et sæpius regeruntur, donec ad minutiam frequenter trita redigantur. Tunc farinam aqua sparsit, et assidua tractatione perdomuit, finxitque panem; quem primo cinis calidus et fervens testa percoxit: deinde furni paulatim reperti, et alia genera, quorum fervor serviret arbitrio. » — Non multum absuit<sup>1</sup>, quin<sup>2</sup> sutrinum quoque inventum a sapientibus diceret.

Omnia ista ratio quidem, sed non recta ratio, commenta est. Hominis enim, non Sapientis, inventa sunt; tam mehercules, quam navigia, quibus amnes, quibusque maria transivimus, aptatis ad excipiendum ventorum impetum velis, et additis a tergo gubernaculis, quæ huc atque illuc cursum navigii torquant: exemplum a piscibus tractum est, qui cauda reguntur, et levi ejus in utrumque momento velocitatem suam flectunt<sup>3</sup>. « Omnia, »<sup>4</sup> inquit, hæc Sapiens quidem invenit; sed minora, quam ut ipse tractaret, sordidioribus ministris dedit. » Imo non ab aliis<sup>5</sup> excogitata ista sunt, quam a quibus hodieque curantur. Quædam nostra demum prodiisse memoria scimus: ut speculariorum usum<sup>6</sup>, perlucente testa cla-

ænigma Symposii LI in Wernsdorf. Poet. Lat. Min. VI, 2. p. 517. De panificio eruditissime egit Heynius in Opusc. Acad. Vol. I. p. 363 sq., nostri loci non immemor. Rnhk.

1. Non multum absuit... diceret. Satis facete his verbis pro lemmate usus est Petrus Camperus in libro celebratissimo, *sur la meilleure forme des Souliers*. 1781. Rnhk.

2. Velocitatem suam flectunt. Vide Buffon verbo *cygne* pulcherrimam in ipsa avis cum nave comparisonem.

3. Non ab aliis... quam a quibus. Duæ præpositiones, ab et a desunt veteribus libris omnibus. Schw.

4. Speculariorum usum. Specularia, quadræ sive orbes fenestris inserti, ad lucem intermittendam, ventos excludendos: vicem et usum hodie vitreorum. Dicta a lapide speculari: cui hoc nomen a natura traluceente. Creber olim in Hispania, Cypro, Cappadocia, Africa; nunc sitne in notitia, nescio, vix in usu, at olim frequenti: neque enim cœnationes

rum transmittentium lumen; ut suspensuras <sup>1</sup> balnearum, et impressos parietibus tubos, per quos circumfundere-tur calor, qui ima simul ac summa foveret æqualiter.

- <sup>26</sup> Quid loquar marmora<sup>2</sup>, quibus templa, quibus domus fulgent? Quid lapideas<sup>3</sup> moles in rotundum ac leve formatas, quibus porticus et capacia populorum tecta suscipimus? quid verborum notas<sup>4</sup>, quibus quamvis citata excipitur oratio, et celeritatem linguæ manus sequitur? Vilissimorum mancipiorum ista commenta sunt: sapientia altius sedet, nec manus edocet; animorum magistra est.
- <sup>27</sup> Vis scire, quid illa eruerit, quid effecerit<sup>5</sup>? Non dedecoros<sup>6</sup> corporis motus, nec varios per tubam ac tibiam cantus, quibus exceptus spiritus, aut in exitu<sup>7</sup>, aut in transitu<sup>8</sup>, formatur in vocem; non arma, nec muros, nec bella: utilia molitur, paci favet, et genus humanum ad

solum aut cubacula illustrabant, sed balnea (supra Epist. LXXXVI) sed totas porticus, in Plinii Epist. XVII lib. II. Item pomaria et hortos (tanta copia erat) contra cæli injurias sic clauderant: ex Martiali palam lib. VIII, Epig. XIV et LXVIII; adde nostrum de Provid. cap. IV. § 9. — Sæpe occurrit speculariorum usus, e. c. E. 86, 9. Cf. Wernsdorf. Poet. Lat. Min. VI, 2 p. 542 sq. *Ruhk.*

1. *Suspensuras balnearum.* Recte explicat Lipsius de balneis antea simpliciter solo instructis, nunc autem a terra paulum allevatis super hypocausta et camerationes suppositas, ubi ignis erat; at superiora per *impressos parietibus tubos* calefiebant. Cf. ad §, 9 de Provid. Propter hanc elevationem pensilia balnea vocata, de quibus cf. Schœder. ad Pallad. I, 40. p. 44, et Jo. Beckmann *Beitrage zur Gesch. d. E.* II, 3 p. 428 qui nostro

loco et Wjoekelmanno nos est. *R.*

2. *Quid loquar marmora... fulgent?* Vid. ad Ep. LXXXVI, 5. *Ruhk.*

3. *Quid lapideas... suscipimus?*

1. e. quare columnas, quibus suspendimus, suffulcimus etc. *Ruhk.*

4. *Verborum notas.* De Verborum notis, *Short hand* vocant Angli, exsecutus est Lipsius in Epist. XXVII Centur. I ad Belgas. Wower de Polymathia c. VI, p. 40 sq. (notæ præpetes, quibus tachygraphi utebantur, *onq̃uiz*, Manil. IV, 197. Plut. Caton. min. To. I. p. 770. B. C.) *Ruhk.* — Quæ ars apud nos, *stenographia* nomine nota, nunc a multis excolitur.

5. *Quid effecerit.* Sic a. c. A. Vulgo *quidve eff.* ex ed. *R. Schw.*

6. *Dedecoros.* Dedere a. c. A. *Dedecores* ed. *R.* ne id quidem male. *Indecoros* vulgo. *Schw.*

7. *Aut in exitu.* Sicut in tuba. *L.*

8. *Aut in trans.* In foratili tibia. *L.*

concordiam vocat. Non est, inquam, instrumentorum ad usus necessarios opifex.

Quid illi tam parvula assignas? Artificem vides vitæ. Alias quidem artes sub dominio habet; nam cui vita, illi vitæ quoque ornamenta serviunt: cæterum ad beatum statum tendit; illo ducit, illo vias aperit. Quæ sint mala, <sup>28</sup> quæ videantur <sup>1</sup>, ostendit; vanitatem exiit mentibus, dat magnitudinem solidam; inflatam vero, et ex inani speciosam reprimit; nec ignorari sinit, inter magna quid intersit et tumida: totius naturæ notitiam, ac suæ, <sup>2</sup> tradit. Quid sint Dii, qualesque, declarat; quid inferi, quid lares et genii <sup>3</sup>; quid in secundam numinum formam animæ perpetitæ <sup>4</sup>; ubi consistent <sup>5</sup>, quid agant, quid possint, quid velint. Hæc ejus initiamenta sunt, per quæ non mu- <sup>29</sup> nicipale sacrum <sup>6</sup>, sed ingens Deorum omnium templum, mundus ipse, reseratur; cujus vera simulacra, verasque facies cernendas mentibus protulit: nam ad spectacula tam magna hebes visus est. Ad initia deinde rerum redit, æternamque rationem toti inditam <sup>7</sup>, et vim omnium se-

1. *Quæ sint mala, quæ vid.* I. e. quæ sint vere mala, quæ tantum in opinione. — Vides hic et sqq. §. compendium totius philosophiæ stoicæ, quod in Epist. LXXXIX, 12 sq. pluribus executus est. Moralis pars pertinet usque ad verba: Quid sint dii etc. ubi naturalis pars incipit, quem §. 30 excipit pars rationalis. *Ruhk.*

2. *Ac suæ, tradit.* Alludit ad finem, vivere secundum naturam universi, ac suam: de quo ego Manud. III aliquot Dissertationibus. *Lips.*

3. *Lares et genii.* Quum totum mundum, ætherem et terram animæ replent, tum ætherem i. e. ætherem heroibus, laribus et geniis attribuebant stoici. Genii per totum sparsi tu-

telares agunt, lares cuique domo præsent. Cf. *Lips. Physiol.* I, 18 *Ruhk.*

4. *In secundam numinum formam animæ perpetitæ.* Numinum e conjunct. correxit *Erasm.* Mendose nominum *R. A. a. c.* (Similiter pro *numinis* est *nominis* in ms. a.) Tum vero *perpetitæ* dedit idem ms. a. id est, perpetuæ, immortalitate donatæ et in secundam omnium formam (i. e. ordiensem) translata. Alii vulgo *perpetuæ*. *Schw.*

5. *Ubi consistent.* Circa ipsum ætherem, et cælum lunæ. Nos in *Physiol. Diss.* xiv. *Lips.*

6. *Sacrum.* Intellige idem sacram, *teplø*: ut apud *Quintil.* I. 4, 6. *Schw.*

7. *Rationem toti inditam.* In cor-

minum<sup>1</sup> singula proprie figurantem. Tum de animo cœpit inquirere, undc esset, ubi, quamdiu, in quot<sup>2</sup> membra  
 30 divisus. Deinde a corporibus<sup>3</sup> se ad incorporea trans-  
 tulit, veritatemque et argumenta ejus excussit : post hæc,  
 quemadmodum discernerentur vitæ ac vocis ambigua<sup>4</sup>; in  
 utraque enim falsa veris immixta sunt.

Non abduxit<sup>5</sup>, inquam, se, ut Posidonio videtur, ab  
 istis artibus Sapiens, sed ad illas omnino non venit. Nihil  
 enim dignum inventu judicasset, quod non erat dignum  
 perpetuo usu judicaturus; ponenda non sumeret. — « Ana-  
 charsis<sup>6</sup>, inquit, invenit rotam figuli, cujus circuitu vasa  
 31 formantur. » Deinde, quia apud Homerum<sup>7</sup> invenitur fi-  
 guli rota, mavult videri versus falsos esse, quam fabulam.  
 Ego nec Anacharsin auctorem hujus rei fuisse contendo;  
 et, si fuit, sapiens quidem hoc invenit, sed non tanquam  
 sapiens; sicut multa sapientes faciunt, qua homines sunt,  
 non qua sapientes. Puta velocissimum esse sapientem :  
 cursu omnes anteibit, qua velox est, non qua sapientia.

poralem illam rationem, de qua Physi-  
 sol. t. Diss. VII. Toti autem id est  
 Mundo. Nam stoicus sermo disparat  
 hoc ab universo. Nos quoque in Physi-  
 sol. II Dissert. v. Lips.

1. *Fim omnium seminum.* De qua  
 vide Physiolog. Stoic. lib. III, Dis-  
 sertation. IV. Lips.

2. *In quot membra.* Itæ partes  
 appellat : quæ stoicis octo sunt. Vi-  
 de Physiolog. Stoic. lib. III, Disser-  
 tation. XVII. Lips.

3. *Deinde a corporibus.* I. e. ani-  
 mo. Cf. Ep. 113. Ruhk.

4. *Vitæ ac vocis ambigua.* Sic  
 noster ms. c. Sed vitæ aut vocis amb.  
 præferunt edd. R. A. c. et ms. a. qui-  
 bus baud dubie alii codices assen-  
 tiuntur. Mireris vero ridiculum erra-

tum, vitæ ac necis, ex ed. Er. in alias  
 omnes editiones propagatum, nemine  
 ne dubitationem quidem ullam signi-  
 ficante, nedum melius quidpiam re-  
 quirente. Schw.

5. *Non abduxit... venit.* Spectant  
 ad § 25. « Omnia, inquit, hæc sapiens  
 quidem invenit, sed minora, quam  
 ut ipse tractaret, sordidioribus mi-  
 nistris dedit » : quæ refutat Seneca.  
 — *Ponenda*; i. deponenda. Ruhk.

6. *Anacharsis, inquit... forman-  
 tur... fabulam.* Diogen. Laert. I, 103  
 ubi Menag. Ephorus Strabonis VII,  
 3, 9 p. 370 ed. Lips. idem tradunt.  
 Ruhk.

7. *Apud Homerum.* Homeri ver-  
 sus extat Iliad. α, vs. 600, ubi conf.  
 Heyne. Ruhk.

Cuperem<sup>1</sup> Posidonio aliquem vitriarium<sup>2</sup> ostendere, qui spiritu vitrum in habitus plurimos format, qui vix diligenti manu effingerentur. Hæc inventa sunt, postquam<sup>3</sup> sapientem invenire desivimus. — « Democritus<sup>3</sup>, inquit, invenisse dicitur fornicem, ut lapidum curvatura paulatim inclinatorum medio saxo alligaretur. » — Hoc dicam falsum esse. Necesse est enim, ante Democritum<sup>4</sup> et pontes et portas fuisse, quarum fere summa curvantur. Excidit porro vobis<sup>5</sup>, eundem Democritum invenisse, quemadmodum ebur molliretur<sup>6</sup>, quemadmodum decoctus<sup>6</sup> calculus in smaragdum converteretur, qua hodieque coctura inventi lapides in hoc utiles<sup>7</sup> colorantur. Ista sapiens licet invenerit, non, qua sapiens erat, invenit :

1. *Cuperem... effingerentur.* Hæc formatura, quæ hodieque obtinet, nova isto tempore fuisse videtur. Cf. *Miscellaneous Works of Middleton* Vol. IV p. 43, qui ante VVessel. ad Diod. 3, 16, Gesneri, Hambergeri et Michaelis disquisitiones super vitro, diligenter hæc exsecutus est, et hunc locum advertit. *Ruhk.*

2. *Vitriarium*, non *vitriarium*, dedere libri nostri. *Schw.*

3. *Democritus.* De Democrito unus Posidonius hæc exposuit : quæ quoniam Seneca refellat, non cogitavit, et pontes portasque fuisse ligneos nullam curvaturam poscentes. *R.*

4. *Vobis.* Sic. ms. a. cum edd. *Nobis* dant A. c. *Schw.*

5. *Molliretur.* Sic optime codd. et vet. edd. *Molliretur* est Pineiani conjectura non admittenda. — *Ebur enim molliebatur* ζέον, cerevisiæ genere, si fides habenda est Plut. Vol. X. p. 89, quem Gronovio ad h. l. debeo. Plura dedit Heyne in Nov. Commentar. Soc. Reg. Gott. To. I. nr. VI, de veterum ebore eburneis-

que signis. Cf. Schneider ad Eclog. phys. p. 16. *Ruhk.*

6. *Decoctus... colorantur.* De fluore vitreo intelligam, quo gemmas, murrhina s. murrham etc. imitari solebant veteres, calce metallica vitreo crystallino purissimo jam liquefacto addita. Sic colorantur. Hoc hodieque fit. Jo. Beckmann tamen in *Beytragen zur Gesch. der Erf.* I. p. 3;6 de cæmentatione, qua crystallo montano color viridis additus sit, intelligere mavult. *Ruhk.* — Sic *Lagrange* hunc locum explicat in notis : *On suit, dans la préparation des émaux, un procédé qui nous donne l'explication de ce passage de Sénèque. On parvient à communiquer à une même composition d'énail une certaine dégradation de nuances, en exposant à un recuit plus ou moins long les plaques des émaux. C'est le procédé qu'on suit dans l'atelier où se préparent les émaux, pour servir au travail de la mosaïque de Rome.*

7. *In hoc utiles.* Mire hic utique ed. *R.* *Coctiles vulgo*, ex ed. Ven.

multa enim facit, quæ ab imprudentissimis aut æque fieri vidimus, aut peritius, aut exercitatus.

- 34 Quid Sapiens investigaverit, quid in lucem protraxerit, quæris? Primum rerum naturam; quam non, ut cætera animalia, oculis secutus est, tardis ad divina. Deinde vitæ legem; quam ad universa direxit: nec nosse tantum, sed sequi Deos docuit, et accidentia non aliter excipere, quam imperata. Vetuit parere opinionibus falsis, et, quanti quidque esset, vera æstimatione perpendit:
- 35 damnavit mixtas pœnitentiæ voluptates, et bona semper placitura laudavit: et palam fecit, felicissimum<sup>1</sup> esse, cui felicitate non opus est; potentissimum esse, qui se habet in potestate. Non de ea<sup>2</sup> philosophia loquor, quæ civem extra patriam posuit, extra mundum Deos, quæ virtutem donavit voluptati; sed de illa<sup>3</sup>, quæ nullum bonum putat, nisi quod honestum est; quæ nec hominis, nec fortunæ muneribus deleniri potest; ejus hoc pretium est, non posse pretio capi.
- 36 Hanc philosophiam fuisse illo rudi sæculo, quo adhuc artificia deerant et ipso usu discebantur utilia, non credo:

eum Pal. 2. quæ scriptura efficta est ex ea quam habet ed. A. et ms. c. *ocutiles*. Exserte vero hoc *utiles* exhibet ms. a. In ora Erasmi. notatur *ad hoc utiles*; quod in quatuor e suis reperitur aia Gruterus. Puto, utrumque virum doctum voculam *ad* ex conjectura adjecisse: certe, si præpositionem adjecit Seneca, in hoc suo more dicturus fuisse nobis videtur (quomodo equidem mea de conjectura edidi), non *ad hoc*. Sed videendum est, ne familiari sermone etiam nude sic dicere latine licuerit, *hoc utiles*, pro *in ve*) *ad hoc utiles*: rectius quidem nunc me facturum fuisse

mihi videor, si istud tenuissem. S.

1. *Felicissimum... potestate*. Sapiens est, de quo sæpe noster, e. e. Ep. 75, 14, 93, 2. Horat. Sermon. II, 7, 83 sqq. *Ruhk.*

2. *Non de ea... voluptati*. De Epicuro loquitur, qui a republica suos removel, et sibi ipsa vivere jubet, societatem solvit, etc. *ἀδερὸν*, voluptas Epicuri, hic taxatur male intellecta. Est enim nil nisi felicitas, quæ ex consensientia virtutis in vita oritur. Cf. Kaut *Critik der prakt. Vernunft* p. 208 sq. ed. II. *Ruhk.*

3. *Sed de illa*, scilicet stoica philosophia. *Ruhk.*



sicut ante<sup>1</sup>, fortunato tempore, quum in medio jacerent beneficia naturæ promiscue utenda, antequam avaritia atque luxuria dissociavere mortales, et ad rapinam ex consortio discurrere, non erant illi sapientes viri, etiamsi faciebant facienda sapientibus. Statum quidem generis 37 humani non alium quisquam suspexerit magis; nec, si cui permittat Deus terrena formare et dare gentibus mores, aliud probaverit, quam quod apud illos fuisse memoratur, apud quos

..... Nulli subigebant arva coloni,  
Nec signare<sup>2</sup> quidem ant partiri limite campum  
Fas erat: in medium quærebant; ipsaque tellus  
Omnia liberius, nullo poscente, ferebat<sup>3</sup>.

Quid hominum illo genere felicius? In commune rerum 38 natura fruebantur; sufficebat illa, ut parcens, in tutelam omnium: hæc erat publicarum opum segura possessio. Quidni ego illud locupletissimum mortalium genus dixerim, in quo pauperem invenire non posses? Irrupit in res optime positas avaritia, et, dum seducere aliquid cupit atque in suum vertere, omnia fecit aliena et in angustum ex immenso redacta; paupertatem intulit, et, multa concupiscendo, omnia amisit. Licet itaque velit nunc concurrere<sup>4</sup>, et reparare quod perdidit; licet agros agris adjiciat,

1. *Sicut ante, fortunato tempore, quum, etc.* Vulgo *sicut ante fortunata tempora*, et sic edd. vet. et ms. c. hiant oratione. Vitiōsius ms. a. *sicut aut fortunata tempora*. Gruterus in suis partim *aut*, partim *autem* scribi ait: unde Ruhk. *autem* arripens, confectam rem esse existimavit, si, tanquam hinc nova orationis periculis inciperet, ita scripsisset: *Sicut autem fortunata tempora etc. non videns, æque hiale et sensu*

*cassam, atque ante, prodire orationem.* Unice probanda atque adeo adoptanda mihi visa est Lipsii conjectura, *sicut ante, fortunato tempore, etc.* Sic quidem omnia recte procedunt. *Schw.*

2. *Signare.* Separare dabant *R. A.* c. a. cx scholio. *Schw.*

3. *Ferebat.* Versus sunt Virgilii Georg. I, 125 sqq. Sunt Ovidii versus similes, Metam. I, v. 102 sqq. *R.*

4. *Concurrere.* Bene edd. cum libr.

vicinum vel pretio pellat æris<sup>1</sup>, vel injuria; licet in provinciarum spatium rura dilatet, et possessionem vocet per sua<sup>2</sup> longam peregrinationem: nulla nos finium propagatio eo reducet, unde discessimus. Quum omnia fecerimus, multum habebimus: universum habebamus. Terra ipsa<sup>3</sup> fertilior erat illaborata, et in usus populorum non diripientium larga. Quidquid natura protulerat, id non minus invenisse, quam inventum monstrare alteri, voluptas erat; nec ulli aut superare poterat, aut deesse: inter concordēs dividebatur. Nondum valentior imposuerat infirmiori manum; nondum avarus, abscondendo quod sibi jaceret<sup>4</sup>, alium necessariis quoque ex-

41 cluserat: par erat alterius, ac sui, cura. Arma cessabant, incruentæque humano sanguine manus odium omne in feras verterant. Illi, quos aliquod nemus densum a sole protexerat, qui adversus sævitiam hiemis aut imbris vili receptaculo tuti sub fronde vivebant, placidas transigebant sine suspirio noctes. Sollicitudo nos in nostra pur-

vett. i. e. agitare se, et magno motu laborare; quo sensu sæpe *concurstationem* dixit Noster, ut Epp. III, et XVII, ubi *concurstationes divitum ad divitias euntium*. Quo minus opus erat *occurrere* ex uno aut altero codice Groteri adsciscere, quod Ruhk. faciendum sibi putavit. S. — Ruhk. diversas edidit script. lect.: Margo unius cod. *congerere*. Lipsius emend. *convertere*: Gronovius *conquirere*, qui tamen et *occurrere* probat. De circumcurssione sedula, *πολυπαιγεσύνῃ* intelligas. Ruhk.

1. *Vel pretio pellat æris*. Erasmo debetur, qui tamen *arvis* conjiciebat, unde a Muræto factum *agris*. Codd. habent *eris*, unus *ejus*, unde Grut. fecit *ex his*, quomodo et adscriptum

erat Palat. tertio. Lipsius: *ex eis vel terris*. Vulgata famen ferri potest. R. — *Pellat æris*, ut inde ab ed. Ven. vulgatur, recte ms. c. In A. deest posterius vocab. Vitiose duo verba in unum contracta sunt in ms. a. et ed. R. Schw.

2. *Per sua*. Perperam vulgo *per suam*, quod et primum in ms. a. fuerat, sed litera *m* obelo transfixa ab eadem manu. Schw.

3. *Terra ipsa... illaborata*: augeat magis quam poetæ, qui fertilitatem prædicantes, non deprimunt diligentiam cultorum. Conf. Moschion Stobæi Ecl. p. 242 ed. Heer. « Μέλαινα καρπὸν βῆλος ἐκπνέου τροφὴς » rel. Ruhk.

4. *Quod sibi jaceret*. Sine usu et

pura versat et acerrimis excitat stimulis : at quam mollem  
 somnum illis dura tellus dabat <sup>1</sup> ! Non impendebant cæ- 4  
 lata laquearia <sup>2</sup>, sed in aperto jacentes sidera superlabebantur  
 et insigne spectaculum noctium ; mundus in  
 præceps agebatur <sup>3</sup>, silentio tantum opus duccns. Tam in-  
 terdiu illis, quam noctu, patebant <sup>4</sup> prospectus hujus pul-  
 cherrimæ domus ; libebat intueri signa, ex media cæli  
 parte vergentia, rursus ex occulto alia surgentia. Quidni 43  
 juvaret vagari inter tam late sparsa miracula ? At vos ad  
 omnem tectorum pavetis sonum <sup>5</sup>, et, inter picturas ves-  
 tras si quid increpuit, fugitis attoniti. Non habebant  
 domos instar urbium <sup>6</sup>. Spiritus, ac liber inter aperta per-  
 flatus <sup>7</sup>, et levis umbra rupis aut arboris, et perlucidi  
 fontes, rivi que non opere, nec fistula, nec ullo coacto  
 itinere obsolefacti <sup>8</sup>, sed sponte currentes, et prata sine  
 arte formosa ; inter hæc agreste domicilium, rustica po-  
 situm <sup>9</sup> manu. Hæc erat secundum naturam domus ; in qua  
 libebat habitare, nec ipsam, nec pro ipsa, timentem :  
 nunc magna pars nostri metus tecta sunt.

fructu : abditum aut sepositum. *Lipsius.*

1. *At quam mollem....dura tellus dabat !* Sic Gruter. et Gronovii mss. Haud dubie verum. Edd. multæ carent voculis : *at quam. Ruhk.*

2. *Cæcata laquearia.* Cf. supra ad § 8, ubi laquearia i. q. laquearia. *R.*

3. *Mundus in præceps agebatur.* Natura, mundus et Deus idem valent ap. Stoicos. Hinc Maullius II, 114 : « Materiamque datum est cogi, sed cogere mundo. » Cf. Lipsii *Physiol. stoic.* I, 5. *Ruhk.*

4. *Patebant, a. e. R. A.* Non patebat. *Schw.*

5. *Pavetis sonum.* Ruinæ metu. *L.*

6. *Non habebant domos instar ur-*

*bium.* Conf. supra ad § 7. Lipsius docuit in *Admirandis, Romæ* sic fuisse. *Ruhk.*

7. *Perflatus* dedit ms. a. Vulgo *flatus.* *Schw.*

8. *Rivique... obsolefacti.* I. e. ad utilitatem redacti ac servitutem. Rivi, aqua ad libram exacta, opere arcuato, et substructionibus supra terram, ducebantur in castella s. dividiola (*bassins*), unde per fistulas, aqua quaquaversus in fundum etc., et tandem Romam dirigebatur ibique dividebatur. De his aquæductibus rom. cf. post Frontinium, *Adlers Beschreibung der Stadt Rom.* p. 66 sqq. *Ruhk.*

9. *Positum.* Sic omnes edd. *Schw.* dat *positum*, nulla allata ratione,

- 44 Sed, quamvis egregia illis vita fuerit et carens fraude, non fuere sapientes, quando hoc jam in opere maximo nomen est. Non tamen negaverim fuisse alti spiritus viros, et, ut ita dicam, a Diis recentes<sup>1</sup>: neque enim dubium est<sup>2</sup>, quin meliora mundus nondum effœtus ediderit. Quemadmodum autem omnibus indoles fortior fuit, et ad labores paratior, ita non erant ingenia omnibus consummata. Non enim dat natura virtutem: ars est,
- 45 bonum fieri<sup>3</sup>. Illi quidem non aurum, nec argentum, nec perlucidos lapides<sup>4</sup> [in] ima terrarum fœce quærebant, parcebantque adhuc etiam mutis<sup>5</sup> animalibus: tantum aberat, ut homo hominem, non iratus, non timens, tantum spectaturus, occideret. Nondum vestis

ita ut timendum sit, ne sit typographi sphalma. Non despicieudus tamen sensus.

1. *A Diis recentes.* Ab illis eoditis faetosque, nulla adhuc progenie humana ab illis separatos.

2. *Neque enim dubium est... ediderit.* Poetarum hanc opinionem de mundo, effato i. tam imbecilli et affecto, ut mulieri ætate jam defessæ similis, animalia deteriora pareret, ideoque eognatam cum illa opinione de sæculo aureo, Democrito acceptam retulit, opiuor, Epicurus Lucretii II, 1150, rel. et Stoici recentiores, quorum peculiare hoc erat dogma, primos mortales multo sapientiores fuisse posteris. Hoc ipsum monuit Sextus Empir. p. 555 Fabric. Conf. Lipsii Physiol. stoic. III. c. 4 et 5. Egrege explicatam ac refutatam eam dederunt Viri præstantissimi Reimarus (*die vornehmsten Wahrheiten der natürl. Relig.* p. 110 sq. ed. IV) et Wielandus (*samtl. Werke* B. XIV p. 353 sq. 391 sq.) Ruhk.

3. *Ars est bonum fieri.* Nam Stoa docet, virtutem disci debere et posse. Lipsii Manuduet. in Philos. stoic. II, 10. Ars est Philosophia vitæ. Conf. Cie. Fin. lib. III, esp. 2. Upton. ad Arrian. Dissert. Epict. p. 184 Schweighæus. Ruhk.

4. *Perlucidos lapides [in] ima terrarum fœce.* Voculam *in*, quæ autem ima exidere facile potuerat, ex coniectura adjei. Vorab. *lapides*, ex ed. R. vulgatum, desideratur in mss. a. c. et ed. A. Nescio utrum ex vulgari sermonis usu potnerit abesse, an post *quærebant* poni debuerit (ubi in Pal. sec. ponitur), et dein temere fuerit omissum. — Leviora nonnulla, passim et veteribus libris a vobis correctæ, aut jam a Ruhkopffo, sive autem ab aliis recte curata, prætermitto. Schw.

5. *Mutis animalibus.* I. e. brotis, exteris animalibus, hominum respectu. Bene hæc observavit eontra Lipsium, qui pisces intellectos malleoerat, Gronov. Cf. Nostrum, Epist. xcii, 7. Ruhk.

illis erat picta, nondum texebatur aurum<sup>1</sup>; adhuc nec eruebatur. Quid ergo? ignorantia rerum innocentes erant: multum autem interest, utrum peccare aliquis nolit, an nesciat. Deerat illis justitia, deerat prudentia, deerat temperantia ac fortitudo. Omnibus his virtutibus habebat similia quædam rudis vita: Virtus non contingit animo, nisi instituto ac edocto, et ad summum assidua exercitatione perducto. Ad hoc quidem, sed sine hoc, nascimur: et in optimis quoque, antequam erudias, virtutis materia, non virtus est. Vale.

1. *Nondum texebatur aurum.* Ut  
fila lanea tramam, aurea subtemen  
constitnerent. Plin. Natur. Hist. lib.

VIII, cap. 48 tribuit hanc artem  
Attalo Pergæ regi, unde nomen venit  
Attalicis. *Ruhk.*

---

## EXCURSUS

AD L. A. SENECE LOCUM

### DE TEXENDI ARTE APUD VETERES.

« *Eccæ Posidonius: . . . dum vult describere . . . . quemadmodum alia torqueantur fila, etc.* » Epist. XC, § 19, 20.

Sic totum locum vertit *Lagrange*:

Posidonius, qui, à mon jugement, est un de ceux qui ont rendu le plus de services à la philosophie, tandis qu'il s'occupait à décrire d'abord comment certains fils étaient filés tors, comment d'autres fils étaient tirés d'une matière ouverte, et qui

se prêtait à un tortillage ménagé ; ensuite comment les fils de la chaîne d'une étoffe étaient maintenus droits et parallèles par plusieurs poids suspendus à ses fils ; comment la trame introduite entre les deux parties de la chaîne, qui s'entrelacent de chaque côté, en faisait disparaître la tension et la roideur, surtout après que cette trame était réunie et jointe à la chaîne par l'action d'une lame de bois en forme de couteau : Posidonius, dis-je, attribuait aux sages l'invention de l'art des tissus. Il oubliait que l'on avait trouvé depuis une manœuvre de fabrication plus adroite, suivant laquelle « l'étoffe est attachée à des rouleaux ou ensubles ; la chaîne séparée en deux parties par un équipage qui les entr'ouvre, et la trame introduite par une navette pointue aux deux bouts, et frappée et serrée contre la chaîne, par les dents multipliées d'un peigne qui embrasse la largeur de l'étoffe. »

Deinde, in notis, dat totius loci fusam explicationem, quam viro harum rerum peritissimo se debere profitetur :

Ces passages de Sénèque et d'Ovide étant bien discutés, on peut se former une idée des principales manœuvres suivies successivement par les anciens dans la fabrication de leurs tissus. On y parle d'abord de fils tors pour la chaîne (*stamen*) : ces fils étaient ou filés tors à la quenouille, ou retordus par une machine particulière (*alia torqueantur fila*). C'est du mot *stamen* que sont venus les termes *étain*, *étame*, sous lesquels sont connus dans nos fabriques les fils de la chaîne de plusieurs étoffes de laine, et surtout de celles qu'on appelle *étamines*, et qui sont très-tordus. On distingue de cette espèce de fils les fils doux employés pour le remplis, ou la trame (*subtemen*) : ces fils de trame étaient tirés (*ducantur*) d'une matière ouverte par la carde, ou autrement (*ex soluto*), et qui suivait mollement la main de la fileuse (*mollique*).

Nous trouvons ensuite l'exposition de deux systèmes de fabri-

cation , ou de l'emploi de ces deux espèces de fils imaginés successivement par les anciens. Dans le premier, les fils de la chaîne étaient suspendus verticalement, et fixés dans une situation droite et parallèle par des poids assez semblables aux plombs qui maintiennent les fils de l'équipage de la tire dans nos métiers (*tela suspensis ponderibus rectum stamen extendat*). La trame (*sublemen*) était introduite (*insertum*) entre les deux parties de la chaîne, dont chacune se nommait *trama*, et ses fils transversaux étaient réunis et serrés contre les deux parties de la chaîne qui les entrelaçaient, par une lame de bois en forme de couteau (*spatha*). On peut prendre une idée de ce couteau et de son effet, en observant les fabricans de sangles qui en emploient un semblable au lieu de châsse armée de peigne.

Voilà l'art décrit par Sénèque d'après Posidonius, art que ce philosophe regardait comme une invention des sages : mais Sénèque, pénétré de l'idée que cette découverte est indigne de son sage, reproche à Posidonius d'avoir oublié le second système de fabrication beaucoup plus ingénieux, et qui avait été inventé depuis les sages. Suivant ce système, la chaîne des étoffes était roulée sur des cylindres ou ensubles (*tela jugo juncta est*) fixées aux deux extrémités d'un bâti; et cette chaîne se présentait à l'ouvrier dans une situation horizontale : elle était, outre cela, divisée en deux parties, et entr'ouverte par un bâton (*stamen secernit arundo*). La trame (*sublemen*), portée par une navette, ou fuseau pointu au deux bouts (*radiis acutis*), était introduite entre les deux parties de la chaîne entr'ouvertes (*inseritur medium*), et formait un tissu serré, étant frappée par les dents multipliées d'un peigne (*quod feriunt dentes*), entre lesquelles les fils de la chaîne étaient engagés (*insecti*), et qui embrassait toute la largeur de l'étoffe (*lato pectine*).

On doit faire observer ici que, dans les deux descriptions que nous venons de paraphraser, il manque beaucoup de pièces né-

cessaires à la manœuvre de la fabrication : on ne dit pas comment, dans le premier système, les deux parties de la chaîne verticale (*utrinque comprimentis tramae*) pouvaient s'ouvrir et se fermer en croisant, ni comment on pouvait y introduire la trame; comment les fils de la chaîne, quoique maintenus par les poids, ne se dérangent pas lorsqu'on les ouvrait, ou qu'on les entrelaçait. Nous pouvons suppléer à ce silence, en supposant que d'abord les anciens introduisaient la trame en démêlant les fils de la chaîne, et les croisant à mesure, comme le font les sauvages de la Nouvelle-Hollande et de la Nouvelle-Zélande : cette manœuvre longue étant finie, ils frappaient la trame avec leur couteau de bois (*spatha*). On peut ensuite présumer que, pour ouvrir la chaîne et la croiser, ils ont adopté un mécanisme équivalant à ce que nous appelons *haute-lice* dans les tissus dont les chaînes sont encore restées verticales, comme dans les tapisseries, etc.

Il manque de même, dans le second système de fabrication décrit par Ovide, le mécanisme équivalant à celui des marches et des lices : car l'*arundo*, en le supposant un bâton rond qui traversait la chaîne (*pertica transversa*, comme le disent les commentateurs), ne peut qu'entr'ouvrir et séparer les deux parties de la chaîne; mais il s'opposerait à la croisure des fils. Il a été nécessaire, pour que les fils d'une des parties de la chaîne pussent s'élever ou s'abaisser, pendant que l'autre était en repos, que ces fils fussent attachés à des lices, et que ces lices fussent élevées ou abaissées par des leviers. Il est vrai que peut-être la main aidait l'introduction de la navette, qu'elle faisait mouvoir l'équipage des lices, avant qu'on eût trouvé le moyen de les fouler aux pieds : toujours est-il certain que, du tems de Pline, on avait introduit le jeu des lices dans le mécanisme du métier des anciens. Plusieurs écrivains se réunissent à cet auteur, pour nous apprendre qu'on attachait à des lices les fils de la chaîne des



*étouffes* ; qu'on employait et qu'on faisait joner plusieurs rangs de lices : *plurimis liciis texere... Alexandria instituit* (PLIN. lib. VIII, cap. 48). Nous trouvons ensuite dans Ammien Marcellin (l. XIV, cap. 6) que, par le jeu de ces lices, on était parvenu à figurer des animaux sur les étoffes, comme sur nos toiles damassées, on nos damas en soies : *tunicæ varietate liciorum effigiata species animalium multiformes* ; ce qui annonce, dans le travail des anciens, un degré de perfection égal à ce que nous exécutons de plus savant par le moyen de la tire, dont les lices font l'office dans ce cas.

## EPISTOLA XCI.

DE INCENDIO LUGDUNI : INDE, DE MORTE COGITATIONES.

Commemorat, quomodo amicum communem, Liberalem, Lugdunensi colonia oriundum, atque ejus amantissimum, quum horribili incendio exusta esset, consolatus sit. Magnitudine hujus calamitatis vividis coloribus depicta, atque adeo tristitiæ causis concessis, monuerat, nihil ex humanis rebus non esse fragile, ideoque in omnia, quæ accidere possint, præmittendum esse animum, eumque ad ea præparandum, quum fortuna parcat nemini, et multis modis calamitatum et mortis utatur, quin nimia felicitas ipsa cladis causas inveniat et cito pereant subitoque, quæ diu creviscent. Deinde cogitemus, non esse tam magnam, quicquid acciderit, quam rumore jactetur. Tum, esse hanc quum omnium rerum, tum uaturæ communem sortem. Omnia cadent, quomodocumque id fiat. Accedit, quod major fortuna sæpe ex injuria oritur : quod et Lugduno eventurum esse auguratur et optat. Quum itaque nihil inausum intentatumque sit fortunæ, vel his legibus, quas dei hæc necessitas, parendum vel subtrahendum est quacumque via velis : omnes autem hoc respectu similes paresve sumus. Exemplo est Alexander magnus. Æquum omnia feruntur, quum nihil eorum malum sit nisi verba quæ metum injiciunt sine causa : ut adeo mors et iniqui rumores eodem loco habendi sint.

Comparari meretur Senecæ liber de Tranquillitate animi egregius pluribus locis : nec ei, qui tres Consolationes Senecæ tribui solitas legerit, occurrunt nondum dicta.

SENECA LUCILIO SUO SALUTEM.

LIBERALIS<sup>1</sup> noster nunc tristis est, nuntiato incendio, quo Lugdunensis colonia exusta est<sup>2</sup>. Movere hic casus quemlibet posset, nedum hominem patriæ suæ amantissimum. Quæ res effecit, ut firmitatem animi sui quærat; quam videlicet ad ea, quæ timeri posse putabat, exercuit. Hoc vero tam inopinatum malum, et pæne inauditum, non miror si sine metu fuit<sup>3</sup>, quum esset sine exemplo: multas enim civitates incendium vexavit, nullam abstulit. Nam etiam ubi hostili manu in tecta ignis immissus est, multis locis defecit; et, quamvis subinde excitetur, raro tamen sic cuncta depascitur, ut nihil ferro relinquat. Terrarum quoque vix unquam tam gravis et perniciosus fuit motus, ut tota oppida everteret<sup>4</sup>. Nunquam denique tam infestum ulli<sup>5</sup> exarsit incendium, ut nihil alteri superesset incendio<sup>6</sup>. Tot pulcherrima opera, quæ singula illustrare urbes singulas possent, una nox

1. *Liberalis*. Videtur esse idem ille *Æbutius Liberalis*, cui de Beneficiis inscripsit, de quo vid. nostræ edit. II vol., pp. 309, 313.

2. *Lugdunensis colonia exusta est*. Illa colonia, quæ nunc *Lyon* audit, dueta est a L. Munat. Planeo, a. U. C. 711 (cf. Dio Cass. XLVI, 50) et exusta est a. U. C. 811, post Chr. nat. 59, regnante Nerone. E cælesti igne incendium erat. Conf. Tacit. Ann. XVI, 13. Hujus eladis vestigia apparere et nunc Lugduni docemur ab auctore Antiquitatum lugdunensium, p. 248. Cf. *Mémoires en Histoire civile et consulaire de la ville de Lyon*. fol. *Lyon*. 1696.

3. *Si sine metu fuit*. Si nulli timendum visum sit, si nemo de eo timendum cogitaverit.

4. *Terrarum... vix... tam gravis... motus, ut tota oppida everteret*. Ipse tamen haud raro memoravit Burio Helicenque, Achaia urbes, quæ terrarum hiatu et aquarum irruptione, penitus dirutæ sunt. Conf. Nat. Q. I. VI, c. 23; Strab. I. Omnibus præterea occurrat urbis illius florentissimæ, Olisipponis, casus, quæ proximæ elapso sæculo (1755) tam terribili et iuopino terrarum motu oppressa fuit ut vix ullæ ædes supersteterint.

5. *Tam infestum ulli*. Se. oppido, urbi: moneo, ne cum Lipsio ullibi vel ullum emendes. *Ruhk*.

6. *Exarsit... superesset incendio*. Hoc tamen de Troja narrant veteres. Et nuperrime apud uos, urbs Gallie (*Salins*) flammis fere tota deleta est, ita ut pars incolarum maxima, ha-

stravit : et in tanta pace<sup>1</sup>, quantum ne bello quidem timeri potest, accidit. Quis hoc credat? ubique armis quiescentibus, quum toto orbe terrarum diffusa securitas sit, Lugdunum, quod ostendebatur in Gallia; <sup>2</sup> queritur! Omnibus fortuna, quos publice afflixit, quod passuri <sup>3</sup> erant timere permisit; nulla res magna non aliquod habuit ruinæ suæ spatium : in hac, una nox interfuit<sup>3</sup> inter urbem maximam, et nullam. Denique diutius illam tibi perisse, quam periit, narro. Hæc omnia Liberalis nostri affectum inclinant<sup>4</sup>, dum adversus sua<sup>5</sup> firmum et erectum. Nec sine causa concussus est : inexpectata plus aggravant; novitas adjicit calamitatibus pondus : nec quisquam mortalium non magis, quod etiam miratus est, doluit<sup>6</sup>.

Ideo nihil nobis improvisum esse debet. In omnia præmittendus est animus, cogitandumque<sup>7</sup>, non quidquid solet, sed quidquid potest fieri. Quid enim est, quod

itationibus destituta, vicinarum urbium hospitium implorare coacta fuerit, donec urbs patria ex collecta per totam Galliam pecunia iterum instauraretur.

1. *In tanta pace.* Nam bellum parthicum sequenti demum anno 813 acriter sumebatur. Tacit. Ann. XIII, 34. *Ruhk.*

2. *Queritur!* Tuentur *a. c. R. A.* *Quæri?* ed. *Ruhk.* ex nonnullis Pinc. et Grut. *Schw.*—*Queritur.* Int. desideratur, queritur ubi sit.

3. *Interfuit.* Plurimi codd. et edd. sic præstant. Ex uno Groteri recepit Lipsius *una nox fuit inter* etc. At est hæc loquendi ratio Senecæ familiaris, e. c. Ep. 101, 9. *Gron.*—Nonnulli codd. *una nox non interf.* *Ruhk.*

4. *Affectum inclinant, dum adversus sua firmum.* I. e. quum inte-

rim adversus sua firmum sit. Vulgo *inclinant*, absque *dum*. At *inclinandum* dabant *a. c. R. A.* in quo dum istæ vocæ hand dubie latebant. In ed. *R.* est *inclinandum movent adv.* ubi scil. *movent* ex scholio interpolatum. *Schw.*

5. *Adversus sua.* I. e. ea, quæ ad ipsum pertinebant, ideoque privata et propria. *Ruhk.*

6. *Nec quisquam mortalium... doluit.* Nec quisquam majorem percepit dolorem ejus rei, quam, quum accideret, etiam miratus erat ut inopinatum et insolitum. *Ruhk.*

7. *Cogitandumque... fieri.* Pertinet hæc versus Publii Syri mimographi, « cuius potest accidere, quod cuiquam potest, » laudatus a Seneca in Consol. ad Marc. c. 9 fin. de Tranq. an. 11, 6. *Ruhk.*

non fortuna<sup>1</sup>, quum voluit, ex florentissimo<sup>2</sup> detrahat?  
 quod non eo magis aggrediatur et quatiat, quo specio-  
 sius fulget? Quid illi arduum, quidve difficile est? Non  
 una via semper, ne tota quidem, incurrit. Modo nos-  
 5 tras in nos manus advocat; modo, suis contenta viri-  
 bus, invenit pericula sine auctore. Nullum tempus ex-  
 ceptum est; in ipsis voluptatibus causæ doloris oriuntur.  
 Bellum in media pace consurgit, et auxilia securitatis  
 in metum transeunt; ex amico inimicus, hostis ex so-  
 cio. In subitas tempestates, hibernisque majores, agi-  
 tur æstiva tranquillitas. Sine hoste patimur hostilia;  
 et cladis causas, si alia deficient, nimia sibi felicitas  
 invenit. Invadit temperantissimos morbus, validissimos  
 phthisis, innocentissimos pœna, secretissimos tumultus.  
 6 Eligit aliquid novi casus<sup>3</sup>, per quod velut oblitis vires  
 suas ingerat. Quidquid longa series<sup>4</sup> multis laboribus,  
 multa Deum indulgentia, struxit, id unus dies spargit  
 ac dissipat. Longam moram<sup>5</sup> dedit malis properantibus,  
 qui diem dixit<sup>6</sup>: hora, momentumque temporis, ever-

1. *Quod non fortuna.* Sæpius No-  
 ster eadem habet, c. e. de Tranq. an.  
 10, 2; 11, 4: et quis non? *Ruhk.*

2. *Ex florentissimo.* Sic omnes  
 Gruteri codices et editio vetns. Antea  
 et florent. *Ruhk.*

3. *Eligit aliquid novi casus.* In illa  
 Lugdunensi calamitate.

4. *Quidquid longa series.* Scil.  
 temporis. De tempore simpliciter vox  
*series* ævo Senecæ usurpari coepta:  
 quem morem etiam postea, v. c. ap.  
 Ausoniam nondum oblitteratum vi-  
 demus. *Ruhk.*

5. *Longam moram... suffecere.* Est  
 Euripides, in cujus Phœnissis 561  
 nunc legitur: ὁ δ' ἔλεος οὐ βέβαιος,  
 ἀλλ' ἐρήμπος: et in fragm. ex ej. Ino-

ne, dramate nunc deperdito: ἄς με-  
 πρὸ τὰ σφάλματα, καὶ μὴ ἡμέρα. Τὰ μὲν  
 καθεύδων ὑψέθεν, τὰ δ' ἥρ' ἄνω. Οὐδὲ τυ-  
 ράννους διὰ παρῶν πύκναις. (Vi-  
 des tyrannos, longo tempore poten-  
 tiam adeptos, quam parva labefa-  
 ctent, et una dies hanc ab alto dejecit,  
 illum evexit.) In quibus versibus De-  
 metrius Phalerens, quem sequitur Se-  
 neca, observavit, præstare, si non  
 unam diem, sed punctum temporis  
 dirisset Euripides, ap. Plutarch. Con-  
 sol. ad Apollon. Vol. VII p. 323 Hutt.  
 Cf. Valcken. ad Eurip. Phœn. p. 211;  
 et Diatrib. p. 177. *Ruhk.*

6. *Qui diem dixit: hora, momen-  
 tumque temporis, evertendis imperi-  
 is suffecere.* Ex Gruteri emenda-

tendis imperiis suffecere ! Esset aliquod imbecillitatis nostræ solatium rerumque nostrarum, si tam tarde perirent cuncta<sup>1</sup>, quam fiunt ; nunc incrementa lente exeunt, festinatur in damnum. Nihil privatim, nihil publice stabile est ; tam hominum, quam urbium, fata volvuntur. Inter placidissima terror existit ; nihilque extra tumultuantibus causis<sup>2</sup>, mala, unde minime exspectabantur, erumpunt. Quæ domesticis bellis steterant regna, quæ externis, impellente nullo ruunt. Quotaquæque felicitatem civitas pertulit ?

Cogitanda ergo sunt omnia, et animus adversus ea, quæ possunt evenire, firmandus. Exsilia, tormenta, <sup>8</sup> bella, morbos, naufragia meditare<sup>3</sup> ! Potest te patriæ, potest patriam tibi casus eripere ; potest te in solitudinem abjicere ; potest hoc ipsum, in quo turba suffocatur, fieri solitudo. Tota ante oculos sortis humanæ conditio ponatur ; nec, quantum frequenter evenit, sed quantum plurimum potest evenire, præsumamus animo, si nolumus opprimi, nec ullis inusitatis velut novis obstupesceri. In plenum cogitanda fortuna est : quoties <sup>9</sup> Asiæ<sup>4</sup>, quoties Achaïæ urbes uno tremore ceciderunt ?

tione : Lipsius cum Gronov. probat. Anlea : horum m. suff. Ruhk.

1. Si tam tarde perirent cuncta, quam fiunt. Gruterus, Lipsias et Gron. e codd. nonnullis receperunt : aliis alia præbentibus, ut in sententiis fit, quæ a sciolis et librariis sæpe mutari, augeri, depravari solent. R.

2. Nihilque extra tumultuantibus causis. Int. et quum nullæ exterarum causarum tumultum denuntiant.

3. Exsilia... meditare. Eandem præceptionem noster Molière egregio tractavit, *Fourberies de Scapin*, acte II, scène VIII : *La vie est mêlée de*

*traverses ; il est bon de s'y tenir sans cesse préparé : et j'ai oui dire, il y a long-temps, une parole d'un ancien, que j'ai toujours retenue. — Quoi ? — Que, pour peu qu'un père de famille ait été absent de chez lui, il doit promener son esprit sur tous les fâcheux accidens que son retour peut rencontrer ; se figurer sa maison brûlée, son argent dérobé, sa femme morte, son fils estropié, sa fille subornée ; et tout ce qu'il trouve qui ne lui est point arrivé, l'imputer à bonne fortune.*

4. Quoties Asiæ. De his calamita-

quot oppida in Syria? quot in Macedonia devorata sunt? Cyprum quoties vastavit hæc clades? quoties in se Paphus corruit? Frequenter nobis nuntiati<sup>1</sup> sunt totarum urbium interitus; et nos, inter quos frequenter ista nuntiantur, quota pars omnium sumus? Consurgamus itaque adversus fortuita; et, quidquid inciderit, sciamus non esse tam magnum, quam rumore jactetur. Civitas<sup>2</sup> arsit  
 10 opulenta, ornamentumque provinciarum, quibus et inserta erat, et excepta; uni tantum<sup>3</sup> imposita, et huic non altissimo, monti. Omnium istarum civitatum, quas nunc magnificas ac nobiles audis, vestigia quoque tempus eradet. Non vides<sup>4</sup>, quemadmodum in Achaia clarissimarum urbium jam fundamenta consumpta sint, nec quidquam exstet, ex quo appareat illas saltem fuisse? Non tantum manu facta labuntur; non tantum humana arte atque industria posita vertit dies: juga montium dif-  
 11 fluunt; totæ desedere regiones; operta sunt fluctibus,

tatibus cf. Senec. Nat. Quæst. VI, 1 et Geographi, imprimis Mannertus, quocum conferri meretur *Villoison*, Prolegom. Homer. *Ruhk*.

1. *Frequenter nobis nuntiati...* *interitus*. Interpretatione vocem *interitus* mitiges, ne sibi ipse adversetur Seneca. Cf. § 1, 2. *Ruhk*.

2. *Civitas... monti*. Erat quidem *Lugdunum* urbs opulenta et ornamentum provinciarum Galliarum, quibus loco et posito *inserta* erat, i. e. annumerabatur, sed conditione excepta, quænam colonia juris romani (cf. *Laccary* *Histor. Colon.* p. 192) facta esset, ideoque multo præstantior ejus conditio quam status urbium provincialium. Cf. Heineceii *antiquit. rom. syntagma*, p. 365 sq. 391 sqq. ed. IV. Multas familias romanas habebat *Lugdunum*. Cf. P. de Marca de pri-

matu Lug. Vienna erat juris italici colonia. Ambitus tamen *Lugduni* non ita magnus erat, et unum tantum montem occupabat. Nunc tamen quænam ambitus ejus multo amplior est, tum plures montes s. clivos tenet, ut secunda post Parisius urbs Regni gallici habeatur, et sit. Conf. *Busching* III, p. 807. ed. VIII. *Ruhk*.

3. *Uni tantum... monti*. Sic ed. *Ruhk*. ex Pal. 3. et 4. Alii libri omnes vulgatum olim *tamen* tenent, quod restitutum velim. *Schw*.

4. *Non vides, quemadmodum... fuisse*. Imprimis *Helice* et *Baris*, quæ terræ motu demergebantur. Cf. *Ovid. Met.* XV, 293; *Senec. Q. Natur.* VI, 1 fin. 23, 25, 32. Si tamen *Scrofan*, qui nuper illas regiones adiit, itinerario fides haberi possit, *Helices* mersæ urbis interdum et mu-

quæ procul a conspectu maris stabant; vastavit<sup>1</sup> ignis colles per quos relucebat, erosit et quondam altissimos vertices, solatia navigantium<sup>2</sup>; ac speculas ad humile deduxit. Ipsius naturæ opera vexantur, et ideo æquo animo ferre debemus urbium excidia. Casura exstant<sup>3</sup>; omnes hic exitus manet: sive interna vis<sup>4</sup>, flatusque præclusi violentia, pondus, sub quo tenentur, excusserint; sive torrentium in abdito vastior<sup>5</sup> obstantia effregerit; sive flammarum violentia compaginem soli ruperit; sive vetustas, a qua nihil<sup>6</sup> tutum est, expugnaverit minutatim; sive gravitas cæli ejecerit<sup>7</sup> populos, et situs deserta cor-

ri, domus ac templa hodieque æque ac Ovidii tempore conspiciuntur. *R.*

1. *Vastavit... relucebat* (sic Schw. vulgo *eluceb.*) Vertit *Lagrange*: *Le feu a ravagé entièrement des collines dont il annonçait autrefois les habitations dispersées*. Videtur enim Seneca contulisse incendium ingens quo omnes collis domus vorantur, cum spectaculo ignium vespere ex intervallo in colle relucendum.

2. *Solatia navigantium; ac speculas ad humile deduxit*. Rectius sic distinguetur oratio, *solatia navigantium ac speculas, ad etc.* Vulgo *ad humilem arenam deduxit*, inde ab ed. Ven. et sic ms. Pal. 2. Col. et Lipsii codex: sed nude *ad humile deduxit* ed. *R.* et *A.* cum ms. Pal. 4, quod et Pincianus laudaverat. Casu factum arbitror, ut *ad humilem* scriberetur in nonnullis, ut in *Arg. a. c.* et Pal. 1. 3. unde *tumulum* legendum suspicatus est Grut. Alii *arenam* adjecerunt, quod in ms. *a.* adlevit recentissima manus, Schw.

3. *Casura exstant; omnes* (intell. urbes) *hic exitus manet*. Sic plane et commodissime ms. *a.* nec multum abeunt *A.* et *c.* Vulgo, *Casura omnia*

*exstant; omnibus exitus manet. S.*

4. *Interna vis, flatusque præclusi violentia*. Tenui hoc a doctissimo Matth. ex conject. editum: nec male vero Rubkopius, *interna vis, flatusque præclusi ac violenti*. Vulgo olim, *interna vi flatusque præclusa violenti*. Sed *vis flatusque* habet ms. *a.* cum Pinc. tenet autem *præclusa violenti*. Schw.—Alias addit variantes Rubkopius: Plurimi eodd. *interna vis flatusque præclusa violenti*, unde Pinc. emend. *præclusi*. Lipsius probabat, et *violente* adiebat. Hinc feci: *præclusi ac violenti*. Muretus habet *interna vi flatusque præclusi venti. R.*

5. *Torrentium in abdito vastior*. Sic *a. c. R. A.* Ubi ex præcedd. et seqq. facile *violentia* subintelligebatur. Nec vero displicet *vastorum*, quod in suorum nonnullis repererat Pincianus. *Vis vastior* edidit Ruhk. e mssis, ut ait; quos quidem nec ipse nominavit, nec nos, illos nominamus. Nude *vis* posuit Matth. omissa voce *vastior*, quam libri tamen omnes agnoscunt. Schw.

6. *A qua nihil*, etc. Sic vulgo. Schw. dat *in qua*, cum *a. c. R. A.*

7. *Ejecerit*. Ex Mureti conj. pri-

ruperit. Enumerare omnes fatorum vias, longum est. Hoc unum scio : omnia mortalium opera mortalitate damnata sunt ; inter peritura vivimus.

- 3 Hæc ergo<sup>1</sup> atque ejusmodi solatia admoveo Liberali nostro, incredibili quodam patriæ suæ amore flagranti ; quæ fortasse consumpta est, ut in melius excitaretur. Sæpe majori fortunæ locum fecit injuria ; multa ceciderunt, ut altius surgrent, et in majus<sup>2</sup>. Timagenes<sup>3</sup>, felicitati Urbis inimicus, aiebat, Romæ sibi incendia ob hoc unum dolori esse, quod sciret meliora resurrectura, quam arisissent. In hac quoque urbe verisimile est certaturos omnes esse, ut majora certioraque, quam amisere, restituant.

mus recepit Lipsius, dein ed. Bipont. et Ruhk. Et ego hoc præferendum judicavi vulgato olim *egesserit*, quod quidem veteres libri dabant, et tacite revocaverat Gron. Sæpe homines isti, quorum manibus olim exempla harum Epistolarum multiplicata sunt, dietantis vocem minus recte accipientes, litteram *g* et *j*, item *c* et *s*, vel *ss*, inter se permutarunt. Sic pro eodem verbo *ejecit*, Ep. xxiv, quod recte ibi noster cod. Arg. *b*. tenuit, *ejessit* scribitur in ed. *A*. et novo accedente errore *egesserit* in ms. *c*. quomodo hic *egresserit* scribitur in vetusto nostro ms. *a*. Obiter hic observemus, et vetustissimis mssis, atque etiam e codicibus multo vetustioribus quam his, qui ad ætatem nostram pervenerunt, propagatos esse illos errores, qui e male accepta dictantis voce nati sunt. Tum, quod ad nostrum ms. *a*. spectat, illud moneo, quod in Præf. monere oblitus sum, codicem hunc, vetustate quidem præstantem aliis omnibus, ab eo homine esse esaratum, qui eorum quæ scriberet nihil intellexerat ; ita imperite

frequenter verba (quæ in exemplari, quod ante oculos habuerat, nullis interstitiis distincta fuerant) vel jungit vel disjungit, multaque alia verborum et orationis monstra ostendit ex iuscitia prognata. Contra, idem codex multo rariores, quam alii libri, interpolationes habet ; nihil ex scribæ ingenio mutatum ; plurimas autem verissimas lectiones ex vetustiore exemplari propagatas, ubi corrupti sunt recentiores libri. Schw.

1. *Hæc ergo*. Sic eum Grutero et edd. rescripsi. Antea, *hæc ego*. R.

2. *Ut altius surgerent, et in majus*. Cæterum mox Lugdunum ita surrexit, ut vix novem annis a clade elapsis pro Vitellio contra Galbam steterit, Tacito Hist. I, 51, 65, narrantes. Ruhk.

3. *Timagenes*. Nie. Faber sic emend. optime lect. codd. *ymagines, imagines*.—Timagenes ille, ait Lagrange in notis, vixit ætate Augusti. Seneca pater sic hominem descripsit : « Annius Pollio sæpe solebat apud Cæsarem cum Timagene confligere, homine acidæ linguæ, et qui nimis liber erat ;



Sint utinam diuturna, et melioribus auspiciis in ævum 14  
longius condita! Nam huic coloniae ab origine sua centesimus annus est, ætas ne homini quidem extrema. A Planco<sup>1</sup> deducta, in hanc frequentiam, loci opportunitate, convaluit; quæ tamen gravissimos casus intra spatium humanæ pertulit senectutis.

Itaque formetur animus ad intellectum patientiamque sortis suæ, et sciat nihil inausum esse fortunæ; adversus 15  
imperia illam idem habere juris, quod adversus imperantes; adversus urbes idem posse, quod adversus homines. Nihil horum indignandum est: in eum intravimus mundum, in quo his legibus vivitur. Placet? pare! non placet? quacumque vis, exi! Indignare, si quid in te iniqui proprie constitutum est: sed si hæc summos imosque necessitas alligat, in gratiam cum fato revertere, a quo omnia resolvuntur. Non est quod nos tumultis metiaris, et his 16  
monumentis<sup>2</sup>, quæ viam disparia prætexunt; æquat omnes cinis: impares nascimur, pares morimur. Idem de ur-

puto quia diu non fuerat. Ex captivo coquus, ex coquo leccarius, ex leccarius usque ad amicitiam Cæsaris felix, usque cu utramque fortunam contempsit, et in qua erat, et in qua fuerat, ut quom illi multis de causis iratus Cæsar interdixisset dumu, combureret historias rerum ab illo gestarum; quasi et ipse illi ingenio suo interdiceret, disertus homo et dicax, a qua multa imprube, sed venuste dicta. » Controvers. lib. V. Controv. 34, circa fin. pag. 392. Tom. III. edit. varior. — De hac Timagene, conf. ad III de Ira 23, 3. sqq. not. Non hic Timagenes idem fuisse videtur ac ille, quem Quotil. Inst. or. X, 1, 75 post Clitarchum recenset, et ex quo I, 10, 11 quædam

affert, sed rhetor et historicus ejusdem ætatis, Alexandria urtus. *Ruhk.*

1. *A Planco.* A Lucio Planco deductos Vienenses, qui ab Allobrugibus ad Rhodani et Araris confluentiam cunsederant, a. U. c. 711 narrat Dio Cass. 46, 50. Nero Lugdunum hanc cladem passum adjuvni quadragies sestertio, circiter 815, 166 fr. nostræ monetæ. Conf. Tacit. Ann. lib. XVI, cap. 13. *Ruhk.*

2. *Non est quod nos tumultis metiaris, et his monumentis.* Spectant hæc ad sepulcra, ideoque ad monumenta eum inscriptionibus juxta viam publicam erecta, et pro ejusque fortuna magna, parva, atque adeo disparia. Nunc pares sunt omnes, quarum disparia sepulcra. *Ruhk.*

- bibus, quod de urbium incolis dico; tam Ardea<sup>1</sup> capta, quam Roma est. Conditor ille juris humani non natalibus nos, nec nominum claritate, distinxit, nisi dum sumus. Ubi vero ad finem mortalium ventum est: « Discede, inquit, ambitio! omnium, quæ terram premunt, siremps<sup>2</sup> lex esto<sup>3</sup>. » Ad omnia patienda pares sumus: nemo altero fragilior est, nemo in crastinum sui certior. <sup>3</sup>Alexander Macedonum rex discere geometriam cœperat; infelix! sciturus quam pusilla terra esset, ex qua minimum occupaverat: ita dico, *infelix*, ob hoc, quod intelligere debebat falsum se gerere cognomen; quis enim esse magnus in pusillo potest? Erant illa quæ tradebantur, subtilia, et diligenti intentione discenda: non quæ percipere posset vesanus homo, et trans oceanum cogitationes suas mittens.
- <sup>18</sup> « Facilia, inquit, me doce! » — Cui præceptor: « Ista, inquit, omnibus eadem sunt, æque difficilia. » — Hoc puta rerum Naturam dicere: « Ista, de quibus quereris, omnibus eadem sunt; nulli dari faciliora possunt: sed, quisquis volet, sibi ipsi illa reddet faciliora. » Quomodo? Æquanimirate. Et doleas oportet, et sitias, et

1. *Ardea*. Pusilla urbs, comparata cum Roma, cui erat viciosa. Cf. Liv. 1, 57. Virg. *Æn.* VII, 412 not. R.

2. *Siremps lex esto*. Ex em. Moreti. In libris erat: *Sere miles esto*. Vulgaverat: *similes esto vel servus miles e. Ruhk.* — *Siremps* vetus verbum in legibus senatusque consultis usitatum: est autem idem, ac si diceret similis lex omnibus posita esto. Hanc emendationem debemus summo Jacobo Cujacio. *Muretus*.

3. *Alexander*. Quæ de Alexandro M. hic narrantur, nullo historici testimonio subornata sunt, sed pe-

tita e declamatioibus, quibus hoc propositum erat, libertate sublata, ot fictis argumentis in suasiis, controversiis etc. uterentur ad eloquentiam umbratilem excolendam, doceodam, discendam. Verum est, Alexandrum puerum, non regem, magistro Aristotele Geometriam didicisse, et Persis postea devictis cupidum fuisse visendi Oceanum. Reliqua ad Alexandrum deprimendum declamatores neoliti suot, quos noster nullo iudicio critico usus h. l. et alias secutus est, et Juvenal. X, 168: « Unus Pellæus juvenci noo suf-

esurias, et senescas, si tibi longior<sup>1</sup> contigerit inter homines mora, et ægrotes, et perdas aliquid, et percas. Non est tamen quod istis, qui te circumstrepunt<sup>2</sup>, credas; nihil horum malum est, nihil intolerabile, aut durum. Ex consensu istis metus est: sic mortem times,<sup>19</sup> quomodo famam. Quid autem stultius homine verba metuente? Eleganter Demetrius<sup>3</sup> noster solet dicere, « eodem loco sibi esse voces imperitorum, quo ventre redditos crepitus. Quid enim, inquit, mea refert, sursum isti an deorsum sonent? » — Quanta dementia est, vereri ne infameris ab infamibus? Quemadmodum famam extimuis-  
 sis sine causa, sic et illa, quæ nunquam timeretis, nisi fama jussisset. Num quid detrimenti faceret vir bonus<sup>20</sup> iniquis rumoribus sparsus? Ne morti quidem hoc<sup>4</sup> apud nos noceat: et hæc malam auditionem habet<sup>5</sup>. Nemo

ficit orbis» etc. Cf. Jo. Scholting. ad M. Senecæ Suasor. 1. *Ruhk.*

1. *Si tibi longior.* Recte ms. a. Alii vulgo *et, si tibi* etc. *Schw.*

2. *Qui te circumstrepunt.* Perperam quæ te circumstrepunt ed. Lips. et seqq. invitis mastis. *Schw.*

3. *Demetrius.* De Demetrio cynico, amico Senecæ, cf. ad III, 3 de Providentia. Cæterum simile facete dictum Butleri, Angli, auctoris carminis epici Hudibras, ejusdem fere argumenti notum est. *Ruhk.*

4. *Ne morti quidem hoc... noceat.* Hoc, scilicet iniqui rumores ne morti quidem noceant: ne moveamur calumniis hominum de illa.

5. *Malam auditionem habet.* Vulgo *malam molitionem*, quod nulla emendatione indigere existimavit *Ruhk.* Ego, nisi probabilius aliquid occurrisset, Gronovium probassem, *opinionem* corrigentem. Sed, in ma-

lam *olitionem*, quod ms. a. dabat, persuasum habui latere id quod dedi, *malam auditionem habet*, i. a. male audit, malam famam habet. *S.—Molitionem* sic defendit *Ruhk.* « Hanc antiquam lectionem fuisse, docent codd. mss.; veram esse, monstrat nexus: noli credere nec iniquis rumoribus atque iis deprimi, nec angis, quæ de morte narrantur. *Nec morti... habet*: i. a. nec morti hæc fama de ea speciem horribilem circumdet: nti illa fama in bono viro aspergendo, ita in morte accusanda successu bono destituitur: *molitio* enim est machinatio, Nat. Qu. III, 3o init. *Hæc fama malam* i. malignam, nobis terrorem incutientem, *molitionem*, i. constum habet. Quæ si vera sint, Gronovii emendatione: *malam opinionem* non indigemus. » Quæ interpretatio ipsa re non minus obscura nobis videtur.

corum, qui illam accusant, expertus est : interim temeritas est, damnare quod nescias. At illud scis, quam multis utilis sit, quam multos liberet tormentis, egestate, querelis, suppliciis, tædio. Non sumus in ullius potestate, quum mors in nostra potestate sit. Vale.

## EPISTOLA XCII.

IN EPIPUREOS INVENITUR : NIHIL VOLUPTATEM AD BEATITUDINEM  
CONFERRE.

Quum amicum sibi convenire dicat in eo, ut corpus animi causa adsit etique serviat, sequatur necesse est, beatam vitam in hoc uno positam esse, ut in nobis ratio perfecta sit, qua una id quod honestum est, et beata vita parator, omni auxilio externo, omni fortuito, omni irrationali, excluso. Ita animus sapientis viri exoritur talis, qualis Deum deest, sola honestate contentus. Proinde ἡσυχία admittitur, voluptas non item : quidquid contra dicant Epicurei, quoniam virtus et voluptas sibi adversantur. Attamen bono iudicio ea, quæ ad voluptatem spectant, ut bona valetudo, quies et dolorum vacatio, eligi debent et possunt, quia secundum naturam sunt, etsi bona non sunt. Non in re bonum est, sed in electione : qua in re similis est vestis, quæ corpus velat, corpori, quod animi velamentum est. Concedenti, virtutem qui habeat miserum esse non posse, beatissimum non esse posse, quum comoda et incommoda extra nos, imprimis virum bonorum, sint ; quæ itaque sive adsint, sive absint, non impedirent, quominus beatus et beatissimus fiat. Obstare quidem possunt incommoda virtuti, uti quædam soli quoque obstant, sed non minus illam impediunt, quam illum. Falsus itaque est, qui sapientem parum prospero corpore usum nec miserum esse, nec beatum dicat : ideoque in medio constitutum. Nec in beatitatem tempus aliquid potest : non intenditur virtus, ergo ne beata quidem vita, quæ ex virtute est. Non quo longior, sed quo melior et honestior vita sit, queri debet. Non solum Diis virtus et beata vita contingit, sed nobis quoque contingere potest : atque ideo ad similitudinem Deorum accedere debemus, quorum socii et membra sumus.

Conferas Senecæ libellum De Vita Beata.

SENECA LUCILIO SUO SALUTEM.

Puto, inter me teque conveniet, externa corpori<sup>1</sup> acquiri, corpus in honorem animi coli; in animo esse partes ministras<sup>2</sup>, per quas movemur alimurque, propter ipsum principale nobis datas. In hoc principali est aliquid irrationale, est et rationale. Illud huic servit; hoc unum est, quod alio non refertur, sed omnia ad se perfert. Nam illa quoque divina ratio<sup>3</sup> omnibus præposita est, ipsa sub nullo est; et hæc autem nostra eadem est, quæ ex illa<sup>4</sup> est. Si de hoc inter nos convenit, sequitur ut de illo quoque conveniat, in hoc uno positam esse beatam vitam, ut in nobis ratio perfecta sit. Hæc enim sola non submittit animum; stat contra fortunam; in quolibet rerum habitu securos servat<sup>5</sup>. Id autem unum bonum est, quod nunquam defringitur. Is est, inquam, beatus, quem nulla res minorem facit; tenet summa, et ne ulli quidem, nisi sibi, est innixus: nam qui aliquo auxilio<sup>3</sup> sustinetur, potest cadere. Si aliter est, incipient multum

1. *Externa corpori.* In usum corporis omnia, quæ fortuita sunt, v. c. valeando, opes, τὰ ἐξ ἑῶν ἡμῶν, non nostra, aliena, acquiri. *Ruhk.*

2. *Partes ministras.* 1. quæ famulentur, ancillanturque rationi, sensus quinque, s. externus, quem vocamus, sensus, facultas loquendi quærendique, atque principale, τὸ ἡγεμονικόν (sensu internus), quod dividitur, in partem rationalem i. facultatem cogitandi et colligendi, et in partem irrationalem, quæ in affectibus et concupiscentiis posita est. Ita Jo. Stobæus Eclog. P. I. Tom. II. p. 878 Haer. Cf. Lipsii Physiol. stoic. III, c. 17 sqq. Attingit et Tiedemann Syst. II. p. 159 sq. *Ruhk.*

3. *Nam illa... ratio... quæ ex illa*

*est.* Int. nam sicut divina ratio qua mundus regitur nulli subjecta est; sic ratio nostra, quæ originem ab illa divina trahit, se habet.

4. *Quæ ex illa.* Sic a. e. R. A. Vulgo quia ex illa. *Schw.*

5. *Securos servat.* Uoice probavi hoc, quod servatum in eod. Pal. 4. Vulgo olim servato servat ex Erasmi ing. quom. varie aberrassant veteres libri, servatus servat, servitus servit, servitus servat, quod postremum habet ms. a. cum Pal. 1 et 3. Se virtus servat ora Col. quod adoptavit *Ruhk.* *Schw.*—Gronov. emend. in quolibet rerum habitu se rectam servat, h. e. et integram et nesciam flecti. Equidem expectabam h. l. libertatis mentionem. *Ruhk.*

in nobis valere non nostra. Quis autem vult constare fortuna<sup>1</sup>, aut quis se prudens ob aliena miratur? Quid est beata vita<sup>2</sup>? securitas et perpetua tranquillitas. Hanc dabit animi magnitudo; dabit constantia bene judicati tenax. Ad hæc quomodo pervenitur? si veritas<sup>3</sup> tota perspecta est; si servatus est in rebus agendis ordo, modus, decor<sup>4</sup>, innoxia voluntas ac benigna, intenta rationi, nec unquam ab illa recedens, amabilis simul, mirabilisque. Denique, ut breviter tibi formulam scribam, talis animus esse sapientis viri debet, qualis Deum deceat. Quid potest desiderare is, cui omnia honesta contingunt? Nam si possunt aliquid non honesta<sup>5</sup> conferre ad optimum statum, in his erit beata vita sine quibus non<sup>6</sup> est. Et quid stultius, turpiusve, quam bonum rationalis animi ex irrationalibus nectere!

Quidam tamen augeri summum bonum judicant, quia  
5 parum plenum sit, fortuitis<sup>7</sup> repugnantibus. <sup>8</sup> Antipater

1. *Quis autem vult constare fortuna?* I. dependere ab externis fortuitisque. *Ruhk.*

2. *Quid est vita beata... Deum deceat.* Similia sæpe inculcant noster et reliqui Stoici. Cf. Senec. de Constant. Sep. c. 8; Tiedem. III, p. 270 sq. *R.*

3. *Veritas, ἀλήθεια.* Ep. LXXIV, 28: «Beatum sine scientia divinorum humanorumque non potest effici.» Cf. M. Antonin. II, 16; III, 6; V, 9. *R.*

4. *Decor, κοσμέτης*, i. scientia honestarum et turpium motionum. Stob. II, 7 p. 106. Spectant hæc ad prudentiam, temperantiam rel. Est itaque ἐὶς καλὸν (Ep. LXVI, 16), naturæ atque dignitati hominis conveniens. Diog. Laert. VII, 101. *Ruhk.*

5. *Non honesta, ἀδιάρητα*, e. e. vita, opes, paupertas, nobilitas rel. Cf. Ep. LXVI, LXVII, 5. LXXIV,

1, etc. Tiedemann. III, p. 106 sq. *R.*

6. *Sine quibus non est.* Cum quibus non est ed. *Ruhk.* e. Gronovii membr. invitis aliis omnibus. *Schw.* — Sensus est: si admitteretur non honesta ad optimum statum conferre, dicendum esset beatam vitam in his esse, ex his constare, sine quibus (admissa hypothesi) non esse posset, nempe ex non honestis; sed quid stultius, etc. Locum parum intellexisse videtur *Lagrange*, qui: *Si d'autres objets que la vertu contribuaient au bonheur, ils en seraient les éléments: il ne pourrait subsister sans eux. Eh! quoi de plus insensé, etc.*

7. *Parum plenum sit, fortuitis repugnantibus.* Int. quom quæcumque ex fortuna pendent, repugnent, obstant, quominus plenum sit.

8. *Antipater.* Cf. ad Ep. LXXXVII,

quoque, inter magnos sectæ hujus auctores, « aliquid se tribuere dixit externis, sed exiguum admodum. » Vides autem quale sit, die non esse contentum, nisi aliquis igniculus alluxerit? Quod potest in hac claritate solis habere scintilla momentum? Si non es sola honestate contentus, necesse est aut quietem adjici velis, quam ἀσχηστία<sup>1</sup> vocant Græci; aut voluptatem. Horum alterum utcumque recipi potest; vacat enim animus molestia, liber ad inspectum<sup>2</sup> universi, nihilque illum avocat a contemplatione naturæ: alterum illud, voluptas, bonum pecoris est. Adjicimus rationali irrationale, honesto inhonestum. [Magnam voluptatem<sup>3</sup>] facit titillatio corporis: quid ergo dubitatis dicere, bene esse homini, si palato bene est? Et hunc tu, non dico inter viros numeras, sed inter homines, cujus summum bonum saporibus, et coloribus, et sonis constat? Excedat ex hoc animalium, numero pulcherrimo, ac Diis secundo<sup>4</sup>; mutis aggreg-

34, ubi Antipater vel non clare opinionem suam diversam exprompsit; nam discessit a veteribus, qui omnino sine externis vitam beatam constare dicebant; vel noster ejus scripta nonnisi ex aliorum auctorum mentione cognoverat. *Ruhk.*

1. Ἀσχηστία. Sic satis perspicue (sola terminatione excepta) *ms. a.* idque ipsum haud obscure debuerat *ms. c.* Vocab. miris modis ab aliis definitum, aut ex conject. correctum, ut πανούλην ab Erasmo. ἡσυχία a Mur. Sonat solum ἀσχηστία latine vacuitatem molestiarum, ut mox ipse Seneca interpretatur. Græcum vocab. habes etiam apud Sextum Empir. Pyrrh. I, 10. *Schw.*

2. Inspectum. Dedit *ms. a. c.* et ed. *A.* Vulgo conspectum. *Schw.*

3. [Magnam voluptatem] facit ti-

llatio corporis. Verbis ex conject. correctis nunc circumdedit. *Magnam vitam facit* vulg., ex Mureti emend. *Magna vitam facit* edd. vett. et *ms. c. Magne vitam facit* *ms. a.* Equidem non dubito, vitam ex vocabulo voluptatem compendiose scripta originem traxisse. Tum vero, ut ad vitam magno intercidisse pusillum conjectaverat Erasmus, sic ego suspicatus sum in hunc fere modum scripsisse Senecam, *honestum inhonesto, magno vile. Voluptatem facit* etc. *S.* — Epicurens tangit, quos in propria felicitate promovenda atque evolvenda virtutem ideoque vitam beatam ponisse censuit. Cf. de Vita Beata 5, 4. *Ruhk.*

4. Ac Diis secundo. Imo, a Diis secundo; sicut dicimus secundus a rege, et similia. *Schw.*

tur, animal pabulo lætum<sup>1</sup> ! Irrationalis pars animi<sup>2</sup> duas habet partes : alteram animosam, ambitiosam, impotentem, positam in affectionibus; alteram humilem, languidam, voluptatibus deditam. Illam effrœnatam, meliorem tamen, certe fortiorem ac digniorem viro,<sup>3</sup> reliquerunt; hanc necessariam beatæ vitæ putaverunt, innervem<sup>4</sup> et abjectam. Huic rationem servire<sup>5</sup> jusserunt, et fecerunt animalis generosissimi bonum, demissum et ignobile; præterea mixtum, portentosumque, et ex diversis ac male congruentibus<sup>6</sup> membris. Nam, ut ait Virgilius noster, in *Scylla*,

Prima hominis facies, et pulchro pectore virgo  
Pube tenus; postrema immani corpore pistriz,  
Delphinum caudas utero commissa luporum<sup>7</sup>.

Huic tamen Scyllæ fera animalia juncta sunt, horrenda, velocia<sup>8</sup> : at isti Sapientiam ex quibusnam composuere, portentis? « Prima hominis pars est ipsa virtus : huic

1. *Pabulo lætum*. Sic omnes mss. Ante Gronov. *pabulo natum*. Ruhk.

2. *Irrationalis pars animi... deditam*. Altera est affectionibus dedita, τὸ θυμικόν, irascens, animosum illud et irritabile; aliter, τὸ παθητικόν : altera est concupiscens, τὸ ἐπιθυμητικόν. Cf. ad §. 1. Ruhk.

3. *Reliquerunt*. Qui? nempe Epicurei : et de iis loquitur. Illi, inquit, relicto τῷ θυμικῷ, solum ἐπιθυμητικόν sunt secuti. Lips.

4. *Innervem*. Vulgo *enervem*. S.

5. *Huic rationem servire... membris*. Obiectio, quam Seneca Epicureis facit, a Kantio probatur in *Kritik der prakt. Vernunft* p. 201 sq. ed. II. R.

6. *Ac male congruentibus*. Ex conject. corresi. Olim *animalium congruentibus* ex Erasmi conject. *Animalis congr.* mss. a. et c. *Animali-*

*bus congr.* editt. R. A. *Animalium incongr.* ed. Matt. Schw. — Ruhk. edidit *animalis non congr.* Mss. omnes, inquit, *animalis* : non inserui sententia poscente : nam mirum portentosumque est, diversa animalium membra tamen congruere. Gronov. emend. vel, *ex diversis uni incongruentibus membris*, vel, *ex diversa animali congr.* i. e. ei quod homini diversum vel oppositum est, nempe muto et irrationali. Ruhk.

7. *In Scylla... luporum*. Virgilius versus exstant in Rn. III, 426 sqq. In *Scylla* i. in loco de Scylla, aui potius jungenda sunt in *Scylla Prima* h. f., judice Heynio Proöm. in Cirin. R.

8. *Velocia*. *Volatilia* habet sola ed. A. *Ferocia* suspicatus eram; sed *veloci* opponi potuit *iners* quod infra. Schw.



committitur inutilis<sup>1</sup> caro, et fluida, et receptandis tantum cibis habilis, » ut ait Posidonius. Virtus illa divina in lubricum desinit<sup>2</sup>, et superioribus partibus venerandis atque cælestibus animal iners ac marcidum attextitur. Illa, utcumque alta, quies<sup>3</sup> nihil quidem ipsa præstabat animo, sed impedimenta removebat; voluptas ultro dissolvit, et omne robur emollit. Quæ invenietur tam diacors inter se junctura corporum? Fortissimæ rei inertissima adstruitur; severissimæ parum seria; sanctissimæ intemperans usque ad incesta<sup>4</sup>.

Quid ergo, inquit<sup>5</sup>, si virtutem nihil impeditura sit bona valetudo, et quies, et dolorum vacatio; non petes illas<sup>6</sup>? — Quidni petam? non quia bona sunt, sed quia secundum naturam sunt, et quia bono a me judicio sumuntur<sup>7</sup>. Quod erit tunc in illis bonum? hoc unum, bene eligi. Nam quum vestem, qualem decet, sumo, 11 quum ambulo ut oportet, quum cœno quemadmodum debeo; non cœna, aut ambulatio, aut vestis bona sunt, sed meum in his propositum, servantis<sup>8</sup> in quaque re rationi convenientem modum. Etiam nunc adjiciam: munda vestis electio appetenda est homini; natura enim homo

1. *Inutilis*. Sic dedit Erasmus et mss. Gruteri; Muretus dederat *futilis*. Ruhk.

2. *In lubricum desinit*. Horatius Art. Poet. initio: « Desinit in piscem mulier formosa superne. »

3. *Illā, utcumque altā, quies*. De qua vid. § 6, 7.

4. *Usque ad incesta*. Quod mss. et editio vetus male præbent *u. a. ingesta*. Erasmi. et Muret.: *ad indigesta*. Ruhk.

5. *Quid ergo? inquit*. Epicureus. Sermo est de adiaphoris s. mediis, quæ bona sunt electione, mala au-

tem rejectione nostra. Confer. Epist. LXVI, 4. et Argumentum illi epistolæ præfixum. Ruhk.

6. *Illas, non illa, a. c. R. A. S.*

7. *Sumuntur*. Sic a. c. A. Vulgo *sumuntur*. Schw.—Hoc stoicum, in adiaphoris, sive mediis eligere et sumere quæ sunt secundum naturam. Ipsa bona non sunt; sed judicium tale bonum. Nos in Manud. lib. II, Dissert. XXIII. Lips.

8. *Servantis*. Sic omnes mss. palat. et Gronov. etc. Genitivum e pronom. possessivo oriri nunc satis nota res est. Antea: *servandi*. Ruhk.

- 12 mundum et elegans animal est. Itaque non est bonum per se munda vestis; sed mundæ vestis electio; quia non in re bonum est, sed in electione, quæ<sup>1</sup> actiones nostræ honestæ sunt, non ipsa quæ aguntur. Quod de veste dixi, idem me dicere de corpore existima. Nam hoc quoque natura, ut quamdam vestem, animo circumdedit; velamentum ejus est. Quis autem unquam vestimenta æstimavit arcula<sup>2</sup>? Nec bonum, nec malum vagina gladium  
13 fecit<sup>3</sup>. Ergo de corpore quoque idem tibi respondeo; sumpturum quidem me, si detur electio, et sanitatem et vires; bonum autem futurum iudicium de illis meum, non ipsa.

« Est quidem, inquit<sup>4</sup>, Sapiens beatus; summum tamen illud bonum non consequitur<sup>5</sup>, nisi illi et naturalia instrumenta respondeant. Ita miser quidem esse, qui Virtutem habet, non potest: beatissimus autem non est, qui naturalibus bonis destituitur, ut valetudine, ut mem-

1. *Qua*. Pro vulgato *quo*, Schw. dat *quali*, quod præbent mss. a. c. A. *Quia* est ed. R.

2. *Arcula*. In qua reconduntur et asservantur. Cf. De Tranquill. c. I, 3, 8. *Ruhk*.

3. *Fecit*. Sic ms. a. Alii *facit* eum vulgg. cdd. Schw.

4. *Inquit*. Adversarius academicus et peripateticus: quippe qui contendunt, a virtute quidem beatitatem esse, sed non plenam et summam, nisi externa etiam accedant, quæ *naturalia instrumenta* s. *bona* vocant. Cic. Tusc. Q. V. 8. 16 sqq. Stoici tamen hæc non bona corporis appellant, sed neutra, media, interjecta, creberrime indifferencia: de quibus et cum Pyrrhonis asseclis disputaverunt, omnia, quæ Stoici de virtute, vitio, bono etc. posuerunt, labefac-

tantibus. (Cf. Böhlii *Lehrbuch der Gesch. der Phil.* III p. 402 sqq.) Usuræ habent *commoda* s. producta, non utilitatem s. bonum; sumuntur quidem, sed non expetuntur: sint apud nos, sed ita ut meminerimus, extra nos esse, i. extra animum, primam et pæne totam nostri partem. Bona illa sunt vera, quæ ratio dat; cetera tantum opinione sunt bona. Epist. LXXIV, 16. Lipsii *Mannf.* II, 23. Stoici itaque contendebant jure, beatissimum esse posse et debere, etiamsi his naturalibus bonis s. commodis destitueretur, nec miserum, etiamsi sit sub incommodis, s. iis quæ fugienda sint. R.— De illa rerum divisione in *rejecta, sumenda* etc., cf. Cic. Acad. I ubi plura Gorenz hac de re.

5. *Consequitur*, ms. a. *Sequitur* c. R. A. *Assequitur* vulgo. S.

brorum<sup>1</sup> integritate. » — Quod incredibilius videtur, id  
concedis, aliquem in maximis et continuis doloribus non  
esse miserum, esse etiam beatum; quod levius est, ne-  
gas, beatissimum esse. Atqui, si potest Virtus efficere,  
ne miser aliquis sit, facilius efficiet, ut beatissimus sit:  
minus enim intervalli a beato ad beatissimum restat,  
quam a misero ad beatum. An, quæ res tantum valet,  
ut ereptum calamitatibus inter beatos locet, non potest  
adjicere quod superest, ut beatissimum faciat? in summo  
deficit clivo? Commoda sunt in vita, et incommoda; 15  
utraque extra nos. Si non est miser vir bonus, quamvis  
omnibus prematur incommodis; quomodo non est beatis-  
simus<sup>2</sup>, si aliquibus commodis deficitur? Nam quemad-  
modum incommodorum onere usque ad miserum non  
deprimitur, sic commodorum inopia non deducitur a  
beatissimo; sed tam sine commodis beatissimus est, quam  
non est sub incommodis miser: aut potest illi<sup>3</sup> eripi  
bonum suum, si potest minui. Paulo ante dicebam<sup>4</sup>, igni- 16  
culum nihil conferre lumen soli; claritate enim ejus,  
quidquid sine illo luceret<sup>5</sup>, absconditur. — « Sed quædam,  
inquit, soli quoque obstant. » — At solis vis et lux integra  
est, etiam inter opposita; et, quamvis aliquid<sup>6</sup> interjacet,  
quod nos prohibeat ejus aspectu, in opere est, cursu  
suo fertur. Quoties inter nubila luxit, non est<sup>7</sup> sereno

1. *Ut membrorum*, ms. a., et ed. A. Vulgo *et membr.* S.

2. *Non est beatissimus, si.* Sic libri nostri. Vulgo *non beatissimus, et si etc.* S.

3. *Aut potest illi eripi.* Sic recte libri vet. Vulgo *annon ex Erasmi* conject. S.

4. *Paulo...diceb.* Supra, § 5. Quum Stoicis virtus abstracti loco sit, atque cum ratione perfecta conveniat, re-

sponsio repellit objectionem, quam vide Ep. LXXIV, 16. LXXVI, 7. et 10. Cic. de Fin. III, 14, ubi eadem imagine et cæteros Stoicos ad illustrandam hanc doctrinam usos esse patet. R.

5. *Quidquid sine illo luceret*, ms. a. Vulgo *quidquid sine eo lucet.* S.

6. *Interjacet.* Dederunt a. c. R. A. Vulgo *interjaceat.* S.

7. *Sereno minor* Subaudi *sole se-*  
reno: id est, non est minor quam sol

minor, ne tardior quidem; quoniam multum interest,  
 17 utrum aliquid obstet tantum, an impediatur. Eodem <sup>1</sup> modo  
 Virtuti opposita nihil detrahunt. Non est minor, sed  
 minus fulget: nobis forsitan non æque apparet ac nitet;  
 sibi eadem est, et, more solis obscuri, in occulto vim  
 suam exercet. Hoc itaque adversus Virtutem possunt ca-  
 lamitates, et damna, et injuriæ, quod adversus solem  
 potest nebula.

Invenitur <sup>2</sup> qui dicat, Sapientem corpore parum pro-  
 spero usum, nec miserum esse, nec beatum. Hic quoque  
 fallitur: exæquat enim fortuita virtutibus <sup>3</sup>, et tantum-  
 dem tribuit honestis, quantum honestatē carentibus.  
 18 Quid autem fœdus, quid indignius, quam <sup>4</sup> comparari  
 veneranda contemptis? Veneranda enim sunt, justitia,  
 pietas, fides, fortitudo, prudentia: e contrario vilia  
 sunt; quæ sæpe contingunt pleniora vilissimis, crus so-  
 lidum, et lacertus, et dentes, et horum sanitas firmi-  
 tasque. Deinde si sapiens, cui corpus molestum est, nec  
 miser habebitur, nec beatus, sed medio <sup>5</sup> relinquetur;  
 19 vita quoque ejus nec appetenda erit, nec fugienda. Quid  
 autem tam absurdum, quam sapientis vitam appetendam  
 non esse? aut quid tam extra fidem, quam esse aliquam  
 vitam nec appetendam, nec fugiendam? Deinde, si  
 damna corporis miserum non faciunt, beatum esse pa-

idem, quom fertur per cælum sere-  
 num.

1. *Eodem modo... detrahunt.* Noli  
 putare hic notiones commutari: nam  
 quæ de virtute valent, prædicantur  
 quoque de beatitudine, quippe quæ  
 ex virtute est. *Ruhk.*

2. *Invenitur... nec beatum.* Aca-  
 demicorum al. sententia hæc fuit,  
 uti supra vidimus. *Ruhk.*

3. *Exæquat... fortuita virtutibus.*  
 Qui enim contendit tam posse for-  
 tuitis hominem beatitudine orbari,  
 quam virtute beatum effici.

4. *Comparari, a. c. A.* Vulgo *com-  
 parare.* *Schw.*

5. *Sed medio relinquetur.* Sic, *ms.*  
*a. c. R. A.* et *ms.* Gruteri; nec ve-  
 ro spernendum est vulgatum *sed in  
 med. rel.* *Schw.*

tiuntur. Nam quibus potentia non est in peiorem transferendi statum, ne interpellandi quidem optimum. — « Frigidum, inquit <sup>1</sup>, aliquid, et calidum novimus; inter utrumque tepidum est: sic aliquis beatus est, aliquis miser; aliquis nec miser, nec beatus. » — Volo hanc contra nos positam imaginem excutere. Si tepido illi plus frigidi ingessero, fiet frigidum; si plus calidi affudero, fiet novissime calidum. At huic, nec misero nec beato, quantumcumque ad miseras adiecero, miser non erit, quemadmodum dicitis: ergo imago ista dissimilis est. Deinde trado tibi hominem nec miserum nec beatum: huic adjicio cæcitatem, non fit miser; adjicio debilitatem, non fit miser; adjicio dolores continuos et graves, miser non fit. Quem tam multa mala in miseram vitam <sup>21</sup> non transferunt, ne ex beata quidem educunt. Si non potest, ut dicitis, sapiens ex beato in miserum decidere, non potest in non beatum. Quare enim, qui illa <sup>3</sup> cœpit, alicubi subsistat? Quæ res illum non patitur ad imum devolvi, retinet in summo <sup>4</sup>. Quidni <sup>5</sup> non possit beata vita rescindi? ne remitti quidem potest: et ideo Virtus ad illam per se ipsa satis est. — « Quid ergo <sup>6</sup>? inquit, Sapiens non est beatior, qui diutius vixit, quem nullus avocavit dolor, quam ille, qui cum mala fortuna semper

1. *Frigidum, inquit... nec beatus.* Iuprimis Aristotelicorum hanc esse objectionem patet. *Ruhk.*

2. *Qui illa* (illa, cum circumflexa nota) *cœpit, alicubi subsistat?* Sic vett. libri omnes. I. e. qui ea via iucedere cœpit, scil. qui ex beato cœpit decidere in non beatum. Vulgo *qui labi cœpit*, ex ing. Mur. S.—Cur desinet decreescere beatitudo, semper crescentibus malis, si id semel mala potuerunt, ut beatitudinem minuerent.

3. *Quæ res... in summo.* Idem quod impedit ne miser fiat, ne ad imum infelicitatis devolvatur, idem impedit, quam summa fruatur beatitudine, ne quid illi detrahatur, ne ex hoc apice beatæ vitæ amorentur.

4. *Quidni... rescindi?* Obiectio Academicorum esse videtur et Peripateticorum. *Ruhk.*

5. *Quid ergo?... luctatus est?* Et hæc est obiectio Academicæ et Lycei. Cf. Lipsii Manud. III, 3. *Ruhk.*

- luctatus est? » — Responde mihi : Numquid et melior est, et honestior? si hæc non sunt, ne beatior quidem est. Rectius vivat oportet, ut beatius vivat : si rectius non potest, ne beatius quidem. Non intenditur Virtus; ergo ne beata quidem vita, quæ ex virtute est. Virtus enim tantum bonum est, ut istas accessiones minutas non sentiat, brevitatem ævi, et dolorem, et corporis varias offensiones. Nam voluptas non est digna, ad quam respiciat.
- Quid est in Virtute præcipuum? futuro non indigere, nec dies suos computare : in quantulo libet tempore bona æterna consummat.

Incredibilia nobis hæc videntur, et supra humanam naturam excurrentia : majestatem enim ejus ex nostra imbecillitate, metimur, et vitiis nostris nomen virtutis imponimus. Quid porro, non æque incredibile videtur, aliquem in summis cruciatibus positum, dicere : Beatus sum? Atqui hæc vox in ipsa officina voluptatis audita est. Beatissimum, inquit, hunc et ultimum diem ago, Epicurus<sup>2</sup>, quum illam hinc urinæ difficultas torqueret, hinc insanibilis exulceratî dolor ventris. Quare ergo incredibilia ista sint apud eos, qui virtutem colunt; quum apud eos quoque reperiantur, apud quos voluptas imperavit? Hi quoque degeneres, et humillimæ mentis, aiunt,

1. *In quantulo libet tempore bona æterna consummat.* Sic ms. a. cum aliis. S.—Quæ lect. per se optime intelligitur. Vulgo *in quantolibet tempore æterna consummare.* Hanc lectionem invenerat Gronov. in ms. et recepit. Quam Ruhkopf. sic, nec satis locide, interpretatur : in quantolibet tempore ad eternitatem pervenire, vel certe illa, quæ æterna sunt, nempe vera et unica bona perficere ac maturare, ad quod in aliis

temporis intervalla requiruntur. Antea : *in quantolibet tempore bona æterna consummat.*

2. *Epicurus.* Cf. ad Ep. LXVI, 17. 18. Suot hæc desumpta ex Epistola Hermacho missa, quæ existat ap. Diog. Laert. X, 22, versa io latioom sermonem ap. Ciceron. de Fin. II, 30 : « Epicurus Hermacho Salut. d. Quom ageremus vitæ beatum et eundem supremum diem, scribebamus hæc. Taoti autem morbi aderant

in summis doloribus, in summis calamitatibus, sapientem nec miserum futurum, nec beatum. Atqui hoc quoque incredibile est, imo incredibilius. Non video enim, 25 quomodo non in infimum agatur e fastigio suo dejecta virtus. Aut beatum præstare debet; aut, si ab hoc depulsa est, non prohibebit fieri miserum. Stans non potest mitti<sup>1</sup>: aut vincatur oportet, aut vincat.—« Diis, inquit, immortalibus solis et virtus, et beata vita contigit; nobis umbra quædam illorum bonorum et similitudo: accedimus ad illa, non pervenimus. » — Ratio vero Diis hominibusque communis est: hæc in illis consummata est, in nobis consummabilis. Sed ad desperationem nos vitia nostra 26 perducunt. Nam ille alter secundus est<sup>2</sup> ut aliquis parum constans ad custodienda optima, cujus iudicium labat etiam nunc et incertum est. Desiderat<sup>3</sup> oculorum atque aurium sensum, bonam valetudinem<sup>4</sup>, et non fœdum aspectum corporis, et habitu manentem suo, ætatis præterea longius spatium<sup>5</sup>; per hanc potest non poenitenda 27 agitare? Imperfecto viro huic malitiæ vis quædam inest:

vesicæ et viscerum, ut nihil ad eorum magnitudinem possit accedere etc.» *R.*

1. *Stans* (scil. in acie.) *non potest mitti*. Sic recte ms. a. et Lipsii cod. Inepte vulgo, *non potest vinci*, cum c. *R. A. Schw.* — Int.: qui in prælio contra hostium lacessentium assultus stetit, non potest dimitti a prælio et relinqui ab assultantibus: oportet aut illum deici, aut ab eo hostes.

2. *Diis, inquit*. Acad. et Peripatet. *R.*

3. *Secundus est ut* (i. sicut) etc. Perperam omissum verbum est in ed. Mur. et seqq. *S.* — *Ille alter secundus*, i. e. ille nondum perfectus in sapientia. Solet passim distinguere Seneca virum perfectum a tolerabili, at imperfecto, et proficiente (Ep. XVI,

1. LVII, 2. XCIV, 47); illum, quem et sapientem et bonum vocat, qui ad summum gradum virtutis ac vitæ beatæ pervenit; hunc, quem vocat secundum, qui multum profecit, nondum tamen apicem consecutus est, nondum veritatem perspexit, atque contemptum externorum nondum induit. *Gronov.*

4. *Desiderat*. Sic vulgo. *Sehweigh.* dat *desideret*, ex suis mss.

5. *Aurium sensum, bonam valetudinem*. Sic vulgo olim, cum a. c. *R. A.* *Aurium cæterorumque sensuum bonam valetudinem* ed. *Ruhk.* cum Pal. sœ. Col. et ms. *Gron. S.*

6. *Spatium... agitare? Imperf.* Nos interrogationis punctum de nostro

quia animum habet mobilem, ad prava illum agit hærens malitia, et ea agitata abest de bono<sup>1</sup>. Non est adhuc bonus, sed in bonum fingitur; cuicumque autem deest aliquid ad bonum, malus est.

Sed, si cui virtus animusque in corpore præsens<sup>2</sup>,

<sup>28</sup> hic Deos æquat; illo tendit, originis suæ memor. Nemo improbe eo conatur ascendere, unde descenderat. Quid est<sup>3</sup> autem, cur non existimes in eo divini aliquid existere, qui Dei pars est? Totum hoc, quo continemur, et unum est, et Deus: et socii sumus ejus, et membra. Capax est noster animus; perfertur illo, si vitia non deprimant. Quemadmodum corporum nostrorum habitus crigitur, et spectat in cælum: ita animus, cui, in quantum vult, licet porrigi, in hoc a natura rerum formatus est, ut paria Diis velit, et sic utatur<sup>4</sup> suis viribus, ac se  
<sup>29</sup> in spatium suum extendat. Non aliena via<sup>5</sup> ad summa

posuimus post non pœnitenda agitare, quo hæc sententia eum sequentibus melius hæreret. Cæterum totus locus, a verbis nam ille alter, ita obacurus et ab editoribus vezatus est ut aliquid deesse facile crediderimus. Ruhk. totum hunc locum sic edidit puncto maximo post spatium interpungens. Per hanc potest non pœnitenda agitare: at imperfecta viro huic malitiæ vis quadam inest, qua animum habet mobilem: ad prava illum agit hærens malitia etc. In his, inquit, constituendis sequor et Gruter. et Gronovium: nisi quod hujus emendationem: Fer hunc: potest...non necessariam putem. Antea: ut in imperfecto viro. Huic...mobilem ad prava. Ille agit carens malitia: quæ sensu carebant. Ruhk. — Imperfecta viro huic. Sic. a. et R. Sed fortasse non male. Ut imper-

fecto viro, huic etc. ms. c. et ed. A. Tum infra quia, non qua, a. c. R. A. Eademque linea ad prava illum agit hærens malitia recte ed. Robk. cum ms. Sieulo Mur. Schw.

1. Ea agitata abest de bono. Sic dedere libri vet. ubi vulga ea agitata abest a bono. Schw.

2. Præsens. Versus Virgil. est. Æn. V, 363; sed leg. pectore. En.

3. Quid est... membra. Stoicum hoc dogma sæpe jam vidimus. Multus est in eo exeutiando Lipsius Physial. st. I, 8. Ruhk.

4. Et sic utatur. Sic volgo. Schw. nimio mutationum abreptus studio in testum recepit etsi utatur quod dant a. c. A.

5. Non aliena via ad summa nititur. Sic mss. a. c. cum ed. A. et Ven. nisi quod aliena vita habent a. c. et aliena vi ed. Ven. Nos via



nititur; magnus erat labor, ire in cælum: redit! in hoc iter natus est<sup>1</sup>. Vadit audacter, contemptor<sup>2</sup> omnium; nec ad pecuniam respicit: aurum argentumque<sup>3</sup>, illis, in quibus jacuere, tenebris dignissima<sup>4</sup>, non ab hoc æstimat splendore<sup>5</sup>, quo imperitorum verberant oculos, sed a vetere cæno<sup>6</sup>, ex quo illa secrevit cupiditas nostra et effodit. Scit, inquam, aliubi<sup>7</sup> positas esse divitias, quam quo congeruntur; animum impleri debere, non arcam. Hunc imponere dominio rerum omnium licet, hunc in<sup>30</sup> possessionem rerum naturæ inducere, ut sua Orientis Occidentisque terminis finiat<sup>8</sup>, Decorumque ritu cuncta

ex facili conject. corresimus. Vulgo, *Nam si aliena vi ad summa niteretur* ex Erasmi maxime conject. S.

1. *In hoc iter natus est.* Primam voculam ex conject. correxi; nam perperam ed (sic) *hoc iter natus est* dabat ms. a. Tum alii, *eum hoc iter ad quod natus est.* Denique vulgo, *quum hoc iter natus est.* Schw.

2. *Contemptor.* Vulgo et contemptor, assuta inutili copula. Schw.

3. *Aurum argentumque.* Vulgo ex ed. R. *Sed aurumque et argentum a. c. A. Schw.*

4. *Illis, in quibus jacuere, tenebris dignissima.* Sic et Horatius lib. III, Od. III. « Aurum irreperitum et sic melius situm, Dum terra celat spernere fortior, Quam cogere humanos in usus Omne sacrum rapiente dextra. »

5. *Non ab hoc æstimat splendore.* Sic perspecte Rubenius apud Gron. partim e veteribus libris partim e conjectura. Veteres edd. et scripti, *non ad hoc æstimat splendor; splendorem* ms. a. Pal. 1. 2 et Col. *Splendore* Pal. 4. Vulgo *ad hunc æstimat splendorem*, ex Gruteri conjectura. Schw. — Idem Horatius Carm. II, Od.

XXIII: « Regnum et diadema totum Deferens nui, propriamque laurum, Quisquis ingentes oculo irretorto Spectat acervos; » ubi Mitscherlich nostro loco bene usus est. Ruhl.

6. *Sed a vetere cæno, ex quo,* etc. Scriptura hæc, quæ Rubenii debetur iugevio, haud dubie latebat sub ista vetero, *sed avertere cælo*, quam offert ms. c. a qua parum abeunt ms. a. et ed. A. *sed avertero cælo;* et ed. R. *sed advertere cælo.* Scit erui e cornu dat ed. Lips. et Gron. ex Gruteri conject. et averterunt a cælo ed. Veu. Er. et Mur. quod revocavit Ruhl. Schw. — Sic Ruhlkopius suam explicat lectionem: Ex quo tempore cupiditas nostra secrevit aurum argentumque atque effodit, illa averterunt nostros animos a cælo, unde originem ducimus etc.

7. *Aliubi.* Ms. a. et sic constanter pro vulgato *alibi*. Perperam *alicubi* ed. R. Schw.

8. *Ut sua, Orientis Occidentisque terminis finiat.* Sic mss. a. c. et ed. A. nisi quod in ms. a. et ed. A. perperam *fiat* scribitur, pro *finiat*, quod verbum ms. c. compendiose quidem, sed haud dubie, exhibet. Ista scri-

- possideat<sup>1</sup>; quum opibus suis divites superne despiciat, quorum nemo, tam suo lætus est, quam tristis alieno. Quum se in hanc sublimitatem tulit, corporis quoque, velut oneris necessarii, non amator, sed procurator est;
- 3, nec se illi, cui impositus est, subjicit. Nemo liber est, qui corpori servit. Nam, ut alios dominos, quos nimia pro illo sollicitudo invenit, transeas, ipsius morosum imperium delicatumque est. Ab hoc<sup>2</sup>, modo æquo animo exit, modo magno prosilit; nec, quis<sup>3</sup> deinde reliquiis ejus futurus sit exitus, quærit. Sed, ut ex barba capillos detonsos negligimus; ita ille divinus animus egressurus hominem, quo receptaculum suum conferatur, ignis illud exurat<sup>4</sup>, an terra contegat, an feræ distrahant, non magis ad se judicat pertinere, quam secundas<sup>5</sup> ad editum
- 3, infantem. Utrum<sup>6</sup> projectum avcs differant, an consumatur

..... Canibus data præda marinis,

quid ad illum? Qui tunc quoque, quum inter homines est, nullas minas timet; ullasne timebit post mortem mi-

ptura varie ab aliis vel interpolata vel mutata est. Schw — Ruhk. edidit: *Ut suarum (sc. animi) possessionum Orientis Occidentisque terminus fiat.* Lectio, ut ait, bona eodd. plurimorum et edd. Pincianus autem monuit, scripturam veterem habere et compendiosius et elegantius (sed vereor ut elarins): *ut suæ Orientis Occidentisque terminus fiat.* Hinc Moretus hariolatione fecerat: *ut suorum Oriens Occidentisque terminus fiat. R.*

1. *Deorumque ritu cuncta possideat.* Omnia sapientium esse, αὐτάρκεια τῶν σοφῶν πάντα γὰρ αὐτοῦ εἶναι τῶν ἄλλων, quatenus oculis et animo usurpât, Cynismi et Stoicismi com-

mune dogma. Lipsius in Manud. III, 11. Ruhk.

2. *Ab hoc... prosilit.* I. vel manet, usque dum naturaliter moriatur, vel sponte exit, vi sibi illata. Ruhk.

3. *Nec, quis... quærit.* Ut Diog. Sinopens. et Anaxagoras apud Cic. Tusc. Q. I. 43. Ruhk.

4. *Exurat. Excludat mss. a. c. R. A. Schw.*

5. *Secundas.* Membras, quibus infans in ntero involvitur, editumque in lucem sequuntur: unde secundæ. Græcis a simili causa, τὰ ὑστέρᾳ. L. — Alias et vocantur secundinæ. Ruhk.

6. *Utrum... differant.* Huc ille

nas eorum, quibus<sup>1</sup> usque ad mortem timeri parum est? Non conterret<sup>2</sup>, inquit, me nec uncus, nec projecti ad contumeliam cadaveris laceratio, fœda visuris. Neminem de supremo officio rogo; nulli reliquias meas commendo: ne quis insepultus esset, rerum nātura prospexit<sup>3</sup>. Quem sævitia projecerit, dies condet. Diserte Mæcenas ait:

Nec tumulam curo; sepelit natura relictos!

Alte cinctum<sup>4</sup> putes dixisse: habuit enim ingenium et grande et virile, nisi illud secum discinxisset<sup>5</sup>. Vale.

trabant et deportent. Sic Horat. Ep. v, 99: « Post insepulta membra differrent lupi Et Esquilinæ alites. » Cf. Seneca de Tranq. c. 14. Versus Virgilii *Æn.* IX, 485 ad parodiam deflexit. R.

1. *Quibus...* parum est. Tyrannorum, qui in cadavera sæviunt.

2. *Conterret.* Lipsius e conj. textui immisit, probante Gronovio. Antea *conteret*. At neque nūci est conterere, sed trahere. Et de terrore agitur. — *Non conterret...uncus* quo improbi ac damnati trahebantur ab Hamatrahonibus. Cf. Festus b. v. Seneca de Ira III, 3, 6. *Ruhk.*

3. *Natura prospexit.* His paria Lucanus lib. VII in Cæsarem, qui insepultos cives in Pharsalia reliquit: « Nil agis hac ira: tabesne cadavera solvat, An rogos, haud refert: pla-

cido Natura receptat Cuncta sinu. »

4. *Alte cinctum.* I. e. industriam, militarem, patientem laboris: molliculi s. remissi tunicas demiserunt: unde una cum veste et corpore ingenium dissolvit, enervavit et effeminavit. Horat. I Serm. v, 5: « Hoc iter ignavi divisimus, altius ac nos Præcinctis unum. » *Ruhk.*

5. *Secum discinxisset.* I. nna cum veste et corpore ingenium dissolvisset (quod vertit *Lagrange*: *Il aurait eu un courage indle, s'il ne l'eût énérvé par sa mollesse*). Alii: *illud ipse discinxisset.* At mens et quidam *secundis cinsisset*; itaque legas etiam cum Grutero *secunda discinxissent*; scilicet res nimis prosperæ et fluentes fluxum illum et mollem reddiderunt. *Lips.*

## EPISTOLA XCIII.

## VITAM NON EX SPATIO, SED EX ACTU METIENDAM.

Querela Lucilii de morte Metroactis philosophi, qui juvenis obiit, aetatem dedit Senecae, ad æquitatem adversus Deum cohortandi et ad obsequium, quod naturæ debemus, præstandum. Non multum refert, juvenis an senex obeas, sed utrum officiis tuis bene fructus sis: itaque vita non ætate s. spatio temporis, sed actu metienda est, quæ longa est, modo bona fuerit. Accedit quod ætas inter fortuita s. externa est, quam, quamdiu bonus vir sis, in tua potestate sit, et quamdiu ad sapientiam vivas. Cf. Senecæ tres Consolationes, quas secundo Volumine exhibuimus.

## SENECA LUCILIO SUO SALUTEM.

In epistola, qua de morte Metronactis<sup>1</sup> philosophi querebaris, tanquam et potuisset diutius vivere, et debuisset, æquitatem tuam desideravi; quæ tibi in omni persona<sup>2</sup>, in omni negotio superest; in una re deest, in qua omnibus. Multos inveni æquos adversus homines; adversus Deos neminem. Objurgamus quotidie fatum: Quare ille in medio cursu raptus est? quare ille non rapitur? quare senectutem et sibi et aliis gravem extendit? Utrum, obsecro te, æquius judicas, te naturæ, an tibi parere naturam? Quid autem interest, quam cito ex eas, unde utique exeundum est? Non ut diu<sup>3</sup> vivamus, curandum est, sed ut satis. Nam, ut diu vivas, fato opus

1. *Metronactis*. Qui Neapoli (philosophiam) docuit et obiit, ut discas ex Epist. LXXVI, 1. *Lips.*

2. *In omni persona*, quam geris, muovere, officio publico. Cf. Perizon.

ad Sanctii Minerv. I, 12, 4 et Ernesti Clav. Cic. h. v. *Ruhk.*

3. *Non ut diu... satis*. Sæpe hoc Noster et alii ioculcunt, e. g. Ep. XXII, 13. LXX, 3: «Non enim vivere bonum

est; ut satis, animo. Longa est vita<sup>1</sup>, si plena est: impletur autem, quum animus sibi bonum suum reddidit, et ad se potestatem sui transtulit. Quid illum octoginta anni juvant per inertiam exacti? non vixit iste<sup>2</sup>, sed in vita moratus est; nec sero mortuus est, sed diu. Octoginta annis vixit! Interest, mortem ejus ex quo die numeres.—At ille obiit viridis!—Sed officia boni civis, boni amici, boni filii, exsecutus est; in nulla parte cessavit. Licet ejus ætas imperfecta sit, vita perfecta est. Octoginta annis vixit! Imo octoginta annis *fuit*! nisi forte sic *vixisse* eum dicis, quomodo dicuntur arbores vivere. Obsecro te, Lucili, hoc agamus, ut, quemadmodum pretiosa rerum<sup>3</sup>, sic vita nostra non pateat multum, sed multum pendat. Actum illam metiamur, non <sup>4</sup> tempore. Vis scire, quid inter hunc intersit vegetum contemptoremque fortunæ, functum omnibus vitæ humanæ stipendiis<sup>4</sup>, atque in summum bonum ejus evectum; et illum, cui multi anni transmissi sunt? Alter post mortem quoque est; alter ante mortem <sup>5</sup>periit. Laudemus itaque, et in numero felicitium reponamus eum, cui, quantulumcumque temporis contigit, bene

est, sed bene vivere.» Et Ep. LXXVII, passim. *Ruhk.*

1. *Longa est vita, si plena est.* In hanc sententiam Plutarchus, consol. ad Apollonium: «Non longissima vita optima, sed honestissima.» Et addit: «Neque enim qui plurimum cithara cecinit, aut oravit, aut in navigubernavit, sed qui bene, commendatur. Bonum autem non est in temporis diuturnitate situm, sed in virtute et decora proportionem.» (A Lipsio e græco versum.)

2. *Non vixit iste.* Similis gnome Simonidis, qui interrogatus, quan-

tum temporis vixisset? «Tempus haud multum, inquit, annos vero complures.» Quasi in temporis rationem non veniat, nisi vita bene acta.

3. *Pretiosa rerum.* Gemmæ et lapides, etc. quæ in brevitate pretiorum habent. *Lips.*

4. *Stipendiis.* I. muneribus officiisque: ideoque naetum illud, quod summum est in vita. Allusio ad militiam est manifesta, quam attigit VVernsdorf. Exc. XVIII ad Poet. Lat. min. To. II p. 35t. *Ruhk.*

5. *Ante mortem periit.* Acumen facile intelligis. Vita nimirum ei pro-

collocatum est. Vidit enim veram lucem, non fuit unus  
 5 e multis<sup>1</sup>; et vixit<sup>2</sup>, et vixit: aliquando sereno usus  
 est; aliquando, ut solet, validi sideris fulgor per nubila  
 emicuit. Quid quæris, quamdiu vixerit? vixit: ad pos-  
 teros usque transilivit et se in memoriam dedit.

Nec ideo mihi plures annos accedere recusaverim; ni-  
 hil tamen mihi<sup>3</sup> ad beatam vitam defuisse dicam, si spa-  
 tium ejus inciditur. Non enim ad eum diem me aptavi,  
 quem ultimum mihi spes avida promiserat; sed nullum  
 6 non tanquam ultimum aspexi. Quid me interrogas,  
 quando natus sim? an inter juniores adhuc censear?  
 Habeo meum<sup>4</sup>. Quemadmodum in minore corporis ha-  
 bitu potest homo esse perfectus; sic et in minore tem-  
 poris modo potest vita esse perfecta. Ætas inter externa  
 est<sup>5</sup>. Quamdiu sim, alienum est: quamdiu vero sum,  
 vir bonus ut sim, meum est<sup>6</sup>. Hoc a me exige, ne velut  
 per tenebras ævum ignobile emetiar; ut agam vitam,  
 non ut prætervehar.

Quæris, quod sit amplissimum vitæ spatium? Usque  
 7 ad Sapientiam vivere! Qui ad illam pervenit, attingit  
 non longissimum finem, sed maximum. Ille vero glorie-  
 tur audacter, et Diis agat gratias; interque eos sibi et

prie non fait vera, sed que arbori-  
 bus est: jam ante esse desiit, quam  
 morte sublatus est. *Ruhk.*

1. *Non fuit unus e multis.* Int.  
 unus, ut tam multi sunt, unus a  
 grege hominum.

2. *Et vixit.* Ante hæc verba, et Li-  
 psius et *Ruhk.* addunt *et vixit*: nunc  
 in celo, ait Lipsius, ac male hæc  
 voces a vulgaris exulant. Miramur  
 Schw. in criticis notis de hoc siluisse.

3. *Nihil tamen mihi*, a. c. R. A.  
 Aberat vulgo *mihi*. Schw. — *Nihil*

*tamen... inciditur.* Spectant hæc ad  
 dogma stoicæ, quod sæpius jam  
 vidimus, vitam beatam non magis  
 inlendi quam virtutem, unde oria-  
 tur, e. c. Ep. XCII, 22. *Ruhk.*

4. *Habeo meum.* Id quod mihi as-  
 signatum ei in potestate mea est. R.

5. *Ætas inter externa est.* I. for-  
 titia, commoda, sumenda, producta,  
*περὶ πύλα.* *Ruhk.*

6. *Quamdiu vero sum, vir bonus  
 ut sim, meum est.* Scripturam hanc e  
 dnabus aliis composui. Nimis con-

rerum naturæ imputet, quod fuit<sup>1</sup>. Merito enim imputabit: meliorem illi vitam reddidit, quam accepit. Exemplar boni viri posuit; qualis quantusque esset, ostendit: si quid adjecisset, fuisset simile præterito<sup>2</sup>. Et tamen, quousque vivimus<sup>3</sup>? Omnium rerum cognitione<sup>4</sup> frui sumus. Scimus, a quibus<sup>5</sup> principalis natura se attollat; quemadmodum ordinet mundum; per quas vices annum revocet; quemadmodum omnia, quæ usquam erant, cluserit, et seipsam finem sui fecerit. Scimus, sidera impetu suo vadere; præter terram nihil stare, cætera continua velocitate decurrere. Scimus, quemadmodum solem luna prætereat; quare tardior velociorem post se relinquat; quomodo lumen accipiat, aut perdat; quæ causa inducat noctem, quæ reducat diem. Illuc eundum 9

eise et nullo sensu *ms. a. c. et ed. A. quamdiu vero ut sim, meum est. Ed. R. quamdiu vero ut vir bonus sim, etc. Schw.*

1. *Imputet, quod fuit. Lagrange vertit: S'attribuer à soi-même et à la nature d'avoir vécu, quasi esset, quia vere vixit. Sed sensus postulare videtur ut intelligas: illud quod se præstitit, nempe virum sapientem.*

2. *Si quid adj... simile præter. l. e. quod vitæ adjecisset, fuisset simile præteritæ vitæ.*

3. *Et tamen, quousque vivimus? Omnium rerum etc. Hand satis liquet hujus loci sententia. Interrogandi signum primus apposit Muretus, quod delendum videtur, et cum præcedentibus connectenda ista, omnium rerum etc. ut hoc fere dixisse intelligatur Philosophus: « Habet quidem hoc commodi longior vita, ut, quousque vivimus, » magis magisque fruamur cognitione » ne naturæ rerum. Nee vero idcirco » moleste ferre debemus exitum e*

*» vita: illuc enim eundum est, ubi » ista propius aspicias. » Schw. — Si vero vulgatam interpunct servaveris, optimus sensus erit: Et nos tamen quem ad finem vitam continuare cupimus? omnia novimus quæ cognoscenda erant, ita ut longiore vita non opus sit. Sic intelligunt locum Rubk. et Lagrange.*

4. *Fructi. Ut vulgo, sic ed. A. Fructi ms. a. quod et debuerat ms. c. in quo vitiose fracti. Cogitatione functi ed. R. Schw.*

5. *A quibus principalis natura. Sola ed. R. ad quid princ. Principalis tenent libri omnes, quod defendit Rubk. coll. Cie. N. D. II. XI. 29. Equidem eam Lipsio principis suspiratus eram: sed nil temere mutaverim. Nescio an principalis natura h. l. eadem dicatur, quæ summa illa ac pulcherrima omnium natura appellatur Epist. xcv, scilicet supremus Deus, cui subjecti sunt quos Deos (plurali numero) appellat Nonter. S. — Scimus a quibus principalis etc.*

est, ubi ista propius aspicias. — Nec hac spe<sup>1</sup>, inquit Sapiens, illo fortius<sup>2</sup> exeo, quod patere mihi ad Deos meos iter judico. Merui quidem admitti, et jam inter illos fui; animumque illo meum misi, et ad me illi suum miserant<sup>3</sup>. Sed tolli me de medio puta, et post mortem nihil ex homine restare; æque magnum animum habeo, etiam si nusquam transiturus excedo. — Non tam multis vixit annis, quam potuit! — Et paucorum versuum liber  
 10 est, et quidem laudandus, atque utilis. Annales<sup>4</sup> Tanusii scis quam ponderosi sint, et quid vocentur<sup>5</sup>. Hoc est

In vita nostra rescivimus, quæ sint ea, unde illa natura omnia penetrans et regens se attollat: *principalis*, ἡγεμονική, quæ ratione perfecta prædita ad illam majestatem se sustulit. Cæterum dicere haud habeo, utrum modestiam in his, an nimiam istius cognitionis æstimationem mirer. *Ruhk.*

1. *Nec hac spe... judico.* Non illa spes propius ista aspiciendi mihi majorem fortitudinem dedit e vita exennadi ad *deos meos*, quorum membrum et pars sum. Sed etiamsi totus essem periturus, æque mortem eam contemnerem, postquam defuncto mihi nusquam locus esset. *Ruhk.*

2. *Illo fortius.* Vulgo, inquit *sapiens ille, fortius exeo*, cum *ms. a.* et *R. A.* Placuit *illo fortius exeo*, quod dedit *ms. c.* sive *eo fortius intelligas*, sive *illo pro illuc accipias*, ut sæpius alibi; cui dein respondet quod sequitur, *nusquam transiturus*. Si *ille b. l.* scripsit Seneca, referendum hoc fuerit ad ea quæ supra: *ille vero gloriatur audacter*; et vocab. *sapiens* e sebolio fuerit interpolatum. *Schw.*

3. *Miserant, a. c. A.* Vulgo *miserunt*. *Schw.*

4. *Tanusii recte ms. a.* Nec aliud debuerant *c. R. A.* in quibus legitur *Tamisii*. *Schw.* — *Tanusii* præstant codd. et præfert Ger. Jo. Vossius de Hist. Lat. I p. 59 ed. Fref. Antea: *Tamusii*. *Ruhk.*

5. *Pond...vocentur.* Quod vulgo hic legebatur, *non decori*, ant, quod ex multis quibusdam (quibus accedit noster *c.* et ed. *A.*) ascivit Rubkopff. *non decorosi*, id alienum erat ab hoc loco, ubi vel longus liber, vel brevis erat nominandus. Unice verum erat *ponderosi*, quod latebat in *nonderosi*, quod habet noster *ms. a.* cum aliis apud Pine. Nec vero nobis debetur hæc emendatio; nam in eodem *ms. a.* litteram *p* ad monstrosam vocem *nonderosi* jam alia manus superne appinxerat. Similiter vero et Cicero *ponderosam epistolam* dixerat, *longam* significans. *Schw.* — Opponit Seneca librum exiguae molis sed utilem, quem eum brevi at laudanda vita comparat, Annalibus Tanusii, libro satis amplo sed pravo et deriso, quem comparat cum vita longa at parum utili. Fuit quum arbitrarer, annales Tanusii explicationis esse loco libri paucorum versuum atque utilis. Sed Seneca magis digna videtur ratio,



vita quorundam longa<sup>1</sup>, quod Tanusii sequitur Annales. Numquid feliciorem judicas eum, qui summo die muneris, quam eum, qui medio occiditur? numquid aliquem tam stulte cupidum esse vitæ putas, ut jugulari in spoliario<sup>2</sup>, quam in arena malit? Non majore spatio alter alterum præcedimus. Mors per omnes it: qui occidit, consequitur occisum. Minimum est, de quo sollicitissime agitur. Quid autem ad rem pertinet, quamdiu vites quod cvitare non possis? Vale.

quam secutus sum. *Ruhk.* — In Suetonii Julio, c. 9, Historia Tanusii Gemini memoratur: nec vero distat, esse istum. *Lipsius.* — *Et quid videntur*, nempe quod illi Catulliani: «Annales Volusi, eacata echarta.» *L.*

1. *Hoc est vita quorundam longa, quod Tanusii, etc.* Sic optime noster ms. c. item ms. a. nisi quod hic perperam habeat *et quod Tanus.* Vulgo olim, *Hæc est... et quod Tan.* quod revocavit *Ruhk.* postquam ex Mureti

ing. editam fuisset *Æque est... et quod Tan. Schw.* — Intel. vita quorundam est longa hoc, id est ideo, quod sequitur, imitatur annales Tanusii, quod ponderosa et tædiosa est.

2. *In spoliario.* Pars arenæ s. amphitheatri fuit, in qua indni, exui solebant, et læsi ac deinceps inutiliter occidi. Ego I Saturn. c. 18. *Lips.* — Sensus est: Ut occidi post prælium, quam in prælio malit.

## EPISTOLA XCIV.

## AN UTILIA SINT SPECIALIA DE OFFICIIS PRÆCEPTA?

An præcepta moralia cuique personæ propriè data necessaria sint, hæc Epistola inquirat. Nam Aristo stoicus questionem negat: quoniam ille, qui decreta philosophiæ s. generalia præcepta intellexerit didiceritque, sibi ipse præcipiat, quid in quaque re faciendum sit: — § 3. Cleanthes contra et universa et cuique personæ propria, quæ specialia vocamus, utiliter coniungenda esse statuit — 4. At primum, quod ad Aristonis sententiam attinet, repndiat illa specialia præcepta. Sunt enim nullius utilitatis illa præcepta et regulæ, quamdiu menti error offusus est: quo demum discusso apparebit et ultro, quid cuique debeatur officio — 5. Deinde non statim ita ad vivum exprimi possunt illa præcepta, uti tamen fieri deberet, si actum progerminare et ad eum pertinere oportet, quum præcipiens non in hac ipsa conditione sit, de qua ipsi

sermo est — 10. Tum nec manifesta regulis indigent, et obscura ambiguaque probationibus adjuvari debent: itaque illa, per quæ probas, satis per se sunt — 13. Adhæc caput omnium errorum pravis opinionibus et præiudiciis continetur: quæ nonnisi universali Ethica corriguntur — 14. Denique Ethica specialis incomprehensibile opus est, quum officiorum ambitus immensus sit — 17. His respondet Seneca: Primum non esse satis, impedimenta, errores rel. amovisse, nisi ei statim rectam viam monstraveris — 24. Deinde non solum docere est propositum regulis, sed ut quæ jam didiceris, reminiscaris. Regulæ, quæ formam sententiarum induunt, aut carmini intexta sunt, hoc assequuntur: excitant animum — 31. Tum regulæ speciales animum nostrum expergeficiunt, et indolem naturalem impellunt diriguntque ad ea, quæ, si forte incidant quædam, facienda sint — 35. Tandem certus numerus præceptorum cur non esse possit, handquaquam clarum est — 37.

Jam quum ab Aristone dicatur, legum et præceptorum eandem fere esse conditionem, huic objectioni ita obviam it, ut dicat, esse quidem hoc concedendum, sed inde non sequi, ea esse inutilia. Si enim consuetudo cum sapiente utilis est, quidni et ejus præcepta condneant? — 45. Adhæc præcepta vim præsentem habent in actiones nostras, fidenciam in nobismetipsis firmant — 48.

Supervacua sunt præcepta, objicitur, quoniam virtus in cognitione et animi habitu cognitionem illam sequendi constat. Respondetur, hoc tantum de sapiente valet, minime vero de imperfecto, qui impelli atque incitari debet, quatenus in rectam viam dirigi. Sequitur ex his, esse in hac vita illam philosophiam paræneticam s. præceptivam necessariam: quare errores et præiudicia removenda sunt.

SENECA LUCILIO SVO SALUTEM.

EAM partem<sup>1</sup> Philosophiæ, quæ dat propria cuique personæ præcepta, nec in universum componit hominem, sed marito suadet, quomodo se gerat adversus uxorem; patri, quomodo educet liberos; domino, quomodo servos regat; quidam solam receperunt, cæteras quasi extra utilitatem nostram vagantes reliquerunt: tanquam quis possit de parte suadere, nisi qui summam

1. *Eam partem... complexus est.* Noster Epist. XCV, ἡ παρασκευὴ, s. præceptivam appellat hanc partem, quam nos practicam vocare solemus, philosophiam moralem, quæ plerumque obligationes imperfectas, quas

dicimus, continet, quoniam ex civium arbitrio relinquuntur, nec legibus diserte definiantur. Instrumentum autem hujus philosophiæ practicæ est Ethica, quæ voluntatis emendandæ, constituendæ et ad bo-

prius totius vitæ complexus est. Sed Aristo<sup>1</sup> Stoicus a  
e contrario hanc partem levem existimat, et quæ non de-  
scendat in pectus usque. Ad illam habentem<sup>2</sup> præcepta  
plurimum ait proficere ipsa decreta philosophiæ consti-  
tutionemque summi boni; quam qui bene intellexit ac  
didicit, quid in quaque re faciendum sit, sibi ipse præ-  
cepit. Quemadmodum, qui jaculari discit, destinatum  
locum captat, et manum format ad dirigenda quæ mittit;  
quum hanc vim ex disciplina et exercitatione percepit, 3  
quocumque vult, illa utitur (didicit enim non hoc aut  
illud ferire, sed quodcumque voluerit): sic, qui se ad  
totam vitam instruxit, non desiderat particulatim admo-  
neri, doctus in totum; non enim quomodo cum uxore  
aut cum filio viveret, sed quomodo bene viveret: in hoc  
est et quomodo cum uxore ac liberis vivat. Cleanthes utili- 4  
lem<sup>3</sup> quidem judicat et hanc partem, sed imbecillam,  
nisi ab universo fluit, nisi decreta ipsa philosophiæ et  
capita cognovit.

In duas ergo quæstiones locus iste dividitur: Utrum  
utilis, an inutilis sit; et an solus virum bonum possit  
efficere; id est, utrum supervacuum sit, an omnes faciat

num dirigendæ regulas et rationes  
docet. *Ruhk.*

1. *Aristo Stoicus.* Conf. ad Epist.  
LXXXIX, 11. Fortasse hæc exserpsit  
Seneca ex Epist. Aristonis ad Cleau-  
them, quas solas Aristoni tribuebat  
(multa alia opera ab aliis ei adscripta  
excludebant) Panætius et Sosierates,  
teste Diog. Laert. VII, 163. *Ruhk.*

2. *Ad illam habentem... ipsa de-  
creta philos. constitutionemque sum-  
mi boni.* Locum, misere vulgo defor-  
matum, hanc dubie restituiimus ex  
vett. libris, præsertim ex ed. R. et  
ms. a. Turhaverat et scribas nonnul-

los et interpretes pronomen *illam*,  
quod opponi putaverat ei, quam mo-  
do dixerat *hanc partem*; non autem  
huius opponitur, sed ad eandem, quæ  
proxime nominabatur, refertur. S.—  
Vulgo legebatur: *At illam non ha-  
bentem præcepta, plurimum ait pro-  
ficere; ipsoque decreta philosophiæ,  
constitutionem esse summi boni.*

3. *Cleanthes utilem*, etc. Non ve-  
rosimile est, epistolarum amœbæ-  
rum Cleauthis et Aristonis argumeta  
fuisse posita in disquisitione huius  
rei. Cleauthes itaque illam philoso-  
phiæ partem utilem esse dixit. Aristo

supervacuus<sup>1</sup>. Qui hanc partem videri volunt<sup>2</sup> supervacuam, hoc aiunt : Si quid oculis oppositum moratur aciem, removendum est : illo quidem objecto<sup>3</sup> operam perdidit, qui præcepit : « Sic ambulabis, illo manum porriges ! » Eodem modo, ubi aliqua res obscæcat animum, et ad officiorum dispiciendum ordinem impedit, nihil agit, qui præcepit : « Sic vives cum patre, sic cum uxore. » Nihil enim proficiunt præcepta, quamdiu menti error offusus est : si ille discutitur, apparebit quid cuique debeatur officio. Alioquin doces illum, quid sano faciendum sit, non efficias sanum. Pauperi, ut agat divitem, monstras; hoc quomodo manente paupertate fieri potest ? Ostendis esurienti, quid tanquam satur faciat; fixam potius medullis famem detrahe. Idem tibi de omnibus vitiis dico : ipsa removenda sunt ; non præcipiendum, quod fieri illis manentibus non potest. Nisi opinioniones falsas, quibus laboramus, expuleris ; nec avarus, quomodo pecunia utendum sit, exaudiet ; nec timidus, quomodo periculosa<sup>4</sup> contemnat. Efficias oportet, ut sciat, pecuniam nec bonum, nec malum esse ; ostendas illi miserimos divites : efficias, ut, quidquid publice expavimus, sciat non esse tam timendum quam fama circumfert, nec dolcre quoque<sup>5</sup>, nec mori. Sæpe in morte, quam pati lex est, magnum esse solatium, quod ad neminem redit<sup>6</sup>; in dolore<sup>7</sup> pro remedio futuram obstina-

autem inutilem esse censebat. *Ruhk.*

1. *Utrum supervacuus sit* ( ille locus de specialibus præceptis ), an omnes faciat supervacuus. Suppl. alios locos, alias scientiæ partes.

2. *Qui hanc partem videri volunt*, sc. Aristo ejusque assentæ. *Ruhk.*

3. *Illo quidem objecto*. Invitis libris vulgo, illo non abjecto. *Schw.*

4. *Periculosa*, a. c. A. Vulgo *pericula*. *Schw.*

5. *Nec dolere quoque, nec mori*. Int. nec dolorem, nec mortem ipsam tam timenda esse quam fama circumfert.

6. *Ad neminem redit*. Quod mortis dolorem semel tantum pati possumus.

7. *In dolore*. Supple *sciat*.

tionem animi, qui levius sibi facit quidquid contumaciter passus est<sup>1</sup>. Optimam doloris esse naturam, quod non potest, nec, qui extenditur, magnus esse; nec, qui est magnus, extendi. Omnia fortiter excipienda<sup>2</sup>; quæ nobis mundi necessitas imperat. His decretis quum illum in 8 conspectum suæ conditionis adduxeris, et cognoverit beatam esse vitam, non quæ secundum voluptatem est, sed secundum naturam; quum virtutem unicum bonum hominis adamaverit, turpitudinem solum malum fugerit; reliqua omnia, divitias, honores, bonam valetudinem, vires, imperia, scierit esse mediam partem, nec bonis annumerandam, nec malis: monitorem non desiderabit ad singula, qui dicat: « Sic incede, sic cæna! Hoc viro, hoc feminæ, hoc marito, hoc cælibi convenit! » Ista 9 enim<sup>3</sup> qui diligentissime monent, ipsi facere non possunt. Hæc pædagogus puero, hæc avia nepoti præcipit; et, irascendum non esse, magister iracundissimus disputat. Si ludum<sup>4</sup> litterarium intraveris, scies ista, quæ ingenti supercilio philosophi jactant, in puerili esse præscripto.

Utrum deinde manifesta<sup>5</sup>, an dubia præcipies? Non 10

1. *Qui levius sibi facit quidquid cont. passus est.* Sic et Horatius Od. xx, lib. I: « Sed levius fit patientia Quidquid corrigere est uelut. »

2. *Excipienda, a. c. R. A.* non accipienda, ut vulgo. Schw.

3. *Ista enim... non possunt.* Specialia non possumus ex doctrina ista discere, sed ex exemplis, quæ videmus et ad quæ nos comparamus. Exempla autem præceptores isti dare non possunt multis ex causis, e. g. quia ætas, conditio, etc. impediunt, quia res, de quibus præcepta dant, sæpe mutantur, etc. Sic pædagogus,

qui est servus, puero libero, sic avia, quæ est vetula, nepoti præcipiunt. R.

4. *Si ludum... præscripto,* vulgaria et trita esse ac pueris tantum digna, non qualibet ætate et nullis probationibus adjuncta, etc. Ruhk. — *In præscripto,* i. e. in gnominis et sententiis quæ describendæ et ediscendæ proponuntur. Ita infra: « Pueri ad præscriptum discunt, digiti illorum tenentur. » Præscriptum ergo, exemplar. Lipsius.

5. *Utrum deinde manifesta.* Ruhk. *utrum manifesta deinde:* sic, inquit, Pine. et Grut. 1755. omnes. Antea le-

- desiderant manifesta<sup>1</sup> monitorem; præcipienti dubia non creditur: supervacuum est ergo præcipere. <sup>2</sup>Id adeo sic disce. Si id mones, quod obscurum est et ambiguum, probationibus adjuvandum crit: si probaturus es, illa per quæ probas plus valent, satisque per se sunt. «Sic amico utere, sic cive, sic socio! — Quare? — quia justum est.» Omnia ista mihi *de Justitia* locus
- <sup>11</sup> tradit. Illic invenio æquitatem per se expetendam, nec metu nos ad illam cogi, nec mercede conduci; non esse justum, cui quidquam in hac virtute placet, præter ipsam. Hæc quum persuasi mihi et perhibi<sup>3</sup>, quid ista præcepta proficiunt, quæ eruditum docent<sup>4</sup>? Præcepta dare scienti, supervacuum est; nescienti, parum. Audire enim debet, non tantum quid sibi præcipiatur, sed
- <sup>12</sup> etiam quare. Utrum, inquam, veras opiniones habenti de bonis malisque sunt necessaria, an non habenti? Qui non habet, nihil a te adjuvabitur; aures ejus contraria monitionibus tuis fama possedit<sup>5</sup>: qui habet exactum judicium de fugiendis petendisque, scit quid sibi faciendum sit, etiam te tacente. Tota ergo pars ista philosophiæ submoverti potest.
- <sup>13</sup> Duo sunt, propter quæ delinquimus: aut inest animo

gebatur *utrum manifesta demum.*

1. *Non desiderant manifesta monitorem.* Ruhk. qui scripsit *monitores*, interpretatur: non id agunt, ut certa proferant, quasi censisses vocem *monitores* esse phrasis nominativum. Sensus est: Manifesta non egent monitore ut monstrantur.

2. *Id adeo*, i. e. igitur tali modo rem animo complectaris. *Ruhk.*

3. *Perhibi. Perhibui, prohibui*, aberrationes librariorum. *Ruhk.*

4. *Quæ eruditum docent.* At no-

bis in eo videtur utilis esse moralis præceptiva, quod quum omnes consentiant de regula generali ponenda, plurimi sæpe de eadem regula applicanda dissentiant. Apud omnes populos semper constituit colendam esse justitiam: sed aliud aliis justum sæpe visum est: ideo specialia præcepta utilia videntur, ut doceantur homines quomodo justitiam in variis vitæ officiis exerceant.

5. *Aures ejus... possedit.* I. opinio ab aliis admota ei persuasionem dedit

pravis opinionibus malitia contracta; aut, etiam si non est falsis occupatus, ad falsa proclivis est<sup>1</sup>, et cito, specie quo non oportet trahente, corrumpitur. Itaque debemus aut percurare<sup>2</sup> mentem ægram, et vitiis liberare; aut vacantem quidem<sup>3</sup>, sed ad pejora pronam, præoccupare. Utrumque decreta philosophiæ faciunt: ergo tale præcipiendi genus nil agit.

Præterea, si præcepta singulis damus, incomprehen- 14  
sibile opus est. Alia enim dare debemus sœneranti, alia colenti agrum, alia negotianti<sup>4</sup>; alia regum amicitias sequenti; alia pares, alia inferiores amaturo. In matrimonio præcipies<sup>5</sup>, quomodo vivat cum uxore aliquis, quam virginem duxit; quomodo cum ea, quæ alicujus ante matrimo-  
nium experta est; quemadmodum cum locuplete; quem-  
admodum cum indotata. An non putas aliquid esse discri- 15  
minis inter sterilem et sœcundam, inter provectionem et puellam, inter matrem et novercam? Omnes species com-  
plecti non possumus: atqui singulæ propria exigunt. Leges  
autem philosophiæ breves sunt, et omnia alligant. Adjice 16  
nunc, quod sapientiæ præcepta<sup>6</sup> finita esse debent, et

contrariam tuis monitionibus, quæ itaque nihil proficiunt. *Ruhk.*

1. *Ad falsa proclivis est.* Quum omnes *παρρησιᾶς* (visa, species) per sensus cum animo, quippe qui in nascente infante cum pura charta comparabatur, communicentur, illi autem neque da bovo, neque de malo judicare possunt; recte vel malitia pravis opinionibus (*ὀρεκλήσεις*) contrahi, vel animus ad falsa proclivis esse dicebatur, donec ratio, sine qua nullum bonum est, excoletetur. *Ruhk.*

2. *Percurare m. α.* Sic recte eodd. neque opus refingi curare, aut dubitari, annon procurare, quod Era-

smus et quidam habuere, sit præponendum. *Gronov.*—Usum vocis confirmant lexica. *Ruhk.*

3. *Aut vacantem quidem*, id est, nullis pravis opinionibus occupatam: male in aliis libris legebatur *vagamtem*. *Muretus.*

4. *Negotianti i. a.* mercatori, qui pecuniis in provincia sœnori locandis et quovis amptionis reuditionisve genera quæstum faceret, sub imperatoribus. Cf. Ernasti *Clavis Cic. h. v.* et Petr. *Bermann. ad Petron. c. 101.* *Ruhk.*

5. *Præcipies.* Vulgo *præcipias*. *Schw.*

6. *Sapientiæ præcepta.* Vulgo la-

certa : si qua finiri non possunt , extra sapientiam sunt ; sapientia rerum terminos novit. Ergo ista præceptiva pars submovenda est : quia , quod paucis promittit <sup>1</sup>, præstare  
 17 omnibus non potest : sapientia autem omnes tenet. Inter insaniam publicam <sup>2</sup>, et hanc , quæ medicis traditur, nihil interest ; nisi quod hæc morbo laborat , illa opinionibus falsis. Altera causas furoris traxit ex valetudine ; altera , animi mala valetudo est. <sup>3</sup> Si quis furioso præcepta dēt , quomodo loqui debeat , quomodo procedere , quomodo in publico se gerere , quomodo in privato ; erit ipso , quem monebit , insanior : scilicet bilis nigra <sup>3</sup> curanda est , et ipsa furoris causa removenda. Idem in hoc alio animi furore faciendum est : ipse discuti debet ; alioquin abibunt in vanum monentium verba.

18 Hæc ab Aristone dicuntur. — Cui respondebimus ad singula. Primum adversus illud <sup>4</sup>, quod ait , « si quid obstat oculo , et impedit visum , debere removeri. » Fateor, huic non esse opus præceptis ad videndum , sed remedio quo purgetur acies , et officientem sibi moram  
 19 effugiat. Natura enim videmus ; cui usum sui reddit , qui removet obstantia. Quid autem cuique debeatur officio , natura non docet. Deinde cuius curata suffusio <sup>5</sup> est , is

gitur in edd. *sapientis præc. Schw.*

1. *Paucis promittit, præstare omnibus non potest* : præcepta enim dantur paucioribus tantum conditionibus , ut liberis in parentes , parentibus in liberos ; sed non dari possunt omnibus conditionibus humanis , quæ diversis personarum qualitatibus , ingenii , temporum et locorum respectu , ad infinitum variantur.

2. *Inter insaniam publicam* qua populi gentesque laborant , præter sapientem. Vide illud paradoxon stoicum : *omnes stultos* ( qui neque phi-

losophiæ student , neque sunt proficientes , neque sapientes ) *insanire*. Horatium Serm. II, 3 hoc paradoxon traduxisse constat. *Ruhk.*

3. *Scilicet bilis nigra*. E Grut. mas. qui habent *Si* , probante Grutero , recepi. *Ruhk.*

4. *Primum adversus illud* , etc. Spectant hæc ad § 4 sq. : « Si quid oculis oppositum moratur aciem , removendum est , » etc. Docet noster , comparisonem , qua Aristoteles usus erat , non convenire. *Ruhk.*

5. *Suffusio oculorum* , ὀφθαλμοῦ.



non protinus, quum visum recepit, aliis quoque potest reddere : malitia liberatus et liberat'. Non opus est exhortatione<sup>2</sup>, ne consilio quidem, ut eorum proprietates oculus intelligat; a nigro album, etiam nullo momento, distinguet : multis contra præceptis eget animus, ut videat, quid agendum sit in vita. Quanquam oculis quoque ægros<sup>3</sup> medicus non tantum curat; sed etiam<sup>20</sup> monet. Non est, inquit<sup>4</sup>, quod protinus imbecillam aciem committas improbo<sup>5</sup> lumini; a tenebris primum ad umbrosa procede, deinde plus aude, et paulatim elaram lucem pati assuesce : non est quod post cibum studeas; non est quod plenis oculis ac tumentibus imperes<sup>6</sup>; afflatum et vim frigoris in os occurrentis evita. Alia ejusmodi<sup>7</sup>, quæ non minus quam medicamenta proficiunt,

Cels. VI, 6, 35 p. 37: bip. : suffusio, ait, quam Græci ὑπέρχονιν nominant, interdum oculi potentiae, quæ cernit, se opponit. *Ruhk.*

1. *Malitia liberatus et liberat.* Int. Contra, qui malitia liberatus est, qui e vitiorum laqueis elapsus est, is alios docere potest quomodo vitia effugiant.

2. *Non opus est exhortatione.* Hic incipit aliud argumentum quo demonstratur quam falsa sit comparatio.

3. *Oculis quoque ægros.* Sic recte ms. a. non oculos, ut vulgo: nec enim oculos monet medicens, sed ægros. *Schw.*

4. *Non est, inquit medicus. R.*

5. *Improbo, i. nimis forti.* Cf. Heynins ad Virgil. *Ge. I, 119. Ruhk.*

6. *Oculis plenis ac tumentibus imperes.* Nuper vir doctus (in Novis litterar. univ.) abjecto verbo evita, jungenda ista censuit, imperes afflatum... occurrentis. *Schw.* — Lipsius explicans plenis ac tumentibus, sic,

inquit, Sneton. Tiber. e. 7 *contentis ac tumentibus oculis prosequi* : quod sit, ubi figimus oculos, atque ipsos velut intendimus et spiritu implemus. Fit in amore, fit in dīntino intūto. Ex qua nota parum auxilii petendum est. *Ruhkopf.* locum pro suspecto habet. *Ambules*, inquit, aut tale quid expectabam. Fuit, quum arbitrarer scriptum esse : non est, quod p. a. t. o. ingeras afflatum et vim frigoris in os incurrentis : evita nlia, etc. Amari autem sic uti noster τῷ ingerere, c. c. § 68 : omnia ista exempla, quæ oculis atque auribus ingeruntur. — Locum optime interpret. *Lagrange* : Ne forcez point vos yeux quand ils sont pleins et gonflés. *Schweigh.* interpretatur quasi post imperes, intelligendum esset : ut post cibum libris et studiis sint intenti (oculi).

7. *Alia ejusmodi...* adjicit remediis medicina consilia. Postremum vocab. ex conjectura correxi. Vulgo

- <sup>21</sup> adjicit remediis medicina consilia. — « Error, <sup>1</sup> inquit, est causa peccandi; hunc nobis praecepta non detrahunt, nec expugnant opiniones de bonis ac malis falsas. » Concedo, per se efficacia praecepta non esse ad evertendam pravam animi persuasionem; sed non ideo, ne aliis quidem adjecta, proficiunt? Primum memoriam renovant; deinde, quæ in universo confusius videbantur, in partes
- <sup>22</sup> divisa diligentius considerantur. Aut tu <sup>2</sup> isto modo licet et consolationes dicas supervacuas, et exhortationes: atqui non sunt supervacuae; ergo ne monitiones <sup>3</sup> quidem. — « Stultum est, inquit, præcipere ægro, quid facere tanquam sanus debeat; quum restituenda sanitas sit, sine qua irrita sunt praecepta. » Quid, quod habent ægri quædam sanique communia, de quibus admonendi sunt? tanquam, ne avide cibos appetant, ut lassitudinem vitent. Habent quædam praecepta communia pauper et di-
- <sup>23</sup> ves. — « Sana, inquit, avaritiam, et nihil habebis quod admoneas aut pauperem, aut divitem, si cupiditas utriusque considet <sup>4</sup>. » Quid quod aliud est, non concupiscere

*consilium* libri omnes; quod vocab. prorsus abjiciendum censuit idem, quem modo dicebam, vir doctus. Si teneas *consilium*, distinguenda fuerit oratio, ut in superioribus editionibus: *in os occurrentis evita: alia ejusmodi... proficiunt. Adjicit rem. med. consilium.* At sic otiose repetitum fuerit id quod paulo ante dixerat, *medicus non tantum curat, sed etiam monet.* Schw.

1. *Error, inquit.... proficiunt?* Aristot. § 5. « Nihil enim proficiunt praecepta, quamdiu menti error offusus est. » Sed an ideo nullam utilitatem habent, nec si aliis e. c. memoriz adjecta fuerint? (Nisi enim post: *proficiunt* signum interrog. ponas,

nullum sensum elicies satis idoneum.) *Ruhk.*

2. *Aut tu.* Sic libri vet. *At tu* edd. a Gronov. *Schw.*

3. *Ergo ne monitiones quidem.* Recte hoc monet Seneca: magna adeo educationis pars et legum in vanum abibit. Enimvero non recte hic omisisse videtur sententiam Aristonis quum de virtute, quam in sola scientia boni malique, atque in habitu animi, quæ didicit, factis suis expromendi (*παρηγορησι* s. *ἐμμετρίῳ*), tum de vitio, quod in una inscientia ponebat. Contra hanc divisionem et definitionem Chrysippus disputaverat. Cf. philolog. Bibl. l. l. *Ruhk.*

4. *Considet* tenent a. c. *A.* cum

pecuniam; aliud, uti pecunia scire? cuius avari modum ignorant, etiam non avari usum<sup>1</sup>. — «Tolle, inquit, errores; supervacua praecepta sunt.» Falsum est! puta enim avaritiam relaxatam; puta adstrictam esse luxuriam, temeritati frænos injectos, ignaviæ subditum calcar: etiam remotis vitiis, quid, et quemadmodum, debeamus facere, discendum est<sup>2</sup>. — «Nihil, inquit, efficient monitiones, admotæ gravibus vitiis.» Ne medicina quidem morbos insanabiles vincit; tamen adhibetur aliis in remedium, aliis in levamentum. Ne ipsa quidem universæ philosophiæ vis, licet tota in hoc vires suas advocet, duram jam et veterem animis extrahet pestem; sed non ideo nihil sanat, quia non omnia. — «Quid prodest, inquit, aperta monstrare?» Plurimum! interdum enim scimus, nec attendimus. Non docet admonitio, sed ad-  
vertit, sed excitat, sed memoriam continet, nec patitur elabi. Pleraque ante oculos posita transimus; admonere, genus adhortandi est. Sæpe animus etiam aperta dissimulat; ingrenda est itaque illi notitia rerum notissimarum. Illa hoc loco in Vatinius<sup>3</sup> Calvi reptenda sententia est: «Factum esse ambitum, scitis; et, hoc vos scire, omnes sciunt.» Scis, amicitias sancte colendas esse; sed non facis: scis, improbum esse qui ab uxore pudicitiam exi-  
git, ipse alienarum corruptor uxorum: scis, ut illi nil cum adultero, sic tibi nil esse debere cum pellice; et non facis. Itaque subinde reducendus es ad memoriam:

edd. *Consedit* malebam, ant*con*sederit. *Consideret* habet ed. R. pro quo nescio an *considerit* dare debuerit, a verbo *Consido*. Schw.

1. *Quid quod... usum*. Refutat Noster comparisonem Aristonis. Vitiis, quibus niterque laborat, non ex eodem fonte manant: ille ignorat mo-

dum, hic pauper malum usum. R.

2. *Discendum est*. Carere enim vitiis, ea innocentia est: al philosophia non solum innocentem, sed etiam virtute præditum efficere tendit. Ergo nos docere debet quomodo virtus exercenda sit.

3. *Vatinius*, quem in gratiam

non enim reposita illa esse oportet, sed in promptu. Quaecumque salutaria sunt, sæpe agitari debent, sæpe versari; ut non tantum nota sint nobis, sed etiam parata.

- 27 Adjice nunc, quod aperta quoque apertiora fieri solent.  
— « Si dubia sunt, inquit<sup>1</sup>, quæ præcipis, probationes adjicere debebis: ergo illæ, non præcepta, proficient. »  
— Quid<sup>2</sup> quod, etiam sine probationibus, ipsa monentis auctoritas prodest? sic quomodo jurisconsultorum valent responsa, etiam si ratio non redditur. Præterea ipsa, quæ præcipiuntur, per se multum habent ponderis, utique si aut carmini intexta sunt, aut prosa oratione in  
28 sententiam coarctata; sicut illa Catoniana<sup>3</sup>, « Emas, non quod opus est, sed quod necesse est. Quod non opus est, asse carum est. » Qualia sunt illa, aut reddita oraculo, aut similia: « Tempori parce! Te nosce! » Numquid rationem exiges, quum tibi aliquis bos dixerit versus?

Injuriarum remedium est oblivio.

Audentes fortuna juvat.

Piger ipse sibi obstat<sup>4</sup>.

- 29 Advocatum ista non quærunt; affectus ipsos tangunt, et natura vim suam exercente proficiunt. Omnium honestarum rerum semina animi gerunt, quæ admonitione excitantur; non aliter quam scintilla, flatu levi adjuta, ignem suum explicat. Erigitur virtus, quum tacta est et impulsæ. Præterea quædam sunt quidem in animo, sed parum prompta; quæ incipiunt in expedito esse, quum

Cæsar et Pompeii Cicero defendit, C. Licinius Calvus accusavit ambitus crimine. Cf. Nie. Faber ad M. Senecæ III Controvers. 19, 8. *Ruhk.*

1. *Si dubia sunt, inquit. Aristo, supra § 10. Ruhk.*

2. *Quid... redditur. Senecæ est responsio. Vides tamen, hæc et multa*

alia, quæ hic profert Noster, parum ponderis habere posse ad Aristonis sententiam evertendam, quippe qui omnia ad rectam scientiam et habitum animi retulerat. *Ruhk.*

3. *Catoniana. Cf. Erasmi Adag. Chil. IV. Cent. IV, penult.*

4. *Injuriarum... obstat. Versus*

dicta sunt. Quædam diversis locis jacent sparsa, quæ contrahere inexercitata mens non potest. Itaque in unum 30 conferenda sunt, et jungenda, ut plus valeant, animumque magis allevent. Aut, si præcepta nihil adjuvant, omnis institutio tollenda est; ipsa natura contenti esse debemus. Hoc qui dicunt<sup>1</sup>, non vident, alium ingenii esse mobilis et erecti, alium tardi et hebetis; utique alium alio ingeniosiore<sup>2</sup>. Ingenii vis præceptis alitur et crescit, novasque persuasiones adjicit innatis, et depravata corrigit.

« Si quis, inquit, non habet recta decreta, quid illum 31 admonitiones juvabunt vitiis obligatum? » Hoc scilicet, ut illis liberetur. Non enim extincta in illo indoles naturalis est, sed obscurata, et oppressa: sic quoque tentat resurgere, et contra prava nititur: nacta vero præsidium, et adjuta præceptis, convalescit<sup>3</sup>; si tamen illam diutina pestis non infecit<sup>4</sup>, nec enecuit; hanc enim ne disciplina quidem philosophiæ, toto impetu suo connisa, restituet. Quid enim interest inter decreta philosophiæ 32 et præcepta, nisi quod illa generalia præcepta sunt, hæc specialia? Utraque res præcipit: sed altera in totum, particulatim altera. — « Si quis, inquit, recta habet et honesta decreta, hic ex supervacuo monetur. » Minime! nam hic quoque doctus quidem est facere, quæ debet;

hi fortasse e Publii Syri mimis, quos Nostrum magni fecisse constat, repetiti sunt: mox in proverbium abiierunt, idque merito. *Ruhk.*

1. *Hoc qui dicunt*, scilicet præcepta nihil proficere ad virtutem suadendam.

2. *Alium alio ingeniosiore*. Sic a. c. A. Vulgo *alius alio ingeniosior* est ex ed. R. Schw.

3. *Convalescit*. Sic vulgo. *Evalescit* dat Schw. ex a. c. A.

4. *Si tamen illam diutina pestis non infecit, nec. e.* Sic omnes mss. Moretus tamen Pincianum secutus dedit: *pestis infecit*. — *Si tamen... enecuit*, i. c. Præceptorum ope bona indoles naturalis convalescit, ea tamen conditione, ut morbo diutino non omnino corrupta ac interempta

- 33 sed hæc non satis perspicit<sup>1</sup>. Non enim tantum affectibus impedimur, quo minus probanda faciamus, sed imperitia inveniendi quid quæque res exigit. Habemus interdum compositum animum, sed residem, et inexercitatum ad inveniendam officiorum viam, quam admonitio demonstrat. — « Expelle, inquit, falsas opiniones de bonis et malis, in locum autem earum veras repone; et nihil
- 34 habebit admonitio quod agat. » Ordinatur sine dubio ista ratione animus; sed non ista tantum. Nam quamvis argumentis collectum sit, quæ bona, quæ mala sint; nihilominus habent præcepta partes suas: et prudentia, et iustitia officiis constant; officia præceptis disponuntur. Præterea ipsum de bonis malisque iudicium confirmatur officiorum executione, ad quam præcepta perducunt. Utraque enim inter se consentiunt: nec illa possunt præcedere<sup>2</sup>, ut non hæc sequantur; et hæc ordinem sequuntur suum: unde apparet illa præcedere. — « Infinita, inquit, præcepta sunt. » Falsum est! Nam de maximis ac necessariis rebus non sunt infinita; tenues autem differentias habent, quas exigunt tempora, loca, personæ.
- 36 Sed his quoque dantur præcepta generalia. — « Nemo, inquit<sup>3</sup>, præceptis curat insaniam; ergo ne malitiam quidem. » Dissimile est! Nam si insaniam sustuleris, sanitas

sit. Sic periodus hæc antecedenti satis bene iungitur. *Ruhk.*

1. *Sed hæc non satis perspicit.* Sic *a. e.* Vulgo *sed ad hæc* (*adhuc Mur.*) *n. s. p. S.* — I. e. non perspicit quæ debeat facere. *Ruhk.* interpret. non ita proficit, ut partièulatim omnia prospiceret, quæ obstant, quo minus virtutem exercent, officiisque satisfaciunt: etiamsi sit *compositus animus*, ad virtutem proclivis, ordinatusque.

2. *Nec illa possunt præcedere.* Int.

nec generalia principia quibus de bonis malisque iudicamus possunt præcedere, quin præcepta specialia sequantur: nam illa specialia necessario derivantur e generalibus præceptis, quorum nihil aliud sunt quam applicatio. Bene veritè *Lagrange* banc sententiam: *Les préceptes sont toujours d'accord avec les principes; on ne peut établir ceux-ci que ceux-là n'en soient la conséquence.*

3. *Inquit.* Hæc *Aristo* § 17.

reddita est : si falsas opiniones exclusimus, non statim sequitur dispectus rerum agendarum : ut sequatur, tamen admonitio corroborabit rectam de bonis malisque sententiam. Illud quoque falsum est, nihil apud insanos proficere præcepta : nam quemadmodum sola non prosunt, sic curationem adjuvant ; et denuntiatio <sup>1</sup>, et castigatio insanos coercuit. De illis insanis nunc loquor, quibus mens mota est, non crepta.

« Leges, inquit, ut faciamus quod oportet, non efficiunt : et quid aliud sunt, quam minis mixta præcepta? » — Primum omnium, ob hoc illæ non persuadent, quia minantur ; at hæc non cogunt, sed exorant. Deinde leges a scelere deterrent ; præcepta in officium adhortantur. His adjice, quod leges quoque proficiunt ad bonos mores ; utique si non tantum imperant, sed docent <sup>2</sup>. In hac re dissentio a Posidonio ; qui : « Non probō quod <sup>3</sup> Platonis legibus adjecta principia sunt <sup>4</sup> : Legem <sup>5</sup> enim

1. *Denuntiatio*, i. e. criminatio, periculi admonitio. *Lips.*

2. *Utique si non tantum imperant, sed docent.... Posidonio.* Censebat igitur Posidonius, leges proœmiis atque explicationibus carere debere, in quo discedebat Noster ab eo. Quidam tamen, et inter illos Ruhk. contrariam Posidonio tribuunt opinionem, et Senecam *principia legibus adjecta* improbare fingunt. Vid. not. seq.

3. *Qui :* « Non probō quod. Sic nos tentavimus ex Mureto, qui ex ingenio : non probō quod (sine qui) dedit, ab omnibus editionibus diu receptum, et ex Schw. qui dedit : qui pro eo quod ex mss. a. et Pal. 2 ; pro eo quod (absque qui) c. R. A. Supplendum est, ait Posidonius, post probō.

4. *Legibus adjecta pr. sunt.* Quod probat Cicero de Legg. II, 6 : « Sed

ut... fecit Plato, id mihi credo faciendum, ut, priusquam ipsam legem recitem, de ejus legis laude (i. e. commendatione) dicam. » Egrege monet Heynius *Opuse. acad.* II, p. 43, in tam diversa judicia eandem hanc rem distrahi posse pro diverso hominum sensu, pro diversoque rerum hominumque respectu : alter servilibus ingenii imperari, ingenius et civilibus præcipi vult aliter. Seneca respexit leges romanas : ea enim, quæ jure civili constituuntur, vix proœmia vulgus de juris aut ratione aut æquitate edocentia admittunt : at in istis legg. ea, quam politiam vocamus, vel maxime continebatur nunc cum ethicis. Plato de proœmiis legibus præmittendis exposuit *De Legg.* IV, p. 198 et init. l. V, l. VIII bip. R. 5. *Legem enim.* Hic tantum in ed.

brevem esse oportet, quo facilius ab imperitis teneatur. Velut emissa divinitus vox sit : jubeat, non disputet. Nihil videtur mihi frigidius, nihil ineptius, quam lex cum prologo<sup>1</sup>. Mone, dic, quid me velis fecisse! non disco, sed pareo. » Proficiunt vero<sup>2</sup> : itaque malis moribus<sup>3</sup> uti videbis civitates usas malis legibus. — « At non<sup>4</sup> apud omnes proficiunt! » — Ne philosophia quidem : nec ideo inutilis, et formandis animis inefficax est : quid autem Philosophia, nisi vitæ lex est? Sed, putemus non proficere leges; non ideo sequitur, ut ne monitiones quidem proficiant : aut sic et consolationes nega proficere, dissuasionisque, et adhortationes, et objurgationes, et  
 40 laudationes. Omnia ista monitionum genera sunt; per ista ad perfectum animi statum pervenitur. Nulla res magis animis honesta induit<sup>5</sup>, dubiosque et in pravum inclinabiles revocat ad rectum, quam bonorum virorum conversatio. Paulatim enim descendit in pectora, et vim præcepti obtinet, frequenter aspici, frequenter audiri. Occursus meherecules ipse sapientium juvat; et est ali-  
 41 quid, quod ex magno viro vel tacente proficias. Nec tibi facile dixerim quemadmodum prosit, sicut illud intel-

Schw. ineipit Posidonius loqui : itaque adjecit ex conject. verbum *ait*, quod abest libris. Sospicari poterat, inquit, delendam vocem *enim*, et ejus loco ponendum verbum *ait*. S. — Omnia sunt perspicua, si verba Posidonii incipiant a *non probo*.

1. *Lex cum prologo. Mone, dic, etc.* Sic vulgo ex conject. Erasmi. *Lex cum prolegomene. Dic etc. mss. a. c. Prologomene R. A. Prolegumene* e suis citavit Grut. Schw.

2. *Proficiunt vero* (supple *leges*, qualescumque sint). De nostra hoc conjectura est. *Proficiuntur* dabat ms. a. cum Pal. 1, et 4, ubi sub dua-

bus postremis litteris particulam *vero* suspicatus eram latere. Vulgo nude *Proficiunt : itaque malis morib. etc.* Conjectare etiam poterat, collatis præscriptis Gruterianis lectionibus, *Proficiunt utique : itaque, etc. S.*

3. *Itaque malis moribus.* Itaque videmus malis moribus uti eas civitates, quæ malis legibus utebantur. R.

4. *At non.... proficiunt.* Objection nova est Aristonis : cui respondendi illa : *Ne philosophia... est? Ruhk.*

5. *Nulla res magis animis honesta induit.* Sic ms. a. ut vulgo. Sed *animos c. R. A.* unde cum Grutero conjicias, *animos honesto induit. S.*



ligo<sup>1</sup>, profuisse<sup>2</sup>. « Minuta quædam, ut ait Phædo<sup>3</sup>, animalia, quum mordent, non sentiuntur; adeo tenuis illis et fallens in periculum vis est: tumor indicat morsum, et in ipso tumore nullum vulnus apparet. Idem tibi in conversatione virorum sapientium eveniet: non deprehendes quemadmodum, aut quando tibi prosit; profuisse deprehendes. » — Quorsus, inquis<sup>4</sup>, hoc pertinet? — Æque præcepta bona, si sæpe tecum sint, profutura, 42 quam bona exempla. Pythagoras<sup>5</sup> ait, « alium animum fieri intrantibus templum, Deorumque simulacra ex vicino cernentibus, et alicujus oraculi<sup>6</sup> oppericntibus vocem. »

Quis autem negaverit, feriri quibusdam præceptis efficaciter etiam imperitissimos? velut his brevissimis vo- 43 cibus, sed multum habentibus ponderis;

..... Nihil nimis?

Avarus<sup>8</sup> animus nullo satiatnr luero.

Ab alio exspectes, alteri quod feceris.

Hæc cum ictu quodam audimus, nec ulli licet dubitare,

1. *Sicut illud intelligo.* Et hoc nostra de conject. Vulgo *sicut illud intelligam.* Schw.

2. *Nec tibi... profuisse.* Int. quamquam facile intelligo mihi profuisse, non possum facile dicere quemadmodum profuerit mihi conversatio illa bonorum.

3. *Phædo.* Phædo Eliensis, Eliæ sectæ anctor, Socratis discipulus, ejus nomine Dialogum celeberrimum de immortalitate animæ inscripsit Plato. Scripsit Dialogos, qui omnes periire, et nnde hæc, quæ laudavit noster, desumpta sunt. Cf. Fabricii Bibl. græc. lib. II, c. 23; § 39. Hamb.

4. *Inquis recte libri vet. Vulgo inquit.* Schw.

5. *Pythagorus.* Hæc ita apud Cic.

II de Legg. c. 11: « Et illud bene dictum est a Pythagora, doctissimo viro, tum maxime et pietatem et religionem versari in animis, quum rebus divinis operam daremus. » Lips.

6. *Et alicujus oraculi etc.* Sic a. c. *Fl. A.* ut vulgo: sed videtur cum Pine. et Palat. 2. et Col. in bonæ modum supplenda oratio, et *alium ante fores alicujus etc.* nisi uberius etiam, et *alium ante fores stantibus, et alicujus, etc.* Schw.

7. *Nihil nimis.* Cbilonis effatum. Plinius lib. VII, cap. 32 dicit hujus sapientis præcepta litteris aureis in fronte templi Delphici scripta fuisse.

8. *Avarus, etc.* Hæc versus et sequens e Publii Syri sententiis repetiti esse videntur. Ruhk.

aut interrogare, *quare?* Adeo, etiam sine ratione, ipsa veritas ducit. Si reverentia frænât animos ac vitia com-  
 44 pescit, cur non et admonitio idem possit? Si imponit pudorem castigatio, cur admonitio non faciat, etiam si nudis præceptis utitur? Illa vero efficacior est, et altius penetrat, quæ adjuvat ratione quod præcipit; quæ adjicit, quare quidque faciendum sit, et quis facientem obedicentemque præceptis fructus exspectet. Si imperio proficitur, et admonitione: atqui proficitur imperio;  
 45 ergo et admonitione. In duas partes<sup>1</sup> virtus dividitur, in contemplationem veri, et actionem; contemplationem institutio tradit, actionem admonitio. Virtutem et exercet, et ostendit recta actio: acturo autem si prodest qui suadet, et, qui monet, proderit. Ergo si recta actio virtuti necessaria est, rectas autem actiones admonitio demonstrat; et admonitio necessaria est. Duæ res plurimum roboris animo dant, fides veri, et fiducia: utram-  
 46 que admonitio facit. Nam et creditur illi; et, quum creditum est, magnos animus spiritus concipit ac fiducia impletur: ergo admonitio non est supervacua. M. Agrippa<sup>2</sup>, vir ingentis animi, qui solus ex his, quos civilia bella claros potentesque fecerunt, felix in publicum<sup>3</sup> fuit, dicere solebat, multum se huic debere sententiæ: « Nam

1. *In duas partes.* Hæc est Stoæ divisio, quam sæpe explicat Noster, e. e. de Vita Beat. 31, 32, cf. supra ad §. 22. Attingit hanc divisionem Lipsius in Manod. II, 5. *Ruhk.*

2. *M. Agrippa.* M. Vipsanius Agrippa iode ab a. U. 733 gener Augusti, cujus fortunam jam diu aote egregie auxerat: a. U. 714 erat prætor, deinde victor Sexl. Pompeii et M. Antonii pluribus præliis: mort. a. U. c. 742, ante Christ. 12. Cf. de

viro hoc præstantissimo *l'Histoire de l'Acad. des Inscrip.* Vol. XL, 37 aqq. *Ruhk.*

3. *Felix in publicum fuit.* *Lagrange* vertit: *Fut seul heureux contre la république.* Quid autem? Cæsar, Augustus non fuisse felices in rempublicam, qui libertatem everterunt? deinde vox *publicum* non sumitur pro republica: prorsus quid intellexerit Seneca, non facile est dicere: forsitan, si ad sequentia respexeris, cre-

concordia<sup>1</sup> parvæ res crescunt, discordia maximæ dilabuntur.» Hac se, aiebat, et fratrem, et amicum optimum 47 factum. Si ejusmodi sententiæ, familiariter in animum receptæ, formant eum; cur non hæc pars philosophiæ, quæ talibus sententiis constat, idem possit? Pars virtutis disciplina constat, pars exercitatione: et discas oportet, et, quod didicisti, agendo confirmes. Quod si ita est, non tantum scita sapientiæ prosunt, sed etiam præcepta; quæ affectus nostros velut edicto<sup>2</sup> coercent, et alligant<sup>3</sup>.

«Philosophia, inquit<sup>4</sup>, dividitur in hæc, scientiam, 48 et habitum<sup>5</sup> animi. Illam qui didicit, et facienda ac vitanda percepit, nondum sapiens est, nisi in ea, quæ didicit, animus ejus transfiguratus est. Tertia ista pars præcipiendi<sup>6</sup>, ex utroque est, et ex decretis, et ex habitu: itaque supervacua est ad implendam virtutem, quum duo illa sufficiant.» Isto ergo modo et consolatio 49

das sensum esse, Agrippam minima inimicitiis laboravisse, atque omnium partium æqua sibi existimationem conciliavisse. Præterea publicum privatæ vitæ, quam non beatissimam fuisse notum est, opponitur.

1. *Nam concordia.* Abesse mallet conjunctionem *nam*, sed tenent eam libri omnes. *Schw.*

2. *Velut edicto.* Allusum est ad morem ejus ævi, quo principes edicta in publico proponebant, populo admonendo, castigando, coercendo. Notavi ad lib. III. *Annal. Taciti. L.*

3. *Coercent et alligant.* Quum Pinc. in nonnullis codd. invenisset *c. et ablegant*, et sic Gruteriani duo habeant, illum egregium criticum quidam secuti sunt, qui vulgata, quam codd. tutantur, sublata, *ablegant* recipere mallerent. Sed recte Gronov.

defendit vulgatam, qui opportuna meminerit, placere 16' *alligare* auctori pro *ligare* et *colligare*, ubi nempe his vulgaribus utimur. *Ruhk.*

4. *Philosophia, inquit.* Aristo. Cf. supra ad §. 22. Quia Aristo animum nostrum una judicandi vi (λογική καὶ πρακτική δύναμις) contineri putabat, unam quoque animi virtutem statuebat, scientiam boni malique. Hæc contemplativam partem constitutebat. Activa constabat, secundum eum, habitu animi, prudentia (φρόνησις), quæ et temperantia (σωφροσύνη), justitia, fortitudo vocaretur. *Ruhk.*

5. *Scientiam et habitum.* Scientiam, quæ decretis constat: habitum, qui ab actione et exercitio illorum paratur. *Lips.*

6. *Tertia ista pars præcipiendi.* Int. tertia ista pars quam philosophiam

supervacua est, nam hæc quoque ex utroque est; et adhortatio, et suasio, et ipsa argumentatio; nam et hæc ab habitu animi compositi validique proficiscitur. Sed quamvis ista ex optimo habitu animi veniant; optimus animi habitus et facit illa, et ex illis ipse fit<sup>1</sup>. Deinde istud, quod dicis, jam perfecti viri est, ac summam consecuti felicitatis humanæ. Ad hæc autem tarde pervenitur; interim etiam imperfecto, sed proficienti, demonstranda est in rebus agendis via. Hanc forsitan etiam sine admonitione dabit sibi ipsa Sapientia; quæ jam eo perduxit animum, ut moveri nequeat, nisi in rectum: imbecillioribus quidem ingeniis necessarium est aliquem præire, «Hoc vitabis, hoc facies.» Præterea, si expectat tempus, quo per se sciat, quid optimum factu sit; interim errabit, et errando impiedietur, quo minus ad illud perveniat, quo possit se esse contentus: regi ergo debet, dum incipit posse se regere. Pueri ad præscriptum discunt; 51 digiti illorum tenentur, et aliena manu per litterarum simulacra ducuntur; deinde imitari jubentur proposita, et ad illa reformare chirographum: sic animus noster, dum eruditur ad præscriptum, juvatur.

Hæc sunt per quæ probatur, hanc Philosophiæ partem 52 supervacuam non esse. Quæritur deinde<sup>2</sup>, an ad faciendum Sapientem sola sufficiat. Huic quæstioni suum diem dabimus<sup>3</sup>: interim, omissis argumentis, nonne apparet

addero vultis ei quæ præceptis constaret.

1. *Sed quamvis ista ex optimo animi habitu veniant; optimus animi habitus et facit illa, et ex illis ipse fit.* Sic percommode ms. n. S.— Vulgo abest *optimo ante habitu*, et pro *et facit illa, et ex illis ipse fit*, legitur *et ex his est, et ex illis*.

2. *Quæritur deinde.... dabimus.* Hoc præstitit Noster in Ep. cxv. Transit ad ea, quæ jam sæpius, inpr. Ep. lxxxix, sq. traetaverat, inculcanda, ut, subtiliori disputatione ommissa, monstret, monitionibus contra populi præcepta, i. e. præiudicia et vitia opus esse. *Huhk.*

3. *Suum diem dabimus.* In epis-

opus esse nobis aliquo avvocato, qui contra populi præcepta præcipiat? Nulla ad aures nostras vox impune perfertur: nocent, qui optant; nocent, qui exsecrantur: nam et horum imprecatio falsos nobis metus inserit, et illorum amor male docet bene optando<sup>1</sup>. Mittit enim nos ad  
53  
longinqua bona, et incerta et errantia, quum possimus felicitatem domo promere. Non licet, inquam, ire recta via: trahunt in pravum parentes, trahunt servi; nemo errat uni sibi, sed dementia spargit in proximos, accipitque invicem. Et ideo in singulis vitia populorum sunt, quia illa populus dedit. Dum facit quisque pejo-  
54  
rem, factus est: didicit deteriora, deinde docuit; effectaque est ingens illa nequitia, congesto in unum, quod cuique pessimum scitur. Sit ergo aliquis custos, et aurcm subinde pervellat, abigatque rumores, et reclamet populis laudantibus. Erras enim, si existimas nobiscum vitia nasci<sup>2</sup>: supervenerunt, ingesta sunt. Itaque monitionibus crebris convicia<sup>3</sup>, quæ nos circumsonant, repellantur. Nulli nos<sup>4</sup> vitio natura conciliat; integros

tola sequenti § 1: *Petis a me, ut id quod in diem suum dixeram debere referri, repræsentem.*

1. *Male docet bene optando.* Optando nobis ea quæ bona existimant, animum nostrum in errorem inducunt de appetendis fugiendisque: optant enim divitias, potentiam, et cætera fortuita.

2. *Nobiscum vitia nasci.* Hoc enim stoici fortiter abnuunt, et volunt natura bonos esse. Vide Mauud. II, Dissert. x. Lips.

3. *Convicia, quæ nos circumsonant, repellantur.* Vulgo, *opiniones... compescamus.* Sed repellantur dedere a. c. A. Pal. 2. et Pine. Tum *opiniones* quidem eum aliis tenet

etiam ms. a. in contextu; sed superne scriptum est antiqua manu vocab. *convicia* (i. e. confusas voces, elamores), quod haud dubie ex vetere veraque scriptura servatum esse iudicavi. Schw.

4. *Nulli nos... genuit.* Anima infantis nascentis quum ante corpus suum non adsit, sequitur, ante ejus eum corpore conjunctionem nullas notiones ideæque innatas, quas vocamus, habere: atque propterea comparabant veteres, utique Stoici, eam eum pura charta, in qua pars rationalis s. principalis (τὸ ὑγιαινον καὶ μέγα τῷ ψυχῆς) quasi inscriberet, quæ per sensus et experientiam allapsa essent. Non autem dat natura virtutem, ait

- 55 ac liberos genuit. Nihil<sup>1</sup>, quo avaritiam nostram irritaret, posuit in aperto; pedibus aurum argentumque subiecit; calcandumque ac premendum dedit quidquid est, propter quod calcamur ac premimur. Illa vultus nostros erexit ad cælum<sup>2</sup>, et, quidquid magnificum mirumque fecerat, videri a suspicientibus voluit; ortus occasusque, et properantis mundi volubilem cursum, interdum terrena aperientem, noctu cælestia; tardos siderum incensus, si compares toti<sup>3</sup>; citatissimos, si cogites quanta spatia nunquam intermissa velocitate circumeant; defectus solis ac lunæ, invicem obstantium; alia<sup>4</sup> deinceps digna miratu, sive per ordinem subeunt, sive<sup>5</sup> subitis causis mota prosiliunt, ut nocturni ignium tractus, et sine ullo ictu sonituque<sup>6</sup> fulgores cæli fatiscentis<sup>7</sup>, co-
- 57 lumnaeque ac trabes, et varia simulacra flammarum. Hæc

Noster Ep. xc fin. ars est bonnm fieri etc.» Cf. Plutarch. de Placit. ph. IV, 11. To. XII, p. 448, Hutten. *R.*

1. *Nihil... premimur.* Conf. supra, p. 65, n. 4. Alii: *nihil quidem quod.*

2. *Vultus erexit.* Ovid.: «Os homini sublime dedit cælumque tueri Jussit, et cretos ad sidera tollere vultus.»

3. *Si compares toti.* I. cælo quod percurrit.

4. *Obstantium; alia.* Pro maximo puncto, quod vulgo hic ponitur, nos tantummodo semicolon adhibuimus, quum enumerationis sit finis. Nec obest quod *nocturni tractus*, quod sequitur, est in plurali numero, quum intelligendum sit *prosiliunt*.

5. *Subitis causis.* Recte ed. Rohk. et sic *a. c. A.* non *subditis*. Præfero illud, ut oppositum iis, quæ per ordinem veniunt. *Schw.*

6. *Sine ullo ictu sonituque.* Vide Nat. Quæst. I, 14 et 15. *Ruhk.*

7. *Fatiscentis.* Vulgata est lectio,

quacum *patesc.* s. *patiscentis* in codd. confunditur, et ap. Tiboll. l. 5, 67. *fatiscere* interpretamentum est *patescere.* *Ruhk.*—Schweig. dat *fatiscientes.* *Patescentes* dabat ms. *a.* cum ed. *R.* et codicibus Pinc. et Grut. omnibus; nbi sic distincta verba voluit Pinc. *fulgores, cæli patescentes*, quod et Lipsio placuit, *patiscentis* tamen scribenti, nempe terminatione *is pro es.* *Fulgores cæli fatiscentis* primus edidit Erasmus, nescio ntrum ex conject. an e vet. cod. quem quidem nullum novimus. Placuit tamen id verbum, sed ea terminatione quam codices nostri præiverunt: nec vero satis nobis liquet. Erasmi scripturam tenuit Mur. et revocavit *Ruhk.* Ms. *c.* et ed. *A.* vitiose hand dubie, *fulgores cæli columnasque patescentes*, et omittunt duas voces *ac trabes*, quas agnoscit ms. *a.* cum aliis. Sed *columnasque* agnoscunt item alii vet. libri omnes. *Schw.*

supra nos itura<sup>1</sup> disponit<sup>2</sup>: aurum quidem et<sup>3</sup> argentum, et propter ista nunquam pacem agens ferrum, quasi male nobis committerentur, abscondit. Nos in lucem, propter quæ pugnaremus, extulimus; nos et causas periculorum nostrorum, et instrumenta, disjecto terrarum pondere, eruimus; nos fortunæ mala nostra<sup>4</sup> tradidimus, nec erubescimus summa apud nos haberi, quæ fuerant ima terrarum. Vis scire<sup>5</sup>, quam falsus oculos tuos deceperit<sup>6</sup> fulgor? nihil est istis, quamdiu mersa et involuta cæno suo jacent, sædus, nihil obscurius. Quidni? quando per longissimorum cuniculorum tenebras extrahuntur, nihil est illis, dum fiunt et a fæce sua separantur, informius. Denique ipsos opifices intueri, per quorum manus sterile terræ genus et informe perpurgatur; videbis, quanta fuligine oblinantur. Atqui ista magis inquinant animos, quam corpora; et in possessore eorum, quam in artifice, plus sordium est.

Necessarium itaque est admoneri, et habere aliquem<sup>59</sup> advocatum bonæ mentis, et in tanto<sup>7</sup> fremitu tumultuque falsorum unam<sup>8</sup> denique audire vocem. Quæ erit illa

1. *Hæc supra nos itura d. omnes codd. dant. Ante Grut. hæc supra nos natura d. Ruhk.*

2. *Disponit. Corrige disposuit, ut est in a. c. R. A. et apud Pioe. et Grut. Schw.*

3. *Aurum quidem et argentum. Similis sententia quædam de Benef. VII, 10, et Plio. XXXIII, ioit.: «Terra et hæc (juvantia) summa sui parte triboit, ut minime parca facilis que in omnibus, quæ prosunt. Illa nos premoni, illa nos ad inferos agunt, quæ occultavit atque demersit.» R.*

4. *Nos fortunæ mala nostra tradidimus. Bene vertit Lagrange:*

*Nous avons rendu la fortune l'arbitre de nos maux. Etenim quum felicitatem in divitiis posuerimus, illa felicitas in manibus est fortunæ, quæ arbitrio suo divitias largitor et asfert.*

5. *Vis scire... fulgor. Cf. Mitscherlich ad Hor. Carm. II, 2, 2: «Nullus argento color est, avaris Abditio terris.» Ruhk.*

6. *Deceperit. Perperam decipit vulg. edd. Schw.*

7. *Et in tanta. Ex conject. correxi. Monstrose et tanto scribitur io a. nec minus vitiose e tanto in c. R. A. Vulgo eque tanto. Schw.*

8. *Unam denique audire. Pincia-*

- vox? ea scilicet, quæ tibi tantis clamoribus ambitiosis exsurdato, salubria insusurret verba; quæ dicat: Non est, quod invidas istis, quos magnos felicesque populus vocat; non est, quod tibi compositæ mentis habitum et
- 60 sanitatem plausus excutiat; non est, quod tibi tranquillitatis tuæ fastidium faciat ille, sub illis fascibus<sup>1</sup>, purpura cultus; non est, quod feliciorem eum iudices cui submovetur, quam te<sup>2</sup>, quem licitor semita<sup>3</sup> dejicit. Si vis excrecere tibi utile, nulli autem grave imperium, submove vitia. Multi inveniuntur, qui ignem inferant urbibus; qui inexpugnabilia sæculis, et per aliquot ætates tuta, prosternant; qui æquum arcibus aggerem attollant, et muros in miram altitudinem eductos arietibus ac machinis quassent; multi sunt, qui ante se agant agmina, et tergis hostium graves instent, et ad mare magnum perfusi cæde gentium veniant: sed hi quoque, ut vince-
- 61 rent hostem, cupiditate victi sunt. Nemo illis venientibus restitit; sed nec ipsi ambitioni crudelitatiue restituerant: tunc, quum agere visi sunt alios, agebantur. Agebat infelicem Alexandrum<sup>4</sup> furor aliena vastandi, et ad ignota
- 62 mittebat. An tu putas sanum<sup>5</sup>, qui a Græciæ primum

nus vellet *verram*: possis et, *vicam*.

1. *Sub illis fascibus*. Qui erecti præeant: ideo *sub illis*. Intelligit magistralium aut imperium. *L.* — Similia sunt Horatii *Carm. II*, 16, 8 sqq. ubi cf. Mitseberlich: « Otium non gemmis, neque purpura venale neque auri. Non enim gazæ, neque consularis Submovet licitor miseros tumulus Mentis etc. » *Ruhk.*

2. *Te omnes* codd. servant, omis- sum ab omnibus edd. restitui. *H.*

3. *Quem licitor semita*. Nam in submovendo, populo manu et virga etiam licitores impellebant. Vide me

de tota re *Eleetor. I*, cap. XXII. *Lips.*

4. *Infelicem Alexandrum*. De Alexandro, quem non ex Historia, sed ex declamationibus cognitum habebat Noster, iniquum esse iudicium, tota ejus historia elamat: etiamsi enim constet, Alexandrum domandorum populorum fuisse cupidum, tamen inde non sequitur, eum furore aliena vastandi esse correptum. Alexandria ab eo extracta testimonio est satis luculento, quo illa acerbior quam justior accusatio refutetur. Cf. ad *Ep. XC1*, 17. *Ruhk.*

5. *An tu putas sanum...* mordent.



cladibus, in qua eruditus est, incipit? qui, quod cuique optimum est, cripit; Lacedæmona<sup>1</sup> servire jubet, Athenas tacere; non contentus tot civitatum strage, quas aut vicerat Philippus, aut emerat, alias alio loco projicit, et toto orbe arma circumfert; nec subsistit usquam lassa crudelitas, immanium ferarum modo, quæ plus, quam exigit fames, mordent? Jam in unum regnum multa regna 63 conjecit; jam Græci Persæque cumdem timent; jam etiam a Dario liberæ nationes jugum accipiunt: it tamen<sup>2</sup> ultra Oceanum solemque; indignatur ab Herculis Libricque vestigiis victoriam flectere; ipsi naturæ vim parat. Non ille ire vult, sed non potest stare; non aliter, quam in præceps dejecta pondera, quibus eundi finis est, jacuisse. Ne Cn. quidem Pompeio<sup>3</sup> cetera bella ac do- 64 mestica virtus aut ratio suadebat, sed insanus amor magnitudinis falsæ. Modo in Hispaniam et Sertoriana arma, modo ad colligendos piratas<sup>4</sup> ac maria pacanda vadebat: hæ prætexebantur causæ ad continuandam poten-

Priora aspetant ad Thebas eversas et ad libertatem Græciæ ereptam: at hoc non factum esse ab Alexandro Magno, sed ab ejus patre Philippo constat. *Ruhk.*

1. *Lacedæmona... tacere.* Lacedæmon proprie libera mansit, sed imperio Græciæ abstinere coacta est: Athenarum oratores et demagogi contiguere. Reliqua declamatorie posita sunt, historia vel reclamante, vel mitigante. *Ruhk.*—Tertullianus Athenas *linguatam civitatem* dixit: Sidonius *Athenis loquacior adagii forma.* *Lips.*

2. *It tamen.* Sic ms. a. Schw. quam lectionem jam conjecerat Lips. —Vulgo *hic tamen.* Sic, inquit *Ruhk.* qui vulg. tenet, duo boni eodd. apud

Grut. alii *hinc t.* alius *is t.* Erasmus idem *t.* Muretus: *Ire tamen vult ultra O. s.*

3. *Pompeio externa bella... falsæ.* Nonnulli eodd. et edd. *Ne Cn. quidem Pompeio externa inire b.* major tamen numerus recte *et inire* omittit. *Ruhk.*—Idem semicolo tantum post *falsæ* interpunxit. —Judicio huic de Cn. Pompeio, etc. quemlibet rerum harum antiquarum, quæ sunt notissimæ, gnarum subscribere constat.

4. *Ad colligendos piratas.* Ita scripti libri: contra quas Muretus *colligendos* ediderat. Sed illud bene. Fudit enim fugavitque piratas; sed ut finis belli esset, reliquias eorum *contractas* (ait Velleius) in urbibus, remotoque a mari loco, in certa sede

- tiam. Quid illum in Africam <sup>1</sup>, quid in <sup>2</sup>Septemtrionem, quid in Mithridatem, et Armeniam, et omnes Asiæ angulos traxit? infinita scilicet cupido crescendi, quum sibi  
 65 uni parum magnus videretur. Quid C. Cæsarem in sua fata, pariter ac publica, immisit? gloria et ambitio, et nullus supra cæteros eminendi modus. Unum ante se <sup>3</sup>ferre  
 66 non potuit, quum respublica supra se duos ferret. Quid, tu C. Marium semel consulem (unum enim consulatum accepit, cæteros rapuit<sup>4</sup>), quum Teutonos <sup>5</sup>Cimbrosque concideret, quum Jugurtham per Africæ deserta sequeretur, tot pericula putas appetisse virtutis instinctu? Ma-  
 67 rius exercitum, Marium ambitio ducebat. Isti, quum omnia concuterent, concutiebantur; turbinum more, qui rapta convolvunt, sed ipsi ante volvuntur, et ob hoc majore impetu incurrunt, quia nullum illis sui regimen est. Ideoque, quum multis fuerunt malo <sup>6</sup>, pestiferam illam vim, qua plerisque nocuerunt, ipsi quoque sentiunt. Non est, quod credas, quemquam fieri aliena infelicitate felicem.
- 68 Omnia ista exempla, quæ oculis atque auribus nostris ingeruntur, retexenda sunt <sup>7</sup>, et plenum malis sermonibus <sup>8</sup> pectus exhauriendum. Inducenda in occupatum lo-

constituit. Ita, qui sparsi per omnia maria erant, collegit et fregit. *Lips.*

1. *In Africam.* Bello Mariano, missus eo contra Domitium et regem Iarham. *Lips.*

2. *Septemtrionem.* Io Galliam ivit, eodem bello, et res ibi cum Metello feliciter gessit: an et Mithridatis bello intelligit, petitos Colehos, Iberos, Albanos? *Lips.*

3. *Unum ante se ferre... ferret.* Nota sunt Lucani I, 125: «Nee quemquam jam ferre potest Cæsare priorem, Pompeiusve parem.» *Ruhk.*

4. *Cæteros rapuit.* Non videtur profecto, si duos ultimos excipias. Nam priores, in discrimine patriæ, absenti delati. Vide Plutarchum. *L.*

5. *Teutonos* ms. n. *Theutomos* e. *A. Theutonicos* vulgo. *Schw.*

6. *Malo*: alii dant, *multa*.  
 7. *Omnia ista exempla... retexenda sunt.* I. e. accurate rursus perpendenda, eosconsideranda, adeoque ad nihilum redigenda, s. rescindenda sunt, inque eorum loco virtus repouenda est. *Ruhk.*

8. *Malis sermonibus.* Scilicet qui-

cum virtus; quæ mendacia et<sup>1</sup> contra verum placentia  
 extirpet, quæ nos<sup>2</sup> a populo, cui nimis credimus, sepa-  
 ret, ac sinceris opinionibus reddat. Hoc est enim Sapien- 69  
 tia, in naturam converti et eo restitui, unde publicus  
 error expulerit. Magna pars sanitatis est, hortatores in-  
 sania reliquisse, et ex isto cœtu invicem noxio procul  
 abiisse. Hoc ut esse verum scias, aspice, quanto aliter  
 unusquisque populo vivat, aliter sibi. Non est per se ma-  
 gistra innocentia solitudo, nec frugalitatem docent rura;  
 sed, ubi tectis ac spectator abscessit, vitia subsidunt,  
 quorum monstrari et conspici fructus est. Quis cam, 70  
 quam nulli ostenderet, induit purpuram? quis posuit  
 secretam in auro dapem? quis, sub alicujus arboris ru-  
 stica projectus umbra, luxurie suæ pompam solus expli-  
 cuit? Nemo oculis suis lautus est, ne paucorum quidem  
 et familiarium; sed apparatus vitiorum suorum pro modo  
 turbæ spectantis expandit. Ita est<sup>3</sup>: irritamentum est  
 omnium in quæ insanimus, admirator et conscius. Ne 71  
 concupiscamus efficies, si, ne ostendamus, effeceris.  
 Ambitio, et luxuria, et impotentia, secnam desiderant;  
 sanabis ista, si absconderis. Itaque, si in medio urbium  
 fremitu collocati sumus, stet ad latus monitor, et contra  
 laudatores ingentium patrimoniorum laudet parvo divi-  
 tem, et usu opes metientem. Contra illos, qui gratiam 72  
 ac potentiam attollunt, otium ipse suspiciat traditum li-  
 teris, et animum ab externis ad sua reversum. Ostendat  
 ex constitutione vulgi beatos, in isto invidioso fastigio

bus jactatur falsa gloria illorum vi-  
 rorum, et quasi concupiscenda osten-  
 tatur.

1. *Et contra. Et redusi e msa.*  
*Grut., quum ante deesset. Ruhk.*

2. *Quæ nos... reddat. Sic Horat. II*

Carm. 2, 19: « Redditum Cyri solio  
 Phraaten Dissidens plebi numero  
 beatorum Eximit Virtus, populum-  
 que falsis Dedocet uti Vocibus. » R.

3. *Ita est. Sic, ex more Senecæ,*  
*a. c. A. Vulgo itaque. Schw.*

suo trementes<sup>1</sup> et attonitos, longeque aliam de se opinionem habentes, quam ab aliis habetur. Nam, quæ aliis excelsa videntur, ipsis prærupta sunt. Itaque exanimantur, et trepidant, quoties despexerunt in illud magnitudinis suæ præceptis. Cogitant enim varios casus, et in sublimi maxime lubricos: tunc appetita formidant, et, quæ illos<sup>2</sup> graves aliis reddit, gravior ipsis felicitas incubat<sup>3</sup>: tunc laudant otium lene et sui juris<sup>4</sup>; odio est fulgor, et fuga a rebus<sup>5</sup> adhuc stantibus queritur<sup>6</sup>: tunc demum videas philosophantes metu<sup>7</sup>, et ægræ fortunæ sana consilia. Nam, quasi ista inter se contraria sint, bona fortuna, et mens bona; ita melius in malis sapimus; secunda rectum auferunt. Vale.

1. *Tremes et attonitos.* Qui non succurret in his ex constitutione vulgi bonis describendis Damocles ille Dionysii majoris parasitus s. assentator, cujus mentionem egregie fecit Cicero Tusc. Disp. V, 21. *Ruhk.*

2. *Et, quæ illos.* Perperam vulgo et quæ et illos. *Schw.*

3. *Incubat, non incumbit,* dedere libri nostri et Gruteri. *Schw.*

4. *Tunc laudant otium lene et sui juris.* Sic apud Racinium nostrum Agamemnon (*Iphig.* act. I, sc. 1):

Heureux qui, satisfait de son humble fortune,  
Libre du joug superbe où je suis attaché,  
Vit dans l'état obscur où les dieux l'ont caché!

5. *Et fuga a rebus.* Vulgo et fuga jam a rebus. *Schw.*

6. *Et fuga a rebus adhuc stantibus queritur.* Bene vertit Lagrange: *Ils*

cherchent à quitter leur grandeur, avant qu'elle ne s'écroule.

7. *Philosophantes metu.* Mureti ingenio hæc debetur scriptura; quam licet insanam judicasset Gruterus, tenuit tamen Lipsius, et revocarunt Bipontini et Ruhk. *Philosophantis metus* dabant vet. libri omnes, quod restitutum voluerat Gruet. et hactenus restituit Gronovius, ut terminationem is pro *es* pluralis numeri acciperet, scriberetque *philosophantes metus*: quam scripturam Gallicus interpres his verbis expressit: *Fous verrez alors la crainte philosopher.* *Schw.* — Nos lectionem in textu receptam optimam judicavimus, nisi quod *philosophantes metu* male quadrat cum *bona consilia*, quam in priori de ipsis hominibus, in posteriori de rebus agatur.

## EPISTOLA XCV.

SOLIS PRÆCEPTIS VIRTUTEM NON GIGNI POSSE: NECESARIA ESSE DECRETA.

Jocoso, de levitate hominum sæpe petentium quod proprie nolunt promissio præmisso, quæstionem tractat inde a § 4: an præcepta ad vitam beatam sufficiant, atque negat. Primum enim sæpe opiniones pravæ impediunt: deinde quælibet actiones æstimatione tum demum dignæ sunt et honestæ, quum persuasione nituntur clara de præstantia ipsarum; quippe quæ ex decretis fieri debent — 7. Artes autem omnes præceptis contentæ non comparari possunt cum sapientia. Nam cunctæ artes vitæ humanæ secundo loco gaudent, sc. circa instrumenta vitæ occupatæ sunt, atque ab iis impediuntur, iisque se accommodant, quum contra sapientia impedimenta discentiat et vincat. Accedit, quod in illis artibus peccata adeo voluntaria excusentur, quæ sapientiæ vitio maximo vertuntur. Quid, quod omnes artes, utique contemplativæ decreta habent? Sequitur itaque, Philosophiam sine eis esse non posse, ut in qua rationes ideoque decreta præceptorum causæ sunt — 13. Nec illa objectio stare potest, antiquos sine Ethica ista artificiosa longe tamen meliores fuisse. Nam ex quo nequitia creverit et tam late se sparserit, remediis quoque diligentioribus opus erat. Eadem erat et est conditio medicinæ, quæ, quum vita hominum simplex esset, paucarum fuit scientia herbarum, etc. Qua occasione in supplicia luxuriæ atque nequitia exspatiatur, atque adeo necessitatem efficacium remediorum monstrat, quæ opinionibus pravis evertendis ac virtute insinuanda et docenda continetur. Sunt quidem, qui sine institutione subtili evaserint boni, at hebetibus illis et obtusis aut mala consuetudine obsessis auxiliandum est, censis vitiorum erimendis, adeoque liberando atque erudiendo animo — 40. Deinde actiones nostræ fiunt demum ethicæ secundum formam quam dicimus: jam quom præcepta nonnisi materiam spectent, adeoque ad virtutem non perducant, quandoquidem non in facto laus est, sed in eo quemadmodum fiat; sequitur, sicut actiones honestæ demum fiunt, si honestum accesserit, ita præcepta nonnisi legales actiones efficientibus adjuvari debere decretis sive persuasione ad totam pertinentem vitam ideoque necessaria — 47: ac primum quidem in diis colendis, quos satis coluit, quisquis imitatus eos est — 51: deinde in eo, quomodo hominibus sit utendum — 54: tum, quomodo rebus sit utendum. Ita præcepta de virtutibus adjuvari debent doctrina et decretis de natura virtutis: quia sine immutabili certoque iudicio fluctuemur necesse est. Nonnisi decreta

proinde dant veritatem — 60. Hoc ii ipsi confirmant, qui necessitatem decretorum negant, decreta tollendo et præcepta suadendo ipsum decretum incantantes. Jam quum scopus rationis unicus sit veritas et ad eam reperendam probationes necessariae sint, sequitur sine decretis philosophiam esse non posse. Via ad philosophiam adytm per ea est — 65. Adjicit quidem Posidonius quædam alia tanquam necessaria, suasionem, consolationem, exhortationem, et utilem futuram ait enjusque virtutis descriptionem: non sine Senecæ assensu.

SENECA LUCILIO SUO SALUTEM.

PETIS a me<sup>1</sup>, ut id, quod in diem suum dixeram debere differri, repræsentem, et scribam tibi, « an hæc pars Philosophiæ, quam Græci *παρρησιαν* vocant, nos Præceptivam dicimus, satis sit ad consummandam Sapientiam. » — Scio te in bonam partem accepturum, si negavero<sup>2</sup>. Eo magis promitto, et verbum publicum perire non patior: « Postea noli rogare, quod impetrare nolueris. » Interdum enim obnixe petimus id, quod recusaremus, si quis offerret. Hæc sive levitas est, sive vernilitas, punienda est promittendi facilitate. Multa videri volumus velle, sed nolumus. Recitator<sup>3</sup> Historiam ingentem attulit, minutissime scriptam, arctissime plicatam, et, magna parte perlecta: « Desinam, inquit,

1. *Petis a me... differri.* Spectant hæc ad Ep. XCIV, 52, ubi docuerat contra Aristonem, Philosophiæ partem, quæ præceptiones contineat, supervacuam non esse. Nunc querit, an ad faciendum sapientem sola sufficial. *Ruhk.*

2. *Si negavero.* Quia res intricata et minime blanda aul grata est: ideo facile feres abnuentem. Tamen faciam, ne frustra petiveris, et ne vulgi verbum (*publicum*) pereat: noli rogare quod impetratum etiam nolis. Nam sunt, qui petant, quasi in alterius gratiam

aut honorem: ut, Recita hoc carmen, Diem illum mihi adsis: at in animo velint negatum honorem aut gratiam. Hæc sententia horum et sequentium est, a qua alii mihi videntur abivisse. *Lips.*

3. *Recitator.* Illic mos scripta sua amicis recitandi jam libera republ. erat, sed magis invaluit sub Augusto, Pollione quippe Asinio publice enim indocente. Cf. Wieland. ad Horat. I Epp. XIX, 42. et Gierig in Excursu hac de re ad Plinii Epist. Vol. II. *Ruhk.*

si vultis. » Acclamatur : « Recita, recita ! » ab his, qui illum obmutescere illico cupiunt. Sæpe aliud volumus, aliud optamus<sup>1</sup>, et verum ne Diis quidem dicimus : sed Dii aut non exaudiunt, aut miserentur<sup>2</sup>. Ego me, omissa<sup>3</sup> misericordia, vindicabo, et tibi ingentem epistolam impingam; quam tu si invitus leges, dicito : Ego mihi hoc contraxi! teque inter illos numera, quos uxor, magno ducta ambitu<sup>4</sup>, torquet; inter illos, quos divitiæ, per summum acquisitæ sudorem, male habent; inter illos, quos honores, nulla non arte atque opera petiti, discruciant; et cæteros malorum suorum compotes<sup>5</sup>.

Sed ut, omisso principio, rem ipsam aggrediar : 4  
« Beata, inquit<sup>5</sup>, vita constat ex actionibus rectis; ad actiones rectas præcepta perducunt : ergo ad beatam vitam præcepta sufficiunt. » — Non semper<sup>6</sup> ad actiones rectas præcepta perducunt, sed quum obsequens ingenium est : aliquando frustra admoventur, si animum opinioniones obsident pravæ. Deinde<sup>7</sup>, etiam si recte faciunt, 5

1. *Aliud volumus, aliud optamus.* I. e. aliud nobiscum tacite volumus, aliud palam efferimus, dicimus optantes. *Ruhk.* — *Optamus* a Diis nempe, ait Lipsius, ubi palam, et audientibus aliis vota concepimus; tunc enim sæpe hic dissensus. Pro vita et victoria mali principis precor, servus pro domini, maritus uxoris, et quæ sunt talia, animo abdicante. An et refers ad vota etiam tacita et libera? Nimirum errore eligendi mala petimus, etsi bona intendimus : ut opes, honores, famam. Itaque aliud volumus communiter; distinet autem vivendo, abimus. *Lips.*

2. *Aut non exaudiunt, aut miserentur.* Si enim Dii precibus nostris annuerent, mala nobis sæpe maxi-

ma, et ea quæ minime vellemus impingerent. *Muretus.*

3. *Magno ducta ambitu.* Cui assidue et summo studio simulatus es, ut tecum nubere dignaretur.

4. *Et cæteros malorum suorum compotes.* Argute expressa sententia est : et inter cæteros numera te, qui quum votorum suorum compotes facti sint, loco eorum mala nanciscuntur, quæ tamen sibi ipsis tribuere debent. *Ruhk.*

5. *Beata, inquit.* Sc. Stomæ adversarii et cujuslibet philosophiæ dogmaticæ. — Propositio minor : *ad act. rect.* etc. recte impugnatur. *Ruhk.*

6. *Non semper.* Sic omnes eoddm. *ms.* Anle Grul. *Non tamen s.* *Ruhk.*

7. *Deinde...* recte. Conscientia de-

nesciunt facere se recte. Non potest enim quisquam; nisi ab initio formatus et tota ratione compositus, omnes exsequi numeros<sup>1</sup>, ut sciat, quando oporteat, et in quantum, et cum quo, et quemadmodum. Quare non potest toto animo ad honesta conari, ne constanter quidem, aut  
6 libenter; sed respiciet, sed hæsabit. — « Si honesta, inquit, actio ex præceptis venit, ad beatam vitam præcepta abunde sunt: atqui est illud: ergo et hoc. » — His respondemus: actiones honestas et præceptis<sup>2</sup> fieri; non, tantum præceptis.

« Si aliæ, inquit, artes contentæ sunt præceptis, contenta erit et sapientia; nam et hæc ars vitæ<sup>3</sup> est. Atqui gubernatorem facit ille, qui præcipit: Sic move gubernaculum, sic vela submitte, sic secundo vento utere, sic adverso resiste, sic dubium communemque tibi vindica. Alios quoque artifices præcepta confirmant: ergo in hoc<sup>4</sup> idem poterunt artifices vivendi. » — Omnes istæ artes circa instrumenta vitæ occupatæ sunt, non circa totam vitam. Itaque multa illas inhibent extrinsecus, et impediunt: spes, cupiditas, timor. At hæc, quæ

est iis, hæc tantum ratione uti debere ad recte faciendum. *R.* — Neque enim causam tenent, cur quidque fieri debeat. Atque hoc quidem recte et vere a stoicis dicebatur: illud absurde, quod dicebant, ex miserrimo beatum posse fieri aliquem, qui tamen nullum prorsus sensum haberet tantæ illius mutationis suæ. *Muretus.*

1. *Omnes... numeros.* Officiorum partes et noscere et exercere: numerus enim proprie partem (a *vīpo* tribuo) denotat. Cf. Ernesti Clav. Cic. h. voce. *Ruhk.*

2. *Et præceptis, a. c. A.* Perperam ex decretis edd. ex *R. Schw.* — *Ruhk.*

qui edidit ex decretis, sic addit: In hoc ratiocinio hypothetico recta major impugatur. *Decreta* sunt principia, quæ nos vocamus, unde præcepta deducuntur. *Ruhk.*

3. *Ars vitæ.* Jam supra Ep. xc, 44, vidimus: « ars est bonum fieri »: hinc philosophi, sapientes dicuntur seq. §. *artifices vivendi.* Ita auctor poematis olim sub nomine Severi, nunc ap. VVernsdorf. Poet. min. lat. IV sub nomine Lucilii Junioris, utrinque temere publicati, vers. 186: *Nunc opus Artificem incendit*, ubi VVernsdorf. recte explicat, philosophum. *R.*

4. *Ergo in hoc* (i. e. ad hoc, scil.



artem vitæ professa est, nulla re, quo minus se exerceat, vetari potest : discutit enim impedimenta, et tractat obstantia. Vis scire<sup>1</sup> quam dissimilis sit aliarum artium<sup>8</sup> conditio, et hujus? In illis excusatius est, voluntate peccare, quam casu; in hac, maxima culpa est, sponte delinquere. Quod dico, tale est. Grammaticus non erubescet solæcismo<sup>2</sup>, si sciens fecit; erubescet, si nesciens. Medicus, si deficere ægrum non intelligit, quantum ad artem magis peccat, quam si se intelligere dissimulat. At in hac arte vivendi, turpior volentium culpa est. Adjice<sup>9</sup> nunc, quod artes quoque pleræque, imo ex omnibus liberalissimæ, habent decreta sua, non tantum præcepta<sup>3</sup>, sicut Medicina. Itaque alia est Hippocratis<sup>4</sup> secta, alia Asclepiadis, alia Themisonis. Præterea nulla ars contemplativa<sup>5</sup> sine decretis suis est, quæ Græci vo-

ut artem vitæ datis præceptis doceant alios), recte a. c. A. Ergo ne hoc ed. H. Ven. Er. Tm ergo non hoc etc. cum interrogationis signo, ed. Mur. et seqq. Schw.

1. Vis scire. Locus hic erudite tractatur ab Aristotele libr. II Ethicorum. Muretus.

2. Non erubescet solæcismo, si sciens fecit; erubescet etc. Vulgo erubescit solæcismum, si sciens facit: erubescit etc. Schw. — Vitium orationis parituti vel Latinitati contrarium solæcismus est, quum in verbis pluribus verbum superiori non accommodetur et compositura partium orationis impar et inconveniens fiet: stribligo alies diæta. Cf. Ernesti Lexicon Technolog. Græc. et Lat. h. v. Comparat cum solæcismo Græcism *αρχή* Valcken. ad Lesbos. post Ammon. nol. 3, p. 177 seqq. Ruhk.

3. Habent decreta sua, non tantum præcepta. Adversarii Senecæ, ut

impugnent decreta, vitæ artem cæteris artibus comparant: ipse Seneca respondet, si tandem era vitæ cæteris artibus comparari possit, ex hoc colligi illam artem solis constare præceptis non posse, quoniam cæteræ artes non tantum præcepta, sed etiam decreta continent: sic ista comparatione ab adversariis prolata utitur, ut ipsos profliget.

4. Itaque alia est Hippocratis... Asclepiadis... Themisonis. Cf. de his medicis in antiquitate celeberrimis, Hippocrate Coo, qui Socratis cœvus erat, Asclepiade et ejus editore Themisone, qui Ciceronis tempore Romæ vixerunt, et quorum Plin. Nat. Hist. 29, 1, Celsus præfat. p. 13 bip. el. mentionem honorificam injecere, inprimis Cartii Sprengelii Historiæ Medicinæ. Ruhk.

5. Contemplativa. Quæ causas rerum spectat, in eas inquiri, et in systema ordinat colligitque, atque

cant *δὲγματα*<sup>1</sup>, nobis vel *decreta* licet appellare, vel *scita*, vel *placita*; quæ in Geometria et in Astronomia invenies.

- 10 Philosophia autem et contemplativa est, et activa; spectat simul, agitque<sup>2</sup>. Erras enim, si illam putas tantum terrestres operas promittere; altius spirat. Totum, inquit, mundum scrutor, nec me intra contubernium mortale contineo, suadere vobis, ac dissuadere contenta; magna me vocant, supraque vos posita:

- 11 Nam tibi de summa cæli ratione, Deumque,  
Disserere incipiam, et rerum primordia pandam;  
Unde omnis natura creet res, auctet, aliatque,  
Quoque cadem rursus natura perempta resolvat<sup>3</sup>,

- ut ait Luerctius. Sequitur ergo, ut, quum contemplativa sit, habeat decreta sua. Quid? quod facienda quoque nemo rite obibit, nisi is, cui ratio crit tradita, qua in quaque re omnes officiorum numeros exsequi possit; quos non scrvabit, qui in rem præcepta acceperit<sup>4</sup>, non in  
12 omne. Imbecilla sunt per se, et, ut ita dicam, sine radice, quæ partibus dantur. Decreta sunt, quæ muniant, quæ securitatem nostram tranquillitatemque tueantur, quæ totam vitam, totamque rerum naturam simul contineant. Hoc interest inter decreta philosophiæ et præcepta,

adeo theoria, quam vocamus, nititur. *Ruhk.*

1. *Quæ Græci vocant δέγματα.* De his ego Mannduct. II, Dissert. XII. L.

2. *Spectat simul, agitque.* Vulgo *spectat, simulque agit.* Schw.

3. *Resolvat.* Versus Lueretii I, 49 sqq. sunt. *Ruhk.*

4. *Qui in rem præcepta acceperit, non in omne.* Sic quidem (ut inde a Gron. editur) habet ms. a. et Pinciani codd. ubi in omne idem valet ac in totum, in universum, vel in omnem vitam, ut est in c. A. et in ora Er.

Sed ad. R. cum aliis sic habet, *qui in rem... non in nomine*: unde videndum, ne verum sit *qui in rem... non in nomen*, sive (ut est in ed. Er. et in Pal. 1 et 3.) *qui in re... non in nomine*: ubi, quemadmodum *res* intelligitur *res singularis*, sic *nomen* intelligitur *totum genus*, cui *nomen* aliquod competit. Schw. — Muretus satis confidenter: *Qui mera præcepta acceperit.* Lipsius coniecit: *non in commune.* — *Qui in rem... omne*, h. e. qui in res singulas præcepta acceperit (exempla habes in Ep. XCIV, 14

quod inter elementa, et membra<sup>1</sup> : hæc ex illis dependent; illa et horum causæ sunt et omnium.

« Antiqua<sup>2</sup>, inquit, Sapientia nihil aliud, quam faci-<sup>13</sup>  
cienda ac vitanda, præcepit; et tunc longe meliores erant  
viri : postquam docti prodierunt, boni desunt. Simplex  
enim illa et aperta Virtus in obscuram et solertem scien-  
tiam versa est, docemurque disputare, non vivere. » —  
Fuit sine dubio, ut dicitis, vetus illa Sapientia, quum<sup>14</sup>  
maxime nascens, rudis; non minus, quam cæteræ artes,  
quarum in processu subtilitas crevit. Sed ne opus quidem  
adhuc erat remediis diligentibus. Nondum in tantum ne-  
quitia surrexerat, nec tam late se sparscrat : poterant  
vitiis simplicibus obstare remedia simplicia. Nunc ne-  
cesse est tanto operosiora esse munimenta, quanto va-  
lentiora sunt quibus petimur. Medicina quondam pau-<sup>15</sup>  
carum fuit scientia herbarum, quibus sisteretur fluxus  
sanguis, vulnera coirent : paulatim deinde in hanc per-  
venit tam multiplicem varietatem. Nec est mirum, tunc  
illam minus negotii habuisse, firmis adhuc solidisque  
corporibus, et facili cibo, nec per artem voluptatemque  
corrupto : qui postquam cœpit non ad tollendam, sed ad  
irritandam famem quæri, et inventæ sunt mille condi-

sqq.) nec ea, quæ totam officiorum  
ambitum complectuntur. *Ruhk.* —  
Confer. Cic. Tusc. III, xxxiv, 81.

1. *Elementa, et membra.* Comparatio hæc optimo iudicio electa est a nostro. Nam illa elementa (στοιχεῖα καὶ ἀρχαί), non solum (τὰ ὑποκείμενα) rem subjectam et eam primariam, unde reliqua formantur (*membra*), materiam, sed quoque principia a. illam vim vitalem primariam continent. *Ruhk.*

2. *Antiqua...* præcepit. Docet hoc

historia de processu generis humani ad meliorem ingenii vitæque culturam. Hinc antiquissima præcepta ejuscemodi attributa semper sunt auctoribus et statoribus humanitatis, e. c. Orpheo, Lino, Eumolpo, Musæo : vide e. c. Aristophan. Ran. 1032 sq. 1054 Brunk. ed. Hesiodi quoque, poetarum gnomicorum et septem sicut dictorum sapientum exemplo res patet. Quos quidem omnes Philosophiæ subtiliori prolusisse constat. Cf. Heynii Opusc. acad. Vol. I. p. 172 sq. 212

- turæ, quibus aviditas excitaretur; quæ desiderantibus  
 16 alimenta erant, onera sunt plenis<sup>1</sup>. Inde pallor, et nervorum vino madentium tremor, et miserabilior ex cruditatibus<sup>2</sup>, quam ex fame, macies; inde incerti labantium pedes, et semper, qualis in ipsa ebrietate, titubatio; inde in totam cutem humor admissus, distensusque venter, dum male assuescit<sup>3</sup> plus capere, quam poterat; inde suffusio luridæ bilis, et decolor vultus, tabesque in se putrescentium, et retorridi digiti<sup>4</sup> articulis obrigescens, nervorumque sine sensu jacentium torpor, aut palpitatio [corporum<sup>5</sup>] sine intermissione vibrantium.
- 17 Quid capitis vertigines dicam? quid oculorum auriumque tormenta, et cerebri exæstuantis verminationes<sup>5</sup>; et omnia, per quæ exoncratur<sup>6</sup>, internis ulceribus affecta? innumerabilia præterea febrium genera, aliarum impetu sævientium, aliarum tenui peste repentium, aliarum cum horrore et multa membrorum quassatione venientium?
- 18 Quid alios referam innumerabiles morbos, supplicia luxuriæ? Immunes erant ab istis malis, qui nondum se deliciis

sq. et ejusdem præfat. Sententiosis vetustissimorum Gnomior. poetar. Opp. ed. Lips. 1776 præmissam. R.

1. Quæ desiderantibus alimenta erant, onera sunt plenis. Bene Lagrange: *Ces mets qui étaient des aliments pour des gens affamés, sont devenus des fardeaux pour des gens rassasiés.*

2. Ex cruditatibus... macies. Vertit Lagrange: *La maigreur causée par des indigestions.*

3. Retorridi digiti ms. a. vocabulo et alias frequentato Senecæ. Vulgo retorti dig. Schw.

4. Aut palpitatio [corporum] sine intermissione vibrantium. Vocab. corporum, quod exhibent quidem ve-

leres libri omnes, commode ejectum a Mureto, revocavit Ruhk. tantum non necessarium judicans. Equidem uncia circumdedi, ut merito suspectum; rectius facturus, si denuo ablegassem, ut prorsus ab hoc loco alienum, ubi manifeste opponantur torpor nervorum sine sensu jacentium, et palpitatio (nervorum) sine intermissione vibrantium. Schw. — Corporum et in Erasmi ed. et in quinque Palat. codd. invenitur. Ruhk.

5. Cerebri exæstuantis verminationes. Lagrange vertit: *Ces chaleurs dévorantes du cerveau.*

6. Omnia, per quæ exoncratur. Int. causas illos intestinos exonerando corpori destinatos.

solverant<sup>1</sup>, qui sibi imperabant, sibi ministrabant. Corpora opere ac vero labore durabant, aut cursu defatigati, aut venatu, aut tellure versata<sup>2</sup>. Excipiebat illos cibus, qui, nisi esurientibus, placere non posset. Itaque nihil opus erat tam magna medicorum supellectile, nec tot ferramentis<sup>3</sup>, atque pyxidibus. Simplex erat ex causa simplici valetudo; multos morbos multa fercula<sup>4</sup> fecerunt. 19  
Vide, quantum rerum per unam gulam transiturarum permisceat luxuria, terrarum marisque vastatrix! Necesse est itaque inter se tam diversa dissideant, et hausta male digerantur, aliis alio nitentibus. Nec mirum, quod inconstans variusque ex discordi cibo morbus est, et illa ex contrariis<sup>5</sup> naturæ partibus in eundem compulsa redundant. Inde tam nullo<sup>6</sup> ægrotamus genere, quam 20  
vivimus. Maximus<sup>7</sup> ille Medicorum, et hujus scientiæ conditor, « feminis nec capillos defluere, dixit, nec pedes laborare. » Atqui et capillis destituuntur, et pedibus ægræ sunt. Non mutata feminarum natura, sed vita est: nam

1. *Qui nondum se deliciis solvant.* I. qui nondum nimia mollitie et voluptate vires suas fregerant. *Rh.*

2. *Aut tellure versata.* Sic Erasm. Nonnulli eodd. Pinc. et Grut. præstant *aut tellurem versantia.* *Ruhk.*

3. *Ferramentis.* I. instrumentis chirurgiæ. *Ruhk.*

4. *Multos morbos multa fercula f.* Vide in hac rem Plutarchi *Quæst. convival.* VIII, c. 9. *Lips.*

5. *Et illa ex contrariis... redundant.* Sensus est: non mirum est, quod illa tam contraria alimenta in unum cibum compulsa s. collecta fermentationem subeunt noxiam et nimio impetu venas implent. *Ruhk.*

6. *Inde tam nullo... vivimus.* Inde fit, ut tam diversa et mixta perplexa-

que morborum genera sint, quam vivendi ratio nostra est discors propter ciborum genera multiformia. *Ruhk.* — Miror quod nulli edd. conjecerint *multo*, quod facilius intelligeretur.

7. *Maximus ille medicorum... laborare.* Hippocrates in iis scriptis, quæ ætatem tulerunt, hæc memorizæ non prodidit. Similia tamen occurrunt in libro de natura Pueri p. 241 ed. Genev. 1657. fol.: Galenus quoque ad lib. VI Aphorism. notat, olim id ita fuisse Hippocratis ævo, quum moderate victitarent: at suo tempore propter intemperantiam victus et eunehos, et feminas sæpe podagra laborare. Cæterum Aristoteles de Generat. Animal. V, 3 (quem locum J.

- quum virorum licentiam æquaverint, corporum quoque  
 21 virilium incommoda æquarunt<sup>1</sup>. Non minus<sup>2</sup> pervigilant,  
 non minus potant, et oleo<sup>3</sup> et mero viros provocant;  
 æque invitis ingesta visceribus per os reddunt, et vinum  
 omne vomitu remetiuntur<sup>4</sup>; æque nivem rodunt, solatium  
 stomachi æstuantis. Libidine vero ne maribus quidem  
 cedunt: pati natæ (Dii illas Deæque male perdant!)  
 adeo perversum commentæ genus impudicitæ, viros in-  
 22 eunt<sup>5</sup>. Quid ergo mirandum est, maximum Medicorum,  
 ac naturæ peritissimum, in mendacio præcendi, quum tot  
 feminæ podagricæ calvæque sint? Beneficium sexus suis  
 vitiiis perdiderunt; et, quia feminam exuerunt, damnatæ

A. Fabricio et J. Garlitto, viro amiciss. in *Wiedeburg. humanist. Magazin*. V p. 351 sq. debeo) causas affert, et non nisi viri, nunquam pueri, mulieres et eunuchi fiant calvi. R.

1. *Incommoda æquarunt*, a. c. A. Pal. 2. 4. Col. vulgo *vitia æquaverunt*. Schw.

2. *Non minus pervigilant*. In convitiis illis intempestivis. Quibusdam tamen libris tria hæc verba absunt, etiam optimo meo; in aliis, *pervigilantur* scriptum, ex quo Pincianus ingeniose, *pugillantur*. Lips.

3. *Oleo*. l. luctando. Ruhk.

4. *Vinum omne vomitu remetiuntur*. Totidem fere verbis, de Provid. cap. III: *Hi quidquid biberint, vomitu remetiuntur, tristes, et bilem suam regustantes*. Mos autem invaluerat, medicis quamvis reluctantibus, ante cœnam bibere, et vomitu refundere. Juvenalis de ipsis feminis: «Taoquam alta in dolia longus Deceiderit serpens, bibit et vomit.» Et Martialis: «Nec cœnat prius, aut prius recumbit, Quam septem vomuit meri denec.» Cœpisse mos, aut inva-

luisse videtur, Pompeii Magni temporibus, quum Asclepiades medicus vixit, de quo Plinius lib. XXVI, c. III: «Damnavit merito et vomitiones tunc supra modum frequentes.» Damnat et Celsus lib. I, c. III, qui istud luxuriæ causa fieri non oportere confitetur, ioterdum valetudinis causa recte fieri experimentis credit. L.

5. *Viros ineunt*. Flagitium et sceleris mihi quidem ignota, et apage a viris ipsis, meo voto. Utne hoc patiamur? Nego recte scribi: quo enim sensu? ut feminæ in equo sedeant, quod brevibus puellis Ovidius concedit? Atqui ne illud schema est, quod sic merito exsecretur Seneca: et vel ita ineuntur, non ineunt. An ad Ligures, aut fellantes referas? Non convenit hoc verbi de ineundo: nec feminarum etiam ista magis, quam virorum. Mihi lubet corrigere, *virī sunt, ineunt*; et ad Tribadas referre. Ille profecto virum agunt, et de istis Clemens Alexandrinus: «Et feminæ viri sunt contra naturam, et nubant, et item ducunt uxores.» Lips. — Naigeon, in notis

sunt morbis virilibus. Antiqui Medici nesciebant dare cibum sapius, et vino fulcire venas cadentes<sup>1</sup>; nesciebant sanguinem mittere<sup>2</sup>, et diutinam ægrotationem balneo sudoribusque laxare; nesciebant<sup>3</sup>, crurum vinculo brachiorumque, latentem vim, et in medio sedentem, ad extrema revocare. Non erat necesse, circumspicere<sup>23</sup> multa auxiliorum genera, quum essent periculorum paucissima. Nunc vero quam longe processerunt mala valetudinis? Has usuras voluptatum pendimus, ultra modum fasque concupitarum. Innumerabiles esse morbos non miraberis<sup>4</sup>; coquos numera. Cessat omne studium<sup>5</sup>; et libralia professi, sine ulla frequentia, desertis angulis præsident. In Rhetorum ac Philosophorum scholis solitudo est; at quam celebres culinæ sunt, quanta circa nepotum<sup>6</sup> focos juvenus premit! Transeo puerorum infelicitum greges, quos, post transacta convivia, aliæ<sup>24</sup> cubiculi contumeliæ expectant<sup>7</sup>. Transeo agmina exoletorum, per nationes coloresque<sup>8</sup> descripta, ut eadem

ioedit. ad gallic. version. interpretatur de feminis hermaphroditis quæ, pæne viri, pueros, virorum more amabant; et affert Martial. lib. VII, Epig. 66: « Pædieat pueros tribas Philænis. »

1. *Vino fulcire venas cadentes* quod Noster de Beuef. III, 9 effert: cadentes venas vino refecisse, oblinendo puta lavaudoque. Sic Ovid. Pont. I, 3: « Et jam deficiens sic ad tua verba revixi, Ut solet infuso vena redire mero. » Cf. Bentlei. ad Horat. Sermon. II, 3, 154. *Ruhk.*

2. *Sanguinem mittere, a. c. A.* Alii vulgo *sang. emitt.* et sic ed. *Ruhk.* *Schw.*—Lipsius ex iogenio in textum intruserat temere: *saniem emittere* propter morem in balneis sudaadi. *R.*

3. *Nesciebant... revocare.* Intellegam de suppuratione excitanda, quam imposito sinapi efficiebant et candentibus ferramentis, ut materia inutilis evocaretur, teste Celso IV, 2 p. 193, c. 27, p. 239. *Ruhk.*

4. *Non miraberis?* Sic Erasmi. et eodd. palat. *Innumerabiles esse morbos miraris?* Muretus dedit propria auctoritate. *Ruhk.*

5. *Cessat omne studium... solitudo est.* Cf. ad Ep. LXXVI, 1. *Ruhk.*

6. *Nepotum.* Gulæ famulorum. *R.*

7. *Quos post transacta... expectant.* Ut aut patientur, aut faciant obsecra. Faciant etiam, dico, ex Ep. XLVII, 5. *Lips.*

8. *Per nationes coloresque.* Ita solent, atque item per ætates. Vide de

omnibus lævitas<sup>1</sup> sit, eadem primæ mensura lanuginis, eadem species capillorum; ne quis, cui rector est coma, crispulis misceatur. Transeo pistorum turbam, transeo ministratorum, per quos signo dato<sup>2</sup> ad inferendam cœnam discurretur. Dii boni, quantum hominum unus venter<sup>3</sup> exercet! Quid? tu illos bolctos<sup>3</sup>, voluptarium venenum, nihil occulti operis judicas facere, etiam si præsentanei non fuerunt<sup>4</sup>? Quid tu illam æstivam nivem non putas callum jecinoribus obducere? Quid? illa ostrea, inertissimam carnem cœno saginatam, nihil existimas limosæ gravitatis inferre? Quid? illud Sociorum garum<sup>5</sup>, pretiosam malorum piscium sanie, non credis urere salsa<sup>6</sup> tabe<sup>6</sup> præcordia? Quid illa purulenta, et quæ tantum non ex ipso igne in os transferuntur, judicas sine noxa in ipsis visceribus extinguere? Quam fœdi itaque pestilentesque<sup>7</sup> ructus sunt! quantum fastidium sui, exhalantibus crapulam vterem! Scias putrescere sumpta, non conco-

Brevit. Vitæ c. XII. L. — Alii exoletorum erant glabri lævesque, alii barba decori. *Ruhk.*

1. *Lævitas*. Scribendum sic putavi, quum *levitas* darent omnes. *Schw.*

2. *Signo dato*. Ibidem de Brevitate: « Quarta relectitate, signo dato, glabri ad ministeria discurrent. » L.

3. *Bolctos*, etc. Etiam *bolcti*, æstiva ostrea, Sociorum garum, non statim noceant, mox tamen facient. *R.*

4. *Fuerunt*. Dedere a. *R.* *Fuerint* c. *A.* *Fuerant* vulgo. *Schw.*

5. *Sociorum garum*. Horatius, Plinius, Ausonius, Martialis, Petronius, Apicius, Strabo, et Athenæus famosi illius condimenti mentionem faciunt, quod e diversorum piscium, in primis scombri, sanie constabat, solisque divitum mensis asservabatur: ut e Martiali liquet, l. XIII,

Epigr. CIII: « Antipolitani, fateor, sum filia Thynni: Essem si scombri, non tibi missa forem. » Id. lib. XIII, Epig. CII: « Expirantis adhuc scombri de sanguine primo Accipe saccosum, mœnera cara, garum. » *Sociorum* autem *garum* appellabatur ab inventoribus Sociis, qui videntur fuisse publicani negotiationis illius conductores. Vide Horat. Sat. 8, lib. II, v. 46; Plin. Nat. Hist. lib. XXXI, cap. VII et VIII, et lib. IX, cap. XVII; Auson. Epistol. XXI; Petron. Satiric. cap. XXXVI; Apicius, de Arte coquin. lib. VII cap. VII, not. 5; lib. VII, cap. XIII, not. 4.

6. *Salsa tabe*. Quia piscium putrescentium s. *malorum sanie* constabat garum, teste Plinio l. I. *R.*

7. *Fœdi itaque pestilentesque*, a. c. *R.* *A.* Vulgo *fœdi atque pest.* *S.*



qui. Memini fuisse quondam in sermone nobilem patinam<sup>1</sup>, in quam, quidquid apud lautos solet diem ducere<sup>2</sup>, properans in damnum suum<sup>3</sup> popina congegserat: veneriæ<sup>4</sup> spondylique, et ostrea eatenus circumcisa, qua<sup>27</sup> eduntur, intervenientibus distinguebantur echinis; totam destrieti<sup>5</sup> sine ullis ossibus nulli constraverant. Piget jam esse singula<sup>6</sup>; coguntur in unum saporē; in cœna fit, quod fieri debet saturo in ventre<sup>7</sup>: exspecto jam

1. *Memini fuisse quondam in sermone...* patinam. Omnes codd. et edd. dant in sermone; at Muretus conjecturam Pinciani recepit: quondam *Æsopi* n. p. cuius meminit Plin. X, 72; XXXV, 46, etc. Sed nihil mutandum est.—Errant, qui Nostrum de *Æsopi* patina, cuius meminit Plin. X, 72; XXXV, 46, cogitasse putent: illa enim avium, hæc piscium erat. *R.*

2. *Diem ducere.* Non muto, et intelligo diem extrahi variis ferculis, et scenam ita longioris cœnæ instrui. Si tamen leges solent diducere, hand improbem. *Lips.*

3. *Properans in damnum suum pop.* I. e. quo delicatior est conditura et ars coqui, eo celerior mors aderit eorum, in quorum animum cibi apparantur. *Ruhk.*

4. *Veneriæ, spondylique.* Quid proprie veneriæ, nescio: an conchilæ aliquæ hoc nomine, quia Venus iis vecta? Inter pisces quidem sunt, et Plinii melioribus libris nominentur in XXXII, cap. xi. *Spondyli* autem in eodem loco nominentur, et Macrobio inter lantitas, in cœne pontificia III Saturnalium, Martiali lib. VII. Epig. xvii. *Lips.* — Vides hic cœnam et concharum diversis generibus et multis, adeoque e piscibus marinis tam artificiose apparatus, ut omnes hi pisces, quamvis diversi saporis, ta-

men in unum eundemque saporem versi sint, etque partim netura, partim conditura ac coctura ita molliti et misti, ut nulla dentium opere indigerent convivæ. Descriptionem autem acenariorem ab Apiciis nobis maritimarum petas. Muretus latulat Rondeletium lib. II de testaceis cep. xxxiv. *Ruhk.*

5. *Totam destrieti* (sc. ossibus extractis) sine ullis ossibus, etc. Vulgo olim *torti distractique* ex ed. *R.* dein *torti districtique* ed. *Ruhk.* Probavi totam, sc. patinam, quod cum ed. *R.* dabat ms. *a.* Tum *destrieti* absque copula ex conject. scripsi. Vitiose *destructive* ms. *a.* *Distinctive* c. *A.* *Districtique* Pal. 1. et Pine. *Schw.*

6. *Piget jam esse singula.* De his sic Gronovius: nescio quid de *pituita* hic ingerere libros jam observavit Erasmus. Perplacet, quod in membranis invenimus et ex Pal. secundo annotavit Gruterus, *Piget esse jam pituitam singula.* Oportuit omnia simul misceri, ut fastidium genæ tanta copia pituitæ satiaretur. — Acquiesco vulgate: *Piget jam esse* (i. e. comedere) *singula: coguntur in unum saporē.* *Ruhk.*

7. *Quod fieri debet saturo in ventre.* Quia munus est stomachi congestos cibos in unum coquere et sic eorum saporē miscere.

ut manducata ponantur. Quantulo autem hoc minus<sup>1</sup> est, testas excerpere atque ossa, et dentium opera coquum  
 28 fungi? Grave est luxuriari per singula: omnia semel, et in eundem saporcm versa, ponantur. Quare ego ad unam rem manum porrigam? plura veniant simul; multorum ferculorum ornamenta coeant et cohæreant. Sciant protinus hi, qui jactationem ex istis peti et gloriam aiebant, non ostendi ista, sed conscientia<sup>2</sup> dari<sup>3</sup>. Pariter sint, quæ disponi solent, uno jure perfusa: nihil intersit: ostrea<sup>3</sup>, echini, spondyli, mulli, perturbati concocti-  
 29 que ponantur. — Non esset confusior vomentium<sup>4</sup> cibus. Quomodo<sup>5</sup> ista perplexa sunt, sic ex istis non singulares morbi nascuntur, sed inexplicabiles, diversi, multiformes: adversus quos et Medicina armare se cœpit multigenibus observationibus<sup>6</sup>.

Idem tibi de Philosophia dico. Fuit aliquando sim-

1. *Quantulo hoc minus est, testas excerpere*, etc. I. e. non multo minus est quam manducata poni.

2. *Non ostendi ista, sed conscientia dari*. Ruhk. interpretatur quasi hæc ipse Seneca indignans (non jam cœnæ Amphitryo) diceret, et post conscientia<sup>2</sup> dari supplet: propter multitudinem morborum, qui inde oriuntur. Nobis autem multo magis probabile videtur, hæc et sequentia usque ad non esset, ab eodem dici. Itaque gallico interpreti potius assentimur, qui: *Je veux faire voir à ceux qui m'accusaient de ne songer qu'à faire un vain étalage de magnificence, que c'est moins un repas que je leur fais admirer, qu'une énigme, dont je me réserve le secret, que je leur donne à deviner; nisi quod conscientia aliter intelligamus. Nobis enim ad conscientia dari voci ostendi opponi videtur; ita ut sensus sit:*

*sciant convivæ ista non tantum oculis ostendi (ut sæpe fit), sed ipsorum gustui dari; ut manducentur, non ut tantum spectentur.*

3. *Ostrea, echini, spondyli, mulli, perturb.* etc. Sic. ms. a. Vulgo, *ostrea echinis, spondyli perturbati mullis*.

4. *Non esset confusior vomentium cibus*. Adeo miscentur variæ dapes, ut non magis miscerentur, si jam stomacho concoctæ evomerentur.

5. *Quomodo... observationibus*. Totius hujus loci sensus est: Miscete quam plurimas dapes; quo plures miscueritis, eo plures morbos et inexplicabiles et multiformes convocaveritis.

6. *Multigenibus observationibus*. Scripsi ex Lipsii conject. Nec enim ferendum videbatur vulgatum multis generibus, multis observationibus. Scil. repetita vox multis interpretamentum fuerat vocabuli multigenibus. Schw.

plior inter minora peccantes, et levi quoque cura remediabiles<sup>1</sup>: adversus tantam morum eversionem omnia conanda sunt<sup>2</sup>. Et utinam sic denique lucus ista vindicetur<sup>3</sup>! Non privatim solum, sed publice furimus. Homicidia compescimus et singulas cædes: quid bella, et occisarum gentium gloriosum scelus? Non avaritia, non crudelitas modum novit. Et ista, quamdiu furtim et a singulis fiunt, minus noxia minusque monstrosa sunt: ex senatusconsultis plebisque scitis sæva exercentur, et publice jubentur vetita privatim. Quæ clam commissæ<sup>4</sup> capite luerent, jam, quia<sup>5</sup> paludati<sup>6</sup> fecere, laudamus. Non pudet homines, mitissimum genus, gaudere sanguine alterno, et bella gerere, gerendaque liberis tradere, quum inter se<sup>7</sup> etiam mutis ac feris pax sit. Adversus tam potentem explicitumque late furorem operosior Philosophia facta est, et tantum sibi virium sumpsit, quantum his, adversus quæ parabatur, accesserat. Ex<sup>8</sup> peditum erat, objurgare indulgentes mero, et petentes delicatiorem cibum; non erat animus ad frugalitatem magna vi reducendus, a qua paululum discesserat.

Nunc manibus rapidis opus est, nunc arte magistra<sup>9</sup>.

1. *Remediabiles*. Sic membranæ et quinque palat. cum edd. priscis. Gron. probat. Compositum est ap. Senec. Ep. CXIV, 5. Plin. XI, 115; XXVIII, 23: *irremediabilis*. Simplex habet Cassiodor. Varr. III, 14: remediabile bonum est in peccatum accelerata correctio. *Ruhk.* — *Ruhkopfium* probat Schw. additque auctoritatem ms. a. c. R. A. Olim *medicabiles* edd.

2. *Conanda sunt*, a. c. A. Aberat *sunt* vulgo. Schw.

3. *Findicetur*, a. c. R. A. Vulgo *vinceretur*. Schw.

4. *Jam, quia*, etc. *Tamen quia* ed. R. Ven. Er. *Eadem quia* vulgo ex

Mureti ing. *Tum quia* ms. a. *Tam quia* ms. c. *Jam* dedit ed. A. quod aut ipsam verum erat, aut prorsus abjicienda vox controversa. Schw.

5. *Paludati*. Sic Erasmus et codd. nonnulli. Muretus *palam* suffecit. *Paulatim* habent codd. alii. *Ruhk.* — *Paludati*. Ita enim, et eo habitu, id est, coccineo paludamento (*cotte d'armes*) indoti, proficisci ad bellum solent. Lips.

6. *Quum inter se... pax sit?* Erasse nostrum declamatorio ardore abreptum monoi ad II de Ira 8, 2. R.

7. *Magistra*. Versus est Virgil. Æn. VIII, 442. *Ruhk.*

Voluptas ex omni parte <sup>1</sup> quæritur; nullum intra se manet vitium. In avaritiam luxuria præceps est: honesti oblitio invasit; nihil turpe est, cuius placet <sup>2</sup> pretium.

- 33 Homo, sacra res homini <sup>3</sup>, jam per lusum et jocum occiditur; et, quem erudiri ad inferenda accipiendaque vulnera nefas erat, is jam nudus inermisque <sup>4</sup> producitur; satisque spectaculi ex homine, mors est <sup>5</sup>.

- In hac ergo morum perversitate desideratur solito vehementius aliquid, quod mala inveterata discutiat: decretis agendum est, ut revellatur penitus falsorum re-  
34 cepta persuasio. His si adjunxerimus præcepta, consolationes, adhortationes, poterunt valere; per se inefficaces sunt. Si volumus habere obligatos <sup>6</sup>, et malis, quibus jam tenentur, avellere; discant, quid malum, quid bonum sit; sciant, omnia, præter Virtutem, mutare nomen,  
35 modo mala fieri, modo bona. Quemadmodum primum militiæ vinculum est religio <sup>7</sup>, et signorum amor, et deserendi nefas; tunc deinde facile cætera exiguntur mandanturque jusjurandum adactis <sup>8</sup>: ita in his, quos velis ad beatam vitam perducere, prima fundamenta jacienda sunt, et insinuanda Virtus. Hujus quadam superstitione

1. *Ex omni parte*, a. R. Vulgo ab omni parte, ut Pineian. codd. Erasmus dat: *ex omni q.* unde Lipsius conjecit: *voluptas ex homine q. S.*

2. *Nihil...pretium.* Nihil nobis turpe videtur, si nobis viam aperit ad ea, quæ libido nostra concupivit, comparanda.

3. *Homo, sacra res homini.* Sic plurimi codd. Alii: *Homo, sacra res, homo.* Mox *ex homine* plurimi codd. Erasmus tenet: *in homine. R.*

4. *Nudus... producitur.* Ut solent meridiani gladiatores. Cf. Nostrum, Ep. VII. Lips.

5. *Satisque spectaculi ex homine, mors est.* Sententia est quæ in Epistola XC: «Homo hominem, non timens, nec iratus, tantum spectaturus occidit.»

6. *Si volumus habere obligatos.* Reete sic exhibent ed. Gronov. et Ruhk. cum a. c. R. A. et al. Perperam si volumus dant ed. Lips. Biont. et Matth. Schw.

7. *Religio, et signorum amor.* Juramenti religionem intelligit: in quo hæc ipsa de signis comprehensa; vide Militiam nostram lib. I. Lips.

8. *Jusjurandum adactis.* Rarius-

teneantur; hanc ament; cum hac vivere velint, sine hac nolint.

Quid ergo? non quidam sine institutione subtili evaserunt probi, magnosque profectus assecuti sunt, dum nudis tantum præceptis obsequuntur? — Fateor: sed felix illis ingenium fuit, et salutaria in transitu rapuit. Nam, ut Dii immortales nullam didicere virtutem, cum omni editi, et pars naturæ eorum est, bonos esse; ita quidam ex hominibus, egregiam sortiti indolem, in ea, quæ tradi solent, perveniunt sine longo magisterio; et honesta complexi sunt, quum primum audire: unde ista tam rapacia virtutis ingenia, vel ex se fertilia<sup>1</sup>. At illis<sup>37</sup> aut hebetibus et obtusis, aut mala consuetudine obsessis, diu rubigo animorum effricanda est. Cæterum, ut illos in bonum pronos citius educit ad summa, et hos imbecilliores adjuvabit, malisque opinionibus extrahet, qui illis Philosophiæ placita tradiderit; quæ quam sint necessaria, scilicet videas<sup>2</sup>. Quædam insident nobis, quæ<sup>38</sup> nos ad alia pigros, ad alia temerarios faciunt. Nec hæc audacia reprimi potest, nec illa inertia suscitari, nisi causæ eorum eximantur, falsa admiratio, et falsa formido<sup>3</sup>. Hæc nos quamdiu possident, dicas licet: « Hoc patri præstare debes, hoc liberis, hoc amicis, hoc hospitibus. » Tentantem avaritia retinebit: sciet pro patria pugnandum esse; dissuadebit timor: sciet pro amicis desudandum esse ad extremum usque sudorem; sed delicie vetabunt: sciet in uxorem<sup>4</sup> gravissimum esse genus<sup>39</sup>

ma in prosa constructio, quum vulgo dicatur iurejurando, seu ad iusj. adactis. Intelligendum est quasi esset, per metathesis, pro actis ad iusj. raudum, qui se iurejurando militari obligaverunt.

1. *Felix se fertilia.* Subaudi: sunt.

2. *Scilicet videas.* Sic h. l. a. c. *R. A.* Vulgo licet videas, a Mur. quomodo alibi sæpius legitur apud Nostram. Schw.

3. *Et falsa formido.* Perperam et aberat edd. vulg. Schw.

4. *In uxorem* ed. ex *R.* sed in

injuriae pellicem<sup>1</sup>; sed illum libido in contraria impingit. Nihil ergo proderit dare praecepta, nisi prius amoveris obstantia praeceptis; non magis, quam proderit arma in conspectu posuisse propiusque admovisse, nisi usurae manus expediuntur<sup>2</sup>. Ut ad praecepta, quæ damus, possit  
 40 animus ire, solvendus est. Putemus aliquem facere, quod oportet; non faciet assidue, non faciet æqualiter: nescit enim quare faciat. Aliqua vel casu, vel exercitatione, exhibunt recta; sed non erit in manu regula, ad quam exigantur, cui credat, recta esse quæ fecit. Non promittet se talem in perpetuum, qui casu bonus est.

Deinde, præstabunt<sup>3</sup> tibi fortasse praecepta, ut quod oportet facias; non præstabunt, ut, quemadmodum oportet: et, si hoc non præstant, ad Virtutem non per-  
 41 ducunt. Faciet quod oportet monitus; concedo: sed id parum est, quoniam quidem<sup>4</sup> non in facto laus est, sed in eo, quemadmodum fiat. Quid est cæna sumptuosa flagitiosius, et cquestrem censum consumente? quid tam dignum censoria nota, si quis, ut isti ganeones loquuntur, sibi hoc<sup>5</sup> et genio suo præstet? et toties tamen sestertio<sup>6</sup> aditiales cæne frugalissimis viris constiterunt.

*uxore dant a. c. A. nec ita male fortasse. Recte enim latine dicitur injuria in uxore (i. q. in uxorem) admissa. S.*

1. *Pellicem. Habere pellicem* edd. invitis vell. libris nostris et Pinciani Gruterique. *Schv.*

2. *Nisi usurae manus expediuntur.* I. e. nisi manus, quæ armis usurae sint, exp. Hæc monuit Gronov.

3. *Deinde præstabunt... oportet.* Legaliter, sed non moraliter ages, nullo causarum respectu habito, nec persnasione motus. *Ruhk.*

4. *Quoniam quidem... in facto... fiat.* Secundum Stoæ dogma, omnia

præter virtutem mutare nomen, modo mala fieri, modo bona fieri, prout iis utilis. Ita sumptuosissima cæna insuriae causa apparatus, censoria nota i. publica reprehensione cum ignominia digna est; at cæna aditialis, epulum, quod in aditu et auspicio bonorum dabatur (*repas de réception*), quamvis æque sumptuosa, non reprehenditur. *Ruhk.*

5. *Sibi hoc, a. c. Non sibi hæc. S. — Sibi... et genio, i. e. sibi soli; nam genis ab homine quævis comitatur non est distinguendus.*

6. *Et toties tamen sestertio.* Sic

Eadem res, si gulæ datur, turpis est; si honori, reprehensionem effugit. Non enim luxuria<sup>1</sup>, sed impensa solemnitas est. Mullum ingentis formæ<sup>2</sup> (quare autem non pondus adjicio, et aliquorum gulam irritum? quatuor pondo et ad scilibrum<sup>3</sup> fuisse aiebant) Tiberius Cæsar, missum sibi, quum in macellum deferri et venire jussisset: « Amici, inquit, omnia me fallunt, nisi istum mullum aut Apicius<sup>4</sup> emerit, aut P. Octavius. » Ultra spem illi<sup>43</sup> conjectura processit: licitati sunt; vicit Octavius, et ingentem consecutus est inter suos gloriam, quum quinque sestertiis<sup>5</sup> emisset piscem, quem Cæsar vendiderat, ne Apicius quidem emerat. Numerare tantum<sup>6</sup> Octavio fuit turpe: nam ille<sup>7</sup>, qui emerat, ut Tiberio mitteret (quanquam illum quoque prehenderim), admiratus est

recte libri veteres, quod revocavit Ruhk. — Sensus est: Et tamen aditiales cenæ a frugalissimis viris oblatæ non constiterunt minoris quam illa sumptuosa cœna equestrem censum consumens, scilicet toties sestertio, quoties requirebatur ad censum equestrem, nempe quater: erat enim equestris census quadringenta sestertia, id est, brevioris formulæ, quater sestertio. Immaue itaque salus erat Muretus, tricies scribens pro toties vel totiens, quod habent R. A. c. cum Grut. libris.

1. *Non enim luxuria... solemnitas est.* Non enim luxuria, sed impensa res pretium accipit. Ruhk. — Nul- lum prorsus offert sensum Ruhkopf. interpretatio: sensus tamen in promptu est: scilicet, quum tantum pecuniæ datur honori, non est hoc luxuriosum convivium, sed impensa solemnitas, id est, usu consecrata impensa: bene vertit Lagrange: *Il (le festin) n'est plus regardé comme luxe, mais comme une magnificence d'usage.*

2. *Mullum ingentis formæ.* Similem rhombi ejusdem historiam carpit Juvenal. Sat. IV. Ruhk.

3. *Quatuor pondo et ad scilibrum.* Conf. Plin. N. H. IX, 17, qui ait: « Binas libras ponderis raro admodum exsuperare, nec in vivariis piscinisque crescere. » Ruhk.

4. *Apicius.* Da Apicio cf. ad Consol. ad Helv. 10, 2. Ruhk. — De P. Octavio, nihil aliud notum.

5. *Quinque sestertiis.* *Quinquemilibus HS.* edd. a Mur. non diversa quidem sententia, sed invitæ libris vet. Schw. — Hi 5000 sestertii efficiunt secundum *Romé de l'Isle 250* thal. Ruhk.

6. *Numerare tantum Oct... turpe.* Tantam summam impendere soli Oct. fuit turpe, non ei qui ad Cæsarem miserat; nam pretium illud, magnum per se consideratum, non turpitudinem habuit, luxuria dabat. R.

7. *Nam ille,* etc. Sic quidem edd. ex R. consentiente nostro ms. a. et Gruteri omnibus. At commodior, at-

- 44 rem<sup>1</sup>, qua putavit Cæsarem dignum. Amico ægro aliquis assidet; probamus : at, hoc si hereditatis causa facit, vultur est<sup>2</sup>, cadaver exspectat.

Eadem aut turpia sunt, aut honesta<sup>3</sup> : refert, quare, aut quemadmodum fiant. Omnia autem honeste<sup>4</sup> fient, si honesto nos addixerimus, idque unum in rebus humanis bonum judicaverimus, quæque ex eo sunt. Cætera, in diem bona sunt. Ergo insigi debet persuasio ad totam  
45 pertinens vitam; hoc est, quod *decretum* voco. Qualis hæc persuasio fuerit, talia erunt, quæ agentur, quæ cogitabuntur : qualia autem hæc fuerint, talis vita erit. In particulas suasisse<sup>5</sup>, totum ordinanti parum est. M. Brutus in eo libro, quem *περὶ Καθήκοντος* inscripsit<sup>6</sup>, dat multa præcepta et parentibus et liberis et fratribus : hæc nemo faciet, quemadmodum debet, nisi habuerit, quo referat. Proponamus oportet finem summi Boni, ad quem nitamur, ad quem omne factum nostrum dictumque respiciat; veluti navigantibus ad aliquod sidus dirigendus est cur-

que etiam vera haud dubie fuerit scriptura a Pinc. e suis commendata, et deiu a Mur. recepta, ab aliis vero deserta, non illi, qui *emerat ut Tiberio mitteret, quanquam illum quoque rependerim : admiratus est*, etc. Servatum etiam non illi in nostro ms. c. et ex parte in ed. A in qua non ille. *Rependerim* pro vulg. *reprehend.* dedit ms. a. Schw.

1. *Admiratus est rem... dignum.* Non emit luxuriæ causa, sed ut mullo donaret Cæsarem, quem solum tam pretioso munere dignum putabat.

2. *Vultur est.* Convicium in heredipetas, et qui funus exspectant : a natura avis, quæ cadaveribus paseitur. Catullus : « Suscitavit a cano vulturum capite. » Martialis : « Conius vulturis hoc erit cadaver ? » Eras-

mus proverb. pag. 283 ed. VVechel. 1643, sic explicat hoc adagium : « Qui vero duntaxat obsequiis et adulationibus aucupantur, ut misceantur testamentis, vultures proverbio dicuntur. »

3. *Aut turpia sunt, aut honesta. Et... et hon.* ed. Mur. et sqq. iuvitis libris vet. Schw.

4. *Honeste fient.* Temere *honestas* fient ed. Bip. et Ruhk. Schw.

5. *In particulas suasisse... est.* Qui decretis totum complectitur, ei parum est in particulas totius suasisse. R.

6. *M. Brutus... inscripsit.* Omnia scripta huius statoris libertatis interiere præter epistolas. Cætera laudant Bayle, *Brute*; G. Fabrie. Bibl. Græc. Vol. III, p. 545; Saxæ in *Quoniam* I, p. 170. Librum huic citant et Clæ-



sus. Vita sine proposito vaga est. Quod si utique pro-  
ponendum est, incipiunt necessaria esse decreta. Illud,  
ut puto, concedes, nihil esse turpius dubio et incerto ac  
timido, pedem modo referente, modo producente. Hoc  
in omnibus rebus accidet nobis, nisi eximantur, quæ re-  
prehendunt animos ac detinent, perconarique<sup>1</sup> totos  
vetant.

Quomodo sint Dii colendi, solet præcipi. Accendere<sup>2</sup>  
aliquem<sup>3</sup> lucernas sabbatis prohibeamus; quoniam nec  
lumine Dii egent, et ne homines quidem delectantur  
fuligine. Vetemus salutationibus<sup>4</sup> matutinis fungi, et fo-  
ribus assidre<sup>5</sup> templorum: humana ambitio istis officiis  
capitur; Deum colit, qui novit. Vetemus lintea et stri-  
gilis<sup>6</sup> Jovi ferre, et speculum tenere Junoni<sup>6</sup>: non

risius et Priscianus sub titulo: *de officiis. Ruhk.*

1. *Perconarique. Et conari* edd. a Mur. *Et preconarique* a. c. R. A. Delevi et; *perconari* autem correxi, præcunte Erasm. in Notis. Schw.

2. *Accendere aliquem... sabbatis.* Lucernas accendere in honorem Deorum aut principum festis diebus mos apud Romanos: sed ut apparet, pantalim judæi ritus invaluerit, et Sabbati diem illa superstitione coluerunt. Persius Sat. V, 179 sq. (ubi cf. Casaubon. p. 465 sq.): « Ut, quum Herodis venire dies unctaque fenestra Dispositæ pinguem nebulam vomere lucernæ, etc. » *Ruhk.* — *Lucernas, non lucernam, a. c. R. A. S.*

3. *Vetemus salutationibus.* Ecce officia, quæ hominibus tribuebant, ad Deos eadem transtulere, et ut potentes salutare mane, sic etiam istos instituerunt. Apuleius XI: « Inchoatæ lucis salutationibus religiosi primam punctiones horam, perstrepunt. » Pru-

dentius: « Mane salutatum concurrunt, omnis adorat Pubes. » Plantus, atque alii, crebro. *Lips.*

4. *Foribus assidere.* Nondum scilicet apertis: nam enim prima lnee, aut ante, faciebant. *Lips.*

5. *Lintea et strigiles.* Quasi lotionæ Dii egerent: sunt enim hæc balnearia instrumenta. (Vertit *Lagrange: Des linges et des grattoirs de bains.*) Nec miremur: nam et cibum esui apponebant. Vide me II Elector. cap. XVII. *Lips.*

6. *Speculum tenere Junoni.* Hic locus lnee accepit ab alio ejusdem auctoris ex illius operibus amissis excerpto, quem tamen servavit Augustinus insertum in opere suo de civitate Dei: « In capitolium perveni, inquit Seneca: pudebit publicæ dementiæ, quod sibi vanus furor attribuit officii: alius nomina Deo subijcit, alius boras Jovi nunciat; alius lictor est, alius unctor, qui vano motu brachiorum imitatur unguentem: sunt

- quærit ministros Deus; quidni? ipse humano generi ministrat; ubique et omnibus præsto est. Audiat licet quem modum servare<sup>1</sup> in sacrificiis debeat, quam procul resilire a molestis superstitionibus<sup>2</sup>: nunquam satis profectum erit, nisi, qualem debet, Deum mente conceperit, omnia habentem, omnia tribuentem, beneficium<sup>3</sup> gratis dantem. Quæ causa est Diis benefaciendi? Natura<sup>4</sup>. Errat, si quis putat illos nocere nolle<sup>5</sup>: non possunt; nec accipere injuriam queunt, nec facere. Lædere etenim lædi-  
 49 que, conjunctum est. Summa illa ac pulcherrima omnium natura, quos periculo exemit, ne periculosos quidem fecit. Primus est Deorum cultus, Deos credere; deinde, reddere illis majestatem suam, reddere bonitatem, sine  
 50 qua nulla majestas est; scire, illos esse qui præsent mundo, qui universa vi sua temperant, qui humani generis tutelam gerunt, interdum curiosi singulorum. Hi

quæ Junoni et Minervæ capillos disponant, longe a templo; non tantum simulacro stantes, digitos movent ornantium modo, sunt quæ speculum teneant. Sæpe occurrunt etiam in monumentis antiquis specula, et in pompa Isidis ab Apuleio descripta, Metamorph. XI p. 770 ubi vid. Colv. et Oudendorp. nostri loci memores. Cf. *Böttiger griech. Vasengemalde*, III, p. 59. *Ruhk.*

1. *Quem modum servare.* Sic recte unus Pal. 3. Vulgo. *quemadmodum se gerere* edd. a Mur. eum Pal. 2. *Quemadmodum servire* ad. Er. cum ms. Col. *Quemadmodum servare, a. c. R. A. Schw.*—Suspicio reliquissæ Senecæ: *quemadmodum servare in s. uti est in Tarvis. et Veneta. Servare est observare, etc. Gronov.*

2. *Molestis superstitionibus.* Vulgo *molestiis ac superst. Schw.*

3. *Beneficium non beneficia, a. c. R. A. Schw.*

4. *Natura.* Totus hic locus de Diis, quorum cultus decretis etiam niti debet, tam egregius est, ut non mirum sit, quod inde et multis aliis locis ejusmodi perperam induerentur multi ad credendum, Senecæ fuisse cum Paulo apostolo consuetudinem, unde hæc et talia acceperit, nemine scilicet nisi Christiano homine digna. Tamen interdum curiosi singulorum et cæterum castigant quosdam... puniunt excidisse Nostro nolles, quippe quæ sanior philosophia repudiat, quin etiam Stoa et ipsa; nisi postrema mitiges interpretatione, quam M. Anton. et Epictetus passim suppeditant. Cæterum e Platonis libris de Rep. inprimis e libr. X de Legg. toto hæc hausta videri possunt. *Ruhk.*

5. *Nocere nolle.* Sic recte ms. a.

nec dant malum, nec habent : cæterum castigant quosdam, et coercent, et irrogant pœnas, et aliquando specie boni puniunt<sup>1</sup>. Vis Deos propitiare? bonus esto! Satis illos coluit, quisquis imitatus est.

Ecce altera quæstio, Quomodo hominibus sit utendum<sup>2</sup>. Quid agimus? quæ damus præcepta? Ut parcamus sanguini humano? quantulum est, ci non nocere, cui debeas prodesse! Magna scilicet laus est, si homo mansuetus homini est! Præcipientes ut naufrago manum porrigat, erranti viam monstret, cum esuriente<sup>3</sup> panem suum dividat? Quando omnia, quæ præstanda sunt ac vitanda, dicam? quum possim breviter hanc illi formulam<sup>4</sup> humani officii tradere : « Omne hoc, quod vides, quo divina atque humana conclusa sunt, unum est : membra sumus corporis magni. Natura nos cognatos edidit, quum ex iisdem<sup>5</sup> et in eadem gigneret. Hæc nobis<sup>6</sup> amorem indidit mutuum, et sociabiles fecit; illa æquum justumque composuit : ex illius constitutione miserius est nocere, quam lædi; ex illius imperio paratæ<sup>6</sup> sunt

Perperam vulgo *nocere velle*, ex parum intellecto loquendi more, familiari Senecæ. *Schw.*

1. *Et aliquando... puniunt.* Id est, dant bona externa, quæ in malum cedunt. Videatur indulgere, castigant. *Lips.*

2. *Quomodo hominibus sit utendum.* De usu et consuetudine cum hominibus. Sunt communes sententiæ (κοινὰ ἔθηκα), quas et educatio et lectio poetarum epicorum et gnomic. animis juvenilibus instillabat. Cf. Cic. de Offic. lib. I, capp. prioribus. *Ruhk.*

3. *Cum esuriente.* Notat Muretus, proximum hoc Sacrorum illi præcepto

esse : Esurienti frange panem tuum.

4. *Formulam humani officii.* Est decretum, *ἔθῆκα*, stoicum, de quo vid. Lipsii *Physiol. stoic.* I, 8; et Casaubon. ad Persium p. 276 sqq. *R.*

5. *Quum ex iisdem.* Elementis, et item astris, secundum stoicos. *Et in eadem*, vel in actiones easdem, et finem : vel resolvendos in illa eadem, e quibus sumus. *Lips.*

6. *Paratæ sunt juvantis manus.* Sic ed. *R.* Er. et Mur. *Juvandis, o. c.* *A.* *Ad juvandum* ed. Lips. et seqq. cum mss. Pinc. et Grut. *Schw.*—Int. Hæc nobis imperavit ut semper manus nostræ paratæ essent ad ceteros adjuvandos.

juvantis manus. Iste versus et in pectore, et in ore sit :

Homo sum, humani nihil a me alienum puto!<sup>1</sup> »

Habeamus<sup>2</sup>! In commune nati sumus. Societas nostra lapidum fornicationi simillima est; quæ casura, nisi invicem obstarent, hoc ipso sustinetur.

54 Post Deos hominesque, dispiciamus, Quomodo<sup>3</sup> Rebus sit utendum. In supervacuum præcepta jactavimus, nisi illud præcesserit, qualem de quacumque re habere debeamus opinionem, de paupertate, de divitiis, de gloria, de ignominia, de patria, de exilio. Æstimemus singula, fama remota; et quæramus, quid sint, non quid vocentur.

55 Ad Virtutes transeamus. Præcipiet aliquis, ut prudentiam magni æstimemus, ut fortitudinem complectamur; temperantiam amemus; justitiam, si fieri potest, propius etiam, quam cæteras, nobis applicemus. Sed nihil agetur, si ignoramus, quid sit Virtus; una sit, an plures; separatæ, an innexæ<sup>4</sup>; an, qui unam habet, et cæteras habeat; quo<sup>5</sup> inter se differant. Non est necesse fabro de fabrica quærere, quod ejus initium, quis usus sit; non magis quam pantomimò, de arte saltandi. Omnes istæ artes se sciunt<sup>6</sup>, nihil deest; non enim ad totam pertinent vitam. Virtus et aliorum scientia est, et sui. Discendum de ipsa est<sup>7</sup>, ut ipsa discatur. Actio recta non

1. *Homo... puto!* Versus Terentii Heautontim. act. I, sc. 1, 54. *Ruhk.*

2. *Habeamus!* (Seil. in pectore et in ore.) *In commune nati sumus.* Vulgo *habeamus in commune, quod nati sumus.* Sed quod ignorat ms. a. cum optimo Pinciani eod. *Schw.*

3. *Rebus sit utendum.* De rebus, quas nec bonas, nec malas esse statuebant, ut constat, Stoici. *Ruhk.*

4. *Una sit... innexæ.* Sic *Schw.*

Vulgo *annexæ.* Unam, et annexas omnes inter se virtutes statuebant Stoici, ut sæpe jam vidimus. Lipsii Manuduc. Stoic. III, 4. *Ruhk.*

5. *Quo.* Sic *Schw.* Vulgo *quomodo.*

6. *Omnes istæ artes se sciunt.* Ambitus artium iis ipsis censetur et continetur: in se consummatæ, non opus habent, ut aliud quid cognoscant. *R.*

7. *Discendum de ipsa est, ut ipsa*

erit, nisi recta fuerit voluntas : ab hac enim est actio.  
 Rursus, voluntas non erit recta, nisi habitus animi<sup>1</sup> re- 57  
 ctus fuerit : ab hoc enim est voluntas. Habitus porro animi  
 non erit in optimo, nisi totius vitæ leges perceperit, et,  
 quid de quoque judicandum sit, exegerit; nisi res ad ve-  
 rum redegerit. Non contingit tranquillitas, nisi immu-  
 tabile certumque iudicium adeptis : cæteri decidunt sub-  
 inde, et reponuntur, et inter missa appetitaque alternis 53  
 fluctuantur. Causa usque jactationis est<sup>2</sup>, quod nihil li- 59  
 quet incertissimo regimine utentibus, fama. Si vis eadem  
 semper velle, vera oportet velis. Ad verum sine decretis  
 non pervenitur; continent vitam. Bona et mala, honesta  
 et turpia, justa et injusta, pia et impia, virtutes usus-  
 que virtutum, rerum commodarum<sup>3</sup> possessio, existima-  
 tio<sup>4</sup> ac dignitas, valetudo, vires, forma, sagacitas sen-  
 suum; hæc omnia æstimatorem desiderant<sup>5</sup>. Scire liceat,  
 quanti quidque in censum deferendum sit. Falleris enim, 59  
 et pluris quædam, quam sunt, putas : adeoque falleris,  
 ut, quæ maxima inter nos habentur, divitiæ, gratia,

*discatur.* Sic a. c. A. Pal. 1. 2. et Col.  
 (et parum ab il ed. R. cum aliis, *ut*  
*in ipsa discatur*). Hoc dicit : ipsa  
 virtus vos docet, quomodo ipsa di-  
 scenda sit. Sententia paulo obscurior  
 induxit editores, ut interpolarent lo-  
 cum; in quo quidem non nimis cal-  
 lide versatos esse videas. *Ut in ipsa*  
*voluntas discatur* ed. Er. *Ut ipsa vo-*  
*luntas discatur* ed. Mur. et sqq. S.

1. *Habitus animi.* ἔξῃς, quam vos  
 barbære prædispositionem vocamus.  
 Stob. Eclog. ph. Vol. II, 7 p. 299  
 Heer. ἔξῃς δὲ, καὶ ὁ ἀπὸς τοῦτα πρὸς  
 ἑχόμενα, καὶ ὁ ἀπὸς τοῦ ἑνὸς τοῦτο (δυστάμω)  
 ἰσχυρὰ εἰς τὴν κακὴν ἀπορίαν. Ruhk.

2. *Causa usque jactationis est.* (Id  
 est, causa perpetuæ jactationis.) Sic

ed. R. Idque ipsam debuisse viden-  
 tur alii libri vet. in quibus vel *vis-*  
*que*, vel *jusque* scribitur. Vulgo *causa*  
*hujus jact.* ex Mureli conject. Lips.  
 conj. *causa ejusce.* Schw.

3. *Rerum commodarum.* Stoeia  
 phrasi res externas ita dici, quæ vulgo  
 bona, constat : commoda. Ruhk.

4. *Existimatio.* a. c. R. A. non  
 æstimatio. Idem libri eum aliis inse-  
 renda dedere duo verba, *scire liceat*,  
 quæ aberant vulgo, a Mureto abjecta.  
 Idem in sqq. *inter nos, non inter vos.*  
 Schw.

5. *Æstimatorem desiderant.* Int.  
 Ea omnia necesse est ut vero suo pre-  
 tio æstimentur, ab illis qui sibi quid-  
 dam vitæ certum regimen constituere

potentia, sestertio nummo<sup>1</sup> aestimanda sint. Hoc nescies, nisi constitutionem ipsam<sup>2</sup>, qua ista inter se aestimantur, inspexeris. Quemadmodum folia virere per se non possunt; ramum desiderant, cui inhæreant, ex quo trahant succum: sic ista præcepta, si sola sunt, marcescunt; infigi volunt sectæ<sup>3</sup>.

- 60 Præterea, non intelligunt hi, qui decreta tollunt, eo ipso confirmari illa, quo tolluntur. Quid enim dicunt? præceptis vitam satis explicari; superflua esse decreta sapientiæ, id est, dogmata. Atqui hoc ipsum, quod dicunt, decretum est: tam, hercules, quam, si nunc ego dicerem, recedendum esse a præceptis<sup>4</sup> velut supervacuis, utendum esse decretis, in hæc sola studium conferendum; hoc ipso, quo negarem curanda esse præcepta, præciperem. Quædam admonitionem in<sup>5</sup> Philosophia desiderant, quædam probationem, et quidem<sup>6</sup> multa; quia involuta sunt, vixque summa diligentia ac summa subtilitate aperiuntur. Si probationes necessariae sunt, necessaria sunt decreta<sup>7</sup>, quæ veritatem argumentis col-

volunt, nec semper ex fama pendere.

1. *Sestertio nummo*, i. e. minimo, supple: valet. Communis ita sermo et velut formula, in imaginario pretio aut nullo. Cf. Cnjac. lib. XIX. Obs. c. xxi. L. — Vide Benley ad Horat. Serm. I, 4, 14, qui et nostri loci meminit. *Ruhk.*

2. *Constitutionem ipsam*. Rationem internam, ex qua ista aestimatio fit. *Ruhk.*

3. *Sectæ*. I. decreto. *Ruhk.*

4. *Recedendum esse a præceptis velut supervacuis, utendum esse decretis, in hæc sola etc.* Vocab. *velut*, et tria verba, *utendum esse decretis*, vulgg. edd. ignota, absque quibus

non constabat sententiæ, opportune nobis obtulit ms. a. *Schw.*

5. *In philosophia*. Ms. a. Alii vulgo *philosophiæ*. *Schw.*

6. *Et quidem multa*. Dixerat quædam probationem desiderare: velut corrigit, imo *multa*, inquit, quia, involuta et obscura. *Lips.*

7. *Si prob. necess. sunt, necessaria sunt decreta*. Volgo brevius, *Si prob. necessariae sunt, et decreta*: quod ferri poterat, intelligendo *necessaria etiam sunt decreta*. Sed, quoniam particulam *et* ignorat ibi ms. a., temere omisa putavi duo verba, *necessaria sunt*, scilicet a proxime præcedentibus absorpta; quæ duo

ligunt<sup>1</sup>. Quædam aperta sunt, quædam obscura. Aperta, quæ sensu comprehenduntur, quæ memoria<sup>2</sup>; obscura, quæ extra hæc sunt. Ratio<sup>3</sup> autem non impletur manifestis; major ejus pars pulchriorque in occultis est. Occulta probationem exigunt, probatio non sine decretis est; necessaria ergo decreta sunt. Quæ res<sup>4</sup> communem sensum facit, eadem perfectum, certa rerum<sup>5</sup> persuasio, sine qua si omnia in animo natant<sup>6</sup>, necessaria sunt decreta, quæ dant animis inflexibile judicium. Denique<sup>63</sup> quum monemus aliquem, ut amicum eodem habeat loco, quo se; ut ex inimico cogitet fieri posse amicum; in illo amorem incitet, in hoc moderetur odium; adjicimus: «justum est et honestum.» Justum autem honestumque decretorum nostrorum continet ratio<sup>7</sup>; ergo hæc necessaria est, sine qua nec illa sunt.

Sed utraque jungamus: namque et sine radice inutilis rami sunt; et ipsæ radices his, quæ genuere, adjuvantur. Quantum utilitatis manus habeant, nescire nulli licet; aperte juvant: cor, illud quo manus vivunt, ex quo impetum sumunt, quo moventur, latet. Idem dicere de præceptis possum: aperta sunt; decreta vero

verba his deinde diserte, § 62, repetuntur. Schw.

1. *Quæ veritatem... colligunt.* Principia voces: ut ratio decretorum et præceptorum sit eadem, quæ est Ethicæ puræ et applicatæ. Ruhk.

2. *Aperta quæ... memoria.* I. quæ sensu externo et interno comprehenduntur. Ruhk.

3. *Ratio... manifestis.* Plura comprehendit quam ea, quæ sensibus in memoriam perveniunt. Ruhk.

4. *Quæ res... persuasio.* I. e. quod efficit, ut omnibus hominibus eadem sententia sit de rebus, id efficit quo-

dum perfectum et evidentem conceptum: atqui hanc sententiam præstat persuasio de rebus, quæ certæ sunt. Ruhk.

5. *Certa rerum persuasio.* Vulgo certarum rerum persuasio: sed rerum non agnoscit ms. a. Itaque vocem certarum ex duabus certa rerum perperam coalitam existimavi. Schw.

6. *Sine qua si omnia in animo natant, necessaria sunt decreta.* Sic a. c. A. cum Pine. Natant tenent libri omnes, ne de nutent cogites, ut XXXV, et LXXIV. Schw.

7. *Justum... ratio.* Decreta ni-

sapientiæ in abdito. Sicut sanctiora sacrorum tantum initiati sciunt; ita in Philosophia, arcana illa admissis receptisque in sacra ostenduntur; at præcepta, et alia ejusmodi, profanis quoque nota sunt.

- 65 Posidonius<sup>1</sup> non tantum *præceptionem* (nihil enim nos hoc verbo uti prohibet), sed etiam *suasionem*, et *consolationem*, et *exhortationem* necessariam judicat. His adjicit *causarum inquisitionem*, *etymologiam*<sup>2</sup>; quam quare dicere nos non audeamus, quum Grammatici, custodes Latini  
66 sermonis, suo jure ita appellent, non video. Ait utilem futuram<sup>3</sup> et descriptionem cujusque virtutis: hanc Posidonius *ethologiam*<sup>4</sup> vocat; quidam *characterismon* appellant, signa cujusque virtutis ac vitii et notas reddentem, quibus inter se similia discriminentur. Hæc res eandem vim habet, quam præcipere. Nam, qui præcipit, dicit:  
67 Illa facies, si voles temperans esse. Qui describit, ait: Temperans est, qui illa facit, qui illis abstinet. Quæris, quid intersit? alter præcepta virtutis dat, alter exemplar.

tuntur ratione, quæ justum honestumque continet, ex iis systema principiorum extruit. *Ruhk.*

1. *Posidonius* itaque et in his non solum paræ præcipere, suadere, etc., jubet, sed inquirere quoque in causas, unde hæc omnia fieri nunc debent. *Ruhk.*

2. *Etymologiam*; quam quare dicere nos non audeamus. Sic placet ms. a. nisi quod *ethimologiam* scribit. *Ethimologiam* ed. R. sed perperam præponit et copulam, et sequentia verba turbat, quæ ex conject. emendavit Erasmus. *Ethologiam* ms. c. *Ethologiam* vel *ethimologiam* ed. A. Denique vulgo, quam cur *ætiologiam* dicere non audeamus, ex H. Stephani et Mureti speriosa atque

emendatione. Sed *ætiologiam* (puto *ætiologiam* voluerat) ex vet. libr. etiam laudaverat Pine. quorum ex præscripto delenda etiam eensuerat duo verba præcedentia, *causarum inquisitionem*, ut ex glossmate inducta. *Schw.*

3. *Utilem futuram et descript.* Sic recte ms. a. cum Pine. Perperam vulgo esse, absque et. *Schw.*

4. *Ethologiam* recte ms. a. et ed. A. Absurde rursus *ætiologiam* hic ponunt edd. et olim *etymologiam*. S.— Exemplum illustre ex Antiquitate nobis præstant Theophrasti characteres, quibus præcluserant rhetores, sive technologi, e. e. Aristoteles: imitati sunt Angli de ethica exponentes, e nostratibus Gellertus, al. *Ruhk.*



Descriptiones has, et (ut publicanorum utar verbo<sup>1</sup>) *iconismos*, ex usu esse confiteor. Proponamus laudanda : inveniatur imitator. Putas utile, dari tibi argumenta, per quæ intelligas nobilem equum, ne fallaris empturus, ne operam perdas in ignavo? Quanto hoc utilius est, 68 excellentis animi notas nosse<sup>2</sup>, quas ex alio in se transferre permittitur?

Continuo pecoris generosi pullus in arvis  
 Altius ingreditur, et mollia crura reponit :  
 Primus et ire<sup>3</sup> viam, et flavios testare minantes  
 Audet, et ignoto sese committere ponti<sup>4</sup>,  
 Nec vanos horret strepitus : illi ardua cervix,  
 Argutumque caput, brevis alvus, obesaque terga,  
 Luxuriatque toris animosum pectus.....  
 .... Tum, si qua sonum procul arma dedere,  
 Stare loco nescit, micat<sup>5</sup> auribus, et tremit artus,  
 Collectumque premens volvit sub naribus ignem.

Dum aliud agit Virgilius noster, descripsit virum fortem : 69 ego certe non aliam imaginem magno viro dederim. Sit mihi Cato exprimendus<sup>6</sup>, inter fragores bellorum civilium impavidus, et primus incessens<sup>7</sup> admotos jam exercitus Alpius, civilem se bello ferens obvium ; non alium

1. *Iconismos* (vulgo græcis litt. scribitur), verti potest *signalement*. — *Publicanorum utar verbo*. Quare, aut ubi, publicanis hoc verbum in usu? Puto in portoriis fuisse, ubi servi trahiebantur, et equi, atque alia majoris pretii. Ut constaret tales et tales solvisse portorium, nec alios, describebant formam faciemque singulorum. Et id vocabant *ikonopéis*. Potuit et in pecunia assignanda, aut deleganda locum habere, Dabis tali, et tali forma, ævo, nota : ut hodieque interdum qui pecuniam in Italia, aut alibi capiendam transcribunt. *Lips.*

2. *Notas nosse* recte dedit ms. a. quod et debuerat ed. R. in qua *nosce*.

Perperam vulgo *notas esse*. *Schw.*

3. *Primus et ire*, a. c. R. A. non *primus inire*. Tum *minantes* iidem non *minaces*. *Schw.*

4. *Ponti*, non *ponto*, ms. a. *Ponto vel ponti* ed. A. *Schw.*

5. *Micat*, a. R. ut vulgo ; *nutat* c. A. S. — Virgil. vers. Georg. III, 75.

6. *Sit mihi Cato exprimendus*. Ex conj. sic scripti, pro vulgato *Si mihi*, etc. *Schw.* — De Catone eadem sæpius affert. Cf. de Provid. II, 6 sq. Epist. XXIV, 14, 11 sq. Idem laudat in Catone Vellei. Patere. II, 49. Horat. II Carm. 11, 24, etc. Res nota. R.

7. *Incessens*. Verjit Lagrange : *Accablant de reproches*.

illi assignaverim vultum, non alium habitum. Altius certe nemo ingredi potuit, quam qui simul contra Cæsarem Pompeiumque se sustulit, et, aliis Cæsarianas opes, aliis Pompeianas sibi fiventibus<sup>1</sup>, utrumque provocavit, ostenditque aliquas esse et reipublicæ partes<sup>2</sup>. Nam parum est in Catone, dicere:

Nec vanos horret strepitus....

Quidni? quum veros vicinosque non horreat; quum contra decem legiones, et Gallica auxilia, et mixta barbarica arma civilibus, vocem liberam mittat, et Rempubliam hortetur, ne pro libertate decidat, sed omnia experiatur; honestius in servitutem casura<sup>3</sup>, quam itura?<sup>4</sup> Quantum in illo vigoris ac spiritus, quantum in publica trepidatione fiduciæ est! Scit se unum esse, de cujus statu non agatur; non enim quæri, an liber Cato, sed an inter liberos sit. Inde periculorum gladiatorumque contemptus. Libet admirantem invictam<sup>4</sup> constantiam viri, inter publicas ruinas non labantis, dicere:

Luxuriatque toris animosum pectus....

<sup>72</sup> Proderit non tantum, quales esse soleant boni viri, dicere, formamque eorum et lineamenta deducere; sed, quales fuerint<sup>5</sup>, narrare, et exponere Catonis illud ultimum ac fortissimum vulnus, per quod libertas<sup>6</sup> emisit

1. *Sibi fiventibus. Sibi*, i. e. sui causa, suum in commodum, non reipublicæ causa. Pronomen hoc temere abiectum ab Erasmo, opportune dedit ed. R. Idem debuerant a. e. A. in quibus vitiose tibi scribitur. S.

2. *Esse et reipubl. partes.* Voculam et, qua carebant vulgo, commode dedit ms. a. Schw.

3. *Casura, quam itura. Casura*, si vinceretur a tyranni exercitu: *itura*,

si sponte semetipsam tyranni imperio submitteret.

4. *Libet admirantem invictam, etc.* Int. aliquis admirans invictam... merito potest dicere.

5. *Sed, quales fuerint.* Temere omisa est *sed* particula in ed. Bionti. et Ruhk. Schw.

6. *Emisit.* Sic recte H. Stephanus Epist. V ad Dalecamp. emendavit. Antea: *amisit.* Ruhk.

animam; Lælij sapientiam, et cum suo Scipione concordiam; alterius Catonis domi forisque egregia facta; Tuberonis ligneos lectulos<sup>1</sup>, quum in publicum<sup>2</sup> sternerent, hædinasque pro stragulis pelles, et ante ipsius<sup>3</sup> Jovis cellam apposita<sup>4</sup> convivis vasa fictilia. Quid aliud est, paupertatem in Capitolio consecrare? Ut nullum aliud factum ejus habeam, quo illum Catonibus inseram, hoc parum credimus? Censura fuit illa, non cœna. O quam ignorant homines cupidi gloriæ, quid illa sit, aut quemadmodum petenda! Illo die populus Romanus multorum supellectilem spectavit, unius miratus est. Omnium illorum aurum argentumque fractum est, et millies conflatum<sup>5</sup>; at omnibus sæculis Tuberonis fictilia durabunt. Vale.

1. *Tuberonis ligneos lectulos.* Q. Ælij Tuberonis. De eo Cicero in Orat. pro Muræna c. 36 hæc habet: «Fuit eodem et studio eruditus apud patres nostros et honestus homo et mobilis Q. Tubero. Is, quum epulum Q. Maximus Africani patrui sui nomine populo Rom. daret, rogatus est a Maximo, ut triclinium sterneret, quum esset Tubero ejusdem Africani sororis filius; atque ille homo eruditissimus ac stoicus stravisse pelliculis hædinis lectulos puniceos et exposuisset vasa samia: quasi vero esset Diogenes Cynicus mortuus et non divini hominis Africani mors honestaretur!... Graviter tulit populus Rom. hanc perversam sapientiam Tuberonis.» Exscripsit Ciceronem Valer. Maxim. VII, 5. *Ruhk.*

2. *Quum in public. sternerent* (scil.

Romani). Sic recte exhibent a. c. A, non ut vulgatæ edd. *sternerentur.* S.

3. *Ante ipsius Jovis.* Epulo publico; in Capitolio. Adde Epist. xcviii. *Lipsius.*

4. *Apposita*, sic ed. A. non *proposita*, ut vulgo. *Schw.*

5. *Et millies conflatum*, a Piniano ex uno codice (sed eo alioquin probato) laudatum recepit Mur. nec fortasse immerito (quam lection. scutus bene *Logrange* vertit: *Et mille fois refondu*). *Schw.* dat *In millies conflatum* ex ms. a. (quod intelligi poterat *conflatum*, in ingentem pecuniam summam prociusum). Sic item ed. R. et Grolieri codd. omnes, in quibus quidem *milies*, pro more, simpliciter littera scribitur. *Vitiose in milites* ed. Er. *In vile es* (i. e. *in vile æs*) ms. c. et ed. A.

## EPISTOLA XCVI.

OMNIA PATIENTER FERENDA.

Contra querulos scripta est hæc epistola, in qua docetur, omnia a fato venire, quæ decernuntur, non accidunt. Non parendum est Deo, sed assentiendum: et carere velle incommodis omnibus est votum effeminatum, quod virum haud decet.

SENECA LUCILIO SUO SALUTEM.

TAMEN tu indignaris<sup>1</sup> aliquid, aut quereris; et non intelligis, nihil esse in istis mali, nisi hoc unum, quod indignaris, et quereris?—Si me interrogas, nihil puto viro miserum, nisi aliquid esse in rerum natura quod putet miserum<sup>2</sup>. Non feram me<sup>3</sup>, quo die aliquid ferre non potero. Male valeo? pars fati est. Familia decubuit? fœnus offendit? domus crepuit? damna, vulnera, labores, metus incurrerunt<sup>4</sup>? Solet fieri. Hoc parum est; debuit fieri. Decernuntur ista<sup>5</sup>, non accidunt. Si quid credis mihi, intimos affectus meos tibi quum maxime detego: in omnibus, quæ adversa videntur et dura, sic formatus sum: non pareo Deo<sup>6</sup>, sed assentior; ex animo illum, non quia necesse est, sequor. Nihil unquam mihi inci-

1. *Tamen tu indignaris* (scilicet quamvis meliora seire debeas). Sic ms. a. et Pal. 1. 3. 4. cum edd. a Mur. *Tantum tu* edd. ex R. *Tantum*, absque tu, c. A. Pal. 2. Col. Schw.

2. *Quod putet miserum*. Perperam omisum vulgo pronomen *quod*, inde ab ed. Mur. Schw.

3. *Non feram me*. I. e. male mihi erit, de me querar et angar. Lips.

4. *Incurrerunt. Incucurrerunt*, ms. a. Schw.

5. *Decernuntur ista*. Int. non ea quasi fortuita habere debeo; ex lege fiant: nam ea lex humanitatis est, ut talibus obnoxia sit.

6. *Non pareo Deo... sequor*. Stoica dogmata et præcepta sunt, quæ sæpe jam vidimus a Nostro exposita his ipsis Epistolis. Ruhk.

det, quod tristis excipiam<sup>1</sup>, quod malo vultu : nullum tributum invitus conferam. Omnia autem, ad quæ gemimus, quæ expavescimus, tributa vitæ sunt. Horum, mi Lucili, nec speraveris immunitatem, nec petieris. Vesicæ te dolor inquietavit<sup>2</sup>; epulæ fuerunt parum dulces<sup>3</sup>; detrimenta continua; propius accedam : de capite timuisti<sup>4</sup>. Quid tu, nesciebas hæc te optare, quum optares senectutem? Omnia ista in longa vita sunt, quomodo in longa via et pulvis et lutum et pluvia. — Sed volebam vivere, carere tamen incommodis omnibus! — Tam effeminata vox virum dedecet. Videris, quemadmodum hoc votum meum excipias; ego illud magno animo, non tantum bono facio : neque Dii, neque Dææ faciant, ut te fortuna in deliciis<sup>5</sup> habeat! Ipse te interroga, si quis potestatem tibi Dcus faciat, utrum velis vivere in macello, an in castris. Atqui<sup>6</sup>, vivere, Lucili, militare est.

1. *Tristis excipiam*. Temere et absurde *incipiam* dant ed. Bipont. et Ruhnck. Schw.

2. *Vesicæ te dolor inquiet*. Lagrange interpret. : *Vous êtes tourmenté de la pierre*.

3. *Epulæ fuerunt parum dulces*. Sic edd. inde a Mor. et *epulæ* quidem ex ed. R. cum ms. Pal. 2, et Col. Sed verum videtur *epistolæ*, quod præfert ms. a. cum Pal. 1. 3. et 4. Scilicet *epistulæ* in vetustis codd. olim scribebatur; quam scriptoram (per u pro o) ut alibi constanter, sic et h. l. ms. a. exhibet; idemque vocab. *epistolæ* in ms. c. et ed. A. compendiosa scriptura significatur. Schw. — Ruhnck. (vid. not. infer.) probat *Epistolæ*. Lagrange interpretatur *epulæ* : *Les alimens n'ont plus de douceur pour vous*. — Porro sciat lector, verbum *fuerunt* ex Mureti ing. esse, quum velt. libri omnes

vero erunt exhibeant : sed particula vero non videtur hic fuisse locus, et verbum potius in præter. quam in futurum positum requirebatur : quare admodum probabilis hæc usus fuerit Mureti emendatio. Schw.

4. *De capite timuisti*. Refert hæc Lipsius ad Ep. xxiv, ubi de iudicii eventu sollicitum fuisse Lucilium scribit noster. Ita non opus est, ut cum Grutero statuamus, hanc et tres quatuor quæ præcedunt lineas hiulcæ quid habere : præsertim si non *epulæ*, sed *epistolæ* cum mss. nonnullis ap. Grut. legamus. Sensus esset : Epistolæ parum dulces allatæ sunt, quæ detrimenta continua nuntiarent; quid, quod periculum capitis i. e. vitæ tibi afferunt. Ruhnck.

5. *Fortuna in deliciis*. Tale de Providentia, c. 1 : « Deus bonum virum in deliciis non habet. »

6. *Atqui... militare est*. Conf. ad

Itaque hi, qui jactantur, et per operosa atque ardua sursum ac deorsum eunt, et expeditiones periculosissimas obeunt, fortes viri sunt, primoresque castrorum; isti, quos putida quies<sup>1</sup>, aliis laborantibus, molliter habet, turturillæ<sup>2</sup> sunt, tuti contumeliæ causa. Vale.

Epist. LI, § 5; LIX, § 6. sq. *Ruhk.*

1. *Putida quies.* Recte illa vox servata in duobus mss. Pal. quorum in uoo quidem *putrida* scribitur, qua scriptura et alias sæpe in hoc vocab. utuntur libri nostri. Mendose *putica* a. c. *A. Schw.*—*Publica* dant edd. ex *R.* quod probat *Ruhkopfius*, diceus ad publicam pacem referendum esse.

2. *Turturilla.* I. molles: sive vocem derives ab ave turtore, sive, quod *Lipaius* probat, a *Turturilla*. In *Excerptis Pitæanis* est: *Turturilla, ita dicitur locus, in quo corruptelæ fiebant, quod ibi turturi opera daretur, i. e. panem.* Ubi *Lipaius* emendat: *i. e. ganææ*, et addit: *Talis autem loca et homines tui,*

non per honorem, sed contumeliam, et quia sperantur. *Gruter.* ad h. l. et *Taubmaun.* ad *Plauti Bacch.* I, 1, 35, quo *Gesner* in *Thes. Stephao.* h. v. nos ablegat, nihil extricant. *Ruhk.* — *Opsopæus* legebat: *Turdi illi sunt* et dicebat *Seoecam* respexisse ad quemdam *Turdum* oomine, de quo *Seneca* pater lib. IX, *Controv.* 4, ut de humine mollitiæ sua famoso loquitur, node forsao hujus nomen ad designandos delicatiores increbuisse potuisset. Aliilegendum esse arbitrantur *Turdilli sunt.* Notum est turdillos uvis delectari, unde latini hoc nomine dissolutos notare potuissent, ut apud *Gallus* vox *grivois* a vore *grive* (*turdus*) facta esse videtur. (E notis *Lagrange* versum.)

## EPISTOLA XCVII.

ET NUNC ET OLIM FUISSE MALOS : DE VI CONSCIENTIÆ.

Lucilium de sæculi vitiis questum refutat, et nunc docet et olim fuisse malos, exemplo petito a iudicio Clodiano, quod Clodius nummis et adulteriis, idque Catonis tempore, corruerat. Suo tamen tempore docet fuisse frugaliorem juventutem, et quamvis vitia erumpant, quoniam ad deteriora faciles sumus, vitæ peccata delectant, et prava consuetudo iuvat; tamen Boni sensus animis subest, et bona conscientia, quæ prodire vult et conspici, quæ nequitia ipsas tenebras timeat, nec latendi fiduciam, Epicuro memento, habeat. Nam mala facinora conscientia damnantur, atque etiam interno flagello, aut morsu puniuntur.

Cf. Nostrum Epist. cv, et Cicero De Fin. I, 11.

SENECA LUCILIO SUO SALUTEM.

ERRAS, mi Lucili, si existimas nostri sæculi esse vitium luxuriam et negligentiam boni moris, et alia, quæ obicit<sup>1</sup> suis quisque temporibus. Hominum sunt ista, non temporum; nulla ætas vacavit a culpa. Et, si æstimare licentiam cuiusque sæculi incipias, pudet dicere, nunquam apertius, quam coram Catone, peccatum est. Credat aliquis<sup>2</sup> pecuniam esse versatam in eo iudicio, in quo reus erat Clodius<sup>3</sup> ob id adulterium, quod cum Cæ-

1. *Objecit.* In præf. pro more Nostris, a. c. A. Vulgo *objecit.* Schw. — *Quæ obicit... quisque temporibus.* Notum est Hesiodum Opp. et D. 157 sq. et Horat. in Art. poet. 173 in descriptione senis: « Difficilis, querulus, landator temporis acti Sepuero, censor castigatorem minorum. » Cf. Gatack. ad M. Anton. VII, 1. *Ruhk.*

2. *Credat aliquis,* etc. Fiebat hoc facinus a. U. 691. Vide Cicero. Epp. ad Attic. I, 13, 14, 16, et Middleton's *life of Cicero* ad h. ann. *Ruhk.*

3. *P. Clodius.* Quæstor et senator, homo nobilis (Appii filius), disertus, audax, malorum propositorum executor, infamis etiam sororis stupro (Vellei. Pat. II, 45), adulterium cum

- saris uxore in aperto<sup>1</sup> commiserat, violatis religionibus ejus sacrificii, quod pro populo fieri dicitur, sic submotis extra conspectum omnibus viris, ut picturae quoque masculorum animalium contegantur? Atqui<sup>2</sup> dati judicibus nummi sunt; et, quod hac etiamnunc pactione turpius est, stupra insuper matronarum et adolescentulorum nobilium stillarii loco<sup>3</sup> exacta sunt. Minus crimine, quam absolute, peccatum est. Adulterii reus adulteria divisit, nec ante fuit de salute securus, quam similes sui iudices suos reddidit. Hæc in eo iudicio facta sunt, in quo, si nihil aliud, Cato testimonium<sup>4</sup> dixerat. Ipsa ponam verba Ciceronis, quia res fidem excedit (*Epistolarum ad Atticum* libro I<sup>5</sup>): «Arcessivit ad se<sup>6</sup>, promisit, intercessit, dedit. Jam vero, o Dii boni, rem perditam!

Pompeia, C. Jul. Cæsaris uxore, in ædibus Pontificis maximi, ubi sacra flouæ Deæ non adeunda viris (vide Tibull. I., 6., 22. Juvenal. VI., 333. interpp. Cicer. Harusp. resp. 17) quæ ad Phalli (Lingam vocant Orientales) religionem spectasse videntur, per virgines vestales incredibili cerimonia quotannis celebrabatur, commiserat, ut Seneca h. l. et Dio Cass. XXXVII, 45, tradunt, s. commissurus erat teste Cicerone l. l.; sed detectus accusatus est. *Ruhk.*

1. *In aperto.* In aperto ed. Lips. et seqq. ex uno Pal. 4. *Schw.*

2. *Atqui.* Etiam si hoc facinus horrendum esset, tamen. — Questio extra ordinem fuit. Quum enim Pontifices, ad quos res delata fuerat, nefas esse decrevisset, Clodiani pertulerunt, ut non iudicio populi, sed prætoris et sex et quinquaginta iudicum ad id selectorum committeretur, a quibus Clodius absolutus est. *R.*

3. *Stillarii loco.* (Conf. *Ducange*

*Glossar. voc. stillatura*.) Recte vett. libri omnes, nisi quod nonnulli simpl. *I* ponunt, et in fine *i*, pro more, pro *ii*. Vulgo *salaris* ex edit. Ven. *Schw.* — Sane *stillarium* aliquis interpretatur pro additamento vel anctario, quod supra legitimam mensuram in liquidia velut stillando datur, ethinc metaphora (vulgari sermone: *Par-dessus le marché*). Ipse mox Seneca, *arcessionem* vocat: et Cicero, *mercedis cumulum*; scilicet non contenti nummis iudices, mercedis cumulum petierunt, ut sibi matronæ nobiles et adolescentuli in stuprum traderentur.

4. *Cato testimonium.* Catonem testimonium contra Clodium dixisse, aliunde, opinor, non constat. *Ruhk.*

5. *Cic. excedit... lib. I.* Hæc verba Schweigh. solus textui inseruit, ex ms. a. *Epistolarum ad Atticum* libro quod a Romanorum consuetudine prorsus abhorreret nobis videtur. Cæterum hæc ex Ep. XVI desumpta sunt.

6. *Arcessivit ad se.* Non Clodius



etiam noctes certarum mulierum, atque adolescentulorum nobilium introductiones, nonnullis iudicibus pro mercedis cumulo fuerunt.» — Non vacat de pretio queri, plus in accessionibus fuit. Vis severi illius uxorem? dabo illam. Vis divitis? hujus quoque tibi præstabo concubium. Adulterium nisi feceris, damna<sup>1</sup>. Illa formosa, 5 quam desideras, veniet; illius tibi noctem promitto, nec differo: intra comperendinationem<sup>2</sup> fides promissi mei exstabit<sup>3</sup>. Plus est distribuere adulteria, quam facere: illud est, matribus familiæ<sup>4</sup> denunciare; hoc, <sup>5</sup> illudere. Hi iudices Clodiani a senatu petierant præsidium, quod non erat, nisi damnaturis, necessarium<sup>6</sup>; et impetraverant. Itaque eleganter illis Cætulus, absoluto reo: « Quid 6 vos, inquit, præsidium a nobis petebatis? an, ne nummi vobis eriperentur? » Ipter hos tamen jocos, impune

ipse, sed Crassus, qui corrupendos iudices susceperat, ut patet ex illa Ciceronis epistola, unde verba a Seneca allata petita sunt.

1. *Adulterium nisi feceris, damna.* Ex uno eod. pal. sic optima restituit Grut., quocum consentit editio vetus. Erasmi ed. *adulterium ubi feceris damna.* Ruhk. — Lagrange, Erasmi lect. sane secutus, vertit: *Après cela, condamnez l'adultère, quand vous en serez coupable vous-même.* — Sensus vero, admissa nostra lect., videtur esse: si promissum adulterium non obtinueris, me a te damnari annuo.

2. *Intra comperendinationem fides promissi m.* Ita alias legi notatum ad oram edit. Erasm., quæ habet: *intra comparandi f.* quocum mus. rodd. consentiunt: nullo sensu. — *Intra comperendinationem.* I. e. priusquam in suffragia de me vocentur iudices: itaque, hæc in causa, actione secunda i. comperendinatione admissa.

Cf. Heineccii Antiq. rom. synagm. IV, 18, 30. Ruhk.

3. *Exstabit, a. c. R. A.* Vulgg. edd. *stabit.* Schw.

4. *Matribus...* denunciare. Velut imperium in eas exercere, et per minas ad alium mittere: quod plus est, quam per blanditias subrepero et illudere. Lips.

5. *Hoc, illudere.* Duo verba ignorant alii libri omnes, excepto uno Pinciani (et eo quidem alioqui non optimo) et Palatius sec. e quibus illa primus recepit Mur. Schw.

6. *Nisi damnaturis, necessarium.* Quia Clodius turbulentissimis civibus utebatur, quos divitiis publicis rapinisque quotidie pascibat; quique, eo damuato, in iudices forsau deservissent, nisi publico præsidio illi defensi fuissent.

7. *Ne nummi vobis eriperentur.* De his omnibus vide Ciceron. Ep. ad Attic. lib. I. Ep. xvi.

tulit<sup>1</sup> ante iudicium adulter, in iudicio leno; qui damnationem pejus effugit, quam meruit. Quidquam fuisse corruptius illis moribus credis, quibus libido non sacris inhiberi, non iudiciis poterat; quibus in ea ipsa quaestione, quæ extra ordinem senatusconsulto exercebatur, plus, quam quærebatur, admissum est<sup>2</sup>? Quærebatur, an post adulterium aliquis posset tutus esse; apparuit, sine adulterio tutum esse non posse. Hoc inter Pompeium et Cæsarem, inter Ciceronem Catonemque commissum est; Catonem, inquam, illum, quo sedente populus negatur permisisse sibi postulare Florales jocos<sup>3</sup> nudandarum meretricum. Credis spectasse tunc severius homines, quam iudicasse? Et fient, et facta ista sunt: et licentia urbium, aliquando disciplina metuque, nunquam sponte, considet. Non est itaque<sup>4</sup> quod credas, nunc plurimum libidini permissum esse, legibus minimum. Longe enim frugalior hæc Juventus, quam illa, est, quum reus adulterium apud iudices negaret, iudices apud eum confiterentur; quum stuprum committeretur rei iudicandæ causa; quum Clodius iisdem vitiis gratus, quibus no-

1. *Impune tulit.* Iut. impunitus dimissus est Clodius, nec ulla poena affectus, etiamsi adulter et leno esset.

2. *Plus, quam quærebatur, admissum est?* Scilicet majus crimen, quam illud de quo in iudicio quærebatur, in ipso iudicio admissum est: continuatio est ejus sententiæ, turpiorem fuisse Clodii absolutionem quam scelus.

3. *Florales jocos.* Floralia Aprili exequente celebrata, ut omnia bene deflorescerent (Plin. XVIII, 29), in honorem Nymphæ Chloridis, Ovid. Fast. V, 195. Lactant. I, 20, in de falsa Relig.: « Celebrantur illi ludi

cum omni lascivia convenientes memorie meretricis. Nam præter verborum licentiam, quibus obscenitas omnis effunditur, exiunt etiam vestibus populo flagitante meretrices, quæ tunc mimarum funguntur officio, et in conspectu populi neque ad satietatem impudicorum luminum eum pudendis motibus detinentur. » Laudat Val. Max. II, 10, 8. Martial. I, Epigr. 1. *Ruhk.*

4. *Non est itaque...minimum.* Bene vertit Lagrange: *Ne croyes donc pas que la débauche ait acquis des forces dans notre siècle, et que les lois en aient perdu.*

cens, conciliaturas<sup>1</sup> exerceret in ipsa causæ dictione. Credat hoc quisquam? qui damnabatur uno adulterio, 9 absolutus est multis!

Omne tempus Clodios, non omne Catones feret. Ad deteriora faciles sumus, quia nec dux potest, nec comes deesse: et res etiam ipsa sine duce, sine comite, procedit; non pronum [iter<sup>2</sup>] est tantum ad vitia, sed præceps. Et, quod plerosque incmendabiles facit, omnium aliarum artium peccata artificibus pudori sunt, offenduntque deerrantem<sup>3</sup>; vitæ peccata delectant. Non gau- 10 det navigio gubernator everso; non gaudet ægro medicus elato; non gaudet orator, si patroni culpa reus cecidit: at, contra, omnibus crimen suum voluptati est. Lætatur ille adulterio, in quod irritatus est ipsa difficultate; lætatur ille circumscriptione furtoque; nec ante<sup>4</sup> illi culpa, quam culpæ fortuna, displicuit. Id prava consuetudine evenit. Alioquin, ut scias subesse animis, etiam in pessima abductis, boni sensum, nec ignorari turpe, sed negligi; omnes peccata dissimulant, et, quamvis feliciter cesserint, fructu illorum utuntur, ipsa subducunt. At 11

1. *Conciliaturas*. Honesto nomine vocavit lenocinia (*fonctions d'entremetteur*). Conciliandi enim verbum proprie in (nequitia et) matrimonio dicitur. Ovid. Amor. I, 13, 42: « Num me nopsisti conciliante seni. » Mur.

2. *Pronum [iter.]* Perperam prænunciatus, a. c. R. A. et omnes Pinc. et Gruteri eodd. *Pronum iter* primus edidit Erasmi. (nescio an ex vet. cod. Brit. quem in Append. laudat) et tenuit Mur. Dein nude *pronum* ed. Lips. Gron. et Bip. quod revocavit Mathiæ, qui tamen in Progr. ait male se dedisse integrum *pronum iter*. Equidem substantivum nomen

oneis inclusi, ut suspectum: nunc vero prorsus abiectum malim: nam sicut nomine *præceps* substantive utitur Noster (conf. Epist. xciv), sic et *pronum* substantive accipi poterat, subintellecto (si velis) nomine *iter*. *Prænunciatus* revocavit Ruhkopfius; tum sua auctoritate *præceps* in *præceptor* mutavit, quod in merito repudiavit Matth. Schw.

3. *Deerrantem: vitæ p. d.* Omnium fere eodd. lectio est. Erasmus: *dum errantem v. p. d.* Moretus in ed. rom. ex ingenio: *errantem in vitia p. d.* Ruhk.

4. *Nec ante... displicuit.* I. e. non

bona conscientia prodire vult et conspici; ipsas nequitia tenebras timet. Eleganter itaque ab Epicuro<sup>1</sup> dictum puto: «Potest nocenti contingere ut lateat, latendi fides non potest:» aut, si hoc modo melius hunc explicari posse judicas sensum: Ideo non prodest latere peccantibus, quia latendi etiam si felicitatem habent, fiduciam non habent. Ita est! tuta scelera esse possunt, secura non possunt.

- <sup>12</sup> Hoc ego repugnare<sup>2</sup> sectæ nostræ, si sic expediatur, non judico. Quare? quia prima illa<sup>3</sup> et maxima peccantium est poena, peccasse; nec ullum scelus, licet illud fortuna exornet muneribus suis, licet tueatur ac vindicet, impunitum est, quoniam sceleris in scelere supplicium est. Sed nihilominus et hæc illam<sup>4</sup> secundæ poenæ premunt ac sequuntur, timere semper, et expavescere, et securitati
- <sup>13</sup> diffidere. Quare ego hoc supplicio nequitiam liberem? quare non semper illam in suspenso relinquam? Illic dissentiamus<sup>5</sup> cum Epicuro, ubi dicit: «Nihil justum esse

aliter culpa displicuit, quam si successus eventusque non placuit, ex voto non fuit. *Lips.*

1. *Epicuro.* Servavit Diog. Laert. X, 151, p. 671 Amstel. ubi sententia rata 38 hæc est: «Οὐκ ἔστι τὸν λάθρα τι ποιῶντα ὧν συνέθετο πρὸς ἀλλήλους, εἰς τὸ μὴ βλάπτειν, μηδὲ βλάπτεσθαι, πιστεύειν ἑα λήσει, καὶν πυράκις ἐπὶ τοῦ παρόντος λαμβάνει· μὴ γὰρ κατιστορεῖται ἀδελφὸν εἰ καὶ λήσει. *R.*

2. *Hoc ego repugnare sectæ nostræ.* Stoicæ: quia Stoici peccatum ob ipsum fugi spernique volebant, ut virtutem amari ob ipsam. At Epicurei præmia et poenas in utrisque spectabant. Neque prorsus damno, ait Sen., neque pugnat nobiscum: quia, etiam in peccato malum est, tamen et

poenæ secundæ adhærent sequunturque; et earum aspectu peccare etiam timeamus. *Lips.*

3. *Prima illa.* Temere omissa vox posterior in edd. inde a Mur. *Schw.*

4. *Et hæc illam.* Recte a. c. A. Vulgo et hæc, et illa. *Schw.*

5. *Illic dissentiamus.* Timor assiduus facit, Epicurus ait, ut vitia et crimina vitanda esse censeamus. Consentit Seneca, sed dissentit in eo, quod negat, actionum nostrarum causam hanc esse primariam. Apud Diog. Laert. l. l. 36, 37 agit Epicurus de injustitia, quam per se et natura malam esse negat, sed metu suspicionis, ne fortasse non lateat talium facinorum vindices et exactores. At contra Stoici ap. Ciceron. de Fin.

natura, et crimina vitanda esse, quia vitari metus non possit. » Hic consentiamus, mala facinora conscientia flagellari, et plurimum<sup>1</sup> illi tormentorum esse, eo, quod perpetua illam sollicitudo urget ac verberat, quod sponsoribus securitatis suæ non potest credere. Hoc enim ipsam argumentum est<sup>2</sup>, Epicure, natura nos a scelere abhorrere; quod nulli non etiam inter tuta timor est. Multos fortuna liberat pœna, metu neminem. Quare?<sup>3</sup> nisi quia<sup>4</sup> infixæ nobis ejus rei aversatio est, quam natura damnavit? Ideo nunquam fides latendi fit etiam latentibus, quia coarguit illos conscientia, et ipsos sibi ostendit<sup>5</sup>. Proprium autem est nocentium, trepidare. Male de nobis actum erat, quod multa scelera legem et judicem effugiunt et scripta supplicia, nisi illa naturalia et gravia de præsentibus solverent, et in locum patientiæ timor<sup>5</sup> cederet. Vale.

III, 21 : « Minime vero probatur hujus disciplinæ (stoicæ), de qua loquor, aut Amicitiam, aut Justitiam ob utilitates adseisei, aut probari. Jus autem, quod ita dici appellarique possit, id esse natura, alienumque a sapiente nou modo injuriam cuiquam facere, verum etiam nocere. » *Ruhk.*

1. *Plurimum.* Temere plurima ed. Bip. et *Ruhk. Schw.*

2. *Argumentum est, Epicure, natura nos, etc. Argumentum Epicure, absque est, ms. a. Argumentum est Epicuri ms. e. et eil. A.* Duobus scripturis inter se collatis, prodibat no-

stra, quam unice veram judicavi, eandemque jam Lipsius ex conject. proposuerat. Absurde vulgo, et prorsus contra Senecæ mentem, *argumentum Epicuri est. Schw.*

3. *Nisi quia, a. e. A.* Pal. 2. Aberat vulgo nisi. *Schw.*

4. *Et ipsos sibi ostendit.* Sic Juvenalis, XIII, 198 : « Nocte dieque suum gestare in pectore testem. »

5. *In locum patientiæ timor.* Scilicet, in locum pœnarum, quæ revera accidere debent, timor earum cederet, succederet, quæ accidere possunt. *Ruhk.*

## EPISTOLA XCVIII.

## BONIS EXTERNIS NON CONFIDENDUM.

Amicum hortatur, ut neminem felicem credat ex felicitate suspensum, ideoque ex iis quæ fragilia sunt, nec in nostra potestate: sed illud, quod ex se ortum, fidele firmumque est, et in nostra potestate, sapientiam pnta et virtutem, prosequatur. Neque tamen illa externa omnino aspernanda sunt, sed considerata tanquam materia bonorum malorumque, prout iis aliqua utatur. Præparandus itaque animus ad amissionem bonorum, et obfirmandus ad tolerandum: neque tamen ita, ut sit futuri anxius. Quidni? et alii tolerunt, et nos mala, quæ terribilia videntur, non sunt, vincamus, inter exempla simus, et ipsam vitam, dum ea nti possis, non deseramus. Sic philosophiam in opere discamus.—Utiliter libri Senecæ de Tranquillitate animi, de Vita beata, et de Constantia sap., una cum Consolationibus tribus conferuntur.

## SENECA LUCILIO SUO SALUTEM.

NUNQUAM credideris felicem quemquam ex felicitate suspensum! Fragilibus innititur, qui adventitio lætus est: exhibet gaudium, quod intravit. At illud ex se ortum fidele firmumque est, et crescit, et ad extremum usque prosequitur: cætera, quorum admiratio est vulgo, in diem bona sunt.—Quid ergo? non usui ac voluptati esse possunt?—Quis negat? sed ita, si illa ex nobis \* pendent,

1. *Nunquam... suspensum.* Contra Epicureos hoc dictum esse constat, quippe qui in felicitate acquirenda summum bonum et sapientiam collocaverunt, atque conscientiam rationis ad felicitatem docentis virtutem nominaverunt: quum Stoici in uno honesto sapientiam et virtutem, cæ-

tera in externis ponerent. Egregie judicantem cf. Kantium in *Critik der prakt. Vernunft* p. 193 sq. ed. H. R.

2. *Si illa ex nobis pendent.* Atqui ex nobis pendent quum illis nos non tradimus totos, sed eis ita fruimur ut nullo modo impediant animum ad vera bona tendentem; ut, si tollan-

non ex illis nos. Omnia quæ fortunam intuentur, ita fructifera ac jucunda fiunt, si qui habet illa<sup>1</sup>, se quoque habet, nec in rerum suarum potestate est. Errant<sup>2</sup> enim, Lucili, qui aut boni aliquid nobis, aut mali judicant tribuere fortunam : materiam dat bonorum ac malorum, et initia rerum apud nos in malum bonumve exiturarum. Valentior enim omni fortuna animus est ; in utramque partem ipse res suas ducit, beatæque ac miseræ vitæ sibi causa est. Malus<sup>3</sup> omnia in malum vertit, etiam quæ cum specie<sup>4</sup> optimi venerant : rectus atque integer<sup>5</sup> corrigit<sup>3</sup> prava fortunæ, et dura atque aspera ferendi scientia molli ; idemque et secunda grate excipit modesteque, et adversa constanter ac fortiter. Qui licet prudens sit, licet exacto faciat cuncta judicio, licet nihil supra vires suas tentet ; non continget<sup>6</sup> illi bonum illud integrum, et extra minas positum, nisi certus adversus incerta est. Sive alios<sup>4</sup> observare volueris (liberius enim inter aliena iudicium est), sive te ipsum, favore seposito ; et senties hoc, et confiteberis, nihil ex his optabilibus et caris utile esse, nisi te contra levitatem casus, rerumque casum sequentium, instruxeris ; nisi illud frequenter, et sine querela, inter singula damna dixeris : Diis aliter visum<sup>7</sup> est.

tur, potius ea videantur a nobis relictæ, quam nos ab illis ; adeo æquo animo illorum solamur jacturam !

1. *Qui habet illa.* *Qui* ex conject. correxi, quum *si quis* dedissent velt. libri ; quod teoens Erasmus, *habens* ex conject. edidit. *Schw.*

2. *Errant.* Fere omnes præter Stoicos philosophi, atque de his rebus semper digladiati sunt invicem. Sæpe jam monimus. *Ruhk.*

3. *Malus.* *Ruhkopf.* com quinque eodd. addit *animus*.

4. *Cum specie.* Sic exhibent a. c. R.

A. *Aberat cum vulgaris* edd. *Schw.*

5. *Rectus atque integer.* I. sapiens. Sæpe a nostro describitur eodem modo, nec ablodit Horat. ad Licin. Carm. II, 10. III, 29. al. Fortunam ludem ludere cum hominibus sæpe crudelem, minari et malis hominon gaudere, nota est antiquitatis opinio vel ex Horatio Carm. supra laud. ad Mæcen. Od. III, 29, vs. 49 sqq. *R.*

6. *Continget.* Vulgo *contingit*, et mox *extra minas fortunæ positum* edd. in viliis mss. *Schw.*

7. *Diis aliter visum.* Quam bene

- 5 Imo, mehercules, ut carmen<sup>1</sup> fortius ac justius repetam<sup>2</sup>, quo animum tuum magis fulcias, hoc dicito, quoties aliquid aliter, quam cogitabas, evenierit: Dii melius<sup>3</sup>. Sic composito nihil accidet. Sic autem componetur, si, quid humanarum rerum varietas possit, cogitaverit, antequam senserit; si et liberos, et conjugem, atque patrimonium sic habuerit, tanquam non utique semper habiturus, et tanquam non futurus ob hoc miserior, si
- 6 habere desierit. Calamitosus est animus futuri anxius, et ante miscrias miser; qui sollicitus est, ut ea, quibus delectatur, ad extremum usque permaneant. Nullo enim tempore conquiescet; et expectatione venturi<sup>4</sup> praesentia, quibus frui poterat, amittet. In æquo est autem amissio rei, et timor amittendæ.
- 7 Nec ideo præcipio tibi negligentiam. Tu vero<sup>5</sup> metuenda declina; quidquid consilio prospici potest, prospice; quodcumque læsurum est, multo ante, quam accadat, speculari et avertere<sup>6</sup>. In hoc ipsum tibi plurimum conferet fiducia, et ad tolerandum omnino obfirmata mens. Potest fortunam cavere, qui potest ferre; certe in tranquillo non tumultuatur<sup>7</sup>. Nihil est nec miserius nec

convenit hoc stoici sapientis dictum inter adversa fortunæ, cum isto Christianorum voto: fiat voluntas tua!

1. *Carmen*. I. formulam. *Ruhk.*

2. *Repetam*. Sic olim ed. Ven. Er. et Mur. rursusque nuper *Ruhk.* Sed rectius furtasse fuerit *petam* quod habet ed. Lips. Grun. et Bip. cum a. c. R. A. Pine. et Grut. *Schw.*

3. *Dii melius* providebunt. Formulam autem loquendi hanc: *Dii melius duint, Dii meliara ferant, Dii meliora, melius*, plerumque explicare licet per: *εὐχόμενοι*, velut Cicero de Seneca. c. 14, interpretatur Sophoclis

respondum ap. Platon. Vol. VI, p. 150 bip.; sed h. l. et aliis, quæ Brissson. de formulis etc. collegit, suppleas: dabunt, eo sensu, quo Horatius Carm. II, 10, 17 eecinit: «Non si male vivue, et olim sic erit.» R.

4. *Expectatione venturi* ms. a. et ed. A. Vulgo *futuri*. *Schw.*

5. *Tu vero*. Perperam vulgo *quin* vero. *Schw.*

6. *Averte*. Perperam *adverte* vulgo scribitur. *Schw.*

7. *Certe in tranquillo non tumultuatur*. Int. certe, quidquid accadat, si animus tuus tranquilluss est, et firma



stultius, quam prætimere. Quæ ista dementia est, malum suum antecedere? Denique, ut breviter includam <sup>8</sup> quod sentio, et istos satagios<sup>1</sup>, ac sibi molestos describam tibi: tam intemperantes in ipsis miseriis sunt, quam sunt ante illas. Plus dolet quam necesse est, qui ante dolet quam necesse sit. Eadem enim infirmitate<sup>2</sup> dolorem non æstimat, qua non expectat. Eadem intemperantia fingit sibi perpetuam felicitatem suam<sup>3</sup>, fingit sibi crescere debere quæcumque contigerunt, non tantum durare; et, <sup>9</sup> oblitus hujus petauri<sup>4</sup>, quo humana jactantur, sibi uni fortuitorum constantiam spondet. Egregie itaque videtur mihi Metrodorus<sup>5</sup> dixisse in ea *Epistola*, qua sororem, amisso optimæ indolis filio, alloquitur<sup>6</sup>: « Mortale est omne mortalium bonum<sup>7</sup>! » De his<sup>8</sup> loquitur bonis, ad

nititur virtute, in eo tumultum excitare fortuna non poterit.

1. *Satagios*, a. c. R. A. non *satageos*. Ruhk. edidit *satageos* quod interpretatur anxios: a *satageudo*, sicut abigei ab abigendo.

2. *Eadem infirmitate... expectat*. Dum veniat, i. e. æque errat in nimis æstimando dolore quam in expectando. Ruhk.

3. *Suam*, quod aberat vulgo, dedere a. c. R. A. *Ead. lin.* ubi repetitur *fingit sibi*, omitti poterat pronomen cum. ms. a. Schw.

4. *Et, oblitus hujus petauri*. Pro *petauri*, quidam libri peccati vulgo editur *fati*. Lips. — *Petaurum* (πῆταυρον, dor. et æol. i. q. πῆταρον, ut adeo male a veteribus grammaticis deducta sit vox a πῶς τὸν ἄρα πῆταρον) machinatio quædam proprie fœnambulatorum, cujus ope corpora in altum vibrantur: hinc πῆταρον τῆς τύχης, jactatio fortunæ, apud Plutarchum. Ruhk. — Ad ludi genus

respicit, tunc frequentia. Rota suspendebatur, per quam motam corpora trajiciebant saltu: atque si petauristæ dicebantur: ipsa illa petaurum. Videntur et in petauro suspensi fuisse, et in eo elati, ejecti: quo noster maxime spectat. Manilius lib. V: « Ad numeros etiam illa eiectognata per artem Corpora, quæ valido salinunt exussa petauro, Alternosque eient motus: elatus et ille Nunc jaceat, atque hujus casu suspenditur ille. » Vide ibi doctissimum Scaligerum. Et sane artificis eujusdam oscillationis hoc genus fuisse videtur. L.

5. *Metrodorus*. Amicus Epicuri notus, in ea *epistola*, quæ nunc perditæ est, et cujus mentio nonnisi h. l. et seq. *Epist.* fit. Ruhk.

6. *Alloquitur*. Consolatur. R.

7. *Mortale... bonum*. Ab Euripide (fragm. LXVIII, T. II, p. 485, ed. Lips.) hoc Metrodorus sumpsit: Θνητὸν δὲ βελτὸν εὖδεν. Muret.

8. *De his... concurretur*. De fortui-

quæ concurritur : nam illud verum bonum non moritur, certum est sempiternumque, sapientia et virtus : hoc  
 10 unum contingit immortale mortalibus. Cæterum tam improbi sunt, tamque obliti quo eant, quo illos singuli dies turbent<sup>1</sup>, ut mirentur aliquid ipsos<sup>2</sup> amittere, amissuri uno die omnia. Quidquid est, cui dominus inscriberis, apud te est, tuum non est; nihil firmum infirmo, nihil fragili æternum et invictum est. Tam necesse est perire quam perdere; et hoc ipsum, si intelligimus, solatium est, æquo animo perdere, quod periturum est<sup>3</sup>.

11 Quid ergo adversus has amissiones auxilii invenimus<sup>4</sup>? — Hoc, ut memoria teneamus amissa, nec cum ipsis fructum excidere patiamur, quem ex illis percepimus. Habere eripitur; habuisse nunquam. Peringratus est, qui, quum amisit, pro accepto nihil debet. Rem nobis eripit casus; usum fructumque apud nos reliquit, quem nos  
 12 iniquitate desiderii perdidimus. Dic tibi : « Ex istis, quæ terribilia videntur, nihil est invictum. Singula vicere jam multi : ignem Mucius<sup>5</sup>; crucem Regulus; venenum Socrates; exsilium Rutilius<sup>6</sup>; mortem ferro adactam Cato : et nos vincamus aliquid! Rursus

tis, e. g. divitiis, honoribus etc. *R.*

1. *Turbent*, a. c. *R. A.* cum aliis. Vulgo *trahant* ex uno cod. Pinc. et duobus Gruteri. *Schw.* — *Trudent* Muretus ex Erasmo. et Pinc. conj. *R.*

2. *Ipsos*. Habent se eod. a Mur. invitiis mastis. *Schw.*

3. *Quod periturum est*. Tenui hoc, editum ante Ruhk. ex ed. *R.* *Perpetram pereundum est*, absque *quod*, ms. a. et tres Palat. *Quod pereundum est e. A.* cum Pal. sec. et Col. quod recepit Ruhk. *Quod perdendum est* unus probatissimus cod. Pinc. *Schw.*

4. *Invenimus... amisit... reliquit...*

*perdidimus*. Omnia ex libris nostris correctæ, pro vulgatis *invenimus*, *amiserit*, *relinquit*, *perdimus*. *S.*

5. *Mucius* (Sævola); *crucem* *Regulus*. Vide de Provid. III, 5. Fuisse varietatem in hac re narranda, tum ex hoc loco, tum ex Floro, II, 2, apparet. Nec ultimo illo sive carceris, sive crucis supplicio deformata Reguli majestas. Addas iis, quos in nota ad 3 de Prov. 5 laudavi, Ruperti ad Sil. Ital. VI, 539; « Italiam cruce sublimis spectaret ab alta. » *Ruhk.*

6. *Rutilius*. De Rutilio cf. ad Consol. ad Marc. 22, 2. Athen. IV, 19. *R.*

ista, quæ, ut speciosa et felicia, trahunt vulgum, a multis et sæpe contempta sunt. Fabricius divitias imperator rejecit<sup>1</sup>, censor notavit; Tubero<sup>2</sup> paupertatem et se dignam et Capitolio judicavit, quum, fictilibus<sup>3</sup> in publica cæna usus, ostendit, debere his hominem esse contentum, quibus Dii etiamnunc uterentur. Honores repulit pater Sextius<sup>4</sup>, qui, ita natus, ut rempublicam deberet capessere, latum clavum<sup>5</sup>, divo Julio dante, non recepit: intelligebat enim, quod dari posset, et cripi posse. Nos quoque aliquid ipsi faciamus animose! simus inter exempla! Quare deficimus? quare desperamus?<sup>14</sup> Quidquid fieri potuit, potest. Nos modo purgemus animum, sequamurque naturam; a qua aberranti cupiendum timendumque est, et fortuitis serviendum. Licet reverti in viam, licet in integrum restitui. Restituamur, ut possimus dolores, quocumque modo corpus invaserint, perferre, et fortunæ dicere: Cum viro tibi negotium est; quare quem vincas! »

His sermonibus<sup>6</sup>, et his similibus, lenitur illa vis ul- 15

1. *Fabricius...* rejecit. Et quum Pyrrhus illi magnifica munera, amicitiae pignus, obtulit; et quum Samnitium legis ingentem illi summam pecuniæ offerentibus, ut gratum animum ab concessam pacem testificarentur, respondit se malle his imperare qui aurum haberent, quam aurum habere.

2. *Tubero.* Conf. ad Epistol. xcv, § 72. *Ruhk.*

3. *Fictilibus...* uterentur. Confer. Ep. xxxi fin. Plin. 35, 46: « In saceris quidem etiam inter has opes hodie fictilibus pralibatur simpulviis. » Confer. Heynius ad Tibull. I, 1, 32. *Ruhk.*

4. *Pater Sextius* dignitatem sena-

toriam repudiavit et se ad philosophiæ stucum studium contulit. Is et filius celebres fuere primis sub imperatoribus rom. Cf. ad Ep. lxx, 6. Moretus hic laudat Plutarch. Vol. II, p. 77. E. Fref. *Ruhk.*

5. *Latum clavum.* Insigne senatorium, pectora demissum. *Lips.*

6. *His sermonibus...* et etc. Abrupta hæc esse quisvis intelligit, inquit *Ruhk.* Quare Moretus ait: quum hujus senis nullam in superioribus mentionem fecerit Seneca, facile adducor, ut putem, multa hujus epistolæ principio desiderari. At Stephanus Epist. ad Dalecham. xxvii crediderit potius, hujus ipsius epistolæ finem desiderari; et principium ali-

ceris : quam opto mehercules mitigari, et aut sanari, aut stare et cum ipso senescere. Sed securus de illo sum : de nostro damno agitur, quibus senex egregius eripitur. Nam ipse vitæ plenus est, cui adjici nihil desiderat sua  
 16 causa, sed eorum quibus utilis est <sup>1</sup>. Liberaliter facit, quod vivit. Alius jam hos cruciatus finisset : hic tam turpe putat mortem fugere, quam ad mortem confugere. — Quid ergo? non, si suadebit res, exhibit?—Quidni exeat, si nemo jam uti eo poterit? si nihil aliud, quam dolori operam dabit? Hoc est, mi Lucili, philosophiam in opere discere <sup>2</sup>, et ad verum exerceri : videre quid homo prudens animi habeat contra mortem, contra dolorem; quum  
 17 illa accedat <sup>3</sup>, hic premat. Quid faciendum sit, a faciente discendum est. Adhuc argumentis actum est, an posset <sup>4</sup> aliquis dolori resistere, an mors magnos quoque animos admota submitteret <sup>5</sup>. Quid opus est verbis? In rem præsentem eamus! nec mors illum <sup>6</sup> contra dolorem

cujus alius, ad quam pertinent : *his sermonibus* etc. — Schw. vero : Nil opus esse videtur, ut cum viris doctis statuamus plura quædam intereidisse aut ista verba. Respondere hæc potuit Seneca ad præcedentem aliquam Lucilii Epistolam : ac sive casu, sive consulto omittere potuit viri illius nomen, de quo hic egitur.

1. *Sed eor. q. util. e.* Eodem argumento sibi mortem evasiscendi cupiditatem in senem egreditur J.-J. Rousseau : *S'il te reste au fond du cœur le moindre sentiment de vertu, viens, que je t'apprenne à aimer la vie. Chaque fois que tu seras tenté d'en sortir, dis en toi-même : que je fasse encore une bonne action avant que de mourir. Puis va chercher quelque indigent à secourir, quelque infortuné à consoler, quelque malheureux*

*à défendre... Si cette considération te retient aujourd'hui, elle te retiendra encore demain, après demain, toute la vie. Si elle ne te retient pas, meurs; tu n'es qu'un méchant.*

2. *In opere discere.* Sic plerimi eodd. et quidem in opus ducere, item bene, propter sequentia : in rem præsentem eamus. Ruhl.

3. *Quum illa accedat, hic premat, accedit melebam, et premit;* ut alibi, ubi quum tempus significat. Sed nil mutant libri : nempe quum hic pro quamvis accipi debet. Schw.

4. *Posset.* Sic mss. a. R. A. Vulgo possit. Schw.

5. *Submitteret dederunt a. c. A.* Vulgo submittere. Schw.

6. *Nec mors illum...* contra mortem. Lux e sequentibus affulget : scilicet non ideo e contra dolores fortis

facit fortiorem, nec dolor contra mortem: contra utrumque sibi fidit; nec spe mortis patienter dolet, nec tædio doloris libenter moritur: hunc fert, illam exspectat. Vale.

est, quod sperat dolorem brevi morte  
finiendum esse; nec ideo contra mor-  
tem fortis est, quod talis dolor vi-  
tam morte pejorem facit.

## EPISTOLA XCIX.

## CONSOLATORIA IN MORTE FILII; NON INDULGENDUM DOLORI.

Cum amico epistolam communicat Marullo scriptam, quum is filium parvulum amisisset morte. Magis objurgat Marullum quam consolator, quoniam molliter jacturam ferre dicebatur. Quum filius incertæ spei decesserit parvulus, quid faceret Mar. si amicum amisisset? Causæ doloris non sunt conquirendæ, sed magis gaudendum eo, quod habuisset mortuum, quam moriendum, quod amisisset: dolor est quum ingratus, tum supervacuus. Deinde omnes sequamur, quos amisimus, nos oportet. Mors ex omnibus rebus certissima est. Nec lugandum, quod puer decessit. Vita enim et per se considerata at immenso comparata brevissima est. Accedit, quod vita nec bonum nec malum est; sed plus timeri poterat, ut spes egregias impleteret, si consideraveris, qualis metas sit. Atqui naturæ tributum solvas: quod Stoici præceptis handquasquam adversatur; sed absit omnis ostentatio doloris: omnia ad rationem revocanda sunt. Deinde memoria mortui celebranda, sæpius de eo cogitandum est, ut omnis acerbitas tristitiæ abeat: neque tristitiæ indulgendum est, quidquid contra dicat Metrodorus; voluptatam aliquam cogitatum esse tristitiæ.

Cf. Senecæ tres Consolationes, et superiorem Epistolam.

## SENECA LUCILIO SUO SALUTEM.

EPISTOLAM<sup>1</sup>, quam scripsi Marullo<sup>2</sup>, quum filium parvulum amisisset, et diceretur molliter ferre<sup>3</sup>, misi tibi.

1. Epistolam... misi tibi. Sequitur inde a § 2. *Ruhk.*

2. Marullo. De Marullo nihil am-

plius constat, quam quod hic legis.

3. Molliter ferre. Id est, inveni nimis indulgere.

In qua non sum solitum morem secutus, nec putavi leniter illum debere tractari, quum objurgatione esset quam solatio<sup>1</sup> dignior. Afflicto enim, et magnum vulnus male ferenti, paulisper cedendum est: exsatiēt se, aut certe primum impetum effundat. Hi, qui sibi<sup>2</sup> lugere sumpserunt, protinus castigentur, et discant, quasdam etiam lacrimarum ineptias esse.

2. «Solatio exspectas<sup>3</sup>? convicia accipe. Tam molliter tu fers mortem filii? quid faceres, si amicum perdidisses? Decessit filius incertæ spei, parvulus: pusillum temporis periit<sup>4</sup>. Causas doloris conquirimus, et de fortuna etiam iniquo<sup>5</sup> queri volumus, quasi non sit justas querendi causas præbitura. At, mehercules, satis mihi jam videbaris animi habere, etiam adversus solida mala; nedum ad istas umbras malorum, quibus ingemiscunt homines moris causa. Quod damnorum omnium maximum est, si amicum perdidisses, danda opera erat, ut magis gauderes quod habueras, quam mœreres quod amiseras. Sed plerique non computant, quanta<sup>6</sup> præceperint, <sup>7</sup>quantum gavisī sint.<sup>8</sup> Hoc habet<sup>6</sup> inter reliqua mali dolor iste: non supervacuum tantum, sed ingratus est. Ergo, quod

1. *Solatio*. Sic a. c. A. Vulgo *consolatione*; quod ex scholio ductum videtur. *Schw.*

2. *Hi qui sibi lugere sumpserunt*. Qui luctui dedita opera indulgent. *Lagrange*: *Celui qui se condamne volontairement aux pleurs.*

3. *Solatio exspectas?* etc. Hic ego incipere ipsam epistolam ad Marullum (vel, ut alii libri, *Marillum*) apinor, et totam deinceps ad finem poni. *Lips.*

4. *Pusillum temporis periit*. Intellige, *periit illi*. *Schw.*

5. *Iniquo*. Ms. a. ut *præpostero*,

*directa*, et similia, adverbialiter dicuntur. Alii vulga *inique*; sed *iniqui* ed. Bip. et Ruhk. iuvitis libris. *Schw.*

6. *Quanta præceperint*. Vulga *perceperint* h. l. libri omnes; sed infra pro vulgato *percepta* recte *præcepta* dederunt a. c. A. unde idem verbum hic restituere non dabitavi. *Schw.*

7. *Quantum*, pro vulg. *quantumve*, dedere a. c. A. cum Pinc. et Pal. 2. J.

8. *Hoc... mali doloꝛ iste*. Correxī ex ms. a. eall. Pinc. et Grut. *Doloꝛ iste* latebat sub *doloꝛis se*, quod est in ms. a. Vulgo: *inter rel. mala doloꝛ*, quod non, etc. *Schw.*

habuisti talem amicum, periit opera? tot annis, tanta conjunctione vitæ, tam familiari studiorum societate, nihil actum est? Cum amico effers amicitiam<sup>1</sup>? et quid doles amisisse, si habuisse non prodest? Mihi crede, magna pars ex his, quos amavimus, licet ipsos casus abstulerit, apud nos manet. Nostrum est<sup>2</sup>, quod præteriiit, tempus; 5 nec quidquam est loco tutiore, quam quod fuit. Ingrati adversus præcepta<sup>3</sup>, spe futuri, sumus; quasi non, quod futurum est, si modo successerit nobis, cito in præterita transiturum sit. Anguste fructus rerum determinat, qui tantum præsentibus lætus est: et futura et præterita delectant; hæc, exspectatione; illa, memoria: sed alterum pendet, et non fieri potest; alterum non potest non fuisse. Quis ergo furor<sup>4</sup> est, certissimo excidere? Acquiescamus 6 his, quæ jam hausimus; si modo non perforato<sup>5</sup> animo lauriebamus, et transmittente quidquid acceperat.

» Innumerabilia<sup>6</sup> sunt exempla eorum, qui liberos juvenes sine lacrimis extulerint; qui in senatum, aut in aliquod publicum officium, a rogo redierint, et statim aliud egerint. Nec immerito: nam, primum, supervacuum est dolere, si nihil dolendo proficias; deinde, iniquum est queri de eo, quod uni accidit, omnibus<sup>7</sup> restat.

1. Cum amico effers amicitiam? Cum Stephano Prood. II, c. 4, interpunctione mutata, interrog. notam posui. Ruhk.

2. Nostrum est... fuit. Stoicum dogma a. præceptum erat: ne futuro turberis, τὴν μέλλουσαν μὴ ταρασσέτω. M. Antonin. VII, 8. Epict. Diss. III, 24. Affine est, τὸ παρὸν εἶναι ποιεῖν, εἶναι διοῦμαι, Hemsterhus. ad Lucian. III, p. 365 seqq. Deinde cum nostro convenit hoc Virgilii Æn. I, 207: « olim meminisse juvabit. » Cf. Ep. 1. R.

3. Præcepta. Int. ea quæ præcepimus, ea quibus antea frui sumus.

4. Quis ergo furor. Lagrange vertit: Quelle fureur de laisser échapper le plus sûr?

5. Perforato animo. Respicere videtur ad fabulam satis notam de Danaïdibus, quarum dolia pertusa fundis omnia transmisere hausta. Ovid. Heroid. XIV. Ruhk.

6. Innumerabilia sunt exempla eorum. Cf. Valer. Max. V, 10. Ruhk.

7. Omn. restat. Omnes manet.

- Deinde, desiderii stulta conquestio est, ubi minimum interest inter amissum et desiderantem : eo itaque æquiore animo esse debemus, quod, quos amisimus, sequimur. Respice celeritatem rapidissimi temporis ; cogita brevitatem hujus spatii, per quod citatissimi currimus ; observa hunc comitatum generis humani, eodem tendentis, minimis intervallis distinctum, etiam ubi maxima videntur : quem putas perisse, præmissus est. Quid autem dementius, quam, quum idem tibi iter emetiendum sit, flere cum, qui antecessit ? Flet aliquis factum, quod non ignoravit futurum ? aut, si mortem in homine non cogitavit, sibi imposuit<sup>1</sup>. Flet aliquis factum, quod aiebat non posse non fieri ? Quisquis aliquem queritur mortuum esse, queritur hominem fuisse. Omnes eadem conditio devinxit : cui nasci contigit, mori restat. Intervallis distinguimur, exitu æquamur. Hoc, quod inter primum diem et ultimum jacet, varium incertumque est : si molestias æstimas, etiam puero longum ; si velocitatem, etiam seni angustum. Nihil non lubricum et fallax, et omni tempestate mobilius. Jactantur cuncta, et in contrarium transcunt, jubente fortuna : et in tanta volutione rerum humanarum nihil cuiquam, nisi mors, certum est.
- 10 Tamen de eo queruntur omnes, in quo uno nemo decipitur.

» Sed puer decessit ! — Nondum dico, melius<sup>2</sup> agi cum eo qui vita defungitur : ad eum transeamus qui consenuit ; quantulo vincit infantem ? Propone temporis profundi vastitatem, et universum complectere ; deinde hoc, quod ætatem vocamus humanam, compara immenso :

1. *Sibi imposuit. Semetipsum fefellit.*

2. *Melius agi cum eo etc. Int. me-*

*liorem esse conditionem ejus qui vita defungitur. Bene vertit Lagrange : Que celui qui est débarrassé de la*



videbis quam exiguum sit, quod optamus, quod extendimus. Ex hoc quantum lacrimæ, quantum sollicitudines occupant? quantum mors, antequam veniat, optata? quantum valetudo, quantum timor, quantum teneri aut rudes, aut inutiles anni? dimidium ex hoc edormitur. Adjice labores, luctus, pericula; et intelliges, etiam in longissima vita minimum esse quod vivitur. Sed quis<sup>1</sup> tibi concedet, non melius se habere eum, cui cito reverti licet, cui ante lassitudinem peractum est iter? Vita nec bonum nec malum est; boni ac mali locus est. Ita nihil ille perdidit, nisi aleam in damnum certio<sup>2</sup>rem. Potuit evadere modestus et prudens; potnit sub cura tua in meliora formari: sed (quod justius timetur) potnit fieri pluribus similis. Aspice<sup>3</sup> illos juvenes, quos ex nobilissimis domibus in arenam luxuria projecit; aspice illos, qui suam alienamque libidinem exercent, mutuo impudici; quorum nullus sine ebrietate, nullus sine aliquo insigni flagitio dies exit: plus timeri quam sperari potuisse, manifestum erit. Non deb<sup>4</sup>es itaque causas doloris arcessere, nec levia incommoda indignando cumulare. Non hortor, ut nitaris, et

*vie a des grâces à rendre à la nature.*

1. *Sed quis... reverti licet.* Sc. ad Deum, unde manavit. Cf. Consolat. ad Marc. 22. *Ruhk.* — Int. perinde ac si scriptum foret: quis negabit melius se habere, etc.

2. *Aleam in damnum certio<sup>2</sup>rem.* Sic Pine. libri, Erasmus rel. : *nisi aleam. In damnum certius potuit evadere.* Sed sensus est: alea ea certior est in damnum, quam etsi aliquando Venerem exhibeat, plures tamen habere solet subsultantes canes. *Ruhk.* — Bene vertit *Lagrange* hanc

sententiam: *Mourir, c'est quitter un jeu de hasard où il y a plus à perdre qu'à gagner.*

3. *Aspice... projecit.* De iis agitur qui, dissipata re familiari, ad redigebantur, ut gladiatores fierent. Cf. ad Ep. LXXXVII, 8 et Lips. Saturnal. I, c. 3. *Ruhk.* — Et alibi dictum a Nostro: « qui se locant ad gladium aut cultum. »

4. *Causas doloris arcessere.* Nam causas tibi doloris arcessis, qui lugeas amicum filium, qui certius tibi dissolutum virum, quam bene moratam promittebat.

surgas<sup>1</sup> : non tam male de te judico, ut tibi adversus hoc<sup>2</sup> totam putem virtutem advocandam. Non est dolor iste, sed morsus : tu illum dolorem facis. Sine dubio multum Philosophia profecit, si puerum, nutrici adhuc quam patri notiozem, animo forti desideras !

- 14 » Quid? nunc ergo duritiam suadeo, et in funere ipso rigere vultum volo, et animum ne contrahi quidem patior? Minime! Inhumanitas est ista, non virtus, funera suorum iisdem oculis, quibus ipsos, videre, nec commoveri ad primam familiarium divulsionem<sup>3</sup>. Puta autem me vetare; quædam sunt sui juris<sup>4</sup> : exeidunt etiam retinentibus lacrimæ, et animum profusæ levant<sup>5</sup>. Quid ergo est? Permittamus<sup>6</sup> illis cadere, non imperemus : fluat quantum<sup>7</sup> affectus ejecerit, non quantum poseet
- 15 imitatio. Nihil vero mœrori adjiciamus, nec illum ad alienum augeamus exemplum. Plus ostentatio doloris exigit, quam dolor : quotusquisque sibi tristis est? Clarius, quum audiuntur, gemunt<sup>8</sup>; et, taciti quietique dum secretum est, quum aliquos videre<sup>9</sup>, in fletus novos exci-

1. *Surgas*. Sic a. e. A. Pal. 2, 4. Col. I. e. te etigas, tollas animos, ut ait infra. Volgo *urgeas*. Schw.

2. *Adversus hoc*. Sic a. e. R. A. non *adv. hæc*. Schw.

3. *Divulsionem*. Sic a. e. R. A. non *divisionem* ut Erasmi. et unus Palat. Schw.

4. *Quædam sunt sui juris*, a. e. R. A. ubi imperite non infulserant vulgo. Schw. — Int. Sunt libera : imperio alieno non aguntur : se ostendunt nobismetipsis nolentibus.

5. *Animum profusæ levant*. Apud Senecam patrem X Controv. 1 : « Plurimumque omnis dolor per lacrimas effluit. » Lips.

6. *Permittamus... imperemus*. Et

enim multi sunt, qui lacrimas, suis oculis nolentibus, eliciant, ut ingentem dolorem simulent; imperant lacrimis, ut cadant.

7. *Fluat quantum*. Dedit a. e. A. ut voluerat Matthiæ; non *fluat* ut vulgo. Schw.

8. *Clarius, quum audiuntur, gemunt*. Ut Gelliam facere ait Martialis Epigr. I, 34 : « Amissum non flet, quum sola est, Gellia patrem : Si quis adest, jussæ prosiliunt lacrimæ. » Verum autem est, quod subjicitur : « Ille dolet vere, qui sine teste dolet. » Ruhk.

9. *Quum aliquos videre*. Sic ms. a. *Viderunt* ed. R. *Perperam viderint* vulgo. Schw.

tahtur. Tunc capiti suo manus<sup>1</sup> ingerunt; quod potuerant facere, nullo prohibente, liberius: tunc mortem comprecantur sibi; tunc lectulo devolvuntur. Sine spectatore cessat dolor. Sequitur nos, ut in aliis rebus, ita in hac quoque, hoc vitium, ad plurium exempla componi; nec, quid oporteat, sed quid soleat, aspicere. A natura discedimus: populo nos damus, nullius rei bono auctori, et in hac re, sicut in omnibus, inconstantissimo. Videt aliquem fortem in luctu suo; impium vocat, et effertum: videt aliquem collabentem<sup>2</sup>, et corpori affusum; effeminatum ait, et enervem. Omnia itaque ad rationem<sup>17</sup> revocanda sunt.

» Stultius vero nihil est, quam famam captare tristitiæ, et lacrimas approbare<sup>3</sup>; quas judico sapienti viro alias permissas cadere, alias vi sua latas. Dicam quid intersit. Quum primus<sup>4</sup> nos nuntius acerbi funeris perculit; quum tenemus corpus e complexu nostro in ignem transitorium; lacrimas naturalis necessitas exprimit: et spiritus, ictu doloris impulsus, quemadmodum totum corpus quatit, ita oculos, quibus adjacentem humorem perpremit et expellit. Hæ lacrimæ per elisionem cadunt nolentibus<sup>18</sup> nobis. Aliæ sunt, quibus exitum damus, quum memoria eorum, quos amisimus, retractatur; et inest quiddam dulce tristitiæ<sup>5</sup>, quum occurrunt sermones eorum jucundi, conversatio hilaris, officiosa pictas: tunc oculi, velut in gaudio, relaxantur. His<sup>6</sup> indulgemus; illis vin-

1. *Capiti suo manus.* Sive ut crines vellant, sive ut frontem feriant. *Lipsius.*

2. *Collabentem.* Sic *a. c. R. A.* non *collabentem* ut vulgo.

3. *Et lacrimas app.* Vertit *Lagrange*: *Se faire un mérite de pleurer.*

4. *Primus, a. c. A.* non *primum*, ut vulgo. *Schw.*

5. *Et inest quiddam dulce tristitiæ.* Ovidius, *Trist.* IV, 3, 37: « Est quedam flere voluptas: Expletur lacrimis egeriturque dolor. »

6. *His...* vincimur. *His* indulge-

cimur. Non est itaque, quod lacrimas propter circumstantem<sup>1</sup> assidentemque aut contineas<sup>2</sup>, aut exprimas: nec cessant, nec fluunt<sup>3</sup> unquam tam turpiter, quam  
 19 finguntur. Eant sua sponte; ire autem possunt placidis atque compositis. Sæpe, salva sapientis auctoritate, fluxerunt; tanto temperamento, ut illis nec humanitas<sup>4</sup>, nec dignitas deesset. Licet, inquam, naturæ obsequi, gravitate servata. Vidi ego in funere suorum verendos, in quorum ore amor eminebat, remota omni lugentium scena<sup>5</sup>. Nihil erat, nisi quod veris dabatur affectibus. Est aliquis et dolendi decor: hic sapienti servandus est; et, quemadmodum in cæteris rebus, ita et in lacrimis  
 20 aliquid sat est. Imprudentium, ut gaudia, sic dolores exundavere. Æquo animo excipe necessaria. Quid incredibile, quid novum evenit? quam multis<sup>6</sup> quum maxime funus locatur! quam multis vitalia emuntur<sup>7</sup>! quam multi post luctum tuum lugent!

» Quoties cogitaveris puerum fuisse, cogita et homi-

mus, quas memoria dilectorum elicit; nobis non invitis fluunt: illis autem vineimur, quas primus nuntius acerbis funeris expressit: non penes nos est illas cohibere.

1. *Circumstantem assidentemque.* Sic nostri, pro vulg. *circumstantes assidentesque*. Schw.

2. *Aut contineas, aut exprimas.* Seu te flere pudeat, seu dolorem ostentare cupias.

3. *Nec fluunt... finguntur.* Omnium turpissimam habendæ sunt lacrimæ, quæ fictæ sunt. Ruhk.

4. *Humanitas.* Int. sensus illos humanos quos natura omnium pectoribus impressit, ut in funere nostro non commoveremur.

5. *Lugentium scena,* i. apparatu et

specie, nullo suo adhibito. Hinc scena et pompa conjunguntur a. e. Cic. Orat. III, 45. Ruhk.

6. *Quam multis... locatur.* Hæc Ruhk. glossematis loco habet et nocis includit; agnoscunt tamen libri omnes.— *Quam multis quum maxime* (i. e. hoc ipso momento) *funus locatur*, efferendum nempe, et urendum a libitinariis.

7. *Quam multis vitalia emuntur?* Sic plurimi codd. Alii, *q. multi v. emittunt*. Erasmus conjec. *eruantur*, quod Gronovius explicat satis contorte de ægrotis, qui a medicis curantur, ac confert Consol. ad Marc. c. 22, 1: « Adjice incendia, rel. » Wernsdorf ad Poet. Min. Lat. Vol. III, p. 311 vñ *emuntur* probat, a quo

nem; cui nihil certi promittitur<sup>1</sup>, quem fortuna non utique perducit ad senectutem; unde visum est, dimittit. Cæterum frequenter de illo loquere, et memoriā<sup>2</sup> ejus, quantum potes, celebra; quæ ad te sæpius revertetur, si erit sine acerbitate ventura. Nemo enim libenter tristi conversatur, nedum tristitiæ. Si quos sermones ejus, si quos quamvis parvuli jocos cum voluptate audieras, sæpius repete: potuisse illum implere spes tuas, quas paterna mente conceperas, audacter affirma. Oblivisci quidem suorum, ac memoriā cum corporibus efferre; et effusissime flere, meminisse parcissime; inhumani animi est. Sic aves, sic feræ suos diligunt fœtus; quarum concitatus est amor, et pæne rabidus, sed cum amissis totus exstinguitur. Hoc prudentem virum non decet: meminisse perseveret<sup>3</sup>, lugere desinat.

» Illud nullo modo probo, quod ait Metrodorus, « esse » aliquam cognatam tristitiæ voluptatem; hanc esse cap- » tandam<sup>4</sup> in ejusmodi tempore. » Ipsa Metrodori verba subscripsi. Μητροδώρου Ἐπιστολῶν πρὸς τὴν ἀδελφὴν Ἀ.

Sehefferi codd. (teste Heinsio in Adversariis p. 457) *quam multi vitalia emunt* pristantes haud multum abundunt. *Ruhk.* — Ruhkopfium probat Schw. aspirantibus edd. aut Mur. et ms. a. et Pal. 1, 3, 4. — *Quam multis vitalia emuntur*, i. e. torus s. lectus feralis et funebria, quibus cadavera efferantur. *Vitalia* variore hoc significato occurrit etiam ap. Petrou. c. 77 ubi verba sunt: « Interim, Stiche, profer vitalia, in quibus volo me efferri. » Pæne idem valent præcedentis: *quam multis quam maxime funus locatur.*

1. *Promittitur*, a. c. R. A. non promittitur. Schw.

2. *Et memoriā ejus*. Plutarchus

Consol. ad Appollonium: « Commოდum aliquod est defunctis, si pia memoria eos colamus. Nemo enim bonus gemitu dignus est, sed hymnis et laudibus; neque luctu, sed recordeatione laudabili. » Lipsius s. Græco vertit.

3. *Meminisse perseveret*. Tacitus simile: « Feniis lugere honestum est, viris meminisse. »

4. *Hanc esse captandam*. Sic scripti cum Pal. 1, 3, 4, ut voluerat Pine. Pro *esse* *perperam ipse* habent a. c. R. A. quod in *ipsam* mutavit Kr. Schw.

5. Μητροδώρου... καὶ πρὸς. Græca verba prorsus desunt editis ante Gronovium, desunt etiam nostro ms. c.

ἔστιν γάρ τις [λύπη συγγενῆς] ἡδονή, ἣν κυνηγετεῖν κατὰ τοῦτον  
 13 τὸν καιρὸν. De quibus non dubito quid sis sensurus. Quid  
 enim turpius<sup>1</sup>, quam captare in ipso luctu voluptatem,  
 imo per luctum; et inter lacrimas quoque, quod juvet,

Reperita quidem io mstis suis profi-  
 tentur Erasmi. Lips. et Grut. sed ita  
 depravata, ut nihil inde extricari po-  
 tuerit. Gruterus tamen postrema verba  
 hæc fere fuisse ait, καὶ οὐκ ἔστιν ἡ-  
 δονὴ τοῦτον κατὰ τοῦτον τὸν καιρὸν. De-  
 nique in ed. Gron. et seqq. Græca  
 exhibebantur in hunc modum scripta;  
 Μιχθίσου ἡδονὴ ἀνδρὶς τις γὰρ ἐστὶ, σοι  
 μὲν ζητητὴ κατὰ τοῦτον τὸν καιρὸν,  
 quam inficetam scripturam unde  
 hausisset Grönovius diu inquirens,  
 tandem ex ed. Tb. De Juges cognovi,  
 ex Hælcampii ingenio fuisse procu-  
 sam. Nos nostrum ms. a. secuti sum-  
 mus, qui ea ipsa verba, quæ exhi-  
 buimus, satis perspicua perscripta  
 dedit, exceptis duobus λύπη συγγενῆς,  
 quæ, quum ibi deessent, nos ex Senecæ  
 latinis supplevimus. *Metrodori Epi-  
 stolam, qua sororem amisso optimæ  
 indolis filio alloquitur, baud multo  
 ante memoraverat Noster, xcviit.*  
 Illud dissimulare non debeo, mea ali-  
 quatenus de conjectura factum, quod  
 post ἀνδρὶν notam numeralem α,  
 adscripti, qua *Epistolarum ad So-  
 rorem liber primus* significaretur. Ac,  
 notam quidem aliquam numeralem  
 a Seneca hic adjectam fuisse, intel-  
 ligi par erat ex genitivo Ἐπιστολῶν,  
 coll. xcviit, ubi simillima rationa  
 scribitur *Epistolarum ad Atticum  
 lib. I.* Quinam autem fuisset ille nu-  
 merus, hariolatus eram ex eo, quod  
 pro ΕΠΙΣΤΟΛΑΝ in eod. nostro ΕΠΙ-  
 ΣΤΟΛΑΝ scribitur, ubi litteram a  
 alieno loco intersertam conjectave-  
 ram. Sed, sumpto hoc ipso, intelligo  
 sic potius a me scribi debuisse, Ἐπι-

στολῶν α. πρὸς τὴν ἀδελφὴν, i. e. *Epi-  
 stolarum libro primo, ad Sororem.*  
 — Κυνηγετεῖν legitimum est græcum  
 verbum, quod latino *captare* et *auca-  
 pari* (infra) Seneca expressit. S. —  
 Locum hoc pro exclamato habue-  
 rat Rubkopius, qui lectionem græ-  
 cam a. Gron. prolata secutus erat.  
 Omoes, inquit, fere codd. vel lacu-  
 nam h. l., ut in græcis sit, habuere,  
 vel tam corrupte et obscure præstite-  
 runt verba græca, ut viri doctissimi,  
 Sylborg. Gruter. al. se inde expedire  
 non possent. Dubito an sincera Me-  
 trodori verba teneamus. Quæ enim  
 ex iis argumentator Seneca, eogunt  
 nos colligere, et luctus et lacrima-  
 rum meminisse in iis Metrodorum.  
 Quorum tamen in codd. neque vola,  
 neque vestigium.

1. *Quid enim turpius.* Nisi fallor,  
 (nam quum verba Metrodori sincera  
 non habere videamur, nec certo da-  
 fuire possumus) Seneca non satis  
 iustus in Metrodorum fuerit, quippe  
 quem non diversam sententiam ab ea  
 protulisse putem, quam voster § 18  
 ipse attulit: « et inest quiddam dulce  
 tristitiæ », etc. Sed hæc sectæ consue-  
 rant sic in se invicem invehi, ut qua-  
 que occasione data vel levissima abu-  
 tereatur. Ita una εὐχὴ ἡδονῆς, voluptatis  
 (propr. felicitatis) mantio eandem  
 iram concitare Stoleis rigidis solebat,  
 quam et nostra memoria felicitatis a.  
 Eudæmonismi, quem vocat, men-  
 tionem interdum justo rigidioribus  
 Criticæ philosophiæ asseculis iisdem-  
 que virtutis propugnatoribus fortissi-  
 mis excitare memini. *Rukh.*

quærere? Hi sunt<sup>1</sup> qui nobis objiciunt nimium rigorem, et infamant præcepta nostra duritia, quod dicamus dolorem aut admittendum in animum non esse, aut cito expellendum. Utrum tandem est aut incredibilius, aut inhumanius, non sentire amisso amico dolorem, an voluptatem in ipso dolore aucupari? Nos quod præcipimus,<sup>24</sup> honestum est: quum aliquid lacrimarum affectus effuderit, et, ut ita dicam, despumaverit, non esse tradendum animum dolori. Quid tu dicis? miscendam ipsi dolori voluptatem! Sic consolamur crustulo pueros, sic infantium fletum infuso lacte compescimus. Ne illo quidem tempore, quo filius ardet, aut amicus expirat, cessare pateris voluptatem, sed ipsum vis titillare mœrorem. Utrum honestius dolor ab animo submovetur, an volu-<sup>25</sup> ptas ad dolorem quoque admittitur? *admittitur*, dico? *capitur*, et quidem ex ipso! « Est aliqua, inquit, voluptas » cognata tristitiæ<sup>2</sup>. — Illud nobis licet dicere; vobis quidem non licet. Unum bonum nostis, voluptatem; unum malum, dolorem. Quæ potest inter bonum et malum esse cognatio? Sed puta esse; nunc potissimum eruitur<sup>3</sup>? et ipsum dolorem scrutamur, an aliquid habeat jucundum circa se et voluptarium? Quædam remedia, aliis partibus<sup>26</sup> corporis salutaria, velut sœda et indecora adhiberi aliis nequeunt; et, quod aliubi prodesset sine damno verecundiæ, id fit inhonestum loco vulneris. Non te pudet luctum voluptate sanare? Severius ista plaga curanda est.

1. *Hi sunt*, etc. Cf. de Constant. Sap. cap. 3, 1 not. *Ruhk.*

2. *Voluptas cognata tristitiæ*. Statius: « Tunc flere, et scindere vestes, Fataque, et injustos rabidis pulsare querelis Cœlienas, salamen erat. » Vide Aristotelem I Rhetor. c. 11. *L.*

3. *Nunc potissimum eruitur*. Int. num tempus est opportunum hanc voluptatis cum mœrore cognitionem eruere, quum tibi filius aut amicus expirat? Num decet ad illam tunc confugere, et in dolorem inquirere an habeat voluptatem circa se?

Illud potius admone, nullum mali sensum ad eum, qui periiit, pervenire; nam si pervenit, non periiit. Nulla, inquam, eum res lædit, qui nullus est; vivit, si læditur.

Utrum putas illi male esse<sup>1</sup>, quod nullus est? an, quod  
<sup>27</sup> est adhuc aliquis? Atqui nec ex eo potest ei tormentum  
 esse, quod non est: quis enim nullius sensus est? nec ex  
 eo, quod est; effugit enim maximum mortis incommo-  
 dum, non esse. Illud quoque dicamus ei, qui deflet ac  
 desiderat in ætate prima raptum: Omnes, quantum ad  
<sup>28</sup> brevitatem ævi, si universo compares, et juvenes et se-  
 nes, in æquo sumus. Minus enim ad nos ex omni ætate  
 venit, quam quod minimum esse quis dixerit; quoniam  
 quidem minimum, aliqua pars est; hoc, quod vivimus,  
 proximum nihilo est: et tamen (o dementiam nostram!)  
 late disponitur.

» Hæc tibi scripsi, non tanquam expectaturus esses  
<sup>29</sup> remedium a me tam serum: liquet enim<sup>2</sup> mihi, te lo-  
 cutum tecum quidquid lecturus es: sed ut castigarem  
 illam exigua moram, qua a te recessisti<sup>3</sup>, et in reli-  
 quum adhortarer, contra fortunam tolleres animos, et  
 omnia ejus tela, non tanquam possent venire, sed tan-  
 quam utique essent ventura, prospiceres.» Vale.

1. Male esse recte a. B. Malum e.  
 A. Vulgo mala esse. Schw.

2. Liquet enim mihi te locutum...  
 lecturus es. Vertit Lagrange perinde  
 ac si habuisset in contextu me locu-

tum: Je me souviens d'ailleurs de  
 vous avoir déjà entretenu de tout ce  
 que vous y lirez.

3. A te recessisti. Intel. Te ipsum  
 oblitus es.



## EPISTOLA C.

DE PAPIRIO FABIANO PHILOSOPHO JUDICIUM, EJUSQUE SCRIPTIS.

Fabianum Papirium philosophum, quem Seneca audiverat docentem et declamantem, defendit ab amici reprehensione. Compositionem is accusaverat: effundi verba, non fingi. Negat Noster hanc censuram, quam Fabianus non negligens, sed securus in oratione nec sine cura fuerit, non absimilis optimis sermonis latini auctoribus. Sed etiamsi censura ista non usquequaque injusta fuerit, tamen id præcipue egisse Fabianum confitendum est, ut omnia quæ composuerit, animis scripserit, non auribus, ad profectum tendant et ad bonam mentem.

SENECA LUCILIO SUO SALUTEM.

FABIANI PAPIRII <sup>1</sup> *libros*, qui inscribuntur <sup>2</sup> *Civilium*, legisse te cupidissime scribis, sed non respondisse expectationi tuæ: deinde, oblitus de philosopho agi, compositionem ejus accusas.—Putas esse, quod dicis, et effundi verba <sup>3</sup>, non fingi: primum, habet ista res suam

1. *Fabiani Papirii*. Cf. Consolat. ad Marciam 23, 3, not. Ep. XI, 3; XI, 11; LII, 10; LVIII, 4. Nat. Qu. III, 27, ubi magna hujus viri laus celebratur. Scripta ejus omnia perierunt. Seneca quoque pater totum virum describit et genus cloquii, de quo hic censura occurrit: imo requirit in eo, quæ filius excusat et tuetur. Videsis Controv. II præf. Ruhk.

2. *Civilium*. Ita plurimi codd. Alii *artium civ.*, alii *artium et vitium*, quidam *artium julium*, denique *archinilium*. Unde Lipsius, qui remotiorem et græcæ vocem subodorabatur, suspicatus est: αἰνῶν ποιημάτων.

Scripsit certe Pap. et citatur eo titulo a Charisio: *Causarum naturalium*. Civilia tamen Nat. Quæst. I. I. in not. quoque laudantur. — *Civilia* interpretor πολιτικά, in quibus de Republica egisse videtur Platonis, Aristotelis, Zenonis rel. more. Ruhk.

3. *Effundi verba*, non fingi Erasmus et unus Palatinus; alii et Pine. *eff. v. n. fingi*, probante Pinciano. Sed fingi præstat: est enim solemne de cura, et opponitur negligentiae in compositione. Ita τῶν *effundere* opponitur *fundere*. Cf. Ep. XI, 2. Ruhk. — *Fingi*. Sic edd. vulgo, cum c. R. A. quod poterat intelligi de oratione

gratiam; et est decor proprius orationis leniter <sup>1</sup> lapsæ. Multum enim interesse existimo, utrum exciderit, an fluxerit. Nunc in hoc quoque, quod dicturus sum, in-  
 2 gens differentia est. Fabianus mihi non effundere <sup>2</sup> videtur orationem, sed fundere: adeo larga est; et sine perturbatione, non sine cursu tamen, veniens. Illud plane fatetur et præfert, non esse tractatam <sup>3</sup>, nec diu tortam. Sed ita, ut vis <sup>4</sup>, esse credamus: mores ille, non verba composuit, et animis scripsit ista, non auribus. Præterea <sup>5</sup>, ipso dicente non vacasset tibi partes intueri, adeo te summa rapuisset: et fere, quæ impetu placent,  
 3 minus præstant ad manum relata <sup>6</sup>. Sed illud quoque multum est, primo aspectu oculos occupasse; etiam si contemplatio diligens inventura est quod arguat. Si me interrogas <sup>7</sup>, major ille est, qui iudicium abstulit, quam

artificiose tractatae tortam quam mox dicit. Sed parum apte opponitur ista duo, effundi et fingi. Imo fingi scriptum oportebat, quod habet ms. a. cum Pal. 1, 2, 4, et Col. jamque olim a vet. libris commoedaverat Pine. Refertur ad *stimulos*, quos desideraverat Schw.

1. *Leniter lapsæ*, quam Ep. LII, 11, inoffensam ac molliter lapsam vocat: alias fluens. Cf. I. Chr. Tb. Ernesti Lexicon Technol. lat. rhet. p. 176 sq. Ruhk.

2. *Non effundere*, eam impetu videlicet, et turbide; sed fundere leniter, et cum ordine. Lips. — Idem Pater Seneca l. l.: « Nuncquam inopia verbi substitit, sed velocissimo cursu ac facillimo omnes res beata (i. uber) circumfluebat oratio. » Addit, « verba velut iocunda fluxisse, ideoque non tractata, nec diu torta, nulla arte adhibita varie verba transferendi, immulandi, ioflectendi, etc. »

3. *Esse tractatam. Esse se tract.* edd. a Mur. invitis mssis. Schw.

4. *Ita, ut vis.* Bene e libris aliquot asseruit Gruterus. Sententia: Age, esto oti dieis, parum compositus aut constructus; nempe philosophum, non oratorem, agit. Lipsius.

5. *Præterea...relata.* Spectant hoc Patris Senecæ verba: « quoties inveni-  
 debat aliqua materia, quæ conviciis sæculi reciperet, inspirabat magno magis quam acri animo. Ruhk. »

6. *Ad manum relata*, in manum sumpta et relecta, quam iudicium mora se collegit, et certius appedit ac libral. Lipsius.

7. *Si me interrogas... abstulit.* Quæ in dicendo rapuit, et veluti invitum traxit inventorum et excogitatorum apta expositione adeoque tractatione, major est quam qui meruit, quod eura dietiois et fingendistudio, sæpe etiam opprimeudo, irruendo, oppug-  
 nando fieri solet. Utor Ernesti verbis

qui meruit : et scio hunc tutiorem esse<sup>1</sup> ; scio audacius sibi de futuro promittere<sup>2</sup>.

Oratio sollicita<sup>3</sup> Philosophum non decet. Ubi tandem erit fortis et constans, ubi periculum sui faciet, qui timet verbis? Fabianus non erat negligens in oratione, sed securus. Itaque nihil invenies sordidum ; electa verba sunt, non captata, nec hujus sæculi more<sup>4</sup> contra naturam suam posita et inversa ; splendida tamen, quamvis sumantur e medio : sensus honestos et magnificos habes<sup>5</sup>, non coactos in sententiam, sed latius<sup>6</sup> dictos. Videbimus<sup>7</sup> quod<sup>8</sup> parum recisum sit, quod parum structum, quod non hujus recentis polituræ : quum circumspexeris omnia, nullas videbis angustias inanes<sup>9</sup>. Desit

in Lexico laud. p. 398, qui hoc elegans Senecæ acumen comparavit enim illis Quintil. X, 1, 110, Ciceronem laudantis : « Cui tanta unquam jucunditas affuit, ut ipsa illa, quæ extorquet, impetrare eum credas, et quum transversum vi sua judicem ferat, tamen ille non rapi videatur, sed sequi. » Lipsius addit : Plus illic ingenii et ignis, hic curæ et intentionis. *R.*

1. *Hunc* (qui meruit) *tutiorem esse*. I. e. illi minus esse timendum ne quid in posterum perdat.

2. *De futuro promittere*. Vivere posse, et ætatem ferre. *Lipsius*.

3. *Oratio sollicita*, i. anxie timens, captans, nimis poliens. Cf. Ernesti Lexicon h. v. *Ruhk*.

4. *Nec hujus sæculi more... inversa*. Cf. Ep. CXIV, et Jo. Nic. Fonceti de imminente lat. ling. senectute (MARBORGI 1736, 4). *Ruhk*.

5. *Habes*. Sic a. c. *A. Habet R. Habes* vulgo. *Schw*.

6. *Latius dictos*, a. c. *A. Vulgo altius ductos*. *Schw*.

7. *Videbimus*, etc. Fortasse re-

spexit Seneca patris sui judicium : « Sæpe minus quam audienti sat est, eloquitur ; et in summa ejus ac simplicissima facultate dicendi, antiquorum tamen vitiorum remanent vestigia. Quædam tam subito desinunt, ut non breviter aiot, sed abrupta. » *Ruhk*.

8. *Quod... quod... quod* ex ed. Et. revocavi, in vitiis licet libris ; in quibus *quid... quid... quid* ex vetere paradiorthosi erat. *Schw*.

9. *Nullas videbis angustias inanes*. Int. si Fabianus non micat vanis illis sententiarum fulgoribus nunc usitatis, at non vitiis nostris laborat : nempe nullas in eo videbis angustias inanes ; angustias vocat Seneca, sententias illas in quibus voces premuntur et velut in angustis alliduntur ut quoddam acumen eliciant : quas autem si interroges sententias, atque introspecias, nihil in illis, nisi inane, reperies. Sensus quem verbo *angustias* damus, nobis cognatus esse videtur vocibus sup. *coactos in sententiam*. Ideo nobis acumen auctoris

sane varietas marmorum, et concisura<sup>1</sup> aquarum cubiculis interfluentium, et pauperis cella<sup>2</sup>, et quidquid aliud luxuria, non contenta decore simplici, miscet: quod dici solet, domus *recta* est<sup>3</sup>. Adjice nunc, quod de compositione non constat<sup>4</sup>. Quidam illam volunt esse ex horrido comptam; quidam usque eo aspera gaudent, ut etiam, quæ mollius casus explicuit, ex industria dissipent, et clausulas abruptant, ne ad expectatum respondeant.

6. Lege Ciceronem: compositio ejus una est; pedem curvat<sup>5</sup> lenta, et sine infamia mollis. At contra, Pollionis Asinii<sup>6</sup> salebrosa, et exiliens, et, ubi minime expectes, relictura. Denique, omnia apud Ciceronem desinunt, apud Pollionem cadunt; exceptis paucissimis, quæ ad certum modum, et ad unum exemplar, adstricta sunt.

non intellexisse videtur *Lagrange* qui vertit: *Fous ne trouverez nulle part le moindre vide*. In eo difficultas est, quod non appareat ex duobus sententiæ membris anthithesis fieri, nulla nempe apposita particula, quæ oppositio membrorum indicetur: sed nobis satis ostendi oppositio videtur ex ipso motu et constructione totius sententiæ.

1. *Concisura*. Divisio aquarum per minutos canales in cœnationibus præsertim æstivis. Cf. de Tranq. an. 1, 5. Provid. 3, 9, not. *Ruhk*.

2. *Pauperis cella*. Bene habet: neque aliud est, quam divites istos habuisse distinctam etiam cœnationem, aut eubiculum, quod *pauperis cellam* dicerent: ubi certis diebus velut tenentem et pauperem victum imitarentur. Sic Consol. ad Helv., c. 12: « Sumunt (locupletes) quosdam dies, quum jam illos divitiarum tedium cepit, quibus huius comment, et remoto auro argenteoque, fictilibus utantur.

*Dementes!* hoc quod aliquando concupiscunt, semper timeant. Conf. Ep. XVIII, 4, not.

3. *Domus recta est*, i. sine vitio ac mendo. Sic recta cœna, recte vivere, recte convivari, rectiora servitia apud Suetoo. Jul. 47 ubi vide Græv. Oudendorp et Ernesti. *Ruhk*.

4. *De compositione non constat*. I. alii aliam præstantiorem indicant.

5. *Pedem curvat lenta*. *Dedere a*. Pal. 1, 4. et ms. Lips. Ad equi gressu ducta locutio. Ante *curvat*, verbum *servat* infulciant c. A. R. unde vulgo *pedem servat, curata, lenta*, ex Erasmi ing. *Schw*.

6. *Pollionis Asinii*. Idem iudicant de eo Quint. X, 1, 113 aliique. Cæterum notissimus esse debet hic amicus Virgilii, Horatii, Augusti, cuius scripta diversi generis omnia periere, ex Horat. Carmen, II, 1. Virgil. Ecl. IV et VIII. Vide Heynium ad Eclog. III, 84, post Manutium ad Cic. Ep. fam. X, 31. *Ruhk*.

Humilia præterea<sup>1</sup> tibi videri dicis omnia, et parum<sup>7</sup> erecta; quo vitio carere eum judico. Non sunt enim humilia illa, sed placida<sup>2</sup>; et ad animi tenorem quietum compositumque formata; nec depressa, sed plana. Deest illis<sup>3</sup> oratorius vigor, stimuli<sup>4</sup>que, quos quæris, ei subito ictus sententiarum; sed totum corpus (videris quam sit comptum<sup>5</sup>) honestum est. Non habet oratio ejus, sed debet dignitatem<sup>5</sup>. Affer, quem Fabiano possis præponere. Dic Ciceronem, cujus libri ad Philosophiam pertinentes pæne totidem sunt, quot Fabiani: cedam; sed non statim pusillum est, si quid maximo minus est. Dic Asinium Pollionem: cedam; et respondeamus: In re tanta eminere est, post duos esse. Nomina<sup>6</sup> adhuc T. Livium: scripsit enim et Dialogos, quos non magis<sup>7</sup> Philosophiæ annumerare possis, quam Historiæ, et ex professo Philosophiam continentes libros. Huic quoque dabo<sup>9</sup>

1. *Humilia præterea*. Scilicet, in Fabiano.

2. *Deest illis*, etc. In eandem sententiam M. Ann. Seneca l. l.: « Deerat illi oratorium robur et ille pugnantioris mucro: splendor vero velut voluntarius non elaboratæ orationis vaderat. » *Ruhk.*

3. *Stimuli*que... et ictus sententiarum sunt Ciceroni aculei, *στίμμι*, comico Epolidi de Pericle ap. Plin. Epp. I, 20, de vi orationis altius in animos auditorum descendente, pugnato, et valuti acriter expugnante persuasionem atque assensum. Conf. Ernæsti Lexic. lat. s. v. *Aculeus* et E. J. Lexic. gr. sub voce *στίμμι*. *Ruhk.*

4. *Videris quam sit comptum*, a. c. *R. A.* cum aliis. Possis signa parentheseos tollere, et colon post *comptum* signare: perinde erit. Vulgate lectio *sed solum corpus videt: quam-*

*vis non sit comptum* partim ex Erasmi, partim ex Gruteri conj. erat. *S.*

5. *Debet dignitatem*. Omnium eodd. lectio est proba: i. a. non representat quidem dignitatem, sed sæpius audita, sæpius lecta, exhibitura est. *Ruhk.*—Lipsius legi vult: *dabit*. Quod sic interpretatur: oratio ejus, esto, dignitatem non habet, sed eam dabit, id est, tota honesti et virtutis plena, ista animo inseret, et faciet te magnum et honestum.

6. *Nomina... libros*. Dialogos et libros philosophicos Livii perisse constat. Cf. Schottum ad Aurel. Victor. Epitom. c. XLVIII, p. 598 a. *Ruhk.*

7. *Non magis* teneat libri omnes. Alius scriptor non minus *Phil. quam Historiæ* dixisset; aut non *magis Historiæ, quam Philosophiæ*: sed similes inversiones orationis amat No-ster, et multis occurrunt exempla in

locum; vide tamen, quam multos antecedit, qui a tribus vincitur, et tribus eloquentissimis.

- Sed non præstat omnia; non est fortis oratio ejus, quamvis elata sit; non est violenta, nec torrens, quamvis effusa sit; non est perspicua<sup>1</sup>, sed pura. Desideres, inquis, contra vitia aliquid asperere dici, contra pericula animosæ, contra fortunam superbe, contra ambitionem contumeliosæ: volo luxuriam objurgari, libidinem traduci, impotentiam frangi; sit aliquid oratorie acere, tragice grande, comice exile. — Vis illum assidere pusillæ rei, verbis? Ille rerum se magnitudini addixit; eloquentiam, velut umbram, non hoc agens, contrahit<sup>2</sup>. Non erunt sine dubio singula circumspecta, nec in se collecta,
- 11 nec omne verbum excitabit ac punget, fateor; exhibunt multa, nec ferient<sup>3</sup>, et interdum otiosa præterlabetur oratio: sed multum<sup>4</sup> erit in omnibus lucis<sup>5</sup>, et ingens sine tædio spatium. Denique illud præstabit, ut liqueat tibi, illum sensisse quæ scripsit. Intelliges hoc actum, ut tu scires, quid illi placeret; non ut ille placeret tibi. Ad profectum omnia tendunt, ad bonam mentem; non queritur plausus. Talia esse scripta ejus non dubito; etiamsi
- 12

Epp. XII, XXVI, LXXXI, CII. Schw.

1. *Non est perspicua, sed pura.* H. e. non nimis orante translucida est, sed nativam simplicitatem habet. Cf. Eroesti s. v. *Purus*. Lipsius non est perspicua de obscuritate intelligere mavult; parum attentus, opinor, ad oppositionem, quam *sed pura* exhibet. Ruhk.

2. *Eloquentiam... contrahit.* Secum trahit eloquentiam, quanquam non hoc agat, non hoc conetur ut eloquens sit, sicut nobiscum trahimus nubram inscii. Ideo bene verlit Lagrange: *L'eloquence le suit com-*

*me son ombre, sans qu'il y pense.*

3. *Exibunt multa, nec ferient.* Loquentio ducta a gladiatoribus, quorum manus *exire* dicebantur, quom parant ferire. Lips.

4. *Sed multum erit in omnibus lucis... spatium.* Multa lux adest, omnia clara et aperta sunt, et percurrere, perlegere potes omnia sine tædio, quod ex obscuritate etc. oriri solet. Lipsius intelligit *lucis* de splendore et dignitate. Ruhk.

5. *Lucis.* Recte præbuit ed. Ruhk. cum multis. Mendosum *locis* ex superioribus edit. ad hæc ed. Maith. S.

magis reminiscor, quam teneo; hæretque mihi color eorum<sup>1</sup>, non ex recenti conversatione familiariter, sed summatim, ut solet ex vetere notitia. Quum audirem certe illum, talia mihi videbantur; non solida, sed plena; quæ adolescentem indolis bonæ attollerent, et ad imitationem sui evocarent<sup>2</sup>, sine desperatione vincendi: quæ mihi adhortatio videtur efficacissima; deterret enim, qui imitandi cupiditatem fecit, spem abstulit. Cæterum verbis abundabat; sine commendatione partium singularem, in universum magnificus. Vale.

1. *Hæretque mihi color eorum.* I. generalis orationis notio et species. Alio modo *q̃ color* uai sunt rheto-

res. Vide Ern. Lexic. lat. h. vocæ. *R.* 2. *Evocarent*, a. c. *A.* ex more Noſtri. *Vocarent* vulgo. *Schw.*

## EPISTOLA CI.

## DE MORTE SENECTIONIS.

Subita amici cujusdam morte animum sumit docendi, nihil fidendum aut spondendum nobis esse, quum omnia sint incerta, ideoque vitam bonam non esse differendam, sed singulos dies singulas vitas putandas, neque ita vivendum, ut futuri aviditate mortisque metum corripiamur. Ita Mæcenatis votum exagitat, qui omnia mala in carmine quodam dixerat se perpeti quam mori malle.

## SENECA LUCILIO SUO SALUTEM.

OMNIS dies, omnis hora, quam nihil sumus, ostendit, et aliquo argumento recenti admonet fragilitatis oblitos; tum æterna meditados<sup>1</sup> respicere cogit ad mortem.— Quid sibi istud principium velit, quæris? Senecionem

1. *Tum æterna meditados.* Vulgo quum æterna meditantes. *Schw.*

2. *Senecionem Corneliū*, ex hoc uno loco novimus. *Ruhk.*

Corneliūm, equitem Romanum splendidum et officiosum<sup>1</sup> noveras : ex tenui principio se ipse promoverat, et jam illi declivis erat cursus ad cætera. Facilius enim  
 2 crescit dignitas, quam incipit. Pecunia<sup>2</sup> quoque circa paupertatem plurimam moram<sup>3</sup> habet, dum ex illa crepat<sup>4</sup>. Hic etiam Senecio divitiis imminabat, ad quas illum duæ res ducebant efficacissimæ, et quærendi, et custodiendi scientia; quarum vel altera locupletem fa-  
 3 cere potuisset. Hic homo summæ frugalitatis, non minus patrimonii quam corporis diligens, quum me ex consuetudine mane vidisset<sup>5</sup>; quum per totum diem amico graviter affecto, et sine spe jacenti, usque in noctem assedisset; quum hilaris cœnasset; genere valetudinis præcipiti arreptus<sup>6</sup>, angina, vix compressum  
 4 arctatis faucibus spiritum traxit in lucem. Intra paucissimas ergo horas, postquam omnibus erat sani ac valentis officiis functus, decessit. Ille, qui et terra et mari<sup>7</sup> pecuniam agitabat; qui ad publica<sup>8</sup> quoque, nulum relinquens inexpertum genus quæstus, accesserat;

1. *Splendidum*. Epitheton ordinis equestreis. — *Officiosum*. Salutationibus, deductionibus, etc. *Ruhk.*

2. *Pecunia... erepat*. l. e. pecunia diu exigua est adeoque paupertati diu adherescit, dum crescat et deinceps ex ea, velut e nido angustiore, erepat. Muretus laudat Plutarch. An Seni sit gerenda Resp. c. vi, Vol. XII p. 109 Hutt. de Lampide Demosthenis æquali, nauelero ditissimo, qui interrogatus, quomodo tantas opes sibi parasset? respondit: Parvas quidem magno, magnas parvo labore. *Ruhk.*

3. *Plurimam moram*. Vulgo ex Mur. emend. Rectius fuerit *plurimum moræ*. Nam plurimum amorem

vel amoris scribitur in libr. vell. S.

4. *Erepat* ms. a. Vulgo *ereptat*. S.

5. *Quum me ex consuetudine mane vidisset*. Salutandi gratia: summo enim loco constitutus erat Seneca, qui Senecioni divitiis inhiant utillissimas esse poterat. Multus autem hic erat in augenda pecunia negotiis, mercatura, prædiis emendis, vendendis, etc. *Ruhk.*

6. *Arreptus, a. c. R. A.* quod valeat *adreptus* vel *correptus*; non *abreptus*, ut edd. a Mur. Schw.

7. *Terra et mari*. Ita Grut. quinque. Ante: *mari et t.* *Ruhk.*

8. *Ad publica*. Vectigalia conducenda. Cf. Græv. ad Cic. Verr. lib. III, c. xxxviii. *Ruhk.*



in ipso actu bene cedentium rerum, in ipso procurentis pecuniæ impetu, raptus est.

*Inserere nunc, Melibæe, puros; pone ordinae vites!*

Quam stultum est<sup>2</sup>, ætatem disponere ne crastini quidem dominum<sup>3</sup>! O quanta dementia est spes longas inchoantium! — Emam<sup>4</sup>, ædificabo, credam, exigam, honores geram; tum demum lassam et plenam senectutem in otium referam. — Omnia, mihi crede, etiam felicibus dubia sunt; nihil sibi<sup>5</sup> quisquam de futuro debet promittere; id quoque, quod tenetur, per manus exit; et ipsam, quam premimus, horam<sup>6</sup> casus incidit. Volvitur tempus, rata quidem lege, sed per obscurum: quid autem ad me<sup>7</sup>, an naturæ certum sit, quod mihi incertum est? Navigationes longas, et pererratis littoribus alienis, æros in patriam reditus proponimus, militiam, et castrensium laborum tarda manupretia<sup>8</sup>, procuraciones<sup>9</sup>, officiorumque per officia processus; quum interim ad latus

1. *Inserere...vites.* Versus est Virgil. *Ecl.* I, 74: ironice dictum est: quid juvat nunc tot tantisque laboribus districtum anhelasse et divitias captas? *Ruhk.*

2. *Quam stultum est... inchoantium?* Similia habes *Ep.* XIII, extr. 23 fin. Cf. Mitscherlich. ad *Horat.* I, *Od.* IV, 15; quem locum fortasse in animo habuit noster. *Ruhk.*

3. *Ne crastini quidem dominum, a. c. A.* Vulgo ne crastino quidem dominamur.

4. *Emam...credam.* Mutuum dabo, usuras exigam, ut *Alphius* fœverator ap. *Horat.* *Epod.* II. Similis est *Horat.* I, *Serm.* I, 28, et egregia parabola ap. *Evangel.* *Lue.* XII, 16-20; ubi cf. *Paulum.* *Ruhk.*

5. *Nihil sibi.* *Horat.* *Carm.* I, 11, 7: «Dum loquimur, fugerit invidia ætas.» *Ruhk.*

6. *Quam premimus, horam.* Clarum est: et nec hora hæc certa, et casus potest abrumper. At *Mureto* visum, *oram* legere et funem nauticam interpretari: libri sunt a vobis. *Lips.*

7. *Quid autem ad me.* Subaudi: pertinet. Quid mes refert, interest?

8. *Tarda manupretia.* *Xenodôma.* Nam promotiones castrenses gradatim fiebant, nec magnas, nisi in extremis, præmia. *Juvenal.* XIV, 197: «Ut locupletem aquilam tibi sexagesimus annus afferat.» *Lips.*

9. *Procuraciones.* Nempe provinciarum. *Ruhk.*

mors est : quæ quoniam nunquam cogitatur, nisi <sup>1</sup> aliena, subinde nobis ingeruntur mortalitatis exempla, non diutius, quam dum miramur, hæsuræ. Quid autem stultius, quam mirari, id ullo die factum, quod omni potest fieri? Stat quidem terminus nobis, ubi illum inexorabilis fatorum necessitas fixit; sed nemo scit nostrum, quam prope versetur.

Sic itaque formemus animum, tanquam ad extrema ventum sit; nihil differamus; quotidie cum vita paria faciamus <sup>2</sup>. Maximum vitæ vitium est, quod imperfecta semper est, quod in aliud ex alio differtur <sup>3</sup>. Qui quotidie vitæ suæ <sup>4</sup> summam manum imposuit, non indiget tempore. Ex hac autem indigentia timor nascitur, et cupiditas futuri, exedens animum. Nihil est miserius dubitatione venientium <sup>5</sup>, quorsus evadant. Quantum sit illud, quod restat, aut quale, [non] collecta <sup>6</sup> mens inexplica-

1. *Nisi aliena*. Nisi quum alios in conspectu nostro aufert.

2. *Quotidie cum vita paria faciamus*. Sc. nomina; tanquam nihil sit residui; non illa nobis, non nos illi obligemur. Cf. Ep. XIX, 9. *Ruhk.*

3. *Quod in aliud ex alio differtur*. Sic verissime Pinc. partim e mss. partim e conject. Vulgo, *quod etiam aliquid ex illa differtur*. *Schweig.* — Nonnulli eodd. *etiam*, alii *quod in aliquid*, ex quo Pincian. *quod in aliud ex alio*. Lipsii codex in margine: *quod meum aliquid*, explicat: fruar tota; manum injiciam, nihil incerto tempori reservem. Fortasse erat *quum imp. semper est, quod*, etc. *R.*

4. *Quod quotidie vitæ suæ... imposuit*. I. e. extremam, ultimam vitæ operam præstitit. Sic Ep. XII, 4, portatio extrema, quæ ebrietati summam manum imponit, i. finit. Cæterum

laudata epistola conferri meretur. *R.*

5. *Dubitatione venientium*. Ita plurimi eodd. Alii *dub. vehementer irruentium*. Ex illo conj. Pinc. *volventium* s. *volutantium* propter sequens: *quomodo effugiemus hanc volutationem?* ex hoc Grut. conj. sive *verentium* sive *vehementer hærentium*. *Ruhk.* — Int. Nihil est miserius ista dubitatione qua torquemur, nescientes quo venientia, a ventura evadant, i. e. quid futurum sit.

6. *[Non] collecta mens*. Ed. *Ruhk.* ex Pinciani conject. Vulgo *collecta* libri omnes, absque ulla particula; cui nuncinos ideo circumdedit, quia hand satis certa est emendatio, atque aliud quidpiam fortasse hie latet. Fors. *incollecta* scriptam oportuerat: cujus vocabuli prima vocalis latebat in præcedente voce *quali*, quam pro *quale* hie habent a. e. A.

bili formidine agitur. Quo modo effugiemus hanc volutationem? uno, si vita nostra non prominebit<sup>1</sup>, si in se colligetur: ille enim ex futuro suspenditur, cui irritum est præsens. Ubi vero, quidquid mihi debui<sup>2</sup>, redditum est; ubi stabilita mens<sup>3</sup> scit, nihil interesse inter diem et sæculum; quidquid deinceps dierum rerumque venturum est, ex alto prospicit, et cum multo risu seriem temporum cogitat. Quid enim varietas mobilitasque casuum perturbabit, si certus sis adversus incerta? Ideo<sup>10</sup> propera, Lucili mi, vivere; et singulos dies, singulas vitas puta. Qui hoc modo se aptavit<sup>4</sup>; cui vita sua quotidie fuit tota; securus est. In spe viventibus, proximum quodque tempus elahitur, subitque aviditas<sup>5</sup>, et miserimus, ac miserrima omnia efficiens, metus mortis. Inde illud Mæcenatis<sup>6</sup> turpissimum votum, quo et debilitatem

Schw. — Lipsio placuit: *quale collectu, mens inexpl.* Gronovio: *aut quale conjectantes inexpl. f. a. R.* — Non collecta explicatur sequentibus: *si in se colligetur*, et verbi potest: *Quin'est pas recueillie en elle-même.*

1. Non prominebit. Int. in futurum.

2. Quidquid mihi debui. Scilicet mihi debeo, ut præsens tempus ad collocandam sapientiam conferam.

3. Stabilita mens, collecta in se. Pertinent huc Horatiana illa Carm. III, 29, 41 sq. ubi Mitscherlich. et Dörriog. amiciss. Senecæ memores fuere, quos videas. Ruhk.

4. Aptavit. Sic rescripsi loco: *optabit*, Stephano Epist. ad Dalcamp. 21 secutus. Ruhk.

5. Avid. Viveodi, futuri temporis.

6. Mæcenatis. Parum amico animo in Mæc. fuisse Senecam constat. Sæpius enim eum carpsit, quam propter lasciviam vitæ, tum propter luxuriam styli. Vide de Provid. 3, 9. Ep. XCII,

114. Præter Meibomii librum: Mæcenat. Lugd. Bat. 1653, 4, laudantur quoque *les Recherches sur la vie de Mécène, par M. Souchay*. In scriptis ejus fucere etiam carmina, uode hi versos desumpti esse videntur, in quos Sen. acerbissime invehitur. Meibomius tamen, p. 154, excusat Mæcenatem scholæ Epicuri, quam Mæcenat. scetabatur, dogmatibus, in quibus et illud laudat ap. Diog. Laert. X, 119, τὸς σοφὸν καὶ περὶ τὴν τῆς ἐφ' ἡμῶν πᾶσι βίαν. Eoimvero multo justior defensio Mæcenatis cootra Senecam a natura potius utique lyricæ peti posset: quam tamen angustia hujus loci non capit. Versus 6 et 7 disquisitionibus Gc. Calixti, Theologi olim helmstad. doctissimi, lucem acceperunt, probatis Salmasio al., et nuper Paulo ad Matth. XXVII, 32. (Vol. III, p. 745 sqq. ed. 1.) Demostravit autem, præter arctetarium stipitem ipsius crucis et ejus aoten-

non recusat, et deformitatem, et novissime acutam crucem, dummodo inter hæc mala spiritus prorogetur :

- 11      Debilem facito manu<sup>1</sup>,  
             Debilem pede, coxa ;  
             Tuber adstrue gibberum,  
             Lubricos quate dentes :  
             Vita dum superest, bene est !  
             Hanc mihi, vel acuta  
             Si sedeam cruce, sustine.

- 12      Quod miserrimum erat, si incidisset, optatur; et tanquam vita petitur supplicii mora<sup>2</sup>. Contemptissimum putarem, si vivere vellet usque ad crucem. Tu vero, inquit, me debiles licet, dum spiritus in corpore fracto et inutili maneat; depraves licet, dum monstroso et distorto<sup>3</sup>, temporis aliquid accedat; suffigas licet, et acutam sessuro crucem subdas : est tanti<sup>4</sup>, vulnus suum premere, et patibulo pendere dstrictum, dum differat, id

nam, cui manus infingerentur, fuisse in medio stipitis palam quemdam, instar sedilis, acutum, cui suspendendus insideret et velut inequitarer, ac defunctus putresceret. Cf. Meibom. c. 24, p. 152 sq. Quomius Jo. Gurlittus amicis. in *Wiedeburg. humanist. Magaz.* V, p. 353, de poena servorum ἡ ἐκτόφη dicta, palo per corpus adacto, explicanti assentiri possum, impediunt sequentia verba : *et acutam sessuro crucem subdos. R.*

1. *Debilem... manu.* Hos versus pro Ithyphallicis habito Bern. Brissson. formol. I in aliquem Glyconiorum versuum hunc ordinem redegit. Ultimus versos : *Si sedeam cruce, sustine* ex antiq. codd. restitutus est a Pine. Pronuncies : *Si sedam*; recte enim Jo. Gurlittus amicis. in *humanist. Magaz.* V, p. 353, syllabas monet *eo, ra, ua*, etc. contrahi solere : cf. Poetica major Giessens. p. 159. Salmassii al.

conjecturas affert Meibom. Mæcenas p. 151 sqq. *R.*—Quos versus sic vertit Noster *La Fontaine* (lib. I, fab. xv) :

*Mécénas fut un galant homme.  
 Il a dit quelque part : Qu'on me rende impos-  
 sent,  
 Cui-je-jette, goutteux, manchot, pourvu qu'en  
 somme  
 Je vive, c'est assez ; je suis plus que content.*

Idem sequentem fabulam concludit acuta sententia priori cognata :

*Le trépas vient tout guérir ;  
 Mais ne bougeons d'où nous sommes :  
 « Plutôt souffrir que mourir, »  
 C'est la devise des hommes.*

2. *Supplicii mora.* Nam erat in extremis Mæcenatis, *sustine*, id est, serva mihi vitam et extende, etiam in cruce, ultimisque malis. *Lips.*

3. *Distorto* nonnulli palat. at editio vetus *deserto*. Margo cod. Col. *discripto. Ruhk.*

4. *Est tanti*, sc. pretii. Paulus tamen ad Matth. 27, 42, p. 748 ed. 1,

quod est in malis optimum, supplicii finem : est tanti, habere animam, ut agam<sup>1</sup>!— Quid huic optes, nisi Deos 13 faciles? quid sibi vult ista carminis effeminati turpitudine? quid timoris dementissimi pactio? quid tam fœdæ vitæ mendicatio? Cui putes<sup>3</sup> unquam recitasse Virgilium,

Usque adeone mori miserum est<sup>4</sup>?

Optat ultima<sup>5</sup> malorum, et, quæ pati gravissimum est, extendi ac sustineri cupit : qua mercede? scilicet vitæ longioris. Quod autem vivere est<sup>6</sup>, diu mori? Invenitur 14 aliquis, qui malit inter supplicia<sup>7</sup> tabescere, et perire membratim, et toties per stillicidia amittere animam, quam semel exhalare? Invenitur qui velit adactus ad illud infelix lignum<sup>8</sup>, jam debilis, jam pravus, et in fœdum scapularum ac pectoris tuber elisus, cui multæ moriendi causæ etiam citra crucem fuerant, trahere animam tot tormenta tracturam? Nega nunc magnum beneficium 15 esse naturæ, quod necesse est mori. Multi pejora adhuc pacisci parati sunt; etiam amicum prodere, ut diutius vivant; et liberos ad stuprum manu sua tradere, ut

emendat : *Est contentus.—Est tanti... finem* Num hæc tantam æstimationem merentur? *Ruhk.*

1. *Habere animam, ut agam* (eam). Non alio fine vivere, quam ut moriens vivam; habeam animam ut semper emittam. *Lips.*

2. *Deos faciles* in ejus vota : meruit exaudiri. Cæterum similia landat *Lipsius* ex *Hom. Odys.* 1, 488. *Eurip.* *Iphig.* A. 1218 sqq. *Ruhk.*

3. *Cui putes, a. e. A. Cui putas* ed. *R.* *Huic putas* vulgo. *Schw.*—Cæterum putamus hic cui esse pro huic atque ita intelligendum. At non intelligimus quomodo e contextu

*Lagrange* hanc versionem elicerit : *Était-ce ainsi que Virgile mendiait la vie, lorsqu'il s'écriait...*

4. *Usque... miserum est?* Virgilius versus est *Æn.* XII, 646. *Ruhk.*

5. *Ultima malorum.* Quæ in malis sunt æreissima.

6. *Quod autem vivere est?* (I. e. quænam autem hæc vita est?) *a. e. A. Schw.*—Vulgo : *quid autem huic vivere est?*

7. *Qui malit inter suppl.* Sic edd. ex *Erasmii* emend. qui velit dabant libri vet. quod ferri non poterat, nisi dein poneret *potius quam*, etc. *Schw.*

8. *Infelix lignum.* Ita craterem vo-

contingat lucem videre, tot consciam scelerum. Excusanda vitæ cupido est, discendumque, nihil interesse, quando patiaris quod quandoque patiendum est. Quam bene vi-vas refert, non quamdiu; sæpe autem in hoc est bene, ne diu<sup>1</sup>. Vale.

cari docoit Lips. in libellis de illa re. sæpe virtus suadet, ut vitam effun-  
t. *In hoc est bene, ne diu.* Quia damos, v. e. pro patria.

## EPISTOLA CII.

### CLARITATEM POST MORTEM BONUM ESSE.

Occupatio in cogitatione de æternitate animarum sibi supervenisse narrat epistolam Lucilii, in qua objicit Senecæ, quod non solverit objectionem adversariorum, claritatem idecirco bonum non esse posse, quod ex distantibus constet. Quod quia non ad mores s. Ethicam pertineat, se distulisse profitetur. Jam quum doctrinam Stoicorum de corporibus præmisisset, accedit ad probationem dogmatis, claritatem esse bonum: ac primum quidem laudare dignos esse actionem honestam. Deinde, quæ unus bonus vir judicat bona, ea omnes viri boni judicent oportet: quandoquidem veritatis una vis, una facies est. Tum non est bonum ex distantibus constans; laus enim non vox est, quæ bonum non est, sed sententia: aliud enim est laus, aliud laudatio quæ vocem exigit. Laus autem judicii continetur, atque refertur ad animum, non ad verba. Claritas itaque laus est honorum, quæ sine voce contingere potest, quom gloria et fama vocem desiderent et multorum judiciis censeantur. Laus est et laudati et laudantis. Sed satius est, in immensum meotem suam extendere, quam his disputationibus operam dare. Magna autem et generosa res humanus animus, cujus patria est mundus, cujus cogitationi omne tempus patet ad divina nati et aliquando subvolanturi.

### SENECA LUCILIO SUO SALUTEM.

QUOMODO molestus est jucundum somnium videnti, qui excitat (aufert enim voluptatem, etiamsi falsam, effectum tamen veræ habentem): sic epistola tua mihi

fecit injuriam; revocavit enim me, cogitationi aptæ<sup>1</sup> traditum, et iturum, si licuisset, ulterius. Juvabat de *Eternitate*<sup>2</sup> animarum quærere, imo mehercules credere: credebam enim me facile<sup>3</sup> opinionibus magnorum virorum, rem gratissimam promittentium magis, quam probantium. Dabam me spei tantæ: jam eram fastidio<sup>4</sup> mihi; jam reliquias ætatis infractæ contemnebam, in immensum illud tempus, et in possessionem omnis ævi transiturus; quum subito experrectus sum epistola tua accepta, et tam bellum somnium perdidi. Quod repetam, si te dimisero, et redimam.

Negat me epistola prima<sup>5</sup> totam quæstionem explicuisse, in qua probare conabar id, quod nostris placet, «claritatem, quæ post mortem contingit, bonum esse.» Id enim me non solvisse, quod opponitur nobis: Nullum, inquiunt, bonum ex distantibus<sup>6</sup>; hoc autem ex distantibus constat. — Quod interrogas<sup>6</sup>, mi Lucili, ejusdem quæstionis est, loci alterius; et ideo non hoc tantum, sed alia quoque eodem pertinentia, distuleram. Quæ- 4

1. *Aptæ*. I. invicem nexæ. Lipsius emendat *oltræ*. *Ruhk.*

2. *Juvabat de æternitate... probantium*. Sæpe jam vidimus, nutare nostrum super hac re, et velle magis quam credere. Egit de hoc Lipsius *Physiol. stoic.* III, 11. Cf. *Couvii Abhandlungen* supra laud. p. 90 sqq. Cæterum idem passus est quod Cicerone *Tusc. Qu. I*, 11: «Nescio quomodo, dum lego, assentior: quum posui librum et mecum ipse de immortalitate animorum corpori cogitare, assensio omnis illa elabitor.» *Ruhk.*

3. *Me facile*. Sic omnes fere codd. et vetustæ edd. Antea sine: *me*. *R.*

4. *Negat me epistola prima*. (1. e. initium tuæ epistolæ negat me, etc.)

Sic vet. libri. *Negus* edd. ex Erasmi ingenio. Alii *neget*. *Schw.* — *Ruhk.* qui edidit *negas* sic de hæc epistola prima disserit: Lipsius de epistola Senecæ intelligit, quam ipse observavit non exstare. Fortasse *epistola prima* est prior tuæ epistolæ pars, in qua Lucilius explicare voluit, etc. Ita referas ad *negas* etc. *Id enim me non solvisse*. *Ruhk.*

5. *Ex distantibus*, i. quorum partes separatæ sunt. *R.* — Cf. infra § 6 (et ibi not. 4); cujus loci *Lagrange* oblitus vertit: *Distant de nous*.

6. *Quod interrogas... alterius*: i. e. ad eandem quæstionem pertinet, sed in altera disciplina, i. e. in Logica tractatur. *Ruhk.*

dam enim, ut scis, moralibus rationalia<sup>1</sup> immixta sunt. Itaque illam partem rectam<sup>2</sup>, et ad mores pertinentem, tractavi: Numquid stultum sit ac supervacuum, ultra extremum diem curas transmittere? an cadant bona nostra nobiscum, nihilque sit ejus, qui nullus est? an ex eo, quod, quum erit, sensuri non sumus, antequam sit<sup>3</sup>, ali-  
 5 quis fructus percipi, aut peti possit? Hæc omnia ad mores spectant; itaque suo loco posita sunt. At quæ a dialecticis contra hanc opinionem dicuntur, segreganda fuerunt; et ideo seposita sunt. Nunc, quia omnia exigis, omnia, quæ dicunt, persequar; deinde singulis occurram.

Nisi aliquid prædixero, intelligi non poterunt, quæ  
 6 refellentur. Quid est, quod prædicere velim? Quædam continua esse corpora<sup>4</sup>, ut hominem; quædam esse composita, ut navem, domum, omnia denique quorum diversæ partes junctura in unum coactæ sunt; quædam ex

1. *Rationalia*. Logica, dialectica.

2. *Rectam*, et e eodd. pal. et edit. veteri recepi. Antea: *recta ad* ex ingenio Mureti. *Ruhk.*

3. *An ex eo, quod, quum erit, sensuri non sumus, antequam sit, aliquis*. Com Gronovio trium mss. lectionem dedi. — *An ex eo. possit*. i. e. an ex fama postuma, quam quum habebimus, sensuri non sumus, quippe mortui, antequam sit et existat postuma fama, sive antequam mortui nobis sit superstes, nunc statim aliquis fructus percipiatur. *Gronov.*

4. *Quædam continua esse corpora*, etc. Vides hic subtilem Stoæ divisionem corporum adumbratam, sed non plene explicatam. Attingit post Lipsii *Physiol.* II, 4. Tizdemann *System* II init. Etsi res non usquequaque clara sit, quoniam fontes pri-

marii exaruerunt, tamen patet: primum voci σῶμα, *corpus*, novam vim tribui a Stoicis, quippe qui quum omne id, quod quid efficit, tot actiones ita appellant: deinde omnes res vocarunt corporalia, 1<sup>o</sup> quæ quin vere exstent nemo dubitat; 2<sup>o</sup> quæ sensuum præsidio enoscuntur; 3<sup>o</sup> omnia solida. Jureconsultos rom. etiam hanc doctrinam de corporibus eorumque partibus recepit oculus est: cf. Gataker ad M. Antonin. VII, 13, p. 264. *Ruhk.* — Ipsa hæc divisio in Plutarchi præceptis conubialibus: « Philosophi aiunt corporum alia ex distantiis constare, ut elassem et exercitum; alia ex compositis, ut domum et navem: alia denique unita et continua esse ut quodque animalium. » Eadem in Pomponio Jc<sup>to</sup>. q. xxx, De usurpationibus. *Lipsius.*



distantibus, quorum adhuc membra separata sunt, tanquam exercitus, populus, senatus: illi enim, per quos ista corpora efficiuntur, jure aut officio cohærent, natura diducti et singuli sunt. Quid est, quod etiam nunc prædicere velim? Nullum bonum putamus<sup>1</sup> esse, quod ex distantibus constat: uno enim spiritu<sup>2</sup> unum bonum contineri ac regi debet, unum esse unius boni principale. Hoc, si quando desideraveris, per se probatur; interim ponendum fuit, quia in nos nostra tela<sup>3</sup> mittuntur.

«Dicitis, inquit<sup>4</sup>, nullum bonum ex distantibus esse; 8 claritas autem ista, bonorum virorum secunda opinio<sup>5</sup> est. Nam quomodo fama non est unius sermo, nec infamia unius mala existimatio; sic nec claritas, uni bono placuisse. Consentire in hoc plures insignes et<sup>6</sup> spectabiles viri debent, ut claritas sit. Hæc autem ex judiciis plurimum efficitur, id est, distantium: ergo non est bonum. Claritas, inquit<sup>7</sup>, laus est a bonis bono reddita; laus oratio; oratio vox est; aliquid significans; vox autem, licet bonorum virorum sit, bonum non est. Nec enim, quid-

1. *Nullum bonum putamus.* Nexus sententiarum eo continetur, quod virtutes, vitia, alia, adeoque bonum in corporum numero esse, statuebant Stoici. Cf. Tiedemann l. l. p. 14 sqq. Ruhk.

2. *Uno enim... principale.* Quæ una vi, sola virtute reguntur, corpora continua, τὰ ὁμολογούμενα; ἕκαστος ἰσχυρὸς αὐτῶν ait Sext. Emp. adv. Phys. I, cap. 2. *Unus spiritus* est principium dirigens: principale, i. e. primarium principium, respectu utique practico. R. — Sie Pomponius quæ sunt continua corpora his ipsis verbis definiebat: quæ continentur uno spiritu.

3. *Quia in nos nostra tela mittuntur.* Sic ex conject. correxi, quum

nos ante nostra intercidisset in a. c. R. A. *Quo nostra tela nitatur* ed. Mur. Lips. et Bip. ex Mureti iog. *Quia inde nostra tela mittuntur* ed. Grou. et Ruhk. ex Lipsii conject. contra mentem auctoris. Schw. — La-grange vertit: *Puisque c'est l'arsenal d'où nous tirons nos armes*, ut videatur eandem ac Ruhk. lectionem secutus.

4. *Inquit.* Objectione adversariorum, bonum non esse claritatem. Ruhk.

5. *Secunda opinio.* Amiea et favens. Lips.

6. *Et spectabiles.* Vulgo et præstantes, iuvitis mss. Schw.

7. *Claritas, inquit.* Transit ad aliam objectionem.

quid vir bonus facit, bonum est; nam et plaudit, et sibilat; sed nec plausum quisquam, nec sibilum, licet omnia ejus admiretur et laudet<sup>1</sup>, bonum dicit; non magis quam sternutamentum<sup>2</sup>, aut tussim. Ergo claritas bonum non est. Ad summam, dicite nobis, utrum laudantis,  
 10 an laudati bonum sit? Si laudantis bonum esse dicitis, tam ridiculam rem facitis, quam si affirmetis meum esse, quod alius bene valeat. Sed laudare dignos, honesta actio est: ita laudantis bonum est, cujus actio est; non nostrum, qui laudamur: atqui hoc quærebatur.»

11 Respondebo nunc singulis cursim. Primum<sup>3</sup>, an sit aliquid ex distantibus bonum, etiam nunc quæritur; et pars utraque sententias habet. Deinde, claritas non desiderat multa suffragia; potest et unius boni viri<sup>4</sup> iudicio esse contenta:  
 12 nam omnes bonos bonus unus iudicat<sup>5</sup>. — « Quid ergo? inquit, et fama erit unius hominis existimatio, et infamia unius malignus sermo? Gloriam quoque, inquit, latius fusam intelligo; consensam enim multorum exigit. » — Diversa horum conditio est, et illius<sup>6</sup>. Quare? quia, si de me bene vir bonus sentit, eodem loco sum, quo, si

1. *Licet omnia... laudet.* Int. idem ille qui omnia ejus boni viri admiratur et laudat, non tamen dicit plausum ejus aut sibilum bonum esse.

2. *Sternutamentum.* Ms. a. *sternumentum.* Schw.

3. *Primum... habet.* Nihil nobis uberius restat ex hisce disputationibus, nec quidquam earum sciremus, nisi Seneca nobis servatus esset. Patet tamen, adhuc sub iudice litem fuisse; itaque nec ipse quidquam definire audeat. *Ruhk.*

4. *Unius boni viri*, quasi io abstracto cogitati, sapientis, cui non gloriam, sed claritatem tribuebant,

sicut quum non ἰνδεδέον, sed ἐνάλεον esse dicebant, probante Lipsio ex Philone judæo super verbis: « Evidilavit Noe. » *Ruhk.*

5. *Nam omnes bonos bonus unus iudicat.* Schweigh. dat nos bonos bonus iudicat, ex ms. a. t. R. — *Ruhkop.* explicat vulgatam *bonus unus*: quasi loco omnium. Eandem sententiam prodidit Apost. Paulus in Ep. 1 ad Corinth. II, 15, 16, ubi πνευματικός i. bonus, sensu stoico, omnia judicare dicitur, a nemine autem (φύλαξεν, stulto, ἀπειδείν, ἰδιώτη) iudicari posse.

6. *Horum* (nempe *fama, gloria*,

omnes boni idem sentirent; omnes enim, si me cognoverint, idem sentient. Par illis idemque iudicium est; <sup>13</sup> æque vero insistitur<sup>1</sup> ab his, qui dissidere non possunt. Ita pro eo est, ac si omnes idem sentiant, quia aliud sentire non possunt. Ad gloriam aut famam non est satis unius opinio. Illic idem potest unius sententia, quod omnium; quia omnium, si perrogetur<sup>2</sup>, una erit: hic diversa dissimilium iudicia sunt, dissimiles affectus; dubia omnia invenias, levia, suspecta. Putas tu posse unam <sup>14</sup> omnium esse sententiam? non est unius una<sup>3</sup> sententia. Illi<sup>4</sup> placet verum; veritatis una vis, una facies est: apud hos falsa sunt, quibus assentiuntur. Nunquam autem falsis constantia est; variantur et dissident. — « Sed laus, <sup>15</sup> inquit, nihil aliud quam vox est: vox autem bonum non est. » — Quum dicant, claritatem esse laudem bonorum, a bonis redditam; jam non ad vocem referunt, sed ad sententiam. Licet enim vir bonus taceat, sed aliquem iudicet dignum laude esse, laudatus est<sup>5</sup>. Præterea, aliud est *laus*<sup>6</sup>, aliud *laudatio*: hæc et vocem exigit: itaque nemo dicit *laudem funebrem*, sed *laudationem*, ejus officium oratione constat. Quum dicimus aliquem *laude* <sup>16</sup> *dignum*, non verba illi benigna hominum, sed iudicia

aliorumque, quæ ut infra dicit, § 18, *multarum iudiciis constant*.... illius (sempe claritatis, quæ iudicium est bonorum).

1. *Æque vero insistitur ab his qui dissidere non possunt.* Sic vulgo ex Erasmi maxime ing. Videndum quid lateat sub vetere scriptura, æque vero (sic ms. a. Vere c. A. Vera ed. R.) inficiscitur (inficitur «aus Pinciani, prospicitur ed. A.): dissentire non p. S. — Muretus æque vero sentitur ab his q. d. n. p. Int. æque viam illam veri boni omnes premunt. R.

2. *Perrogetur.* Supple: vox Curiae (quum Consul omnium sententias ordine exquirat). Lips.

3. *Non est unius una.* Nam variant, et nemo, sapiente excepto, sibi constat. Lips.

4. *Illi* (sc. viro bono) a. c. R. A. Illis edd. a Mureto. Schw.

5. *Laudatus est.* Is scilicet, quem vir bonus vel tacite iudicat laude dignum esse.

6. *Aliud est laus, aliud laudatio.* En subtilitatem admodum arbitriam! Interdum laus et laudatio

promittimus. Ergo laus etiam <sup>1</sup> taciti est bene sentientis, ac bonum virum apud se laudantis. Deinde, ut dixi, ad animum refertur laus, non ad verba, quæ conceptam laudem egerunt, et in notitiam plurium emittunt. Laudat, qui laudandum esse judicat. Quum Tragicus <sup>2</sup> ille apud nos ait, « Magnificum esse laudari a laudato viro; »  
 17 laude digno, ait. Et quum æque antiquus Poeta <sup>3</sup> ait,

..... Laus alii artes,

non laudationem dicit, quæ corrumpit artes: nihil enim æque et eloquentiam, et omne aliud studium auribus deditum vitiavit, quam popularis assensio. Fama vocem utique desiderat, claritas non; potest enim citra vocem contingere, contenta iudicio: plena est, non tantum inter  
 18 tacentes, sed etiam inter reclamantes. Quid intersit inter claritatem et gloriam, dicam. Gloria multorum iudiciis constat, claritas honorum.

« Cujus, inquit <sup>4</sup>, bonum est claritas, id est, laus bono a bonis reddita? utrum laudati, an laudantis? » — Utriusque: meum, qui laudor <sup>5</sup>; quia natura me amantem omnium genuit, et bene scisse gaudeo, et gratos me invenisse virtutum interpretes lætor. Hoc plurium bonum est, quod grati sunt; sed et meum. Ita enim animo compositus sum, ut aliorum bonum meum iudicem; utique

synonyma fuere. Apud Liv. VIII, 40, *laudes funebres* occurrunt. *Ruhk.*

1. *Ergo laus etiam... sentientis.* I. Ergo ille etiam qui tacitus bene sentit de viro bono, illi laudes dat.

2. *Quum tragicus ille, etc.* Cn. Nævium, qui tempore Scipionis majorem Romæ, respici putat Lipsius. Tragediis et Comædiis scribendis bello punico I. celebris fuit. Laudat hæc a Seneca adhiæta etiam Cicero

Epist. ad Div. V, 12 nr. 25, 15, 6.

3. *Æque antiquus poeta*, quis fuerit, non constat. *Ruhk.*

4. *Cujus, inquit... Utriusque, etc.* Nam bonum omne id est, quod prodest, nec ab utilitate distat, s. quod semper et sine mutatione iis, qui ratione præditi sunt prodest. Cf. Tiedemann System II, p. 35 sqq. *Ruhk.*

5. *Meum, qui laudor.* Int. quasi scriptum esset: *mei, qui laudor.*

eorum, quibus ipse sum boni causa. Est istud laudantium bonum; virtute enim geritur<sup>1</sup>: omnis autem virtutis actio bonum est. Hoc contingere illis non potuisset, nisi ego talis essem. Itaque utriusque bonum est, merito laudari; tam mehercule, quam bene judicasse<sup>2</sup>, judicantis bonum est, et ejus, secundum quem judicatum est. Numquid duhitas, quin justitia et habentis bonum sit, et ejus, cui debitum solvit? Merentem laudare, justitia est: ergo utriusque bonum est.

Cavillatoribus istis abunde responderimus<sup>3</sup>. Sed non debet<sup>4</sup> hoc nobis esse propositum, arguta disserere, et philosophiam in has angustias ex sua majestate detrahere. Quanto satius est, ire aperta via et recta, quam sibi ipsi flexus disponere, quos cum magna molestia debeas relegere? neque enim quidquam aliud istæ disputationes sunt, quam inter se perite captantium lus. Dic<sup>5</sup> potius, quam naturale sit, in immensum mentem suam extendere. Magna et generosa res est humanus animus; nullos sibi poni<sup>6</sup>, nisi communes et cum Deo, terminos patitur. Primum, humilem non accipit patriam, Ephesum aut Alexandriam, aut si quod est etiam tunc frequentius incolis, latius<sup>7</sup> tectis solum. Patria est illi, quodcum-

1. *Virtute enim geritur.* Virtus enim eos impulsit, ut laudarent virum bonum: ergo bene faciunt quum laudant laude dignum; ideoque laus illa bonum laudantium est.

2. *Bene judicasse.* Respicit Seneca iudicem in tribunali sedentem, affirmatque æquum iudicium et iudicis qui æquitati paruit, et illius qui jure suo viciat, bonum esse.

3. *Responderimus.* Sic ed. Lips. et sqq. ex conj. Pinc. *Respondebimus* dabant libri veti. *Respondimus* ed.

Mur. Schw.—Int. possemus respondere; resp. facile esset.

4. *Debet, a. c. A.* Vulgo debuit. S.

5. *Dic potius, quam naturale sit.* E. e. quantopere necessarium sit naturam et rationis leges sequi. Ruhl.

6. *Nullos sibi poni... patitur.* De hac necessitudine inter Deos et homines multi sunt Stoici, imprimis Seneca; e. c. De Tranq. an. 8. De provident. 1, Ep. 111, 11, not. 66, et Epictet. Enchirid. c. 15. Ruhl.

7. *Latius.* Perperam latius edd. S

que suprema et universa circuitu suo cingit; hoc omne convexum, intra quod jacent maria cum terris; intra quod aer, humanis divina secernens, etiam <sup>1</sup>conjungit; in quo disposita <sup>2</sup>tot numina <sup>3</sup>in actus suos excubant. Deinde, arctam ætatem sibi dari non sinit: omnes, inquit, anni mei sunt; nullum sæculum magnis ingeniis clusum est, nullum non cogitationi pervium tempus. Quum venerit dies ille, qui mixtum hoc divini humanique secernat; corpus hic <sup>4</sup>, ubi inveni, relinquam; ipse me <sup>5</sup>Diis reddam. Nec nunc sine illis sum, sed gravi <sup>6</sup>terrenoque <sup>7</sup>detineor carcere. Per has mortalis ævi moras illi meliori vitæ longiorique proluditur <sup>8</sup>. Quemadmodum <sup>9</sup>novem mensibus tenet nos maternus uterus, et præparat non sibi, sed illi loco, in quem videmur emitti, jam idonei spiritum trahere, et in aperto durare; sic per hoc spatium, quod ab infantia patet in senectutem, in alium naturæ maturescimus <sup>10</sup> partum. Alia origo nos expectat, alius rerum status. Nondum cælum, nisi ex intervallo, pati possumus.

1. *Secernens, etiam conjungit.* Nam super aerem cælum statim excipit, ubi Dii, i. e. æterni ignes. Idemque conjungit, quia terram cum cælo mediis interjectis necit. *Ruhk.*

2. *In quo disp.* Sic Schw. ex suis mss. Vulgo intra quod. Schw.

3. *Disposita tot numina.* Partim cælo, partim aere, terra, mari; quæ plena scilicet omnia geniorum.

4. *Corpus hic.* Perperam corpus hoc edd. a Mur. Schw.

5. *Ipsæ me.* *Ipsis me Diis,* c. A. S.

6. *Sed gravi terrenoque.* Omnes quos novimus Stoicos corpus cum vinentis custodiaque ad exemplum Platonis aliorumque comparasse, notum est. Cf. Senec. Consol. ad Helv.

ad Marc. passim, Ep. LXV, 16. *Ruhk.*

7. *Carcere.* Aberat vulgo; recipimus ex c. A. Schw.

8. *Proluditur.* l. præluditur. Conf. Gronov. ad Senec. trag. Hercul. fur. 222. *Ruhk.*

9. *Quemadmodum...partum.* Eadem sententiam plebram ap. Indiæ sapientes, quos Brachmanas vocabant (nunc Brahminos dicunt) viguisse, patet e Megasthene Strabonis XV p. 822, quam Lipsius hic laudat et perperam ab iis ad Græcos manasse statuit, quum potius a Zoroastre in Indiam profecta videri debeat. Cf. Buhlîi amicis. *Lehrbuch der Gesch. der Philos.* 1, p. 97 sqq. *Ruhk.*

10. *In alium naturæ maturescimus*

Proinde intrepidus horam illam decretoriam<sup>1</sup> prospice ;<sup>14</sup>  
 non est animo suprema , sed corpori. Quidquid circa te  
 jacet rerum , tanquam hospitalis loci sarcinas specta ;  
 transeundum est. Excudit redeuntem<sup>2</sup> natura , sicut in-  
 trantem. Non licet plus efferre , quam intuleris ; imo  
 etiam ex eo , quod ad vitam attulisti , pars magna po-  
 nenda est. Detrahatur tibi hæc circumjecta , novissimum<sup>15</sup>  
 velamentum tui , cutis ; detrahatur caro et suffusus san-  
 guis discurrensque per totum ; detrahentur ossa nervique ,  
 firmamenta fluidorum ac labentium. Dies iste , quem  
 tanquam extremum reformidas , æterni natalis est<sup>3</sup>. De-  
 pone onus ! quid cunctaris , tanquam non prius quoque ,  
 relicto , in quo latebas , corpore exieris ? Hæres , relu-  
 ctaris ; tunc quoque magno nisu matris expulsus es. Ge-  
 mis , ploras ; et hoc ipsum flere , nascentis est. Sed tunc  
 debebat ignosci : rudis et imperitus omnium veneras ;  
 ex maternorum viscerum calido mollique fomento emis-  
 sum afflavit aura liberior , deinde offendit duræ manus  
 tactus ; tenerque adhuc , et nullius rei gnarus , obstu-  
 puisti inter ignota. Nunc tibi non est novum , separari

*partum.* Inepte olim edd. in *alium naturæ sumitur partum.* Plures , *naturæ simus* aut *sumus.* Recte *ma- turescimus* ed. Rnhk. et sic fere ms. a. sed delendum erat vocab. *naturæ.* S.

1. *Horam illam decretoriam.* Quasi dicas *ἡμετέραν* et iudicialem. Nam de- cernit iudex , quum sententiam pro- fert , et in alterutrum statuit : hinc *arma decretoria* quæ *lucoris* noster opponit , Ep. cxvii , quibus de vic- toria , aut vita cernitur. Item *decreto- rius stylus* , 1 de Clem. cap. 16 , quo pater filium damnat , et exheredem facit. Neque aliter Plinius , *canicula- sidus vis decretorium* dixit : item ,

*Diem quo aquila oritur , florentibus oleis decretorium.* Lips.

2. *Excudit redeuntem.* Inquirat in te , utrum aliena tecum afferas , ni- hil enim præter animum apportabis. Rnhk. — Nobis autem videtur in- quisi- tionis sensum non esse in verbo *excudit* ; sensus : nihil nobis defunctis nisi animum relinquit natura ; nos exiit omnibus externis.

3. *Æterni natalis est.* Scil. æternæ vitæ. Facit ad immortalitatem animi , sensu quodam suo Stoicis ereditam , et ambigue ereditam. Phys. III , 12. Lips. — Lagrange : *Ce jour... est celui de votre naissance pour l'éternité.*

ab eo, cujus ante pars fueris<sup>1</sup>; æquo animo membra jam supervacua dimitte, et istud corpus inhabitatum diu pone.

- 27 Scindetur, obruetur, abolebitur. Quid contristaris? ita solet fieri! pereunt sæpe<sup>2</sup> velamenta nascentium. Quid ista sic diligis, quasi tua? istis opertus es! Veniet, qui te revelet, dies, et ex contubernio fœdi atque olidi ventris educat.

Hinc nunc quoque tu, quantum potes, subvola; carisque<sup>3</sup> etiam ac necessariis cohære, ut alienus<sup>4</sup>. Jam hinc altius aliquid sublimiusque<sup>5</sup> meditare. Aliquando<sup>6</sup> naturæ tibi arcana retcegentur, discutietur ista caligo, et lux undique clara percutiet. Imaginare tecum, quantus ille sit fulgor, tot sideribus inter se lumen miscentibus. Nulla serenum umbra turbabit; æqualiter splendet omne cæli latus;

1. *Nunc tibi non est novum...fueris.* Non hoc tibi est novum; nam jam olim separatus es a ventre matris cujus pars eras.

2. *Sæpe* vet. libr. omnes. *Semper* edd. ex Pinciani conj. *Æque* conjectabat Grut. Schw.

3. *Subvola*; *carisque*, etc. Schw. in textum inserit duplicem lectionem: *Carisque, nisi etiam necessariis*, [sive *carisque etiam ac necessariis*]. Locus, inquit, in vet. libr. omnibus misere corruptus, in quo latus conjecturis campus. Vulgo ex Lipsii maxime conj. *subvola: utique etiam necessariis, quæ cohærebant, alienus.* Ms. a. sic habet, *subvoluptari quæ nisi quæ necessariisque cohærebit alienus.* Ms. e. *subvola ubique nisi a necessariis quæ cohærebant alienus.* Sed hunc locum, itemque alios, quos transvolare nunc eogor, alio tempore, si Deo placuerit, excutiemus. Schw.—Ruhkopfius, qui Lipsii lectionem secutus est: magna,

inquit, et intriesta varietas lectionis et emendationum est. Vulgata olim: *subvolutaris quæ nisi etiam necessariis coh.* Unde Pine. *subvola: ab aliis nisi quæ etiam necessariis.* At mss. pal. et Gronovii: *subvolutaris qui utique necessariisque cohærebit.* Hinc Gronov. fecit: *Hinc nunc quoque tu, quantum potes, subvola: caris quoque necessariisque cohære, ut alienus.* Manum abstinco. Ruhk.

4. *Cohære, ut alienus.* Int. sic vel amicos et necesarios tuos dilige, ut eos primo jussu fortunæ relieturus.

5. *Altius aliquid sublimiusque.* Nam videtur, inquit Themistius, ipsam reū θανάτου, id est, mortis nomen, hominem e vita migrantem in sublime ferre, εὐλ' αὖ τοις θεῶν, id est sursum ad Deum vehere. Lips.

6. *Aliquando... retcegentur.* Hoc Stoici agere volebant. Animum astris sociatum, illa et naturam rerum totam contemplari: quod ipsum et Deus illis erat. Cicero (in fragm. ex Hor-



dies et nox acris infimi vices sunt. Tunc in tenebris vixisse te dices, quum totam lucem totus aspexeris; quam nunc, per angustissimas oculorum vias, obscure intueris, et tamen admiraris illam jam procul<sup>1</sup>. Quid tibi videbitur divina lux, quum illam suo loco videris? Hæc cogitatio nihil sordidum animo subsidere sinit, nihil humile, nihil crudele. Deos rerum omnium esse testes ait; illis nos approbari<sup>2</sup>, illis in futurum parari jubet, et æternitatem proponere; quam qui mente concepit, nullos horret exercitus, non terretur tuba, nullis ad timorem minis agitur. Quidni non timeat<sup>3</sup>, qui mori sperat? si is quoque, <sup>4</sup> qui <sup>30</sup> animum tamdiu judicat manere quamdiu retinetur corporis vinculo, solutum<sup>5</sup> statim spargi, id agit, ut etiam post mortem utilis esse possit. Quamvis enim ipse ereptus sit oculis, tamen .

Multa viri virtus animo, multusque recensat  
Gentis honos<sup>6</sup>.

Cogita, quantum nobis exempla bona prosint; scies magnorum virorum, non minus quam præsentiam<sup>7</sup>, esse utilem memoriam. Vale.

tensio): «Una igitur erimus beati cognitione Naturæ et scientia: quæ sola etiam Deorum est vita laudanda.» Cf. Lipsii Physiol. III, 24. Ruhk.

1. *Admiraris illam jam procul.* Sie ms. a. eum ed. A. *Illam procul.* R. *Illam tam procul* ms. c. Vulgo *tam procul*, absque *illam*. Schw.

2. *Illos nos approbari...jubet.* Hæc cogitatio jubet, ut vitam nostram Diis probatam faciamus.

3. *Quidni non timeat.* Cur ille timore agatur? Ruhk.

4. *Is quoque, qui.* Epicurum tangere videtur, cujus de natura animi et immortalitate sensum explicuit Lucretius lib. tertio.

5. *Solutum, a. c. R. A.* Vulgo *exsolutum*. Schw.

6. *Multa... honos.* Versus sunt Virgilii *Æn.* IV init., quibus Dido *Æneam* describit. Ruhk.

7. *Non minus quam præsentiam, esse utilem memoriam.* Sie Pal. 2 et 3. Alii libri veteres omnes, non minus *præsentiam esse utilem quam memoriam*. Unde vulgo, non minus *præsentia esse utilem memoriam*, emendatione Erasmi. Poteras et corrigere, non magis quam *præsentiam* etc. Sed veterem scripturam defendit Gruterus, ut mori Senecæ convenientem. Conf. not. ad similem locum Epist. c. Schw.

## EPISTOLA CIII.

HOMINI AB HOMINE PRÆCIPUE CAVENDUM.

Non ista circumspicenda et devitanda esse monet, quæ forsitan evenient, sed ea pericula, quæ homini ab homine imminuent, quippe quæ subito sint. In qua cautione tamen semper cogitandum est, quid sit hominis officium: alterum intueri, ut lædaris; alterum ne lædas.

SENECA LUCILIO SUO SALUTEM.

Quid ista circumspicis<sup>1</sup>, quæ tibi possunt fortasse evenire, sed possunt et non evenire? incidentium<sup>2</sup> dico ruinam. Aliqua nobis incidunt, non insidiantur: illa potius vide, illa devita, quæ nos observant, quæ captant<sup>3</sup>. Rariores<sup>4</sup> sunt casus, etiamsi graves, naufragium facere, vehiculo everti; ab homine homini quotidianum periculum. Adversus hoc te expedi, hoc intentis oculis intueri: nullum est malum frequentius, nullum<sup>2</sup> pertinacius, nullum blandius. Tempestas minatur, antequam surgat; crepant ædificia, antequam corruant; prænuntiat fumus incendium: subita est ex homine perniciēs,

1. *Quid ista circumspicis.* Sunt qui laciniam superioris epistolæ putent, eiqua annectendam. Non idem ego. *Lips.*

2. *Incidentium.* Recte ed. Ruhk. cum mss. Vulgo *incendium.* Schw.

3. *Quæ captant.* Explicatio Senecæ mox sequitur: ab homine homini quotidianum periculum. Lipsius affert notam in Plauto (*Asin.* II, 3,

88 ubi cf. Taubmann) paræmiam: « Homo homini lupus. » Contrario tamen sensu dicitur homo homini deus. Conf. Erasmi Adag. Chil. I, Centur. I, ur. 69, 70. *Ruhk.*

4. *Rariores.* Ex Gruteri conject. adscivi. *Rari* olim edd. ex Pinc. conject. *Vitiose paries* ms. a. *Pares c. R. A.* quod tenens Ruhk. junxit præcedentibus *quæ captant pares.* Schw.

et eo diligentius tegitur, quo propius accedit. <sup>1</sup>Erras, si istorum, tibi qui occurrunt, vultibus credis: hominum effigies habent, animos ferarum; nisi quod illarum perniciosior est primus incursus: quos transiere, non quærent <sup>2</sup>; nunquam enim illas ad nocendum, nisi necessitas, injicit <sup>3</sup>. Hæ aut fame, aut timore coguntur ad pugnam: homini perdere hominem libet. Tu tamen ita cogita quod ex homine periculum sit, ut cogites quod sit hominis officium. Alterum intueri, ne lædaris; alterum, ne lædas. Commodis omnium læteris, movearis incommodis; et memineris, quæ præstare debeas, quæ cavere. Sic vivendo quid consequeris? non, ut ne noceant; <sup>4</sup> sed ne fallant. Quantum potes autem, in Philosophiam secede: illa te sinu <sup>4</sup> suo proteget; in hujus sacrario eris aut tutus, aut tutior. Non arietant <sup>5</sup> inter se, nisi in eodem ambulantes. Quid autem <sup>6</sup>? ipsam Philosophiam non debebis jactare: multis fuit periculi causa, insolenter tractata et contumaciter. Tibi vitia detrahat, non aliis exprobet; non abhorreat a publicis moribus <sup>7</sup>; nec hoc agat, ut, quidquid non facit, damnare videatur. Licet sapere sine pompa, sine invidia. Vale.

1. *Erras... quarunt.* Egregia sunt, quæ in eandem sententiam leguntur in Arriani Diss. Epist. I, 3. « Quosdam hominum lopi similes esse, infidos, insidiatores, noxios; alios leonibus; agresles, feroces, immanes; plerosque vulpecolis, detractores et fraudulantes. »

2. *Quos transiere, non quarunt.* Sic recte ms. a. Vulgo quos transire non queunt. Schw.

3. *Injicit, a. R. et Pine.* Sic dieimus injicere se in medios hostes. Vulgo inigit ex Lips. conj. Mittit. c. A. S.

4. *Sinu.* Sic recte olim edd. ex Er.

emeud. pro vilioso *sinu*, quod dabant a. R. *Visu* ed. Rohk. cum c. A. Schw. — *Visu* explicat Ruhk. vi videodi, caveodi ne tibi nocesset.

5. *Non arietant... ambulantes.* Simile est, quod in superiore quadam Epist. *rixæ est inter competitores.*

6. *Quid autem. Quia autem ms. a. Quin etiam* ed. Bip. ex Gronovii conjectura. Schw.

7. *Non abhorreat a publicis moribus.* Tale Ciceronis ioter fragmenta, ad Marcum filium: « Philosophiæ quidem præcepta noscenda, viveendum autem civiliter. » Lips.

## EPISTOLA CIV.

DE INVALETUDINE SUA, ET CARITATE IN SE UXORIS: ANIMI MALA PEREGRINATIONE NON SANARI: CUM FRISCIS ET MAGNIS VINIS VIVENDUM.

Scripta est hæc epistola e villa Senecæ, Nomentano, haud procul Roma sito, quo se receperat ex urbe, ut febrem subrepentem fugeret, vel invita uxore Paulina, cujus ut curam et caritatem in se laodat, ita ejus amore duci ac fatetur, ut valetudinei sum consolatur. Locum quidem mutatione hac se refectionum ac recreatum narrat, sed hoc potissimum animo tribuit. Nam peregrinatio per se omnem valetudinem non restituit, nec prodesse potest, nisi animus mutetur, emendetur, affectus cupiditatesque recedantur. Quibus demum factis omnia loca ac status juvabunt et proderunt ad vana et pericula domanda. Tunc exemplis vitiorum relictis, ad meliores transeundum peregrinatione pulcherrima, ad priscos et eos magnos viros, Zenonem, Socratem, Catonem rel. quos cogitatione intueri atque imitari oportet, non ut seite loquaris, sed ut animum potius indures, adversus minas fortunæ erigas, et in opere sis. Ita vitia tolluntur, virtutes inseruntur.

SENECA LUCILIO SUO SALUTEM.

IN Nomentanum<sup>1</sup> meum fugi, — quid putas? Urbem? — imo febrem, et quidem subrepentem. Jam manum mihi injecerat; protinus itaque parari vehiculum jussi, Paulina mea retinente. Medicus initia esse dicebat, motis venis, et incertis<sup>2</sup>, et naturalem turbantibus modum. Exire perseveravi. Illud mihi in ore erat domini mei Gallionis<sup>3</sup>, qui, quum in Achaia febrem habere cepisset,

1. In Nomentanum, ubi prædium ejus et vineæ. Infra Ep. CX, 1, et Columella III, 3. L. — Sita erat hæc villa duobus fere milliaribus germanicis (70 stadiis) a Roma in Gabiis juxta urbem cognominem, quo ducebat

porta et via Nomentana. Cf. Adler, p. 60. Ruhk.

2. Et incertis. Perperam sed incertis vulgo. Schw.

3. Domini mei Gallionis. Fratria maximi natu M. Ann. Novati, qui a

protinus navem ascendit, clamitans non corporis esse, sed loci morbum. Hoc ego Paulinæ meæ dixi, quæ mihi valetudinem meam commendat. Nam, quum sciam spiritum<sup>1</sup> illius in meo verti, incipio, ut illi consulam, mihi consulere; et, quum me fortiorem senectus ad multa reddiderit, hoc beneficium ætatis amitto<sup>2</sup>. Venit enim mihi in mentem, in hoc sene et adolescentem esse, cui par-  
citur. Itaque, quoniam<sup>3</sup> ego ab illa non impetro, ut me fortius amet<sup>4</sup>, impetrat illa [a me<sup>5</sup>,] ut me diligentius amem. Indulgendum est enim honestis affectibus: et in-  
terdum, etiam si premunt causæ, spiritus in honorem suorum vel cum tormento revocandus, et in ipso ore retinendus est; quum bono viro<sup>6</sup> vivendum sit, non quamdiu juvat, sed quamdiu oportet. Ille, qui non uxorem, non amicum tanti putat, ut diutius in vita commoretur, qui

I. Gallione adoptatus post Caligulæ excessum Junii Anni Gallionis nomen accepit, cui libros de Ira et de Vita Beata adscripsit Noster. Post nostri Senecæ mortem propria se manu interfecit, Eusebio ad ann. 818 narrante: cf. Dio Cass. 62, 25. Meminit ejus Tacit. Ann. 15, 73. An sit illa Gallio, qui Actor. Apostol. 18, 12 memoratur proconsul Achaia i. Græciæ, adhuc incertum est. Cæterum da more, patres atque fratres grandiores natu per honorem et blanditias *dominos* appellandi, egit Lipsius in Excursu P. ad Taciti Annal. II. *Ruhk.*

1. *Spiritum*. I. e. vitam. Sic Philip-  
pus mediens Regi Alexandro M. ap.  
Curt. III, 6, 10, ait: « Rex, semper  
quidem spiritus meus ex te pependit.»

2. *Beneficium ætatis amitto*. Cogor ut multo, quæ spernere vellem, caveam.

3. *Itaque quoniam... amem*. Ni-  
mis temere et indulgenter illa me

amat, nec impetro, ut robustius: ad  
omnia mala mea collabitur. *Ruhk.*

4. *Ut me fortius amet*. Optime ha-  
bet: nec Pineianus aut alii debebant  
movere. Fortiter amat, qui non in-  
dulget, qui severo quodam amora,  
ut patres liberos, ut Deus bonos vi-  
ros. *Lips.*

5. [*A me*]. Verba a Mur. adjecta,  
commode quidem, sed invitis mas.  
*Schw.*

6. *Quum bono viro... oportet*. Se-  
neca de Benefic. II, 18 sapientes  
quidquid oportet juvat, i. e. quidquid  
opportunum et *εὐκαιρὸν* est. Nam Ci-  
cero ita videtur reddere, ubi Cato  
Stoicus apud eum da Fin. III, 18 dis-  
serit: « At sæpe officium est sapientis,  
desiscere a vita, quum sit beatissi-  
mus, si id opportune facere possit.»  
Et paullo ante: « Rectam affectio-  
nem, sive ἐὺ κατέφρουσα ponit in op-  
portunitate: » sic enim appellare sa-  
cuntplav. *Lips.*

perseverat mori, delicatus est<sup>1</sup>. Hoc quoque imperet sibi animus, ubi utilitas suorum exigit; nec tantum, si vult mori, sed si cœpit, intermittat, et suis se commo-  
 4 det. Ingentis animi<sup>2</sup> est, aliena causa ad vitam reverti; quod magni viri sæpe fecerunt. Sed hoc quoque summæ humanitatis existimo, senectutem suam, cujus maximus fructus<sup>3</sup> est securior sui tutela, et vitæ usus animosior, attentius conservare, si scias alicui tuorum esse dulce, utile, optabile. Habet præterea in se non mediocre ista res gaudium et mercedem: quid enim jucundius, quam uxori tam carum esse, ut propter hoc tibi carior fias?  
 5 Potest itaque Paulina<sup>4</sup> mea non tantum suum mihi timorem imputare, sed etiam meum.

Quæris ergo, quomodo<sup>5</sup> mihi consilium profectionis cesserit?—Ut primum gravitatem Urbis excessi, et illum odorem culinarum<sup>6</sup> fumantium, quæ motæ, quidquid pestiferi vaporis obruerant<sup>7</sup>, cum pulvere effundunt,  
 6 protinus mutatam valetudinem sensi. Quantum deinde adjectum putas viribus, postquam vineas<sup>8</sup> attigi? In pas-

1. *Delicatus est.* Caret illo robore quo sapiens nititur, ut omnia incommoda pro cæterorum salute sustineat.

2. *Ingentis animi... fecerunt.* Ipse Noster exemplo est Ep. LXXVIII init.: «Ad summam maciem deductus sæpe impetum cepi abruptendæ vitæ: patris me indulgentissimi senectus retinuit.» *Ruhk.*

3. *Maximus fructus... animosior.* Gignit senectus securiorem tutelam sui, sc. minus anxiam et sollicitam; et enim minore, ut par est, cura il laborant ut se ipsos tucantur, quibus mors quibus paucissimam potest afferre jacturam, nec magna poena impendit negligentioris tutelæ: ideo senes

securiores esse debent de semetipsis, quoniam minimum easibus committunt: ideo animosius nli vita debent, quoniam non illis cavendum est, ut juvenibus, na imprudentia tuendi corporis, spem longioris vitæ amittant.

4. *Potest itaque Paulina... meum.* Acute. Potest non solum hoc in campensis mihi ferre, quod pro me timeat, sed et quod ego. Nam ejus timor meum trahit, imo gignit. *Lips.*

5. *Quomodo... cesserit.* Quid mihi profectio profuerit.

6. *Illum odorem culinarum fumantium.* Cf. Epist. LXIV, 1, not. R.

7. *Obruerant.* I. coniderant, texerant. *Ruhk.*

8. *Vineas.* Nomentana enim regio

cum emissus, cibum meum invasi. Repetivi ergo jam me<sup>1</sup>: non permansit marcor ille corporis dubii et male cogitantis<sup>2</sup>; incipio toto animo studere. Non multum ad hoc locus confert, nisi se sibi præstet animus, qui secretum, et in occupationibus mediis, si volet, habebit. At ille<sup>3</sup>, qui regiones eligit, et otium captat, ubique, quo dstringatur, inveniet. Nam Socratem<sup>4</sup> querenti cuidam, quod nihil sibi peregrinationes profuissent, respondisse ferunt: « Non immerito hoc tibi evenit! tecum enim peregrinabar. » O quam bene cum quibusdam ageretur, si a se aberrarent! Nunc primum<sup>5</sup> se ipsos sollicitant, corrumpunt, teritant.

Quid prodest mare trajicere, et urbes mutare? Si vis ista, quibus urgeris, effugere, non aliubi sis oportet, sed alius<sup>6</sup>. Puta venisse te Athenas, puta Rhodon: elige arbitrio tuo civitatem: quid ad rem pertinet, quos illa mores habeat? tuos asseres. Divitias judicabis bonum: torquebit te paupertas, et, quod est miserrimum, falsa;

vineis erat impleta. Colnmella III, 3, ubi et Severus sui comvi prædiorum meminit. Diligentem autem vinearum fossorem se fuisse asseruit Seneca Nat. Quest. III, 7 iuit. *Ruhk.*

1. *Repetivi ergo jam me.* Recuperaui, et reperi quasi amissum: sum, qui ante fui. *Lips.*

2. *Male cogitantis.* Bene: meditabatur et minabatur febrem; sed nondum erat. *L.* — *Ruhkopfius* intelligit de vera cogitatione; interpretatur male, *negre.*

3. *At ille,* etc. Super hæc jam inculcata vidimus a Nostro, imprimis de Trauquill. An. c. 2, 11 sqq. Ep. xxviii. Digna est quæ conferatur Horatii Epistola I, 11 ad Bullat. ubi obiter moneo mihi legendum videri vers. 6: « At Lebedum... via-

rum: Scis... furem. » Quæ verba Bullatii responsum continent: ne quæ in hominem *μωραὶ* cadunt, poetæ festivissimo in mentem venire potuisse credamus. Addas Horat. Carm. II, 16, 18 sqq. III, 1, 37, 5, 55. *Ruhk.*

4. *Nam Socratem.* Quæ de Socrate narrat, aliunde non constant: sed conveniunt cum Socratis moribus et ingenio. Cf. Plato Vol. I p. 120. bip. *Ruhk.*

5. *Nunc primum.* Sic Erasmus. et omnes Pal. Alii *primi.*

6. *Quid prodest... alius.* Sic Hor. Ep. I, 11, 25: « ...Nam si ratio et prudentia curas, Non locus effusilato maris arbitrio aufert: Cælum, nou animum mutant, qui trans mare currunt... Quod petis hic est, Est Ulu-

quamvis enim multum possideas, tamen, quia aliquis plus habet, tanto tibi videberis deficere, quanto vinceres. Honores judicas bonum: male te habebit ille consul factus; ille etiam refectus; invidebis<sup>1</sup> quoties aliquem in fastis sæpius legeris. Tantus erit ambitionis furor, ut nemo tibi post te videatur, si aliquis ante te fuerit. Maximum malum judicabis mortem; quum in illa<sup>2</sup> nihil sit mali, nisi, quod ante ipsam est, timeri. Exterrebunt te non tantum pericula, sed suspensiones; vanis semper agitaberis. Quid enim proderit,

..... Evasisse tot urbes

Argolicas, mediosque fugam tenuisse per hostes<sup>3</sup>?

ipsa pax timores subministrabit; ne tutis quidem habebitur fides, consternata semel mente; quæ ubi consuetudinem pavoris improvidi fecit, et jam ad tutelam salutis suæ inhabilis est. Non enim vitat, sed fugit; magis autem periculis patemur aversi. Gravissimum judicabis malum, aliquem ex his, quos amabis, amittere; quum interim hoc tam ineptum erit, quam flere quod arboribus amœnis et domum tuam ornantibus decidant folia. Quidquid te delectat, æque vide<sup>4</sup>, ut vides eas, dum virent.<sup>5</sup> Utique

bris: animus si te non deficit æquus \*

1. *Invidebis*. Adsevi ex Pal. 2, 3. Col. et Pinc. Alii omnes vett. libri vitiose *videberis*. Vulgatum *ringeris* ex Erasmi conject. erat. *Schw.*

2. *Quum in illa... timeri*! s. quum in morte nullum malum sit præter timorem, qui antecedit. *Ruhk.*

3. *Hostes*? Versus sunt Virgilii *Æn.* III, 282 sqq. *Ruhk.*

4. *Æque vide, ut vides eas dum virent*. Locum corruptum olim in mssis, et magis etiam in editis, commode restituerunt partim *Ruhkopf.* partim *Matth.* in eum fere modum,

quo eum exhibuimus, vestigia veterum librorum quoad fieri potuit præmentes. *Schw.*—*Ruhkopf.* dat: *æque vide ut videris, dum virent*. Sic, inquit, rebus locum, quem omnes interpp. uodum Deo dignum vindice habeant, e codd. lo scriptis est: *videres, videris, videt aut viret*. Lipsius conject. Erasmi prætulit: *Quidquid te delectat, æque viget, ut videras dum viret*. Sensus est: quidquid te delectat, eodem oculo considera, quo considerare soles illa folia. Imago nota est Horat. Art. Poet. 60. *R.*

5. *Utique*. Ex Lipsii conject. est:



alium<sup>1</sup> alio die casus excutiet : sed, quemadmodum frondium jactura<sup>2</sup> facilis est, quia renascuntur; sic istorum, quos amas, quosque oblectamenta vitæ putas esse, damnum; quia reparantur<sup>3</sup>, etiamsi non renascantur. — Sed non erunt iidem. — Ne tu quidem idem eris! Omnis dies, omnis hora te mutat : sed in aliis<sup>4</sup> rapina facilius apparet; hic<sup>5</sup> latet, quia non ex aperto fit. Alii auferuntur; at ipsi nobis furto subducimur. Horum nihil cogitabis, nec remedia vulneribus oppones<sup>6</sup>; sed ipse tibi seres sollicitudinum causas, alia sperando, alia desperando. Si sapis<sup>7</sup>, alterum alteri misceas; nec speraveris sine desperatione, nec desperaveris sine spe.

Quid per se<sup>8</sup> peregrinatio prodesse cuiquam potuit? Non voluptates illa temperavit; non cupiditates refrænavit; non iras repressit; non indomitos amoris impetus fregit; nulla denique animo mala eduxit; non iudicium dedit; non discussit errorem : sed, ut puerum ignota mirantem, ad breve tempus rerum aliqua novitate detinuit. Cæterum inconstantiam mentis, quæ [quum] maxi-

uter, utinam, ut, dabant libri veti. S.

1. *Alium*. Iidem recte præbent *alium*, scil. amicum; non *aliud*, ut vulgo. *Schw.*

2. *Frondium jactura*. Hæc tota imago ab Humero est, qui nobilem illum versum, et Pyrrhooi philosopho semper in ore versatum protulit: « Ὀκνητὸν φύλλον γερὴν, τινέδε καὶ ἀνδρῶν. » Tale quidem genus est hominum, quale est foliorum.»

3. *Quia reparantur*. Quia in illorum locum alii parabantur.

4. *Sed in aliis... apparet*. Tibi partem aliquam vitæ tuæ quoque momento temporis cursus rapit; tamen ipse non attendis: facilius rapina temporis apparet, quum amici, non fur-

tim, sed aperte et palam ex oculis tuis auferuntur.

5. *Hic*. Scilicet in tota ipsius vita latet, quantum tempos auferat.

6. *Oppones*. Ita omnes eudd. et *Erasm.* Sed editio rom. ex *Pine.* conjectura *appones*. *Ruhk.*

7. *Si sapis, alterum alteri misceas*. Ita recte conj. *Pine.* una membrana firmante. Nullus sensus erat antea: *Si satis*. *Ruhk.*

8. *Quid per se peregrinatio prodesse... potuit* Se. ad animum emendandum. Nam huc Seneca non negat, prodesse peregrinationem corpori sanando: cujus quidem rei et ipse exemplum dedit multique dederunt dabuntque. *Ruhk.*

me<sup>1</sup> ægra est, lacescit<sup>2</sup>, mobiliorem leviorēque reddit  
 15 ipsa jactatio. Itaque, quæ petierant cupidissime loca,  
 cupidius deserunt, et avium modo transvolant, citius-  
 que, quam venerant, abeunt. Peregrinatio notitiam dabit  
 gentium, novas tibi montium formas ostendet, inusi-  
 tata<sup>3</sup> spatia camporum, et irriguas perennibus aquis val-  
 les, et alicujus fluminis sub observatione<sup>4</sup> naturam; sive,  
 ut Nilus<sup>5</sup>, æstivo incremento tumet; sive, ut Tigris,  
 eripitur ex oculis, et acto per occulta cursu, integræ  
 16 magnitudini redditur; sive, ut Mæander, poetarum om-  
 nium exercitatio et ludus, implicatur crebris anfractibus,  
 et sæpe in vicinum alveo suo admotus, antequam sibi  
 influat, flectitur: cæterum neque meliorem faciet, ne-  
 que saniores. Inter studia versandum est et inter au-  
 ctiores sapientiæ, ut quæsitā discamus, nondum inventa  
 quæramus<sup>6</sup>. Sic eximendus animus ex miserrima servi-  
 17 tute in libertatem asseritur. Quamdiu quidem nescieris,  
 quid fugiendum; quid petendum, quid necessarium,  
 quid supervacuum, quid justum, quid honestum sit; non  
 erit hoc peregrinari, sed errare. Nullam tibi opem feret  
 iste discursus: peregrinaris enim cum affectibus tuis, et  
 mala te tua sequuntur. Utinam quidem sequerentur! lon-  
 gius abessent: nunc fers illa, non ducis. Itaque ubique  
 18 te premunt, et paribus incommodis urunt. Medicina

1. *Quum maxime. Quum* ex conj. adjecit Mur. Schw.

2. *Lacescit, mobiliorem.* Pincianus *lacescitam* velit: ego copula e fine adnecta *lacescit et mobiliorem. Lips.*

3. *Inusitata. Invisitata* m. a. S.

4. *Sub observatione.* I. si observaveris. Ruhk.

5. *Sive, ut Nilus, etc.* Quæ hic de Nilo, Tigride et Mæandro narran-

tur, nota sunt et firmantur a Geographis et iis, qui recentioribus temporibus illas regiones adiere. Cf. Büsching, Tom. XI præf. quanquam hic p. 198 ubi de Tigride agit, eursum per occulta actum non memoraverit, quem tamen Dionys. Perieg. 987 sq. ubi cf. Eustath. attigisse non oblitus est. R.

6. *Nondum inventa quæramus.* Nam veteres philosophos, ait, multa

ægro, non regio, quærenda est. Fregit aliquis crus, aut extorsit articulum: non vehiculum navemque conscendit, sed advocat medicum, ut fracta pars jungatur, ut luxata in locum reponatur. Quid ergo? animum, tot locis fractum et extortum, credis locorum mutatione posse sanari? Majus est istud malum, quam ut gestatione curetur<sup>1</sup>. Peregrinatio non facit medicum, non oratorem; nulla ars loco discitur: quid ergo? sapientia, rerum omnium maxima, in itinere colligitur? Nullum mihi crede, iter est, quod te extra cupiditates, extra iras, extra metus sistat: aut, si quod esset, agmine facto gens illuc humana pergeret. Tamdiu ista urgebunt mala, macerabuntque per terras ac maria vagum, quamdiu malorum gestaris causas.

Fugam tibi non prodesse miraris? tecum sunt, quæ fugis. Te igitur emenda! Onera tibi detrahe<sup>2</sup>, et desideria intra saltem modum contine! omnem ex animo erade nequitiam! Si vis peregrinationes habere jucundas, tuum comitem sana! Hærebit tibi avaritia, quamdiu avaro sordidoque convixeris; hærebit tumor, quamdiu cum superbo conversaberis; nunquam sævitiam in tortoris contubernio pones; incendunt libidines tuas adulterorum sodalitia. Si velis vitiis exui, longe a vitiorum exemplis recce-

sibi quærenda reliquisse. Cf. Ep. XLV, 3 sqq. *Ruhk.*

1. *Quam ut gestatione curetur.* In cædendo, successione: quæ solemniter olim usurpata fuit veteribus, humoribus detrahendis, meatibus reserandis, calori excitando. Scripsi epistolam ad Ortelium super ea tota re, Centur. Miscellan. III, 11. *Lips.* — Conferri meretur Böttigeri Sabina, ubi egregie, ut solet, de hac re egit. *Ruhk.*

2. *Detrahe, et desideria intra saltem modum contine.* Sic Schweigh. Rubkopius dat: *detrahe et desideria; saltem intra modum contine.* Sic, inquit, editio rom. al. Abeunt tamen codd. et *Erasm.*, qui habent: *emenda desideria, intra saltem modum contine*, unde Pincianus fecit: *Aut amanda* (i. abige, expelle), *aut intra modum saltem contine.* Sed illud *emenda* repetitioni librariorum debetur.

- 21 dendum est. Avarus, corruptor, sævus, fraudulentus, multum nocituri, si prope a te fuissent <sup>1</sup>, intra te sunt. Ad meliores transi! cum Catonibus vive<sup>2</sup>, cum Lælio, cum Tuberone; quod si convivere etiam Græcis juvat, cum Socrate, cum Zenone versare. Alter<sup>3</sup> te docebit
- 22 mori, si necesse erit: alter<sup>4</sup>, antequam necesse erit. Vive cum Chrysippo, cum Posidonio. Hi tibi tradent divinarum humanorumque notitiam: hi jubebunt in opere esse, nec tantum scite loqui, et in oblectationem audientium verba jactare, sed animum indurare, et adversus minas erigere. Unus est enim hujus vitæ fluctuantis et turbidæ portus, eventura contemnere, stare fidenter, <sup>5</sup>apertum; tela fortunæ adverso pectore excipere, non latitantem.
- 23 nec tergiversantem. Magnanimos nos natura produxit; et, ut quibusdam animalibus ferum dedit, quibusdam subdolum, quibusdam pavidum, ita nobis gloriosum et excelsum spiritum, quærentem ubi honestissime, non ubi tutissime vivat; simillimum mundo<sup>6</sup>, quem, quan-

1. *Si prope a te fuissent.* Int. non solum sunt tibi propiores, non solum te comitantur, sed intra te sunt.

2. *Cum Catonibus vive*, etc. Sumptum est hoc præceptum ex eo, quod Zenoni querenti, quomodo optime vieturus esset, responsum oraculo dicitur: *εἰ οὐκ ἔστι σοφὸς τοῖς νεοῖς*; quo ille accepto totum se ad legendos veterum libros contulit. E. Diogene Laert. VII, 2 notavit Mur. R.

3. *Alter.* Socrates, qui mortem, si advenerit, æquo animo ferre dicitur. *Ruhk.*

4. *Alter.* Zeno Citiensis conditor Stomæ, qui sine morbo sibi manus intulit, et id fas jusque esse, inter dogmata prodiderat. Vide Manud. in philos. stoicæ. III, 22. *Lips.*

5. *Apertum.* Vitiose *apertum* m. a. (scil. *apertum* fuerat in exemplari, de quo descriptus est ille codex). *Ad portum*, c. R. A. *Aperte* vulgo ex Mur. ing. *Schw.* — *Aperte* legendum esse contendit ex uno sanctorum Pineianus: at reliqui eodd. et eodd. *ad portum*, unde Lipsius *ad portum*, vel *ac promptum*, Pontanus *ad proram*: Gron. *ac rectum*, qui confert Epist. xxxvii, 2. De Prævid. c. 2 et 3. *Triller*, obs. crit. III, 6 p. 179 *adapertum*, i. e. nudum, liberum, *exsertum*. Equidem *ad portum* retineam, i. e. in isto animi statu firmo eventura contemnendi. Loem tamen nondum persanatum puto. *Ruhk.*

6. *Mundo.* I. e. cælo atque ætheri.

tum mortalibus passibus licet, sequitur æmulaturque. Profert se<sup>1</sup>, laudari et adspici credit. Dominus omnium est, supra omnia est : itaque nulli se rei submittit; nihil<sup>2</sup> illi videtur grave, nihil quod virum incurvet<sup>3</sup>.

Terribiles visu formæ, letumque labosque<sup>4</sup> :

minime quidem<sup>5</sup>, si quis rectis oculis intueri illa possit, et tenebras pcrumpere. Multa, per noctem habita terro-  
rori, dies vertit ad risum.

Terribiles visu formæ, letumque labosque,

egregie Virgilius noster. Non *re* dixit *terribiles* esse, sed<sup>25</sup>  
*visu*; id est, videri, non esse. Quid, inquam, in istis  
est tam formidabile, quam fama vulgavit? Quid est,  
obsecro te, Lucili, cur timeat laborem vir, mortem  
homo?

Toties mihi occurrunt isti<sup>5</sup>, qui non putant fieri posse  
quidquid facere non possunt, et aiunt nos loqui majora,  
quam quæ natura humana sustineat. At quanto ego de  
illis melius existimo? Ipsi quoque<sup>6</sup> hæc possunt facere,  
sed nolunt. Denique, quem unquam ista destituere ten-<sup>26</sup>

Nam et hoc mundus et e cælo noster  
spiritus, ut Stoici docent. *Lips.*

1. *Profert se, laudari et aspici credit.* I. e. ita agit, ut illi, qui in  
opera laudibus et conspectu eorum,  
quæ rearentur, aut quibus se ven-  
ditaunt, animeantur : existimat, sibi  
theatrum esse, et in se plurimorum  
oculos conversos. *Groshev.*

2. *Nihil quod virum incurvet.* Sic  
a. c. *R. A.* Asperum post nihil inter-  
seruit alii; quod si servatum vel-  
les, oportebat *nihil asperum, nihil*  
quod, etc. *Schw.*

3. *Labosque.* Versus Virgil. est  
*Æn. VI, 27. Ruhk.*

4. *Minime quidem.* Sabaudi : ter-  
ribiles.

5. *Toties mihi occurrunt isti, qui.*  
Int. sæpiissime mihi occ. Bene vertit  
*Lagrange* : *Rien de plus commun*  
*que ces hommes, qui, etc.*

6. *Ipsi quoque... sed nolunt.* Agit  
de sapiente stoico, quem ut virtutis  
imaginem vivam proposuissæ Stoic  
candidiores constat, quo viritem,  
quæ conspici non possit, ea digni-  
tate commendarent, quæ hominum  
animos in se convertere atque allicere  
queat. Quod quidem dogma quæ  
sæpenumero impugnaretur tanquam  
res imaginaria et humanitatis viribus

tantem? cui non faciliora apparuere in actu? Non, quia  
difficilia sunt, non audemus; sed, quia non audemus,  
difficilia sunt. Si tamen exemplum desideratis, accipite  
Soeratem, perperissium senem<sup>1</sup>, per omnia aspera jacta-  
tum; invictum tamen<sup>2</sup> et paupertate, quam graviorem  
illi domestica onera faciebant, et laboribus, quos mili-  
tares quoque pertulit, et quibus [ille] domi [est] exer-  
citus<sup>3</sup>, sive uxorem<sup>4</sup> ejus [spectes<sup>5</sup>] moribus feram, lin-  
gua petulantem; sive liberos<sup>6</sup> indoeiles, et matri, quam  
27 patri, similiores. Sic fere aut in bello fuit, aut in tyrannide,  
aut in libertate bellis ac tyrannis sæviore. Viginti  
et septem<sup>7</sup> annis pugnatum est; post finita arma, tri-  
ginta tyrannis<sup>8</sup> noxæ dedita est civitas, ex quibus ple-  
rique inimici erant. Novissima damnatio est sub gravis-  
simis nominibus<sup>9</sup> impleta: objecta est et religionum

altior, summopere annisi sunt Stoici docere, hominem illud virtutis fastigium attingere posse, quod Herculem (Epictet. Diss. II, 16; III, 24), Soeratem, Zenonem, Diogenem, Catonem, Tuberonem al. consecutos esse monstrare. Cæterum hæc ita dicta sunt, ut pæce nostra memoria ab amico et defensore Ethices, quam Philosophia critica docet, prolata esse putaveris. *Ruhk.*

1. *Socratem perperissimum senem.* Ita enim vocat quoque Ep. LIII, 6, qui multa perperissus est. Cf. de Ira II, 6, Epictet. Diss. II, 25 p. 290 Schweigh. ed. *Meiners Geschichte der Wiss.* II, p. 346 sqq. *Ruhk.*

2. *Invictum tamen.* Omnium codd. et edd. lectio est. Pinc. ex uno mss. *invictum fame et paup.* Aliquid vitii majoris, ait Gruter. latet quod non ego nunc detego. At equidem locum pro sano habeo. *Ruhk.*

3. *Et quibus [ille] domi [est] exer-*

*citus.* Copula et Mureto debetur; verbum est nos ex conject. adjecimus. *Ille tenent alii, illi ms. a.* Equidem abjectum pronomen maleham. *Schw.* — *Ruhk.* eandem protulit lect. nisi quod est omisit. Sic, inquit, omnes fere codd. et edd.; præterquam quod alii: quibus ille domi exercitus, sine et.

4. *Sive uxorem.* Alii sive in uxorem. *Ruhk.*

5. *Spectes.* Verbum *spectes* ex Mureti conject. adjectum est. *Schw.*

6. *Sive liberos, etc.* Mihi totus hic locus: et quibus... similiores non a Seneca esse videtur. *Ruhk.*

7. *Viginti et septem.* Tot annos et aliquot menses duravisse bellum Peloponnesiacum Thucydides atque alii testantur. *Lips.*

8. *Triginta tyrannis.* Quos Lysander Atheis imposuit. Conf. de Tranquill. cap. 3. *Lips.*

9. *Nominibus.* Scripsi cum Gron.

violatio, et juventutis corruptela<sup>1</sup>, quam immittere in Deos, in patres, in reipublicam dictus est; post hæc carcer, et venenum. Hæc usque eo animum Socratis non<sup>28</sup> moverunt, ut ne vultum quidem moverint. Illam mirabilem laudem, et singularem, usque ad extremum servavit: nec hilariorem quisquam, nec tristiore Socratem vidit; æqualis fuit in tanta inæqualitate fortunæ.

Vis alterum exemplum? Accipe hunc<sup>29</sup> M. Catonem recentiorem, cum quo et infestius fortuna egit, et pertinacius. Cui quum omnibus locis obstitisset, novissime et in morte<sup>3</sup>; ostendit tamen virum fortem posse invita fortuna vivere, invita mori. Tota illi ætas aut in armis est exacta civilibus, aut in ætate<sup>4</sup> concipiente jam civile bellum. Et hunc licet dicas non minus, quam Socratem, in servitute vixisse; nisi forte Cn. Pompeium<sup>5</sup>, et Cæsarem, et Crassum putas libertatis socios fuisse. Nemo<sup>30</sup> mutatum Catonem, toties mutata republica, vidit; eundem se in omni statu præstitit, in prætura, in repulsa, in accusatione, in provincia, in concione, in exercitu, in morte. Denique in illa reipublicæ trepidatione, quum illinc Cæsar esset decem legionibus pugnacissimis subnixus, totque<sup>6</sup> exterarum gentium præidiis,

ex Lipsii conject. *Hominibus* dabant vet. libri, quod revocarunt Bipont. et Ruhk. *Criminibus* ed. Mur. S.

1. *Juventutis corruptela*. Tertullianus apolog. l. «Lego partem sententiam Atticæ in Socratem, corruptorem adolesecentium, pronunciatam.» Plato in Apolog. Diog. Laertius, alii. Lips.

2. *Hunc M. Catonem*. De M. Catone extat egregia vitæ descriptio. Plutarchi. Conf. Cicero p. Mur. 29. Sallust. conjurat. Catil. 54. Senec. de Benef. lib. II, cap. 20, et Garrius

ad Cic. de Offic. I, p. 214 sq. Ruhk.

3. *Novissime et in morte*. Nempe quum non potuisset semetipsum adactum in pectus gladio occidere, ipse sua laceravit viscera, animamque, ut ait Seneca, eiecit.

4. *In ætate*. Membram cum Tarvisina edit. *intacta*, unde Gronov. emend. *in pace*. Ruhk.

5. *Pompeium*. Vitas C. Jul. Cæsaris, Cn. Pompeii magni, et Crassi Plutarch. quoque descripsit. Ruhk.

6. *Totque exterarum*. Ruhk. dat:

hinc Cn. Pompeius, satis unus adversus omnia; quum alii ad Cæsarem inclinarent, alii ad Pompeium; solus

- 31 Cato fecit aliquas et reipublicæ partes. Si animo com-  
plecti volueris illius imaginem temporis, videbis illinc  
plebem<sup>1</sup> et omnem erectum ad res novas vulgum; hinc  
optimates<sup>2</sup>, et equestrem ordinem, quidquid erat in civi-  
tate sancti et electi; duos in medio relictos rempublicam  
et Catonem. Miraberis, inquam, quum animadverteris

Atridem, Priamumque, et sævum ambobus Achillem<sup>3</sup>:

- 32 utrumque enim improbat, utrumque exarmat. Hanc fert  
de utroque sententiam: ait « se, si Cæsar vicerit, mori-  
turum; si Pompeius, exsulaturum. » Quid habebat quod  
timeret, qui [ea<sup>4</sup>] sibi et victo, et victori constituerat,  
quæ constituta esse ab hostibus iratissimis poterant? Pe-  
riit itaque ex decreto suo. Vides, posse homines laborem  
33 pati: per medias Africæ solitudines<sup>5</sup> pedes duxit exerci-  
tum. Vides, posse tolerare sitim: et in collibus arentibus,  
sine ullis impedimentis, victi exercitus reliquias trahens,  
inopiam humoris loricatus tulit; et, quoties aquæ fuerat  
occasio, novissimus bibit<sup>6</sup>. Vides, bonorem et notam  
posse contemni: eodem, quo repulsus est, die in comi-

*totis externarum.* Sic, inquit, om-  
nes eodd. et edd. præter unam rom.,  
quam aliz postea secutæ sunt: *tot*.  
Male Pincian. inverti voluit ordinem  
verborum: *hinc Cn. Pompeius tot ext.*  
*g. præ.*: at Seneca statim addit: *satis*  
*unus adversus omnia.* Cæsaris autem  
copias externis militibus constitisse  
notum est: contra Pompeius tunc so-  
lus erat Romæ. *Ruhk.*

1. *Illinc plebem.* A Cæsare. *Lips.*

2. *Optimates.* A Pompeio. *Lips.*

3. *Achillem.* Versus est Virgil. *Æn.*  
lib. 1, vers. 458 ubi nunc vulgatur

*Atridas: sed cf. ibi Heynius. Ruhk.*

4. *Qui [ea] sibi.* Alii *qui id sibi*.  
Rectius abjicietur vocula. *Schw.*

5. *Per medias Africæ solitudines...*  
*exercitum.* A Cyrenis in Mauritaniam  
contendit. Plutarchus in vita ei maxi-  
me Lucanus Pharsal. lib. IX graphice  
iter atque ejus incommoda exsequi-  
tur. *Lips.*

6. *Novissimus bibit.* Lucan. IX,  
591: «...Ultimus haustor aquæ, quum  
tandem fonte reperto Indiga constat  
laticis potare juvenus, Stai dum lira  
bibat.» *Ruhk.*



tio pila ludit<sup>1</sup>. Vides posse non timeri potentiam superiorum : et Pompeium, et Cæsarem, quorum nemo alterum offendere audebat, nisi ut alterum depereretur, simul provocavit. Vides, tam mortem posse contemni<sup>34</sup> quam exsilium : et exsilium sibi indixit, et mortem, et interim bellum<sup>2</sup>. Possumus itaque adversus ista tantum habere animi, libeat modo subducere jugo collum. In primis autem respuendæ<sup>3</sup> sunt voluptates : enervant, et effeminant, et multum petunt<sup>4</sup> : multum autem a fortuna petendum est. Deinde spernendæ opes : <sup>5</sup> auctoramenta sunt servitutum. Aurum et argentum, et quidquid aliud felices domos onerat, relinquatur : non potest gratis constare libertas. Hanc si magno aestimas, omnia parvo aestimanda sunt. Vale.

1. *Quo rep. die...pila ludit.* Præturam postulaverat, quæ Vatinio, despecto homini, præ eo concessa fuit. Cf. Ep. LXXI, 8 et Plin. Hist. Nat. præf. — *In comitio*, non, ut vertit Lagrange : dans l'assemblée des comices, sed dans le comice. Comitium enim (teste Asconio Ped.) locus propter seoustum quo coire equitibus et populo romano licet. Cf. Tit. Liv. XXVIII, c. 36.

2. *Et interim bellum.* Int. quum sibi mori decrevisset, si nulla libertatis spes reipublicæ superesset; bellum

fecit interea, nec sibi mortem ipse adscivit antequam sibi opes omnes ad resistendum defuissent.

3. *Resp.* Sic Erasmi. editio vet. et Mur. Lipsius dederat *despuendæ*. R.

4. *Multum petunt...* est. Bene vertit Lagrange : Elles sont exigeantes, et ce qu'elles exigent dépend de la fortune.

5. *Auctoramenta sunt servitutum.* I. e. præmium. Sic Cicero de Off. lib. I, cap. 42 : « Est enim illis (mercenariis) ipsa merces auctoramentum servitutis. » Ruhk.

## EPISTOLA CV.

## QUID VITAM SECURAM FACIAT.

Ad securitatem conservandam dat præcepta amico suo. Suadet ei, ut ea omnia consideret, quæ hominem in hominis perniciem instigent. Haud dubie respexit in his exsequendis ad tempora sua, sed tam caute, ut nihil certo deficiat, semper limites, quos migrare nefas sit, observet, et ea moveat, quæ cuique possint esse usui. Amicus, ad quem hæc epistola missa est, Lucilius, fuit homo mediocris fortunæ, et haud semel metuit sibi insidias neseio a quo; et qui procuratorem Siciliæ in tempus aliquod reliquisse videtur, ut amicos et res suas inviseret.

## SENECA LUCILIO SUO SALUTEM.

Quæ observanda tibi sint, ut tutior vivas, dicam. Tu tamen<sup>1</sup> sic audias censeo ista præcepta, quomodo, si tibi præciperem, qua ratione bonam valetudinem in Ardeatino<sup>2</sup> tuereris. Considera, quæ sint, quæ hominem in perniciem hominis instigent; invenies spem, invidiam, odium, metum, contemptum. Ex omnibus istis adeo levisimum est contemptus, ut multi in illo<sup>3</sup>, remedii causa,

1. *Tu tamen... tuereris*, i. e. summa amicitiae fiducia audies mea præcepta. *Ruhk.*

2. *In Ardeatino*. Ita Er. Pine. quidam mss. adiciunt *sine metu corporis* quæ cum Erasmo glossam putat *Rohk.* — Erat villa, prædium, quo amicus secesserat. *Ardeatium* autem ager, qui duobus fere miliar. germ. (70 stad.), a mari distabat, parum sanus habebatur. Strabo V, 3, 5 p. 136 ed. lips. vocat proinde eam

et adjacentem regionem Latii Ἰλιδῆν καὶ νοτιὰν (palostrem at morbis expositam). Propter belli clades et vastationes non satis culta fuisse videtur hæc regio. *Ruhk.*

3. *Ut multi in illo... delituerint*. Exemplo est Brutus olim ille liberator Romæ a regibus, qui contemptu totos esse, ubi in jure parum præsidii esset, statuit. Liv. I, 56. Ipse Noster contemptu tutus fuit sub imperatore Caligula, quem a consilio Se-

delituerint. Quem quis contemnit, calcat sine dubio, sed transit. Nemo homini contempto pertinaciter, nemo diligenter nocet. Etiam in acie jacens præteritur; cum stante pugnatur. Spem improborum vitabis, si nihil ha- 3 bueris quod cupiditatem alienam et improbam irritet, si nihil insigne possederis. Concupiscuntur enim insignia, etiamsi parum nota sunt<sup>1</sup>. Sic vero invidiam effugies, si te non ingesseris oculis, si bona tua non jactaveris, si scieris in sinu gaudere<sup>2</sup>. Odium autem ex offensa<sup>3</sup> hoc vitabis, 4 neminem laceSSendo gratuito; a quo te sensus communis tuebitur. Fuit enim hoc multis periculosum: quidam odium<sup>4</sup> habuerunt, nec inimicum. Illud, ne timearis, præstabit tibi et fortunæ mediocritas, et ingenii lenitas. Eum esse te homines sciant<sup>5</sup>, quem offendere sine periculo possint: reconciliatio tua et facilis sit, et certa. Timeri autem tam domi molestum est, quam foris; tam a servis, quam a liberis. Nulli non ad nocendum satis vi- 5 rium est. Adjice nunc, quod, qui timetur, timet: nemo potuit terribilis esse secure. Contemptus superest; ejus modum in sua potestate habet, qui illum sibi<sup>6</sup> adjunxit;

nec interficiendi reflexit meretricula  
persuasione, Senecam phthisi labo-  
raotem, mox moriturum esse, refe-  
rente Dione Cassio 59, 19. *Ruhk.*

1. *Etiamsi parum nota sunt.*  
etiamsi natura jusignium vera ioco-  
gnita sit, quippe quæ molestiis plena  
possessorem magis premere quam re-  
creare solent: sed specie falsa ple-  
ramque ducuntur homines. *Ruhk.*

2. *In sinu gaudere*, i. clam *g.* Sic  
Tibull. IV, 13, 8: « Qui sapit, in ta-  
cito gaudet ille sinu!» ubi Brookhus.  
et Vulp. proverbialem locationis usum  
illustrant. *Ruhk.*

3. *Hoc (i. e. hac re) vitabis*, *a. c.*

*R. A.* Vulgo legitur sic vitab. *Schw.*

4. *Quidam odium.... inimicum.*

Etsi neminem offendissent, atque  
ideo vultum sibi inimicum fecissent,  
tamen in odium incurrerunt. Sic ex  
iuvia odium oriri potest: exemplo  
sit Aristides justus, Athenis eo uo-  
nomine io exilium ejectionis; qui cui-  
que vel e Corn. Nepote oculus est. *R.*

5. *Eum esse te homines sciant.*

Sic ms. a. et sciant etiam c. *R. A.*  
Vulgo quum te esse hom. scient. *S.*

6. *Qui illum sibi adjunxit.* Ut se-  
cere illi, de quibus supra loentus est,  
qui in illo, remedii causa, delitue-  
rint.

- qui contemnitur quia voluit, non quia debuit. Hujus incommodum<sup>1</sup> et artes bonæ discutunt, et amicitiae eorum, qui apud aliquem potentem potentes sunt: quibus applicari expediet, non implicari; ne pluris remedium, quam periculum, constet. Nihil tamen æque proderit, quam quiescere, et minimum cum aliis<sup>2</sup> loqui, plurimum secum. Est quædam dulcedo sermonis, quæ irrepit, et blanditur; et, non aliter quam ebrietas aut amor, secreta producit. Nemo, quod audierit, tacebit; nemo, quantum audierit, loquetur<sup>3</sup>. Qui rem non tacuerit, non tacebit auctorem. Habet unusquisque aliquem, cui tantum credat, quantum ipsi creditum est: ut<sup>4</sup> garrulitatem suam custodiat, et contentus sit unius auribus, populum faciet<sup>5</sup>: sic, quod modo secretum erat, rumor est. Securitatis magna portio est, nihil inique facere.
- <sup>8</sup> Confusam vitam et perturbatam impotentes agunt; tantum metuunt, quantum nocent; nec ullo tempore vacant. Trepidant enim, quum fecerunt; hærent: conscientia aliud agere non patitur, ac subinde respondere<sup>6</sup> ad se

1. *Hujus incommodum* etc. Soadet, ut qui contemptu tutari se velint, tum philosophiæ studio se dedant, tum in clientelam et tutelam potentium veniant: qua de re verbum *applicare* proprium esse solet. Cf. Gronovii Obs. I, 9 p. 65 ed. Lips. *Ruhk.*

2. *Minimum cum aliis loqui*. Taciturnitas otique Neronis ætate virtus erat, quæ vel maxime commendari et observari debebat, delatoribus imprius tunc temporis vigentibus et grassantibus. *Ruhk.*

3. *Quantum audierit, loquetur*. Non enim tantum dicat ea quæ audierit, sed etiam multo majora, aut multo plura.

4. *Ut garrulitatem suam custodiat*. Int. etiamsi garr. refrænet.

5. *Populum faciet*: id est, etiamsi uni rem dixerit; ille porro uni, hic alteri uni; sic rem etiam privatim quisque audierit, populus tamen sciet.—Landat Plutarchus de Garrulitate p. 110, Vol. X, c. 10 Hult. et poeta nescio quo: καὶ πρὸς ἑνὸς σὺνὸς ἔσται, πρὸς πάντων δὲ ἀπορὸς πάντων. *Ruhk.*

6. *Respondere ad se, a. c. R.* id est, sibi rationem reddere, respondere ad conscientiam accusationes. *Respiciere ad se* vulgo, ab Erasmo. *S.*—*Ruhk.* qui tuetur *respiciere* explicat: intelligit Seneca conscientiam suggerentem: quid feci? quid fiet? quid patiar?

cogit. Dat pœnas, quisquis exspectat : quisquis autem meruit, exspectat. Tutum aliqua res<sup>1</sup> in mala conscientia præstat, nulla securum. Putat enim se, etiam si non deprehenditur, posse deprehendi ; et inter somnos movetur ; et, quoties alicujus scelus loquitur, de suo cogitat. Non satis illi oblitteratum videtur, non satistectum. Nocens habuit aliquando latendi fortunam ; nunquam fiduciam. Vale.

1. *Tutum aliqua res* etc. Cf. Ep. xcvii, 11, ubi similia occurrunt, et dictum Epicuri : Potest nocenti con-

tingere, ut lateat, latendi fides non potest. Cf. VVyttenbaech. ad Plutarch. de Sera Numinis Vindicta p. 59. R.

## EPISTOLA CVI.

## AN BONUM SIT CORPUS.

Amico, qui quæsierat, bonum an corpus sit, respondet secundum disciplinam Stoæ : bonum esse corpus, quoniam faciat : idcirco affectus, virtutes morbosque animorum esse corpora. Tandem monet, esse argutias hæc disputationes, quæ non faciant bonos, sed doctos, ideoque supervacuis esse annumerandas.

Singularis hic locus naturalis Philosophiæ de Corporibus, sæpenumero Stoæ adversariis ansam ridendi præbuit, uti v. e. videre licet e Plutarchi libro de Stoicorum Repugnantiis ( Vol. XIII Hutt.). Recte quidem observat Tiedemann (*System der stoischen Philos.* II, 15 sqq.) post Lipsium in *Physiol. Stoic.* II, 4, sq. ortum suum duxisse ex divisione omnium rerum in duas classes, quarum altera omnes eas complectebatur, quæ efficiant aliquid, aut moveri queant : has omnes σώματα, vi vocabuli a communi usu deflecta ac philosophia in materialismum, quem vocant, conversa, vocaverunt : altera incorporales res tenuit, ἀσώματα, afflatum ( τὸ λεγόμενον ), vacuum spatium, locum, tempus.

Cf. Tiedemanni *Geist der spek. Philos.* vol. p. II, 434 sqq.

SENECA LUCILIO SUO SALUTEM.

TARDIUS rescribo ad Epistolas tuas ; non quia districtus occupationibus sum : hanc excusationem cave audias<sup>1</sup> : vaco ; et omnes vacant, qui volunt. Neminem res sequuntur ; ipsi illas amplexantur, et argumentum esse felicitatis occupationem putant. Quid ergo fuit, quare non protinus rescriberem ei<sup>2</sup>, de quo quærebas ? Veniebat in contextum operis mei ; scis enim, me *Moralem*<sup>3</sup> *Philosophiam* velle complecti, et omnes ad eam pertinentes quæstiones explicare. Itaque dubitavi, utrum differrem te, an, donec suus isti rei veniret locus, jus tibi extra ordinem dicerem : humanius visum est, tam longe venientem<sup>4</sup> non

3 detinere. Itaque et hoc ex illa serie rerum cohærentium excerptam, et, si qua erunt hujusmodi, non quærenti tibi ultro mittam. Quæ sint hæc, interrogas ? Quæ scire magis juvat, quam prodest ; sicut hoc, de quo quæris : *An bonum*<sup>5</sup> *Corpus sit* ?

4 Bonum facit<sup>6</sup> ; prodest enim : quod facit, corpus est. Bonum agitat animum, et quodammodo format et con-

1. *Hanc excusationem cave audias.* Int. noli unquam talem excusationem admittere.

2. *Et.* Sic plerimi eodd. et Erasmi. probante Gronov., qui laodat M. Senecæ præf. III, Excerpt. « Illius orationes non legunt nisi eas, quibus Cestius rescripsit. » Muretus ex uo Pinc. cod. restituit : *tibi*, quam lectionem et editio vet. habet. *Ruhk.*

3. *Scis enim me moralem philosophiam... explicare.* Illos *Moralium* libros a Lactantio II, 3 et alibi citatos, quos et noster Ep. CIX, 14 commemorat, periisse constat. Spectat autem hæc quæstio. aliarque ejusdem

argumenti ad moralem philosophiam, quippe quæ de bono et malo exponere debet. *Ruhk.*

4. *Tam longe venientem.* E Sicilia scribentem. *Lips.*

5. *An bonum corpus sit.* *Ruhk.* dat : *bonum an c. Ita*, inquit, omnes eodd. et edd. præter Muret. qui habet *an bonum c. Ruhk.*

6. *Bonum facit ; prodest enim.* Sic necessario corrigendum putavi. Vulgo *Bonum prodest ; facit enim.* confer. Ep. CXVII, init. *Schw.* — *Ruhk.* qui dedit *bonum prodest*, sic explicat : *Bonum prodest.* Hæc est Boni definitio stoica. Prodest autem, quatenus

tinet : quæ propria sunt corporis<sup>1</sup>. Quæ corporis bona sunt<sup>2</sup>, corpora sunt ; ergo et quæ animi sunt ; nam et hic corpus est. Bonum hominis necesse est corpus sit, quum ipse sit *corporalis*. Mentior, nisi et quæ alunt illud, et quæ valetudinem ejus vel custodiunt, vel restituunt, corpora sunt : ergo et Bonum ejus, corpus est. Non puto te dubitaturum, an affectus corpora sint (ut aliud quoque, de quo non quæris, infulciam), tanquam ira, amor, tristitia : si dubitas, vide an vultum nobis mutent, an frontem adstringant<sup>3</sup>, an faciem diffundant<sup>4</sup>, an ruborem evocent, an fugent sanguinem. Quid ergo? tam manifestas corpori notas credis imprimi, nisi a corpore<sup>5</sup>? Si affectus corpora sunt; et morbi animorum, avaritia, crudelitas, indurata vitia, et in statum inemendabilem adducta : ergo et malitia, et species ejus omnes, malignitas, invidia, superbia : ergo et Bona<sup>6</sup>; primum, quia

ad virtutem nos evehit s. moralem hominis statum consummat, ideoque facit, actionibus se monstrat, indicat. Cf. Tiedemanui System. II, 34 sq. Nos quidem enuntiaremus hæc sic fere : Omnia quæ corpori, quod agitant moventque, propria sunt, ea quum ejus bona, tum vero etiam ipsa corpora sunt. Atqui animus quippe facies est corpus. Ergo bona, quæ eundem agitant, eique propria sunt, etiam corpora sunt. *Ruhk.*

1. Quæ propria sunt corporis. Vulgo libri omnes, quæ ergo propria corporis sunt, temere iutrusa particula ergo. *Schw.*

2. Quæ corporis bona sunt, corpora sunt; ergo et quæ animi sunt. Correxì ex a. c. A. Perperam vulgo, ea corporis bona sunt : corpora ergo sunt, et quæ, etc. *Schw.*

3. An frontem astringant, pro-

pter iram : solemnìs loquendi formula est, frontem contrahere, adducere : cf. VVernsdorf ad Poet. Min. Lat. IV p. 260 : eadem ratione usi sunt Græci, τὰς ὀφθαλμοὺς ἀναστῆναι, ἀναστῆναι, etc. vide Hemsterhus. ad Aristoph. Plut. p. 255 et ad Lucian. II, 457 bip. unde aus hausit Bach. ad Xenoph. Sympos. III, 10. *Ruhk.*

4. An faciem diffundant. Διελκύνον, lætam reddant, exporrigant frontem. Video nunc Trillerum utriusque lingue peritissimum olim medicum in Obs. erit. III, 12 p. 202 sqq. eadem ratione exposuisse hunc locum, mihi quæ otium fecisse. *Ruhk.*

5. Nisi a corpore. Sapphe imprimatur. Quia nihil nisi corpus corpore tangi potest, ut paulo infra. § 8, declarat Noster. *Ruhk.*

6. Ergo et bona. Supple : corpora sunt.

contraria istis sunt; deinde, quia eadē tibi indicia præ-  
 7 stabunt. An non vides, quantum oculis det vigorem  
 fortitudo? quantam intentionem prudentia? quantam mo-  
 destiam et quietem reverentia? quantam serenitatem læ-  
 titia? quantum rigorem severitas? quantam remissionem  
 8 veritas<sup>1</sup>? *Corpora* ergo sunt; quæ colorem habitumque  
 corporum mutant, quæ in illis regnum suum exercent.  
 Omnes autem, quas retuli, *virtutes*, *Bona* sunt, et quid-  
 quid ex illis est. Numquid est dubium, an id, quo quid  
*tangi* potest, *corpus* sit?

Tangere enim et tangi, nisi corpus, nulla potest res<sup>2</sup>,

9 ut ait Lucretius: omnia autem ista, quæ dixi, non mu-  
 tarent corpus, nisi *tangerent*; ergo *corpora* sunt. Etiam-  
 nunc<sup>3</sup>, cui tanta *vis* est, ut impellat, et cogat, et retineat,  
 et jubeat, *corpus* est. Quid ergo? Non timor retinet? non  
 audacia impellit? non fortitudo immittit et impetum dat?  
 non moderatio refrænat ac revocat? non gaudium extollit?  
 10 non tristitia adducit? Denique, quidquid facimus, aut  
 malitiæ, aut virtutis gerimus imperio: quod imperat cor-  
 pori, *corpus* est; quod vim corpori affert, *corpus*. Bonum  
 corporis corporale est; bonum hominis, et corporis bo-  
 num est: itaque corporale est.

Quoniam, ut voluisti, morem gessi tibi, nunc ipse  
 11 dicam mihi, quod dicturum esse te video. Latrunculis  
 ludimus<sup>4</sup>; in supervacuis subtilitas teritur: non faciunt  
 bonos ista, sed doctos. Apertior res est sapere, imo sim-

1. *Remissionem veritas*. Animus simplex et apertus, non se custodiens. Muretus *hilaritas* fecerat contra omnes libros: et certe prævit jam *lætitia*. Lips.

2. *Tangere... res*. Versus Lucretii I, 305. Cf. Aul. Gell. V, 15. *Ruhk*.

3. *Etiannunc*. I. e. præterea. Sæpe

hoc sensu occurrit ap. Senecam, e. c. de Benef. V, 6, 10, 12. Ep. CIX, 8, CXVII, 3. *Ruhk*.

4. *Latrunculis ludimus*. Ludus erat, cui alii nostrum Tocategli<sup>5</sup>, *Aus und ein*, alii ludum scaccorum et Damiludium assimilat. Vide ad de Tranq. An. c. 14, 4: et cf. Versus



plicior. Paucis est<sup>1</sup> ad mentem bonam uti litteris. Sed nos, ut cætera in supervacuum diffundimus, ita philosophiam ipsam. Quemadmodum omnium rerum, sic litterarum quoque intemperantia laboramus: non vitæ, sed scholæ discimus<sup>2</sup>. Vale.

dorf. ad Poet. m. l. Tn. IV, Excurs. XI, p. 406, et *Barthélemy, Voyage du jeune Anach.* II, c. 20.—Vertii *La-grange: Nous jouons aux échecs.*—Sæpe autem Nostrum Dialecticam impugnare, quin totum genus istud extorbandum judicare, jam vidimus, c. e. Ep. XLV, XLVIII, LXXI, LXXXII, LXXXVIII, LXXXIX, CXIII. Cautionem se præstitit Epictetus, qui duabus diis. (I, 7 et 8) utilitatem hujus artis tuitus est. *Ruhk.*

1. *Paucis est ad mentem bonam uti litteris.* Vulgo, *paucis opus est (al. satis est) ad ment. bon. litteris.*

At veritatem uti agnoscunt veti. libri omnes: *est autem (absque opus vel satis) recte ms. a. et ed. R.* Adjiciatur hoc exemplum verbi *est*, pro *opus est* positi, aliis a Gronovio collectis *Observ. lib. IV, c. 8. Schw.*—Quidlibet dieat Schw. fatendum est insolentiorum esse hanc dicendi formam, et quæ firmissima auctoritate niti debuisse. Si tamen correctionem admiseris, satius erit interpretari quasi *esset licet*, quod frequenter occurrit.

2. *Non vitæ, sed scholæ discimus.* Similiter queritur Epictet. *Enchirid. c. 51. Ruhk.*

## EPISTOLA CVII.

## FIRMANDUM ESSE ANIMUM CONTRA FORTUITA ET NECESSARIA.

Amicum de fuga servorum suorum sollicitum consolatur. Monet autem talibus rebus offendi, et de iis queri ridiculum esse, quippe quæ quotidie accidunt ex lege et conditione vitæ atque naturæ omnia sapientissime ordiuntis. Quare contra omnes et majores calamitates præparetur animus, quandoquidem ea effugere non licet. Contemnendæ proinde sunt, futura sæpe cogitando et præsumendo quæ et majora esse possunt, quam accidere solent. Quidni enim majus malum accidere potuisset, quam fuga servorum, quæ multis accidit? Jam vero nihil eorum miremur, ad quæ nati sumus omnes: nam omnia mutationibus exposita sunt, et Deo auctore proveniunt, quem non objurgantes comitari debemus, sed impigre atque alacriter obtemperantes.

SENECA LUCILIO SUO SALUTEM.

UBI illa prudentia tua? ubi in dispiciendis rebus subtilitas? ubi magnitudo? Tam pusilla res te angit? Servi occupationes tuas occasionem fugæ putaverunt. Si amici deciprent (habeant enim sane nomen<sup>1</sup>, quod illis noster Epicurus<sup>2</sup> imposuit, et vocentur<sup>3</sup>), quæ<sup>4</sup> pars abesset omnibus rebus tuis? Desunt illi, qui et operam tuam contrebant, et te aliis molestum esse credebant<sup>5</sup>. Nihil horum insolitum, nihil inexpectatum est. Offendi rebus istis, tam ridiculum est, quam queri, quod spargaris in publico, aut inquineris in luto. Eadem vitæ conditio est, quæ balnei, turbæ, itineris: quædam in te mittentur<sup>6</sup>, quædam incident. Non est de-

1. *Habeant enim sane nomen.* Nam Stoici aliter, qui volunt solos sapientes inter se amicos esse; reliquos magis *socios*, et utilitate aliqua junctos, quam amicos. *Lips.*

2. *Noster Epicurus.* Qui amicitiam mirum in modum coluit, ideoque non solum a cœvis suis assecit, sed a posteris quoque magis fiebat. Cf. Baylii *Diction. Epicure*, not. D. II. — Ideo *noster* Seneca dicit quia ad Lucilium scribit, quem supra etiam notabamus in secta illa fuisse. Epicurus autem amicos sola utilitate censet, et parari vult dñs tñs xpias, ob usus; sicut et terram serimus ob fructus. Laertius; et adde supra Ep. IX. *Lips.*

3. *Et vocentur.* Sic Erasmus. et omnes eodd. atque edd. At Pine. conj. et ita voc. *Ruhk.*

4. *Quæ pars abesset.* Partim Pinciani, partim Mureti hoc iuventum est; in quo vereor ne mirum quodatum aberraverint ab eis verbis, quæ sub veterum eodicum scriptura latebat. Legitur enim quo turpius non

*sint.* Aut ego vehementer fallor aut non *sint*, quod habet libri, inceptum interpretamentum verbi *desint* erat, adeoque levi remedio sic restituendus locus: *et vocentur*, (scil. *amici*; nec opus erat ut ita *vocentur* corrigeret Mur.) quo turpius *desint* omnibus rebus tuis: *desunt illi*, etc. *Schw.* — Vulgatam iot. si amiei illi vulgares (veri non possunt) te deserant, ideo ne angare, et res tuas turbatas rationesque putes? Et quomodo noce angaris, quum non amiei, sed servi infideles te deserant?

5. *Et te aliis molestum esse credebant.* Sic omnes libri: at Muretus *molestum reddebant*: haud male pro sensu: pro vero potem, *te aliis molestum et se reddebant*: ipsi importuni, et te faciebant, dum protrahi et commendari volunt, et spessuas te iuvante impleri. *Lips.*

6. *In te mittentur.* Verissima haud dubie Lipsii emendatio. Vulgo omnes *intermittentur*. *Schw.* — Sic *Ruhk.* *expirat lect. intermittentur. Quædam*

licata<sup>1</sup> res, vivere. Longam viam ingressus es: et laboris oportet, et arietes, et cadas, et lasseris, et exclames: o mors! id est, mentiaris<sup>2</sup>. Alio loco comitem relinques, alio efferes<sup>3</sup>, alio timebis. Per ejusmodi offensas emetiendum est confragosum hoc iter. Mori<sup>4</sup> vult? <sup>3</sup> Præparetur<sup>5</sup> animus contra omnia: sciat<sup>6</sup> se venisse ubi tonat fulmen; sciat venisse se ubi

Luctus et ultrices posuere cubilia Curæ,  
Pallentesque habitant Morbi, tristisque Senectus<sup>7</sup>.

In hoc contubernio vita degenda est. Effugeré ista non potes, contemnere potes: contemnes autem, si sæpe cogitaveris, et futura præsumperis. Nemo non fortius ad <sup>4</sup> id, cui se diu composuerat, accessit; et duris quoque, si præmeditata erant, obstitit. At contra imparatus, etiam levissima expavit. Id agendum est, ne quid nobis inopinatum sit; et, quia omnia novitate graviora sunt, hoc cogitatio<sup>8</sup> assidua præstabit, ut nulli sis malo tiro.

*intermittentur.* I. quædam te non petent, te transibunt. Ita intermissa pars a flumine, intermissa mœnia, intermissus locus custodiis, etc. neglectum denotant, Lexicographis Stephano et Schellero non prætermisum. *Ruhk.*

1. *Non est delicata.* I. mollis inersque. *Ruhk.*

2. *Mentiaris.* Mendosam codicum nonnullorum scripturam *metiaris* prætolit *Ruhk.* S. — *Ruhkoplius* autem, *mentiaris*, inquit, pravo sensu; universam enim vitæ calamitatem illa nunc reposita voce bene complectitur quam modo per partes exsecutus erat: oportet *metiaris*, scilicet viam, oportet sis in peregrinatione, quam vita sæpe comparatur. Conf. Gatak. ad M. Anton. II, 11, 17.

3. *Alio efferes.* Mortuum. *Ruhk.*

4. *Mori vult?* Sic recte *a. r. R. A.* id est, mortem aliquis sibi optat, qui tamen (verum si quæris) illam horret, et fugiet adventantem! immo potius *præparetur animus*, etc. Perperam volgo, *mori me vult.* S. — Quod *Ruhk.* interpretatur: iter ad mortem me ducit?

5. *Præparetur... omnia.* Cf. *Epist.* XVIII, supra. *Horat.* Carm. II, 10, 13 et 14: "Sperat infestis, metuit secundis Alteram sortem bene præparatolom Pectus." *Ruhk.*

6. *Scint... fulmen.* More suo ex omnibus periculis unum eligit, fulmen, quo icti homines interdum interimuntur. *Lipsius* tamen ait, se ex hac lectione nihil concinascere. *Ruhk.*

7. *Luctus... Senectus.* Versus sunt *Virgil.* *Æn.* VI, 274, 275. *Ruhk.*

8. *Hoc cogitatio.* Sic exhibent *a.*

- 5 Servi<sup>1</sup> me reliquerunt! Alium compilaverunt, alium accusaverunt, alium occiderunt, alium prodiderunt, alium calcaverunt, alium veneno, alium criminatione petierunt. Quidquid dixeris, multis accidit<sup>2</sup>. Deinceps, quæ multa et varia sunt, in nos diriguntur. Quædam in nos fixa sunt<sup>3</sup>, quædam vibrant, et quum maxime veniunt; quædam, in alios perventura, nos<sup>4</sup> stringunt.
- 6 Nihil miremur eorum<sup>5</sup>, ad quæ nati sumus; quæ ideo nulli querenda, quia paria sunt omnibus. Ita dico, paria sunt<sup>6</sup>; nam etiam, quod effugit aliquis, pati potuit: æquum<sup>7</sup> autem jus est, non quo omnes usi sunt, sed quod omnibus latum est. Imperetur æquitas animo; et sine querela mortalitatis tributa pendamus. Hiems frigora adducit; algendum est: æstas calores refert; æstuidum

c. A. Vulg. edd. præstabant hæc cog. S.

1. Servi me. Sic a. c. R. A. non te. Schw.

2. Accidit. Deinceps. Corrupta; forte accidit, et accidet deinceps. Quam multa et varia in nos diriguntur? vel varia sunt, quæ in nos d. Lips.

3. Quædam in nos fixa sunt rel. Imagine arcus et sagittarum utitur: quædam sagittæ jam inhærescent nobis, quædam in eo sunt ut nos petant, quædam pene transvolant. Et hic corruptelam nescio quam subodoratur Lipsius. Ruhk.

4. Nos stringunt. Libant nos leviter, sed alibi sedent et feriunt: per nostrum latus, alius læditur. Lips.

5. Nihil miremur eorum, etc. Vides hic et seq. doctrinam stoicam de libertate conjunctam cum illa de providentia, nixamque discrimine ntissimo rerum, quæ in nostra potestate non sunt (necessitatem naturalem vocaremus) et quæ in ea sunt: ἐκ τῶν

ἐκ τῶν ἐπ' ἡμῶν, ἐκ δὲ ἐκ τῶν ἐπ' ἡμῶν, Epict. Enchir. I, Diss. IV, 1 et 12. Etsi in tota hæc sententiarum stoicarum serie nunc facile deprehendantur, quæ non satis coeant et recte impugnentur, tamen ita istas comparatas esse agnoscas, ut tunc discrimine inter hominem, quatenus e sensibus pendet, et inter rationalem animum, tunc inter regnum rationis et apparitionum mundi sensualis probe ab iis jam animadverso, in eodem tramite incederent Stoici, qui conditorem Philisophiæ criticæ ad rectiorem de libertate doctrinam perduxit. Cf. Kantii Critik der prakt. Vernunft I, 1, 3. Ej. Critik der reinen Vernunft p. 538 558. Ruhk.

6. Ita dico, paria sunt. Quatenus fieri possunt possibilitate: casuum continetur paritas, Ruhk.

7. Æquum... latum est. I. e. leges naturæ omnibus hominibus late sunt modo æquum, etiamsi non æquum modo iis intantur. Ruhk.

est : intemperies cæli valetudinem tentat ; ægrotandum  
est. Et fera nobis aliquo loco<sup>1</sup> occurret, et homo perni-  
ciosior feris omnibus. Aliud aqua, aliud ignis eripiet.  
Hanc rerum conditionem mutare non possumus : <sup>2</sup>illud  
possumus, magnum sumere animum et viro bono di-  
gnum, quo fortiter fortuita patiamur, et naturæ consen-  
tiamus. Natura autem hoc, quod vides, regnum muta-  
tionibus temperat. Nubilo serena succedunt; turbantur  
maria, quum quieverunt; flant invicem venti; noctem  
dies sequitur; pars cæli consurgit<sup>3</sup>, pars mergitur; con-  
trariis rerum æternitas constat. Ad hanc legem animus  
noster aptandus est : hanc sequatur, huic pareat; et,  
quæcumque fiunt, debuisse fieri putet, nec velit objur-  
gare Naturam.

Optimum est, pati quod emendare non possis<sup>4</sup>; et  
Deum, quo auctore<sup>5</sup> cuncta proveniunt, sine murmura-  
tione comitari. Malus miles est, qui imperatorem gemens  
sequitur. Quare impigri atque alacres excipiamus impe-  
ria, nec deseramus hunc operis pulcherrimi cursum, cui  
quidquid patimur intextum est; et sic alloquamur Jo-  
vem, cujus gubernaculo moles ista dirigitur, quemadmo-  
dum Cleanthes<sup>6</sup> noster versibus disertissimis alloquitur;

1. *Aliquo loco.* Temere vulgo ommissa  
vox prior. Schw.

2. *Illud, ms. a.* Vulgo *id possu-*  
*mus.* Schw.

3. *Pars cæli consurgit, pars mer-*  
*gitur.* Vertit Lagrange : *Une partie*  
*du ciel s'élève sur notre tête, tan-*  
*dis qu'une autre s'abaisse sous nos*  
*pieds.*

4. *Optimum est... non possis.* Jam  
laudavimus Horat. od. lib. I, XXI :  
« Sed levius fit patientia Quidquid  
corrige est nefas. »

5. *Deum, quo auctore.* Hoc enim  
Stoici capitale dogma habebant, et  
finem statuebant, naturam, id est,  
Deum sequi. Vide Manud. II, Diss.  
XIX. Lips.

6. *Cleanthes.* Auditor et amicus Ze-  
nonis, cujus egregius Hymnus no-  
tissimus est (Brunck Poet. Gnom.  
p. 141 sq.), cf. Fabricii Bibl. gr. III,  
553. Harl. Exemplum Ciceronis imi-  
tatur, quem sæpe græcorum poeta-  
rum versus in sermonem latinum  
convertisse constat, etsi eloquentia

quos mihi in nostrum sermonem mutare permittitur, Ciceronis, disertissimi viri, exemplo. Si placuerint, boni consules.<sup>1</sup>; si displicuerint, scies me in hoc sequutum Ciceronis exemplum.<sup>2</sup>

11

Duc me, parens, celsique dominator poli,  
Quocumque placeat: nulla parendi mora est;  
Adsum impiger. Fae nolle, comitabor gemens,  
Malusque patiar, quod pati liceat bono.  
Ducunt volentem fata,<sup>3</sup> nolentem trahunt.

Sic vivamus, sic loquamur! paratos nos inveniat atque impigros fatum! Hic est magnus animus, qui se Deo tradidit: at contra ille pusillus et degener, qui obluctatur, et de ordine mundi male existimat, et emendare<sup>4</sup> mavult Deos, quam se. Vale.

cum in carminibus destituit, judice M. Seneca Præf. 3 Controv. Iambi, quos convertit noster, Cleanthis existant apud Epictet. Enchirid. LIII ubi cf. Intpp. Sunt hinc: « ἄγεω θεῖ μ', ὦ Ζεῦ, καὶ σὺ γ' ἢ περπατῶν, ὅποι ποθ' ἤμιν εἰμὶ διατεταγμένος. ὡς ἔφησάν γ' ἄσχυρος ἦν δὲ μὴ δέλω, κακὸς γινόμενος οὐδὲν ἥττον ἔφησάν. » Ruhl.

1. *Boni consules.* Notissima locutio pro *approbare*. *Lagrange* bene vertit: *Je m'en applaudirai*.

2. *Ciceronis exemplum.* Quanquam Seneca pater contendat Ciceronem in carminibus eloquentia sua fuisse destitutum (vid. super. pag. not. 6), contra tamen Plutarchus cum suæ

ætatis poetam celeberrimum fuisse scripsit, et certe restant quædam illius fragmenta non erubescenda.

3. *Ducunt volentem fata.* Non est in Græcis hic versus, et puto insititum esse, atque ibi lectum. *Lips.* — Duo isti versus ultimi præpostero ordine, contra quam in mssis, positi erant in ed. Mur. et Lips. quarum exemplum miror secutos esse Bipontinos et Ruhl. quum recte rursus dispositi essent iidem versus in ed. Gron. Schw.

4. *Emendare mavult Deos, quam se.* Ille enim carpit divina et providentiam; alia illa esse velit magis, quam se alium. *Lips.*

## EPISTOLA CVIII.

## QUOMODO AUDIENDI SINT PHILOSOPHI.

Priusquam amici quæstionem expediat, docendum putat, quomodo philosophiæ operam dare optimum sit. Ac primum quidem monet, ut per partes, sensim sensimque discere atque in studium philosophiæ incumbere præferat. Ita deinde fiet, ut, quod Attalus dicebat Senecæ juveni, quotidie et sanior et sanabilior evadat ille, qui philosophiæ operam suam navaverit strenue. Nam vis Philosophiæ magna est. Sed hoc fieri debet non negligenter, non oblectamenti, boni temporis fallendi causa. Noventur afficiunturque quidem multi facile, quoniam quisque semen virtutis in se habet, sed pauci mente hæc sic affecta utuntur tanquam norma vitæ. Quare in illud vehementer incumbendum est, ut, si quando sensus tales excitati sint, eos elatiores faciamus vel carminibus, ut vehementius urgeamus instemusque, ne auditores ex animo veritatem, cujus vim agnoverint, dimittant, sed exerceant agendo. Hoc ipse expertum esse narrat Seneca, quum Attalum, Sotionemque juvenis audiret, et omnes experturos esse putat; quippe ad optima quæque natos, modo non interdum præcipientes pœcerent, qui docere malunt disputare quam vivere. Hoc illustratum dat exemplis quibusdam e Virgilio petitis atque a Cicerone, quos aliter grammatici, aliter philosophus legit. Itaque auditio lectioque philosophorum ad propositum beatæ vitæ trahenda est, ut inde præcepta mutuemur, quæ mox in rem transferantur.

## SENECA LUCILIO SUO SALUTEM.

Id, de quo quæris<sup>1</sup>, ex his est, quæ scire, tantum eo, ut scias, pertinet. Sed nihilominus, quia pertinet<sup>2</sup> et properas, nec vis exspectare libros, quos quum maxime

1. *Id, de quo quæris.* Quæsierat, an sapiens sapienti prosit? Cf. *Epist. sequens. Rubk.*

2. *Quia pertinet et properas.* Sic

commode ed. Rubk. ex emend. Gron. Nempe et deerat a. c. H. A. et Grut. absorptum a terminatione præcedentis verbi. Vocem *pertinaciter*, quam in-

ordino<sup>1</sup>, continentes totam Moralem Philosophiæ partem statim expediam. Illud tamen prius scribam, quemadmodum tibi ista cupiditas discendi, qua flagrare te  
 2 video, dirigenda sit, ne ipsa se impediat. Nec passim carpenda sunt; nec avide invadenda universa: per partes pervenitur ad totum. Aptari onus viribus debet<sup>2</sup>; nec plus occupari, quam cui sufficere possimus<sup>3</sup>. Non, quantum vis, sed quantum capis, hauriendum est. Bonum tantum habe animum; capies, quantum voles<sup>4</sup>. Quo plus  
 3 recipit animus, hoc se magis laxat. Hæc nobis præcipere Attalum<sup>5</sup> memini, quum scholam ejus obsideremus, et primi veniremus, et novissimi exiremus, ambulantem quoque illum ad aliquas disputationes evocaremus, non tantum paratum discentibus, sed obvium. « Idem, inquit, et docenti, et discenti debet esse propositum: ut ille prodesse velit, hic proficere. » Qui ad<sup>6</sup> Philosophum venit, quotidie aliquid secum boni ferat; aut sanior domum redeat, aut sanabilior. Redibit autem: ea enim  
 4 Philosophiæ vis est, ut non [solum] studentes<sup>7</sup>, sed etiam

ter pertinet et properas incommode infulciunt nonnulli, ignorant nostri libri et Grut. Schw.

1. *Ordino*. Nic. Faber e mss. libris reposuit, quum alii haberent: *maxime ordine, ordinem, maximo ordine*. Ruhk.

2. *Aptari onus viribus debet*. Idem præcipit Horatius de Arte Poet. 38: « Sumite materiam vestris, qui scribitis, æquam Viribus; et versate diu, quid ferre recusent, Quid valeant humeri. »

3. *Possimus, a. R.* Vulgo *possumus*. Schw.

4. *Capies, quantum voles*: quia scil. si bonum habes animum, non plus haurire voles, quam capere potes.

5. *Attalum*. Sub imperat. Tiberio clarum Stoicum, qui solum vertit a Sejano circumscriptus, magnæ vir eloquentiæ, ex philosophis, quos nostra ætas vidit, longe et subtilissimus et fecundissimus. M. Ann. Seneca in Suasoria 2. Fabric. Bibl. gr. III, 544. Ruhk.

6. *Qui ad Philosophum*. Hoc debuerat ms. a. iu quo mendose *quis philosophum*. *Qui ad philosophiam* c. A. *Qui ad philosophum scholas* vulgo, ex R. Schw.

7. *Non [solum] studentes*. Istud solum, ab Erasmo adjectum, ignorant a. c. R. A. et rectius, ut nobis videtur, abjicietur. Vide not. ad VIII, et cf. XXIV. Schw.



conversantes juvet. Qui in solem<sup>1</sup> venit, licet non in hoc venerit, colorabitur; qui in unguentaria<sup>2</sup> taberna resederunt, et paulo diutius commorati sunt, odorem secum loci ferunt; et, qui apud Philosophum fuerunt, traxerint aliquid necesse est, quod prodesset etiam negligentibus. Attende, quid dicam : *negligentibus*; non, *repugnantibus*<sup>3</sup>.

Quid ergo? non novimus quosdam, qui multis apud Philosophum annis persederint, et ne colorem quidem duxerint? — Quidni noverim? pertinacissimos quidem, et assiduos; quos ego non discipulos philosophorum, sed inquilinos<sup>4</sup>, voco. Quidam veniunt, ut audiant<sup>5</sup>, non ut discant; sicut in theatrum voluptatis causa, ad delectandas aures oratione, vel voce, vel fabulis, ducimur. Magnam hanc auditorum partem videbis, cui philosophi schola diversorium<sup>6</sup> otii sit. Non id agunt, ut aliqua<sup>7</sup> illo vitia deponant; ut aliquam legem vitæ accipiant, qua mores<sup>8</sup> suos exigant; sed ut oblectamento aurium perfruantur. Aliqui tamen et cum pugillaribus veniunt; non ut res excipiant, sed ut verba, quæ tam sine profectu alieno dicant<sup>9</sup>, quam sine suo audiunt. Quidam ad ma-

1. *Qui in solem... colorabitur.* Similiter Cic. de Orat. II, 14: « Quum in sole ambulem, etiamsi aliam ob causam ambulem, fieri natura tamen, ut colorer. » *Ruhk.*

2. *Qui in unguentaria... ferunt.* Ibi et apud tonsores commorabantur sæpe homines fallendi temporis causa et Romæ, et Athenis *iv τῷ πύρῳ*. Cf. Intpp. ad Aristoph. Eq. 1372. *Ruhk.*

3. *Non, repugnantibus.* Scilicet philosophi conversatio, non proderit illi qui doctrinæ repugnabit.

4. *Inquilinos.* Qui velut habitent ibi, sed in alieno domicilio: et ideo

nec afficiuntur, nec proficiunt. *Lips.*

5. *Quidam veniunt, ut audiant, non, etc.* Hæc et sequentia vereor ne haud raro a professoribus nostris de auditorum suorum magna parte dici liceat! *Ruhk.*

6. *Diversorium, a. c. R. A. non diversorium,* quod placuit Maith. S.

7. *Illo (i. e. illuc) deponant.* Sic vet. libri: vulgo *illuc* ex Pinciani coniectura. *Schw.*

8. *Qua mores, a. c. R. A. non ad quam.* *Schw.*

9. *Dicant.* Sic ediderat Muretus, et reperitur in ms. a. a prima manu,

gnificas voces excitantur, et transeunt in affectum dicentium, alacres vultu et animo; nec aliter<sup>1</sup> concitantur, quam solent Phrygii tibicinis sono semiviri<sup>2</sup>, et ex imperio<sup>3</sup> furentes. Rapiunt illos instigatque rerum pulchritudo, non verborum inanium sonitus. Si quid acriter  
8 contra mortem dictum est, si quid contra fortunam contumaciter; juvat protinus, quæ audias, facere. Afficiuntur illis<sup>4</sup>: et sunt quales jubentur<sup>5</sup>, si illa animo forma permaneat, si non impetum insignem protinus populus, honesti dissuasor, excipiat. Pauci illam, quam conceperant, mentem domum perferre potuerunt.

Facile est, auditorem concitare ad cupidinem recti:  
9 omnibus enim natura fundamenta dedit, semenque virtutum, omnes ad omnia ista nati sumus; quum irritator accessit, tunc illa animi bona<sup>6</sup>, velut sopita, excitantur. Non vides, quemadmodum theatra consonent, quoties

idque verum est. Commode interpres Callieus: *Qu'ils répètent sans fruit pour les autres. Vulgo discant quod sequenti audiunt minime oppoñitur.* — Deum recte audiunt a. c. A. non audiant. Schw.

1. *Nec aliter...* Phrygii tibicinis sono semiviri. De Matris Deæ sacerdotibus, Gallis, loquitur, de quibus Lucian. Tu. I, p. 59. Nigrin. c. 38, ubi cf. Hemsterb. ait, Lipsio vertente: « Sicut phrygiæ tibicinis sonum qui adidit, non omnes in furem agunt, sed qui Rheæ sacrati addictique sunt, illi reminiscuntur eo signo affectus. » Præverat in simili re Plato in lone To. IV p. 191, 192. bipont. Ruhkpf.

2. *Semiviri.* Galli.

3. *Ex imperio furentes*, scilicet arebigalli qui signum jubet dari furentibus. Ruhk.

4. *Afficiuntur illis: et sunt*, etc. Perperam edd. *afficiuntur illi; et sint.* Schw.

5. *Quales jubentur.* I. e. sunt quales eos fieri magister jubet.

6. *Tunc illa animi bona, velut sopita, excitantur.* Sic ed. Mur. Lips. Gron. Bip. et Matth. Est autem illud *sopita* ex ingenio Mureti, cogitantis puto igniculos illos, quos subinde Cicero dicit, ubi de *virtutis seminibus* loquitur pectori hominum insitis. Sed verum videtur quod cum isto *a.* dabat R. et alie editiones ante Moretum, *velut soluta*, nempe vinculis soluta, quibus constringebantur, impediementis soluta, quæ obstabant. Cf. Epist. xcv. *Soluta* habet ms. c. et ed. A. cum Pinc. et Grut. quod (quo senso non video) adoptavit Ruhkpf. Nempe ex *soluta* corruptum istud erat. Schw.

aliqua dicta sunt, quæ publice agnoscimus, et consensu vera esse testamur?

Desunt inopiæ multa, avaritiæ omnia.

In nullum avarus bonus est, in se pessimus <sup>1</sup>.

Ad hos versus ille sordidissimus plaudit, et vitiiis suis fieri convicium gaudet<sup>2</sup>. Quanto<sup>3</sup> magis hoc judicas evenire, quum a Philosopho ista dicuntur; quum salutaribus præceptis versus inseruntur, efficacius eadem illa demissuri in animum imperitorum? « Nam, ut dicebat Cleanthes<sup>4</sup>, quemadmodum spiritus noster clariorem sonum reddit, quum illum tuba, per longi canalis angustias tractum, potentiorē novissimo<sup>5</sup> exitu effudit; sic sensus nostros clariores carminis arcta necessitas<sup>6</sup> efficit. » Eadem negligentius audiuntur, minusque percutiunt, quamdiu soluta oratione dicuntur; ubi accessere numeri

1. *Pessimus*. Versus haud dubie sunt P. Syri, vel Laberii, quæ est sententia Mitscherlichii ad Horat. Carm. III, 16, 42, To. II, p. 706. Cf. ad Consolat. ad Marc. 9, 4. R.

2. *Et vitiiis suis fieri convicium gaudet*. Juxta illud Boetii nostri in arte Poetica :

L'avare, des premiers, et du tableau faible  
D'un avaré souvent tracé sur son modèle ;  
Et mille fois en fait fortement exprimé  
Méconnaît le portrait sur lui-même formé.

3. *Quanto... imperitorum?* Fortasse cogitavit de Chrysippo, quem huic instituto, quod Noster prædicat, indulgisse constat. Ruhk.

4. *Cleanthes*. Cf. ad Ep. 107, 10: sed ubi hæc occurrerint, dicere non habeo, quum præter Hymnum in Jovem, omnia ejus scripta perierint. Ruhkopf.

5. *Potentiorē novissimo*. Cleanthis imago parum sibi constat in lectione olim vulgata: nam sermo est

de efficacia et potentia uti soni ad aures, ita orationis vincula ad animum. Conjectura itaque facili ducebatur eo, ut mallem: *potentiorē novissimo*, quam firmatam postea vidi editione veteri: accedit quod unus palat. apud Gruterum habet *potenti ore*: tamen *novissime* omnes tenent. Itaque reduxi: *potentiorē novissimo ex*. eliminata vulgata: *potentiorē novissime ex*. Ruhk. — Percommode locum istum constituit Ruhk. quum *potentiorē novissime* vulgo legeretur. Et *novissime* quidem tenent libri omnes; quod servari utique non potuisse videtur, nisi voce *exitu* ejecta. *Potentiorē* vero dabal ed. A. *Potentiorē* ms. c. Alii libri in *potentiorē* fere consentiunt. Schw.

6. *Arcta necessitas*. Propter numeros et pedes; vincula oratio, quæ sensus continet et uno tandem quasi impetu protrudit, s. velut lacerto excussos torquet. eadem ratione, quæ so-

et egregium sensum adstrinxere certi pedes, eadem illa sententia, velut lacerto excussa, torquetur. De contemptu pecuniæ multa dicuntur, et longissimis orationibus hoc præcipitur, ut homines in animo, non in patrimonio, putent esse divitias; eum esse locupletem, qui paupertati suæ aptatus est<sup>1</sup>, et parvo se divitem fecit. Magis tamen feriuntur animi, quum carmina ejusmodi dicta sunt:

*Is minimo eget mortalis, qui minimum cupit.*

*Quod vult, habet, qui velle, quod satis est, potest<sup>2</sup>.*

- 12 Quum hæc atque ejusmodi audimus, ad confessionem veritatis adducimur. Illi enim, quibus nihil satis est, admirantur, acclamant, odium pecuniæ indicunt. Hunc illorum affectum quum videris, urge, hoc preme, hoc onera, relictis ambiguitatibus, et syllogismis, et cavillationibus, et cæteris acuminis irriti ludicris. Dic in avaritiam, dic in luxuriam: quum profecisse te videris, et
- 13 animos audientium affeceris, insta vehementius. Verisimile<sup>3</sup> non est, quantum proficiat talis oratio, remedio intenta<sup>4</sup>, et tota in bonum audientium versa. Facillime enim tenera conciliantur ingenia ad honesti rectique amorem: et adhuc docilibus leviterque corruptis injicit manum Veritas, si advocatum idoneum nacta est<sup>5</sup>.

us novissime potentior effunditur e tuba, in cujus longo canali ita continuebatur, uti sensus nostri pedibus adstringuntur metricis. *Ruhk.*

1. *Aptatus est.* Sic conj. Pinc. et præstat editio vetusta, firmat Senecæ usus. Alii *oblatus*, *optatus*: vulg. *aptus.* *Ruhk.*—*Aptatus est.* Ad eam se accommodat: non ultra modum viresque ejus cupit aut sumit. *Lips.*

2. *Potest.* Etiam hi versus Publîi Syri sunt. Similia Abdolœymi habet

Curtius IV, 1, 25 ubi Raderus nostri loci meminit. *Ruhk.*

3. *Verisimile non est.* Mirum est. *Ruhk.*

4. *Remedio intenta.* Quæ tendit ad id, ut remedium afferat morbis animi, quæ nihil aliud curat nisi audientes sanentur, melioresque fiant, parum sollicita de verborum sententiarumque apparatu.

5. *Nacta.* Ms. a, ut alibi habet *nacta.* *Schw.*

Ego certe, quum Attalum<sup>1</sup> audirem, in vitia, in errores, in mala vitæ perorantem, sæpe misertus sum generis humani, et illum sublimem altio remque humano fastigio credidi. Ipse regem se esse dicebat<sup>2</sup>: sed plus, quam regnare mihi videbatur, cui liceret censuram agere regnantium. Quum vero commendare paupertatem cœperat, et ostendere, quam, quidquid usum excederet, pondus esset supervacuum et grave ferenti; sæpe exire e schola pauperi libuit<sup>3</sup>. Quum cœperat voluptates nostras traducere, laudare castum corpus, sobriam mentem, puram mentem, non tantum ab illicitis voluptatibus, sed etiam supervacuis; libebat circumscribere gulam et ventrem. Inde mihi quædam permansere, Lucili; magno<sup>4</sup> enim in omnia inceptu<sup>5</sup> vneram: deinde, ad civitatis vitam reductus, ex bene cœptis pauca servavi. Inde ostreis boletisque in omnem vitam renuntiatum est: nec enim cibi<sup>6</sup>, sed oblectamenta sunt, ad edendum saturos cogentia; quod gratissimum est edacibus, et se ultra, quam capiunt, farcientibus, facile descensura, facile reditura<sup>7</sup>. Inde in omnem vitam unguento abstinemus; quoniam optimus odor in corpore est nullus<sup>8</sup>. Inde

1. *Attalum*. Cf. sup. ad § 3. *Ruhk.*

2. *Regem se esse dicebat*. Ut Stoicus. Solus enim sapiens Rex: notissimum paradoxon stoicum. Lipsius laudat suam *Manuduct.* III, 13. *Ruhk.*

3. *Sæpe exire e schola pauperi libuit*. Sæpe ad id inducebar, ut vellem pauper e schola exire, id est meas abjicere divitias. Bene vertit *Lagrange*: *J'étais souvent tenté de sortir pauvre de son école*.

4. *Magno... servavi*. Magno ardore philosophiæ se dedisse, ait, et præcepta illius imitatum esse, sed quum lato clavo sumpto honores, quæstu-

ram v. c. (cf. *Consol. ad Helv. c. 17*) peteret, genus vitæ austeram mitigasse. *Ruhk.*

5. *Inceptus, non impetu, a. R. A.* Pal. 1, 2, 3. Col. *Schw.*

6. *Nec enim cibi*. Vulgo hæc enim non cibi, iuvitis libris vet. *Schw.*

7. *Facile descensura, facile reditura*. Vertit *Lagrange*: *Ils passent facilement, et font place à de nouveaux morceaux*.

8. *In corpore est nullus* (ut poeta: «Bene olet qui nihil olet»). *Inde vino carens* (scil. facile carens, et carere assuetus) *stomachus*. Sic prorsus ms.

vino carens stomachus. Inde in omnem vitam balneum fugimus; decoquere corpus<sup>1</sup>, atque exinanire sudoribus, inntile simul delicatumque credidimus<sup>2</sup>. Cætera projecta redierunt; ita tamen, ut, quorum abstinentioniam interruppi, modum servem, et quidem abstinentioniæ proximiorum, nescio an difficiliorem; quoniam quædam absconduntur facilius animo, quam temperantur.

- 17 Quoniam cœpi tibi exponere, quanto majori impetu ad philosophiam juvenis accesserim, quam senex pergam, non pudebit fateri, quem mihi amorem *Pythagoræ* injecerit *Sotion*<sup>3</sup>. Dicebat<sup>4</sup>, quare ille animalibus<sup>5</sup> abstinuisset, quare postea *Sextius*<sup>6</sup>. Dissimilis utrique causa erat, sed utrique magnifica. Hic homini satis alimentorum citra sanguinem esse credebat, et crudelitatis consuetudinem fieri, ubi in voluptatem esset adducta lace-
- 18 ratio. Adjiciebat, contrahendam materiam esse luxuriæ; colligebat, bonæ valetudini contraria esse alimenta varia,

a. nt ex duobus codd. commendavit Pincianus: et sic edd. inde a Mur. nisi quod ille sua auctoritate caret posuit. Misere h. l. corrupti sunt alii libri; e quibus, sua item adhibita conjectura, hanc lectionem (merito a Matth. desertam) protulit Rnhk. *quoniam optimus odor in corpore est. Non luxum dat vino stomachus. S.* — Rnhkopfs damnat *vino carens* quia hoc Seneca dicere non potuit, quippe qui omnem vini usum non vetuit, vincarum tam diligens fassor: sed Schw. interpretatur *vinn carens* non ut omnino careat, sed ut qui carere possit. Cæterum minime credendum est Senecam scripsisse non *luxum dat vino s.* Adeo barbarum est.

1. *Decoquere corpus... credidimus.* In balneis, qualia describit Epist. LXXXVI, 5, calidis. Rnhk.

2. *Credidimus, non credimus, a. R. A. Schw.*

3. *Injecerit Sotion.* Est ex emeod. Pinciani, qnum omnes codd. et edd. haberent: *injecerit. At s. Ad Sotion.* Fortasse latuit hujus philosophi prænomen, sive nomen ejus patriæ: erat autem Alexandrinus. — *Sotion.* Præceptor Senecæ, de quo cf. ad Epist. XLIX, 2. Bruckeri Hist. crit. Philos. II, p. 95. Rnhk.

4. *Dicebat.* Vett. libri omnes; non *docebat.* Schw.

5. *Quare ille animalibus.* Exstant dissertationes dæ Pntarchi *De usu Carnium*, pro Pythagoræ seors, sanequam argutæ. In altera etiam stoicos tangit, qui qnum deliciis spernant et rejiciant, non item hanc cibi immanitatem. Vide, sodes. Lips.

6. *Sextius.* De eo vide ad 98, 13. R.

et nostris aliena corporibus. At Pythagoras<sup>1</sup> omnium inter omnia cognationem<sup>2</sup> esse dicebat, et aliorum commercium in alias atque alias formas transcuntium. Nulla (si illi credas) anima interit, nec cessat quidem, nisi tempore exiguo, dum in aliud corpus transfunditur. Videbimus<sup>3</sup>, per quas temporum vices, et quando, pererratis pluribus domiciliis, in hominem revertatur. Interim sceleris hominibus ac parricidii metum fecit, quum possint in parentis animam inscii incurere, et ferro morsue violare, si in quo<sup>4</sup> cognatus aliquis spiritus hospitaretur. Hæc quum exposuisset Sotion, et impleisset argumentis suis: « Non credis, inquit, animas in alia corpora atque alia describi<sup>5</sup>? et migrationem esse, quod<sup>6</sup> dicimus mortem? Non credis, in his pecudibus, ferisve, aut aqua mersis<sup>7</sup>, illum quondam hominis animum morari? Non credis, nihil perire in hoc mundo, sed mutare regionem? nec tantum cælestia per certos circuitus verti, sed animalia quoque per vices ire, et animos per orbem agi? Magni ista crediderunt viri! itaque iudicium qui-

1. *At Pythagoras* rel. Præclare de hae abstinence Pythagoræ et Pythagoreorum egit Meiners *Gesch. der Wiss.* I, p. 419 sqq. ubi docet, Pythagoram, ejusque amicos antiquissimos non omnibus animalibus, sed quibusdam tantum generibus abstinuisse, posteriores tamen Pythagoreos severiores fuisse. Conferri quoque meretur Tiedemannii liber elegans: *Griechenlands erste Philosophen*, p. 310 sqq. *Muhk.*

2. *Omnium inter omnia cog.* Ob illam animarum, etiam in bruta corpora, migrationem. Cæterum et prior illa ratio, quæ continentiam et valetudinem spectat, verè movit Pythagoram: quod in Laertio aliisque le-

ges: Ἐννύθιον γὰρ καὶ αἰώματος ὑφίσταται, καὶ ψυχῆς δέοντα περιπλύνεται: hinc enim et corporis sanitatem, et mentis sagacitatem provenire. *Lips.*

3. *Videbimus.* Sie membranæ et antiquiss. edd., et sic loquitur plerumque Seneca Reduxi Gron. auctore. Antea: *Viderimus.*

4. *Si in quo.* Perperam deerrat si edd. *S.* — Int. si in quo animali.

5. *Describi.* Id est distribui.

6. *Quod dicimus mortem.* Sie recte a. c. *A. Quam dicimus mortem* ed. *H.* Perperam vulgo, *quam dicimus esse mortem.* *Schw.*

7. *Aqua mersis.* I. e. piscibus; nam et iis vel maxime abstinebant. Plutarch. l. l. *Lips.*

dem tuum sustine; cæterum omnia tibi integra <sup>1</sup>serva. Si vera sunt ista, abstinuisse animalibus innocentia est; si falsa, frugalitas est. Quod istic <sup>2</sup>crudelitatis tuæ damnum est? Alimenta tibi leonum et vulturum eripio. »

His instinctus <sup>3</sup>, abstinere animalibus cœpi; et, anno peracto, non tantum facilis erat mihi consuetudo, sed  
 32 dulcis. Agiliorem mihi animum <sup>4</sup>esse credebam; nec tibi hodie affirmaverim, an fuerit. Quæris, quomodo desierim? In Tiberii Cæsaris principatum juventæ tempus inciderat: alienigena tum <sup>5</sup>sacra movebantur, sed inter argumenta <sup>6</sup>superstitionis ponebatur quorundam animalium abstinencia <sup>7</sup>. Patre itaque meo rogante, qui calumniam timebat <sup>8</sup>, non philosophiam oderat, ad pristinam consuetudinem redii; nec difficulter mihi, ut  
 33 inciperem melius cœnare, persuasit. Laudare solebat

1. *Integra serva.* Poterat teneri in *integrò*, quod habebat ed. Er. ex R. cum ms. a. Schw. — *Itaque iudicium... integra serva.* Bene vertit Lagrange: *Ne précipitez pas votre jugement: supposons la question indécise.*

2. *Quod istie crudelitatis tuæ damnum est?* Sic prorsus, ut vulgo ms. a. Sed vereor ut satis sana oratio sit: nil autem juvant libri. *Isti* habet ms. c. *Iste* ed. A. *Istis crudelitatibus tuis* ed. R. *Istic crudelitatibus tuis* ed. Erasmi. Schw. — *Sæva* sunt et dura, te indigna, quæ tuæ crudelitati subtraherem. Multa alia restant, in quæ crudelia esse potes. Monro; ne hæc cum Lipsio emendatione indigere putet, quippe sineera. Ruhk.

3. *His instinctus.* *His ego instinctus* scribe cum a. R. *His ergo instinct.* e. A. Schw.

4. *Agiliorem mihi animum.* Tecum sentiam; et assidua hæc *πρωπαιλα*

nimis Europæis usurpata brutos facit. Lips.

5. *Alienigena tum* (vel tunc) *sævera.* Sic, ut ex Lipsii conj. Ruhkopffius edidit, legitur in ms. a. Vulgo *alienigenarum sacra.* Schw. — Judæi autem et Egyptii, sub Tiberio, a. U. c. 772, urbe pulsi et aliquot milia in Sardiniam ablegata. Tacit. Annal. II, 85. Agebat tum Seneca annum ætatis circiter vigesimum. R.

6. *Sed inter argumenta.* Pro *sed inter arg.* expectaveram et *inter arg.* sed non addixere libri. Schw.

7. *Abstinencia.* Ut suis apud Judæos.

8. *Qui calumniam timebat, non philosophiam oderat.* In hac sententiam cum Jac. Lectio apud Lipsium, et cum Ruhkenio ad Vellei. To. I, pag. 314, correxi constantem quidem librorum omnium scripturam, qui non calumniam timebat, sed philosophiam oderat. Schw.



Attalus culcitam, quæ resisteret corpori : tali utor etiam senex, in qua vestigium apparere non possit.

Hæc retuli, ut probarem tibi, quam vehementes haberent tîrunculi impetus primos ad optima quæque, si quis exhortaretur illos, si quis impelleret. Sed aliquid præcipientium vitio peccatur, qui nos docent disputare, non vivere; aliquid discentium, qui propositum asserunt ad præceptores suos, non animum excolendi, sed ingenium. Itaque, quæ *Philosophia* fuit, facta *Philologia*<sup>1</sup> est. Multum autem ad rem pertinet, quo proposito ad quamque rem<sup>2</sup> accedas. Qui, Grammaticus futurus, Virgilium scrutatur, non hoc animo legit illud egregium,

..... Fugit irreperabile tempus<sup>3</sup> :

vigilandum est ! nisi properamus, relinquemur ; agit nos, agiturque velox dies ; inscii rapimur ; omnia in futurum disponimus, et inter præcipitia lenti sumus : sed ut observet, quoties Virgilius de celeritate temporum dicit, hoc uti verbo illum, *fugit*.

Optime quæque dies miseris mortalibus ævi  
Prima fugit : subeunt morbi, tristicque senectus,  
Et labor; et duræ repit inclementie mortis<sup>4</sup>.

Ille, qui ad Philosophiam spectat, hæc eadem, quo debet, adducit<sup>5</sup>. Nunquam Virgilius, inquit, *dies* dicit *ire*, sed *fugere*, quod currendi genus concitatissimum est ; « et optimos quosque primos rapi » : quid ergo cessamus

1. *Philologia*. Inde ab Eratosthene (mort. 200 ante Christ. Alexandriæ) studium multiplex varique doctrina poetæ, grammaticæ, eritici, historici, etc. denotari cepit hæc vox, Ateusque Gremmeticus Romæ primus hunc appellationem assumpsit; auctore Suetonio de illustr. Grammaticæ, c. 10. Senecam hunc voc. de

critico intellexisse patet e § 30, 31. *R.*

2. *Ad quamque rem*. Sic Schw. Vulgo *ad quam rem*.

3. *Tempus*. Versus Virgil. est Ge. III, 284. *Ruhk.*

4. *Optima... mortis*. Versus sunt Virgilii, Georg. III, 66 sq.

5. *Adducit*. Sic a. c. *R. A. S.* — Vulgo *abducit* quod optime intellig.

nos ipsi concitare, ut velocitatem rapidissimæ rei possimus æquare? Meliora prætervolant, deteriora succedunt. Quemadmodum ex amphora<sup>1</sup> primum, quod est sincerissimum, effluit, gravissimum quodque turbidumque subsidit; sic in ætate nostra, quod optimum, in primo<sup>2</sup> est. Id exhauriri<sup>3</sup> in aliis potius patimur, ut nobis sæcem reservemus. Inhæreat istud animo, et, tanquam missum oraculo, placeat :

Optima quæque dies miseria mortalibus ævi  
Prima fugit.

- 27 Quare *optima*? quia, quod restat, incertum est. Quare *optima*? quia juvenca possumus discere, possumus facilem animum, et adhuc tractabilem, ad meliora convertere; quia hoc tempus idoneum est laboribus, idoneum agitando per studia ingeniis, et exercendis per opera corporibus. Quod superest, segnius et languidius est, et propius a fine. Itaque toto hoc agamus animo, et omissis ad quæ devertimur<sup>4</sup>, in rem unam laboremus, ne hanc temporis perniciosissimi celeritatem, quam retinere non possumus, 28 relictæ demum intelligamus<sup>5</sup>. Primus quisque, tanquam

1. *Quemadmodum ex amphora* rel. Cf. Ep. 1. Egregii versus Antiphani huc faciunt (ex Stob. Florileg. 118 ap. Vinterton. p. 481 et Brunck. Poet. gnom. p. 186) : Σφιδρὶ ἴσταν ἡμῶν ἡ βίος αἶψα προσηυρήσεται ἢ τὸ λοιπὸν μικρὸν, ἕξος γίγνεται. Unde Epigramma sequens ex Anthol. gr. laudatum Lipsio (Anal. Brunk. III, 237) ejusdem argumenti derivatum est : « Ἄν περιλειφθῇ μικρὸν ἐν ἡγέσειν ἡδίας οἶνου ἕως ἔξω τρέπεται τοῦτο τὸ λοιπὸν μένον, Οὕτως ἀνελήσας τὸν ὅλον βίον, εἰς βαθὺ δ' ἰλθὼν Γῆρας, ὁ πρεσβύτερος γίγνεται ἐξύχολος. » Si quid de vino meliori in vase relictum est, Mox vitium

ducit, et perascit idem; Si qui jam vitæ pervenit ad ultima, is ipse Summit acorem, et fit tristis ab ingenio. »

2. *In primo est.* Nec male *in prima*, inquit Lipsius. Sed melius nihil mutare, ubi non est opus. Vide que ad Liv. X, 14. Gronov.

3. *Id exhauriri.... reservemus.* *Nous la laissons (la meilleure partie de notre vie) puiser par les autres, et nous nous réservons la lie.*

4. *Devertimur*, ms. a. *Divertimur* c. R. A. *Divertimus* vulgo edd. *Devertimus* ed. Matth. Schw.

5. *Relictæ demum intelligamus.* 1. e. tum solum intelligamus eam tem-

*optimus*, dies placeat, et redigatur in nostrum<sup>1</sup>. Quod fugit, occupandum est. Hoc non cogitat ille, qui Grammatici oculis carmen istud legit, ideo « optimum quemque primum esse diem, » quia subeunt morbi, quia senectus premit, et adhuc adolescentiam cogitantibus suprâ caput est : sed ait, Virgilium semper uua ponere « morbos et senectutem. » Non, mehercules, immerito; senectus enim insanabilis morbus est. Præterea, inquit, hoc senectuti<sup>29</sup> cognomen posuit, *tristem* illam vocat :

..... Subenni morbi, tristisque senectus.

Non est quod mireris, ex eadem materia suis quemque studiis apta colligere. In eodem prato bos herbam quærit, canis leporem, ciconia lacertum. Quum Ciceronis libros *de Republica*<sup>3</sup> prendit hinc Philologus aliquis, hinc Grammaticus, hinc Philosophiæ deditus; alius alio curam suam mittit. Philosophus admiratur, « contra Justitiam dici tam multa » potuisse. Quum ad hanc eandem lectionem Philologus accessit, hoc subnotat : « Duos Romanos reges esse, quorum alter patrem non habet, alter matrem : » nam de Servii matre dubitatur; Anci pater nullus<sup>3</sup>; Nu-

poris celeritatem, quum jam tempus elapsum fuerit, et nos reliquerit cunctantes, et frustra præteritam vitam desiderantes.

1. *Redigatur in nostrum*. Usurpamus et fruamur. Dies enim ita sunt nostri (poeta velus : *hic meus est, dixere, dies*) ; alieni et nihil ad nos, qui elabuntur. *Lips.*

2. *Ciceronis libros de Republica prendit*. Sic edd. inde a Mur. *Ciceronis librum deprendit*, ms. a. *Cic. librum deprehendit* ed. R. Absurde prorsus Ciceronis cibum deprehendit, c. A. *Cic. librum de Republica prehendit*, ed. Er. nempe voce abulo *Re-*

*publica* ex Erasmi conject. adjecto, recte vero. Conf. p. 141, 3 sq. ubi in ms. a. pro *de Republica* compendiose sic scribitur *de re. p.* ex quo erroris origo h. l. admissi satis apparet. *Schw.* — Ciceronis libros *de Repub.* peritisse, præter fragmentum a libro VI, *Somnium Scipionis*, a Macrobio conservatum et illustratum (et nonnulla nuper a Maio reperta), notum est. Quæ hic philologum notasse ait Noster, ea Cicero Tuscul. Qu. IV, 1 quoque memorat : cf. Middleton on the roman senate (Vol. III, p. 396, *Miscellaneous Works*).

3. *Anci pater nullus*. Quia famæ

- mæ nepos dicitur. Præterea notat, « eum, quem nos Dictatorem dicimus et in historiis ita nominari legimus,
3. apud antiquos Magistrum populi vocatum. » Hodieque id exstat in Auguralibus libris<sup>1</sup>; et testimonium est, quod, qui ab illo nominatur, « Magister equitum » est. Æque notat, « Romulum perisse solis defectione<sup>2</sup>: provocationem ad populum etiam a regibus fuisse<sup>3</sup>: » id ita in Pontificalibus libris<sup>4</sup> aliqui putant, et Fenestella<sup>5</sup>. Eosdem libros quum Grammaticus explicuit, primum verba prisca<sup>6</sup>, *reapse* dici a Cicerone, id est, *reipsa*, in commentarium refert; nec minus *sese*<sup>7</sup>, id est, *seipse*. Deinde transit ad ea, quæ consuetudo sæculi mutavit<sup>8</sup>; tanquam ait Cicero, « quoniam sumus ab ipsa calce ejus interpel-

traditus non exstat. Obscuravit eum Numæ claritas: atque ita *Nomæ nepotem* Livius et Dionysios dicunt. *Lips.*

1. *In Auguralibus libris.* Quos Appianus, Ciceronis collega, in augurato scripsit, ut testatur Cicero, ad Div. III, 11. *Ruhk.*

2. *Solis defectione. Durant une éclipse*, ut vertit Lagrange.

3. *Etiam a regibus fuisse.* Sic alii omnes: seil. ms. a. *etiam regibus fuisse.* Schw.

4. *In Pontificalibus libris.* Qui et commentarii pontificum, et Fasti vocantur: initium eorum jam sub Aneo Martio factum esse Liv. I, 33 narrat: cf. IV, 3. *Lips.*

5. *Aliqui putant, et Fenestella.* (Id est, in his Fenestella.) Sic, ut vulgo hæc edebantur, exhibet ms. n. *Et Fenestrellam* ed. A. Miras hic turbas ciet ms. c. et ed. A. quales fere Gruteri codices. Schw. — *Fenestella* sub Augusto vixit, annalium auctor non incelebris. Liber qui sob

ejus nomine circumferitur de magistratibus sacerdotisque Romæ Flocco (*Floechi*) ineunte sæc. XVI scriptus est. Cf. G. I. Voss. de Historic. lat. I, 19, p. 100. *Ruhk.*

6. *Primum verba prisca, reapse dici a Cicerone etc. Primum reapse dici etc.* præbent vulgatæ edd. omis- sis duabus vocibus *verba prisca*, quæ partim e libris vell. partim ex conjectura adjecimus. *Primum verba expresse ab se dici a Cicerone* ms. a. *Verba expressa ab se ms. c.* cum edd. A. et H. Seilicet *reapse* olim vulgo scribebant per *b* litteram, non *reapse*. Schw.

7. *Nec minus sese.* Quod vulgo hic legebatur *sepsæ*, id Mureti inventum erat, quod libri nostri omnes ignorant, perinde atque Pinciani et Gruteri codices. Schw.

8. *Quæ consuetudo sæculi mutavit.* Non eadem hæc sunt quæ modo *prisca* dixerat; sed verba, quæ adhuc quidem in usu sunt, at mutato signifi- catu. Schw.

latione revocati : » hanc<sup>1</sup>, quam nunc in circo *cretani* vocamus, *calcem* antiqui dicebant. Deinde Ennianos<sup>2</sup> colligit versus, et in primis illos de Africano<sup>3</sup> scriptos :

..... Cui nemo civis neque hostis  
Quivit pro factis reddere operæ pretium<sup>4</sup>.

Ex eo se ait intelligere, apud antiquos non tantum *auxilium*<sup>5</sup> significasse *operam*, sed *opera* : ait enim, neminem potuisse Scipioni, neque civem, neque hostem, reddere *operæ* pretium. Felicem deinde se putat, quod invenerit, unde visum sit Virgilio<sup>6</sup> dicere :

..... Quem super ingens  
Porta tonat æli.....

Ennium hoc ait Homero subripuisse<sup>7</sup>; Ennio Virgilium. 34  
Esse enim<sup>8</sup> apud Ciceronem in his ipsis *de Republica* hoc Epigramma Ennii :

Si fas endo plagas ælestum ascendere cuiquam;  
Mi soli æli maxima porta patet<sup>9</sup>.

Sed ne et ipse, dum aliud ago, in philologum aut gram-

1. *Hanc...* dicebant. Plinius 35, 17 s. 58 ait : « Creta eireum prædneere solent ad victoriæ notam, » i. e. explicante Lipsio, metam ea signare, ut conspicua esset : quo allusum putant ab Horat. Epist. 1, 16 fin. : « Mors ultima linea rerum est. » *Ruhk.*

2. *Ennianos*. Ex Pineiani emendatione est : vitiosum *inanes* libros omnes occupaverat. *Schw.*

3. *Africano*. Scipione majore Africano, cujus amicus et comes Ennius fuit. *Ruhk.*

4. *Operæ pretium*. Sie, divisio vocibus, scribunt libri nostri; non *opæ pretium*, ut edd. Cæterum hæc contractio apud prisceos sæpe usurpabatur, ut *populus*, *potum*, *periculum*.

5. *Non...auxilium*. Ut in comædiis sæpe : *da mihi hanc operam*. *Lips.*

6. *Virgilio*. Ge. III, 260 sqq. ubi cf. Heynius. *Ruhk.*

7. *Ennium hoc ait Homero subripuisse*. Sie recte edd. ex Pineiani emendatione. Veti. libri omnes male, *Ennius hoc ait Homero se subrip.* *Schw.*

8. *Esse enim*. Non *Est enim a. c. R. A.* *Schw.*

9. *Patet*. Vulgatam hujus epigr. lectionem ex ingenio restituit Petr. Pithæus in *Adversar.* I, 11 (in Grut. Thes. erit. To. 2 p. 757) : *Si fas endo* : quoniam et hic et ap. Lactant. I, 18 varent libri : *Si faciendo*; *si fas cædendo...* : nisi, ni faciendo... ne fa-

maticum delabar<sup>1</sup>, illud admonco, auditionem Philosophorum lectionemque ad propositum beatæ vitæ trahendam; non ut verba prisca aut ficta captemus, et translationes improbas figurasque dicendi, sed ut profutura præcepta, et magnificas voces, et animosas, quæ mox in rem trans-  
 35 ferantur. Sic ista discamus, ut, quæ fuerunt verba, sint opera. Nullos autem<sup>2</sup> pejus mercri de omnibus mortalibus judico, quam qui Philosophiam, velut aliquod artificium venale, didicerunt; qui aliter vivunt, quam vivendum esse præcipiunt. Exempla enim<sup>3</sup> se ipsos inutilis disciplinæ circumferunt, nulli non vitio, quod insequuntur, obnoxii. Non magis mihi potest quisquam talis prodesse<sup>4</sup> præceptor, quam gubernator in tempestate nau-  
 36 seabundus. Tenendum est, rapiente fluctu, gubernaculum, luctandum cum ipso mari, cripienda sunt vento vela: quid me potest adjuvare rector navigii attonitus et vomitans? Quanto majore putas vitam tempestate jactari, quam ullam ratem? Non est loquendum, sed gubernandum. Omnia, quæ dicunt, quæ turba audiente jactant, aliena sunt. Dixit illa Plato, dixit Zenon, dixit Chrysippus, et  
 37 Posidonius, et ingens agmen non [tot ac] talium<sup>5</sup>. Quo-

ciendo. Cf. Antholog. Lat. Tom. I, p. 213. *Ruhk.*

1. *Delabar*, a. c. R. A. non dilabar, ut vulgo. *Schw.*

2. *Nullos autem* rel. Hoc reprehendebat Socrates in Sophistis aliisque philosophis suæ ætatis, hoc postea multi alii questi sunt, et Seneca, et Lucianus, ejus libri pleni sunt, satiricis philosophorum, quos Socrates carpit, descriptionibus. Utinam nostra tandem tempora talibus philosophis carerent! *Ruhk.*

3. *Exempla enim se ipsos inutilis.* Lat. quocumque se ipsos circum-

ferunt, exempla præbent, quibus probatur inutilem esse disciplinam.

4. *Talis prodesse præc.* Temere omissa vox *talis* in ed. Bipont. et *Ruhk. Schw.*

5. *Agmen non [tot ac] talium.* *Agmen tot ac talium* edd. a Mur. ex uno eod. Pinc. Sed noster ms. a. non *tot ac talium* præfert: ubi quid valeant duo media verba haud scio; adjeci tamen uncis inclusa, ut cogitent docti quid sub illis lateat. Interim satis videtur non *talium*; neque hæc ego cum Pinciano pro otioso glossomate habuerim. *Non tamen talium;*

modo probare possint sua esse, monstrabo : faciant, quæ dixerint.

Quoniam, quæ volueram ad te proferre<sup>1</sup>, jam dixi; nunc desicrio tuo satisfaciam, et in alteram epistolam integrum, quod exegeras, transferam; ne ad rem spinosam, et auribus erectis curiosisque audiendam, lassus accedas. Vale.

dabat ed. Er. ex R. *Non tot ac talium nomina* ms. c. et ed. A. Schw. — Vertit Lagrange: *Et la foule innombrable des Philosophes*, ita ut

videatur legisse *agmen tot ac talium*.  
1. Proferre. Revocavi ex ed. Er. et R. Perferre, a. c. A. Perferri edd. a Mur. Schw.

## EPISTOLA CIX.

## AN SAPIENS SAPIENTI, ET QUOMODO, PROSIT.

Questioni amici in priorē epistola propositæ respondet: An sapiens sapienti prosit et quomodo prodesse possit? Nam quoniam omnia summa in sapiente sint, nullam adjectioni locum esse objicitur. Affirmat et distincte exsequitur. In fine detestatur argutias inutiles.

Pertinet hæc questio ad illas argutias, quæ disputationibus de sapiente stoico ortum sum debent. Nam facillima erat adversariorum, c. c. Peripateticorum, conclusio, sapientem mentis humanæ perfectum bonum habentem (Ep. LXXXIX, 3) sapienti non amplius prodesse, ideoque omnem amicitiam tolli, quippe quam nonnisi inter bonos intercedere posse statuebant stoici. Quoniam Senecæ virtus non esse videatur subtiles quæstiones satis feliciter tractandi, etsi nescio quo fato sæpius ad eas delabatur, non expectari potest et in hac disputatione nobis omni ex parte satisfactorum esse. Cæterum nonnisi hæc epistola de illa re mentionem injectam inveni.

## SENECA LUCILIO SUO SALUTEM.

An « Sapiens Sapienti prosit, » scire desideras. — Dicimus, plenum omni bono esse Sapientem et summa adeptum : quomodo prodesse aliquis possit summum habenti

- bonum, quæritur. Prosunt inter se boni; exercent enim virtutes, et sapientiam in suo statu continent: desiderat uterque aliquem, cum quo conferat<sup>1</sup>, cum quo<sup>2</sup> quærat.
- <sup>2</sup> Peritos luctandi usus exercet; musicum, qui paria didicit, monet. Opus est et Sapienti agitatione virtutum: ita, quemadmodum ipse se movet, sic movetur ab alio sapiente.
- <sup>3</sup> Quid Sapiens Sapienti proderit? impetum illi dabit, occasiones actionum honestarum commonstrabit. Præter hæc<sup>3</sup>, aliquas cogitationes suas exprimet; docebit, quæ invenerit. Semper enim etiam Sapienti restabit<sup>4</sup> quod inveniat, et quo animus ejus excurrat. Malus malo nocet; facit quoque pejorem<sup>5</sup>, iram, metus incitando, tristitiæ assentiendo, voluptates laudando: et tunc maxime laborant mali, ubi plurimum<sup>6</sup> vitia miscuere, et in unum collata nequitia est. Ergo, ex contrario, bonus bono proderit.
- <sup>5</sup> — Quomodo? inquis. — Gaudium illi afferet, fiduciam confirmabit, ex conspectu mutæ tranquillitatis crescet utriusque lætitia. Præterea quarumdam illi rerum scientiam<sup>7</sup> tradet: non enim omnia Sapiens scit: etiam si sciret, breviores vias rerum aliquis excogitare posset<sup>8</sup>, et has indicare, per quas facilius<sup>9</sup> totum opus circumferatur.

1. *Cum quo conferat.* Cum quo de officiis, de virtutibus loquatur.

2. *Cum quo quærat.* Cum quo se tradat indagatoni naturæ et magnarum, quæ in ea continentur, questionum.

3. *Præter hæc. invenerit.* Sapientia est quidem divinorum et humanorum scientia, et quæ eorum sunt causæ, sed quum sapiens semper in actu et opere sit, tum contemplabitur, tum agat: proderit itaque communicando quæ invenerit enigmataveritque cum amicis et sapientibus. *Ruhk.*

4. *Etiam Sapienti restabit. Etiam,*

quod aberat vulgo, dederant a. c. *R. A.* et *Grut.* sed iidem omnes a sapiente rest. exhibent; quod quæ spectet exputare non potui. *Schw.*

5. *Facit quoque pejorem, a. c. R. A. Quoque abest vulg.* *Schw.*

6. *Plurimum, a. c. R. A. Vulgo plurimum.* *Schw.*

7. *Scientiam, a. c. A. et Gruteri omnes, Notitiam* edd. ex *R. Schw.*

8. *Posset, a. R. Possit* edd. cum c. *A. Schw.*

9. *Per quas facilius... circumferatur.* l. c. per quas totum opus suum facilius peragere possit, quæ faci-



Proderit Sapienti Sapiens, non suis viribus<sup>1</sup>, sed ipsius, quem adjuvat. Potest quidem ille, etiam relictus sibi, explicare partes suas; utetur propria velocitate: sed nihilominus adjuvat etiam currentem hortator<sup>2</sup>. Non prodest Sapienti<sup>3</sup> Sapiens, sed sibi ipse: hoc scias<sup>4</sup>. Detrahe illi<sup>5</sup> vim propriam, et ille nihil agit. Uno modo<sup>6</sup> dicas licet, non esse in melle dulcedinem: nam ipse ille, qui est<sup>7</sup>, debet ita aptatus lingua palatoque esse ad hujusmodi<sup>8</sup> gustum, ut ille talis sapor eum capiat, non offendat: sunt enim quidam, quibus morbi vitio mel amarum vi-

liore, brevior et melior modo ad scopum docant. *Ruhk.*

1. *Non suis viribus.* Vulgo non scilicet tantum suis viribus edd. cum a. e. R. A. duobus verbis manifeste ex scholio intrusis, quæ ejici omnino debuerunt. Pro scilicet tantum duo Gruteriani solum tantum habebant, unus nude tantum. Ex Senecæ more loquendi, non suis viribus, sed ipsius, etc. idem valet, ac non solum suis viribus, sed simul viribus ipsius etc. vel, non tam suis viribus, quam ipsius, etc. *Schw.*

2. *Adjuvat etiam currentem hortator.* Hortatur ms. a. et ed. R. quod tenentes alii, qui currentem hortatur scripsere; nobis coniunius visum erat, si hortatur in hortator mutaretur. *Schw.*

3. *Sapienti.* Ms. a. et ed. R. recte nobis dederunt non prodest sapiens sapienti, sed ipse sibi; ubi vulgo, inserto glossemate, legebatur non prodest tantum sapiens sapienti; et geminato glossemate in ms. e. et ed. A. Non scilicet tantum prodest sap. prorsus eodem modo quo supra in not. 1. S.

4. *Hoc scias.* Sic omnes codd. et edd. *Obijcies*, quod pro hoc scias legitur in quibusd. edd. a Mureto est. R.

5. *Detrahe illi... et ille, id est, detrahe alteri... et alter, etc.* *Schw.*

6. *Uno modo dicas.* Omnes hanc lect. codd. et edd. tenent: unde Pincianus, quem Moretus sequitur, fecit: *Isto modo.*—Int. uno eodemque modo. Unus saepe occurrit, ut sit synonymum. 107: idem. Hoc scellum Pincianum, quum, vix uno ejecto, isto emendaret. Et propter dicas Moretus eiecit temere vix. *Hoc scias*, et invenit *Obijcies*, quanquam hic nulla objectio est. *Ruhk.*

7. *Ipsa ille qui est (edit), debet... palatoque esse.* Perperam librarii sedes verborum est et esse inter se permutaverant, scribentes qui esse debet... palatoque est: alia item nonnulla in hac regione turbaverant, ex facili conjectura correctæ. *Schw.*—Tò est omissum in omnibus codd., at in aliquot glossam sumere debet invenies. *Istud est*, i. edit, comedit, interdum fraudi fuit Viris doctis, e. c. Gronovio Obs. I, p. 10 in Afranii illo apud Nonium p. 486, 40 ed. Godofr.: «qui me est animi exercitio» i. quæ vexatio animi me edit: edaces autem curæ occurrunt ap. Horat. Od. II, 11, 18. *Ruhk.*

8. *Hujusmodi, etc.* Malim ejus-

deatur. Oportet utrumque talem esse, ut et ille prodesse possit, et hic profuturo <sup>1</sup> idonea materia sit.

« In summum, inquit <sup>2</sup>, perducto calorem calefieri supervacuum est; et in summum perducto bonum supervacuum est qui prosit. Numquid instructus omnibus rebus agricola, ab alio instrui quærit? numquid armatus miles quantum in aciem exituro satis est, amplius arma desiderat? Ergo nec Sapiens: satis enim vitæ instructus, satis <sup>3</sup> armatus est. » — Ad hæc respondeo <sup>3</sup>: et, qui in summo est calore, illi opus est adjecto calore <sup>4</sup>, ut summum teneat. — Sed ipse se <sup>5</sup>, inquit, calor continet. — Primum multum interest inter ista, quæ comparas. Calor enim unus est; prodesse varium est. Deinde calor non adjuvatur adjectione caloris, ut caleat: Sapiens non potest in habitu suæ mentis stare, nisi amicos aliquos similes sui <sup>6</sup> admisit, cum quibus virtutes suas communicet. Adjice nunc, quod omnibus inter se virtutibus amicitia est. Itaque prodest, qui virtutes alicujus pares suis <sup>6</sup> amat, amandasque invicem præstat. Similia delectant; utique ubi

*modi eum a. c. A. Schw. — Ut ille talis. sap. sic ex Schweigh. edit. Vulgo, ut ille tali sapore capiat, non offendatur.*

1. *Et hic profuturo idonea materia sit.* Sic recte ms. a. Perperam vulgo, et huic profuturo: male Pineianus profuturo. S. — Int. et hic qui mel comedit, præbeat idoneam materiam mihi profuturo, et is sit cui mel prodesse possit.

2. *In summum, inquit, adversarius.* Objection est.

3. *Ad hæc respondeo.* Sic omnes codd. et edd. Sed Muretus transposuit, et post continet collocavit *Ad hæc respondeo.* Falso. Nam ex objectione eligit Seneca quædam, quibus

respondere vult. *Rubb.* — Cæterum *Rubb.* punctum maximum ponit post respondeo, et delet sequens et.

4. *Illi opus est adjecto calore.* In exili hæc et spinosa disputatione rursus multa turbant librarii, a viris doctis correctæ; quæ jam sigillatim exponere non vacat. Illud unum moneo, non opus est vulgo hic edi, quum negantis particulæ in vet. libris nullum compareat vestigium. S.

5. *Sed ipse se.* Poterat *Sed ipse sese* scribi ex a. et R. Aberat vulgo *Sed* particula, præter rationem abjecta a Mor. Schw.

6. *Virtutes alicujus pares suis.* Nam stoicum dogma erat, et omnes virtutes inter se pares, et omnes item

honestæ sunt, et probare ac probari sciunt. <sup>1</sup> Etiamnunc, Sapiens animam perire movere nemo alius potest, quam Sapiens; sicut hominem movere rationaliter non potest, nisi homo. Quomodo ergo ad rationem movendam ratione opus est; sic, ut moveatur ratio perfecta, opus est ratione perfecta. Prodesse dicuntur et qui media <sup>2</sup> nobis largiuntur, pecuniam, gratiam, incolumitatem, alia in usus vitæ cara aut necessaria; in his dicetur etiam stultus prodesse Sapienti. Prodesse autem est, animum secundum naturam movere virtute sua, ut ejus qui movebitur <sup>3</sup>. Hoc non sine ipsius quoque, qui proderit, bono fiet: necesse est enim, alicuiam virtutem exercendo exerceat et suam. Sed, ut <sup>4</sup> removeas ista, quæ aut summa bona sunt, aut summorum efficientia <sup>5</sup>, nihilominus prodesse inter se sapientes possunt. Invenire enim Sapientem, Sapienti per se res expectanda <sup>6</sup> est: quia natura bonum omne carum est bono; et sic quisque <sup>7</sup> conciliatur bono, quemadmodum sibi.

Necesse est ex hac quæstione, argumenti causa, in alteram transcam. Quæritur enim, « an deliberaturus sit Sapiens? an in consilium aliquem advocaturus? » quod facere illi necessarium est, quum ad hæc civilia et domestica <sup>8</sup> venit, et, ut ita dicam, mortalia. In his sic illi

sapientes: neminem alterum excellere. Vide Manuduct. II, 19. *Lips.*

1. *Etiamnunc.* Int. præterea. *R.*

2. *Media.* Intell. quæ nec bona nec mala sunt.

3. *Ut ejus qui movebitur.* Sic a. c. *A. Pal.* 1, 2, 3, Col. Perperam vulgo aut ejus, etc. *Schw.* — Int. ut virtute ejus qui movebitur: sensus idem est ac si foret: tum virt. sua, tum virt. ej. q. iii.

4. *Sed, ut rem.* Int. sed etiamsi rem.

5. *Summorum efficientia.* In divisionibus bonorum et hæc erat, ut di-

cerent Stoici, bona esse vel finalia, summa, vel ut, ut gaudium, fiduciam, et ex virtute actiones, vel efficientia, ut prudentem virum et amicum, vel utrumque, ut virtutes omnes. Cf. *Lipsii Manud.* 2, 22. *Ruhk.*

6. *Expectenda.* Petenda edd. invitis mss. *Schw.*

7. *Et sic quisque... sibi.* Bene vertit *Lagrange*: D'où il suit qu'un homme vertueux aime un autre homme vertueux, comme il s'aime lui-même.

8. *Civilia et domestica.* Res quæ domesticæ, et mortalem hominis partem

opus est alieno consilio, quomodo medico, quomodo gubernatore <sup>1</sup>, quomodo avvocato, et litis ordinatore <sup>2</sup>. Proderit ergo Sapiens aliquando Sipienti; suadēbit enim. Sed in illis quoque magnis ac divinis, ut diximus, communiter honesta tractando, et animos cogitationesque  
 13 miscendo, utilis erit. Præterea secundum naturam est et amicos complecti, et amicorum actu, ut suo proprioque, lætari. Nam, nisi hoc fecerimus, ne virtus quidem nobis permancbit, quæ exercendo se usu valet <sup>3</sup>. Virtus autem suadet præsentia bene collocare, in futurum consulere, deliberare, et intendere animum: facilius intendet explicabitque, qui aliquem sibi assumpserit. Quærit itaque aut  
 14 perfectum virum, aut proficientem, vicinumque perfecto. Proderit autem ille perfectus, si consilium communi prudentia juverit. Aiunt homines plus in alieno negotio videre, quam in suo; hoc illis evenit, quos amor sui excæcat, quibusque dispectum utilitatis timor in periculis exēcutit. Incipiet sapere securior <sup>4</sup>, et extra metum positus. Sed nihilominus quædam sunt, quæ etiam Sapientes in alio,  
 15 quam in se, diligentius vident. Præterea illud dulcissimum honestissimumque <sup>5</sup>, idem velle atque idem nolle,

spectant, in quibus gerendis nūlis est prudentia et quædam sapientia, non illa ex ætelo delapsa, sed ex humana experientia desumpta.

1. *Gubernatore...ordinatore.* Recte c. A. Perperam gubernatori...ordinatori, edd. cum ms. a. et ed. R. S.

2. *Litis ordinatore.* I. a. jurisconsulto, qui respondendo, scribendo, cavendo consulentibus præsto erant, et legibus interpretandis ac formalis agendi lege præscribendis et cautionibus exhibendis. Cf. Cujacii Obs. 18, 23. *Ruhk.*

3. *Quæ exercendo se usu valet.*

Vulgo quæ in exerc. sed præpositionem ignorant a. c. R. A. Tum se usu ed. Mur. Lips. et Gron. ex uno Pinæiani cod. eni consentit ed. A. Alii omnes sensu, quod revocavit *Ruhk.* prudentiam et rationem intelligens. Equidem usu tenendum putavi; sed videndum, ne aut duo verba exercendo se ex vetere scholio irrepserint, aut exercendo et usu scriptum oportuerit, aut exercendo se usuque. S.

4. *Incipiet sapere securior.* Int. qui securior erit, prudentiori metetur prospectu in regendis negotiis suis.

5. *Præterea illud dulcissimum ho-*

Sapiens Sipienti præstabit : egregium opus pari iugo ducet<sup>1</sup>.

Persolvi, quod exegeras, quanquam in ordine rerum erat, quas Moralis Philosophiæ voluminibus complectimur<sup>2</sup>. Cogita, quod soleo frequenter tibi dicere, in istis nos nihil aliud, quam acumen, exercere. Toties enim illo revertor : Quid ista me res juvat? fortiozem faciet, justiozem, temperatiozem? Nondum exerceri vacat; adhuc medico mihi opus est. Quid me doces scientiam inutilem? Magna promisisti; exigua video. Dicebas intrepidum fore<sup>3</sup>, etiam si circa me gladii micarent, etiam si mucro tangeret jugulum; dicebas securum fore, etiam si circa me flagrarent incendia, etiam si subitus turbo toto navem meam mari raperet. Hoc mihi præsta<sup>4</sup> interim, ut voluptatem, ut gloriam contemnam; postea docebis implicita solverè, ambigua distinguere, obscura perspicere; nunc doce quod necesse est. Vale.

*nestissimumque, idem* rel. Sic omnes codd. et vet. cdd., quæ tamen *dulcissimum est h.* habent, ubi *et* est pro et scriptum esse apparet. Eliminavi itaque *et* quod post illud, et *et* est post *hon.*, tam Gronovio. *R.*

1. *Egregium opus pari iugo ducet.* Metaphora e bobus desumpta quorum ambo pari iugo plerumque alligantur. Vertit *Lagrange* : *Ils travailleront en commun au plus magnifique des ouvrages.*

2. *Quanquam in ordine... complectimur.* Vide ad Ep. cvi, 2. Intercederunt hæc volumina tam sæpe a Nostro memorata, quæ Vincentius Bellovacensis ( sæculo XII monachus

ordin. dominie. ) adhuc habuisse videtur, quum passim ex illis quædam laudet. *Ruhk.*

3. *Dicebas intrepidum fore.* I. Dicebas te facturum esse ut intrepidus fierem. Bene vertit *Lagrange* : *Vous vous étiez engagé à me rendre intrépide.*

4. *Hoc mihi præsta interim, ut volupt.* Sic scripsi ex Gruteri conjectura. Vulgo legitur : *Hæc mihi præsta tu, ut voluptat.* ex Pinciani et Mureti ingenio. *Hanc mihi præstaturum volupt.* ms. a. et ed. *R.* *Hanc mihi præsta interim volupt.* Palatini 2, 3 et Col. eum ed. *Erasm.* *Schw.*

## EPISTOLA CX.

VANA OPTARI, VANA TIMERE : REMEDIUM A PHILOSOPHIA PETENDUM.

Salus, quam amice impertit, qua jubet eum habere mentem bonam, i. e. omnes deos propitios, ausam præbet argumenti huius epistolæ serendi atque tractandi. Nam mittere iubens majorum persuasiones de genio cuique datis, deos movet habere placatos et faventes, quisquis sibi se propitiavit, et nihil gravius esse votum et imprecationem in aliquem, quam ut se habeat iratum, qui tunc et deos habuerit infestos, etiamsi fortunatus esse videatur. Omnia mutabilia. Sic meminerimus, medium tenere esse beatum, sive spem sive metum respicias. Nam vana sunt, quæ vobis timorem injiciunt et spe vos impleant. Itaque error, qui oculis nostris offusus est, discuti debet et potest philosophia, a qua ad sordida hæc et humilia animus noster abductus vitiis inservit. Contemne igitur non solum supervacua, sed necessaria. Egregia Attali oratione hæc illustrat.

SENECA LUCILIO SUO SALUTEM.

Ex Nomentano <sup>1</sup> meo te saluto, et jubeo habere <sup>2</sup> mentem bonam, hoc est, propitios Deos omnes; quos habet placatos et faventes, quisquis sibi se propitiavit <sup>3</sup>. Sepone in præsentia, quæ quibusdam placent: Unicuique <sup>4</sup> nos-

1. *Ex Nomentano*. Vide not. ad Epist. CIV, 1. *Ruhk.*

2. *Jubeo habere*. Sic omnes eod. et ant. edd. Autem: *jubeo te habere*. *Ruhk.*

3. *Quisquis sibi se propitiavit*. Int. securam habet conscientiam, nec remordetur culparum stimulo. Bene vertit *Lagrange*: *Quand on est en paix avec soi-même*.

4. *Sepone in præsentia... unicuique... deos*. Hæc opinionem in præsentia exuat: scil. dæmonas s. genios infantibus masculi generis, *Junonem*

femine invigilare. Ovidius Met. I, 595. Cf. ad Ep. XII, 2, ubi addas, villicum ibi propterea jurare per Genium, quod maxime plautus Romanus Genio suo litantibus in deliciis erat. Inde genialis vocatur ap. Ovid. Met. X, 95. Lipsius, qui de hoc dogmate Stoicorum Physiol. Stoic. I, 19, diligenter egit, laudat Menandri Comiei versus hosce: Ἄπειρον δαίμων ἀνδρὶ συμπαρασταντὶ ἐὺδὺς γινώσκων, μὴ ταραχῆς τὰ βίον. Stoici autem hanc de genio sententiam jam apud Hesiodum al. obviam, et omni Græ-

trūm pædagogum dari Deum, non quidem ordinarium, sed hunc inferioris notæ, ex eorum numero quos Ovidius ait *de plebe Deos*. Ita tamen hoc seponas volo, ut memineris, majores nostros, qui crediderunt, Stoicos fuisse; singulis enim et Genium et Junonem dederunt. <sup>1</sup> Postea videbimus, an tantum Diis vacet, ut privatorum negotia procurarent <sup>2</sup>; interim illud scito, sive assignati <sup>3</sup> sumus, sive neglecti <sup>4</sup> et fortunæ dati, nulli te posse imprecari quidquam gravius, quam si imprecatus fueris, ut se habeat iratum. Sed non est, quare cuiquam, quem pœna putaveris dignum, optes, ut infestos Deos habeat; habet, inquam, etiam si videtur eorum cura et favore produci. Adhibe diligentiam tuam, et intnere, quid sint res nostræ, non quid vocentur; et scies plura mala <sup>5</sup> contingere nobis, quam accidere. Quoties enim felicitatis et causa et initium <sup>6</sup> fuit, quod *calamitas* vocabatur? Quoties magna gratulatione excepta res gradum sibi struxit in præceps, et aliquem jam eminentem allevavit etiamnunc, tanquam ibi adhuc staret <sup>7</sup>, unde tuto caderet? Sed ipsum <sup>4</sup> illud cadere non habet in se mali quidquam, si exitum

ciæ communem non magis aspernati sunt, quam Romani plurimæque nationes. Vide Menag. ad Diog. Laert. VII, 151. *Ruhk*.

1. *Postea*. Non hac in epistola, sed alio fortassis tempore. Simili modo occurrit Ep. xxxvi, 10. *Ruhk*.

2. *Procurarent*, a. c. R. A. Edd. a Mss. *procurent*. *Schw*.

3. *Assignati*. Quisque suo deo. *R*.

4. *Sive neglecti*. Ut nemo curam nostri gerat, Providentia non sit. *L*.

5. *Contingere... accidere*. Illud proprie de re læta, hoc de re mala dici solet; quanquam interdum confunduntur. Putamus, ait, multa, quæ

mala videntur, bona esse et quasi ex voto ac optato nobis evenire, etc. *R*.

6. *Felicitatis et causa et initium*. Prius et ignorant edd. sed latebat in verbo *est*, quod ibi ponunt a. c. R. A. Pal. 1, 4, Col. *Schw*.

7. *Tanquam ibi adhuc staret, unde tuto caderet*. Malim adhuc ibi cum a. c. A. Tum caderet non male quidem edd. ab Er. cum Pal. 2, 3 et Col. sed verum videtur, unde tuto cadunt, quod est in a. et R. et Pal. 1, 4, ex quo etiam nata vitiosa scriptura in c. et A. unde tuto cadunt. *Schw*.—*Tanquam ibi adhuc staret... caderet*. Int. tanquam nondum eam

spectes, ultra quem natura neminem dejecit<sup>1</sup>. Prope est rerum omnium terminus<sup>2</sup>: prope est, inquam, et illud, unde felix ejicitur<sup>3</sup>, et illud, unde infelix emittitur<sup>4</sup>. Nos utraque extendimus; et longa, spe ac metu, facimus.

Sed, si sapi<sup>5</sup>, omnia humana conditione<sup>6</sup> metire: simul, et quod gaudes, et quod times, contrahe. Est autem tanti<sup>7</sup>, nihil diu gaudere, ne quid diu timeas. — Sed quare istuc malum astringo<sup>8</sup>? — Non est, quod quidquam timendum putes. Vana sunt ista, quæ nos movent, quæ attonitos habent. Nemo nostrum, quid veri esset, excussit<sup>9</sup>; sed metum alter alteri tradidit. Nemo ausus est ad id, quo perturbabatur<sup>10</sup>, accedere, et naturam ac bonum<sup>11</sup> timoris sui nosse. Itaque res falsa et inanis habet adhuc fidem, quia non coarguitur. Tanti putemus oculos intendere; jam apparebit, quam brevia, quam incerta,

altitudinem attigisset, ex qua sine damno cadere non posset: ideo altius fortuna eum evexit, ut ruina ejus non posset esse innocens.

1. *Dejecit*, non *dejecit*, a. R. *Ejecit* c. A. Schw.

2. *Rerum omnium terminus*. Mora scilicet ex improvviso superveniens, quæ eundem terminum imponit felici atque infelici vitæ.

3. *Felix ejicitur*. Inventus et relictus abijt. *Lips.*

4. *Infelix emittitur*. A miseriis liberandus. *Lips.*

5. *Sed, si sapias... contrahe*. Sæpe hoc inculcat Noster. Similia occurrunt sæpe apud vet. c. c. ap. Horat. I Carm. 4, 9, II, 3: «Æquam memento rebus in ardua Servare mentem, etc.» *Ruhk.*

6. *Conditione metire*. Scil. tibi ipse semper objice: si licebit, si longum erit, si eveniet. Nihil tibi promitte in alterutra sorte. *Lips.*

7. *Est autem tanti, nihil diu*. Sic quinque Pal. et Pinc. et ed. vet. *Autea: Est tanti, diu nihil g. Ruhk.* — Bene vertit hanc sententiam *Lagrange: Il vaut mieux avoir une jouissance moins longue, et des craintes plus courtes.*

8. *Quare istuc malum astringo*. Int. quum omnino delere deberem: non est ut præcipiam ne diu timeas, sed ut omni timore omnino vacuus sis. Itaque longius procedit, et nihil esse timendum docet.

9. *Quid veri esset, excussit*. Bene vertit *Lagrange: Personne de nous ne s'est donné la peine d'approfondir la vérité.*

10. *Perturbabatur*, a. c. A. non perturbatur. Schw.

11. *Ac bonum timoris sui nosse*. Forsan sensus est: et noscere quid boni tibi ferat id quod times: quod confirmant præcedentia: quoties enim... vocabatur?



quam tuta timeantur. Talis est animorum nostrorum confusio, qualis Lucretio<sup>1</sup> visa est :

Nam valuti pueri trepidant, atque omnia cæcis  
In tenebris metuunt; ita nos in luce timemus.

Quid ergo? Non omni puero stultiore sumus, qui in luce timemus? Sed falsum est, Lucreti, non timemus in luce! omnia nobis fecimus tenebras; nihil videmus, nec quid noceat, nec quid expediat: tota vita<sup>2</sup> incursitamus; nec ob hoc resistimus, aut circumspectius pedem ponimus. Vides autem, quam sit furiosa res<sup>3</sup>, in tenebris impetus. At, mehercules, id-agimus, ut longius revocandi simus<sup>4</sup>; et, quum ignoremus quo feramur, velociter tamen illo, quo intendimus, ire perseveramus.

Sed lucescere, si velimus, potest. Uno autem<sup>5</sup> modo potest, si quis hanc humanorum divinarumque notitiam [scientiamque]<sup>6</sup> acceperit; si illa se non perfuderit<sup>7</sup>, sed infecerit; si eadem, quamvis sciat, retractaverit, et ad se sæpe retulerit; si quæsierit, quæ sint bona, quæ mala; quibus hoc falso sit nomen adscriptum; si quæsierit de honestis, de turpibus, de providentia. Nec intra hæc

1. *Lucretio*, II, 54. Eandem cogitationem persecutus est *Noster* *Epist.* IV, 239. *Ruhk.*

2. *Incursitamus*. *Lagrange* vertit: *Notre vie est une course continue*, quasi hæc vox significaret: hæc et illuc vagamur incerto-cursu. Interpretandum est *ubique offendimus*, nous faisons sans cesse des faux pas, ut sequentia nec hoc ob-circumspectius intelligantur.

3. *Furiosa res*, id est digna furioso, insano.

4. *Id agimus, ut longius revocandi simus*. Videtur subintelligi debere a morte, ut vertit *Lagrange*: *Nous*

*voulons apparemment que la mort nous appelle de plus loin.*

5. *Uno autem... acceperit*, i. si philosophiæ se dedit. *Ruhk.*

6. *Notitiam scientiamque*. Sic *e. A.* *Nude notitiam* edd. ab. *Erasm.* cum *Pal. quart. Notitiam scientia ms. a.* *Notitiam scientiam R.* Scilicet alterum ex scholio (ut videtur) inventum; ac fortasse sic scriptum oportebat, *divinorumque scientiam acceperit*. *Conf. CIX, init. Schw.*

7. *Si... se non perfuderit*, i. e. leviter attigerit, sed eam perbiberit, ut ait *Epist. XXVI, 4*, metaphora desumpta de purpura, qua lana perfun-

humani ingenii sagacitas sistitur<sup>1</sup> : prospicere et ultra mundum<sup>2</sup> libet, quo feratur, unde surrexerit, in quem exitum tanta rerum velocitas properet. Ab hac divina contemplatione abductum animum in sordida et humilia pertraximus, ut avaritiæ serviret, ut, relicto mundo terminisque ejus, et dominis cuncta versantibus<sup>3</sup>, terram rimaretur, et quæreret, quid ex illa mali effoderet, non contentus oblati. Quidquid<sup>4</sup> nobis bono futurum erat, Deus et parens noster in proximo posuit. Non expectavit inquisitionem nostram, sed ultro dedit<sup>5</sup> : nocitura altissime pressit. Nihil nisi de nobis queri possumus : ea, quibus periremus, nolente rerum natura et abscondente, protulimus. Addiximus animum voluptati; cui indulgere initium omnium malorum est. Tradidimus ambitioni et famæ, cæteris, æque vanis et inanibus.

Quid ergo nunc te hortor ut facias? Nihil novi; nec enim novis malis remedia quærentur : sed hoc primum, ut tecum ipse dispicias, quid sit necessarium, quid supervacuum. Necessaria tibi ubique occurrent : supervacua et semper, et toto animo, quærenda sunt<sup>6</sup>. Non est autem quod te nimis laudes, si contempseris aureos lectos, et gemmeam suppellectilem<sup>7</sup> : quæ est enim virtus, super-

ditur, et inficitur, ut color maneat *δυσστροφός*, ut nunquam elui possit. Ruhn. ad Tim. p. 76, ed. 2. Ruhn.

1. *Nec... sistitur*. Divina quoque scrutari gestit animus. Ruhn.

2. *Ultra mundum*. Ultra, i. e. amplius mundum cælum considerare vult, quærens in quem locum feratur, a quibus principiis ortus sit, etc. R.

3. *Dominis cuncta versantibus*. Int. Diis cælum regentibus, et sidera per vacuum currentia.

4. *Quidquid... in proximo presit*. Similia cogitantem vide No-

strum, Ep. LXXXIX, 21 sq. XC etc. R.

5. *Sed ultro dedit*. Sic unus Pal. tert. Deest sed edd. et abesse poterat. Et ultro dedit habent a. c. R. A. eum al. apud Grut. Schw.

6. *Quærenda sunt*, nempe ut procul posita, nec oculis oblata : qui sensus bene convenit superioribus sententiis : *toto animo quærenda sunt*, quia ad illa obtinenda sudatur, *semper quærenda sunt*, quia non satiari potest cupiditas.

7. *Gemmeam suppellectilem*, ut pocula, gemmas anaglyphas et cety-

vacua contemnere? Tunc te admirare, quum contempseris necessaria. Non magnam rem facis, quod vivere sine regio apparatu potes; quod non desideras milliarios apros<sup>1</sup>, nec linguas phœnicopterorum<sup>2</sup>, et alia portenta luxuriæ, jam tota animalia fastidientis, et certa membra ex singulis eligentis. Tunc te admirabor, si non contem-  
 pseris etiam sordidum panem; si tibi persuaseris, herbas, ubi necesse est, non pecori tantum, sed homini, nasci; si scieris, cacumina arborum explementum esse ventris<sup>3</sup>; in quem sic pretiosa congerimus, tanquam recepta servantem. Sine fastidio implendus est<sup>4</sup>. Quid enim ad rem pertinet, quid accipiat, perditurus quidquid acceperit? Delectant te disposita, quæ terra marique capiuntur; alia eo gratiora, si recentia perferuntur ad mensam; alia, si, diu pasta et coacta pinguescere, fluunt, ac vix saginam continent suam. Delectat te nitor<sup>5</sup> horum, arte  
 quæsitus. At, mehercules, ista sollicite scrutata varieque condita, quum subierint ventrem, una atque eadem fœditas occupabit. Vis ciborum voluptatem contemnere? exitum specta.

pas, quibus annuli aliæque res distinguuntur et orantur. *R.*

1. *Milliarios apros*, saginatos, graudes, mille librarum. In Poliorceticis de hoc luxu affatim dixi. *L.*

2. *Phœnicopterorum*, avium pretiosarum, at nobis parum cognitarum. *Ruhk.* — Apicio iudice, eximii saporis. Vide Martial. Epigramma LXXI, lib. XIII. Suetonium Vitellio, cap. 12. *Lips.*

3. *Si scieris.... ventris*. Cogitasse videtur de Diogene Sinopensi, quem ut Cynicum Stoici magni fecerit et ad imitandum sibi proposuerunt. Eum autem ab omnibus desertum summas

foliorum extremitates manducasse narrat *Ælianus*. V. H. 13, 26. Vetusissimum hunc fuisse cibum hominibus ante glandes repertas putat *Ovid.* Fast. IV, 393. Cf. de Ira III, 20, 2. *Ruhk.*

4. *Sine fastidio implendus est*. Ius non fastidiosus esse debes in illo implendo; ut verit *Lagrange*: *Il ne faut pas tant de délicatesse pour le remplir.*

5. *Nitor*. Ita multi codd. At *Muretus* et *Pinc.* mas *nidor*: rejecit *Gruter.*, quum non de sacrificio, sed de palato loquatur *Seneca*. At utrumque defendi potest: *nitor* spectat ad piu-

Attalum<sup>1</sup> memini cum magna admiratione omnium hæc dicere : « Diu mihi, inquit, imposuere divitiæ : stupebam, ubi aliquid ex illis alio atque alio loco fulserat ; existimabam similia esse, quæ laterent, his, quæ ostenderentur. Sed in quodam apparatu<sup>2</sup> vidi totas opes<sup>3</sup> Urbis, cælatas<sup>4</sup> et auro et argento, et his<sup>5</sup> quæ pretium auri argentique vicerunt ; exquisitos colores, et vestes<sup>6</sup>, ultra non tantum nostrum, sed ultra finem hostium advectas : hinc puerorum perspicuos cultu atque forma greges, hinc feminarum ; et alia, quæ, res suas recognoscens<sup>7</sup>, summi imperii fortuna protulerat. Quid hoc est, inquam, aliud, quam irritare cupiditates hominum per se incitatas ? Quid sibi vult ista pecuniæ pompa ? Ad discendam avaritiam convenimus. At, mehercules, minus cupiditatis istinc effero, quam attulcram. Contempsî divitias, non, quia supervacuæ, sed quia pusillæ sunt. Vidisti-ne, quam intra paucas horas ille ordo, quamvis lentus dispositusque, transierit ? Hoc totam vitam nostram occupabit<sup>8</sup>, quod totum diem occupare non potuit ? Accessit illud quoque : tam supervacuæ mihi visæ sunt habentibus, quam fue-

guedinem, *nidor* ad odorem. *Ruhk.*

1. *Attalum.* Vide Epistolam CVIII, ubi narrat Seneca se ejus philosophi frequentissimum fuisse auditorem.

2. *Sed in quodam apparatu.* De spectaculi publici pompa, c. e. epuli publici, quale memorat Cicero in Vatio. c. 13, aut triumphi, intelligere malim, quam de Pompa circensi, quam Lipsius præfert. Nam in hac nunquam *feminarum* mentio injicitur, c. e. apud Dionys. Halic. VII p. 475 sqq. nec earum locus esse potuit. In illa contra pompa et divitiarum copia et puerorum feminarumque servilium ordo, i. series lente

incedens dispositaque conspiciebatur. *Ruhk.*

3. *Totas opes Urbis*, i. anpelleeti-lem variam ex auro, argentoque. *R.*

4. *Cælatas el auro et arg.* Sic libri veti. non *ex auro.* *Schw.*

5. *Et his... vicerunt*, i. gemmis, unionibus compositam et distinctam, hac enim vi lasiore *et cætare* in usum erat. Cf. Ep. LXXVI, 10, not. *Ruhk.*

6. *Festes... advectas*, i. sericas. *R.*

7. *Res suas recognoscens.* Satis apte vertit *Lagrange* : *Qui voulait, pour ainsi dire, passer son opulence en revue.*

8. *Occupabit* commodè edd. a Mur.

runt<sup>1</sup> spectantibus. Hoc itaque ipse mihi dico, quoties tale aliquid præstrinxerit oculos meos, quoties occurrit domus splendida, cohors culta servorum<sup>2</sup>, lectica formosis imposita calonibus<sup>3</sup>: « Quid miraris? quid stupes? » Pompa est! Ostenduntur istæ res, non possidentur; et, » dum placent, transeunt. Ad veras potius te converte » divitias, disce parvo esse contentus; et illam vocem » magnus atque animosus exclama: Habemus<sup>4</sup> aquam, » habemus polentam; Jovi ipsi de felicitate controversiam<sup>5</sup> 17 » faciamus! » — Faciamus, oro te; etiam si ista defuerint! Turpe est, beatam vitam in auro et argento repone- nere: æque turpe, in aqua et polenta. — Quid ergo faciam, si ista non fuerint? — Quæris, quod sit remedium inopiæ? Famem fames finit<sup>5</sup>. Alioquin, quid interest, magna sint, an exigua, quæ servire te cogunt? quid refert, quantum sit, quod tibi possit negare fortuna? Hæc 18 ipsa aqua et polenta in alienum arbitrium cadit; liber est autem non in quem parum licet fortunæ, sed in quem

*Occupavit* quidem præferunt vet. libri omnes; sed idem sæpius litteras *bet* et *perperam* inter se permutant. *S.*

1. *Fuerunt*, non fuerant a. c. *Fl.* A. lidemque ead. linea ipse mihi, non ipsi mihi. *Schw.*

2. *Cohors culta servorum.* Ad multitudinem respicit: et bene item *cohorz*, quia militari habitu erant, ut *Epist.* XLVII, 5. *Ruhk.*

3. *Calonibus*, servis. Nam Scholiastæ veteri ad Horat. Sarm. I, 3, 44 *calones*, notanti « sunt ministri militum, liberi homines », nullam habeo fidem propter Festum et Novium I, 310. *Ruhk.* — *Calones* a *Seuæca* vocantur quos alio loco lecticarios appellat: si credimus *Pignorio*, verbum illud *calones* illis da-

tum quod *ligua* seu *asser* lecticæ portarent: *αἰλῶν* enim lignum est, inquiunt *Festus* et *Isidorus*: reperias in *Lucilio*: « scinde puer *calam*, ut *calcam*. » *Lecticæ* illæ ferri solebant a sex et aliquando ab octo servis; iude *Juvenal.* Sat. I, v. 64: « quum jam sexta cervice feratur. » *E notis editoris Lagrange*, 1819.

4. *Habemus aquam, habemus polent.* Sic commodius ms. a. quam *habemus... habemus* edd. eum aliis. *Schw.* — Sunt *Epicuri* verba. Cf. ad *Ep.* XXV, 4, ubi græca verba a *Seuæca* h. l. in latinum sermonem conversa a *Stobæi florileg.* 17, p. 343 apposui, et ea emendationis, quam *Schowius* ediderat. *Ruhk.*

5. *Famem fames finit* morte. *R.*

nihil. Ita est! nihil desideres oportet, si vis Jovem provocare nihil desiderantem. » — Hæc nobis Attalus dixit: natura dixit omnibus<sup>1</sup>. Quæ si voles frequenter cogitare, id ages, ut sis felix, non ut videaris; et ut tibi videaris, non aliis. Vale.

1. *Natura dixit omnibus*. Sic ed. Er. ex R. cum Pal. 1, 4. *Natura omnibus dixit*, c. A Pal. 2, 3, et optimus cod. Pinc. idque verum erat:

inde accidit, ut tria verba omittentur in ms. a. *Dixit* abiecit Mur. *Natura omnibus edixit* edd. a Lips. nullo suffragante vetere libro. S.

## EPISTOLA CXI.

### SOPHISMATIBUS VERAM OPPONIT PHILOSOPHIAM.

Mooet amicum, qui quæssiverat, quid vocentur latine sophismata, ut sophismata, i. e. cavillationes devitet, quippe ad vitam nihil proficientes, tanquam vanam et humilem philosophiam, sed veram illam sequatur et in remedium suum et veram magnitudinem exerceat. Cf. Ep. XLV.

### SENECA LUCILIO SUO SALUTEM.

Quid vocentur Latine *sophismata*<sup>1</sup>, quæssisti a me. — Multi tentaverunt illis nomen imponere, nullum hæsit; videlicet, quia res ipsa non recipiebatur a nobis, nec in usu erat, nomini quoque repugnatum est. Aptissimum tamen videtur mihi, quo Cicero<sup>2</sup> usus est: *cavillationes*

1. *Sophismata*. Duplici sensu hæc vox in usu erat apud Græcos, quum rhetoribus significaret nimiam artis rhetoricæ affectationem, adeoque molestam putidamque orationis acurationem; philosophis vero sive dialecticis fallacias et callida con-

cludeodi artificia. Cf. Ernesti Lexicon rhet. gr. voce Σοφισματα, et lat. voce *Cavillatio*. Ruhk.

2. *Cicero* Acad. priorum lib. II, § 75, explicat sophismata per fallaces conclusiuoculas: locus vero, ubi per *cavillationes* explicavit, intercidit.

vocat; quibus quisquis se tradidit, *questionunculas*<sup>1</sup> quidem vafrae nequitiae, cæterum ad vitam nihil proficit, neque fortior fit, neque temperantior, neque elatior. At ille, qui Philosophiam in remedium suum exercuit, ingens fit animo, plenus fiduciæ, inexcussibilis, et major<sup>2</sup> adeunti. Quod in magnis evenit montibus, quorum proceritas minus apparet longe intuentibus; quum accesseris, tunc manifestum fit, quam in arduo summa sint: talis est, mihi Lucili, verus, et rebus, non artificiis, Philosophus. In edito stat, admirabilis, celsus, magnitudinis veræ. Non<sup>3</sup> exsurgit<sup>4</sup> in plantas, nec summis ambulat digitis<sup>5</sup>, eorum more, qui mendacio staturam adjuvant, longioresque, quam sunt, videri volunt: contentus est magnitudine sua. Quidni contentus sit eo usque crevisse, quo manum fortuna non porrigit? Ergo et supra humana est, et<sup>6</sup> par sibi in omni statu rerum; sive secundo cursu<sup>7</sup> vita procedit, sive fluctuatur per adversa<sup>8</sup> ac difficilia. Hanc<sup>9</sup> constantiam cavillationes istæ, de quibus paulo ante loquebar, præstare non possunt. Ludit istis animus, non

Noster in Ep. XLV, 4 sq. de his cavillationibus s. captionibus quas § 8 vocat, egit. Nominantur sophismata pleraque a Diog. Laert. VII, 76, ubi vid. Menagius. *Ruhk.*

1. *Questionunculas*, i. captiosas interrogationunculas, conclusionunculas. *R.*

2. *Major adeunti*. Ibi major videtur, quum illum prope inspexeris: qui contra magni a populo vocantur, pusilli sunt, si illos introspicias. Bene vertit *Lagrange*: *Et paraît plus grand, à mesure qu'on le considère de plus près.*

3. *Non exsurgit... volunt*. Animo Senecæ hic observata fuisse videtur Prodicæ notissima descriptio virtutis et vitii inter 34 certantium apud Xe-

nophonem, *Memor. Soerat. II, 1, 32. Ruhk.*

4. *Nec summis ambulat digitis*. Gallice: *Il ne se dresse pas sur la pointe des pieds.*

5. *Et par sibi, a. c. A. Adest et edd. ex R. Schw.*

6. *Sive secundo cursu*. Est facilitas, quam noster Ep. CXX, 12 illam beatam vitam secundo debuentem cursu, vocat, εὐπορίαν, εὐκολίαν. De Sapiente Stoico h. l. agi, per se patet. *Ruhk.*

7. *Fluctuatur per adversa*. Ed. Et. ex R. et Schw. ex a. c. A. Pal. 1, 4 fluctuatur, et per, etc. Ac poterit et pro etiam accipi. Sed, abjecta particula, anteponenda est lectio fluctua-

proficit; et Philosophiam a fastigio suo <sup>1</sup> deducit in planum. Nec te prohibuerim aliquando ista agere; sed tunc, quum voles nihil agere. Hoc tamen habent in se pessimum: dulcedinem quamdam sui faciunt, et animum specie subtilitatis inductum tenent, ac morantur <sup>2</sup>; quum tanta rerum moles vocet <sup>3</sup>, quum vix tota vita sufficiat, ut hoc unum discas, vitam contemnere. — Quid <sup>4</sup> regere? inquis. — Secundum opus est: nam nemo illam bene rexit, nisi qui contempserat. Vale.

*tur, per adversa cum edd. a Lips. ex Pinciani epdd. et Palatinis 2, 3 et Col.*

1. *Fastigio suo.* Posteriorem vocem adieci ex ms. a. S.—Bene verij *La-grange* hanc sententiam: *Elles font descendre la philosophie de sa hauteur, pour la ravalier jusqu'à terre.*

2. *Morantur, non remorantur a. c. R. A. Schw.*

3. *Vocet.* Restitui ex vet. libris, quibus *invitis vacet* edebatur, inde a Mur. Schw.

4. *Quid regere?* I. e. Quid dices de regere. Nonne multo difficilius est, et majores conatus requirit.

## EPISTOLA CXII.

Desperat de quodam Lucilii amico reformando, veteris annorum et vitiorum, vitis exemplo allato.

SENECA LUCILIO SUO SALUTEM.

CUPIO, mehercules, amicum tuum formari, ut desideras, et institui: sed valde durus capitur; imo potius, quod est molestius, valde mollis capitur, et consuetudine mala ac diutina fractus. Volo tibi ex nostro <sup>1</sup> artificio

1. *Volo tibi ex nostro artificio....* referre. Nam ipse Seneca cultor horti

studiosus erat ut vinearum, et videre licet ex ipsius verbis, Ep. CIV.



exemplum referre. Non quælibet insitionem vitis patitur : si vetus et exesa est, si infirma gracilisque, aut non recipiet surculum, aut non alet, nec applicabit sibi, nec in qualitatem ejus naturamque transibit<sup>1</sup>. Itaque solemus<sup>2</sup> supra terram præcidere, ut, si non responderit<sup>3</sup>, tentari possit secunda fortuna, et iterum repetita infra terram inseratur. Hic, de quo scribis et mandas, non habet vires : indulget vitiis; simul et emarcuit, et induruit. Non potest recipere rationem, non potest nutrire. — At cupit ipse<sup>3</sup>. — Noli credere! Non dico illum mentiri tibi, putat se cupere. Stomachum illi fecit luxuria<sup>4</sup>; cito tamen cum<sup>3</sup> illa redibit in gratiam. — Sed dicit se offendi vita sua. — Non negaverim : quis enim non offenditur? Homines vitam suam et amant simul, et oderunt. Tunc itaque de illo feremus sententiam, quum fidem nobis fecerit, divisam jam sibi esse luxuriam : nunc illis male<sup>5</sup> convenit. Vale.

1. *Nec in qualitatem... transibit.* Non in se accipiet qualitatem, id est succos insitivi rami; non ejus adoptabit naturam.

2. *Responderit* edd. ex H. *Respondit*, a. c. A. Schw.

3. *At cupit ipse*, supple : *rationem recipere*, etc.

4. *Stomachum illi fecit luxuria.*

Iram et fastidium illi movit. Bene Lagrange : *Il est dégoûté de ses déréglemens.*

5. *Nunc illis male convenit.* Int. nunc male se habet cum luxuria. Non illam odit; nunc tantummodo momenti habet cum illa jurgium. Bene Lagrange : *Quant à présent, ils ne sont qu'en querelle.*

## EPISTOLA CXIII.

AN VIRTUTES SINT ANIMALIA : HAS SPERNENDAS ESSE DISPUTATIONES.

Ad quæstionem, quam in Epistola CVI jam tractare cœperat, recurrit: an virtutes sint Animalia? Quæ quidem Stoicæ explicata et asserta, se in alia esse sententia profitetur et illam refutat, docetque, quantopere hæc sint ridicula, et a vera virtute, atque a via quæ nos ad illam adducat, abhorreant. Ita occasione oblata utitur sinceram philosophiæ rationem viamque monstrandi.

Cf. Argumentum Ep. CVI.

SENECA LUCILIO SUO SALUTEM.

DESIDERAS tibi scribi a me, quid sentiam de hac quæstione jactata apud nostros: « An Justitia, an Fortitudo, Prudentia, cæteræque Virtutes, Animalia sint? » — Hac subtilitate efficimus, Lucili carissime, ut exercere ingenium inter irrita videamur, et disputationibus nihil profuturis otium terere. Faciam, quod desideras; et, quid nostris videatur, exponam. Sed me in alia esse sententia profiteor. Puto quædam esse, quæ deceant<sup>1</sup> phæcasium palliatumque<sup>2</sup>. Quæ sint ergo, quæ antiquos moverint<sup>3</sup>, dicam.

1. Deceant dedere a. c. A. Vulgo decent ex R. Schw.

2. Phæcas... palliatumque. Id est, Græcum et quidem philosophum: hos enim palliatis fuisse et phæcasia, leve et vile calceamenti genus, gestasse constat. Cf. Senec. de Benef. VII, 21. Alias et sacerdotum fuit calcæus: Appian. B. C. 5, 17. Leve genus calcei fuisse docet Plutarchi vita Anton. c. 33. Cf. Balduinus de Calceo antiquo c. 19, p. 170 sq. (Lugd. B. 1711, 8.) Lipsius hæc ver-

ba, quæ recte sana habet, sic interpretatur: Ego aliud sentio, nec Græcis illis Stoicis assentio, quare? decore quædam illi, homines concessu omnium arguti et scholastici, quæ vos minime, Romani et graves, et serio philosophi. Lipsius itaque putat, tales argutias Græcis Stoicis condonandas esse, Romanis non item. R.

3. Quæ antiquos moverint. Nil mutant libri, sed in ms. a. in ipso contextu, simul cum ista lectione, laudatur alia his verbis, vel, quæ

\* Animum constat animal esse, quum ipse efficiat ut simus animalia, et quum ab illo<sup>1</sup> animalia nomen hoc traxerint; virtus autem nihil aliud est, quam animus quodammodo se habens : ergo animal est. Deinde : Virtus agit aliquid; agi autem nihil sine impetu potest : si impetum habet, qui nulli est nisi animali<sup>2</sup>, animal est. — Si animal est, inquit, virtus; habet ipsa virtutem<sup>3</sup>. — Quidni habeat se ipsam? Quomodo Sapiens omnia per<sup>3</sup> virtutem gerit, sic virtus per se. — Ergo, inquit<sup>4</sup>, et omnes artes animalia sunt, et omnia, quæ cogitamus, quæque mente complectimur. Sequitur ut multa millia animalium habitent in his angustiis pectoris, et singuli multa simus animalia, aut multa habeamus animalia. — Quæris, quid adversus istuc<sup>5</sup> respondeatur? Unaquæque ex istis res animal erit, multa animalia non erunt. Quare? Dicam, si mihi accommodaveris subtilitatem et intentionem tuam<sup>6</sup>. Singula animalia singulas debent habere substantias; ista omnia unum animum habent : itaque singula esse possunt, multa esse non possunt. Ego et animal sum et homo, non tamen duos esse [nos]<sup>7</sup> dices.

*sint quæ antiqui moverint. Schw.*

1. *Et quum ab illo.... traxerint.*

Hæc secunda causa ex etymologia desumpta parum valet. Sed Stoicos in hisce deductionibus sibi placuisse sæpius vidimus. *Ruhk.*

2. *Qui nulli est, nisi animali.* Int. impetu quo nullum præditum est, nisi animal.

3. *Habet ipsa virtutem. Quidni habeat se ipsam?* Sic a. c. A. Vulgo *habet ipsam virtutem. Quidni? habet se ipsam* edd. ex R. *Schw.*

4. *Inquit. Adversarius.* Quinam autem fuerint, Peripatetici, an Academici, an Epicurei, dicere non ha-

bemus : nam nonnisi e Senecæ Epp. has argutias compertas habemus. *R.*

5. *Adversus istuc* ms. a. *Istud* ms. c. *Ista* vulgo eum ed. A. In R. prosus corruptus locus. *Schw.*

6. *Si mihi accommodaveris... tuam.* Si vis uti in me audiendo omni subtilitate ingenii tui atque omni attentione tua.

7. *Duos esse [nos] dices.* Abest nos msto c. et nui probo cod. Pine. et ab erat editis, expunetum a Mur. nec ita male; nam videtur utique ex seholio invecum. *Duos esse nos dices* habet ms. a. cum ed. A. et Pal. 2, 3. Col. Alii, *duos esse dices nos*,

Quare? Quia separati debent esse; ita dico, alter ab altero debet esse diductus, ut duo sint. Quidquid in uno<sup>1</sup> multiplex est, sub unam naturam cadit<sup>2</sup>: itaque unum est.

5 Et animus meus animal est, et ego animal sum; duo tamen non sumus. Quare? quia animus mei pars est. Tunc aliquid per se numerabitur, quum per se stabit; ubi vero alterius membrum erit, non poterit videri aliud. Quare? Dicam: quia, quod aliud est, suum oportet esse, et proprium, et totum, et intra se absolutum. »

6 Ego in alia esse me sententia professus sum. Non enim tantum virtutes animalia erunt, si hoc recipitur; sed opposita quoque illis vitia et affectus, tanquam ira, timor, luctus, suspicio. Ultra res ista procedet: omnes sententiae, omnes cogitationes animalia erunt; quod nullo modo recipiendum est. Non enim, quidquid ab homine fit, homo est. — Justitia quid est? inquit. Animus quodammodo se habens. Itaque, si animus animal est, et justitia. —

7 Minime! hæc enim habitus animi est, et quædam vis. Idem animus in varias figuras convertitur, et non toties animal aliud est, quoties aliud facit; nec illud, quod fit ab animo, animal est. Si justitia animal est, si fortitudo, si cæteræ virtutes; utrum desinunt animalia esse<sup>3</sup> subinde, ac rursus incipiunt, an semper sunt? Desinere virtutes non possunt. Ergo multa animalia, imo innumerabilia in hoc animo versantur. — Non sunt, inquit, multa; quia ex uno religata sunt, et partes unius ac membra sunt. —

8 Talem ergo faciem animi nobis proponimus, qualis est

cum *R.* Alius rursus apud Grut. *nos dices duos. Schw.*

1. *Quidquid in uno.* Sic ms. *a.* In unum *c. R. A.* *Quidquid unum* edd. *a Mur. Schw.*

2. *Cadit, non cadet, a. c. R. A. S.*

3. *Utrum... subinde.* Quum animus noster fortitudinem jam non exercet, sed quiescit, utrum illud animal quod est fortitudo desinat interea esse, ita ut animal illud renascatur, quando rursus fortitudinem exercebit animus;

hydræ<sup>1</sup>, multa habentis capita, quorum unumquodque per se pugnat<sup>2</sup>, per se nocet. Atqui nullum ex illis capitibus animal est, sed animalis caput; cæterum ipsa unum animal est. Nemo in Chimæra<sup>3</sup> leonem animal esse dixit, aut draconem: hæ partes erant ejus: partes autem<sup>4</sup> non sunt animalia. Quid est, quo colligas, justitiam animal esse? — Agit, inquit, aliquid, et prodest; quod autem agit aliquid, et prodest, impetum habet: quod autem<sup>9</sup> impetum habet, animal est. — Verum est, si suum impetum habet; suum autem non habet, sed animi. Omne animal, donec moriatur, id est, quod cœpit: homo, donec moriatur, homo est; equus, equus<sup>5</sup>; canis, canis: transire in<sup>6</sup> aliud non potest. Justitia, id est, animus<sup>10</sup> quodammodo se habens, animal est! Credamus. Deinde, animal est fortitudo, id est, animus quodammodo se habens! Quis animus! ille qui modo justitia erat? Tenetur in priore animali; in aliud animal transire ei non licet: in eo illi, in quo primum esse cœpit, perseverandum est. Præterea, unus animus duorum esse animalium non potest, multo minus plurium. Si justitia, fortitudo, temperantia, cæteræque virtutes animalia sunt: quomodo unum animum habebunt? Singulos habeant oportet, aut

an potius vel quando eam animus non exercet, semper remaneat?

1. *Hydræ*. Lernææ, quæcum Hercules, a Stoicis tanti æstimatus, præliatus est: interfecit eam. Cf. Apollod. II, 5, a ibique Heynius. *Ruhk.*

2. *Pugnat... nocet*, a. c. *R. A.* non pugnet... noceat. *Schw.*

3. *Chimæra*. Fabulosa bellua a Belerophonte occisa: apud Homerum tricornis erat, capite leonis, media parte caper, cauda draco s. serpens. Cf. *Iliad.* lib. 6, 168, 9 Apollodor.

lib. II, 3, a ibique Heynius. *Ruhk.*

4. *Partes autem*. Sic a. c. *A. Ejus*, pro autem, habet *R.* Utrumque vulgo abjectum a Mur. *Schw.*

5. *Equus, equus; canis, canis*. Sic a. c. *A.* cum *Piac.* et *Grut.* quæ sana scriptura videtur. Perperam nunc *equus, canis*, ms. a. et ed. *R.* Ex quo sua auctoritate Muretus fecit *equus item et canis*. *Schw.*

6. *Transire in*. Ita optimi eodd. Muretus invexerat nullius libri suasu: *transire enim in*. *Ruhk.*

- 11 non sunt animalia. Non potest unum corpus plurium animalium esse; hoc et ipsi fatentur. Justitiæ quod est corpus? animus. Quid? fortitudinis<sup>1</sup> quod est corpus? idem animus. Atqui unum corpus esse duorum animalium non potest. — Sed idem animus, inquit, justitiæ habitum induit, et fortitudinis, et temperantiæ. — Hoc fieri posset, si, quo tempore justitia est<sup>2</sup>, fortitudo non esset; quo tempore fortitudo est, temperantia non esset. Nunc  
12 vero omnes virtutes simul sunt. Ita quomodo singula erunt animalia, quum unus animus sit; qui plus, quam unum animal, non potest facere? Denique nullum animal pars est alterius animalis; justitia autem pars est animi: non est ergo animal.

Videor mihi in re confessa perdere operam. Magis enim indignandum de isto, quam disputandum est. Nullum animal alterius pars est. Circumspice omnium corpora; nulli non et color proprius est, et figura sua, et  
13 magnitudo. Inter cætera<sup>3</sup>, propter quæ mirabile divini artificis ingenium est, hoc quoque existimo esse<sup>4</sup>, quod in tanta copia rerum nunquam in idem incidit: etiam, quæ similia videntur, quum contuleris, diversa sunt. Tot fecit genera foliorum, nullum non sua proprietate signa-

1. *Quid? fortitudinis*, etc. Sic *a.* et *R.* Abest *Quid? c. A.* et vulgo edd. *Schv.*

2. *Quo tempore justitia est*. Sic recte *ms. a.* non *esset*, ut alii. Inde postea correxi, *quo tempore fortitudo est*, ubi perperam *esset* dabant omnes. *Schv.*

3. *Inter cætera, propter*, etc. Pulcherrima nota: et certe mira divini artificis vis et ingenium; qui tot varia, et ipsa paria disparia fecit. Inter tot millies millenos homines, qui

duo vultu andique assimulant? tale in aliis, mirandum, stupendum, divinum. *Lips.* — Vides hic principium indiscernibilium, diu post a Leibnitio nostro egregie explicatum, jam a Seneca occupatum. Docuit quoque *Plin. N. H. VII, 1* et alii, nisi fallor et Aristoteles. *Ruhk.*

4. *Existimo esse, quod in tanta*, etc. Abest vulgo *esse*; sed in veteribus libris scribitur *et quod*, ubi et ex *esse* corruptum judicavi cujus *Pinciano. Schv.*

tum : tot animalia ; nulli magnitudo<sup>1</sup> cum altero convenit, utique aliquid interest. Exegit a se, ut, quæ alia erant, et dissimilia essent, et imparia. Virtutes omnes, ut dicitis, pares sunt : ergo non sunt animalia. Nullum non animal per se aliquid agit : virtus autem per se nihil agit, sed cum homine. Omnia animalia aut rationalia sunt, ut homines<sup>2</sup>, ut Dii ; aut irrationalia, ut feræ<sup>3</sup>, ut pecora : virtutes utique rationales sunt ; atqui nec homines sunt, nec Dii : ergo non sunt animalia. Omne rationale animal nihil agit, nisi primum specie<sup>4</sup> alicujus rei irritatum est, deinde impetum cepit, deinde assensio confirmavit hanc impetum. Quid sit assensio, dicam. Oportet me ambulare : tunc demum ambulo, quum hoc mihi dixi, et approbavi hanc opinionem meam. Oportet me sedere ; tunc demum sedeo. Hæc assensio in virtute non est. Puta enim prudentiam esse<sup>5</sup> ; quomodo assentiatur

1. Nulli magnitudo cum altero convenit. Nullius magnitudo magno consensu dabant a. c. A. et Pinciapi Gruterique codices. Quod quidem quom parum probabile sit ita scriptum a Sæcra fuisse, uliqua repositum velim id quod vulgo editum erat, nulli similitudo, etc. quod ex Iogebio quidem Erasmi erat profectum, sed hand obscure admodum latebat sub eo quod ed. R. dederat nullius multitudo, quam scripturam etiam Gruterus in uno ex Palatinis invenerat. Schw. — Lipsius conj. nullius imagini, puto, cum. Trillerus in Obs. crit. p. 94 emend. nullius imago sola cum qui ad sententiam laudat Plin. Nat. Hist. VII, 1. Ruhk.

2. Ut homines, ut Dii. Possit suspicari, legendum esse aut homines, aut Dii, non ut... ut : sed quum non nisi homines diique sub hanc regu-

lam cadant, non hoc opus est. Ruhk.

3. Ut feræ. Duo verba, quæ decaat vulgo, ex mastis adjecimus. Schw.

4. Nisi primum specie... impetum... assensio. Stoica ex disciplina hæc petita sunt : species, passiones : primam quancumque rei extrinsecus objectam animo speciem sequitur impetum, motus, vel impetus primus, quo aliquid concupiscimus : deinde est assensio, vel assensus, qua rem bonam vel malam esse judicamus. Tiedemann System d. st. Ph. III, 5 sqq. Heysius ad Epictet. I, 1. R.

5. Puta enim prudentiam esse. Sic omnes edd. et multi codd., recte, probante Grocio. Alii : Puta enim prudentiam omnino esse. Puta enim prudentiam esse scilicet, in qua exemplum teotat velimus. Ponamus prudentiam ; faciamus periculum in prudentia. Gron.

« Oportet me ambulare<sup>1</sup> » ? Hoc natura non recipit<sup>2</sup> : prudentia enim ei, cujus est, prospicit; non sibi. Nam nec ambulare potest, nec sedere; ergo assensionem non habet : quod assensionem non habet, rationale animal non  
 16 est. Virtus si animal est, rationale est : rationale autem non est<sup>3</sup> : ergo nec animal. Si virtus animal est; virtus autem bonum [omne] est<sup>4</sup> : omne bonum animal est. Hoc nostri fatentur. Patrem servare, bonum est; et sententiam prudenter in senatu dicere, bonum est; et juste decernere, bonum est : ergo et patrem servare animal est; et prudenter sententiam dicere<sup>5</sup>, animal est. Eo usque res excedet, ut risum tenere non possis. Prudenter<sup>6</sup> tacere, bonum est; cœnare bene, bonum est : ita et tacere et cœnare animal est!

17 Ego, mehercules, titillare non desinam, et ludos mihi ex istis subtilibus ineptiis facere. Justitia et fortitudo, si

1. *Quom. assent.* (impple dicendo) : oportet me ambulare.

2. *Recipit.* Erasm. et tres Pal. at Pinc. et alii eodd. *præcipit* : nude Lipsius conj. *hoc natura non præcipit?* Hoc natura non recipit, int. sibi non arrogat ut jubeat, sed prudentia facit hoc. *Ruhk.* — Prorsus obscura est *Ruhk.* interpretatio; sensus tamen patet : non naturale est prudentiam dicere oportet me ambulare; nam non sibi consulit prudentia, sed homini; non ipsa prudentia ambulatura est : non dicit ergo oportet me ambulare.

3. *Rationale autem non est.* Pugnare hoc videri poterat cum eo quod pag. sup. § 14 aiebat, *virtutes utique rationales sunt* : at non pugnant, nam h. l. ex superiore lin. intelligitur hoc dici, *rationale animal autem non est.* *Schw.*

4. *Virtus autem bonum [omne] est.* Vulgo nude, *virtus autem bonum est*, edd. ex *H.* Quo posito, non valebit consequentia ista, *omne bonum animal est*. Multo vero magis vitiosum videtur id, quod a. e. *A. habent, virtus autem non bonum est* : at ibi non ex voce *omne* compendiose scripta ortum suspicatus eram, ut minor propositio (quam dicunt dialectici) hæc esset *virtus autem omne bonum est*; ubi subjectum (quod vocatur) propositionis intelligi debet *omne bonum*, prædictum vero *virtus.* *Schw.*

5. *Prudenter sententiam dicere.* Temere omisa vulgo erat media vox. *S.*

6. *Prudenter tacere, bonum est* : cœnare bene, bonum est. Sic eodd. Pinc. et Grut. Muretus proprio Marte fecit : *prudenter tacere, et cœnare bene.* *e. Ruhk.*



animalia sunt, certe terrestria sunt. Omne animal terrestre alget, esurit, sitit; ergo justitia alget, fortitudo esurit, sitit clementia. Quid porro? non interrogabo illos, quam figuram habeant ista animalia? hominis, an equi, an feræ? Si rotundam illis <sup>1</sup>, qualem Deo, dederint formam, quæram, an et avaritia, et luxuria, et dementia æque rotundæ sint? sunt enim et ipsæ animalia. Si has quoque corrotundaverint, etiamnunc interrogabo, an prudens ambulatio animal sit. Necesse est confiteantur; deinde dicant, ambulationem animal esse, et quidem rotundum. Ne putes autem, me primum ex nostris, non ex præscripto loqui <sup>2</sup>, sed meæ sententiæ esse: inter Cleanthem et discipulum ejus Chrysippum, non convenit, quid sit ambulatio. Cleanthes <sup>3</sup> ait, spiritum esse a principali usque in pedes permissum; Chrysippus, ipsum principale. Quid est ergo, cur non ipsius Chrysippi exemplo sibi quisque se vindicet, et ista tot animalia, quot mundus ipse non potest capere, derideat?

Non sunt, inquit, virtutes multa animalia, et tamen animalia sunt. Nam, quemadmodum aliquis et poeta est, et orator, et tamen unus; sic virtutes istæ animalia sunt, sed multa non sunt. Idem est animus, et animus <sup>4</sup> justus, et prudens, et fortis; ad singulas virtutes quodammodo se habens. — Sublata est quæstio <sup>5</sup>; convenit nobis. Nam et ego interim fateor, animum animal esse; postea visurus; quam de ista re sententiam feram: actiones ejus animalia esse nego. Alioquin et omnia verba erunt ani-

1. *Si rotundam illis, qualem Deo.* Nempe Mundo, qui Stoicorum secundarius deus. *Lips.*

2. *Non ex præscripto loqui.* Int. nullius sequi magistri præcepta.

3. *Cleanthes... principale.* Laudat

Lipsius Senec. Ep. XCII et suam Physiolog. stoic. III, 17 et 18. *Ruhk.*

4. *Et animus justus.* Repetitum h. l. vocab. *animus* non ad eam vulgo, sed dederunt veteres libri. *Schwe.*

5. *Sublata est quæstio.* Duo verba,

malia, et omnes versus. Nam, si prudens sermo bonum est, bonum autem omne animal est; sermo ergo animal est. Prudens versus, bonum est; bonum autem omne animal est: versus ergo animal est. Ita <sup>1</sup>,

Arma virumque cano,

- animal est; quod non possunt rotundum dicere, quum  
<sup>21</sup> sex pedes habeat. — Textorium <sup>2</sup>, inquis, totum mehercules istud est, quod quum maxime agitur. Dissilio risu, quum mihi propono, solœcismum animal esse, et barbarismum, et syllogismum, et aptas illis facies, tanquam pictor, assigno.

- Hæc disputamus, attractis superciliis, fronte rugosa. Non possum hoc loco dicere illud Cæcilianum <sup>3</sup>: « O tristes ineptias! <sup>4</sup> » — Ridiculæ sunt. Quin itaque potius aliquid utile nobis ac salutare tractamus, et quærimus, quomodo ad virtutes venire possimus, quæ nos ad illas  
<sup>22</sup> via adducat. Doce me, non, an fortitudo animal sit; sed, nullum animal felix esse sine fortitudine, nisi contra fortuita convaluit, et omnes casus, antequam exciperet, meditando prædomuit. Quid est fortitudo? munimentum humanæ imbecillitatis inexpugnabile; quod qui circumdedit sibi, securus in hac vitæ obsidione perdurat: utitur enim suis viribus, suis telis. Hoc loco tibi Posidonii nostri referre sententiam volo: « Non est, quod unquam

est quæstio, sive ipsa ad sensum necessaria, sive his similia, desunt a. e. R. A. ab Erasmo (ex coject. an e vetere libro?) adjecta. Schw.

1. Ita. Cum ms. a. scripsi. Vulgo Itaque. Schw.

2. Textorium. Quod texas, re-texas, implices et solvas. Ruhk.

3. Cæcilianum. Stat. Cæcilius, comicus, Eonii amicus et libertus Cæ-

cilii cujusdam: e comœdia veteri multa dramata, imprimis Meoandri, vertit in latinum sermonem. Synephebi ejus celeberrima comœdia erat. Omnia præter fragmenta quædam, intereiderunt. Cf. A. Gelii N. A. IV, 20. II, 23. Cicero passim. Ruhk.

4. O tristes ineptias. Muretus sequentes versus laudat e Martiali: « Turpe est difficiles habere nugas, l'i

fortuna<sup>1</sup> armis putes esse te tutum : tuis pugna contra ipsam. *Fortuna non armat*<sup>1</sup>. Itaque contra hostes instructi, 23  
contra ipsam inermes sunt. » Alexander quidem Persas, et Hyrcanos, et Indos, et quidquid gentium usque in Oceanum extendit Oriens, vastabat, fugabatque; sed ipse, modo occiso amico<sup>2</sup>, modo amisso<sup>3</sup>, jacebat in tenebris, alias scelus, alias desiderium suum mœrens : victor tot regum atque populorum, iræ tristitiæque succubuit : id enim egerat, ut omnia potius haberet in potestate, quam affectus. O quam magnis homines tenentur 24  
erroribus, qui jus dominandi trans maria cupiunt permittere; felicissimosque se judicant, si multas per<sup>4</sup> milites provincias obtinent, et novas veteribus adjungunt; ignari, quod sit illud ingens, parque Diis, regnum! Imperare sibi, maximum imperium est. Doceat<sup>5</sup> me, quam sacra res sit justitia, alienum bonum spectans<sup>6</sup>; nihil ex se

stultus labor est ineptiarum. » *Ruhk.*

1. *Fortuna non armat*. Sic commode ms. a. Locum in omnibus exemplaribus corruptum se reparasse ait Pincianus. Vulgo *Fortuita non armant* ex Mureti ingenio. *Schw.* — Ist. quantumcumque potentiam nobis cirenndet fortuna, nobis arma non præbet, nec na timeamus prohibet : nam, ut ostendit Noster, Alexander ipse inermis erat contra tristitiam suam : arma sunt virtutes quæ nos sortes faciunt in propellendis vitiis, et fortuitis contempnendis.

2. *Modo occiso amico*. Clyto, quem inter pocula abrius gladio transfodit.

3. *Modo amisso*. Hephestione. De laeta immanso Alexandri vide Quint. Curt. lib. X, cap. 4.

4. *Si multas per milites provincias obtinent*. Sic tacita primus (sua, puto, de conjectura) edidit Erasmus, quem

secuti sunt omnes. *Pro mille scribitur in a. c. R. A.* Miror ni pariter alii libri dedarint, licet a suis nil notaverit vel Pinc. vel Gruterus. *Schw.*

5. *Doceat* (supple: aliquis, sapiens). Communi consensu tenent nostri et editi. *Doceras* unus edidit *Ruhk.* necessariam esse emendationem existimans, quia haud multo ante § 22, *Docedixerat* auctor. At similiter haud raro variare varborum personas in hujusmodi disputationibus solet. *S.* — Hæc spectant ad illud dogma stoicæ celeberrimæ : virtutem per se esse expetendam et exercendam, eamque ad beatitudinem sufficere, quod Noster in præcedentibus Epistolis longius dilatavit. Confer. Tiedemann. III, 85, *System d. st. Philos.* *Ruhk.*

6. *Alienum bonum spectans*. Bene vertit *Lagrange* : *Vertù qui se dévoue au bien d'autrui.*

petens<sup>1</sup>, nisi usum sui. Nihil sit illi<sup>2</sup> cum ambitione famaque; sibi placeat! Hoc ante omnia sibi quisque persuadeat: Me justum esse gratis oportet! Parum est!  
 25 adhuc illud persuadeat sibi: Me in hanc pulcherrimam virtutem ultro etiam impendere juvet; tota cogitatio<sup>3</sup> a privatis commodis quam longissime aversa sit! Non est, quod spectes, quod sit justæ rei præmium majus, quam justam esse<sup>4</sup>. Illud adhuc tibi affige, quod paulo ante dicebam: Nihil ad rem pertinere<sup>5</sup>, quam multi æquitatem tuam noverint. Qui virtutem suam publicari vult, non virtuti laborat, sed gloriæ. Non vis esse justus sine gloria? At, mehercules, sæpe justus esse debebis cum infamia. Et tunc, si sapis, mala opinio bene parta delectat. Vale.

1. *Nihil ex se petens, nisi usum sui.* Lagrange: *Sans désirer autre chose que d'être utile à tout le monde;* quem sensum difficile ex latinis verbis elicias. Intelligendum potius: nullam mercedem petens ex beneficiis suis, nisi ut sese in virtute exercuerit.

2. *Nihil sit illi... famaque.* Vertit Lagrange: *Qu'on m'apprenne à n'avoir plus rien à démêler avec l'ambition et la renommée.* Putavit interpretes hæc verba docentis esse et eum qui docetur alloquentis, Senecamque directum sermonem usurpasse, ut vividiorum: nobis autem videtur vox illi referenda ad justitiam: dixit auctor justitiam nullius avidam esse mercedis; ideo addit: ne famam ex beneficiis suis expectet!

3. *Tota cogitatio.* Vulgo ut tota cogitatio. Voculam ut, temere ab Erasmo adjectam, nullos vetus liber agnoscit: Schw.

4. *Quam justam esse.* Sic unus cod. Pine. Ipse tamen Pine. *quam justum esse* maluerat, quod recepit Mur. et tennere alii editores. Vitiose *injusta esse* ms. c. et ed. A. nec melius *injuste* est ms. a. voculam quam vero nullus eodex agnoscit. Editi ante Mur. cum ed. B. sic habent: *quod sit justæ rei præmium: majus injusto est*: qua in scriptura, si recte distinguantur verba, ipsum verum inesse videtur. Scribe, *quod sit justæ rei præmium majus: in justo est.* Ut dicimus *in vitio est, in culpa est*, et similia; sic *res in justo est* idem fore valebit ac *justa est.* Tum, pro brevitate quam amat Noster, ante ipsa verba, *in justo est*, facile intelligitur tale quiddam, quale *Satis magnum præmium hoc est.* Schw.

5. *Pertinere.* Scripsi cum a. c. A. et quatuor Gruteri codd. Vulgo *pertinet.* Schw.

## EPISTOLA CXIV.

ELOQUENTIÆ CORRUPTELAM ET CORRUPTIS MORIBUS ORTAM ESSE.

Amico quærenti, quare quibusdam temporibus provenerit corrupta oratio, mox hæc, mox illa, semper tamen abhorrens a recto iudicio et nativa simplicitate; respondet Seneca, primariam causam sitam esse in vita publica, et disciplina moribusque civitatis, ad quam oratio attemperari solet, similis animo qui corpus imitatur, et vice versa. Ab animo ingenium magna parte formatur, et ideo oratio sumitur. Exemplo est Mæcenas, cujus oratio ejus mores et omnia, quæ ejus erant, retulit, æque soluta, quam ipse erat, cujus animum ut nimia felicitas et luxuria corruperunt, ita in orationem quæque nova, inaudita, antiqua, exoleta, brevi corruptionem invexere. Sic cuique ætati vitiosa, quin etiam interdum vitia placere, et vitia virtutibus immixta sunt. Accedit, quod egregius aliquis vir etiam quum insolita oratione et compositione utatur, ab aliis imitandus sibi proponatur, qui vitiosi sunt. Exemplo est Arruntius, qui Sallustii scribendi rationem exprimere studens a recto limite desciverat. Animus igitur formetur et sanus sit, ut oratio et compositio recta via procedant; alioquin, luxuria animum corrumpente, et ingenium corrumpetur atque oratio.

Conferri meretur Dialogus de Causis corruptæ Eloquentiæ, auctore incerto: tribuitur ab aliis Tociato, ab aliis Plinio juniori. Quintiliani non esse, docuit Spalding. ad Quintil. To. I, præf. p. xxxix: ad lib. II, 4, 42. T. II, præf. p. vi. Quatenus autem Noster præcepta, quæ hæc epistola dedit, ipse secutus sit, vide ap. Quintil. X, 1, 125 sqq.

SENECA LUCILIO SUO SALUTEM.

Quare quibusdam temporibus provenerit corrupti generis oratio, quæris; et quomodo in quædam vitia inclinatio ingeniorum facta sit, ut aliquando inflata<sup>1</sup> explicatio vigeret, aliquando infracta, et in morem cantic

1. Ut aliquando inflata.... ducta. Ut aliquando nimis redundantiæ et tumor orationis, ut in asiaticis orato-

ribus, de quibus cf. Cic. Brut. c. 13, Quintil. XII, 10, 16 floret; recte opponitur mollitudo et imbecillitas

ducta? quare alias sensus audaces, et fidem egressi, placuerint; alias abruptæ<sup>1</sup> sententiæ, et suspiciosæ<sup>2</sup>, in quibus plus intelligendum esset<sup>3</sup>, quam audiendum? quare aliqua ætas fuerit, quæ translationis jure uteretur inrecede? — Hoc<sup>4</sup>, quod audire vulgo soles, quod apud Græcos in proverbium cessit: « Talis<sup>5</sup> hominibus fuit oratio, qualis vita. » Quemadmodum autem uniuscujusque actio dicenti similis est<sup>6</sup>, sic genus dicendi aliquando imitatur publicos mores. Si disciplina<sup>7</sup> civitatis laboravit, et se in delicias dedit; argumentum est luxuriæ publicæ, orationis lascivia: si modo non in uno aut in altero fuit, sed approbata est et recepta. Non potest alius esse ingenio<sup>8</sup>, alius animo color. Si ille sanus est, si compositus, gravis, temperans; ingenium quoque siccum ac sobrium est: illo vitiato, hoc quoque afflatur. Non vides, si animus clanguit, trahi membra, et pigre moveri pedes? si ille effeminatus est, in ipso incessu apparere molliem?

orationis quæ fluit, et canticis, partibus dramatis uni personæ assignatis, similis est. *Ruhk.*

1. *Abruptæ sententiæ.* Quarum sensus non est plene expressus, quibus verba quædam expectata deesse videntur.

2. *Suspiciosæ.* Quarum sensum suspicamus magis, quam intelligimus. Gallice vertit feliciter *Lagrange*: *Enigmatiques.*

3. *Esset.* Sic præbent a. c. A. Vulgo est. *Schw.*

4. *Hoc.* Nomine, i. propterea. *R.*

5. *Talis... vita.* Lipsius laudat Solonis dictum vetus ap. Diogen. Laert. I, 59 ubi cf. Menag. τὸν λόγον αἰδῶν ἐν αἵμα τῷ ἴσθμῳ et Platonis αἶος ὁ λόγος, τοιοῦτος ὁ ἥπιος. *R.* — Nostras *Buffon* iisdem fere verbis: *Le style est l'homme.* (Disc. de réc. à l'Acad.)

6. *Actio dicenti similis est.* Int. actiones similes sunt sermonibus; eo sensu, ut iisdem vitiis sermo hominum inficiatur, quibus eorum mores laborant.

7. *Si disciplina,* etc. Rectius sic distinguetur oratio: *imitatur publicos mores; si disciplina... in delicias dedit. Argumentum... lascivia; si modo,* etc. *Schw.*

8. *Ingenio.* Facultate mentis qua repertis acceptisque utimur cogitando, judicando, concludendo: *animo* de voluntate, inclinationibus. Diverso modo Quintil. X, 1, 130: « Velles eum (sc. Senecam) suo ingenio dixisse, alieno iudicio. » Conf. Quintil. I, 3, princ. Mox ait Noster: *Quanto hoc magis... petit*: unde liquet, animum illam facultatem mentis significare, quæ notiones accipiantur formentur -

si ille acer est et ferox<sup>1</sup>, concitari gradum? si furit, aut, quod furori simile est, irascitur, turbatum esse corporis motum, nec ire, sed ferri? Quanto hoc magis accidere ingenio putas, quod totum animo permixtum est? ab illo fingitur, illi paret, inde legem petit.

Quomodo Mæcenas<sup>2</sup> vixerit, notius est, quam ut narrari nunc debeat; quomodo ambulaverit, quam delicatus fuerit, quam eupierit videri, quam vitia sua latere noluerit. Quid ergo? non oratio ejus æque soluta est, quam ipse discinctus? non tam insignita illius verba sunt, quam cultus, quam comitatus, quam domus, quam uxor? Magni vir ingenii fuerat, si illud egisset via rectiore, si non vitasset intelligi, si non etiam in oratione difflueret. Vi-  
debis itaque eloquentiam ebrii hominis, involutam, et errantem, et licentiæ plenam. [Mæcenas, de Cultu<sup>3</sup> suo]. Quid turpius? « Amne<sup>4</sup> silvisque ripa comantibus vide ut

que, tanquam materiem propemodum subactam ad nunt. *Ruhk.*

1. *Ferox.* Recte a. c. A. Gruter. Vulgo *velox* ex R. sicut *velocia* Ep. xcii, pro *ferocia*. *Schw.*

2. *Mæcenas.* Cf. de eo notam ad Epist. C1, 10. Desedit Mæcenatem de quo egit Andreas Rivinus (deceatos 1656) pluribus Dissertat. quibus tamen Meib. qui Mæcenatem solum edidit 1653, non usus est: nec mihi usurpatæ sicut. In Elegia C. Pedonis Albiuvani vel potius incerti auctoris in obitum Mæcenatis (in VVernsdorf. Poetis Lat. minor. III, p. 155 sqq.) quædam occurrunt, quibus Mæcenas defendatur, desumpta, ut mihi videtur, e commentario nunc deperdito ejusdem Lollii de Mæcenate: eo enim referam versus 10, 11. Nostri tamen censuram non cognitam poetæ isti frigido fuisse potio, etiam si se-

riori sæculo iste festus tribuendus sit. Egregie disserentiam de Mæcenate vide VVielandem in præmio ad Horat. Ep. I, 1. *Ruhk.*

3. *Mæcenas, de Cultu suo.* Invitis vult. in *Cultu suo* edd. ante *Ruhk.* Est autem iste titulus carminis ejusdam a Mæcenate conscripti, quem titulum ipse Seneca (sicut alibi titulos aliorum librorum, e quibus verba quædam citavit) Epistolæ suæ iosepuit. *S.* — Equidam has quatuor voces a marginibus in contextum iotrasas esse puto eum Gruter. Fuisse videtur poema Mæcenatis sic inscriptum de suæ vitæ ratione. Conf. VVernsdorf. P. L. M. Tom. VI, I, p. 10. Quæ sequuntur ipsi Senecæ fuere obscura: quo magis nobis? Ad omnes sequentes versus ex illo poemate Mæcenatis desumpti sicut, non liquet. *Ruhk.*

4. *Quid turpius?* (sc. quam da

alveum linitibus arent, versoque vado<sup>1</sup> remittant<sup>2</sup> hortos,  
— Quid? si quis<sup>3</sup>: feminæ cinno crispatae<sup>4</sup> labris colum-  
batur<sup>5</sup>, incipitque suspirans, ut cervice lassa fanantur ne-  
moris tyranni<sup>6</sup>. — Irremediabilis factio<sup>7</sup>: rimantur epu-  
lis, lagenaeque tentant domos, et spe<sup>8</sup> mortem exigunt.  
— Genium festo vix suo testem, tenuisve cerei fila<sup>9</sup>, et

culu suo loqui, sen quam dicere ut  
sequitur? ) *Anne.* Sic Schweigh.  
Lipsio, aliis Mæcen. verba a *quid*  
*turp.* incipere fingentibus, Muretus  
ex ingenio fecerat: *Quid purius.* —  
*Fide.* al. *vides* ex Lipsii conj. Autea:  
*vide.* Lipsius habet hos versus pro  
versiculis fere undecim syllabarum,  
metrum tamen non attingit. — *Anne...*  
*comantibus.* I. e. quum amnis et silvæ  
ripari contineant. *Comare* enim ita  
intelligo, uti ap. Valer. Flacc. V, 367:  
« astroque comantes Tyndaridas. » *Il.*

1. *Versoque vado.* Aqua remis agi-  
tata, hortus post se relinquunt. *R.*

2. *Remittant.* Plurimi codd. At  
Erasmus: *remittat.* J. Scaliger *remi-  
gant*, laudat Virgil. *Æn.* VIII, 96:  
« viridesque secant placido æquore sil-  
vas, » i. e. navigant placido alveo flu-  
vii inter ripas silvis consitas. *Remi-  
ciant* h. emend. Lipsius. *Ruhk.*

3. *Quid? si quis.* Non Mæcenatis  
hæc verba, sed Senecæ esse conjicit  
Schweigh. Supplend. *dicet.*

4. *Feminæ cinno crispatae labris*  
*columbatur.* Cinno, non circo a. c. A.  
tum *crispat* et *labr. a. R.* *Crispate*  
(i. e. *crispatae*) et *labr. c. A.* Schw.  
— *Femina cirro crispat* Muret. *Fem-  
inæ cirro crispat* Erasmus. Codd.  
vel uni vel alteri lectioni favent. *R.*

5. *Labris columbat.* r. Laudat Sea-  
liger Cn. Mattii Mimiambum ap. Aul.  
Gell. XX, 9: « Columbulatim labra  
converens labris. » *Ruhk.*

6. *Cervice lassa fanantur nemoris*  
*tyranni.* Sic proptus ms. a. et fanan-

*tur* habent etiam c. *A. lassa* vero a.  
c. *R. A.* alii vulgo *laxa.* Schw. —  
*Ruhk.* edidit: *ut cervice laxa feratur*  
*nec more.* Alii, inquit, c. *lassa, la-  
ssa sanantur*, et in ora *Erasm.* sua-  
viantur. Lipsius conj. *fanatur* i. furit  
atque insanit. Pro *nec more* alii *ne-  
more*, alii *ne mori*, quidam *nec more*:  
quod ultimum præfert Lips. jungitque  
cum prioribus, et de bæchantibus  
ultra morem explicat. *Recepi.*

7. *Irremediabilis factio.* *Ruhkopf.*  
dat *Tyranni irremediabilis factio*,  
explicatque: tertium exemplum est  
super tyrannide, cujus *irremediabi-  
lis ἀντίστροφ*, implacabilis, satellites  
in convitiis et poculis insidiantur,  
et delationibus suis exitium struunt.

8. *Et spe.* Sc. ms. a. *Cum spe* c. *A.*  
*Et sape* vulgo ex *R. Schw.*

9. *Tenuisve cerei fila.* Sic edd. olim,  
cum n. c. *R. A. Tenuisve Cereris fila*  
ed. *Ruhk.* ex Scaligeri conject. *S.* —  
Sic, inquit *Ruhk.* suam tuens lect.  
optimo Jos. Scaliger in *Elegiam* de  
obitu Mæcenatis (Vernsdorf. *Poet.*  
*Lat. min.* Vol. III p. 155 sqq.) restituit,  
quum omnes codd. et edd. præbeant:  
*tenuisve Cerei s. Cere* i. farinam in  
molendino per fistulam manantem,  
quoniam tenuis ejus ductus ut *filli*:  
intell. quod attinet, *πλάτα*: implet fa-  
rina et mola falsa focum litandi causa  
propter Genium. Qui *cerei* defen-  
dunt, explicant ut Lipsius: lumen  
ibi tenue: cereus vix ceratus. Sed in  
taguriolo pauperismo de cereo vix  
cogites. *Ruhk.* — Depareum homi-



crepaeem molam : — focum mater aut uxor investiant. » — Non statim, quum hæc legeris, hoc tibi occurret, hunc esse, qui solutis tunicis in Urbe semper incesserit? ( 'nam, etiam quum absentis Caesaris partibus fungeretur, signum a discincto<sup>2</sup> petebatur : ) hunc esse, qui in tribunali, in rostris, in omni publico cœta, sic apparuerit, ut pallio velaretur caput<sup>3</sup>, exclusis utrimque auribus, non aliter, quam in mimo *Divites*<sup>4</sup>, fugitivi solent? hunc esse, cui, tunc maxime<sup>5</sup> civilibus bellis strepentibus, et sollicita urbe et armata, comitatus hic<sup>6</sup> fuerit in publico, spadones duo, magis tamen viri quam ipse? hunc esse, qui uxorem milles duxit, quum unam habuerit<sup>7</sup>? Hæc verba tam improbe structa, tam negligenter abjecta, tam contra consuetudinem omnium posita, ostendunt, mores quoque non minus novos et pravos et singulares fuisse. Maxima laus<sup>8</sup> illi tribuitur mansuetudinis : pepercit gladio, sanguine abstinuit; nec ulla alia re, quid posset, quam licentia, ostendit. Hanc ipsam laudem suam corrumpit istis orationis portentosissimæ deliciis : apparet enim mollem fuisse, non mitem. Hoc istæ ambages compositionis, hoc verba transversa, hoc sensus, magni quidem

nem describit qui nec genium genii festo placat. *Lips.*

1. *Nam quum...ungeretur.* Præfectus Urbis et Italiae. Vide Tacit. *Annal.* VI, 11. Elegia in obitum Mæc. 27. Petronius de Motat. Reip. rom. (ap. Wernsdorf. P. L. M. Vol. III, p. 26 sqq.) *Ruhk.*

2. *Discincto.* Parum militari : opp. accinctus, præcinctus. Ruben. de Re Vestiari. I, 6; Ep. xcii, fin. *Ruhk.*

3. *Hunc esse...caput.* Fortassis, quæ est Wielandii ingeniosa conjectura, propter perpetuum, qua laborabat, febriem. Plin. N. H. VII, 51.

Alias est delicatiorum. Cf. Lipsii *Amphitheatr.* c. 20. *Ruhk.*

4. *Divites.* Rectius forsitan *Divite* ed. *Ruhk.* ex Lipsii conject. *Schw.*

5. *Tunc maxime,* a. c. R. A. *Schw.*

6. *Comitatus hic fuerit.* Sic fiduciam, quam in populo reponeret, optime monstravit publice. Cf. Wieland. l. l. p. 15. *Ruhk.*

7. *Quum unam habuerit.* Terentiam, cum qua assidua jurgia, divortia, iterumque conjugia. Vide de *Provident.* 3, 9.

8. *Maxima laus...ostendit.* Te-

sæpe, sed enervati dum exeunt, cuivis manifestum facient. Motum illi felicitate nimia caput; quod vitium hominis interdum esse, interdum temporis, solet.

- 9 Ubi luxuriam<sup>1</sup> late felicitas fudit, luxus<sup>2</sup> primum corporum esse diligentior incipit; deinde suppellectili laboratur; deinde in ipsas domos impenditur cura, ut in laxitatem ruris excurrant, ut parietes advectis transmaria marmoribus fulgeant, ut tecta varientur auro, ut lacunaribus pavementorum respondeat nitor; deinde ad cœnas lautitia transfertur, et illic commendatio ex novitate et soliti ordinis commutatione captatur, ut ea<sup>3</sup>, quæ includere<sup>4</sup> cœnam solent, prima ponantur, ut<sup>5</sup>, quæ ad-  
 10 venientibus dabantur, exeuntibus dentur. Quum assuevit animus fastidire quæ ex more sunt, et illi pro sordidis solita sunt; etiam in oratione, quod novum est, quærit: et modo antiqua verba atque exoleta revocat ac profert; modo fingit ignota, ac deflectit<sup>6</sup>; modo id, quod nuper increbuit, pro cultu habetur, audax translatio ac frequens. Sunt, qui sensus prædicant, et hinc gratiam sperent, si sententia pependerit, et audienti suspicionem sui  
 11 fecerit: sunt, qui illos detineant et porrigant<sup>7</sup>. Sunt,

tigit hæc Elagius in obitum Mæcenatis auctor 15: «Omnia quum posses tanto tam carus amico, Te sensit nemo posse nocere tamen.» Cf. Wieland. l. l. p. 7 sq. *Ruhk.*

1. *Ubi luxuriam* vel. Conf. Tacit. Ann. III, 53 sq. *Ruhk.*

2. *Luxus*. Hoc ferunt velt. libri omnes; sed blandiri utique poterat cultus, quod ex Mureti ing. vulgatum est Schw.

3. *Ut ea, quæ...ponantur*. Quippe mensæ, ait Plinarch. VIII Convival. quæst. c. 9, (To. XI p. 388 sq. Hult.) landante Lipsio, quam prius appella-

bantur frigidae, ostreorum, echinorum, crudorum olerum (e. e. lætucæ, Martial.), ab ultimo agmine ad frontem traductæ, locum nunc obtinent primum. *Ruhk.*

4. *Includere*, a. c. R. A. *Claudere* vulgo. Schw.

5. *Ut...dantur*. Munera quæ apophoreta, xenia vocata sunt. *Ruhk.*

6. *Fingit ignota, ac deflectit*. Vulgo *fingit*, et *ignota deflectit*. Schw.

7. *Sunt qui illos detineant et porrigant*. Sex verba omissa in ed. Mat. typothetæ errore. Schw.—Vertit *La-grange*: *D'autres sont diffus et dé-*

qui non usque ad vitium accedant<sup>1</sup> (necesse est enim hoc facere aliquid grande tentanti<sup>2</sup>), sed qui ipsum vitium ament. Itaque, ubicumque videris orationem corruptam placere, ibi mores quoque a recto descivisse, non erit dubium. Quomodo conviviorum luxuria, quomodo vestium, ægræ civitatis indicia sunt: sic orationis licentia, si modo frequens est, ostendit animos quoque, a quibus verba exeunt, procidisse.

Mirari quidem non debes, corrupta excipi non tantum<sup>3</sup> a corona sordidiore<sup>3</sup>, sed ab hac quoque turba<sup>4</sup> cultiore; togis enim inter se isti, non judiciis, distant. Hoc magis mirari potes, quod non tantum vitiosa, sed vitia laudentur<sup>5</sup>. Nam illud semper factum est: nullum<sup>6</sup> sine venia placuit ingenium. Da mihi, quemcumque vis, magni nominis virum; dicam, quid illi ætas sua ignoverit, quid in illo sciens dissimulaverit. Multos tibi dabo<sup>7</sup>, quibus vitia<sup>13</sup> non nocuerint; quosdam, quibus profuerint. Dabo, inquam, maximæ famæ et inter miranda propositos; quos, si quis corrigit, delet: sic enim vitia virtutibus immixta

*veloppent longuement leurs pensées.*

1. *Non usque ad vitium accedant.* Intell. qui non ita sint, ut forte in vitium incidant (quod necessario evenit cuilibet magna tentanti), sed qui ipso vitio delectentur.

2. *Necesse est.... tentanti.* Hic sibi ipsi excusationem Seneca abrupti et suspiciosi, ut vocat, styli parare videtur.

3. *A corona sordidiore.* Plebe, eujus togæ sordidiore, magis pallentes ac obsoletæ, quam ditiorum togæ fuerint elegantes et a fallacie nivæ. Cf. Lipsius in Electis, I, 14. *Ruhk.*

4. *Turba cultiore.* Nitida et splendens: senatore et equite. *Lips.*

5. *Sed vitia laudentur.* Sic libri

vett. præbent. Vulgo *sed et vitia laudantur.* *Schw.*

6. *Nullum sine... ingenium.* Cuiuscumque vitia sua fuere, quæ « aut incuria fudit, Aut humana parum cavit natura. ... Quandoque bonus dormitat Homerus. » (Horat. Art. Poet. 352, 359.) Exemplo esse possunt et antiquiores et recentiores aetores, qui multum perdunt, si ipsis v. e. gratam negligentiam vel jucundam loquacitatem, etc. ademeris. Inde factum, ut nullus fere fuerit, qui mastige s. censore suo caruerit. *Ruhk.*—*Sine venia*, int. cui nihil ignoscendum fuerit.

7. *Multos tibi dabo.* Abest tibi vulgo. *Schw.*

sunt, ut illas secum tractura sint. Adjice nunc, quod oratio certam regulam non habet. Consuetudo illam civitatis, quæ nunquam in eodem diu stetit, versat. <sup>1</sup> Multi ex alieno sæculo petunt verba; duodecim Tabulas loquuntur; Gracchus <sup>2</sup> illis, et Crassus <sup>3</sup>, et Curio, nimis culti et recentes sunt; ad Appium usque et ad <sup>4</sup> Coruncanium redeunt. Quidam contra, dum nihil nisi tritum et usitatum volunt, in sordes incidunt. Utrumque diverso genere corruptum est, tam mehercules <sup>5</sup>, quam nolle nisi splendidis <sup>6</sup> uti, ac sonantibus, et poeticis; necessaria, et in usu posita, vitare: tam hunc dicam peccare, quam illam. Alter se plus justo colit, alter plus justo negligit; ille et crura <sup>7</sup>, hic ne alas quidem, vellit.

Ad compositionem transeamus. Quot genera tibi in hac dabo, quibus peccetur? Quidam præfractam <sup>8</sup> et aspe-

1. *Multi.... redeunt.* Hoc vitium imprimis sæculo secundo post Christum invaluit, Antoninorum ætate, unde nobis Gellius et Appuleius conservati sunt, qui eloquentia ævi sui non contenti, relicto Cicerone et quocumque ei simillimo, *κακοῦντα* se querentur, quam noster castigat. *R.*

2. *Gracchus* Tiberius. Magna floruit eloquentia quum potentiam optimatum oppugnaret: ocellus est anno urbis conditæ 621. Jam ab illius cæde prope ducenti anni elapsi erant, quo tempore Seneca florebat.

3. *Crassus.* Romanorum, Cicerone iudice, eloquentissimus, quem idem Cicero inducit loquentem in lib. *de Oratore*, florebat circiter annum 630 urbis conditæ. Curio Crasso paulo posterior fuit. Vide de his oratoribus Cic. *De Clar. Orat.*

4. *Coruncanium.* *Coruncanum* edd. In *c. A.* et *H.* misere corruptum vocab. Sed in *Coruncatum*, quod ha-

bet ms. *a.* band dubie latebat *Coruncanium*. Haud raro in hoc cod. litteræ *t* et *i* inter se permutantur: sic paulo ante pro *venia*, perperam *venta* in eodem scribitur. *Schw.* — Coruncanus consul fuit anno urbis conditæ 472.

5. *Tam mehercules.* Subintellige: tam in sordes incidere, quam nolle, etc.

6. *Quam nolle nisi splendidis.* Sic commode ms. *a.* Alii, *quam si nolent splend.* Bene haberet, *quam si nolent nisi splend.* Vulgo, *quam si vellent splend.* *Schw.*

7. *Ille et crura*, quod effeminati solent. *Hic nec alas quidem vellit*, atque ita hircum olet. Illud, Quintil. 1, 6, 44, teste, non carebat reprehensione: nec hæc omissio placebat, ne gravis hircus i. e. odor hirsutis cubaret in alis. Vide Horat. *Epod. xii*, 5, et Doering. ad *Catal. lxiix*, 5. *R.*

8. *Quidam præfractam.... percu-*

ram probant; disturbant de industria, si quid placidius effluxit; nolunt sine salebra esse juncturam; virilem putant et fortem, quæ aurem inæqualitate percutiat. Quorumdam non est compositio, modulatio est; adeo blanditur, et molliter labitur. Quid de illa loquar, in qua verba differuntur, et, diu expectata, vix ad clausulas redeunt? Quid de illa in exitu lenta, qualis Ciceronis est, deversa, et molliter detinens<sup>2</sup>; nec aliter, quam solet<sup>3</sup>, ad morem suum pedemque respondens? Non tantum in genere sententiarum vitium est, si aut pusillæ sunt et pueriles, aut improbæ, et plus ausæ, quam pudore salvo licet; sed si floridæ sunt<sup>4</sup>, et nimis dulces; si in vanum exeunt, et, sine effectū, nihil amplius quam sonant.

Hæc vitia unus aliquis inducit, sub quo tunc eloquentia est: cæteri imitantur, et alter alteri tradunt. Sic Sallustio vigente, amputatæ sententiæ, et verba ante expectatum cadentia, et obscura brevitās, sacre pro cultu. Arruntius<sup>5</sup>, vir raræ frugalitatis, qui *Historias belli Punici* scripsit, fuit Sallustianus, et in illud genus nitens<sup>6</sup>. Est apud Sallustium: « exercitum argento fecit<sup>7</sup>, » id est, pecunia

tiat. Opponitur oratio æqualiter ingrediens, Cic. Orat. 58, ita ut non sit innox lenis et fluens, mox biulea et aspera. Cf. Cic. Or. 16; Quintil. 9, 4, 142. Ruhk.

1. *Redeunt*, non *redduntur*, libri nostri omnes cum Pineian. et Grut. Schw.

2. *Detinens*, iidem libri: non *desinens*, quod est ab Erasmo. Schw.

3. *Nec aliter, quam solet*. Int. eodem semper incessan procedens: sæpe Ciceroni exprobratum fuit, quod illius compositioni decisset varietas.

4. *Sed si floridæ sunt*. Dubitavi de particula *sed*, quam veteres libri

omnes ignorant, a Mureto ex conject. adjecta: quam tamen, quoniam sine tali quadam conjunctione vix ratio constare videtur orationi, facile partiar reduci. Schw.

5. *Arruntius*. Sub Augusto vixit, qui idem esse videtur, qui a. U. c. 733 Consul fuit, et egregius orator. Cf. Voss. de Historic. lat. 1, 18, p. 90 sq. ed. fref. Ruhk.

6. *In illud genus nitens*. I. illi generi operam dans: Horatianum illud « nitimur in vetitum, » affert Grut., ne enim Mureto a niteo deducas. R.

7. *Exercitum argento facit*. Huic Sallustii sententiæ et sequenti Cor-

paravit. Hoc Arruntius amare cœpit; posuit illud omnibus paginis. Dicit quodam loco: « fugam nostris fecere. » Alio loco: « Hiero, rex Syracusanorum, bellum fecit. » Et alio loco: « Quæ audita<sup>1</sup> Panormitanos dedere Romanis fecere. » Gustum tibi dare volui: totus his contextitur  
 18 liber. Quæ apud Sallustium rara fuerunt, apud hunc crebra sunt et pœne continua; nec sine causa: ille enim in hæc incidebat, at hic illa quærebat. Vides autem, quid sequatur, ubi alicui vitium pro exemplo est. Dixit Sallustius: « aquis hiemantibus<sup>2</sup>. » Arruntius in *primo libro belli Punici* ait: « repente hiemavit tempestas. » Et alio loco, quum dicere vellet, frigidum annum fuisse, ait: « totus hiemavit annus. » Et alio loco: « Inde sexaginta onerarias, leves, præter militem et necessarios nautarum,  
 19 hiemante aquilone misit. » Non desinit omnibus locis hoc verbum infulcire. Quodam loco dicit Sallustius: « Inter arma civilia<sup>3</sup> æqui bonique<sup>4</sup> famas petit. » Arruntius non temperavit, quo minus *primo statim libro* poneret: « ingentes esse famas de Regulo. »

Hæc ergo et ejusmodi vitia, quæ alicui impressit imitatio, non sunt indicia luxuriæ nec animi corrupti: propria enim esse debent, et ex ipso nata, ex quibus tu æstimes alicujus affectus. Iracundi hominis iracunda oratio est; commoti nimis, incitata; delicati, tenera et fluxa.

tius locum assignavit in fragmentis libri VI Hist. *Ruhk.*

1. *Quæ audita... fecere.* Int. quæ audita fecerunt, ut Panormitani se dederent Romanis.

2. *Aquis hiemantibus.* Fuere qui has voces occurrere putarent Bell. Jug. c. 37, ubi tamen nunc legitur: « hiemalibus aquis. » Lipsius laudat Horat. II Serm. 2, 17: « et atrum

Defendens pines hiemat mare. » *R.*

3. *Inter arma civilia.* Hunc locum prætermisit Curtius, et ipsum fragmentis inserendum. *Ruhk.*

4. *Æqui bonique*, a. c. A. *Æqui boni* edd. ex *R. Schw.* — *Famas.* Hoc reprehendit, ut nobis videtur, Seneca, quod vox *fama* in plurali numero dicatur, proinus contra lingue latinæ usum.

Quod vides istos sequi<sup>1</sup>, qui aut vellunt barbam<sup>2</sup>, aut<sup>3</sup> intervellunt<sup>3</sup>; qui labra pressius tondent et abradunt, servata et submissa cætera parte; qui lacernas coloris improbi<sup>4</sup> sumunt, qui perlucem togam<sup>5</sup>; qui nolunt facere quidquam, quod hominum oculis transire liceat; irritant illos, et in se advertunt; volunt vel reprehendi, dum<sup>6</sup> conspici: talis est oratio Mæcenatis, omniumque aliorum, qui non casu errant, sed scientes volentesque.

Hoc a magno animi malo oritur. Quomodo in vino non<sup>31</sup> ante lingua titubat, quam mens cessit oneri, et inclinata vel perdita est<sup>7</sup>: ita ista oratio<sup>8</sup> (quid aliud quam ebrietas?) nulli molesta est, nisi animus labat. Ideo ille creetur: ab illo sensus, ab illo verba exeunt, ab illo nobis est habitus, vultus, incessus. Illo sano ac valente, oratio quoque robusta, fortis, virilis est: si ille procubuit, et cætera ruinam sequuntur.

..... Rege incolumi, mens omnibus una est:  
Amisso, rupere fidem<sup>9</sup>.

1. *Istos sequi.* Ruhk. interpretatur: Si quando vides istos imitari etc. hi nihil aliud agunt, nisi ut irritent homines etc. Quæ interpretatio nullam præbet sensum. Tota sententia a quod vides, ad talis est orat. Mæc. est comparationis primum membrum. Sensus est: Quales sunt ii qui barbam vellendo, etc. oculos in se advertunt, talis est oratio eorum qui volentes peccant, ut se conspicuos faciant.

2. *Vellunt barbam.* Cf. de Brevit. vit. c. 12 init. Ruhk.

3. *Intervellunt.* Passim vellunt; ita Tertullian. de cultu fœm. c. 8: "Proprias præstigias formæ et hic sexus (virilis) sibi agnoscit, barbam acris cedere, intervellere. Ruhk.

4. *Coloris improbi.* Insolentis: pul-

lus in usu vulgi erat, at delicati lacernas amethystini coloris aut corcinei sumebant. Cf. Lipsius in Elect. I, 13: e Martiali I, 96. Ruhk.

5. *Perlucem togam.* Soricam, aut bombycinam, sœminarum exemplo. Similia vide ap. Clement. Alex. III, 3 Pædag. Porcius Latro in Catilin. p. 1088 ed. Sallust. Cortianæ. Fl.

6. *Dum conspici.* Sic libri vet. omnes; non dum conspiciantur, quod sua auctoritate Muretus posuit. Schw.

7. *F'el perdita est.* Amisisse enim mentem dicunt, qui ejus usum; atque hoc melius quam prodita, ut male alii. Lips.

8. *Ita ista oratio... nulli molesta est n. a. l.* Int. nemo incidit in hanc molestam orationem, nisi a. l.

9. *Rege... fidem.* Versus Virgilio

- 22 Rex noster est animus : hoc incolumi, cætera manent in officio, parent, obtemperant : quum ille paulum vacillavit, simul dubitant<sup>1</sup>. Quum vero cessit voluptati, artes quoque ejus, actusque marcent, et omnis ex languido fluxoque conatus est.

Quoniam hac similitudine usus sum, perseverabo. Animus noster modo rex est, modo tyrannus : rex, quum honesta intuetur, salutem commissi sibi corporis curat, et nihil illi imperat<sup>2</sup> turpe, nihil sordidum; ubi vero impotens, cupidus, delicatus est, transit in nomen de-  
23 testabile ac dirum, et fit tyrannus. Tunc illum excipiunt affectus impotentes, et instant<sup>3</sup>; qui initio quidem gaudent, ut solet populus largitione nocitura frustra plenus, et, quæ non potest haurire, contractat<sup>4</sup>. Quum vero magis ac magis vires morbus exedit, et in medullas nervosque descendere deliciæ; conspectu eorum, quibus se nimia aviditate inutilem reddidit<sup>5</sup>, lætus, pro suis voluptatibus habet spectaculum alienarum, subministrator libidinum testisque, quarum usum sibi ingerendo abstulit : nec illi tam gratum est abundare jucundis, quam acer-

sunt Georgic. lib. IV, 212 sq. *Ruhk.*

1. *Simul dubitant.* Sic libri nostri cum aliis omnibus : et merito revocavit hoc *Ruhk.* defensum a Gronov. contra Muret. a quo *nutant* erat inventum. *Titubant* maluerat Lipsius. *Schw.* — Non male.

2. *Nihil illi imperat.* Leve est, sed non laudandum : mutata duarum vocum sede scriptum volueram, et *illi nihil imp.* ut recte dabant a. c. A. cum Gruteri cod. Deerat vulgo *illi Schw.*

3. *Et instant... gaudent.* Sic libri vult. Vulgo *instantque... gaudet* : scilicet juncta putaverant ista, *gaudet... et contractat.* Sed *gaudent* referitur ad

*affectus*; *contractat* autem ad *populum* : scilicet, *populus, frustra plenus largitione nocitura, ita solet gaudere*; nempe, *contractat et quæ* (i. e. etiam ea quæ) *non potest haurire.* *Schw.* — Foras alia est constructio : sicut *populus plenus frustra* (quia licet plenus, nondum satius est); *gaudet largitione nocitura*, quæ illi nocebit, quia jam plenus est.

4. *Et, quæ non potest haurire, contractat.* Vertit *Lagrange* : *Et gâte ce qu'elle ne peut consumer.*

5. *Quibus se nimia aviditate inutilem reddidit.* Bene vertit *Lagrange* : *Dont son avidité l'a rendu incapable de jouir.*



bum, quod non omnem illum apparatus per gulam ventremque transmittit, quod non cum omni<sup>1</sup> exoletorum feminarumque turba convolutatur; mæretque, quod magna pars suæ felicitatis, exclusa corporis angustiiis, cessat. Numquid enim, mi Lucili, in hoc furor non est<sup>2</sup>, quod nemo nostrum mortalem se cogitat? quod nemo imbecillum? imo in illo, quod<sup>3</sup> nemo nostrum unum esse se cogitat? Adspice culinas nostras, et concursantes inter tot ignes coquos<sup>4</sup>: unum videri putas ventrem, cui tanto tumultu comparatur eibus? Adspice veterana nostra<sup>5</sup>, et<sup>25</sup> plena multorum sæculorum vindemiis horrea: unum putas videri ventrem, cui tot consulum regionumque vina cluduntur<sup>6</sup>? Adspice, quot locis vertatur terra, quot millia colonorum arent, fodiant; unum videri putas ventrem, cui et in Sicilia, et in Africa seritur? Sani erimus, et<sup>26</sup> modica concupiscemus, si unusquisque se numeret, et metiatur<sup>7</sup> simul corpus, sciat quam<sup>8</sup> nec multum capere,

1. *Quod non cum omni.* Sie. a. c. A. Aberat vulgo quod h. l. Schw.

2. *In hoc furor non est.* Perperam vulgo hic furor est: sed in hoc dedere vet. libri omnes; particula non autem, quæ deest aliis, recte adjecta erat in ed. A. et mss. Pal. 2, 3 et Col. nonnullisque Pineiani codicibus. S.

3. *Imo in illo, quod, etc.* Sie unus probns eod. Pinc. Nude imo quod edd. inde ab Erasm. in illo quod (absque imo): a. R. in illo etiam quod. Schw.

4. *Coquos.* Vulgg. edd. coquos nostros ex R. sed nostros recte ignorant a. c. A. Schw.

5. *Veterana nostra, sc. horrea.* Ex eod. eod. Pinc. hoc probaverat Gron. et adoptavit Ruhk. consentiente ms. c. et ed. A. Nec vero spernendum ve-

teraria, quod habet ms. a. et olim edd. ex R. S.—Horat. III, Od. xxviii, 7: «Parcis deripere horreo Cessantem Bibuli consulis amphoram.»

6. *Consulium regionumque vina cluduntur.* Ita omnes mss. et Edd., præterquam quod uous Pinc. eod. habebat: tot climatium r. v. cluduntur, unde Muretus hiansit: editio vetus præstat: tot climatium r. v. cluduntur. Ruhk.

7. *Et metiatur.* Sie c. A. Abest et edd. ex R. et mss. a. Schw.

8. *Sciat quam, non sciatque,* dant a. c. A. pro quo vitiose sciat qucm scribitur in R. Denique possit non posse, a. c. A. Schw.—Int. Sciat quam parum capere possit, et quam parvo tempore, quod cepit, servare possit.

nec diu possit. Nihil tamen æque tibi profucrit ad temperantiam omnium rerum, quam frequens cogitatio brevis ævi, et hujus incerti. Quidquid facies, respice ad mortem. Valc.

## EPISTOLA CXV.

DESCRIBIT VIRTUTIS PULCHRITUDINEM : INDE IN AMOREM DIVITIARUM.

Quum intellexisset, Lucilium sermonis aut stili nimis anxium esse, suadet ut illam sollicitudinem deponat, et non tam enret quemadmodum, sed quid scribat, siva potius quid sentiat, sibi quæ applicet. Esse illam curam anxiam signum animi minoti : eum fiducia esse scribendum loquendumque, sine quaesito ornatu. Talis nobis animus boni viri appareret, si liceret inspicere : ejus amore nemo non arderet. Perspicere tamen virtutem hanc poterimus, si aciem animi liberare impedimentis voluerimus, quæ latins exsequitur commendat philosophiam, quippe quæ nna solidam felicitatem præstat. Ad hanc non oratio concinna perducet, nisi animus rectus adsit, beneque formatus.

SENECA LUCILIO SUO SALUTEM.

NIMIS anxium esse te circa verba et compositionem, mi Lucili, nolo : habeo majora quæ cures. Quære, quid scribas, non quemadmodum ; et hoc ipsum, non ut scribas, sed ut sentias : ut illa, quæ senseris, magis applices tibi, et veluti signes<sup>1</sup>. Cnjuscumque orationem videris sollicitam et politam, scito animum quoque non minus esse pusillis occupatum. Magnus ille remissius loquitur et securius : quæcumque dicit, plus habent fiduciæ, quam

1. *Et veluti signes*. Veluti signo impresso munias, ne elabantur, ne eripiantur. Metaphora a vasis, quæ

signare solemus custodiæ causa. *L.* — Muretus : veluti signa quædam eorum in animo tuo imprimas, ne de-

enræ. Nosti complures juvenes, barba et coma nitidos, de capsula totos<sup>1</sup>; nihil ab illis speraveris forte, nihil solidum. Oratio vultus animi est<sup>2</sup>: si circumtota<sup>3</sup> est, et fucata, et manufacta, ostendit illum quoque non esse sincerum, et habere aliquid facti<sup>4</sup>. Non est ornamentum<sup>5</sup> virile, concinnitas<sup>6</sup>.

Si nobis animum boni viri liceat inspicere<sup>6</sup>, o quam pulchram faciem, quam sanctam, quam ex magnifico placidoque fulgentem videremus; hinc justitia, illinc fortitudine, hinc temperantia prudentiaque lucentibus! Præter has<sup>7</sup>, frugalitas, et continentia, et tolerantia, et liberalitas<sup>8</sup> comitasque, et (quis credat?) in homine rarum

leantur. Sic et Græci dicunt *ἐνσώματα*. Equidem assentior Lipsio. *R.*

1. *De capsula totos*. Qui semper ita modum student compti politicique, ut vestes eorum semper quasi e capsula i. arcula, in qua conduntur, (cf. de Tranq. Anim. c. 1, nostræ edit. p. 286, not. 3) recentior prolata videantur. *R.*—Bene vertit Lagrange: *Qui semblent sortir d'une boîte*.

2. *Oratio vultus animi est*. Sic Schw. at Ruhk. *cultus*: sic, inquit, Erasmi. et palatini quinque: optime cum præcedentibus cohæret. Muretus alique: *vultus*.

3. *Si circumtota*, etc. A cultu comæ loquendi formulas desumptas esse ad nimum orationis ornatum describendum, nota res. Quis v. c. ignorat cincinnoos et fucum et calamistros, quos Augustus, Seneca al. in Mæcenate persecuti sunt et irriserunt? Suet. Aug. 86. Auctor Dial. de corr. Eloq. 26 p. 105 ed. Schulz. *Ruhk.*

4. *Habere aliquid facti*. *Fracti* edd. cum a. e. *Il. A. Ficti* Pal. 3. *Fracti aut ficti* Pal. 2. et Col. Verum judicavi *facti*, servatum in uno Pal. 1

quod jam olim ex conject. commemoraverat Henr. Steph. et nuper probavit Matth. in Program. Schw.

5. *Non est ornamentum virile, concinnitas*. Quatenus nimiam orationis veostatisque accuratorem artisque captationem comprehendit. Alias et in laude ponitur, habetque locum in iis omnibus dicendi formulis, in quas certa aliqua verborum vel ordinis, vel intervalli, vel magnitudinis dimensio cadit. Conf. Ernesti Lexie. technol. lat. rhet. vocab. *Concinnitas*, p. 77. *Ruhk.*

6. *Si nobis animum boni viri liceat inspicere* vel. Respexit Noster baud dubie illa Platonis (Phædr. X To. p. 329 d.) celeberrima, quæ ad Ep. LXXXIX, 1, adduxi laudatis Cicer. locis huc spectantibus. Sequentes virtutes egregie explicavit Cicero de Officiis I, 5 etc. Cf. Garve ad Ciceron. I, p. 60 sqq. *Ruhk.*

7. *Præter has*, etc. I. e. et eæ virtutes, quæ istis quatuor virtutibus cardinalibus comprehenduntur. *R.*

8. *Liberalitas* e quatuor pal. reduxi. Antea: *libertas*. *Ruhk.*

- humanitas bonum, splendorem illi suum affunderent!
- 4 Tum providentia, tum elegancia, et ex istis magnanimitas eminentissima, quantum, Dii boni, decoris illi, quantum ponderis gravitatisque adderent! quanta esset cum gratia auctoritas! Nemo illam <sup>1</sup> amabilem, qui non simul venerabilem, diceret. Si quis viderit hanc faciem, altiorrem fulgentioremque quam cerni inter humana consuevit; nonne, velut numinis occursu, obstupefactus resistat,
- 5 et, ut fas sit vidisse <sup>2</sup>, tacitus precetur? tum, <sup>3</sup> evocante ipsa vultus benignitate, productus <sup>4</sup> adoret ac suppliceat; et, diu contemplatus multum exstantem, supraque mensuram solitorum inter nos aspici clatam, oculis, mite quiddam <sup>5</sup>, sed nihilominus vivido igne flagrantibus; tunc deinde <sup>6</sup> illam Virgilii nostri vocem verens atque attonitus emittat:

O! quam te memorem, virgo? namque haud tibi vultus?

Mortalis, nec vox hominem sonat. O Dea certe!<sup>7</sup>

Sis felix; nostrumque leves quaecumque laborem!

1. *Illam*. Sc. faciem. Sic Pine. et Gruteri eodd. Antea: *illum*. *Ruhk.*

2. *Et, ut fas sit vidiste*. I. e. et, si supponas permitti, etc.—Haud dubie respexit noster ad illam notam antiquitatis opinionem, et deos invisere homines, et interdum se visui eorum subijcere sua specie, idque non sine mortis periculo: hinc lucem accipiunt *et tacitus precetur*. Cf. Heynii *Excurs.* ad Virg. *Æn.* I, 403 sq. *R.* — Apud Livium lib. I: «Proculus, conspecto Romulo, venerabundus adstitit, precibus potens, ut contra intueri fas esset.» Et L. Vitellius in Dione, quum Caligula rogasset, «Ecquid cum Luna congregientem se vidisset? abjectis in terram oculis: Nam vobis Dii, Domine, inquit, solis inter vos licet videre.» *Lips.*

3. *Tum, evocante ipsa*. Sic antiqua editio et nonnulli eodd. ap. Gruter. Erasmus: *Tamen evocante ipsum*. Muretus: *Tum evocante ipsum*. Lipsius: *Tum advocante ipsum*, nescio unde. *Ruhk.*

4. *Productus*. Ut bono sit animo, metu omni rejecto prodeat ad illam. Describit autem ut Deam, majorem et ampliore omni humana specie; uti Dii Deæque se conspiciendos dare solerent. Cf. Heynium l. l. *Ruhk.*

5. *Mite quiddam*. Restitui ex vet. libris. *Mite quidem* ed. Mur. et seqq. *Miti quidem* ed. *Ruhk. Schw.*

6. *Tunc deinde*. Sic a. c. A. et Pal. 2, 3. Vulgo *tum demum*. *Schw.*

7. *Vultus*. Virgilii versus sunt *Æn.* I, 327 sq. *Ruhk.*

8. *O Dea certe!* In versu Virgilii

Aderit, levabitque, si colere cam voluerimus. <sup>1</sup> Colitur 6 autem, non taurorum opimis corporibus contrucidatis, nec auro argentoque suspenso <sup>2</sup>, nec in thesauros <sup>3</sup> stipe infusa; sed pia et reeta voluntate.

Nemo, inquam, non amore ejus arderet, si nobis illam videre contingeret: nunc enim multa <sup>4</sup> obstrigillant, et aciem nostram aut splendore nimio reperiunt, aut obscuritate <sup>5</sup> retinent. Sed si, quemadmodum <sup>6</sup> visus oculorum quibusdam medicamentis acui solet et repurgari, sic nos aciem animi liberare impedimentis voluerimus, poterimus perspicere Virtutem, etiam obrutam corpore, etiam paupertate opposita, etiam humilitate <sup>7</sup> et infamia objacentibus; cernemus, inquam, pulchritudinem illam, quamvis sordido obtectam. Rursus æque malitiam <sup>8</sup> et ærumnosi <sup>9</sup> animi veterum perspicemus, quamvis multus circa divitiarum radiantium splendor impediatur, et in-tuentem hinc honorum <sup>10</sup>, illinc magnarum potestatum,

secundo tres Palat. addunt *ex O dea certe!* Omittunt plurimi et ant. edd. Sed non video, quare omiserit Seneca. Reduxi. *Ruhk.*

1. *Colitur...* voluntate. Eadem sententia egregie exposita est Ep. xcv, 47 sq. *Ruhk.*

2. *Suspenso.* Donarii loco in formas redacto. *Ruhk.*

3. *Stipe.* Varro de L. L. IV, 36 p. 50 bip.: «Diis, quum thesauris asses dant, stipem dicunt.» Cf. De Benef. VII, e. 4; Lipsius ad Tacitū Annal. XIV, 15. *Ruhk.*

4. *Obstrigillant.* Ita legere se tradidit Pincianus: receperunt Muretus et Lipsius una cum Gronovio. Codd. et Erasm. habent *obsigillant*: alii *obstigillant*, *obstigallant*. Turneb. Advers. 3o, 3, prætulit *obsigillant*, i. e. ocludunt. Stephanus et Gesner. in

Thes. probant *obstrigillant*, i. e. obstant. Editio antiqua præbet *obsugillant*. *Ruhk.*

5. *Obscuritate retinent.* Obscure vulgo; ex Mureti ingenio: obscuro editt. vett. et masti. Probavi conjecturam Pineiani; ut opponantur ista duo, *splendore* et *obscuritate*. *Schw.*

6. *Sed si, quemadmodum...* repurgari, sic nos aciem, etc. Sic meliores libri. Vulgo *Sed quemadm...* sic et nos aciem. *Schw.*

7. *Etiam humilitate*, a. c. A. Et humil. edd. ex R. *Schw.*

8. *Malitiam.* Aversionem a bono. *Ruhk.*

9. *Ærumnosi.* Malis obteeti. Mones, ne emendationem Gronovii æruginosi præferas. *Ruhk.*

10. *Honorum.* Temere bonorum ed. Bipont. et *Ruhk.* *Schw.*

8 falsa lux verberet. Tunc intelligere <sup>1</sup> nobis licebit, quam  
contempnenda miremur, simillimi pueris, quibus omne  
ludicrum in pretio est. Parentibus quippe, nec minus  
fratribus, præferunt parvo ære empta monilia <sup>2</sup>. « Quid  
ergo inter nos et illos interest, ut Ariston <sup>3</sup> ait, nisi quod  
nos circa tabulas et statuas insanimus, carius inepti <sup>4</sup> ? »  
Illos reperti in littore calculi læves, et aliquid habentes  
varietatis, delectant; nos ingentium maculae columna-  
rum; sive ex Ægyptiis arenis, sive ex Africæ solitudinibus  
advectæ, porticum aliquam vel capacem populi cœnatio-  
nem ferunt. Miramur parietes tenni marmore inductos:  
9 quum sciamus, quale sit quod absconditur <sup>5</sup>, oculis nos-  
tris imponimus. Et, quum auro <sup>6</sup> tecta perfudimus <sup>7</sup>, quid  
aliud quam mendacio gaudemus? scimus enim sub illo  
auro fœda ligna latitare. Nec tantum parietibus aut lacuna-  
ribus ornamentum tenue prætenditur; omnium istorum,  
10 quos incedere altos <sup>8</sup> vides, bracteata felicitas <sup>9</sup> est. In-

1. *Tunc intelligere*, etc. Cf. Nostrum de Constant. Sapient. 12, 2, ubi similia occurrunt. Notam ibi appositam emendes, ita ut nonnisi de ædificiorum Romæ luxuriose extruendorum et expoliendorum ratione exponat. *Ruhk.*

2. *Monilia*. Ab Erasmo est. *Mö-bilia* tenent masti. a. e. cum ed *R. A.* et Ven. *Schw.*

3. *Ariston*. Una editio antiqua habet: *Aristoteles*. — De *Aristone*, cf. ad Ep. LXXXIX, 11. Aristonem Ep. XCIV egregie disputantem recordaberis his non dissimilia. *Ruhk.*

4. *Carius inepti*. Nihil interest, nisi quod nostræ ineptiæ majori constant pretio, quam quæ pueri concupiscunt.

5. *Quale sit quod absconditur*. Scilicet vilia saxa absconduntur.

6. *Et, quum auro*, etc. Laminis au-

reis, quibus ligna superinducebantur: moneo, ne cum Jo. Beckmanno *Beytrage zur Gesch. der. Erfind.* I, p. 57, de vernice quodam auri colorem mentiente cogites. *Ruhk.*

7. *Perfundimus*, a. *R.* Vulgo *perfundimus*, cum. e. *A. Schw.*

8. *Altos*. Non probat Benil. ad Horat. Sermon. II, 3, 183 et legi vult: *latos*. Sed omnes codd. et edd. tuentur vulg. recte. *Ruhk.*

9. *Bracteata felicitas*. Bractea est membrana, lamina: *bracteata felicitas* ergo est felicitas non solida, sed ficta. Lipsius laudat (e Stob. Floril. Sermon. 47) dictum Antigoni Gonatæ, qui mulierculæ felicitatem ejus admiranti respondit: « O mulier, si scires, quantum mali sub hoc diademate lateat, nec humi jacens tolles. » *Ruhk.*

spice, et scies<sup>1</sup>, sub ista tenui membrana dignitatis, quantum mali jaceat<sup>2</sup>.

Hæc ipsa res, quæ tot<sup>3</sup> magistratus, tot judices detinet<sup>4</sup>, quæ et magistratus<sup>5</sup> et judices facit<sup>6</sup>, pecunia, ex quo in honore esse cœpit, verus rerum honor cecidit: mercatoresque et venales invicem facti, quærimus, non quale sit quidque, sed quanti. Ad mercedem<sup>7</sup> pii sumus, ad mercedem impii. Honesta, quamdiu aliqua illis spes inest, sequimur; in contrarium transituri, si plus scelera promittent<sup>8</sup>. Admirationem nobis parentes auri argenti-  
que fecerunt<sup>9</sup>; et teneris infusa cupiditas altius sedit, crevitque nobiscum. Deinde totus populus, in alia discors, in hoc convenit; hoc suspiciunt, hoc suis optant, hoc Diis, velut rerum humanarum maximum, quum grati videri volunt, consecrant. Denique eo mores redacti sunt, ut paupertas maledicto probroque sit, contempta diviti-  
bus, invisa pauperibus. Accedunt deinde carmina Poeta-  
rum, quæ affectibus nostris faciem subdant, quibus divitiæ, velut unicum vitæ decus ornamentumque, laudantur. Ni-

1. Scies, non discas, dant mss. a. c. R. A. Schw.

2. Jaceat, a. c. R. Non lateat. Vitiöse liceat ed. A. Schw.

3. Quæ tot magistratus. Perperam vulgo omittunt h. l. quæ, et dein inserant quæ ex quo, etc. Schw.

4. Tot judices detinet. In libris cognoscendis et finiendis. Lips.

5. Quæ et magistr. et jud. Temere omissa vulgo priori loco et particula. Schw.

6. Et judices facit. Non tangit arbitrium, aut quod emerint dignitatem, sed significat ex censu et opibus magistratus et judices fieri: quod Romæ obtinebat. Lips.

7. Ad mercedem... impii. Probi sumus si sperata merces nobis probitatem suadet; improbi, si improbitalatem. Vertit Lagrange: Nous sommes honnêtes gens pour de l'argent; nous sommes fripons pour de l'argent.

8. Promittent dedit ms. a. et Pal. 2. Vulgo promittunt. Schw.

9. Admirationem... parentes auri... fecerunt. Nostras Boileau in Sat. VIII (quæ tota conferri meretur), patrem inducit sic filium docentem:

Prends-moi le bon parti, laisse-là tous les autres.

Cent francs au denier cinq, combien font-ils?

— Vingt livres.

— C'est bien dit, va, tu sais tout ce qu'il faut savoir.

hil illis melius nec dare videntur Dii immortales posse,  
nec habere.

Regia Solis erat sublimibus alta columnis,  
Clara micaute auro<sup>1</sup>.

13 Ejusdem currum aspice :

Aureus axis erat, temo aureus, anrea summae  
Curvatura rotæ, radiorum argenteus ordo.

Denique, quod optimum videri volunt *sæculum*, *aureum*  
appellant. Nec apud græcos Tragicos<sup>2</sup> desunt, qui lucro  
innocentiam, salutem<sup>3</sup>, opinionem bonam mutant<sup>4</sup>.

14

Sine me vocari pessimum, ut dives vocer<sup>5</sup>.  
An dives, omnes quærimus: nemo, an bonus.  
Non quare, et unde<sup>6</sup>: quid haheas, tantum rogant.  
Ubique tauti quisque, quantum habuit, fuit.  
Quid habere nobis turpe sit, quæris? Nihil.  
Aut dives opto vivere, aut pauper mori.  
Beo moritur, qui moritur dum luerum facit<sup>7</sup>.

1. *Auro*. Versus sunt Ovidii Metam. II, 1 et 2, 107 sq. *Ruhk.*

2. *Græcos Tragicos*. Priorem vocem, quæ deerat vulgo editis, dedere a. c. A. Perperam apud *Grammaticos* ed. R. Schw. — *Ruhkopf* omisit *Græcos*, quam vocem contendit non ab auctore nostro, sed a viro quodam docto explicandi causa in marginem appictam esse, et sic in contextum irrepsisse.

3. *Salutem*. Retineo *salutem*, etsi libri vacillant: nam sequentia verba dicunt, etiam vitam et salutem sperni præ lucro: quid verba? res ipsa quotidie. *Lips.*

4. *Mutant*. Cum eisdem a. c. A. scripsi, pro vulgato *mutant*. Schw.

5. *Vocer*. Duodecim hos senarios ad Bellerophonem retulit *Barncsius*, quos tanquam ex Eurip. Bellerophonte dederat P. *Scriverius* in *Tragicæ Lat. Reliquiis* p. 184. Sed *Lipsius*

subnotavit, septem priores non unius poetæ esse, sed plurium, extremos quinque autem Euripidis. Quod iudicium caleulo suo confirmavit præstantissimus harum rerum arbiter, *Valckenarius* in *Diatribæ sua* egregia p. 165 sq. *Primos septem* versus, iudicat, non potuisse continuos in scena pronuntiari, sed e diversis esse sedibus, et e diversis Euripidis et *Sophoclis* fabolis sumptos. *Græcos* versus quinque ultimos habes in Eurip. fragm. XV, To. II ed. *Lips.* p. 432. *Ruhk.*

6. *Non quare et unde*. *Juven.* Sat. XIV, 207: « Unde habeas quærit nemo, sed oportet habere. » *Lips.*

7. *Qui moritur dum luerum facit*. Vulgo, qui dum moritur, lucrum facit. Verborum ordinem, quem secuti sumus, præiverunt a. c. R. A. qui quidem omnes *quisquis*, pro qui dabant, contra metri legem. Schw.



Pecunia ingens<sup>1</sup> generis humani bonum,  
Cui nunc voluptas matris, aut blandæ<sup>2</sup> potest  
Par esse prolis, nunc sacer meritis parens.  
Tam dulce si quid Veneris in vultu micat,  
Merito illa amores cælitum atque huminum movet.

15

Quum hi novissimi versus in tragœdia Euripidis pronuntiati essent, totus populus ad ejiciendum et actorem et carmen consurrexit uno impetu; donec Euripides in medium ipse prosiluit, petens, ut expectarent<sup>3</sup>, viderentque, quem admirator auri exitum faceret. Dabat in illa fabula pœnas Bellerophontes<sup>4</sup>, quas in sua quisque dat. Nulla enim avaritia sine pœna est, quamvis satis sit ipsa pœnarum. O quantum lacrimarum, o quantum laborum exigit! quam misera<sup>5</sup> desideratis, quam misera partitis est! Adjice quotidianas sollicitudines, quæ pro modo habendi quemque discruciant. Majore tormento pecunia

16

1. *Pecunia ingens.* Hæc ex Euripide, sive ipse, sive alius transtulit. Græci quidem in Stubbæi Ser. LXXXIX: « ὦ χρυσὲ, διζύουσα καλλίστην βροτοῖς. ὣς οὐδὲ μήτηρ ἡδυνᾷς τοιάς ἔχει, οὐ παῖδες ἀνθρώπων, οὐ φίλος πατήρ. Ἐλθ' ἢ Χρύσις τοιούτων ἀφθαλμοῖς ὀρέξῃ, οὐ θαυρ' ἔρωτας μυρίους αὐτὴν τρέψει. » Vertit liberius, sed elegantissime, et putu, ipse. Moneu, Græcos etiam in IV libro Atheniei legi, et versu uno auctiores, sed quem Seneca hic neglexit. *Lips.*

2. *Blandæ.* Temore blanda ed. Bipont. et Ruhk. Schw.

3. *Ut expectarent.* Sic Muretus currescit. Veteres libri omnes spectarent dabant, quod tenendum judicasset cum Grutero, nisi et alibi subiude perperam spectare pro expectare a librariis nostris positum meminisset, veluti Epist. c. Schw.

4. *Pœnas Bellerophontes.* Si poe-

tarum est ille Bellerophontes, nesci quid illi cum auro. Ambitione an superbia cælum affectasse lego, et Pergasu jam subvolantem, exersum a Jove et occisum; de avaritia, quæ hic tangitur, querendum est. *Lips.*—*Bellerophontes.* Cf. Apollodori Bibl. II, 3 ibique Heynium. Euripides in hac tragœdia adversam Bellerophontis fortunam, quam Homer. Iliad. ζ, 200 innuit, exsecutus est, eamque pede debilem, mendicantem et pannis absitum (χολόν, πτωχόν καὶ ῥάκην ἐνδιδυμένον) uti Schul. ad Aristophan. Pac. i 46 Acharu. 431 docent, atque, secundum Senecam, auri amantissimum representaverat. *Ruhk.*

5. *Quam misera... est.* Torquetur cupidine acquirendi, quæ non habet; torquetur cura et sollicitudine servandi quæ habet. Bene vertit *La-grange*: Combien est-elle malheureuse, et par les choses qu'elle de-

possidetur, quam quaeritur. Quantum damnis ingemiscunt, quæ et magna ineidunt, et videntur majora! Denique, ut<sup>1</sup> nihil illis fortuna detrahat, quidquid non  
 17 acquiritur, damnum est. — At feliecm illum homines, et divitem vocant, et consequi optant, quantum ille possidet. — Fateor. Quid ergo? tu ullos esse conditionis peioris existimas, quam qui habent et miseriam<sup>2</sup>, et invidiam? Utinam, qui divitias optaturi<sup>3</sup> essent, cum divitibus deliberarent! utinam, honores petitori, cum ambiosis et summum adeptis dignitatis statum! profecto vota mutassent; quum interim illi nova suscipiunt, quum priora damnaverint<sup>4</sup>. Nemo enim est, cui felicitas sua, etiam  
 18 si cursu venit, satisfaciat. Queruntur et de consiliis, et de processibus suis<sup>5</sup>; maluntque semper quæ reliquerunt.

Itaque hoc tibi Philosophia præstabit, quo equidem nihil majus existimo: nunquam te pœnitebit tui. Ad hanc tam solidam felicitatem, quam tempestas nulla concutiat, non perducent te apte verba contexta, et oratio fluens leniter. Fant, ut volent; dum animo compositio sua constet, dum sit magnus, et opinionum securus<sup>6</sup>, et ob ipsa, quæ aliis displicent, sibi placens; qui profectum suum

*sire, et par celles qu'elle possède!*

1. *Ut nihil.* Int. etiammi nihil.

2. *Et miseriam, et invidiam.* Invidentur, quia felices creduntur, damna contra miseri sunt.

3. *Optaturi.* Sic dedere a. R. Palat. 2, 4. Col. Alii vulgo *appetituri*. Schw.

4. *Quum priora damnaverint.* Sic vet. libri omnes, uno quodam Pinciani excepto, e quo volgatam scripturam *qui priora damnaverint* adscribit Mur. Schw. — Int. vota ipsi mutarent, quum viderent illos divites et ambiciosos nova vota inchoare,

postquam priora damnaverint, ut potest quæ speratam felicitatem minime afferrent.

5. *Et de processibus suis.* Queruntur quod bene processerint in obtinendis iis, quæ optaverant; quum ea ipsa non talia fuerint qualia speraverant.

6. *Et opinionum securus.* Quid alii de illo opinentur securus, ut potest vulgi opinionem spernens. Editi tamen olim, et quidam scripti, *opinionum suarum securus*, quod plane diversum esset, signaretque firmam et certam decretorum. Lips.

vita æstimet <sup>1</sup>, et tantum scire se judicet, quantum non cupit, quantum non timet <sup>2</sup>. Vale.

1. *Profectum suum vita æstimet.* Id est, agendi ratione sua, non felicitate : qui se profecisse credat, non quum honores aut pecunias comparaverit, sed quum melior factus fuerit.

2. *Et tantum scire...timet.* Sc. ut indicet quantum sciat, consideret, quantum non timeat, quantum non cupiat ; quia scientia omnis in hoc est, ut nec timeas, nec cupias.

## EPISTOLA CXVI.

## OMNINO EXPELLENDOS ESSE AFFECTUS.

Stoicem dogma defendit contra Peripateticos, excindendos esse affectus, non temperandos. Nam voluptates vitæque alioquin tibi imperabunt : et præstat voluptatibus imperare. Naturales esse, nihil nisi merus prætextus est : fluunt quidem affectus a quodam quasi naturali principio, sed cave nimium indulgeas, ne vitium fiat : certiore consilio iis utaris. Hæc confirmavit Panætius. Quæ quidem dura videntur hominibus, qui Stoæ non assentiuntur, sed eorum mollities in causa est ; non ex eo oritur quod non possint.

Cf. Lipsii *Mannduct.* III, 7, et Tiedemann *System d. stoisch. Philos.* III, p. 187 sqq.

## SENECA LUCILIO SUO SALUTEM.

« UTRUM satius sit, modicos habere affectus, an nullos, » sæpe quæsitum est. Nostri illos expellunt <sup>1</sup>. Peripatetici temperant. Ego non video, quomodo salubris esse

1. *Nostri illos expellunt.* Hanc Stoicorum opinionem impugnavit Noster *La Fontaine*, lib. XII, 20, in fabula inscripta *le Philosophe Scythe*, cujus materiam ex Aul. Gellio sumptam, et eleganter more suo ornatam sic conclusit, postquam hunc nobis philosophum ostendit pulcher-

rimos arborum ramos amputantem :

Il tronque son verger contre toute raison,  
Sans observer temps ni saison,  
Lunes ni vieilles ni nouvelles :  
Tout languit et tout meurt. Ce Scythe exprime  
bien  
Un indiscret Stoïcien :  
Celui-ci retranche de l'ame  
Desirs et passions, le bon et le mauvais,

aut utilis possit ulla mediocritas morbi<sup>1</sup>. Noli timere! nihil eorum, quæ tibi non vis negari, eripio; facilem me, indulgentemque præbebo rebus, ad quas tendis, et quas aut necessarias vitæ, aut utiles, aut jucundas<sup>2</sup> putas:<sup>3</sup> detraham vitium. Nam quum tibi *cupere* interdixero, *velle*<sup>3</sup> permittam; ut eadem illa intrepidus facias, ut certiore consilio, ut voluptates<sup>4</sup> ipsas magis sentias. Quidni ad te<sup>5</sup> magis perventuræ sint, si illis imperabis, quam si services?

Sed naturale est<sup>6</sup>, inquis, ut desiderio amici torquear; da jus lacrimis<sup>7</sup> tam juste cadentibus. Naturale est opinionibus hominum tangi, et adversis contristari: quare mihi non permittas hunc tam honestum malæ opinionis metum?—Nullum est vitium sine patrocínio; nulli non initium verecundum est et exorabile: sed ab hoc latius<sup>3</sup> funditur<sup>8</sup>. Non obtinebis, ut desinat, si incipere permiseris. Imbecillus est primo omnis affectus; deinde ipse se

Jusqu'aux plus innocens souhaits.  
Contre de telles gens, quant à moi, je réclame.  
Ils ôtent à nos cœurs le principal ressort;  
Ils font cesser de vivre, avant que l'on soit mort.

1. *Mediocritas morbi*. I. e. affectus, quia Stoicis morbi vocantur. Illa mediocritas, ἡ μέτρος, eo constat, ut medium teneat inter vitia duo, et canon est ethices peripateticæ. Cf. Buhle *Lehrbuch der Gesch. der Philos.*, III p. 28 sq. Garve *Uebersicht der vornehmsten Princip. der Sittenlehre*, p. 2 sqq. Cf. etiam Seneca de Ira I, 7 sqq. *Ruhk.*

2. *Putas*. Recte a. c. A. vulgo *putes*. Schw.

3. *Velle*. Voluntas enim Stoicis bona et inter rationabiles est. Lipsii *Manud.* III, 5. *Ruhk.*

4. *Ut voluptates ipsas magis sentias*. Vides hic apathiam ita circumscriptam, ut, impetu temerario exclu-

so, certius atque securius consilium, atque ideo rationis usum adhibendum jubeatur. *Ruhk.*—*Ipsas*. Recte a. c. A. non *illas*. Schw.

5. *Quidni ad te... sint?* Sic Schw. ex suis scriptis; ubi mihi recte edd. *Quidni? ad te... sunt.*

6. *Sed naturale est*, inquis. Ut Peripatetici solent, qui vulgares homines intellexere, quum Stoici de sapientie suo, sive ad sapientiam virtutemque enteente summis viribus, loquerentur. *Ruhk.*

7. *Da jus lacrymis*. Sic dedimus cum Schw. *Ruhk.* *datus lacrymis*, id est, traditus. Sic, inquit, omnes scripti et cum libri. Sed Muretus eoq. *da tempus*, Lipsius: *da jus*. At non opus est conjectura. Vulgata bene habet.

8. *Ab hoc latius funditur*. Sic recte

concitat, et vires, dum procedit, parat: excluditur facilius, quam expellitur. Quis negat, omnes affectus a quodam quasi naturali fluere principio<sup>1</sup>? Curam nobis nostri natura mandavit; sed, huic ubi nimium indulseris, vitium est. Voluptatem natura necessariis rebus admiscuit, non ut illam peteremus<sup>2</sup>, sed ut ea, sine quibus non possumus vivere, gratiora nobis illius faceret accessio: si suo veniat jure<sup>3</sup>, luxuria est. Ergo intransibilibus resistamus<sup>4</sup>, quia facilius, ut dixi, non recipiuntur, quam exeunt. — Aliquatenus, inquis, dolere, aliquatenus timere permitte! — Sed illud *aliquatenus*<sup>5</sup> longe produciuntur; nec, ubi vis, accipit finem. Sapienti<sup>6</sup>, non sollicito custodire se, tutum est; et lacrimas suas et voluptates, ubi volet, sistet: nobis, quia non est regredi facile, optimum est omnino non progredi. Eleganter mihi videtur Panætius<sup>7</sup> respondisse adolescentulo cuidam quærenti: An sapiens amaturus esset? « De Sapiente, inquit, videmus: mihi et tibi, qui adhuc a Sapiente longe absumus, non est committendum, ut incidamus in rem commotam, impotentem, alteri emancipatam<sup>8</sup>, vilem sibi. Sive enim

ms. a. cum Pal. 1 et 4. Perperam vulgo ob hoc. Schw.

1. *Quasi naturali... principio?* Non enim vere naturali: nam sic boni essent affectus, quia esse nimium omne naturale non potest. Zeno autem perturbationes (s. affectus) voluntarias esse putabat, opinionisque iudicio suscipi, etc. Cicero. Academ. I, 10. Ruhk.

2. *Non ut illam peteremus.* Tanquam summum bonum, æque ac Epicurei. Tiedemannus perperam hunc locum intellexit, III, p. 196, *Syst. R.*

3. *Si suo veniat jure.* Int. si veniat, non ut accessoria, sed principalis,

non ut ministra, sed domina. Lips.

4. *Ergo intransibilibus resistamus.* Vide I de Ira c. 7 et 8. Lips.

5. *Aliquatenus.* Spectant hæc ad Peripateticorum mediocritatem illam morborum s. affectuum. Ruhk.

6. *Sapienti... est.* Tutus est sapiens perfectus, etsi sine sollicitudine custodiat se.

7. *Panætius.* Rhodius, junior, celeberrimus Stoicus, quem Cicero in libro de Officiis plerumque sequitur, Scriptonis minoris comes, multa scriptis, nunc deperdita. Cf. Fabricii Bibl. gr. Vol. III, p. 567 sq. Ruhk.

8. *Alteri emancipat.* Quia tunc servi-

nos respicit<sup>1</sup>, humanitate ejus irritamur; sive contempsit, superbia accendimur. Æque facilitas amoris, quam difficultas nocet: facilitate capimur, cum difficultate certamus. Itaque, conscii nobis imbecillitatis nostræ, quiescamus. Nec vino infirmum animum committamus, nec formæ, nec adulationi, nec ullis rebus blande trahentibus. »

- 6 Quod Panætius de amore quærenti respondit, hoc ego de omnibus affectibus<sup>2</sup> dico. Quantum possumus nos, a lubrico recedamus; in siccò quoque parum fortiter stamus. — Occurres hoc loco<sup>3</sup> mihi illa publica contra Stoicos voce: « Nimis magna promittitis, nimis dura præcipitis! Nos homunciones sumus, omnia nobis negare non possumus: dolehimus, sed parum; concupiscemus, sed  
7 temperate; irascemur, sed placabimur. » — Scis, quare non possumus ista<sup>4</sup>? quia, nos posse, non credimus. Imo, mehercules, aliud est in re! Vitia nostra, quia amamus, defendimus; et malumus excusare illa, quam excutere. Satis natura homini dedit roboris, si illo utamur, si vires nostras colligamus, ac totas pro nobis, certe non contra nos, concitemus. Nolle in causa est<sup>5</sup>; non posse prætenditur. Valc.

mus alterius arbitrio, quem amamus.

1. *Respicit*, non *respexit*, a. e. R. A. Cui non repugnat, quod dein contempsit in præter. tempore ponitur. Schw. — Int. sive nos amor benigno vultu respicit, si nobis favet.

2. *De omnibus affectibus*. Postremum vocab. quod desideratur in aliis, commode dedit ms. a. Schw.

3. *Occurres hoc loco*, etc. Sæpius jam hanc querelam de rigida Stoæ secta vidimus, satis profecto convenientem

molli et luxurioso sæculo, in quod Senecæ vita inciderat, vide e. e. de Clem. II, 4. Ruhk.

4. *Quare non possumus ista?* Scilicet omnino expellere affectus, atque animum nostrum eorum motibus liberum vindicare.

5. *Nolle in causa est: non posse prætenditur*. Vertit Lagrange: *Le défaut de volonté est la vraie raison; le défaut de pouvoir est le prétexte*.

## EPISTOLA CXVII.

AN, QUUM SAPIENTIA BONUM SIT, ETIAM SAPERE.

Quærenti amico, an verum sit, quod Stoicis placeat: Sapientiam bonum esse, sapere bonum non esse? primum exponit, quid Stoicis videatur. Sapientiam, quippe efficientem quid et juvantem, et bonum et corpus dicunt esse, sapere non esse, nōpote incorporeale et accideus alteri, i. e. sapientiæ. Quibus quum instent Peripatetici alique philosophi, et confutationibus affligant, necesse est ut cavillando effugiant. Itaque secedit Seneca, et sapientiam et sapere bonum putans: at ntrumque differre contendit contra Peripateticos. Sed se revocat ab hujusemodi disputationibus, aliaque proponit, de quibus querendum esse philosopho monet, quippe quæ levant animum et formant, etc.

Cf. Argumentum Epist. CVI, CXIII. Addas Lipsii Physiolog. Stoic. II, 4.

SENECA LUCILIO SUO SALUTEM.

MULTUM mihi negotii<sup>1</sup> concinnabis, et, dum nescis, in magnam me litem ac molestiam impinges, qui mihi tales quæstiunculas ponis, in quibus ego nec dissentire a nostris, salva gratia, nec consentire, salva conscientia, possum. — Quæris, *an verum sit*, quod Stoicis placet: « Sapientiam bonum esse, Sapere bonum non esse. » — Primum exponam, quid Stoicis videatur; deinde tunc dicere sententiam audebo. Placet nostris<sup>2</sup>, quod bonum est, corpus esse; quia, quod bonum est, facit: quidquid facit, corpus est. Quod bonum est, prodest; faciat autem aliquid oportet, ut prosit: si facit, corpus est. Sapien-

<sup>1</sup> *Multum mihi negotii*. Perperam vulgo, et id invitis mssis, *mihi ti-bique*. — Verbum *concinnabis*, quod

sequitur tenent libri nostri omnes. S.

<sup>2</sup> *Placet nostris*, etc. Cf. ad Ep. CVI, 4. Ruhk.

tiam bonum esse dicunt : sequitur, ut necesse sit illam corporalem quoque dicere. At sapere non putant ejusdem conditionis esse. Incorporale est, et accidens alteri<sup>1</sup>, id est, sapientiæ : itaque nec facit quidquam, nec prodest. — Quid ergo<sup>2</sup> ? inquit ; non dicimus, *bonum est sapere* ? — Dicimus, referentes ad id, ex quo pendet, id est, ad ipsam Sapientiam.

- <sup>3</sup> Adversus hos quid ab aliis respondatur, audi, antequam ego incipio secedere<sup>3</sup>, et in alia parte considerare. — Isto modo, inquit<sup>4</sup>, nec beate vivere bonum est. — Velint nolint, respondendum est, beatam vitam bonum esse, beate vivere bonum non esse. Etiamnunc nostris illud quoque opponitur : Vultis sapere : ergo expetenda res est, sapere : si expetenda res est, bonum est. —
- <sup>4</sup> Coguntur<sup>5</sup> nostri verba torquere, et unam syllabam *expetendo* interponere, quam sermo noster inseri non sinit. Ego illam, si pateris, adjungam. *Expetendum* est, inquit, quod bonum est : *expetibile* quod nobis contin-

1. *Et accidens alteri*. I. non existit per se, sed est quedam modificatio sapientiæ.

2. *Quid ergo ? inquit ; non dicimus, bonum est sapere ?* Sic Schw. Ruhk. edidit : *Quid ergo ? inquit : Non dicimus, Bonum est sapere : sapere*, etc. Sic plurimi codd. editioque antiqua : et nexus poscit. Antea ex Mureti lectione : *Quid ergo, inquit, non dicimus, Bonum est sapere ? dicimus* etc. — Quasi adjectivi loco ponunt Stoici illud *sapere*, quod nec ponere, nec dicere quemquam putant nisi referentem ad sapientiam, eamque simul cogitando. Ruhk.

3. *Secedere... considerare*. Hæc a senatu sumptà, obi, quom Consul, Prætor, aliusque magistratus Senatum

cogens, de re aliqua retinisset, atque, sententiis dictis, discessionem Senatorum permisisset, in hanc aut illam partem transierunt, qui hinc pedane vocati sunt. Res notissima vel ex Adams aliisque compendiis. Ruhk.

4. *Inquit* Peripatetici.

5. *Coguntur... non sinit*. *Expetendum* est αἰστέον : quod *expetibile* est, et non petitur tanquam bonum, ἀποαἰστέον : *interponere* a. *inserere* h. I. idem valent quod *adjungere*. Sic Græci τὸ αἰστέον addunt s. præfigunt πρὸς : quod Romani non possunt ; nemo enim dixit *adexpetere*. Exprimi itaque hoc posse putavit Noster per : *expetibile*. Ruhk. — Nonnullæ tamen edd. e. c. Lips. et Bip. pro *expetibile* dant *adexpetendum*.



git<sup>1</sup>, quum bonum consecuti sumus; non petitur tanquam bonum, sed petito bono accedit. — Ego non idem sentio, et nostros iudico in hoc descendere, quia jam primo vinculo tenentur, et mutare illis formulam non licet.

Multum dare solemus præsumptioni<sup>2</sup> omnium hominum, et apud nos veritatis argumentum est<sup>3</sup>, aliquid omnibus videri: tanquam, *Deos esse*, inter alia hoc colli-

1. *Expetibile, quod nobis contingit, quum bonum consecuti sumus.* Hæc est plana atque constans veterum librorum omnium scriptura: in qua quum nihil desideraretur, Muretus tamen, pro immoderata sua novandi libidine, suo arbitratu istam iniecit, et Lipsio, et Gronovio aliisque doctissimis viris probatam, et nuper in ed. Matthiæ (postquam merito a Rulhoppio repudiata fuisset) revocatam: *adexpetendum, quod bono contingit: quod, quum bonum consecuti sumus, non petitur*, etc. Ubi nescio quid magis mæser, intolerandam Mureti et importunam præsertim hoc loco ridiculamque licentiam, an facilitatem doctorum virorum, inventum istud sibi obtrusum tam æquo animo patientium. Nam, alia ut taceam præter rationem b. l. mutata, in vocabulo *expetibile*, quod a se fictum Seneca profitetur, quid est quod desiderari potuerit? aut monstruosum illud *adexpetendum* unde tandem arripuit Muretus? Scilicet græcum verbum, quod hic respexisset Seneca, statuit ille fuisse *προσπατεῖν*, et ex hoc latinum proculdū *adexpetendum*, quod Senecæ obtruderet. Atqui ipsam græcum *προσπατεῖν* gratuito prorsus sinxerat vir doctus: nec eoim usquam (quod equidem noverim) græcum istud vocabulum eo, quo vult, signifi-

ficatu occurrit, aut ab ullo homine unquam usurpatum reperitur. Tum vero, si vel unquam a Græcorum aliquo usurpatum istud vocabulum reperiretur, non erat illud tamen id quod hic in animo habuerat Seneca. Nam dūerte ipse ait, Græcum illud vocabulum ita formatum esse, ut *expetendo* (τὸ ἀπετῶ) *interponeretur una syllaba*: atqui in voc. *προσπατεῖν* non *interposita*, sed *preposita* est syllaba. Græca vox, quam respexerat Seneca, haud dubie *αἰσιμπος* erat: cui perapte respondet latinum *expetibile*, a philosopho nostro formatum. Schw. — *Expetibile* semel tantum adhuc apud Tacitum, Annal. 16, 21, 2, occurrit, nec ibi quidem tuto, quum Ernesti *expectabilem* præferat. Rulh.

2. *Præsumptioni.* Præceptæ opinionioni, *προλήψις*. Lips.

3. *Veritatis argumentum est.* Merito, ait Lipsius; nam ipsa veritas græcis dicta ἀλήθεια, ὥς τὸ μὴ λῆθαι: quod non lateat, sitque omnibus nota. — Exigui autem momenti esse hoc veritatis argumentum, quum historia dogmatum quorumcumque satis superque docet, tum philosophia subtilior probe evincit. Cæterum hoc argumentum Cicero quoque firmum vocat Tusc. I, 13, cf. de Legg. I, 8. Nat. D. I, 16. « Epicurus solus vidit,

gimus<sup>1</sup>, quod omnibus insita de Diis opinio est, nec ulla gens usquam est adeo extra leges moresque projecta, ut non aliquos Deos credat. Quum de animarum aeternitate disserimus, non leve momentum apud nos habet consensus hominum, aut timentium inferos, aut<sup>2</sup> colentium.

- 6 Utor hac publica persuasione : neminem invenies, qui non putet et sapientiam bonum, et bonum sapere<sup>3</sup>.

Non faciam, quod victi solent, ut provocem ad populum<sup>4</sup>: nostris incipiamus<sup>5</sup> armis conflagrare. Quod accidit alicui, utrum extra id, cui accidit, est; an in eo, cui accidit? Si in eo est, cui accidit, tam corpus est, quam illud, cui accidit. Nihil enim accidere sine tactu, potest; quod tangit, corpus est. Si extra est, posteaquam acciderat, recessit; quod recessit, motum habet; quod motum habet, corpus est. Speras me<sup>6</sup> dicturum, non esse aliud cursum, aliud currere; nec aliud calorem, aliud calere; nec aliud lucem, aliud lucere. Concedo ista alia esse, sed non sortis alterius<sup>7</sup>. Si valetudo

primum esse deos, quod in omnium animis eorum notitiam impressisset ipsa Natura : ..... anticipationem quamdam deorum hanc appellat Epicurus *ὑπόληψις*, etc. » Ruhn.

1. *Hoc colligimus* recte ms. a. et ed. A. Perperam hæc c. R. Sic collig. vulgo edd. Schw.

2. *Colentium*. *Æthera* adjecit Ruhn. cum nonnullis Pineiani et Grut. codicibus, quibus accedit noster c. et ed. A. Assumentum istud, merito improbatum Grutero, ignorat ms. a. cum ed. R. Schw.

3. *Et bonum sapere*. Aberat vulgo media vox. Schw.

4. *Ut provocem ad populum*. In arena et gladiatoris pugna, ubi qui succubuerat, populi opem et miseri-

cordiam implorabat. Lipsius in Saturnalis, 2, 22. Cf. Ep. XXXVII, 2. R. — *Provocare ad populum* de iis quoque dicebatur, qui a magistratu quodam damnati, ad populi sententiam confugiebant. Vid. Tit. Liv. lib. II, c. 29 sq.

5. *Incipiamus*, non *incipiemus*, a. c. R. A. — *Nostris*, i. e. stoicis. S.

6. *Speras me dicturum*, non *esse aliud*, etc. Temere *speres* edd. Schw.

7. *Sed non sortis alterius*. Sic adjustem sortis sunt, ut quod de uno dici potest, dici possit etiam de altero : nec videmus quomodo alia sint sapere et sapientia; nobis videtur idem variis nominibus expressum : nempe alterum alterius semper locum in sermone occupare potest, laeso forsitan ser-

indifferens est, bene valere <sup>1</sup> indifferens est. Si forma indifferens est; et formosum esse. Si justitia bonum est, et <sup>8</sup> justum esse bonum est. Si turpitude malum est, et turpem esse malum est: tam, mehercules, quam, si lippitudo malum est, lippire quoque malum est. Hoc ut scias, neutrum esse sine altero potest. Qui sapit, sapiens est; qui sapiens est, sapit. Adeo non potest dubitari, an, quale illud sit, tale hoc sit, ut quibusdam utrumque unum videatur atque idem. Sed illud libenter quæsierim: quum omnia aut bona sint, aut mala, aut indifferentia; sapere in quo numero sit? Bonum negant esse; malum utique non est: <sup>9</sup> sequitur, ut medium sit. Id autem medium atque indifferens vocamus, quod tam malo contingere, quam bono, possit <sup>2</sup>: tanquam pecunia, forma, nobilitas. Hoc, ut sapiat, contingere nisi bono non potest: ergo indifferens non est. Atqui ne malum quidem est, quod contingere malo non potest: ergo bonum est. Quod, nisi bonus, non habet, bonum est; sapere non nisi bonus habet: ergo bonum est.—Accidens est, inquit <sup>3</sup>, Sapientiæ.— <sup>10</sup> Hoc ergo quod vocas sapere, utrum facit sapientiam, an patitur? Sive facit illud, sive patitur, utroque modo corpus est. Nam, et quod fit, et quod facit <sup>4</sup>, corpus est: si corpus est, bonum est: unum enim deerat illi, quominus bonum esset, quod incorporale erat.

Peripateticis placet, nihil interesse inter Sapientiam et sapere, quum in utrolibet eorum et alterum sit. Num-

monis usu, sed semper illuso sensu.

1. *Bene valere indifferens est.* Sic *R.* et *A.* Vulgo et *valere*, etc. Omnia ista desunt *a.* et *c.* Alia item nonnulla ex libris hic correximus; ut infra. *Qui sapit.... qui sapiens est*, ex *a. c. A.* ubi vulgo *Quod.... quod. S.*

2. *Possit ms. a.* Vulgo *potest. S.*

3. *Accidens est, inquit*, Stoicus. Vides, Peripateticos imprimis has Stoicorum disputationes impugnasse. Nobis tamen nihil ex eorum confutationibus relictum est. *Ruhk.*

4. *Quod fit, et quod facit, corpus est.* Vide *Physiolog. Stoic. lib. II, Dissert. IV. Lipsius.*

- quid enim quemquam existimas sapere, nisi qui Sapientiam habet? Numquid quemquam, qui sapiat, non putas habere Sapientiam? Dialectici veteres<sup>1</sup> ista distinguunt: ab illis divisio usque ad Stoicos venit. Qualis sit hæc, dicam<sup>2</sup>. Aliud est ager, aliud agrum habere: quidni? quum habere agrum ad habentem, non ad agrum pertineat. Sic aliud est Sapientia, aliud sapere. Puto concedes duo esse hæc, id quod habetur, et eum qui habet: habetur Sapientia; habet, qui sapit. Sapientia est mens perfecta, vel ad summum optimumque perducta; ars enim vitæ est. Sapere quid est? Non possum dicere, mens perfecta; sed id, quod contingit perfectam mentem habenti. Ita alterum est, mens bona: alterum, quasi habere mentem bonam. Sunt, inquit, naturæ corporum; tanquam, hic homo est, hic equus: has deinde sequuntur<sup>3</sup> motus animorum enuntiativi corporum. Hi habent proprium quiddam, et a corporibus seductum: tanquam, video Catonem ambulans; hoc sensus ostendit, animus credit. Corpus est, quod video, cui et oculos et animum intendi. Dico deinde, *Cato ambulat*. Non<sup>4</sup> corpus, inquit, est, quod nunc loquor; sed enuntiativum quiddam de corpore, quod alii *effatum* vocant, alii *enuntiatum*, alii *dictum*<sup>5</sup>. Sic, quum dicimus Sapientiam, corpo-

1. *Dialectici veteres*: intelligit sectam eleaticam, in qua auctoribus Xenophane, Parmenide et Zenone Eleate dialectica vixit, et deinde ad sectam megaricam s. eristicam transiit, unde ad Stoicos pervenit. Cf. Bruekeri Hist. crit. Phil. T. I, p. 610 sq. et Bohlum in Commentat. Soc. Reg. Sc. Gott. T. XI, p. 234 sq. R.

2. *Dicam*. Ma. a. dicamus. Schw.

3. *Has deinde sequuntur*. Int. et præter corpora sunt motus animi qui

enuntiant quid de corporibus sentiat: atque hi motus non sunt corpora.

4. *Non corpus, inquit*. Sic a. et R. *Non corpus est quidem c. A.* Vulgo, *non corpus quidem est.* — *Non corpus...* corpore. Hoc illud quod notat Sext. Empiricus lib. I, advers. Mathematic. c. 3: *Incorporeum aliquid apud Stoicos dici λητόν* quod Noster hic vertit *Effatum*, *Edictum*, *Enuntiatum*, *Enuntiativum*. Lips.

5. *Dictum*. Sic ma. a. Recte; nempe

rale' quiddam intelligimus : quum dicimus, *Sapit*, de corpore loquimur. Plurimum autem interest, utrum *illum* dicas<sup>2</sup>, an *de illo*.

Putemus in præsentia, ista *duo* esse (nondum enim, <sup>14</sup> quid mihi videatur, pronuntio) : quid prohibet, quo minus *aliud* quidem sit, sed nihilo minus bonum? Dicebas paulo ante, aliud esse agrum; aliud, habere agrum. Quidni? in alia enim natura est, qui habet; in alia, quod habetur : illa terra est, hic homo est. At in hoc<sup>3</sup>, de quo agitur, ejusdem naturæ sunt utraque, et qui habet Sapientiam, et ipsa, quæ habetur. Præterea illic aliud est, <sup>15</sup> quod habetur; alius, qui habet : hic in eodem est, et quod habetur, et qui habet. Ager jure possidetur; sapientia natura : ille abalienari potest et alteri tradi; hæc non discedit a domino. Non est itaque, quod compares inter se dissimilia. Cæperam dicere, posse ista *duo* esse, et tamen utraque bona : tanquam et Sapientia<sup>4</sup>, et Sapiens <sup>16</sup> duo sunt, et utrumque bonum esse concedis. Quomodo nihil obstat, quo minus et sapientia bonum sit, et habens sapientiam; sic nihil obstat, quo minus et sapientia bonum sit, et habere sapientiam, id est, sapere. Ego in hoc volo sapiens esse, ut sapiam. Quid ergo? non est id bonum, sine quo nec illud bonum est? Vos certe dicitis, Sapientiam, si sine usu detur, accipiendam non esse. Quis est usus sapientiæ? Sapere : hoc est in illa pretiosissimum; quo detracto, supervacua fit. Si tormenta <sup>17</sup>

græc. *ἰατρός*. Cf. Sext. Emp. Pyrrh. II, 84. Vulgo *edictum*. Schw.

1. *Corporale quiddam recte a. c. R. A.* (conf. Sext. l. c.). Perperam *incorporale* vulgo, inde ab ed. Tarriv. Schw.

2. *Illum dicas*. Temere *illud dicas* vulgo edd. Schw.

3. *At in hoc de qua...* habetur. Nam sapientia est mens perfecta, vel ad summum optimumque perducta. Cf. §. 11. *Ruhk.*

4. *Tanquam et Sapientia*, etc. Vulgo, *Sapientia et sapiens*, etc. et desunt duo priora verba. *Et sapientia*, etc. absque *tanquam*, habet ed.

- mala sunt, torqueri malum est; adeo quidem, ut illa non sint mala, si, quod sequitur, detraxeris. Sapientia habitus perfectæ mentis est; sapere, usus perfectæ mentis. Quomodo potest usus ejus bonum non esse, quæ sine usu bonum non est? Interrogo te, an Sapientia expetenda sit? fateris. Interrogo, an usus sapientiæ expetendus sit? fateris: negas enim te illam recepturum, si uti ea pro-
- 18 hibearis. Quod expetendum est, bonum est. Sapere, sapientiæ usus est; quomodo eloquentiæ, eloqui<sup>1</sup>; quomodo oculorum, videre: ergo sapere, Sapientiæ usus est. Usus autem sapientiæ expetendus est; sapere ergo expetendum est: si expetendum est, bonum est. — Olim ipse me damno, qui illos imitor, dum accuso, et verba apertæ rei impendo. Cui enim dubium potest esse, quin, si æstus malum est, et æstuarè malum sit? si algor malum est, malum sit algere? si vita bonum est, et vivere bonum<sup>2</sup> sit?
- 19 Omnia ista, circa Sapientiam, non in ipsa, sunt; at nobis in ipsa commorandum est. Etiam, si quid evagari libet, amplos habet illa spatiososque secessus. De Deorum natura quæramus; de siderum elementis<sup>3</sup>, de his tam variis stellarum discursibus: an ad illarum motus nostra moveantur<sup>4</sup>; an corporibus omnium animisque illinc im-

*R. Et tanquam Sapientia a. e. A.* Satis erit, tanquam sapientia, absque et particula. Schw.

1. *Eloqui* dedit ms. a. Vulgo loqui, ubi primam vocalem absorpserat terminatio vocis præcedentis. Schw.

2. *Bonum sit.* Perperam bonum est edd. Schw.

3. *De siderum elementis.* Sic e. R. A. et Gruteriani quatuor; quod revocavit Ruhk. quoniam ex probato Pinciani libro alimento edidisset Mur. At hoc verum erat, idque ipsum

tinetur noster ma. a. De alimento siderum multa quæsisse veteres, multaque delirasse, satis notum est. Schw. — *De siderum elementis.* E. g. solem esse purissimum ignem et quidem artificialem, quem Zeno σοφὴν, intellectum præditum appellabat. Posidonius et plerique Stoici lunam mixtam ex igne et aere statuunt, etc. Cf. Lipsii Physiolog. II, 13. Ruhk.

4. *Nostra moveantur.* Sic a. c. R. A. (nostra, i. e. res nostræ.) Vulgo nostra moveantur corpora, inde ab

petus veniat; an et hæc, quæ fortuita dicuntur, certa lege constricta sint, nihilque in hoc mundo repentinum, aut expers ordinis, volutetur? Ista jam a formatione morum<sup>10</sup> recesserunt; sed levant animum, et ad ipsarum, quas tractant, rerum magnitudinem attollunt. Hæc vero, de quibus paulo ante dicebam, minuunt, et deprimunt; nec, ut putas<sup>1</sup>, exacuunt, sed extenuant. Obsecro vos! tam necessariam<sup>2</sup> curam, majoribus melioribusque debitam, in re, nescio an falsa, certe inutili, terimus? Quid<sup>21</sup> mihi profuturum est scire, an aliud sit sapientia, aliud sapere? quid mihi profuturum est scire, illud bonum esse, [hoc non esse<sup>3</sup>?] Temere me geram, subibo hujus voti aleam<sup>4</sup>: tibi Sapientia, mihi sapere contingat! pares erimus. Potius id age, ut mihi viam monstres, qua ad ista perveniam. Dic<sup>5</sup>, quid vitare debeam, quid appetere; quibus animum labantem studiis firmem; quemadmodum, quæ me ex transverso ferunt aguntque<sup>6</sup>, procul a me repellam; quomodo par esse tot malis possim; quo-

ed. Ven. Schw.—Tangit astrologiam, quam certe turpe erat sapientiam prosequenti inter philosophiæ studia collocare.

1. *Nec, ut putas.* In litteris tuis, quibus mihi has questioneculas ponis et commendas. Ruhk.

2. *Tam necessariam.* Vulgo, *curtam necess.* ex ed. Ven. contra quam dabant vetustiores libri a. c. R. A. S.

3. *Illud bonum esse, hoc non esse?* Posteriora tria verba ex conject. adiecit Muræus: admodum probabiliter quidem: quare facile patiar abjici uncinos, quos illis circumdedit. Sed et in prioribus verbis mire variant libri: nam pro *illud*, ille habet ms. a. *illuc* ms. c. id ed. A. quod ed. R. *aliud* ed. Ven. Schw.

4. *Subibo hujus voti aleam.* Sic edd. ab Erasmo; commode: nam hoc poscere videtur id quod modo siebat, *Temere me geram.* Sed et defendi poterat *subito*, secunda verbi persona, quod dabant a. c. R. A. et revocavit Ruhk. Schw.—At propterea *subito* nullum acumen habet: nempe nulli periculo obnoxius est Lucilius cui relinquatur sapientia, quam concedunt omnes bonum esse: Seneca autem in periculo est, qui sibi vindicat sapere, quod stoici bonum esse negant: ideo *subito* necessarium est.

5. *Dic, quid, etc., a. c. A.* Vulgo *Dic mihi, quid.* Schw.

6. *Ferunt aguntque.* Sic edd. ab Erasmo, cum ms. c. Sed *ferunt a. A.* R. Pinc. et Grut. quod recepit Ruhk.

- modo istas calamitates removeam, quæ ad me irruerunt<sup>1</sup>; quomodo illas, ad quas ego irrupi. Doce, quomodo feram ærumnam sine gemitu meo, felicitatem sine alieno; quomodo ultimum ac necessarium vitæ terminum non exspectem, sed ipsemet, quum visum erit, profugiam<sup>2</sup>. Nihil mihi videtur turpius, quam optare mortem. Nam si vis vivere, quid optas mori? sive non vis, quid
- 23 Deos rogas quod tibi nascenti dederunt<sup>3</sup>? Nam, ut quandoque moriaris, etiam invito positum est; ut, quum voles, in tua manu est. Alterum tibi necesse est; alterum licet. Turpissimum hiis dicbus principium diserti mehercules viri legi: « Ita, inquit<sup>4</sup>, quamprimum moriar! » Homo dementis! optas rem tuam: « Ita quamprimum moriar! » Fortasse inter has voces senex factus es: alioqui, quid in mora est? nemo te tenet; evade, qua visum est!
- 24 elige quamlibet rerum naturæ partem, quam tibi præbere exitum jubeas<sup>5</sup>! Hæc nempe sunt et<sup>6</sup> elementa, quibus hic mundus<sup>7</sup> administratur, aqua, terra, spiritus: omnia ista tam causæ vivendi sunt, quam viæ mortis. « Ita quamprimum moriar! » *Quamprimum* istud, quod esse vis<sup>8</sup>? quem illi diem ponis? citius fieri, quam optas,

Mihi tameu prius istud præferendum visum erat. *Schw.* — *Ferunt aguntque*, idem est ac græcum *ἄγουν, ποιουν*.

1. *Irruperunt...irrupi* tuetur editio prisca: alii: *eruperunt, erupi. Ruhk.* — *Irruperunt*, aliunde a Deo aut fato: non accessit. *Irrupi*. Ipse mihi struxi, in quas sponte me indui. *L.*

2. *Profugiam*. E vita, ipse imponam vitæ meæ finem.

3. *Quod tibi nascenti dederunt*. Scilicet ut semper mori possis.

4. *Ita, inquit*. Omnes codd. et editio prisca habent: *Itaque*, et mox

iterum: *Itaque*. Recte emendavit Pincianus utroque loco: *Ita*. Tertin tameu loco habet editio prisca: *Ita q. m.* Est ejus voti formula. *Ruhk.*

5. *Quam tibi præbere exitum jubeas*. Sic libri vet. multo commodius quam vulgo *qua tibi præberi*, etc. *Schw.*

6. *Sunt et elementa*, a. c. *A.* Abest vulgo et. *Schw.*

7. *Illic mundus*. Nempe inferior: et ideo tria tantum nominat: quantum superioris mundi a. cæli est, i. e. ignis. *Ruhk.*

8. *Quamprimum istud, quod esse*



potest<sup>1</sup>. Imbecillæ mentis ista sunt verba, et hac detestatione<sup>2</sup> misericordiam captantis. Non vult mori, qui optat. 25  
Deos vitam et salutem roga; si mori placuit, hic mortis est fructus, optare desinere.

Hæc, mi Lucili, tractemus; his formemus animum!  
Hæc est sapientia, hoc est sapere; non, disputatiunculis inanibus subtilitatem vanissimam agitare. Tot quæstiones fortuna tibi posuit: nondum illas solvisti; jam cavillaris. Quam stultum est, quum signum pugnae acceperis, ventilare<sup>3</sup>! Remove ista lusoria arma; decretoriis<sup>4</sup> opus est. Dic, qua ratione nulla animum tristitia, nulla formido 26  
perturbet; qua ratione hoc secretarum cupiditatum pondus effundam. Agatur aliquid<sup>5</sup>! — « Sapientia bonum est, sapere non est bonum ». Sic fit, [ut] negemur sapere<sup>6</sup>, ut hoc totum studium derideatur, tanquam operatum supervacnis.

Quid, si scires etiam illud quæri, « an bonum sit

vis? Int. quando cupis evenire illud quamprimum? si vere cuperes quamprimum mori, teipse statim occideres, nec horam naturæ expectares.

1. *Citius fieri, quam optas, potest.* Quia, quum mors invocata aderit, tam mori noles. Hæc est fabula nostri *La Fontaine: La Mort et le Bûcheron*, lib. I, 16.

2. *Detestatione.* Significat hic obtestationem, nec compositio minuit vim verbi simplicis, sed auget. Est enim precatio et votum. *Lips.*

3. *Ventilare.* Proludere et brachia atque arma in speciem ventumque jactare. A theatris areoisque sumptum. Cf. Lipsium in *Satura*. II, 19. Seriveri opp. philol. p. 21. *Ruhk.*

4. *Decretoriis* i. seriis, quibus de vita decernitur. Cf. de Clement. I, 14, Ep. cii, 24.

5. *Agatur aliquid.* Vertit *Lagrange: Venons au fait.*

6. *Sic fit, ut negemur sapere.* Voculam *ut* ex conject. adjei, sed uncinis notavi, quo lectorem de conjectura non nimis certa monerem. *Sic fit, negemur sapere* dedit ms. a. *Sic fit: negemus sapere* c. A. R. Hinc Erasmus ex conject. edidit: *Sic ut. Negemus sapere.* Denique Muretus: *Sic sit: negemus sapere bonum esse.* S.—Int. sic, scilicet istis disputatiunculis, fit ut sapere negemur, nempe qui tantum impendimus studium acquirendæ rei supervacua: nempe in eo studemus ut sapiamus: atqui si sapere non bonum est, studemus in supervacuis. Forsao et verbum *super-vacuis* spectat simpliciter ad futilitatem harum disputationum, quæ nulum fructum ferunt.

- 27 futura sapientia? » Quid enim dubii est<sup>1</sup>, oro te, an nec messem futuram jam sentiant horrea, nec futuram adolescentiam pueritia viribus aut ullo robore intelligat? Ægro interim nihil ventura sanitas prodest; non magis, quam currentem luctantemque post multos secuturum menses otium<sup>2</sup> reficit. Quis nescit hoc ipso non esse bonum id, quod futurum est, quia futurum est? Nam, quod bonum est, utique prodest: nisi præsencia, prodesse non possunt. Si non prodest, bonum non est<sup>3</sup>; si prodest, jam est. Futurus sum sapiens: hoc bonum erit, quum fuero; interim non est. Prius<sup>4</sup> aliquid esse debet, deinde quale esse. Quomodo, oro te, quod adhuc nihil est, jam bonum est? Quomodo autem tibi magis vis probari, non esse aliquid, quam si dixerō, *futurum est*? Nondum enim venisse apparet, quod venit.
- 29 Ver secuturum est; scio nunc hiemem esse: æstas secutura est; scio æstatem non esse. Maximum argumentum habeo nondum præsens, futurum esse. Sapiam, spero; sed interim non sapio: si illud bonum haberem, jam hoc carerem malo. Futurum est, ut sapiam: ex hoc licet, nondum sapere me, intelligas. Non possum simul et in illo bono, et in hoc malo esse. Duo ista non coeunt, nec apud eundem sunt una, bonum et malum.
- 30 Transcurramus solertissimas nugæ, et ad illa, quæ nobis aliquam opem sunt latura, properemus. Nemo, qui

1. *Quid enim dubii est.... horrea.* Int. certum est nullo modo posse fieri ut horrea sentiant messem futuram.

2. *Post multos secuturum menses otium.* Haud dubie vitiosum erat vulgatum, *post multos secut. sensus*, licet in hoc consentiant libri fere omnes. Magis etiam vitiosum, quod est in ms. a. *sense socium*: sed sub hoc

latebat, puto, *menses otium. Schw.*

3. *Bonum non est.* Vocem utique, quam istis vulgo adiciunt, ignorant a. c. A. In ed. R. ad sequentia refertur illa vox, *utique si prodest*, etc. S.

4. *Prius aliquid.... esse.* Int. antequam res aliqua ulla qualitates habeat, oportet eam rem esse: nam nullæ qualitates sine substantia sunt.

obstetricem<sup>1</sup> parturienti filiæ sollicitus arcessit, <sup>2</sup>edictum et ludorum ordinem perlegit: nemo, qui ad incendium domus suæ currit, tabulam<sup>3</sup> latrunculariam perspicit, ut sciat, quomodo alligatus<sup>4</sup> exeat calculus. At mehercules<sup>31</sup> omnia tibi undique nuntiantur, et incendium domus, et periculum liberorum, et obsidium patriæ, et bonorum direptio: adjice istis naufragia, motusque terrarum, et quidquid aliud timeri potest. Inter ista districtus, rebus, nihil aliud quam animum oblectantibus, vacas? quid inter Sapientiam, et sapere intersit, inquiris? nodos nectis ac solvis, tanta mole impendente capiti tuo? Non tam<sup>32</sup> benignum ac liberale<sup>5</sup> tempus natura nobis dedit, ut aliquid ex illo vacet perdere! Et vide, quam multa etiam diligentissimis pereant: aliud valetudo sua cuique abstulit, aliud suorum; aliud necessaria negotia, aliud publica occupaverunt; vitam nobiscum dividit somnus. Ex hoc tempore, tam angusto et rapido, et nos auferente, quid juvat majorem partem mittere in vanum? Adjice nunc,<sup>33</sup> quod assuescit animus delectare se potius, quam sanare; et Philosophiam oblectamentum facere, quum remedium sit. Inter Sapientiam et sapere quid intersit, nescio: scio mea non interesse, sciam ista, an nesciam. Dic mihi:

1. *Nemo, qui obstetricem*, etc. Simile est Adagium græcæ. quod laudat Erasmus in Adag. 1 Chil. X Cent. nr. 38: Ἀνὴρ δὲ γυναικὶ οὐ μὴν λόγας ἰσχυροί. *Ruhk.*

2. *Edictum*, etc. Libelli aut tabule in publico proponi solite (apud nos *affiches*) apparatus omnem ludorum, tempus, ordinem, etc. indicebant. Cf. de Benef. VI, 1, Lipsii Saturnal, II, 18. *R.* — Ante ludorum pugnas, ait Juretus, moris erat, ut editor libellos propoueret, in quibus dies futuri mu-

neris, item nomina et paria gladiatorum; scilicet alliciendæ plebi, et expectationi commovendæ.

3. *Tabulam latrunc.* (*jeux d'échecs*). Cf. ad Ep. CVI, 11, de Brevit. vit. c. 13; de Tranquill. c. 14. *Ruhk.*

4. *Alligatus*, qui ita obsessus, circumventus erat, ut moveri sine periculo non posset. Cf. VVernsdorfi Excurs. XI in To. IV Poet. Lat. minor. p. 413 sq. *Ruhk.*

5. *Non tam benignum ac liberale tempus.* Int. tam maligne et parce

quum, quid inter Sapientiam et sapere intersit, didicero, sapiam? Cur ergo potius inter vocabula me sapientiæ destines, quam inter opera? Fac me fortiorem, fac securiorem<sup>1</sup>, fac fortunæ parem, fac superiorem! Possum autem superior esse, si [isto] direxero omne quod disco<sup>2</sup>. Vale.

nobis natura tempus dedit, ut nihil vaeret ex illo perdere.

1. *Fac securiorem*. Vulgo *fac me secur.* in vitis libris nostris. *Schw.*

2. *Si [isto] direxero omne quod disco*. Sic a. e. Pal. 3, et Pine. nisi quod omittant vocem *isto*, quam ex conject. adieci. Vulgo *si fecero* ex ora

Er. *Si dicero* (sic) ed. R. *Si dixero* ed. Ven. et Erasmi. cum Pal. 1, 2, 4, Col. *Si fecero vel dixero* ed. A. S. — Editio prisca: *si fecero vel direxero*. Lipsius emendat *si vixero*. *Ruhk.* — Int. Fortuna superior fiam, si isto omnem disciplinam direxero, ut illi superior fiam.

## EPISTOLA CXVIII.

### QUID SIT BONUM?

Exigenti a Seneca frequentiores epistolas amico respondet, se hoc munus defugere nolle, licet ille a promissis non steterit, et frequentiores missurum, non iuvenes, quales Ciceronis multæ sint, sed monitorum utilium uberes, atque sua potius quam aliena tractantes. Ideireo suadet, a fortuna nihil petere, nec ab ea pendere, sed privatam facere fortunam. Nam qui a fortuna pendent, per mala nituntur in malum, ignorantia veri et boni. Quærendum itaque est, quid sit bonum, quod alius alio modo fuiverunt et expresserunt, et quid ab honesto differat. Omne bonum secundum naturam est, nec tamen quidquid secundum naturam est bonum.

SENECA LUCILIO SUO SALUTEM.

Exigis a me frequentiores epistolas. Rationes conferamus<sup>1</sup>! solvendo non eris. Convenerat quidem, ut tua

1. *Rationes conferamus! Solvendo non eris* (supple per). Bene vertit

*Lagrange*: *Comptons ensemble, et vous vous trouverez insolvable.*

priora essent; tu scriberes, ego rescriberem. Sed non ero difficilis: bene credi tibi scio; itaque in antecessum dabo<sup>1</sup>. Nec faciam, quod Cicero, vir disertissimus<sup>2</sup>, facere « Attieum jubet, ut, etiam si rem nullam habebit, quod in buccam venerit, scribat. » Nunquam potest<sup>3</sup> deesse quod scribam, ut omnia illa, quæ Ciceronis implent *Epistolas*, transeam: « quis candidatus laboret; quis alienis, quis suis viribus pugnet; quis consulatum fiducia Cæsaris, quis Pompeii, quis arte petat<sup>4</sup>; quam durus sit fœnerator Cæcilius<sup>5</sup>, a quo minoris<sup>6</sup> centesimis propinqui nummum movere non possint<sup>7</sup>. » Sua satius est mala, quam aliena, tractare; se exequere, et videre, quam multarum rerum candidatus<sup>8</sup> sit, et non suffragari<sup>9</sup>. Hoc est, mi Lucili, egregium, hoc securum ac liberum; nihil petere, et tota fortunæ comitia transire.

Quam putas esse jucundum, tribubus vocatis, quum candidati in templis suis pendeant<sup>9</sup>, et alius nummos

1. *In antecessum dabo.* Fori verbum aut argentariorum: valet, solvere priusquam dies cesserit. Vide de Benef. IV, cap. XXXII. Lips.—Florus dicit Cheruseos Suevos et Sicambros bellum Romanis intulisse « adeo certa victoriæ spe, ut prædam in antecessum pactione dividerint. »

2. *Cicero, vir disertissimus*, ad Atticum pleraque ista libro I. Lips.

3. *Quis arte petat.* Sic c. A. Pal. 2, 3, Pine. Nec aliud debuerat ms. a. in quo arce; item Pal. 4, in quo quis Crassi arte. Olim aperte edd. ex R. ab se, ed. Gron. et sqq. ex Lipsii conjectura. Schæ.

4. *Quam durus sit fœnerator Cæcilius*, etc. Verba fere sunt Ciceronis ad Attic. Ep. 1, 32. Cæcilius erat Attici avunculus. Vide Cic. Ep. ad Att. I, 1. Ruhk.

5. *Centesimis* (intell. partibus sortis) sc. usuris: quum singuli asses in mensem solvantur pro centenis, unde suot duodeni in annum (12 procent.). Cf. Ernesti Clav. Cic. sub voce: *Centesimas.* Ruhk.—Si vera est Ruhk. interpretatio, erravit Lagrange qui vertit: *Cæcilius, de qui ses proches ne peuvent emprunter un écu, que sur le pied de cent pour cent.*

6. *Possint, a. c.* Alii vulgo possunt. Schæ.

7. *Multarum rerum candidatus.* Externarum et ianuarum: quas aspernetur iudicio et ratione, etsi opinio et inclinatio eo vocent. Lips.

8. *Et non suffragari*, nihil facere, nullarum rerum externarum et proinde ianuarum particeps fias. Ruhk.

9. *Quum candidati in templis suis*

pronuntiet, alius per sequestrem<sup>1</sup> agat, alius eorum manus osculis conterat<sup>2</sup>, quibus designatus contingendam manum negaturus est; omnes, attoniti, vocem<sup>3</sup> præconis expectant; — stare otiosum, et spectare<sup>4</sup> illas nundinas, nec ementem quidquam, nec vendentem? Quanto hic majore gaudio fruitur, qui non prætoria aut consularia comitia securus intuetur, sed magna illa<sup>5</sup>, in quibus alii honores anniversarios<sup>6</sup> pctunt, alii perpetuas<sup>7</sup> potestates, alii bellorum eventus prosperos triumphosque, alii divitias, alii matrimonia ac liberos, alii salutem suam suorumque! Quanti animi res est, solum nihil petere, nulli supplicare, et dicere: « Nihil mihi tecum, Fortuna! Non facio mei tibi copiam! sciò apud te Catones repelli,

pendeant, etc. Vides hic comitiorum mentionem eadem ratione habituram, qua tempore reipubl. liberæ habita sunt: nec adversatur Tacitus Annal. I, 15 comitia e campo in curiam translata: ubi de magistratibus a Senatu et non a populo creandis non nisi novo imperatore succedente, sermo est. *Templa* intelligam de rostris s. tabernis editoribus, ubi candidati, teste Macrob. I, Saturn. 16, p. 283 bip. consistebant, ut et conspici, et suos hortari non sine sollicitudine ac bene excipere possent, æque ac hodieque apud Anglos in ereandis senatoribus fieri solet. Cf. Schneider. ad Varron. de Re Rust. III, 2, 1. Flor. II, 19, ubi *templum*, i. e. tabernaculum occurrit. Lipsius exponit de templis Campo Martio vicinis, ad quæ candidatos divertisse et exitum comitiorum expectasse conjicit. Ruhk.

1. *Sequestrem*, non *sequestrum*, a. c. R. A. Schw. — Non pronuntiet aolum et promittat, sed nummos deponat et apud alium, fidei causa, consignet. Lips.

2. *Manus osculis conterat*, Vile et servile. Nam illi Dominis sic solent. Vide Electa nostra, lib. II, cap. de osculis. L. — De candidatorum ambitu conf. Adams I, p. 158 sq. Ruhk.

3. *Vocem præconis* qui creatum renuntiaret. Ruhk.

4. *Et spectare... vendentem*. Nota est vitæ cum mereatu comparatio a Pythagora jam instituta, ap. Cicéron. Quest. Tuscul. V, 3 ibiq. Davies p. 347 sq. R. — Nobis hæc non generaliter de vitæ, sed de emptione suffragiorum dicta videntur.

5. *Sed magna illa*. Totius mundi comitia, præside Fortuna. Ruhk.

6. *H. anniversarius* magistratus: nam Senece tempore magistratus honorarii e. c. consules suffecti a. minores creabantur in dies mensesve. *Anniversarii*. ordinarii in annum creati anno nomen dabant. Dio Cass. lib. XLVIII, 35. Ruhk.

7. *P. potestates*, i. e. regna, principatus: proprie munera summa provincialia. Cf. Ernesti clav. Cic. voc. *Imperium*. Ruhk.

Vatinios<sup>1</sup> fieri; nihil rogo! » Hoc est privatam<sup>2</sup> facere Fortunam. — Licet ergo hæc invicem scribere, et hanc<sup>5</sup> integram semper egerere materiam, circumspicientibus tot millia hominum inquieta; qui, ut aliquid pestiferi consequantur, per mala nituntur in malum, pctuntque mox fugienda, aut etiam fastidienda. Cui enim assecuto satis fuit, quod optanti nimium videbatur? Non est, ut existimant homines, avida felicitas<sup>3</sup>, sed pusilla: itaque neminem satiat. Tu ista credis excelsa, quia longe ab illis jaces; ei vero, qui ad illa pervenit, humilia sunt. Mentior, nisi adhuc quærit ascendere: istuc<sup>4</sup>, quod tu summum putas, gradus est. Omnes autem male habet ignorantia veri. Tanquam ad bona feruntur, decepti rumoribus: deinde, mala esse, aut inania, aut minora quam speraverint, adepti ac multa passi, vident; majorque pars miratur ex intervallo fallentia, et vulgo magna pro bonis sunt.

Hoc ne nobis quoque eveniat, quæramus, « quid sit Bonum! » Varia ejus interpretatio fuit: finivit hoc alius alio modo, alius illud aliter expressit. Quidam ita finiunt: <sup>8</sup> « Bonum est, quod invitat animos, quod ad se vocat. » Huic statim opponitur: Quid? si invitat quidem, sed in perniciem? scis, quam multa mala blanda sint. Verum,

1. *Vatinios*, scelestissimos homines: cf. de Constant. 17, 3. *R.* — *Vatinios*, tribonus plebis 8000 U. C. 695 *Cæsaris* partes maximo studio amplexus est: legem tulit *Vatiniam*, qua imperium *Cæsari* per quinque annos prorogabatur: quem ut *Cæsar* remuneraretur, ambitu fecit, ut ad præturam eveheretur, repulso *Catone*.

2. *Privatam* i. propriam, a fortuita non pendentem. *Ruhk.*

3. *Avida felicitas*. Idem de ea ait

ooster *Ep. xix*, 6: « Et avida felicitas est, et aliorum aviditati exposita. » Nunquam, ait, satiari potest, ideoque pusilla est, etc. *R.* — *Iot.* si homines semper nova petunt, ne illos ideo accuses aviditatis: nam quæ primum appetiverant ut felicitatem datura, tam reipsa pusilla erant, tam indigna votis hominum, ut oibilib mirum sit iis homines contentos non fuisse.

4. *Istuc* ms. a. quod idem valet ac vulgatum *istud*. *Schw.*

et verisimile, inter se differunt. Ita, quod bonum est, vero jungitur<sup>1</sup>; non est enim bonum, nisi verum est: at, quod invitat ad se et allicefacit<sup>2</sup>, verisimile est: <sup>3</sup>subripit, sollicitat, attrahit. — Quidam ita finierunt: « Bonum est, quod appetitionem sui movet; vel, quod impetum animi tendentis ad se movet. » Et huic idem opponitur: multa enim impetum animi movent, quæ petuntur petentium malo. — Melius illi, qui sic finierunt: « Bonum est<sup>4</sup>, quod ad se impetum animi secundum naturam movet, et ita demum petendum est<sup>5</sup>. » Quum cœpit esse expetendum, jam et honestum est; hoc enim est perfecte petendum. <sup>10</sup>Locus ipse<sup>6</sup> me admonet, ut, « quid intersit inter

1. *Ita, quod bonum est, vero jungitur.* Sic ms. a. ubi *Ita* valet *Itaque*, quod habent c. R. A. *Ita*, scilicet quoniam multa sunt quæ specie blanda ac falsa invitant. Vulgo sic distinguebant, *differunt ita. Quod bonum est, etc. S.* — *Vero jungitur.* Sequitur una eum Stoa Socratem, qui bonæ summam dixit esse sapientiam, bona malaque distinguere. Senec. Ep. LXXXI, 7. De bono multæ fuerunt definitiones inter se differentes. Cic. de Fin. III, 10. Vide Lipii Manuduct. II, 22, et Tiedemanni *System* III, 33 sqq. 37 sq. Sæpius jam boie questionem iudicavit Noster, c. c. Epistol. XX, LXI, LXIV, etc. De auctoribus harum definitionum nihil aliunde constat. *Ruhk.*

2. *Inlicitat se et allicefacit.* Volgo *allicit facit* ed. Mur. Lips. Gron. et Matth. ex Pinciani conject. *Allicere facit* c. A. R. Vero. et Er. quod revocavit *Ruhk.* In a. sic scriptum, *adlicer facit*: unde *allicefacit* corripui, suasio Groonvii, coll. Sueton. Vitell. c. XIV. Similiter formatam verbum *expavescere* vidimus apud

Nostram, Ep. LXXXV. Ejusdem formæ est *commonefacere*, communi sermone tritum. *Schw.*

3. *Subripit* ms. a. *Surripit* alii libri vet. *Subrepat* vulgo, ex Pinciani conjectura. *Schw.*

4. *Bonum est... naturam movet.* Cic. de Fin. III, 10: « Ego (Cato) assentior Diogeni, qui bonum definiere id, quod esset natura absolutum. » Diogenes fuit Babylonios, stoicus, quem Lælius audivit. Cf. Fabric. B. G. vol. III, p. 560. *Ruhk.*

5. *Et ita demum petendum.* Cato apud Cic. l. l. « Quum ab iis rebus, quæ sunt secundum naturam, ascendit animus collatione rationis, tum ad notionem boni pervenit. » *Ruhk.*

6. *Locus ipse, etc.* Nam cum bonum semper honestum conjunxisse Stoicos notum est vel e Cic. de Off. I, 5. Quum enim dicerent, bonum semper prodesse, ideoque expetendum et iustum et honestum (*καλόν*) esse, et nihil aliud in bonorum numero nisi honestum esse vellent, illud honestum et explicare et defendere debebant. Cui autem id docebat justi-



Bonum Honestumque, » dicam. Aliquid inter se habent mixtum et inseparabile : nec potest bonum esse, nisi cui aliquid honesti inest; et honestum utique bonum est. Quid ergo inter duo interest? *Honestum* est perfectum bonum, quo beata vita completur, cujus contactu alia quoque bona fiunt. Quod dico, tale est. Sunt quædam neque bona, neque mala<sup>1</sup> : tanquam militia, legatio, jurisdictio. Hæc, quum honeste administrata sunt, bona esse incipiunt, et ex dubio in bonum transeunt. *Bonum* societate honesti fit; *honestum* per se bonum est. Bonum ex honesto fluit; honestum ex se est. Quod bonum est, malum esse potuit; quod honestum est, nisi bonum esse non potuit.

Hanc quidam finitionem reddiderunt : « Bonum est, quod secundum naturam est. » Attende quid dicam : quod bonum est, secundum naturam est<sup>2</sup>; non protinus, quod secundum naturam est, etiam bonum est. Multa<sup>3</sup> quidem naturæ consentiunt; sed tam pusilla sunt, ut non conveniat illis boni nomen. Levissima enim sunt, et contemnenda; nullum est minimum<sup>4</sup> contemnendum bonum. Nam quam-

tia, constantia, temperantia et scientia. Diog. Laert. VII, 100. Cf. Tiedemann III, p. 58 sq. *Ruhk.*

1. *Neque bona, neque mala. Ea sunt, media. Lips.*

2. *Secundum naturam est. Perperam vulgo, et invitis mastis, et secundum nat. est : et deinde et bonum est, ubi etiam bonum est commode dederunt a. c. R. Schw.*

3. *Multa quidem naturæ vel. Bonum, ait, secundum naturam est, sed pervenit ad hanc suam proprietatem ipsa magnitudine. Dissensus, qui inter Nostrum et Cic. l. l. intercedit, ita conciliari fortasse potest :*

## IV.

quod bonum ait Noster, crescendo ad summum pervenit, atque tam neque angere neque minui potest : Cato contra ap. Ciceronem de summo bono loquitur, quod genere, non magnitudine cernatur. Vereor tamen, ut recte philosophantibus sententiam suam probaverit Seneca : non enim magnitudine, sed recto rationis, sine qua, ut ipse ait Ep. LXVI, 12, nullum bonum est, usum illud bonum cerui debet, si ceteros Stoæ auctores audias. *Ruhk.*

4. *Nullum est minimum contemnendum bonum. Sic a. c. R. A. Vulgo olim edd. nullum nec minimum; ed.*

diu exiguum est, bonum non est; quum bonum esse cœpit, non exiguum est. Unde agnoscitur bonum <sup>1</sup>? si  
 13 perfecte secundum naturam est. — Fateris, inquis, quod  
 bonum est, secundum naturam esse; hæc ejus propriet-  
 tas est: fateris, et alia secundum naturam quidem esse,  
 sed bona non esse. Quomodo ergo illud bonum est,  
 quum hæc non sint? quomodo ad aliam proprietatem per-  
 venit, quum utrique præcipuum illud commune sit, se-  
 14 cundum naturam esse? — Ipsa scilicet magnitudine. Nec  
 hoc novum est, quædam crescendo mutari. Infans fuit,  
 factus est pubes; alia ejus proprietas fit: ille enim <sup>2</sup> irra-  
 tionalis est, hic rationalis. Quædam incremento non tantum  
 in majus exeunt, sed in aliud. — Non fit, inquit, aliud,  
 quod majus fit: utrum lagenam an dolium impleas vino,  
 nihil refert; in utroque proprietas vini est: exiguum mel-  
 lis pondus, ex magno <sup>3</sup>, sapore non differt. — Diversa  
 ponis exempla: in istis enim eadem qualitas est; quamvis  
 15 augeantur, manent. Quædam, amplificata, in suo genere  
 et in sua proprietate <sup>4</sup> perdurant; quædam, post multa  
 incrementa, ultima demum vertit adjectio; et novam  
 illis, aliamque, quam in qua fuerunt, conditionem impri-  
 mit. Unus lapis fecit fornicem, ille qui latera inclinata  
 cuneavit, et interventu suo vinxit. Summa adjectio quare  
 plurimum facit, vel exigua? Quia non auget, sed implet.  
 Quædam processu priorem exuunt formam, et in novam

Rohk. nullum etiam minimum. S. —  
 Rohk. nititur nro Pinciani et tribus  
 palat. atque interpretatur suam lectio-  
 nem: minimum contemnendum bo-  
 num est nullum: Pincianus nullum  
 minimum: Erasmus nullum enim m.

1. Unde agnoscitur bonum? Un-  
 de aliquid cognosc. bon. edd. invitiis  
 matris. Schw.

2. Ille enim, a. c. A. Abest vulgo  
 enim. Schw.

3. Ex magno. Sic ms. a. et ed. R.  
 commode; sc. quod sumitur ex ma-  
 gno pondere. Et magnum edd. cum  
 c. A. cum quo parum convenit ver-  
 bum differt in sing. Schw.

4. Et in sua proprietate, a. c. A.  
 Perperam deest et edd. ex R. Schw.

transeunt. Ubi aliquid animus diu protulit, et, magnitudinem ejus sequendo, lassatus est, *infinitum* cepit vocari<sup>1</sup>; quod longe aliud factum est, quam fuit, quum magnum videretur, sed finitum. Eodem modo aliquid difficulter secari cogitavimus; novissime, crescente difficultate, *insecabile* inventum est. Sic ab eo, quod vix et ægre movebatur, processimus ad *immobile*. Eadem ratione aliquid *secundum naturam* fuit; hoc in aliam proprietatem magnitudo sua transtulit, et *bonum* fecit. Vale.

1. *Ubi aliquid animus... infinitum cepit vocari*. I. e. ubi animus diu aliquid in conspectum suum extulerit, ut in id inquirat, atque ejus magnitudinem ultra sequi non putaverit, exemplo sit tempus, æternitas, tunc illud infinitum cepit vocari. Ita, quæ finita videbantur, infinita sunt, et in novam exeunt formam: Exempla hæc illustrent, sed parum probant. Sed hanc argumentationem Senecæ propriam esse putaverim. *Ruhk.* — Hanc Senecæ recentiorumque empiristarum opinionem de infiniti rationis origine multi philosophi impugnaverunt, in primis Kantius illiusque asseclæ. Notum est nostrum *Fénelon* aliusque contendisse ideam infiniti e mundo exteriori sola amplificatione finiti nunquam nobis contingere po-

tuisse: ideam vero illam quasi divini numinis esse imaginem aliquam animo nostro impressam. Exclamat *Fénelon*, *Traité de l'existence de Dieu*, Part. II, chap. 2, arg. secundo: *Où l'ai-je prise cette idée qui est si fort au-dessus de moi, qui me surpasse infiniment, qui m'étonne, qui me fait disparaître à mes propres yeux, qui me rend l'infini présent? d'où vient-elle? où l'ai-je prise? dans le néant? Rien de ce qui est fini ne peut me la donner: car le fini ne représente point l'infini: donc il est infiniment dissemblable, etc.* Similia ejusdem vide, eod. lib. Part. I, c. 4, § 21. Cæterum quæstionem de infinito penitus tractatam vide ab *Ansillon*, *Essais de Philosophie*, in speciali tentamine.

## EPISTOLA CXIX.

DIVITEM ESSE, QUI CUPIDINIBUS IMPERAT.

Jocose promittit amico, ac docturum eum esse, quomodo fieri dives celerrime possit. Deinde movet, maximas esse divitias, quas a nobis ipsis petierimus, naturæ nihil negantes, quæ paucis contenta est, et supervacua dimittit. Tunc nobis nihil deerit, siue omniū rerum spectantibus, qui naturam non excedit; divitiarum desinere tunc non possunt, satis habebimus: pecunia autem uerminem fecit divitem. Ille contra, qui vulgo divites sunt, proprie pro pauperibus habendi sunt.

SENECA LUCILIO SUO SALUTEM.

QUOTIES aliquid inveni, non exspecto, donec dicas: *in commune*<sup>1</sup>! — ipse mihi dico. Quid sit, quod invenerim, quæris? *sinum*<sup>2</sup> laxa, merum lucrum est! Docebo, quomodo fieri dives celerrime possis; quod valde cupis audire, nec immerito: ad maximas te divitiarum compendiariorum<sup>3</sup> ducam. Opus erit tamen tibi creditore<sup>4</sup>; ut negotiari possis, æs alienum facias oportet: sed nolo per interces-

1. *In commune*. Sic Græci de rebus inventis et casu oblati dicere solebant, ἔργον κοινόν, notante Lipsio et Grouvio, qui laudat Phædri fab. V, 6, 3: «Eia, inquit (calvus), in commune, quodcumque est lucri.» Res nota et a multis, e. c. paroemiographis et iis, quos præter Burmannum Jacobs amicis. ad Bruuk. Anal. II, p. 269, XIII laudat, explicata. Ruhk. — Phurnutus, de Mercurio: «Si quis aliquid in itinere iuenerit, moris est profari: communi Mercu-

rio, qui certe rei inventæ conscius est, ut qui in viis versetur.»

2. *Sinum*. Togæ: similiter Horat. Serm. II, 3, 172: «Ferre sinu laxo.» *R.*

3. *Compendiaria* (sc. viâ) edd. cum *a. R.* et Pine. Conf. Ep. XXVII, nec male *compendiario* (sc. itinere) ed. Er. cum aliis apud Pineianum et Grui. coll. LXXIII, 250, 9. Perperam *compendiarie* ed. Ven. cum. c. *A. Schw.*

4. *Opus erit... creditore*. Quo? ipso te, ut arguendo subdit. *Lips.*

sorem mutueris, nolo proxenetæ<sup>1</sup> nomen tuum jactent. Paratum tibi creditorem dabo, Catonianum<sup>2</sup> illum : « A te mutuum sumes. » Quantulumcumque est, satis erit, si, quidquid deerit, id a nobis petierimus. Nihil enim, mi Lucili, interest, utrum non desideres, an habeas. Summa rei in utroque est eadem; non torqueberis. Nec illud præcipio, ut aliquid naturæ neges; contumax est, non potest vinci, suum poscit : sed, ut quidquid naturam excedit, scias precarium esse, non necessarium. Esurio; <sup>3</sup> edendum est : utrum hic panis sit plebeius<sup>3</sup>, an siligineus<sup>4</sup>, ad naturam nihil pertinet. Illa ventrem non delectari vult, sed impleri. Sitio; utrum hæc aqua sit, quam ex lacu proximo<sup>5</sup> excepero, an ea, quam multa nive clusero<sup>6</sup>, ut rigore refrigeretur alieno, ad naturam nihil pertinet. Illa hoc unum jubet, sitim extinguere : utrum sit <sup>4</sup> aureum poculum, an crystallinum, an murrheum<sup>7</sup>, an

<sup>1</sup> *Proxenetæ*. Græco nomine *πρωκτε-  
ντης*, qui est velut pararius, conciliator et interpres : qui partes contracturas medius ipse jungit. *Lips.*

<sup>2</sup> *Catonianum*. Teneat libri omnes, nisi quod per *th* scribunt ms. c. et ed. *A. Hecatonianum* conjectabat Pine. *Schw.* — *Catonianum* illum. Sc. creditorem. Nam M. Cato dixit : « Quod tibi deest, a te ipso mutuare. » Senec. de Benefic. V, 7 : « Te ipsum tibi paratum creditorem dabo, illum quem Cato dare solebat. » *Ruhk.*

<sup>3</sup> *Utrum hic panis... plebeius*. I. farreus : far autem est genus tritici durius ac ponderosius, domesticum Italie frumentum. Plin. 18, 7. Cf. Heynii Opuscul. academ. 1, p. 357. Schneideri Index ad Scriptt. Rer. rust. h. v. *Ruhk.*

<sup>4</sup> *Siligineus*. E tritico : tener et silig. conjungitur Ep. CXXIII, 2. Plin.

18, 8 tritici delicias vocat. Cf. Heynii Op. ac. 1, p. 358 et Schneideri Index laud. h. v. *Ruhk.*

<sup>5</sup> *Ex lacu proximo*. Propertius : « Ipsa petita læn nunc mihi dulcis aqua est. »

<sup>6</sup> *Clusero*. Sic Erasmi editio et romana : prætulerunt Lipsius et Grovovius : conveniunt palatini codd. mss. omnes. Pincianus codd. præstant *clisero*. Editio antiqua : *thisrove frigore*. *Ruhk.* — *Clusero*, a. *R. Elisero*. c. *A. Schw.* — *Clusero*. Aqua enim in vase circumdari uive solebat. *Ruhk.*

<sup>7</sup> *Murrheum*, ms. a. quod et debuerant c. *A.* in quibus *mirreum*. Nee male vulgo *myrrhinum* edd. vel *murrhinum*, ut ed. *Ruhk.* Perperam *vitreum* ed. *R. S.* — E murrina vasa, e. e. poenla murrhea, s. murrhina, confecta esse constat, sed quidnam fuerit, non satis comperit est. Ut

Tiburtinus calix <sup>1</sup>, an manus concava, nihil refert. Finem omnium rerum specta; et supervacua dimittes. Fames me appellat: ad proxima quæque porrigatur <sup>2</sup> manus; ipsa mihi commendabit, quodecumque comprehendero. Nihil contemnit esuriens.

- Quid sit ergo <sup>3</sup>, quod me delectaverit, quæris. —  
 5 Videtur mihi egregie dictum: « Sapiens divitiarum naturalium est quæsitō acerrimus. » — Inani me, inquis, lance muneris! Quid est istud <sup>4</sup>? Ego jam paraveram <sup>5</sup> fiscos; circumspiciebam, in quod me mare negotiaturus immitterem; quod publicum agitem; quas arcessem merces. Decipere est istud, docere paupertatem, quum divitias promiseris. — Ita tu pauperem judicas, cui nihil deest? — Suo, inquis, et patientiæ suæ beneficio, non fortunæ.

Christi, Rezzonici (Disq. Plin. To. II, p. 213), Leblondii (*Hist. de l'Acad. des Inscr.*, To. XLIII), Bruckmanni al. opiniones omitam, omnes fere in eo conveniunt, murrham genus quoddam agathi s. pseudopali s. quæ fuit b. Velthemii sententia, steatite siniei (*sinesischer Speckstein*) pretiosum fuisse. Duplex tamen species fuit, altera naturalis, quæ e terra effodiebatur, altera artificiose composita, instar floris vitrei. Cf. *Larcker, Histoire de l'Acad. des Insc.*, To. XLIII, cui assentitur Blumenbach (*Naturgesch.* p. 599 edd. VI, sed in ed. VII, aoni 1803 delevit B. istum locum, mutata forsitan sententia). Quum crystallum tum murrham misit Oriens; ex eadem terra effodimus, ait, Plin. 37, 2, qui utrumque describit. *Itahk.* — Plura vide in Excursu ad lib. VII de Benef. nostræ ed. vol. II, p. 695.

1. *Tiburtinus calix*. Fictilis. L. — Fictilia vasa Tibure facta esse, aliunde

non constat: Strabo V, 3, 11, lapicidinas memorat, sed marmoris, nunc travertino appellati: de terra s. creta figulina tacet. *Itahk.*

2. *Porrigatur*, a. c. A. Pine. Pal. 2, 3; *extendatur* ed. R. at seqq. *tendatur* ed. Lips. et seqq. invitis mastis. *Schw.*

3. *Quid sit ergo*, etc. De quo initio dixi: in commune debet proferri. L.

4. *Quid est istud?* Sic a. c. R. A. Perperam *Quid est illud inane?* ed. Er. Mur. et Lips. Tum, *Quid est illud in commune?* ed. Gron. Bip. et Ruhk. ex levi eooject. Lipsii. Istud inane corruptum erat ex *Jamne*, quod subiciebatur olim sic, *Jam ne ego parav.* vel *Jam ne parav.* ego: pro quo nos ex ms. a. dedimus, *Ego jam paraveram.* *Schw.*

5. *Ego jam paraveram*, etc. Ut vel argentariam exercendo, vel publica e. vectigalia redimendo, vel mercaturam faciendo dives fierem. Conf. Epist. et init. *Itahk.*

— Ideo<sup>1</sup> ergo illum non judicas divitem, quia divitiarum ejus 6  
desinere non possunt? Utrum majus<sup>2</sup>: habere multum, an  
satis? Qui multum habet, plus cupit; quod est argumen-  
tum, nondum illum satis habere: qui satis habet, con-  
secutus est, quod nunquam divitiis contigit, finem. An 7  
has ideo non putas esse divitias, quia propter illas nemo  
proscriptus est? quia propter illas nulli venenum filius,  
nulli uxor impegit? quia in bello tutae sunt? quia in pace  
otiosae? quia nec habere illas periculosum est, nec opero-  
sum disponere? An parum habet<sup>3</sup>, qui tantum non alget,  
non esurit, non sitit? Plus Jupiter non habet. Nunquam 8  
parum est, quod satis est: et nunquam<sup>4</sup> multum est, quod  
satis non est. Post Darium et Indos<sup>5</sup> pauper est Alexan-  
der<sup>6</sup> Macedo: mentior<sup>7</sup>; quaerit, quod suum faciat, scru-  
tatur maria ignota, in oceanum<sup>8</sup> classes mittit novas, et

1. *Ideo ergo... possunt.* Int. eos ergo solos divites putas, quorum divitiarum possunt desinere, ei sunt obnoxiae casibus.

2. *Utrum majus: habere multum,* etc. Sic a. c. *A. Perperam malis* ed. *H.* unde vulgo *Utrum malis habere,* etc. *Schw.*

3. *An parum habet,* etc. Sic edd. cum *H.* et *A.* Sed rectius videtur *At,* quod dabat ms. c. quod ipsum etiam debuerat ms. a. in quo *Ad,* frequentis permutatione litterarum *t* et *d.* Quare sic rescriptum malim: ... *At parum habet qui tantum non alget, ... non sitit, ... Plus Jupiter non habet.* Scilicet, *At parum habet,* etc. opponit alter; cui Seneca respondet, *Plus Jupiter,* etc. *Schw.* — *An parum habet, qui tantum non,* etc. I. qui prorsus non a., qui multa alia quidem non possidet, sed tamen non alget. Ita Cicero Epist. ad Attic. 14, 5 eos tantum non laudari, sed includi. Moneo

propter Plineianum, qui hujus significationis immemor legendum putabat: *qui tantum non, non alget,* i. e. qui fere non alget. *Ruhk.*

4. *Et nunquam multum est.* Copulam et, omissam vulgo, dedere veteres libri omnes. *Schw.*

5. *Post Darium et Indos.* Int. postquam Darii regnum Indorumque suum fecit.

6. *Alexander.* De Alexandro eoof. ad Ep. xci, 17. *Ruhk.*

7. *Mentior.* Quod aberat vulgo, adjectum ex more Senecae dedit ms. a. et unus probus cod. Piae. *Schw.*

8. *In oceanum* rel. Nearcho duce, cujus paraplumi s. itinerarium expressit Arrianus in Indicis egregie nuper illustratis a Vincentio: *the voyage of Nearchus from the Indus to the Euphrates,* etc. *London 1797:* hae expeditionis facta est anno 336 ante Christ. natum, qua Orbis nostri pars detegebatur tunc incognita: hinc mundi

ipsa; ut ita dicam<sup>1</sup>, mundi claustra perrumpit. Quod naturæ satis est, homini non est! Inventus est, qui concupisceret aliquid post omnia: tanta est cæcitas mentium, et tanta initiorum suorum unicuique, quum processit,  
 9 oblivio! Ille, modo ignobilis anguli<sup>2</sup> non sine controversia dominus, tacto fine terrarum<sup>3</sup> per suum rediturus orbem, tristis est.

Neminem pecunia divitem fecit: immo contra, nulli non majorem sui cupiditatem incussit. Quæris, quæ sit hujus rei causa? Plus incipit habere posse<sup>4</sup>, qui plus  
 10 habet. Ad summam, quem voles mihi ex his, quorum nomina cum Crasso Licinioque numerantur<sup>5</sup>, in medium licet protrahas; afferat censum, et, quidquid habet, et quidquid sperat, simul computet: iste, si mihi credis, pauper est; si tibi, potest esse. At hic, qui se ad id, quod natura exigit, composuit, non tantum extra sensum est  
 11 paupertatis, sed extra metum. Sed, ut scias, quam difficile sit, res suas ad naturalem modum coarctare; hic ipse, quem circa naturam dicimus, quem tu vocas pauperem, habet aliquid et supervacui. At excæcant populum, et in se convertunt opes, si numerati multum ex aliqua domo effertur, si multum auri tecto quoque ejus

*claustra per. et mox, post omnia lucem accipiant. Ruhk.*

1. *Et ipsa, ut ita dicam.* Sic com-mode c. A. R. Aberat vulgo *ipsa*. S.

2. *Ille modo ignobilis anguli.* Macedonia, non sine controversia: bella enim ei gereunda fuerant cum populis quibusdam vicinis, Triballis, Getis, Illyriis, Thebanis, etc. Res nota. R.

3. *Tacto fine terrarum.* Sic recte ms. a. Perperam *tanto fine terr. c.* A. R. unde inepte vulgo *de tanto fine*, etc. ex uno cod. Pinc. alius *toto*

(pro tacto) dabat. Schw. — Lipsius ait: divinet aliquis, *detecto*.

4. *Plus incipit habere posse.* Habere velle desiderasses; sed nil mutant libri. Schw.

5. *Quorum nomina cum Crasso Licinioque numerantur.* Speciosum erat quod dabat ms. a. cum *Crasso Licinioque*, et sic fere etiam c. a. R. Sed verum ulique videtur *Crasso*, quod ex Pinciani codd. receptum a Mur. Tum *Licinoque* vulgo edd. ab eodem Mur. ex Persio et Juvenali



illinitur<sup>1</sup>, si familia<sup>2</sup> aut corporibus electa, aut spectabilis cultu est! Omnium istorum felicitas in publicum<sup>13</sup> spectat<sup>3</sup>: ille, quem nos et populo et fortunæ subduximus, beatus introrsum est. Nam, quod ad illos pertinet, apud quos falso divitiarum nomen invasit occupata paupertas; sic divitias habent, quomodo habere dicimur febrem, quum illa nos habeat. E contrario dicere<sup>4</sup> solemus, « febris illum tenet: » eodem modo dicendum est, « divitiæ illum tenent. »

Nihil ergo monuisse te malim, quam hoc, quod nemo<sup>13</sup> monetur satis: ut omnia naturalibus desideriis metiaris, quibus aut gratis satisfiat, aut parvo. Tantum miscere vitia desideriis noli. Quæris, quali mensa, quali argento, quam paribus ministeriis<sup>5</sup> et lævibus<sup>6</sup>, afferatur cibus? Nihil, præter cibum, natura desiderat!

Nam tibi, quum fauces urit sitis, aurea quæris  
Pocula? num, esuriens, fastidis omnia, præter  
Pavonem rhombumque? ...

sed, ut in Senecæ libris, sic et apud Dinnum Cassinum LIV, 21 et apud Sueton. Octav. 67. *Licinius* vocatur ille Augusti libertus; cuius divitiæ, ut olim *Crassi*, in proverbium abierant. Cf. Nostrum Epist. CXX. *Schw.* — De Crasso omnia e Cicerone et Plutarchi vita nota. *Ruhk.* — Persius: « Nunc Licini in campos, nunc Crassi mittit in sedes. » Vetus Persii scholiastes asservavit epigramma in Licinum a Varrone factum: « Maronreo Licinæ tumulo jacet, at Cato parvo; Pompeius nullo: credimus esse Deos? »

1. *Illinitur.* De auro, quo vestes, marmora, etc., ornantur, vè *illinitre* in usu erat, termini, ut ita dicam, technici loco, quo græc. *βελτίον* expresserunt. Noneo, ne Lexicis credens, contemptus causa posita hæc

putes. Cf. Salmas. ad Script. Hist. Aug. T. II, p. 551. Nic. Heinsius ad Ovid. A. A. III, 232, quibus egregie usus est Bottiger ad Horat., IV Carm. 9, 14. *Ruhk.*

2. *Familia servorum.* *Ruhk.*

3. *Felicitas in publicum spectat.* Vulgo videtur felix, non est. Veritè *Lagrange*: *La félicité de ces riches n'est qu'extérieure.*

4. *Solemus.* Sic Erasmus. et omnes mss. Pincianus contra male emend. debemus. *Ruhk.*

5. *Quam paribus ministeriis.* *Sevius*, qui ministrabant, ætate aut colore paribus. De Brev. VII. c. 12, 1. *Lips.*

6. *Lævibus.* Glabris, ut alibi vocat, et siue pilis.

7. *Rhombumque.* Versus sunt Horatii Sat. I, 2, 113 sq. *Ruhk.*

- 14 Ambitiosa non est fames; contenta desinere est : quo desinat, non nimis curat. Infelicitis luxuriæ ista tormenta sunt : querit, quemadmodum post saturitatem quoque esuriat; quemadmodum non impleat ventrem, sed farciat; quemadmodum sitim, prima potione sedatam, revocet. Egrege itaque Horatius negat ad sitim pertinere, quo  
 15 poculo aqua, aut quam eleganti manu ministretur. Nam si pertinere ad te judicas, quam crinitus puer<sup>1</sup>, et quam perlucidum tibi poculum porrigat, non sitis. Inter reliqua, hoc nobis præstitit natura præcipuum, quod necessitati fastidium excussit. Recipiunt supervacua<sup>2</sup> dilectum. — Hoc parum decens; illud parum laudatum<sup>3</sup>, oculos hoc meos lædit! — Id actum est<sup>4</sup> ab illo mundi conditore, qui nobis vivendi jura descripsit, ut salvi essemus, non  
 16 ut delicati. Ad salutem omnia parata sunt, et in promptu : deliciis omnia misere ac sollicite comparantur. Utamur ergo hoc naturæ beneficio, inter magna<sup>5</sup> numerando; et cogitemus, nullo nomine melius illam meruisse de nobis, quam quia, quidquid ex necessitate desideratur, sine fastidio sumitur. Vale.

1. *Crinitus puer*. Qui a poculis, muliebri plerumque habitu erant, capillitio fluente et longo. Imo et alii Pædagogiani fuere pueri. Unde Martialis : « Crinitæ, Line, Pædage turbæ. » *Ruhk.* — Horatius de tali mollicello : « Discrimen obscurum solutis Crinibus, ambiguoque vultu. » Quorum minores erant divitiæ, aut luxuries, eodem habitu vestiebantur tonsosque capillos ferebant, ut videre est e Juvenali Sat. XI, 149 : « Idem habitus cunctis; tonsi rectique capilli Atque hodie tantum propter convivia pexi. »

2. *Dilectum*, non *delectum*, *n. c.*

*R. A.* Idemque infra *laudatum*, non (ut vulgo) *lautum*. *Schw.* — *La-grange* recte vertit : *On ne met de la recherche et du choix que dans les superfluités.*

3. *Par. laud.* His tangit Noster cœnæpitarum, aut comium convivarum ritus, singula fercula regis sui, quæ placuissent, laudantium : quæ sunt verba I. F. Gronovii in Obs. III, 14, p. 423 ed. Lips. quem videas. *Ruhk.*

4. *Id actum est... delicati.* Int. hoc voluit Deus nos salvos esse, non delicatos.

5. *Inter magna.* Supple : illius beneficia.

## EPISTOLA CXX.

## QUOMODO BONI HONESTIQUE NOTITIA AD NOS PERVENERIT?

Ut desiderio amici satisfaciatur, questionem, quomodo ad nos boni honestique notitia pervenerit, tractandam sibi sumit, et docet nihil esse bonum, nisi quod honestum sit, et quod honestum sit, utique bonum esse. Tunc credit ad istam questionem. Ac primum natura scientiam non dedit, sed semina scientiæ: non casu in virtutem incidere potuimus. Ratio analogiæ ope, observatione et rerum sæpe factarum inter se collatione, notitiam illam nobis peperit. Deinde similitudo, quæ inter virtutes et vitia intercedit, coegit nos attendere, ut hæc confinia distinguerentur: ita vitia observata sunt. Sequitur hinc observatio de viro sapiente, in quo perfecta virtus conspicienda est, quam in partes divisimus: quatuor inde virtutes ortum suum duxere, temperantia, fortitudo, prudentia, justitia. Unda virtus intellecta est, et illa beata vita. Hoc ipsum nobis apparuit in viro perfecto, cuius descriptio adiungitur.

Cf. Ep. CXVIII. Cicero de Finib. III, 10 sq. De Off. I, 5 et alias passim.

SENECA LUCILIO SUO SALUTEM.

EPISTOLA tua per plures quæstiunculas vagata est, sed in una constitit, et hanc expediri desiderat: « Quomodo ad nos Boni Honestique notitia<sup>1</sup> pervenerit? » — Hæc duo apud alios<sup>2</sup> diversa sunt, apud nos tantum divisa. Quid sit hoc, dicam. *Bonum* putant esse aliqui<sup>3</sup>, quod utile est: itaque hoc et divitiis, et equo, et vino, et calceo

1. *Notitia*. Sic Erasmus. et palat. omnes, et editio antiqua. Mur. e Pine. lectione antiqua: *prima notitia perv. Schwe.*

2. *Hæc duo apud alios*. E. c. Academicos et Peripateticos .... *apud nos Stoicos*. Vide Ep. CXVIII, 10. *Ruhk.*

3. *Bonum putant esse aliqui*. Se. Hæc tres disciplinæ sive sectæ Philo-

sophorum, quæ virtutem, ut Ciceronis verbis de Fin. III, 11 init. utar, a summo bono excludunt, Aristippi, Epicuri, Hieronymi, Carneadis. Cie. de Fin. II, 11; III, 9. Et Stoiei dixerent, bonum esse, quod utile sit sive non differat ab utilitate, ἀγαθόν ἐστιν ὁφελικόν, ἢ οὐχ ὑπερὸν ὁφελιστικόν. Conf. Tiedemann III, 35 *System. Ruhk.*

- nomen imponunt; tanta fit apud illos<sup>1</sup> boni vilitas, et  
 2 adeo in sordida usque<sup>2</sup> descendit. *Honestum*<sup>3</sup> putant,  
 cui ratio recti officii constat; tanquam, pie curatam pa-  
 tris senectutem, adjutam amici paupertatem, fortem ex-  
 peditionem, prudentem moderatamque sententiam. *Ista*  
 duo quidem facimus<sup>4</sup>, sed ex uno. Nihil est *Bonum*, nisi  
 quod honestum est; quod *Honestum* est, utique bonum.  
 Supervacuum judico adjicere, quid inter ista discriminis  
 sit, quum sæpe dixerim<sup>5</sup>. Hoc unum dicam, nihil nobis  
*bonum* videri, quo quis et male uti potest: vides autem,  
 divitiis, nobilitate, viribus, quam multi male utantur.  
 3 Nunc ergo ad id revertor<sup>6</sup>, de quo desideras dici:  
 « Quomodo ad nos prima Boni Honestique notitia perve-  
 nerit. » Hoc nos natura docere non potuit: semina nobis  
 scientiæ dedit, scientiam non dedit. Quidam aiunt, nos  
 in notitiam incidisse; quod est incredibile, virtutis alicui  
 speciem casu occurrisset: nobis videtur observatio colle-

1. *Tanta fit apud illos boni vilitas.* Sic Erasmus, editio antiq. et omnes palat. At Muretus: *tanta est ap. rel. Ruhk.*

2. *Ia sordida usque, a. c. A. Vulgo usque ad sordida, ex R. S.*

3. *Honestum... sententiam.* Ad media itaque referunt, quo officia, senectutem Stoicos, pertinere coostat. Enimvero Stoici aliter statuebant, quippe quos primos inter honestum et decorum distinxisse, nec bonum ab honesto separasse recte Cicero pronuntiavit. *Ruhk.*

4. *Ista duo quidem facimus.* Nempe nos Stoici. *Lips.*

5. *Quum sæpe dixerim.* E. c. in Epist. cxviii. *Ruhk.*

6. *Nunc ergo ad id revertor* rel. Quam Stoici demonstrassent, bonum honestumque esse, et differre ab of-

ficiis eo, quod hæc præscriptiones non nisi in breve tempus et quasi quotidie, illud bonum vero in totam vitam, et quod officia a primis naturæ oriantur, honestum autem bonumque illis adeo haud semel adversari videantur; ista quaestio, cui hic respondet Noster, coadunda venit, de qua jam inde a Socratis tempore disputaverant philosophi, utrum sapientia a natura sit an doceri possit. Platoni in Meone et Protagora placuit *δὴ αὖ ποτὶ ἄνθρωπον* nos in hac notitiam incidisse: Stoici tribuebant rationi. Cf. Cic. de Fin. III, 10, et Garve *Übersicht*, p. 69 sqq. Quoque autem modis fieri rerum utilitas dicebat Zeno apud Diogenem Laert. lib. VII, cap. 52 sq. quæ cum iis, quæ Noster posuit, bene conciliari possunt. *Ruhk.*

gisse, et rerum sæpe factarum inter se collatio : per *analogiam* nostri intellectum et honestum et bonum <sup>1</sup>judicant. Hoc verbum quum latini Grammatici civitate donaverint <sup>2</sup>, ego damnandum non puto, nec in civitatem <sup>3</sup>suam redigendum : utar ergo illo, non tantum tanquam recepto <sup>4</sup>, sed tanquam usitato. Quæ sit hæc *analogia*, dicam. Noveramus corporis sanitatem ; ex hac <sup>5</sup>cogitavimus, esse aliquam et animi. Noveramus corporis vires ; ex his collegimus <sup>6</sup>, esse et animi robur. Aliqua benigna facta, aliqua humana, aliqua fortia, nos obstupescerant ; hæc cœpimus tanquam perfecta mirari. Suberant illis <sup>7</sup>multa <sup>8</sup>vitia, quæ species conspicui alicujus facti fulgorque celabat ; hæc dissimulavimus. Natura jubet augere laudanda ; nemo non gloriam ultra verum tulit : ex his ergo speciem ingentis boni traximus. Fabricius <sup>9</sup>Pyrrhi regis aurum

1. *Per analogiam nostri intellectum et honestum et bonum judicant* (id est, Nostri Stoici iudicant, et honestum et bonum per analogiam intellectum ab hominibus esse) : sic plane et percommode *a. c. R.* nec aliud e suis codd. protulit Pinc. et consentiunt Gruteri codd. et ed. *A.* oisi quod in his perperam *intellectus* pro *intellectum* scribitur. Eadem quidem sententia, sed præter rationem motatis verbis ex Pinciaoi conjectura, in inde a Mur. sic edebatur : *per analogiam nostro intellectu et honestum et bonum judicante. Schw.*

2. *Civitate donaverint.* Jam Cicero alique hoc verbo, *Analogia*, usi sunt. Cf. Stephani Thesaur. L. I. *Ruhk.*

3. *Nec in civitatem suam.* I. e. græcam redigendum, repellendum. *R.*

4. *Non tantum tanquam recepto.* Vox tantum, quam libri omnes agno-

scunt, temere primum omissa erat in ed. maj. Elsev. 1673 et dein in aliis. *Schw.*

5. *Ex hac cogitavimus.* Sic b. l. *a. R.* et *cogitamus c. A.* non *collegimus*, ut vulgo. *Schw.*

6. *Collegimus.* Recte ed. Eras. et seqq. cum Pal. 1, 2. *Colligimus, a. c. R. A. Schw.*

7. *Suberant illis.* Quæ tanquam perfecta mirari cœperamus, etc. *R.*

8. *Fabricius rel.* Narrat hæc quoque eadem fere ratione Plutarchus in Pyrrhi vita, c. 20, 21. Livii mentio et narratio harum rerum injuria temporis periit. *Ruhk.*—Eutropius deo illa præclara Fabricii narrat Histor. Rom. brevior. lib. II, cap. 12 et 14. « Unum ex legatis Romanorum Fabricium sic admiratus (Pyrrhus), ut quum eum pauperem esse cognovisset, quarta parte regni promissa, sollicitare voluerit, ut ad se transiret : contemptusque a Fabricio est... In-

- repulit; majusque regno judicavit, regias opes posse contemnere. Idem, medico Pyrrhi promittente venenum se regi daturum, monuit Pyrrhum, caveret insidias. Ejusdem animi fuit, auro non vinci, veneno non vincere.
- 6 Admirati sumus ingentem virum, quem non regis<sup>1</sup>, non contra regem promissa flexissent, boni exempli tenacem; quod difficillimum est, in bello innocentem; qui aliquod casu crederet etiam in hostes<sup>2</sup> nefas; qui in summa paupertate, quam<sup>3</sup> sibi decus fecerat, non aliter refugit divitias, quam venenum. « Vive, inquit<sup>4</sup>, beneficio meo, Pyrrhe; et gaude, quod adhuc dolebas, Fabricium non
- 7 posse corrumpi. » Horatius Cocles solus implevit pontis angustias; adimique a tergo sibi redditum, dummodo iter hosti auferretur, jussit; et tam diu restitit prementibus, donec revulsa ingenti ruina tigna sonuerunt. Postquam respexit, et extra periculum esse patriam periculo suo
- 8 scnsit: « Veniat, si quis vult, inquit, sic euntem sequi! » deditque se in præceps; et non minus sollicitus in illo

terfecto anno, contra Pyrrhum Fabricius est missus.... Tum, quum vicina castra ipse et rex haberent, medicus Pyrrhi ad eam nocte venit, promittens veneno Pyrrhum occisurum, si sibi aliquid polliceretur; quem Fabricius vinetum reduci jussit ad domum, Pyrrhoque dici quæ contra caput ejus medicus spondisset. Tum rex admiratus eum, dixisse fertur: Ille est Fabricius, qui difficilior ab honestate, quam sol a cursu suo averti potest. » A. Gellius nobis servavit epistolam quam Fabricius de hoc ad Pyrrhum scripsit, plenam animi magnitudine.

1. *Non regis, non contra regem promissa.* Int. non promissa regis regnum offerentis, non promissa me-

dici contra regem, id est, regem se occisurum polliciti.

2. *In hostes.* Sic Erasmus, Mor. editio antiqua: Lipsius: *in hoste. R.*

3. *Quam.* Sic omnes palatini et editio ant. Erasmus tamen: *qua. R.*

4. *Vive, inquit... corrumpi.* Plutarchus conservavit epistolam a Fabricio et ejus collega Q. Emilio Coss. a. U. c. 474 ad Pyrrhum missam diversi argumenti: Neque amicorum videris, neque hostium esse felix iudex. Lectis, quæ ad nos missæ sunt, litteris, cognosces, te contra bonos et justos viros bellum gerere, perfidius et improbis habere fidem. Neque vero hæc nos, quo gratiam emereamur tuam, indicamus tibi, sed ne casus tuus aspergat maculam

rapido alveo fluminis, ut armatus<sup>1</sup>, quam ut salvus exiret, retento armorum victricium decore, tam tutus rediit, quam si ponte<sup>2</sup> venisset. Hæc et hujusmodi facta imaginem nobis ostendere Virtutis.

Adjiciam, quod mirum fortasse videatur: mala interdum speciem honesti obtulerunt, et optimum ex contrario nituit. Sunt enim<sup>3</sup>, ut scis, Virtutibus vitia confinia, et perditis quoque ac turpibus recti similitudo est. Sic mentitur prodigus liberalem; quum plurimum intersit, utrum quis dare sciat, an servare nesciat. Multi, inquam, sunt, Lucili, qui non donant, sed projiciunt; non voco ego liberalem, pecuniæ suæ iratum. Imitatur negligentia facilitatem, temeritas fortitudinem. Hæc nos similitudo coegit attendere, et distinguere specie quidem vicina, re autem plurimum inter se dissidentia. Dum observamus eos, quos insignes egregium opus fecerat, cœpimus annotare, quis rem aliquam gencroso animo fecisset et magno impetu. Sed semel<sup>4</sup> hunc vidimus in bello fortem, in foro timidum; animose paupertatem ferentem, humiliter iustitiam: factum laudavimus, contempsimus virum. Alium vidimus adversus amicos benignum, adver-

nobis, ut dolo videamur, quasi nequiverimus virtute, bellum pertrasse. *Ruhk.*

1. *Armatus.* Sento et gladio, *τὸν*. Cf. Cuperi Obs. I, 7 p. 43 ed. Lips. *Ruhk.* — «Tiberine pater, inquit, te, sancte, precor hæc arma et hunc militem propitio flumine accipias. Ita sic armatus in Tiberim desiluit; multisque superincidentibus telis incolumis ad suos tranavit, rem ausus plus famæ habiturum ad posteros, quam fidei.» Tit. Liv. lib. II, 10.

2. *Si ponte.* Sic Erasm. et codd. pars: Pincianus inde fecit: *si e ponte.*

Tres codd. et ed. antiqua: *si sponte.* *Ruhk.* — Tam tuto per aquam, quam si per pontem.

3. *Sunterim... similitudo est.* Idem observat noster de Clementia I, 3, 1. Cf. Corium ad Sallust. de B. Cat. c. XI. Propter hanc viciniam vitia interdum virtutum laudem accipiunt, imprimis apud adulatores: videt egregium hæc de re locum Platonis VII, 55 bip. Lucret. IV, 1154 sq. et quos laudat Jacobs amicis. ad Brunk. Anal. Animadv. Vol. III. P. III, p. 54. *Ruhk.*

4. *Sed semel hunc v.* Sic conjunxi

- sus inimicos temperatum, et publica et privata sancte ac religiose administrantem; non deesse ei in his<sup>1</sup> quæ toleranda erant, patientiam, in his quæ agenda, prudentiam: vidimus, ubi tribuendum esset, plena manu dantem; ubi laborandum, pertinacem et obnoxium<sup>2</sup>, et lassitudinem corporis animo sublevantem. Præterea idem erat semper, et in omni actu par sibi; jam non consilio bonus, sed more eo perductus<sup>3</sup>, ut non tantum recte facere posset, sed, nisi recte, facere non posset. Intelleximus in illo perfectam esse Virtutem. Hanc in partes divisimus: oportebat cupiditates refrænari, metus comprimi, faciendaprovideri, reddenda distribui: comprehendimus temperantiam, fortitudinem, prudentiam, justitiam; et suum cuique dedimus officium.

- Ex quo ergo Virtutem intelleximus? Ostendit<sup>4</sup> illam nobis ordo ejus, et decor, et constantia, et omnium inter se actionum concordia, et magnitudo super omnia effere[n]s sese. Hinc intellecta est illa beata vita<sup>5</sup>, secundo defluens cursu, arbitrii sui tota. Quomodo ergo hoc ipsum nobis apparuit? Dicam. Nunquam vir ille perfectus adeptusque virtutem, fortunæ maledixit; nunquam acciden-

hæc verba, quoniam antea esset: *impetu, sed semel. Hunc v. Fortasse erat: Sed simul h. v. Ruhk.*

1. *Non deesse ei in his.* Vulgo *ei et in his*, rursusque *infra et in his*. Utrobique voculam et ignorant veteres libri: in una ed. *R.* priore loco vocula ei perperam in et mutata erat. *Schw.*

2. *Pertinacem et obnoxium.* Volunt *obnoxium*, ego non mutem. *L.* — Obnoxius est qui tradit se cui rei, et sæpe libero opponitur. Cf. ad III de Ira 8, 1, 2. Ceterum sapientem hic delineari patet. *Ruhk.*

3. *Sed more eo perductus.* Quoniam in habitum scientia iverat. *Lips.*

4. *Ostendit... efferens sese.* Virtus ad se nos trahit, sua pulchritudine, suis illecebris: admirationem vel invitavit fecit.

5. *Hinc intellecta est illa beata vita* (de qua exstat Senecæ liber egregius) *secundo defluens cursu.* Cf. ad Ep. CXXI, 3. Est vitæ actionumque facilitas, quam Stoici uno verbo *εὐπορία* vocabant. Describit Noster Ep. CXXIV, 19. De Vita Beat., c. 3 et 4. Ep. XLV, 8. Menagius ad Diog. Laert. VII, 88. et Epictet. Dissertat.



tia tristis exceptit; civem esse se universi et militem credens<sup>1</sup>, labores, velut imperatos, subiit. Quidquid inciderat, non tanquam malum aspernatus est, et in se casu delatum, sed quasi delegatum sibi<sup>2</sup>. Hoc qualecumque est, inquit, meum est: asperum est, durum est; in hoc ipso navemus operam<sup>3</sup>. Necessario itaque magnus apparuit, qui nunquam malis ingemuit, nunquam de fato suo questus est: fecit multis intellectum sui<sup>4</sup>; et non aliter, quam in ténébris lumen, effulsit; advertitque in se omnium animos, quum esset placidus et lenis, humanis divinisque<sup>5</sup> rebus pariter æquus. Habebat perfectum animum, ad summam sui adductus, supra quam nihil est, nisi mens Dei, ex qua pars<sup>6</sup> et in hoc pectus mortale defluxit; quod nunquam magis divinum est, quam ubi mortalitatem suam cogitat, et scit, in hoc natum hominem, ut vita defungeretur; nec domum esse hoc corpus, sed hospitium, et quidem breve hospitium, quod relinquendum est, ubi te gravem esse hospiti videas.

Maximum, inquam, mi Lucili, argumentum est animi ab altiore sede venientis, si hæc, in quibus versatur, humilia judicat et angusta; si exire non metuit. Scit enim, quo exiturus sit, qui, unde venerit, meminit. Non vide-

1, 4, 1 sq. ed. Lips. ibiq. not. Ruhk.

1. *Civem esse se universi et militem credens*, etc. Respexisse videtur Socratem, quem non Atheniensem se esse dixisse constat, sed mundanum, et se cum milite comparasse: unde hæc comparatio postea ad Cynicos Stoicosque devenit. Egregie his usus est Epictetus in Dissert. 1, 9, ubi cf. Upton. Ruhk.

2. *Sed quasi delegatum sibi*. Vertit Lagrange: *Mais comme un ordre qui lui était adressé*.

3. *In hoc ipso navemus operam*.

Pronomen hoc recte adjectum dedere a. R. et Gruteri eod. Schw.

4. *Fecit multis intellectum sui*. Multa virtute sua innotuit et elarus factus est. Ruhk. — Scilicet eo viso multi intellexerunt quid esset virtus.

5. *Humanis divinisque*. Vulgo et *humanis divinisque*, contra quam a. c. R. A. Schw.

6. *Ex qua pars et in hoc*, etc. Stoicorum hæc est opinio, animos nostros ex illo divino delibatos esse. Vide no-

- mus, quam multa nos incommoda exagitant<sup>1</sup>, quam male nobis conveniat hoc corpus? Nunc de capite, nunc de ventre<sup>2</sup>, nunc de pectore ac faucibus querimur; alias nervi nos, alias pedes vexant; nunc dejectio<sup>3</sup>, nunc distillatio<sup>4</sup>; aliquando superest sanguis, aliquando deest; hinc atque illinc tentamur, et expellimur. Hoc evenire  
 17 solet in alieno habitantibus. At nos, corpus tam putre sortiti, nihilo minus æterna proponimus; et, in quantum potest ætas humana protendi, tantum spe occupamus; nulla contenti pecunia, nulla potentia. Quid hac re fieri impudentius, quid stultius potest? Nihil satis est morituris, immo morientibus: quotidie enim propius ab ultimo stamus; et illo, unde nobis cadendum est, hora nos omnis impellit. Vide, in quanta cæcitate mens nostra  
 18 sit! Hoc, quod futurum dico, quum maxime fit; et pars ejus magna jam facta est: nunc<sup>5</sup>, quod viximus tempus, eo loco est, quo erat, antequam viximus. Erramus autem, qui ultimum timemus diem, quum tantumdem in mortem singuli conferant. Non ille gradus lassitudinem facit, in quo defecimus, sed ille profitetur. Ad mortem dies extremus pervenit, accedit omnis. Carpit nos<sup>6</sup> illa, non corripit.
- 19 Idco magnus animus, conscius sibi melioris naturæ, dat quidem operam, ut in hac statione, qua positus est, honeste se atque industrie gerat: cæterum nihil horum,

stram Physiol. III, Dissert. VII. L.

1. *Exagitant*. Perperam *exagitant* edd. Schw.

2. *Nunc de capite, nunc de ventre*. Sic a. R. Vulgo inverse, *Nunc de ventre, nunc de capite*. Schw.

3. *Dejectio*. Nempe alvi. Ruhk.

4. *Nunc distillatio* (alii *destillatio*), i. e. catarrhus. Vide ad Ep. LXXVIII,

1. Cæterum hæc et sequentia sæpe jam

2. Nostro allata sunt, quippe quibus libenter immorari senex solget. Ruhk.

5. *Nam, quod viximus*. Scilicet tempus quod viximus in nihilum reversum est, in quo jacebat antequam viveremus: tunc non erat, nunc non est: utrobique igitur est nihilum.

6. *Carpit nos illa*. Paulatim mors

quæ-circa sunt<sup>1</sup>, suum judicat, sed ut commodatis utitur, peregrinus et properans. Quum aliquem hujus videremus constantiæ, quidni subiret nos species non usitata indolis; utique, si hanc, ut dixi, magnitudinem veram esse ostendebat æqualitas<sup>2</sup>? Veri tenor permanet, falsa non durat. Quidam alternis Vatinii, alternis Catones sunt: et modo parum illis severus est Curius, parum pauper Fabricius, parum frugi et contentus vilibus<sup>3</sup> Tubero; modo Licinium divitiis<sup>4</sup>, Apicium cœnis, Mæcenatem deliciis provocant. Maximum indicium est malæ mentis, fluctuatio, et inter simulationem virtutum, amoremque vitiorum, assidua jactatio.

..... Habebat sæpe dñeotos<sup>5</sup>,  
Sæpe deem servos: modo reges atque tetrarchas,  
Omnia magna, loquens: modo « Sit mihi mensa tripes, et  
Coneha salis puri, et toga quæ defendere frigas,  
Quamvis crassa, queat! » — Deries centena dedisses  
Huic parco, paucis contento; quinque diebus  
Nil erat in loculis...

Omnes isti tales sunt, qualem hunc describit Horatius<sup>22</sup>

ad se dueit, non impetu rapit. *Lips.*

1. *Quæ circa sunt.* Sic ms. a. eum ed. *Il.* et hoc satis erat. Conf. not. ad Ep. 111 (p. 57, not. 4 hujus ed.) *Quæ circa se sunt* ms. c. et ed. *A. Quæ circa ipsum sunt* ed. Er. et seqq. *Schw.*

2. *Æqualitas?* *Veri tenor permanet, falsa non durat.* Hæc est Gronovii conjectura, quam veram lectionem habeo. Erasmus: *utique si hanc, ut dixi, magnitudinem veram esse ostendebat. Qualitatis veræ tenor permanet*, etc. Codd. palatini ap. Gruter. *Qualitas vero tenera*, alius *qualitas vero tenet*, alius, *qualitas vere tenor*. Palat. tert. *ostendebat qualitas. Verus*

*tenor.* Editio antiqua: *ostendebat qualitas veritatis verus tenor perm.* — *Æqualitas.* Cf. § 12: « Ostendit illam nobis ordo ejus et decore, et constantia, et omnium inter se actionum concordia, etc. » *Ruhk.*

3. *Contentus vilibus.* Sic commode a. c. *R. Fictilibus* ed. *A. Vili* ed. Er. et seqq. *Schw.*

4. *Modo Licinium divitiis.* Sic c. *A. Pine. Pal. 3* et Col. *Perperam* li. 1, *Linum a.* et *R. Lucium Crassum* ed. Ven. et Er. *Licium* ed. Muret. et seqq. *Schw.*

5. *Ducentos.* Versus sunt Horatii *Serm. 1, 3, 11 sq.* in *Mare Tigellium Hermogenem*, musicum peri-

Flaccus<sup>1</sup>, nunquam eundem, ne similem quidem sibi; adeo in diversum aberrat. Multos dixi; prope est ut omnes sint. Nemo non quotidie et consilium mutat, et votum: modo uxorem vult habere, modo amicam: modo regnare vult; modo id agit, ne quis sit officiosior servus: modo dilatat se usque ad invidiam; modo subsidit, et contrahitur infra humilitatem vere jacentium: nunc pecuniam spargit, nunc rapit. Sic maxime coarguitur animus imprudens; alius prodit atque alius, et, quo turpius nihil judico, impar sibi est. Magnam rem puta, unum hominem agere<sup>2</sup>. Præter sapientem autem nemo unum agit; cæteri multiformes sumus. Modo frugi tibi videbimur et graves, modo prodigi et vani. Mutamus subinde personam, et contrariam ei sumimus, quam exuimus. — Hoc ergo a te exige, ut, qualem institueris præstare te, talem usque ad exitum servēs. Effice ut possis laudari; si minus, ut agnosci. De aliquo, quem heri vidisti<sup>3</sup>, merito dici potest: Hic qui est<sup>4</sup>? Tanta mutatio est. Vale.

tissimum et vncis eximiae, Cain Julii Cæsari et Cleopatraz acceptissimum, Augusto quoque Cæsari amicissimum, et sibi vel maxime imparē, et inconsistentem. *Ruhk.*

1. *Horatius Flaccus*. Posterius nomen, quod abest vulgatis edd. adjiciunt veteres libri omnes: et *R.* quidem præponit, reliqui autem postponunt. *Schw.*

2. *Unum hominem agere*. Facere, ut semper sis idem. Lipsius addit: qui finis est Zenonis, vita conveniens.

Vide *Manuduct.* II, 15. *Ruhk.* — At Mureti nota hic opportuna. Nam quod in sacris de Jobo scribitur: *fuit unus vir*, id ita Hieronymus interpretatur: non permobilis et instabilis ferebatur, sed firmus atque inconcussus persistens, erat vir unus in adversis et in secundis.

3. *Quem heri vidisti*. Mss. a. c. *A. dant here*, servata prisca verbi forma. Vulgo *quem vidisti heri*. *Schw.*

4. *Hic qui est?* Sic scripsi cum ms. a. Alii vulgo *quis*. *Schw.*

## EPISTOLA CXXI.

## OMNIA ANIMALIA HABERE INTELLECTUM SUI.

Questionem, an esset omnibus animalibus constitutionis suæ sensus, soluturus excusat conatum suum, quod tractet ea, quæ non ad mores spectare videantur, exemplo Posidonii et Archidemi, qui et ea tractanda esse pronuntiant, quæ licet hominem non meliorem faciant, tamen mores attingunt, quippe quos cognoscere non possis, nisi naturam hominis et quid ipsi optimum sit, antea inspexeris. Demonstrat deinde, omnibus animalibus constitutionis suæ sensum esse, id est, ea sponte et natura id facere, quod debeant, et cni nata sint, non aliter quam in boe erudita. Non ars, sed natura illis hanc partium et artuum agilitatem præstat: est spontaneus motus, non metus, dolorisve timor, nec principalis partis animi effectio, cujus sensus animalibus nec satis dilucidus, nec expressus est. Nec ratio quidquam efficit, omnia natura, quæ, simulatque nascuntur, statim scientiam rerum et utilium et perniciosarum iis præstat semper æqualem et nunquam crescentem. Exempla varia hoc docent.

In questionem hanc incidebant Stoici ratione philosophico-historica cupientes principia Ethicæ explorare. Quum enim hæc ratione in originem et naturam virtutis inquirerent historiam hominis et cæterorum animalium condeudo, amorem sui omnium primum a natura iis inditum esse statuebant. Ea autem, quæ huic amoris proposita sunt, appellabant prima naturæ. Placuit Stoicis, ait Cato ap. Ciceron. de Fin. III, 5 init. simulatque natum sit animal, hinc enim est ordiendum, ipsum sibi conciliari et commendari ad se conservandum et ad suum statum, et ad ea, quæ conservantia sunt ejus status, diligenda: alienari autem ab interitu, iisque rebus, quæ interitum videantur afferre. Quæ Catonis verba quin e græco conversa sint, noli dubitare. Cf. Diog. Laert. VII, 85 cum interpr. quum ad hoc locum, tum ad Cic. et Tiedemann *Syst.* III p. 17 sqq. et Garve *Übersicht* p. 57 sq. Defendere autem coacti sunt bene locum de conservatione sui, sive de studio cuiusque animali innato, suam constitutionem naturalem et notam, s. statum, conservandi, una cum Platonis et Peripateticis contra Aristippum Epicurumque, atque eorum asseclas, quippe qui non illam constitutionem ab animalibus, simulatque nata fuerint, queri affirmarent, sed unam voluptatem, quæ sub sensu cadat. Parum subtiliter de hoc philosophorum dissenso Tiedemannum, aliquin doctissimum Stoicæ philosophiæ interpretem, ut sæpe alias, disseruisse facile est ad intelligendum: qui quum nil nisi *λογιστικὴν*

eos pugnasse, sive verbis, non re, discessisse putaret, non advertit, tam discrimen omnino intercedere, tum a nobismet ipsis bodieque libenter statui et cuique non cupida observanti facillime occurrere. Instinctus enim ille naturalis, quem vocare solemus, hoc satis docet. Sed enim si conciliari facile potuisset illos dissidentes, modo ex utroque dogmate onum conflasset, contendisset Vir egregius, neminem, quin assentiretor, fore confido.

Cæterum consulas Reimari librum mea laude majorem: *Ueber die Kunsttriebe der Thiere*, iascriptum; ubi et hanc questionem egregie, ut solitus erat auctor præstantissimus, dum viveret, expositam videbis, et clara luce illustratam.

SENECA LUCILIO SUO SALUTEM.

LITIGABIS, ego video, quum tibi hodiernam questionunculam, in qua<sup>r</sup> satis diu hæsimus, exposuero: iterum enim clamabis, « Hoc quid ad mores? » Sed<sup>2</sup> exclama; dum tibi primum alios opponam, cum quibus litiges, Posidonium et Archidemum<sup>3</sup> (hi iudicium accipient<sup>4</sup>); deinde dicam, Non quidquid<sup>5</sup> morale est, bonos mores

1. *In qua... hæsimus.* Haud scio, utrum antea de hac questione collocuti sint, an Seneca in Moralibus suis conscribendis in eam incideret et inquireret, atque adeo adversariorum sententias excuteret: quare solito diotius hinc questionem immoratus esse videtur. *Ruhk.*

2. *Sed exclama; dum.* Sic Gruterus emendavit. Erasmo. *sed ad exclamandum.* Tibi primum op. cui codd. plerique adstipulantur. Ex uno cod. Pinciani Muretus dedit: *Sed exclamanti tibi primum alios opponam.* Quum duo codd. haberent: *Sed exclamandum tibi*, etc. Gruterus inde fecit: *Sed exclamandum, tibi*, etc. Melius instituta est a Lipsio al. interpunctio post: *exclama.* *Ruhk.*

3. *Archidemum.* Alii vocant eum Archedamum. Inter magnos Stoæ auctores refertur, cœvus Carneadis; vixitque ideo circa annum 600 nrbis

cond. Cf. Fabric. Bibl. gr. Vol. III, p. 540. *Ruhk.*

4. *Hi iudicium accipient.* Tanquam iudices ad sententiam ferendam. *R.* — Prorsus non hic est auctoris sensus: dicit eos iudicium accepturos, id est, sententiam tanquam fontes sortituros, quia illa questionecula ab illis posita et tractata fuit: si querelæ locus est, in illos veniat, hæc illi accipiant: et quum iram tuam in illos effuderis, tunc ego dicam, etc. Ideo nec Lipsium probamus qui interpretatur: non diffingent: litem tecum contestabuntur.

5. *Non quidquid... facit.* Egerunt enim Stoici in morali Philosophiæ parte de appetitione (ὁρμή), de bonis et malis, de affectibus a. perturbationibus (πάθη), de virtute, de principio morali (ἠθικόν), de prima æstimatione (πρὸς τὰς πρώτας ἀξιᾶς), de actibus, de officiis, de adhortationibus

facit. Aliud ad hominem alendum pertinet, aliud ad exep-  
cendum, aliud ad vestiendum, aliud ad docendum, aliud  
ad delectandum. Omnia tamen ad hominem pertinent,  
etiam si non omnia meliorem eum faciunt. Mores alia aliter  
atingunt. Quædam illos corrigunt et ordinant; quædam  
naturam eorum et originem scrutantur. Quum quæro,<sup>3</sup>  
quare<sup>1</sup> hominem natura produxerit, quare prætulero  
animalibus cæteris, longe me judicas mores reliquisse?  
Falsum est! Quomodo enim scies, qui habendi sint, nisi,  
quid homini sit optimum, invencris? nisi naturam ejus  
inspexeris? Tunc demum intelliges, quid faciendum tibi,  
quid vitandum sit, quum didiceris, quid naturæ tuæ de-  
beas. — Ego, inquis, volo discere, quomodo minus cu-  
pnam, minus timeam: superstitionem mihi excute; doce,<sup>4</sup>  
leve esse vanumque hoc, quod felicitas<sup>2</sup> dicitur; unam  
illi syllabam<sup>3</sup> facillime accedere! — Desiderio tuo satisfac-  
ciam, et virtutes exhortabor<sup>4</sup>, et vitia converberabo:

et dehortationibus. Cf. Diog. Laert. VII, 84. Atqui multos fuisse in origi-  
ne causisque horum locorum dis-  
quirendis constat: itaque non omnis  
hæc doctrina mores bonos facere po-  
tuit. Nec totus locus, qui est de officiis,  
quippe strictiori sensu, eos efficit,  
qui in primis ad cultum victumque  
spectat, ideoque continet quæ *ad ho-*  
*minem alendum*, etc. pertinent, et  
cætera quæ a Stoicis inter bona non  
numerantur. *Ruhk.*

1. *Quum quæro, quare*, etc. *Quum*  
*quæritur quare* add. inde ab Er. et  
verbum *quæritur* vel h. l. vel deinde  
post *produxerit* agnoscunt etiam non-  
nulli codd. Græteri; at deest prorsus  
id verbum *a. c. R. A.* Itaque absor-  
ptionem existimavi a voce *quare*, ab eis-  
dem litteris incipiente; sed brevius

olim *quæro* (in prima persona) scri-  
ptum fuisse judicavi; cum quo con-  
sentit, quod dein ait, *longe me judi-*  
*cas*, etc. *Schw.*

2. *Felicitas*. Sensu Epicureorum,  
Diog. Laert. X, 6: «Οὐ γὰρ ἔστιν ἔχον,  
ἐν νούῳ ἐκείνῳ, ἀπαρῶν μὲν τὰς διὰ  
χρῆς ἡδονὰς, ἀπαρῶν δὲ καὶ τὰς δι'  
ἀποδοτέων, καὶ τὰς δι' ἀπολαύσεων, καὶ  
τὰς διὰ μαργῆς, quæ sunt verba Epi-  
curei, conversa a Cicerone Tuscul.  
Qu. III, 18. *Ruhk.*

3. *Unam illi syllabam... accedere*.  
Scilicet syllabam *in*, ut felicitas fiat  
infelicitas. *Ruhk.*

4. *Et virtutes exhortabor*. Sic mas-  
et edd. vet. At Muretus a Pinciani  
conjectura præpos. arripuit scripsit-  
que: *ad virtutes*. Bene dici, *exhor-*  
*tari quem quid*, satis notum est. *R.*

licet aliquis<sup>1</sup> nimium immoderatumque in hac parte me  
judicet, non desistam persequi nequitiam, et affectus  
efferratissimos inhibere, et voluptates ituras in dolorem  
5 compescere, et votis obstrepere<sup>2</sup>. Quidni? quum maxima  
malorum optaverimus, et ex gratulatione natum sit quid-  
quid obloquimur<sup>3</sup>. Interim permitte mihi, ea, quæ paulo  
videntur remotiora, excutere.

Quærebamus, « An esset omnibus animalibus consti-  
tutionis suæ sensus? » Sensum autem esse, ex eo maxime  
apparet, quod membra apte et expedite movent, non ali-  
ter, quam in hoc erudita. Nulli non partium suarum agi-  
litas est<sup>4</sup>. Artifex instrumenta sua tractat ex facili; rector  
6 navis scit gubernaculum flectere; pictor<sup>5</sup> colores, quos  
ad reddendam similitudinem multos variosque ante se

1. *Licet aliquis... judicet.* Sæpius jam vidimus, a molli suo sæculo Senecam eo nomine fuisse reprehensum. *R.*

2. *Votis obstrepere.* Vota mortali-um coarguere.

3. *Et ex gratulatione... obloqui-mur.* Ex eo, quod votorum compo-siti facti, gratulationes exceperimus, quasi rebus bonis: at malæ illæ erant. *Lips.* — *Quidquid obloquimur.* I. de quo querimur. *Ruhk.* — Vertit *La-grange* timida quidem et de sensu du-bitans: *Puisque nous nous sommes félicités autrefois des mêmes événe-mens qui excitent aujourd'hui nos plaintes et nos murmures.* Sane sensus hic est; nisi quod ex gratulatione non designat, ut arbitramur, nos-metipsum nobis gratulatos esse, sed gratulationes exceperisse ab aliis. Idem interpretes notam Lipsii in hoc loco ob-scuritatis arguit, non immerito: nem-pe videtur Lipsius dicere, ea de qui-bus querimur nata esse ex eo quod gratulationes exceperimus, ita ut gra-

tulationes ipsæ ea peperissent de qui-bus nunc querimur; Seneca autem di-cere vult, ea de quibus querimur nata esse ex ipsis rebus quæ nobis fuerant materia gratulationum, ea ipsa quasi inter gratulationes ortum cepisse. In-de concise dicit ex ipsis gratulationi-bus nata esse.

4. *Nulli non partium suarum agi-litas est.* Int. Omnia nantur facile et agilitate partibus corporis sui.

5. *Pictor... comment.* Coloribus ce-lerissime utitur, eos ad pingendum eli-git et sumit, et inter ceram i. pugil-larem, et archetypum, quod depin-gere vult, facile comment. — Lipsius hæc notavit: *Turnebus* (*Adversar.* 24, 17) notat, eam esse faciem sive picturam: quia veteres *ceris* pingere solebant. Ceris dico varie coloratis. *Varro* (de Re rust. III, 17, 4, ibique cf. *Schneider.*): « *Pictores localatas ma-gnas habent arculas, ubi discolores sunt ceræ.* » — *Turnebus* itaque et *Lipsius* de pictura encausta cogitant,



posuit, celerrime denotat, et inter ceram opusque facili vultu ac manu commecat. Sic animal in omnem usum sui mobile. Mirari solemus saltandi peritos<sup>1</sup>, quod in omnem significationem rerum et affectuum<sup>2</sup> parata illorum est manus, et verborum velocitatem gestus assequitur. Quod illis ars præstat, his natura. Nemo ægre molitur artus<sup>3</sup> suos, nemo in usu sui hæsit; ad hoc edita protinus faciunt; cum hac scientia prodeunt, instituta nascuntur. — Ideo, inquit<sup>4</sup>, partes suas animalia apte<sup>5</sup> movent, quia, si aliter moverint, dolorem sensura sunt. — Ita, ut vos dicitis, coguntur; metusque illa in rectum, non voluntas, movet: quod est falsum. Tarda enim sunt, quæ necessitate impelluntur: agilitas sponte motis<sup>6</sup> est. Adeo autem non adigit illa ad hoc doloris timor, ut in 8

quam deperditam restituere voluerunt Caylus, Calan, Requeno, Hæckertus, Fabroni alique, successu hand infelici. Cf. Salmasius ad Vopisc. Aur. c. 45. Exereitat. plin. p. 163 sq. Durand ad Plin. p. 289 sqq. Hirt in *berlin. Monatsschrift für bildende Kunst*, anni 1789, p. 18 sqq. *Ruhk.*

1. *Saltandi peritos.* Sic Gronov. de conjectura. *Ms.* eodd. omnes et vet. edd. præstant, *satiat*; unus Erasmus, *satiat*. Unde Turnebus *Advers.* 26, 20, 30, 3; legedum putabat, *saltationis peritos.* Erasmus: *scenæ peritos.* In hac quam recepi Gronovii emendatione necumque arquescere possumus, dum meliora meliores eodd. nos edocuerint. Cæterum *saltandi* propius abest a *satiat*, quam *scenæ*, et de pantomimis soleme esse constat. — *Saltandi peritos.* I. e. pantomimos, qui sola gesticulatione ad tibiam fabulam aliquam sive comice sive tragice agerent, haud ab-similes iis, qui nunc mimicas saltationes, quas *Ballets* vocamus, agunt.

Cf. Lucianum *περί ὑπὸ κίρκου*; de saltatione hac. Loquaces pantomimorum manus hinc sæpius laudantur. Vide Jacobs ad *Anal. Brunkii*, *Anim.* II, 1. p. 309. Cicronis autem tempore Romæ hæc ars vigere cepit, et tanto fuit in honore sub imperatoribus, ut tragædiæ et comædiæ tantum non prorsus præ iis contemnerentur. Ipso Nero egit Turnum. Cf. Sueton. *Ner.* 54. Phœdri *fab.* V, 7. Loca veterum post Salmas. ad *Histor. Aug.* p. 496 collegit J. B. Carpuov. *Paradoxon stoicum*, etc. p. 86 sq. Alias vocat *artifices scenæ*; *Benef.* VIII, 20. *Ruhk.*

2. *Affectuum.* Sic recte *ms. a. c. R. A.* Perperam *effectuum* vulgo edd. *Schw.*

3. *Ideo, inquit*, Epicureus, quippe cui summa rerum erat voluptas. *R.*

4. *Apte movent.* Recte *a. c. A.* Perperam *movebunt* edd. ex *R. S.*

5. *Agilitas sponte motis est.* Sic commode *ms. a.* Tam *sponte motus*

- naturalem motum, etiam prohibente dolore, nitantur. Sic infans, qui stare meditatur et ferre se assuescit, simul tentare vires suas coepit, cadit; et cum fletu toties resurgit, donec se per dolorem ad id, quod natura poscit, exercuit. Animalia quædam tergi durioris, 'inversa, tamdiu se torquent, ac pedes exserunt et obliquant, donec ad locum reponantur. Nullum tormentum sentit supinata testudo: inquieta est tamen desiderio naturalis status; nec ante desinit niti, quaterere se<sup>3</sup>, quam in pedes constitit. Ergo omnibus constitutionis suæ sensus est, et inde membrorum tam expedita tractatio: nec ullum majus indicium habemus, cum hac illa ad vivendum venire notitia, quam quod nullum animal ad usum sui rude est.
- 10 « Constitutio<sup>3</sup>, inquit, est, ut vos dicitis, principale animi, quodam modo se habens erga corpus. » Hoc tam perplexum et subtile, et vobis quoque vix enarrabile, quomodo infans intelligit? Omnia animalia dialectica nasci oporteret, ut istam finitionem, magnæ parti hominum togatorum<sup>4</sup> obscuram, intelligant. — Verum erat, quod opponis, si ego ab animalibus constitutionis finitionem
- 11 intelligi dicerem, non ipsam constitutionem<sup>5</sup>. Facilius natura intelligitur, quam enarratur. Itaque infans ille, quid sit constitutio, non novit; constitutionem suam novit: et, quid sit animal, nescit; animal esse se sentit.

perperam c. *R. A.* Denique *spontaneus motus* ed. Ven. et seqq. *Schw.*

1. *Animalia... inversa*. I. quæ inverteris in tergum: exemplo est testudo. *Ruhk.*

2. *Quaterere se. Et quaterere se mallem.* *Schw.*

3. *Constitutio... intelligant.* Epieureorum est oppositio. Stoicorum autem definitio constitutionis (*συστά-*

*σις*) exprimit animi (τοῦ ἡγεμονικοῦ) vim ad corpus: τὸ ἡγεμονικὸν ἔχειν πῶς πρὸς τὸ σῶμα ἔστι ἡ σύστασις. *Ruhk.*

4. *Togatorum*. I. e. primorum civium. Nam hoc ipso, quod *togatos* dicit, *tunicata* plebi opponit. Illi autem primores (fuerunt tunc) fere docti. *Lips.*

5. *Non ipsam constitutionem. Facilius natura, etc.* Sic recte a. c. *A.*

Præterea ipsam constitutionem suam crasse intelligit, et summatim, et obscure. Nos quoque, animum habere nos scimus; quid sit animus, ubi sit, qualis sit, et unde, nescimus. Qualis ad nos pervenit animi nostri sensus, <sup>12</sup> quamvis naturam ejus ignoremus ac sedem; talis ad omnia animalia constitutionis suæ sensus. Necesse est <sup>1</sup> enim id sentiant, per quod alia quoque sentiunt: necesse est ejus sensum habeant, cui parent, a quo reguntur. Nemo <sup>13</sup> non ex nobis intelligit, esse aliquid, quod impetus suos moveat; quid sit illud, ignorat: et conatum sibi esse scit; quid sit, aut unde sit, nescit. Sic infantibus quoque <sup>2</sup>, animalibusque, principalis partis suæ sensus est; non satis dilucidus, nec expressus <sup>3</sup>.

Dicitis <sup>4</sup>, inquit, « omne animal primum constitutioni <sup>14</sup> suæ conciliari <sup>5</sup>; hominis autem constitutionem rationalem esse, et ideo conciliari hominem sibi, non tanquam animali, sed tanquam rationali: ea enim parte sibi carus est homo, qua homo est. » Quomodo ergo infans conciliari constitutioni rationali potest, quum rationalis non-

Perperam vulgo, *Nam ipsa constitutio facilius*, etc. Schw.

1. *Necesse est... sentiunt*. Eam constitutionem, quæ facit, ut alia quoque sentiant, sentire debemus; ejus aibi quamvis crasse conscia sint necesse est. Etiam sensum ejus habeant, cui parent, i. e. principalis suæ partis, τοῦ ὑποκειμένου, facultatis cogitandi, s. rationis, node reliquæ septem partes animi dependent. Ruhk.

2. *Sic infantibus quoque animalibusque*, a. e. R. A. Volgo *Sicut infantibus, sic quoque animalibus*, ead. inde ab Erasmo. Schw.

3. *Nec expressus*, a. e. R. A. Vulgo *non expressus*. Schw.

4. *Dicitis... nondum sit?* Opponit

Epicureus: falsum esse Stoicorum dogma hoc, quod, quum constitutio s. status a natura constitutus hominis sit rationalis, infans huic constitutioni rationali conciliari s. commendari a natura (οὐκ ἐκ φύσεως) non possit, quum nondum rationalis sit. Respondet, constitutionem esse diversam secundum ætatem, quæ isti statui conciliatur, apta redditur, manere tamen conciliationem semper eandem. Cf. Diog. Laert. VII, 85. Ruhk.

5. *Primum constitutioni suæ conciliari*. Vertit Lagrange: *Commence par se conformer à sa constitution*. Nempe quum posuit auctor animalibus sensum esse constitutionis suæ,

dum sit? — Unicuique ætati sua constitutio est; alia infanti, alia puero, alia seni. Omnes ei constitutioni conciliantur, in qua sunt. Infans sine dentibus est; huic constitutioni suæ conciliatur: enati sunt dentes; huic constitutioni conciliatur. Nam et illa herba, quæ in segetem frugemque ventura est, aliam constitutionem habet<sup>1</sup>, tenera, et vix eminens sulco; aliam, quum convalluit, et, molli quidem culmo, sed qui ferat<sup>2</sup> onus suum, constitit; aliam, quum flavescit, et ad arcam spectat<sup>3</sup>, et  
 16 spica ejus induruit: in quamcumque constitutionem venit, eam tuetur, in eam componitur. Alia est ætas infantis, pueri, adolescentis, senis; ego tamen idem sum, qui et infans fui, et puer, et adolescens. Sic, quamvis alia atque alia cuique constitutio sit, conciliatio constitutionis suæ eadem est. Non enim puerum mihi, aut juvenem, aut senem, sed me, natura commendat. Ergo infans ei constitutioni suæ conciliatur, quæ tunc infanti  
 17 est, non quæ futura juveni est. Neque enim<sup>4</sup>, si aliquid illi majus, in quod transeat, restat; non hoc quoque,

sequitur ut animalia eo sensu ducere se moveant, et constitutioni suæ se accommodent.

1. *Aliam constitutionem habet.* Perperam *alienam* edd. invitis mss. S.

2. *Qui ferat.* Recte vulgo edd. *Quod ferat* vett. libri nostri et Gruterus. Schw.

3. *Et ad arcam spectat.* Propter spicam maturescentem et plenam. Turnebus tamen *Adversar.* 26, 20 de arca cogitat, quo demessa tereudi strituræ causa deportari soleant: consentit quoque Lipsius. Ruhk.

4. *Neque... est.* Nam semper hoc majus, in quod transeat, secundum naturam est, s. a natura commendatur, aptum redditur ei. Ruhk. — Non

videtur Rnhkopflus auctoris sensum intellexisse. Negatio *neque enim* jungi debet alteri negationi, non hoc quoque; ut ambæ negativæ affirmativæ gignant; sensus est: etenim ideo quod iustus in aliquid majus transire debet, non inde sequitur statim illum in quo nascitur, non esse secundum naturam: vel per affirmativam; quamquam infans in majus transire debet, tamen statim in quo nascitur secundum naturam est: ideo bene vertit Lagrange: *Et s'il passe par la suite à un état d'accroissement plus grand encore, on ne peut pas en conclure que celui dans lequel il est né, n'ait pas été conforme à sa nature.*

in quo nascitur, secundum naturam est. Primum<sup>1</sup> sibi ipsi conciliatur animal; debet enim aliquid esse, ad quod alia referantur, Voluptatem peto: cui? mihi! ergo mei curam ago. Dolorem refugio: pro quo? pro me! ergo mei curam ago. Si omnia propter curam mei facio, ante omnia est mei cura. Hæc animalibus inest cunctis; nec inseritur<sup>2</sup>, sed innascitur. Producit fœtus suos natura, <sup>18</sup> non abjicit; et, quia tutela certissima ex proximo est, sibi quisque commissus est. Itaque, ut prioribus epistolis<sup>3</sup> dixi, tenera quoque animalia, ex materno utero, vel quoquo modo, effusa, quid sit infestum ipsis protinus norunt, et mortifera devitant; umbram quoque transvolantium reformidant obnoxia avibus rapto viventibus. Nullum animal ad vitam prodit sine metu mortis.

Quemadmodum, inquit<sup>4</sup>, editum animal intellectum <sup>19</sup> habere, aut salutaris, aut mortiferæ rei, potest? — Primum quæritur, an intelligat, non quemadmodum intelligat. Esse autem illis intellectum, ex eo apparet, quod nihil amplius, si intellexerint, faciant. Quid est, quare pavonem, quare anserem gallina non refugiat, quum tanto minorem, et ne notum quidem sibi, <sup>5</sup> accipitrem? quare pulli felem timeant<sup>6</sup>, canem non timeant? Appa- <sup>20</sup>

1. *Primum... animal.* Sc. a natura, ut se locatur: eo omnia alia referenda sunt. Sic Chrysippus Diog. Laert. l. l. « Τὸν δὲ πρῶτον ἀπὸ τοῦ ποῦ τὸ ζῷον ἵστανται ἐπὶ τὸ ποῦ τὸ αὐτὸ ἐκαστοῦ αὐτοῦ τῆς φύσεως ἀπὸ ἀρχῆς, κατέστησεν ὁ Χρυσίππος, κ. τ. λ. » Cf. Cicero de Offic. 1, 4. *Ruhk.*

2. *Hæc (cura)... nec inseritur.* E. c. institutione. *Ruhk.*

3. *Prioribus epistolis.* Sic ms. a. In prioribus epist. c. R. A. Vulgo in prioribus (absque epistolis) edd. a Mur. Schw.

4. *Quemadmodum, inquit.* Aliud Epicureorum argumentum repellitur, qui ideo, quod non viderunt, quomodo hoc fieri possit, colligere videntur, falsum quid a Stoicis proponi. Respondet itaque recte Seneca, animalia salutaris mortiferas res intelligere, etc. *Ruhk.*

5. *Accipitrem.* Vulgo accipitrem fugiat. Sed posterius verbum nec necessarium erat, et ignoravit illud a. c. R. A. Schw.

6. *Timeant, dederunt, a. c. R. A. Timeant* edd. Schw.

ret, illis inesse nocituri scientiam, non experimento collectam: nam, antequam possint<sup>1</sup> experiri, cavent. Deinde, ne hoc casu existimes fieri, nec metuunt alia quam debent<sup>2</sup>, nec unquam obliviscuntur hujus tutelæ et diligentiae: æqualis est illis a pernicioso fuga. Præterea, non fiunt timidiora vivendo. Ex quo quidem apparet, non usu illa in hoc pervenire<sup>3</sup>, sed naturali amore salutis suæ. Et tardum est, et varium, quod usus docet: quid-  
 21 quid natura tradit, et æquale omnibus est, et statim. Si tamen exigit<sup>4</sup>, dicam, quomodo omne animal perniciose intelligere conetur. Sentit se carne constare: itaque quum sentit<sup>5</sup>, quid sit, quo secari caro, quo uri, quo obteri possit, quæ sint animalia armata ad nocendum; horum speciem trahit inimicam et hostilem. Inter se ista<sup>6</sup> conjuncta sunt: simul enim conciliatur saluti suæ<sup>7</sup> quodque, et, quæ juvant, illa petit; læsura formidat. Naturales

1. *Possint*. Ms. a. *possent*. Schw.

2. *Non metuunt alia quam debent*. Int. non metuunt alia quam quæ debent metuere.

3. *In hoc pervenire*. Sic ex more Senecæ, dedere a. c. A. Vulgo *ad hoc*, ex R. Schw.

4. *Si tamen exigit* rel. Vereor, ut hæc explicatione *τοῦ* quemadmodum acquieverit Epicureus: et satius fuisset, eam omissem esse. Nam quomodo pulli, infantesque istud sentiant, quid sit quo secari caro, etc. possit, etiamsi sentiant se carne constare? Ruhk.

5. *Itaque quum sentit*,... quo obteri possit, quæ sint animalia, etc. Sic recte ms. c. et ed. A. Vulgo *Itaque sentit*,... quo obteri possit. Quæ sunt animalia, etc. Et sic quidem ed. R. et quum etiam caret ms. a. sed recte idem ms. a. dein quæ sint habet cum c. A. et Pal. 2, 3. et Col.

Fortasse pro *itaque* scribendum erat *ita quum*. Superest vero etiam vestigium hujus partiendi *quum* vel *cum* in Pal. 2, 3 et Col. in quibus *consentit* scribitur, quod ex *cum sentit*, etc. corruptum. Schw.

6. *Inter se ista*. Ruhk. explicat: Salutaria et mortifera; quæ explicatio tenebras, si quæ sint, excutere minime nobis videtur. Sensus est: Ista, nempe sentire quid sit quo caro secari potest, quæ sint animalia armata ad nocendum, etc. et mortifera pro inimicis habere, inter se conjuncta sunt; aliud ab alio necessario pendet.

7. *Conciliatur saluti suæ quodque, et, quæ juvant, illa petit*. Hæc ita ex facili conject. a nobis correctæ sunt. Vulgo *quidque: et quæ juvant*, etc. edd. ex R. *Quodque juvat, illa petit* dabant Pal. 2, 3 et Col. Mendose *quid quæ et juvant* ms. a. et sic fere etiam c. et A. Schw.

ad utilia impetus<sup>1</sup>, naturales a contrariis aspernationes sunt : sine ulla cogitatione, quæ hoc dictet<sup>2</sup>, sine consilio fit, quidquid natura præcepit<sup>3</sup>. Non vides, quanta sit subtilitas apibus ad fingenda domicilia? quanta<sup>4</sup> dividui laboris obeundi concordia? Non vides, quam nulli mortalium imitabilis illa aranei textura<sup>5</sup>? quanti operis sit, fila disponere, alia in rectum immissa firmamenti loco, alia in orbem currentia ex denso rara? quam minora animalia<sup>6</sup>, in quorum perniciem illa tenduntur, velut retibus implicata teneantur? Nascitur ars ista, non discitur.<sup>23</sup> Itaque nullum est animal altro doctius. Videbis araneorum pares telas, par in favis<sup>7</sup> angulorum omnium foramen. Incertum est et inæquale, quidquid ars tradit; ex æquo venit, quod natura distribuit. Hæc nihil magis, quam tutelam sui et ejus peritiam, tradidit; ideoque etiam

1. *Naturales ad utilia impetus, naturales a contrariis, etc.* Quatuor priora verba, quam deessent vulgo, dedit ms. a. Schw.

2. *Sine ulla cogitatione, quæ hoc dictet.* Quum deessent olim tria postrema verba, ex Gruterianis libris Ruhkopius adjecit quæ hoc dicit, quod et habent c. A. R. sed rectius dictet dedit ms. a. Schw.

3. *Præcepit, non præcipit, dedere veti. libri omnes.* Schw.

4. *Dividui laboris.* Noli hoc ita intelligere, quasi quæque manus apum separato operi s. muneris destinetur: sed de labore omnibus operantibus imposito et eo diverso, tempore etiam diverso capias. Primum enim omnes operantes apes simul alveum propoli circumliunt, tum favos faciunt, ut cellæ fiant, etc. Moneo, ne in eundem errorem incidas, quem errasse Buffonum docuit Reimarus: *Vornehmste Wahrheiten der natur-*

*lichen Religion*, p. 350 sqq. ed. IV. Ruhk.

5. *Imitabilis illa aranei textura.* Vulgo sit illa ed. ex R. sed ignorant verbum a. c. A. Aranci vero, non araneæ, ut alibi, sic et h. L dedit ms. a. rursusque infra araneorum. Schw.

6. *Quam minora animalia, etc. quibus malebam, sc. filis; aut quas, scil. textura, quaquam hoc voesb. longius abest. Sed quam teneat libri, quod idem valebit ac quo modo; cum quo congruit quod deinde scribitur teneantur, ubi vulgo quæ... teneant, commode quidem, sed ex Erasmi ingenio.* Schw.

7. *Par in favis.* Sic recte et percommode edd. ante Ruhk. cum a. c. R. A. et Pal. 2, 3. *In favis* ex tribus aliis Gruterianis recepit Ruhk. quod nemo facile probaverit. Schw. — At contra Ruhkopius: facile est, inquit, ad intelligendum præferendam esse lectionem, quam restituimus. Nam

simul incipiunt et discere et vivere : nec est mirum , cum  
 24 eo nasci illa , sine quo frustra nascerentur. Primum hoc  
 instrumentum illis natura contulit ad permanendum in  
 conciliatione et caritate sui. Non poterant salva esse , nisi  
 vellent : nec hoc per se profuturum erat <sup>1</sup> ; sed sine hoc  
 nulla res profuisset. Sed in nullo deprehendes vilitatem  
 sui <sup>2</sup> , ne negligentiam quidem. Tacitis quoque et brutis ,  
 quamvis in cætera torpeant , ad vivendum solertia est.  
 Videbis , quæ aliis inutilia sunt , sibi ipsa non <sup>3</sup> deesse.  
 Vale.

de illo foramine favorum omnium  
 silent rerum naturalium curiosi in-  
 vestigatores et veteres , et recentiores ,  
 quin alia omnia docent. Certa sunt ,  
 si ad araneas retuleris. *Ruhk.*

1. *Nec hoc per se profuturum erat.*  
 Quia necesse erat accedere quamdam  
 peritiam tutandi sui.

2. *Vilitatem sui.* I. e. vitæ con-  
 temptum , ut vilem se habeat. Sic  
 Noster de Clementia lib. 1 , cap. 3 :  
 « Nec hæc vilitas sui est aut dementia  
 pro uno capite tot millia excipere fer-  
 rum , etc. » *Ruhk.*

3. *Sibi ipsa non deesse.* Ipsa con-  
 solere vitæ.

## EPISTOLA CXXII.

### CONTRA EOS QUI NATURAM INVERTUNT.

Faceta lœtifugarum et eorum , qui naturam in vita degenda relinquunt ,  
 descriptio , quæ tamen acerbitate non caret , docet amicum , hos pravos et  
 sibi et omnibus aliis dissidere , propter vitæ communis fastidium. Tandem  
 monet , ut teneat viam a natura præscriptam , nec ab illa declinet.

SENECA LUCILIO SUO SALUTEM.

DETRIMENTUM <sup>1</sup> jam dies sensit : resiliit aliquantulum ; ita tamen <sup>2</sup> , ut liberalis adhuc spatium sit , si quis

1. *Detrimentum*, etc. Æstate in au-  
 tumnum transeunte scripta esse vide-  
 tur hæc epistola : inde *detrimentum*  
 s. jacturam explices quam dies fece-

rint , quom minuti sint , et lux tardior  
 facta sit. *Ruhk.*

2. *Ita tamen... exeat.* Dies quidem  
 minuitur , tardior lux est : tamen vel



cum ipso, ut ita dicam, die surgat, officiosior melior-  
que, quam<sup>1</sup>, si quis illum expectet, ut luce prima<sup>2</sup> exeat.  
Turpis<sup>3</sup>, qui alto sole semisomnus<sup>4</sup> jacet, cujus vigilia  
medio die incipit<sup>5</sup>: et adhuc multis hoc<sup>6</sup> antelucanum  
est. Sunt, qui officia lucis noctisque perverterint<sup>7</sup>, nec  
ante diducant<sup>8</sup> oculos hesternæ graves crapula, quam  
appetere nox cœpit. Qualis illorum conditio dicitur, quos  
natura, ut ait Virgilius, sedibus nostris<sup>9</sup> subditos e con-  
trario posuit,

Nosque ubi primus equis Oriens afflavit auleis,  
Illic sera rubens accendit lumina Vesper<sup>10</sup>:

talis horum contraria omnibus, non regio, sed vita est.  
Sunt quidam in eadem urbe antipodes, qui, ut<sup>11</sup> M. Cato  
ait, « nec orientem unquam solem viderunt, nec occi-  
dentem. » Hos tu existimas scire, quemadmodum viven-  
dum sit, qui nesciunt quando? Et hi mortem timent,  
in quam se vivi condiderunt; tam infausti<sup>12</sup>, quam noc-

sic satis longus est dies, si quis cum  
luce surgat, sed melioris officii causa,  
quam ut salutatum alios eat. Cujus?  
ut se curet, et saluum velit faciatque.  
*Lips.*

1. *Quam.* Quinque codd. pal. et  
editio antiqua non habent, et Tur-  
nebus advers. 26, 20, una cum Grut.  
damaat. Erasmus alique teuent.

2. *Ut luce prima exeat;* Pinciano  
debetur conjectura. Codd. et excusi  
omnes habent: et lucem primam  
exiit. *Ruhk.*

3. *Turpis... incipit.* Quoniam vita  
perfecto vigilia est; iudice Plinio in  
præfat. Hist. Nat. et revera plus vi-  
gilare, plus vivere est. *Ruhk.*

4. *Semisomnus, a. c. A.* Vulgo *se-  
misomnis* ex R. *Schw.*

5. *Incipit. Incepit,* ms. a. *Schw.*

6. *Hoc antelucanum est.* lot. hoc

tempus medii diei nondum lux est,  
sed quasi crepusculum.

7. *Perverterint, a. c. A.* *Pervertunt*  
edd. ex R. *Schw.*

8. *Diducant;* ms. a. *Deducant, e.*  
*A. R.* Vulgo legitur *diducunt.* *Schw.*

9. *Sedibus nostris* teuent veteres  
omnes. *Pedibus nostris* ed. Mur et  
*Lips. Schw.*

10. *Nosque... Vesper.* Ge. I, 250 sq.  
Si apud nos lucescit, illis, qui ter-  
ras australes habitant, sol occidit. *R.*

11. *M. Cato.* Major a. censor, cujus  
vitam descripsit Plut. et Coruel. Nep.  
Ubi hæc diserit ignoramus. Cicero  
de Fin. II, 8, de asotis: «... Qui so-  
lem, ut aiunt, nec decedentem un-  
quam viderint, nec orientem.» Conf.  
ibi iutpp. in edit. Rathii, quæ hoc  
ipso anno Halis Sax. prodit. *Ruhk.*

12. *Tam infausti.* Sic ms. a. *Tam*

turnæ aves sunt! Licet in vino unguentoque tenebras suas exigant; licet epulis, et quidem in multa fercula discretis<sup>1</sup> totum perversæ vigiliæ tempus educant; non convivantur, sed justa sibi<sup>2</sup> faciunt. Mortuis certe interdū parentatur. At, mehercules, nullus agenti dies longus est. Extendamus vitam! hujus et officium, et argumentum, actus<sup>3</sup> est: circumscribatur nox, et aliquid ex illa in diem transferatur! Aves<sup>4</sup>, quæ conviviis comparantur, ut inmotæ facile pinguescant, in obscuro continentur; ita sine ulla exercitatione jacentibus tumor pigrum corpus invadit, et sub ipsa umbra<sup>5</sup> iners sagina succrescit. Ita istorum corpora, qui se tenebris dicave-

*infausti homines, e. A. R.* postremo vocab. ex seholio adjecto. Inde vulgo tam *infausti omnis* ex Mureti connect. *Schw.*

1. *In multa fercula discretis.* Perperam *pericula* dahant vet. libri, ex quo *fercula* fecit Mur. bene. Quod admisit Schweigh. nisi quod scripsit *fericula*, propius a veteris scripturæ vestigiis, et prisca nominis forma; quales amat Noster. — *Discretis* ed. Ruhk. ex Pal. 1, 2, 3 et Col. *Discoctis* ms. a. et ed. R. et A. *Distortis* c. et ora Col. *Distinctis* eod. Pine. *Distinctis* ed. Mur. Lips. Gron. et Bipont. *Schw.*

2. *Sed justa sibi faciunt. Mortuis certe interdū parentatur. Justa sibi faciunt* Erasmus et unus pal. Cæteri omnes pal. et Pine., et editio antiqua: *sed busta s. f.* Muretus dedit *parentatur*, at Er. et quinque pal. nna eum ed. antiqua *parentantur*. Fortasse erat: *mortui e. i. parentantur.* *Ruhk.* — Noctū quidem epulæ horum hominum fiebant, qui his conviviis se ipsi quasi efferebant, ut adeo luce exorta, sive interdū parentatio eorum fieret, ad modum Pacuvii, de quo consulas Ep. XII, 8. Comparat

itaque has epulas, quæ luce prima finem cepere, cum inferiis, a. parentatilibus sacris, xōis, quæ mortuo ferri solebant ab amicis cognatisque, quom apud Græcos, tum apud Romanos. Noctū quasi justa sibi faciunt: sequitor parentatio. R. — Forsitan minus est difficilis sensus, et *sibi justa faciunt* significat eos jam defunctos esse, quoniam se quasi sepultos condunt, quum sol orbem illustrat; eosque nocturnis conviviis nihil aliqd facere quam funus suum celebrare. Eundem sensum reperias infra § 11. « Isti vero mihi defunctorum loco sunt, etc. » Quod seq. *Mortuis e. i. parentatur*, vertit Lagrange: *Cependant c'est de jour que les funérailles devraient se célébrer.*

3. *Actus.* Nam Stoicorum præceptum fuit, quod imperabat in actu mori. Ep. VIII, 1. *Ruhk.*

4. *Aves.* E. e. pulli columbini, anseres, etc. *Ruhk.*

5. *Sub ipsa umbra.* Sic scripsi cum ms. Pal. 4. *Superbam umbram* ed. Ven. et Er. *Super membra* ed. Mur. et sqq. cum Pal. 3. *Superba membra* ed. Ruhk. cum Pine. Palat. 2 et Col.

runt, fœda visuntur. Quippe suspectior<sup>1</sup> illis, quam morbo pallentibus, color est: languidi et evanidi albent, et in vivis caro morticina est. Hoc tamen minimum in illis malorum dixerim. Quanto plus tenebrarum in animo est? ille in se stupet, ille caligat, invidet cæcis<sup>2</sup>. Quis unquam oculos tenebrarum causa habuit?

Interrogas, quomodo hæc animo pravitas fiat, aversandi diem, et totam vitam in noctem transferendi? — Omnia vitia contra naturam pugnant; omnia debitum ordinem deserunt: hoc est luxuriæ propositum, gaudere perverſis; nec tantum discedere a recto, sed quam longissime abire, deinde etiam e contrario stare. Isti non videntur tibi contra naturam vivere, qui jejuni<sup>3</sup> bibunt, qui vinum recipiunt inanibus venis, et ad cibum ebrii transeunt? Atqui frequens hoc adolescentium vitium est, qui vires excolunt, ut, in ipso pæne balnei limine, inter nudos bibant, immo potent; ut sudorem, quem moverunt potionibus crebris ac ferventibus, subinde<sup>4</sup> dstringant. Post prandium aut cœnam bibere, vulgare est; hoc patres-

Ms. a. dat superba umbra. Schw.

1. *Quippe suspectior illis.* Cum Grut. et Gronov. e Pineiani exemplari, duobus palat. et edit. tarvisina dedi. Erasmus, editio antiqua et tras pal.: *Quippe non speciosior ill. q. R.*

2. *Ille caligat, invidet cæcis.* Int. animus caligans non contentus est, invidet iis qui omnino cæci sunt: nisi forsao sciosus sit: amal quæ obscura sunt.

3. *Qui jejuni bibunt.* Noster Epistol. LXXXVIII, 15, *jejunos vomitores* vocat, ubi cf. not. Ruhk. — Dignus adscribi Novatianus loens, qui et suo ævo dnrasse ostendit, in Epistola de cibis Judaicis: « Nec desunt, qui quum sibi christiani vocem induerint,

exempla præbeant intemperantiæ et magisteria; quorum eo usque vitia venerunt, ut et jejuni matutino tempore bibant: non putantes ebriitium esse potare post eibum, nisi in vaenas et inaoes adhoc veas infusa statim per (lego, post) vina descenderint. » Et addit elegantissime: « Videas ergo tales novo genere adbuc jejunos, et jam ebrios, non ad popinam currentes, sed popinam secum circumfereotes: quorum si quisquis salutet, non osculum dat, sed popinat. » Lips.

4. *Dstringant.* Strigilibus, quibus sordes et sudorem defricabant et lintea deinde tergebant. Græcis est ἀνεξέλεστος: Lips.

familiae rustici faciunt, et verae voluptatis ignari. Merum illud delectat, quod non innatat cibo, quod libere penetrat ad nervos; illa ebrietas juvat, quae in vacuum venit. Non videntur tibi contra naturam vivere, qui commutant cum feminis vestem<sup>1</sup>? Non vivunt<sup>2</sup> contra naturam, qui spectant<sup>3</sup>, ut pueritia splendeat tempore alieno? Quid fieri crudelius aut miserius potest? nunquam vir erit, ut diu virum pati possit? et, quum illum contumeliae sexus eripuisse debuerat, ne aetas quidem eripiet<sup>4</sup>? Non vivunt contra naturam, qui hieme concupiscunt rosam? fomentoque aquarum calentium, et calorum apta<sup>5</sup> imitatione, bruma lilium, florem vernum, exprimunt? Non vivunt contra naturam, qui pomaria in summis turribus<sup>6</sup> serunt? quorum silvae in tectis domorum ac fastigiis nutant, inde ortis radicibus, quo improbe cacumina egissent? Non vivunt contra naturam, qui fundamenta thermarum<sup>7</sup> in

1. *Commutant cum feminis vestem.* Qui ad mollitiem et luxum in coenis utuntur veste muliebri, Sericis Coisique. Cf. Lipsium ad Taciti An. III, 53. *Ruhk.*

2. *Non vivunt... alieno?* Intelligit, Lipsio interprete, divites, qui glabros suos ultra aetatem relinquebant, et ita Epist. XLVII, 5, scripsit: «Vini minister... eum aetate luetatur.» Ita et locum interpretatur Is. Casaubon. ad Jul. Sueton. c. 47. *Ruhk.*

3. *Spectant ut, etc.* Sic a. c. R. A. Vulgo *expectant.* *Schw.*—Lipsius et Casaub. ad Suet. Jul. 47, *expectant.* *Ruhk.*

4. *Ne aetas quidem eripiet. Eripit ms. a.* Præterea non aetas quidem c. R. A. *None aetas quidem* ms. a. sub quo quid latet non expato; nisi forte nunc ne aetas quidem. *Schw.*

5. *Calorum apta imitatione, bruma*

*lilium, florem vernum, exprimunt? Calorum apta mutatione a. R.* et deinde ed. Mur. et seqq. Sed *apta imitatione* ed. Ex. eum ms. e. et ed. A. *Brumalium* autem scribunt veteres omnes, quod in *bruma lilium* primus mutavit Mur. ex Pinciani conject. Nondum satis ad liquidum perductus videtur locus. *Schw.* — De re ipsa cf. Plin. XXI, 5. *Ruhk.*

6. *Pomaria in summis turribus... egissent?* Ille mos tam recens fuit, ut terra, super trabes sive fornices latericiorum aggregata, in tectis ædificiorum magnificorum summis et planis nemora suspenderentur. Cf. De Ira I, cap. ult. Plin. XV, 14. Jam Seneca pater Controvers. V, 5, ait: «Alunt in summisculminibus mentita uemora et navigabilium piscioarum freta.» R.

7. *Fundamenta thermarum.* Quod Bais, aut illo tractu, fiebat crebro. L.

mari<sup>1</sup> jaciunt, nec delicate natare ipsi sibi videntur, nisi calentia stagna fluctu ac tempestate feriantur? Quum instituerunt omnia contra naturæ consuetudinem velle, novissime in totum ab illa desciscunt. Lucet<sup>2</sup>; somni<sup>10</sup> tempus est! Quies est; nunc exerceamur, nunc gestemur, nunc prandeamus! Jam lux propius accedit; tempus est cœnæ! Non oportet id facere, quod populus; res sordida est, trita ac vulgari via vivere. Dies publicus relinquatur; proprium<sup>3</sup> nobis, ac peculiare mane fiat.

Isti vero mihi defunctorum loco sunt: quantulum cnim a funcre absunt, et quidem acerbo, qui ad faces et cereos vivunt<sup>4</sup>? Hanc vitam agere eodem tempore multos<sup>11</sup> meminimus, inter quos et Atilium Butam, prætorium; cui post patrimonium ingens consumptum, Tiberius, paupertatem confitenti, « Sero, inquit, expectatus es! » Recitabat Montanus Julius<sup>5</sup> carmen, tolerabilis poeta,

1. *In mari, non in mare, a. c. R. A. Schw.*

2. *Lucet.* Plura exempla lucifugorum horum exstant. Horat. l. Sermon. 3, 18, de Tigellio ait: « Noctes vigilabat ad ipsum Mane, diem totum stertebat. » *Ruhk.* — Lampridius de Helio-gabalo: « Trajereit et dierum ætus noctibus, et nocturnos diebus, æstimans hoc inter instrumenta luxuriam; ita ut sero de somno surgeret, et salutari inciperet, mane autem dormire inceptaret. » Tacitus de C. Petronio: « Illi dies per somnum, nox offensis et oblectamentis vitæ transigebatur. »

3. *Proprium.* Schw. *proprius* (sedes) nulla allata auctoritate.

4. *Qui ad faces et cereos vivunt?* Ad quos pueri, quum morerentur, solebant efferi. Vide de Brevit. vit. fin. et Lipsii Exercit. A. ad Taciti Annal. III. R. — Servius in *Æn.* II,

v. 143: « Moris Romani esse, ut impuheres noctu esserentur, ne funere immaturo sobolis domus funestaretur; quod præcipue accidebat in eorum, qui in magistratu erant, filiis. Ideo Virgilius Pallantis corpus facit excipi facibus, quia *acerbum* funus. » Nempe notum est verbum illud *acerbum* diei de funere immaturo eorum, qui ætatis in flore pereunt, per metaphoram ductam e fructibus ante maturitatem deceptis, qui acerbi sunt. E notis *Lagrange*.

5. *Montanus Julius.* Seneca pater melius de illo sentit in *Controvers.* I, 7: « Montanus Julius, qui comis fuit, quique egregius poeta, panilo honestius sentit. Scripsit heroos et elegos. » Ideoque cum Ovidius lib. IV, de Ponto, 16, 11 sq. laudat. L. — Vides hic firmari iudicium Quint. Inst. Orat. X, 1, 126: Senecam nun-

et amicitia Tiberii notus, et frigore<sup>1</sup>. *Ortus et occasus* libentissime inserebat<sup>2</sup>: itaque, quum indignaretur quidam, illum toto die recitasse, et negaret accedendum  
 12 ad recitationes ejus, Natta Pinarius<sup>3</sup> ait: « Nunquam possum liberalius agere; paratus sum illum audire ab ortu ad occasum. » Quum hos versus recitasset:

Incipit ardentem Phœbus producere flammam,  
 Spargere se rubicunda dies, jam tristis hirundo  
 Argutis<sup>4</sup> reductura cibos immittere nidis  
 Incipit, et molli partitos ore ministrat;

Varus, eques Romanus, M. Vinicii<sup>5</sup> comes, cœnarum bonarum assectator, quas improbitate linguæ merebatur,  
 13 exclamavit: « Incipit Buta dormire! » Deinde, quum subinde recitasset:

Jam sua pastores stabulis armenta locarunt,  
 Jam dare sopilis Nox nigra silentia terris  
 Incipit;

idem Varus inquit: « Quid dicit? jam nox est? ibo, et Butam salutabo<sup>6</sup>? » Nihil erat notius hac ejus<sup>7</sup> vita in

quam destitisse potiores incescere. *R.*

1. *Et frigore.* Quem ei amavit valde Tiberius, et postea fastidivit. Calor enim, amor est: frigus, remissio et neglectus. *Lips.*

2. *Ortus... inserebat.* Int. descriptiones ortus et occasus.

3. *Natta Pinar.* Occurrit inter Sejani clientes ap. Tacit. Ann. IV, 34. *R.*

4. *Argutis... nidis.* Propter pollo- rum garrulitatem, matrem cibosque expectantium. *Ruhk.*

5. *M. Vinicii. L. Ficinii* ex nno Pineiani codice edd. a Mur. Sed enim L. Vinicii ingenio (qui nec dicere ineptias, nec ferre potuisse perhibetur) parum convenit, quod Varus iste hujus comes vocatur a Seneca. Itaque *M. Vinicii* scripsi cum ms. a.

coi consentiunt c. *A.* et Gruteriani nonnulli; alii cum ed. *R.* prænomen omittunt, ac fortasse etiam in a. c. *A.* littera *m.* quæ ibi comparet, ad præcedentem vocem decurtatam *Roma*, pertinebat, non prænomen hominis significabat. *Schw.* — *L. Vinicii* summo loco nati, cujus fratri M. neptis Tiberii nupsit. Tacit. Ann. VI, 15. Seneca pater vocat eum virum exactissimi ingenii, qui nec dicere ineptias, nec ferre poterat, Excerpt. Contr. V, 7, p. 456 ed. Gron. Angustos eleganter de eo dixit: ingenium in numero habere. *Ruhk.*

6. *Salutabo.* Spectat ad officia antelucana. Virgil. Ge. II: « Mane salutantum totis vomit ædibus undam. »

7. *Ejus.* Scil. Butæ.

contrarium circumacta; quam, ut dixi, multi eodem tempore egerunt.

Causa autem est ita vivendi quibusdam, non quia aliquid existiment noctem ipsam habere jucundius, sed quia nihil juvat obivium; et gravis malæ conscientie lux est; et omnia concupiscenti aut contemnenti, prout magno aut parvo empta sunt, fastidio est lumen gratuitum. Præterea luxuriosi vitam suam esse in sermonibus, dum vivunt, volunt: nam, si tacetur, perdere se putant operam. Itaque male habent<sup>1</sup>, quoties faciunt quod excidat fama. Multi bona comedunt, multi amicas habent: ut inter istos nomen invenias, opus est non tantum luxuriosam rem, sed notabilem, facere. In tam<sup>2</sup> occupata civitate, fabulas vulgaris nequitia non invenit. Pedonem Albinovanum<sup>3</sup> narrantem audieramus (erat autem fabulator elegantissimus), habitasse se supra domum Sp. Papinii<sup>4</sup>: is erat ex hac turba lucifugarum. «Audio, inquit, circa horam tertiam noctis, flagellorum<sup>5</sup> sonos; quæro, quid faciat? dicitur rationes accipere<sup>6</sup>. Audio, circa horam sextam noctis, clamorem concitatum; quæro, quid sit? dicitur vocem exercere. Quæro circa octavam

1. *Itaque male habent, quoties faciunt, quod excidat fama.* Ita e duobus palat. restituit Gronov. rejecta Pinciani conjectura: *quoties non faciunt, quod excitet famam.* Excidere ausis, vita, uxore, i. e. carere, non obtinere, solemnî usu fuisse, constat e Lexiciis. *Ruhk.*

2. *In tam... non invenit.* De re vulgari et ea turpi nun fabulantur homines. *Ruhk.*

3. *Pedonem Albinovanum.* Poëtam heruicum: consulas de eo VVernsdorf. Puet. Lat. min. Tu. III, p. 123 sq. IV, 1, p. 34 sq. *Ruhk.*

4. *Papinii.* Sic primus edidit Lips. ex conjectura Pinciani, cujus cod. partim *Spopinii* dabant, partim *Spanii* (ut ms. a.) partim *Spa. Ponu.* Prorsus vitiose *spatii* ed. R. *Spuri Papirii* ms. c. et ed. A. *Schw.*

5. *Flagellorum sonos.* Nam diurna ante balneum videntur accepiisse: et tum servi, qui aliquid deliquissent interdum, vapulabant. Lauda Lipsius Jovenalem Sat. VI, 483 sq: «longi relegit transversa diurni, Et cædit, donec lassus cædentibus, Exi, Intu- nat burrendum.» *Ruhk.*

6. *Rationes accipere.* A servis: cu-

horam noctis, quid sibi ille<sup>1</sup> sonus rotarum vellet? *gestari* dicitur. Circa lucem discurretur, pueri vocantur, cellarii, coqui tumultuantur. Quæro quid sit? dicitur mulsum et alicam<sup>3</sup> poposcisse, a balneo exisse. — *Excedebat*, inquit, cœna ejus diem? — Minime! valde enim frugaliter vivebat; nihil consumebat, nisi noctem. Itaque, crebro dicentibus illum quibusdam avarum et sordidum: « Vos, inquit, illum et *lychnobium*<sup>5</sup> dicetis! »

Non debes admirari, si tantas invenis vitiorum proprietates: varia sunt, et innumerabiles habent facies; comprehendere eorum genera non possunt. Simplex recti cura est, multiplex pravi; et quantumvis novas declinationes capit.

<sup>13</sup> Idem moribus evenit: naturam sequentium faciles sunt, soluti sunt<sup>6</sup>, exiguas differentias habent; hi distorti plurimum cum omnibus, et inter se, dissident<sup>7</sup>. Causa tamen

rum agendi rationem judicare, ut sævial contra negligentes.

1. *Quid sibi ille... vellet? gestari dicitur.* Sic recte u. c. A. Vulgo, quis sit ille sonus rotarum? velle gestari dicitur. Schw.

2. *Gestari.* Essedo, sive rheda. Cf. Epist. xv, 6 et Lipsium in Epist. ad Ortel. III, XL. Ruhk.

3. *Mulsum et alicam:* hæc promulsis sive gustus erat, et sumebant sub ipsam cœnam. Ruhk. — Jungit et Martialis hæc duo: « Nos alicam, mulsum poterit tibi mittere dives. » « Alicam autem (ait Plin. XXII, 25) res Romana est, nec pridem excogitata; alioqui non pisanæ potius laudes scripissent Græci.... Esse autem exigue nilem nemo dubitat, sive elata detur ex aqua mulsa, sive in sorbitiones decocta, sive in pulcem. » Triplicem modum sumendi notes: fuit autem optumitritici pollen, et flos ipse. Lips. — *Lagrange* vertit, mulsum:

*du vin mêlé de miel; alicam: du gruau.* Vide atque in Excursu ad calcem hujus Epistolæ.

4. *Excedebat... diem?* Num tam laute et opipare cœnavit, ut diem suum, i. e. noctem, ultra lucis exortum protraheret? — *Inquit*, sc. Peto Albin. Ruhk.

5. *Lychnobium*, qui ad lucernam vivit. Lipsius assentitur Pineiaoo, allosum esse simul ad lychnobium (λεχνοβιον) quasi cupediarium et cattillonem. Ruhk.

6. *Soluti sunt.* Iot. liberi sunt omni sollicitudine, quippe qui vacui sunt hoc labore novæ quotidie delicias inveniendi, et naturæ cursum transvertendi. *Lagrange* bene: *Sans embarras.* — *Exiguas differentias habent*, nempe in eorum vitæ genere; nam sibi constant.

7. *Hi distorti plurimum cum omnibus, et inter se, dissident.* Hi distorti dedit solus ms. Col. His (puto,



præcipua mihi videtur hujus morbi, vitæ communis fastidium. Quomodo cultu se a cæteris distinguunt, quomodo elegantia cœnarum, munditiis vehiculorum; sic volunt separare etiam temporum dispositione. Nolunt solita peccare, quibus peccandi<sup>1</sup> præmium infamia est. Hanc petunt omnes isti, qui, ut ita dicam, retro<sup>2</sup> vivunt. Ideo, Lucili, tenenda nobis via est, quam natura præscripsit, nec ab illa declinandum. Illam sequentibus, omnia facilia et expedita sunt; contra illam nitentibus, non alia vita est, quam contra aquam remigantibus<sup>3</sup>. Vale.

moribus) *distorti*, a *R. A.* *His distorti* ms. c. *Ab his distorti* ed. Mur. et sqq. ex uno cod. Pinc. Gronovius probat *his distortis*. Dein *plurimum et omnibus inter se dissident* ed. *R. Plurimum*, et *omnibus et inter se* ed. Er. et sqq. cum ms. a. *Plurimum cum omnibus et inter se* ms. c. et ed. *A.* Rectius forsitan erat et *eum omnibus et inter se*. Schw.

1. *Quibus peccandi... est.* Qui nequitie suæ præmium in turpitudine collocant, et metam assecutos esse putant, quod sua peccata in ore hominum sunt: gaudent ipsa infamia et jactant. Sic Tacitus Ann. XI, 26 de Messalina, apud infamie prodi-

gos hanc ipsam novissimam esse voluptatem. *Ruhk.*

2. *Retro* v. Egregia Pinciani conjectura: codd. habent *recto*, sive *tetto*, s. *conversim*, s. *raperto*: editio ant. *non* v. *Ruhk.* — Vertit Lagrange: *Ceux qui vivent à rebours*.

3. *Non alia... remigantibus.* Int. idem faciunt in vita, quam quod faciunt in flumine qui remis cymbam agunt contra eorum fluminis. Virg. Ge. I, 201: « Non aliter quam qui adverso vix flumine lembum *Remigilis* subigit; si brachia forte remisit, Atque illum in præceps prono rapit alveus amne. » Conf. tom. I, p. 280, edit. nost. Ed.

## EXCURSUS

AD L. A. SENECAE EPISTOLAM CXXII, § 16, FIN.

## DE ALICA.

De vera *alica* natura inter doctos dubitatur. Gallicus interpres *Lagrange*, postquam in versione sua vocem banc interpretatus est *gruau*, in sua nota exponit varias de hac re opiniones. Quam notam ipsius verbis hic inseremus.

L'*Alica* est chez les Latins un terme générique qui signifie tantôt une espèce particulière de blé (Voy. Pline, *lib. XVIII*, cap. 7), tantôt la première fleur de la farine du froment, qu'on employait à différens usages, *optimi tritici pollen et flos ipse*; et tantôt la chose même qui résultait de ces différentes préparations. Pline distingue trois espèces d'*alica*: *Ita sunt alicæ tria genera* (*lib. XVIII*, cap. 11). Celse, en parlant des alimens qui nourrissent le plus, met dans la dernière classe certaines préparations de froment lavé, comme la fromentée (*alica*), le riz, l'orge mondé, la bouillie, et les breuvages faits avec ces mêmes choses, ainsi que le pain trempé dans l'eau: *Quum panificia omnia firmissima sint, eluta tamen quædam genera frumenti, ut alica, oryza, ptisana, vel ex lisdem facta sorbitio, vel pullicula, et aqua quoque madens panis, imbecillimis annumerari potest.* (De Medicin. l. II, cap. 18). Un commentateur de Martial dit que l'espèce de boisson appelée par les Latins *alica* ne diffère pas beaucoup de notre bière; mais c'est une conjecture, ou plutôt une assertion qui n'est fondée sur rien. D'ailleurs, comme Pline nous apprend qu'il y avait plusieurs manières de préparer l'*alica*, et de la donner ou passée à l'eau de miel, ou cuite sous forme de bonillon, ou en potage semblable à notre gruau, à notre bouillie, à notre semoule, ou, si l'on veut, à notre crème de riz; il est assez diffi-

cile de déterminer le sens de ce mot dans le passage de Sénèque, puisqu'il peut signifier l'une de ces trois choses. Voici les paroles de Pline, qui paraît d'ailleurs s'être trompé, en assurant que les Grecs n'avaient pas parlé de l'*alica*, dont les Romains doivent, selon lui, passer pour les premiers inventeurs. *Alica*, dit-il, *res Romana est, et non pridem excogitata: alioquin non ptisanæ potius laudes scripsissent Græci... Esse quidem eximie utilem nemo dubitat, siue eluta detur ex aqua mulsa, siue in sorbitiones decocta, siue in pultem.* (Nat. Hist. lib. XXII, cap. 25, pag. 796, tom. 2, edit. Varior.) Martial joint, de même que Sénèque, *mulsum et alicam*, dans l'Épigramme VI du livre XIII :

Nos alicam, mulsum poterit tibi mittere dives :

Si tibi noluerit mittere dives, eme.

Lister (*In Apic. lib. V, cap. 5, not. 2*) dit qu'en Afrique les Maures font encore un usage continuel de l'*alica* : il prétend, avec Galien, que l'invention n'en doit point être attribuée aux Romains, comme Pline l'assure ; mais plutôt aux Égyptiens, chez lesquels les Romains en prirent le goût et l'habitude, lorsque l'Égypte fut devenue, par l'immense commerce de blé qu'elle faisait avec Rome, un des principaux greniers de l'Italie. Pline convient que les Égyptiens savent aussi préparer l'*alica*, mais il trouve leur méthode très-mauvaise, et donne la préférence à celle qu'on suivait dans les différentes villes de l'Italie, et surtout dans la Campanie : *Sed inter prima dicatur et alicæ ratio præstantissimæ saluberrimæque : quæ palma frugum indubitanter Italiam contingit. Fit sine dubio et in Ægypto, sed admodum spernenda. In Italia vero pluribus locis, sicut Veronensi Pisanoque agro : in Campania tamen laudatissima... Alica fit e zea, quam semen appellavimus... Ex zea pulchrius, quam ex tritico, fit granum, quamvis id alicæ vitium sit.* (Nat. Hist. lib. XVIII, cap. 11.) Voyez tout ce chapitre, dans lequel Pline nous apprend beaucoup de choses curieuses touchant l'*alica* et ses différentes espèces.

## EPISTOLA CXXIII.

SIMPLICI VICTUI ASSUESCENDUM : SPERNENDOS VOLUPTATIS LAUDATORES.

Exponit amico, multa nocte se pervenisse lassum in villam suam, Albanum, ibique quam frugalissime degisse. Nam necessarium esse addit parvo assuescere, et rebus oblati hilariter uti, et maximam voluptatem præbere, si subtrahi tibi patiaris, sive consuetudini tue subito, ut experimentum animi sumas. Sic multa esse supervacua intelligimus, quæ æstimare magni solemus, consuetudine exempliæ abducti, non ratione compositi. Sed enim vitandi sunt, qui exempla talia nobis ingerere possint, et philosophia mala persuadere soleant, et in turpem vitam illidant. Multo satius est ea ineunda habere, quæ honesta sunt.

SENECA LUCILIO SUO SALUTEM.

ITINERE confectus, incommodo magis quam longo, in Albanum<sup>1</sup> meum multa nocte perveni. Nihil habeo paratum, nisi me. Itaque in lectulo<sup>2</sup> lassitudinem pono; hanc coqui ac pistoris moram boni consulo. Mecum enim de hoc ipso loquor, quam nihil sit grave, quod leviter excipias; quam indignandum nihil, nisi quod ipse<sup>3</sup> indignando adstruas<sup>4</sup>. Non habet panem meus pistor: sed habet villicus, sed habet atriensis, sed habet colonus.

— Malum panem, inquis. — Exspecta; bonus fiet! etiam illum tenerum tibi et siligineum fames reddet. Ideo non est ante edendum, quam illa imperet. Exspectabo ergo; nec ante edam, quam aut bonum panem habere cœpero,

1. In Albanum. Villam, baud longe dissitam a Roma: in qua regione Pompeius et alii villas habuere, eoque interdum secessere. Noster multas villas habuit, e. c. Nomentanum, Ep. CIV init. *Ruhk.*

2. In lectulo ms. a. Vulgo in lecto. S.

3. Nisi quod ipse. Sic. c. A. Abest quod edd. Perperam dum voces nisi et quod desunt ms. a. Schw.

4. Adstruas, augeas et indignatione dignum reddas. *Ruhk.*

aut malum fastidire desiero. Necessarium est, parvo assuescere. Multæ difficultates locorum, multæ temporum, etiam locupletibus et instructis [a nobis optatum prohibentes<sup>1</sup>] occurrent. Quidquid vult, habere nemo potest: 3 illud potest, nolle, quod non habet; rebus oblatis hilaris uti. Magna pars libertatis est bene moratus venter et contumeliæ patiens. Æstimari non potest, quantam voluptatem capiam ex eo, quod lassitudo mea sibi ipsa assuescit<sup>2</sup>. Non unctiones<sup>3</sup>, non balneum, non ullum aliud remedium, quam temporis, quæro. Nam, quod labor contraxit, quies tollit.

Hæc qualiscumque cæna aditali jucundior erit<sup>4</sup>. Ali- 4

1. *A nobis optatum prohibentes occurrent.* Nostra de conjectura emendata verba: de quo monere volui lectorem uncinis circumdatis, quos fidenter fortasse omittere potueram. Vulgo *a Diis optantem prohibent et occurrunt* ed. Lips. et seqq. ex ed. Er. Nam mire extra oleas vagatus erat Mur. *A nobis optantem prohibent et occurrunt* ed. R. *A duobus optantem prohibent et occurrunt* ms. a. *A diebus optantem*, etc. c. *A. Pincianus* e privato suo exemplo corrigendum censuerat *instructis aciebus optatum prohibentes occurrent.* Schw. — Corrupta sunt. Libri variant: meus, *locupletibus cum instructis duobus optantem*: occurrebat mihi, *a diis optatis*: si quis sagacior, promat. Nam Muretus hic obtenebrat: *instructis aciebus octavam prohibent*: videturque ad horam cænae referre, de qua non est sermo. Lips. — *Multæ... occurrunt.* Sensus huius loci impediti esse debet: tot tantasque difficultates occurrere etiam locupletibus, ut omnibus potiri nequeant, quæ optent. Auctioritudo suo Seneca enuntiationem

universalem, neminem, quidquid velit, habere posse. Ruhk.

2. *Assuescit* revocavi ex a. c. R. *A. Acquiescit* ed. Er. et seqq. Schw.

3. *Uctiones.* Commode unctiones ms. a. et Pal. 2, 3. Schw.

4. *Hæc qualiscumque cæna aditali jucundior erit.* Sic recte edd. ante Ruhk. consentientibus a. c. R. *A.* nisi quod pro *aditali* vitiose *adiali* habeat a. et R. *Attali* vero c. et *A.* Mire vero ed. Ruhk. *hoc qualiscumque cæna dissolvit, quæ aditali jucundior erit.* Nempe verbum *dissolvit* ex scholio, ad præcedens tollit spectante, alieno loco in contextu posuerat scribæ codicum nonnullorum Gruterianorum. S. — At Ruhkopflus: Sic, inquit, plerique codd. legendum esse iudicant: differunt nonnisi in eo, quod legunt: *dissolvit quæ* s. *quam Attuli*, sive, *quæ tuli.* Etiam *cena Attali* habet editio ant., et unus eod. Pincianus, cui placebat. Tò *dissolvit* omittit unus pal.: deest quoque tum ap. Muret. qui habet: *hæc qualiscumque cæna aditali jucundior erit*, tum ap. Erasmus,

- quod enim experimentum<sup>1</sup> animi sumpsi subito : hoc enim est simplicius et verius. Nam ubi se præparavit, et indixit sibi patientiam; non æque apparet, quantum habeat veræ firmitatis : illa sunt certissima argumenta, quæ ex tempore<sup>2</sup> dedit; si non tantum æquus molesta, sed placidus, aspexit; si non excanduit, non litigavit; si, quod dari deberet, ipse sibi, non desiderando, supplevit; et cogitavit, aliquid consuetudini suæ, sibi nihil deesse.
- 5 Multa, quam supervacua essent, non intelleximus, nisi quum deesse cœperunt. Utebamur enim illis, non quia debebamus, sed quia habebamus. Quam multa autem paramus, quia alii paraverunt, quia apud plerosque sunt! Inter causas malorum nostrorum est, quod vivimus ad exempla; nec ratione componimur, sed consuetudine
- 6 abducimur. Quod, si pauci facerent, nollemus imitari, quum plures facere cœperunt (quasi honestius sit, quia frequentius), sequimur; et recti apud nos locum tenet error, ubi publicus factus est. Omnes jam sic peregrinantur, ut illos Numidarum<sup>3</sup> præcurrat equitatus, ut agmen cursorum antecedit : turpe est, nullos esse, qui

qui habet : *cæna Diali*, probante Lipsio, qui cepit de Jovis epulo in Capitolio §. 6. — *Cæna... adituali*. Cf. ad Ep. xciv, 41. *Ruhk*.

1. *Aliquod enim experimentum... sumpsi subito*. Perperam *Aliquando enim* vulgo: lum *subitum* edd. commode quidem, sed refragantibus *a. c. R. A.* qui in *subito* consentiunt. Mox hoc enim est *simpl.* dederunt idem libri cum Grut. Abest vulgo *enim*, nec id male. *Schw.* — Int. potui experiri animum meum subito, quum non se præparavisset ad patiendum; atqui hoc experimentum ad quod subito et imparati accedimus multo verius est,

quam illud ad quos venimus præcedenti cogitatione muniti. Inexpectata enim nos quales vere simus probant.

2. *Ex tempore*, i. e. illico, statim ac tempus, occasio, postulavit.

3. *Numidarum*. Nam prava ambitione, scilicet, ob famam veterem Numidiei equitatus, tales in itinere adesse sibi divites isti volebant, et agmen ducebant. Notavi et firmavi exemplis ad II Tacit. Hist. *Lips.* — *Numidarum*. Cf. ad Epist. lxxxvii, 8. Eandem aut similem luxuriam hodieum observare licet apud homines divitiis affluentes Angliæ, etc. *R.*

occurrentes via dejiciant<sup>1</sup>, ut qui<sup>2</sup>, honestum hominem venire, magno pulvere ostendant. Omnes jam mulos<sup>3</sup> habent, qui crystallina et murrhina<sup>4</sup>, et cælata<sup>5</sup> magnorum artificum manu, portent: turpe est, videri eas te habere<sup>7</sup> sarcinas totas<sup>6</sup>, quæ tuto concuti possint. Omnium pædagogia<sup>7</sup> oblita facie<sup>8</sup> vehuntur, ne sol, neve frigus, teneram cutem lædat; turpe<sup>9</sup> est, neminem esse in comitatu puerorum, cujus sana facies medicamentum desideret<sup>10</sup>.

Horum omnium sermo vitandus est: hi sunt, qui vitia<sup>8</sup> tradunt, et alio aliunde transferunt. Pessimum genus horum hominum<sup>11</sup> videbatur, qui verba gestarent<sup>12</sup>: sunt

1. *Turpe est... dejiciant.* Sibi dedecori esse potant nobilissimi illi qui se solos honestos dicunt, nolos tales præcursores habere. *Ruhk.*

2. *Ut qui,* ms. a. Pin. et ed. Er. Abest vulgo *ut*, abjectum a Mureto, Pinciani suavis. *Et qui dabant e. A. Ut quam* ed. R. Schw.

3. *Mulos,* bene habet. Pincianus tamen *famulos* prætulit, forsitan memor Horat. I, Sermon. 6, 109.

4. *Qui crystallina et murrhina.* Cf. ad Ep. CXIX, 4. *Ruhk.*

5. *Cælata vasa,* aurea, argentea, fortasse quoque vitrea, ut h. l. nam τὸ καλὰ propr. syn. est τοῦ τιμίου, de aoglypbis, quæ formantur et funduntur. Cf. Schneideri Lexic. græc. voc. τιμίου. *Ruhk.*

6. *Sarcinas totas.* Posterior vox aberat editis, præter rationem et in vitis libris abjecta a Mur. Multa atque inter istorum hominum sarcinas erant, quæ tuto concuti poterant, sed non omnia ejus erant generis. *S.*

7. *Pædagogia.* Sunt poeri, qui in deliciis habebantur. Cf. ad Vit. Beat. c. XVII, 2. *Ruhk.*

8. *Oblita facie,* succo aut offa, sive alio contra solem medicamento, ne tenera cotis scilicet læderetur, aut nigresceret. *Lips.*—Othonem pane madido se linere quotidie consuevisse, narrat Sueton. c. 12. Cf. Jovenal. II, 107, VI, 461 sqq. cum notis Casach. ad Sueton. et Ruperti ad Jovenal. II.

9. *Turpe... desideret,* i. turpe iis videtur, si quisquam sit inter pueros, cui non ita delicata facies, ut oblini necesse habeat. *Ruhk.*

10. *Medicamentum desideret.* Ita Erasmus et boni codd. ap. Grut. et Pin. tres palat. m. non d. *Ruhk.*—*Medicamentum.* Sic appellat Jovenal. de feminis, VI, 472: «Tot medicaminibus, coctisque siliiginis offas Accipit et madidæ, facies dicitur an oleus?» Tertullianus de Virgin. velandis: «Et faciem morosiorum lavacro maeerant, forsitan et aliquo eam medicamento interpolant.» *Lips.*

11. *Genus horum hominum.* Abest horum edd. et abesse poterat; sed adjectum voluere libri vet. omnes. *S.*

12. *Qui verba gestarent.* Calumniatores, susurriones, linguaces delatio-

quidam, qui vitia gestant. Horum sermo multum nocet : nam, etiam si non statim officit<sup>1</sup>, semina in animo relinquit; sequiturque nos, etiam quum ab illis<sup>2</sup> discessimus, resurrecturum postea malum. Quemadmodum<sup>3</sup>, qui audierunt symphoniam, ferunt secum in auribus modulationem illam ac dulcedinem cantuum<sup>4</sup>, quæ cogitationes impedit, nec ad seria patitur intendi : sic adulatorum et prava laudantium sermo diutius hæret, quam auditur ;  
 9 nec facile est, animo dulcem sonum excutere : prosequitur, et durat, et ex intervallo recurrit. Ideo cludendæ<sup>5</sup> sunt aures malis vocibus, et quidem primis : nam, quum initium fecerunt admissæque sunt, plus audent. Inde ad hæc pervenitur verba : « Virtus<sup>6</sup>, et philosophia, et justitia, verborum inanum crepitus est : una felicitas est<sup>7</sup>, bene vitæ facere, esse, bibere, libere frui patrimonio : hoc est vivere ; hoc est, se mortalem esse me-

res, qui verba perire non patiuntur, sed ab altero ad alterum gestant, ut odia perpetuent. *Ruhk.*

1. *Officit.* Muretos dedit ex ooo Pinc. cod., cui accedit unus pal. At Erasmus, et tres pal. habent : *proficit.* cod. Col. *perficit*, cui assentitur ed. antiqua. *Ruhk.*

2. *Discessimus.* Sic recte libri veteres ; non *discesserimus.* *Schw.*

3. *Quemadmodum... intendi.* Notus est Platonis in Menexeno c. 2 similis ei Nostro fortasse obversatus locus de mortuorum laudibus, quibus Socrates ait, aures suas ita personare, ut vis, quarto aut quinto die sui recordetur. Conf. *Ruhken.* ad Timæi Lexic. v. ἰσχυρὸς λόγος, p. 100 ed. II. *Pl.*

4. *Cantum* ms. a. Perperam *cantum* alii. *Cantus* edd. *Schw.*

5. *Cludenda*, a. A. Vulgo *claudenda.* *Schw.*

6. *Virtus... malle.* Oratio Epicureis personatis digna contra Stoicos, rigidos philosophiæ et virtutis defensores ! *Ruhk.*

7. *Una felicitas est, bene vitæ facere, esse, bibere.* Sic ms. a. cui consentiunt c. A. nisi quod io his est *edere*, pro *esse*. Tum *libere frui patrimonio* dedere c. A. sed *libere* ignorat ms. a. et *libere* pro *libere* habet ed. R. Quare rectius abjicietur vox *libere*. Languide vulgo : *una felicitas est, bona vitæ* (sive, ut ed. *Ruhk.* *est bonæ vitæ*), *facere omnia libere, frui patrimonio.* *Schw.* — At *Ruhk.* defendit lectionem suam : Sic, inquit, *Erasm.* et plurimi codd. Alii tamen ap. *Pioe.* habebant : *una felicitas est bonæ vitæ, facere, esse, bibere, frui p.* quibus assentitur ed. antiqua. *Muretus* dederat : *Una felicitas est, bona vitæ, etc., ex ingenio.* Illa *Sardana-*



minisæ. Fluunt dies <sup>1</sup>, et irreparabilis vita decurrit : <sup>10</sup>  
 dubitamus ? Quid juvat sapere <sup>2</sup>; et ætati <sup>3</sup>, non semper  
 voluptates recepturæ <sup>4</sup>, interim, dum potest, dum <sup>5</sup>poscit,  
 ingerere frugalitatem <sup>6</sup>? ultro mortem præcurrere, et,  
 quidquid illa ablatura est, jam sibi interdicere <sup>7</sup>? Non  
 amicam habes, non puerum, qui amicæ moveat invidiam;  
 quotidie sobrius prodis; sic cœnas, tanquam ephemerid-  
 em <sup>8</sup>patri approbaturus. Non est istud vivere, sed alienæ  
 vitæ interesse. Quanta dementia est, hæredis sui res pro- <sup>11</sup>  
 curare <sup>9</sup>, et sibi negare omnia, ut tibi ex amico inimicum  
 magna faciat hereditas! plus enim gaudebit tua morte,  
 quo plus acceperit. Istos tristes et superciliosos, alienæ  
 vitæ censores, suæ hostes, publicos pædagogos, assis ne  
 feceris! nec dubitaveris, bonam vitam, quam opinionem  
 bonam, malle! »

pali verba doctus, opinor, margini  
 allaverat, nunc in textum migrarunt.

1. *Fluunt dies.... dubitamus.* Sic  
 Horatius ad Leuconem, Od. I, xi:  
 « Sapias : vina liques, et spatio brevi  
 Spem longam reseces : Dum loqui-  
 mur, fugerit invida Ætas : carpe diem,  
 quam minimum credula postero. »  
 Idem Od. II, viii : « Fugit retro Levis  
 juventas, et decor, arida Pellente la-  
 seivos amores Canitie, facilemque  
 somnum. Non semper idem floribus  
 est honos Vernis, etc. »

2. *Quid juvat sapere?* Olim, *Du-  
 bitamus quod juvat sapere* edd. cum  
 a. et e. Unde Muret. cum nonnullis  
 Pinciani codd. ediderat, *Dubitamus  
 quod juvat facere.* Sed Erasmus vide  
 et Gruterum. Schw.

3. *Ætati.* I. inventoti. Sic Afra-  
 nius Vopiseo ap. Nonium e. i. p. 482:  
 « Ætas et corpus tenerum et morige-  
 ratio. Hæc sunt venena formosarum  
 mulierum. » Alia exempla dabit Brou-

khusius ad Propert. I, 6, 21. *Ruhk.*  
 4. *Recepturæ.* Ms. a. et Pine. Vulgo  
*decepturæ.* Schw.

5. *Dum potest,* i. e. dum nostra  
 ætas potest recipere voluptates. —  
*Dum poscit,* supple voluptates.

6. *Ingerere frugalitatem? ultro  
 mortem præcurrere.* Sic ms. a. et ed.  
*R.* nisi quod pro ultro quod ex Era-  
 smi conject. est, eo scribitur in u. et  
 ut eo in *R.* Schw.

7. *Interdicere.* Item Erasmo debe-  
 tur; nam vitiose *interere* scribitur in  
 a. in aliis *interire.* Totus locus vulgo,  
 ex Mureti maxime ingenio, sic con-  
 stitutus erat : *Dubitamus quod juvat  
 facere, [sapere, reposuit Ruhk.] et  
 ætati, non semper voluptates decer-  
 pturæ....ingerere? Quid juvat fruga-  
 litate ultro mortem præcur.* etc. S.

8. *Ephemeridem.* Diarium tuum et  
 rationes. *Lips.*

9. *Hæredis sui res procurare.* Sic  
 libri veti. Vulgo *hæredi suo proc.* S.

- Hæ voces non aliter fugiendæ sunt, quam illæ<sup>1</sup>, quas  
 11 Ulysses, nisi alligatus<sup>2</sup>, prætervehi noluit. Idem pos-  
 sunt : abducunt a patria, a parentibus, ab amicis, a vir-  
 tutibus, et in turpem vitam miseros turpius illidunt.  
 Quanto satius est, rectum sequi limitem, et eo se per-  
 ducere, ut ea demum sint tibi jucunda, quæ honesta !  
 quod assequi<sup>3</sup> poterimus, si scierimus<sup>4</sup> duo esse genera  
 rerum, quæ nos aut invitent, aut fugent. Invitant divi-  
 tiæ<sup>5</sup>, voluptates, forma, ambitio, cætera blanda et arri-  
 dentia : fugat labor, mors, dolor, ignominia, victus  
 13 adstrictior. Debemus itaque exerceri, ne hæc timeamus,  
 ne illa cupiamus. In contrarium pugnemus, et ab invi-  
 tantibus recedamus, adversus potentia<sup>6</sup> concitemur ! Non  
 vides, quam diversus sit descendantium habitus et ascen-  
 dentium ? qui per pronum eunt, resupinant corpora ; qui  
 in arduum, incumbunt. Nam, si<sup>7</sup> descendas, pondus suum  
 in priorem partem dare ; si ascendas, retro abducere ;  
 14 cum vitio, Lucili, consentire est. In voluptates descen-

1. *Quam illæ.* Sirenium voces. *R.*

2. *Quas... alligatus.* Malo navis, *ιστομένη.* Homer. *Odys.* 12, 178 sq. totam rem narrat. Amicis scilicet aures cera obduraverat, seque manibus pedibusque malo alligari jusserat, ne illecebris Sirenium abducereentur in perniciem. *Ruhk.*

3. *Quod assequi... fugent.* Sunt hæc res mediæ, quæ neque bona neque mala sunt, ideoque adiphora, ex-teroa : de quibus sæpe monuimus, c. e. Ep. LXVI, *Argum. Ruhk.*

4. *Si scierimus.* Sic recte Pal. 3, 4. Alii vulgo *si fecerimus.* *Schw.*

5. *Invitant divitiæ, et iufra fugat labor.* Vulgo, *Invitent, ut divitiæ... fugent; labor, etc. Invitant, et fu- gat* commodè dedit ms. a. sed idem

eom aliis tenet *ut ante divitiæ* : nos uostra de conjecl. abjecimus illam particulam, tanquam ex scholio in- vectam. Eadem particula etiam post *fugent* inserta erat in uoo ex Grulerianis. *Schw.*

6. *Potentia.* Sic Erasmus dedit, probavit Groenovius, qui monuit, nihil vulgarius esse significatione, qua sumitur pro impetere, invadere. Cold. plurimi : *potentia* : unde Pine. fecit, *prementia*, Gruterus *impotentia*, Lipsius *impotentia*. Editio antiqua elare præstati : *potentia.* *Ruhk.*

7. *Nam si... est.* Sicut vitiosum est in ascensu laum corpus retrahere, et in descensu iucumbere, quandoquidem in utroque casu prorsus ne- cesse erit ; ita cum vitio consenties,

ditur; in aspera et dura<sup>1</sup> subeundum est: hic impellamus corpora, illic refrænemus.

Hoc nunc me existimas dicere, eos tantum perniciosos esse auribus nostris, qui voluptatem laudant; qui dolores<sup>2</sup>, metus, per se formidabiles res [*sive*, qui doloris metum, per se formidabilis rei], incutiunt? Illos<sup>3</sup> quoque nocere nobis existimo, qui nos sub specie Stoicæ sectæ hortantur ad vitia. Hoc enim jactant: « Solum Sapientem et doctum<sup>4</sup> esse amatorem. Solus aptus ad hanc artem, <sup>15</sup> æque combibendi<sup>5</sup> et convivandi, Sapiens est peritissimus. Quæramus, ad quam usque ætatem juvenes amandi sint. » — Hæc Græcæ consuetudini<sup>6</sup> data sint; nos ad illa potius aures dirigamus: « Nemo<sup>7</sup> est casu bonus; discenda virtus est. Voluptas humilis res et pusilla est, et in nullo habenda pretio<sup>8</sup>, communis cum mutis animalibus, ad quam minima et contemptissima advolant. Gloria vanum et volubile<sup>9</sup> quiddam est, auraque mobi-

si in voluptatem descendens te impletis, etc. Moneo hoc, ne cum Gro-novio locum putes corruptum, qui est sanus. *Ruhk.*

1. *In aspera et dura.* Sic ms. c. Pal. 2, 3 et Pine. Perperam *in asperas et duras*, a. R. et A. Tum *in res asperas et duras* vulgo edd. Schw.

2. *Qui dolores, metus, per se formidabiles res.* Sic a. c. R. A, et al. Altera scriptura, quam unci inclusi, vulgata erat a Mur. ex Pinciani conject. Schw. — *Qui dolores, metus, per se formidabiles res, incutiunt.* Epicureos dicit, qui doceant, dolores inclusque per se esse formidabiles res, quas Stoici externis annumerabant. *Ruhk.*

3. *Illos.. vitia.* Hinc vides, existisse ut falsus Epicureos, ita perso-

nalos Stoicos: quos utroque Lucianum tam acerbe exagitasse constat. *R.*

4. *Sapientem et doctum.* Sic distinxī, et jungi illa duo velim: nam *doctus* stoica lingua est sapiens, ut monni Manuduet. II, Dissert. I. Neque enim audio, qui *doctum* ad *amatorem* referunt. et conjungunt. *Lips.*

5. *Æque*, etc. Schweigh. *æque [ntque] combibendi*, mediam particulam ex conject. sua adiciens. *Ruhk.* *solus apte ad h. a. æque cumb.*

6. *Hæc græcæ consuetudini.* Juvenes amandi. Res nota. *Ruhk.*

7. *Nemo est.* Cf. ad. Epist. cxx, 3.

8. *In nullo habenda pretio.* Perperam, et invitis vet. libris omnibus, *in medio hab. pret.* ed. Lips. et sqq. S.

9. *Volubile*, c. A. Pal. 2 3 Pine.

16 lius. Paupertas nulli malum est, nisi repugnanti. Mors  
malum non est. Quid sit? quæris<sup>1</sup>. Sola jus æquum<sup>2</sup> ge-  
neris humani. Superstitio error insanus<sup>3</sup> est: amandos  
timet; quos colit, violat<sup>4</sup>. Quid enim interest, utrum  
Deos neges, an infames? » Hæc discenda, imo ediscenda  
sunt: non debet excusationes vitio Philosophia suggerere.  
Nullam habet spem salutis æger, quem ad intemperantiam  
medicus hortatur. Vale.

Vitiose volue ms. a. cojus scriba ad  
fiorem properans plurima præsertim  
io extremis Epistolis erravit: viden-  
dum vero, ne h. l. voluere debuerit.  
*Volatile* edd. ex R. Schw.

1. *Quid sit, quæris*. Sic ed. R.  
Tarv. et Ven. cum Pal 2, 3 et Pine.  
*Quid quæris?* ed. Er. cum a. c. A. et  
aliis. *Quid quæris?* vulgo edd. a  
Mur. Schw.

2. *Jus æquum*. Adjiciebatur est vol-  
gatæ edd. ex ms. R. Sed verbum istud

commode ignorant ms. a. c. A. S.

3. *Error insan.* Sebweigh. in tex-  
tum ad miserat *insanientis*, quod in  
notis sic corrigit: *infantis* scriptum  
voluera, quod ex probò cod. ms.  
commendaverat Pinciaous; noo *in-  
sanientis*. *Insanus* dabaot cum edi-  
tis alii masti omnes, uoo cod. a.  
excepto, in quo *insanandus*.

4. *Quos colit, violat*. De Cleoient.  
II, 5: » Religio deos colit, superstitio  
violat. » Ruhk.

## EPISTOLA CXXIV.

### UTRUM SENSU, AN INTELLECTU, COMPREHENDATUR BONUM.

Laudat amicum, quod in disquisitionibus philosophicis oec subtilia con-  
temnat, sed omnia ad profectum aliquem redigens ibi tantum offendatur,  
ubi vel summa subtilitate, nihil quod eo pertinet, agatur. Cavet itaque, ne  
timeat tale quid in quæstione, quam tractandam sibi sumpsit, utrum sensu,  
an intellectu comprehendatur bonum. Ibi statim Epicurei dissociant sen-  
sibile iudicantes bonum, quom Stoiei illud animo dent, ideoque intelligibile  
iudicant. Io quo illi sibi ipsi adversantur gulæ ac libidini addictos reprehē-  
deotes, atque nihil virile ansuros doloris metu, qui altera ex parte sensus,  
obtusas illas res et hebetes, pro iudicibus boni ac mali habent, omnem  
quippe scientiam atque artem putantes, ideoque et vitam beatam, a mai-  
festis et eo quod sub seosum cadit, fundamentum et initium capere debere

æqua ac Stoicis statuunt. Enimvero in eo errare Epicureos contendit Seneca: beata enim, stoico sensu, sunt secundum naturam, et statim integræ apparent. Bonum itaque, quum sine ratione perfecta esse non possit, neque in infante, neque in arbore inchoare aliquo animali esse potest: continetur enim verum bonum libero animo ac recto, alia subiciente sibi, se nulli. Cætera bona precario sic vocantur, quæ tamen, quippe ratione carentia, non vere perfecta sunt. Exemplo sunt muta animalia, quæ sensu tantum præsentia comprehendunt: perfecti temporis nullus iis usus est; ergo nec perfecta natura. Eorum natura imperfecta est et ordinem non capit, quum sine ratione sint. Hæc disputatio animo profutura est, quatenus et acuit eum, et honesta occupatione tenet, qua moratur ad prava properantem. Accedit, quod hæc descriptio boni exemplar est, ad quod se componere possit, ut emendatus ac purus fiat, æmuletur Deum, super humana se extollat et nihil extra se sui ponat, et infeliciissimos esse intelligat felices.

Cf. Epist. xx et Tiedemanni *System der stoischen Philosophie* III p. 51 sq. ubi tamen caveas iudicio Viri præstantissimi accedas, qui nescio quibus rationibus abductus statuit, sensus omni in sententiam de bono malove ferendam vi atque efficacia exclusos esse a Stoicis. At consulas Epist. LXXIV, 16 sqq. Cæterum egregie, ut solet, de hac re, et deinceps de disputatione hæc Stoicorum et Epicureorum egit Im. Kant in *Kritik der praktischen Vernunft*, p. 159 sqq. 198 sqq.

## SENECA LUCILIO SUO SALUTEM.

Possum multa tibi veterum præcepta referre,  
Ni refugis, tenuisque piget cognoscere curas<sup>1</sup>.

Non refugis autem, nec ulla te subtilitas abigit: non est elegantia<sup>2</sup> tuæ, tantum magna sectari<sup>3</sup>. Sicut [hoc, sic et] illud probo<sup>4</sup>, quod omnia ad aliquem profectum redigis, et tunc tantum offenderis, ubi summa subtilitate nihil agitur: quod ne nunc quidem fieri laborabo. Quæritur,<sup>5</sup>  
« Utrum sensu<sup>5</sup>, an intellectu, comprehendatur Bonum? »

1. Possum.... curas. Versus sunt Virgilio Georg. I, 176 sqq. Ruhk.

2. Elegantiæ. Doctrinæ, i. philosophiæ, cum ceteris artibus, in quibus subtilitas et acumen est, ut Ernesti verbis utar in Clave Cie. voce Elegantiæ. Ruhk.

3. Tantum magna sectari. Sic edd. a Mur. ex Piciaciani conject. Olim tam

magna sectari codd. ex R. cum aliis. Tam multa sectari, c. A. et Palat. 2. Schw.

4. Sicut [hoc, sic et] illud probo. Verba nuncis iuncta inserui ex conject. Vulgo omnes nude, Sicut illud probo. An debere Sed et illud probo, etc. Schw. — Cf. Ep. CXXI, 1.

5. Quæritur, utrum sensu. Est hæc

Huic<sup>1</sup> adjunctum est, « in mutis animalibus et infantibus non esse. »

Quicumque voluptatem in summo ponunt, *sensibile* judicant Bonum : nos contra *intelligibile*, qui illud animo damus<sup>2</sup>. Si de bono sensus judicarent, nullam voluptatem rejiceremus; nulla enim non invitat, nulla non delectat : et, e contrario, nullum dolorem volentes subiremus; nullus enim non offendit sensum. Præterea non essent digni reprehensione, quibus nimium voluptas placeat, quibusque summus est doloris timor. Atqui improbamus gulæ ac libidini addictos; et contemnimus illos, qui nihil viriliter ausuri sunt doloris metu. Quid autem peccant, si sensibus, id est, iudiciis boni ac mali, parent? his enim tradidistis appetitionis et fugæ arbitrium. Sed videlicet<sup>3</sup> Ratio isti rei præposita est, quemadmodum debeat de vita, quemadmodum de Virtute, de Honesto, sic et de Bono maloque, constitui. Nam apud istos vilissimæ parti datur de meliore sententia; ut de bono pronuntiet *sensus*, obtusa res et hebes, et in homine quam in aliis animalibus tardior. Quid? si quis vellet<sup>4</sup>, non oculis, sed tactu<sup>5</sup>, minuta discernere? Subtilior ad hoc nulla acies, quam oculorum, et intentior,

questio inter Stoicos et Epicureos semper agitata, quandoquidem hi summum bonum voluptate, sive felicitate, atque adeo sensibus, illi una virtute ac proinde ratione, sensuum dominatione exclusa, contineri putabant. De Epicureis cf. Lucret. IV, 480. Diog. Laert. XI, 31 sqq. *Ruhk.*

1. *Huic... non esse.* A Seneca non esse profecta, sed addita a viri docto, qui hæc margini codicis sui adscripserat, putaverim. *Ruhk.* — *Non esse*, suppl. : bonum.

2. *Qui illud animo damus.* Id est, qui illud bonum in animo situm esse contendimus.

3. *Sed videlicet.* I. manifesto eorum hujus rei, id est, iudicii de bono ac malo, gerit ratio, non sensus. Continetur hæc confutationem Epicureismi. *Ruhk.*

4. *Si quis vellet, non velit, a. c. R. A. Schw.*

5. *Non oculis, sed tactu min. d.* Aequè absurde ageretur, qui ad minuta discernenda tactu præ oculis utimur,

daret<sup>1</sup> bonum malumque dignoscere. Vides in quanta ignorantia veritatis versetur, et quam humi sublimia ac divina projecerit, apud quem de summo bono maloque judicat tactus.

«Quemadmodum<sup>2</sup>, inquit, omnis scientia atque ars ali- 6  
quid debet habere manifestum, sensuque comprehensum,  
ex quo oriatur et crescat; sic beata vita fundamentum et  
initium a manifestis ducit, et ab eo<sup>3</sup> quod sub sensum  
cadit. Nam [et] vos<sup>4</sup> a manifestis beatam vitam initium  
sui capere dicitis.»—Dicimus beata esse, quæ secundum 7  
naturam sunt: quid autem secundum naturam sit, palam  
et protinus apparet, sicut, quid sit integrum. Sed, quod  
secundum naturam est<sup>5</sup>, quod contigit protinus nato,  
non dico bonum, sed initium boni. Tu summum bonum,

ac isti, qui sensus rationi præferunt  
io bono maloque dignoscendo. *R.*

1. *Daret.* Recte *a. R.* Pine. Grot.  
*Debet e. A. Daretur* edd. ex Erasmi  
ingenio. *S.*—Sensus est: Nolla sen-  
sum acies, etiamsi subtilior et inven-  
tior ad hoc (i. e. mionta discernere)  
quam oculorum acies esset, daret  
bonum malumq. dign.

2. *Quemadmodum...capere dicitis.*  
Continent hæc argumentationem Epi-  
cureorum contra Stoicos, quibuscum  
ideni principium originarium Ethices  
sese commune habere dicunt, hoc  
est, sensus, et quæ inde afferuntur,  
i. e. *manifesta*. Hæc Epicureorum  
objectio e diverse vocis naturæ signi-  
ficatione apud Stom auctores maoasse  
videtur. Cf. Tiedemannii *System* III,  
p. 79 sqq. Propterea explicat Noster,  
quid sit secundum naturam. Epistol.  
LXXIII, 8, ait: «magna et vera bona  
ad unumquemque tota perveniunt.»  
Cf. Epist. LXXIV. *Ruhk.*

3. *Et ab eo.* Aberat vulgo *ab, male,*

et contra Senecam morem in tali con-  
structione. Adjeci cum Pal. 3. *S.*

4. *Nam et vos. Nempe vos,* vulgo  
edd. com *a. et R. Nam vos, e. A. Voc.*  
et ex conj. interserendam putavi. *S.*

5. *Sed, quod secundam naturam  
est, quod contigit protinus nato, etc.*  
Sic *ms. a.* item *ms. e.* (nisi quod in  
*ms. e. contingit* scribitur) excepta vo-  
ce *Sed*, quam ignorant *a. et e.* Adjeci  
*Sed*, ex *ms. Pal. 4.* quam quidem  
particulam abesse etiam nullo inco-  
modo potuisse intelligo. Priora ista  
verba *Quod secundam naturam est*,  
temere omisso snot in ed. *R.* Plura  
etiam desuot in ed. *A.* in qua verbis  
superioribus *palam et protinus* ad ista  
statim transcurritur *protinus nato, etc.*  
Vulgo sic edebatur: *Quid est secun-  
dum naturam? quod contigit et  
protinus nato*: quam lectionem ab  
Erasmo ex scriptis suis restitutum  
esse Gruterus ait: at Erasmus dele-  
ctam editionis *R.* scripturam tenuit,  
neque aliud quidquam ad hunc locum

- voluptatem, infantiae donas; ut inde<sup>1</sup> incipiat nascens,
- 8 quo consummatus homo<sup>2</sup> pervenit. Cacumen radicis loco ponis. Si quis diceret, illum in materno utero latentem, sexus quoque incerti<sup>3</sup>, tenerum, et imperfectum, et informem, jam in aliquo bono esse; aperte videretur errare. Atqui quantulum interest inter eum, qui quum maxime vitam accipit, et illum, qui maternorum viscerum latens onus est<sup>4</sup>? Uterque, quantum ad intellectum boni ac mali, æque maturus est; et non magis infans adhuc boni capax est, quam arbor, aut mutum aliquod animal.
- 9 Quare autem bonum in arbore animalique muto non est? quia nec ratio. Ob hoc in infante quoque non est; nam et huic deest<sup>5</sup>. Tunc ad bonum perveniet, quum ad rationem pervenerit.

Est aliquod irrationale animal; est aliquod nondum rationale, est rationale; sed imperfectum. In nullo horum

adnotavit. Scripturam istam primus commendaverat Pincianus, et post Erasmi obitum demum in contextum recepta est. *Schw.*

1. *Ut inde*, sc. a summo bono. *R.*

2. *Consummatus homo*, i. sapiens, beatus. *Ruhk.*

3. *Incerti*. Sic Erasmi ed. III, una cum editione antiqua: probat Gron. qui et *latentem* ex omnibus codd. prætulit τῷ *jacentem* Erasmi. Vacillant codd. inter *inceptum* et *incepti*. Muretus ex Erasmiæ editionis ora: *inceptum*. *Ruhk.*

4. *Maternorum viscerum latens onus est*. Sic pereommoile, et ex certa (ut mihi videtur) conjectura edidit Erasmus. Mendose unus ms. a. *Minus* ed. *R.* *Vermis* al. *cavernis* ms. c. *Inis* alias *vermis* ed. A. Et *vermis*, quod in suorum nonnullis repererat, unice probavit Gruterus, et sic etiam

in ms. c. scriptum fuisse olim videtur, ubi nunc *cavernis* legitur. *Humor*, quod ex levi conjectura projecerat Gronovius, arripuit *Ruhk.* et Senecam obtrusit. *S.* — Palatini codd. *unum est, inum est, vermis est.* — Lectionem suam *latens humor est* Gronovius a *Ruhkopffio* citatus sic explicat: Hoc enim (*humor*) principium humani corporis. Hippocrates περὶ φύσεως ἀνθρώπου. Τὸ δὲ αἷμα τοῦ ἀνθρώπου ἔχει ἐν ἐνυτρίαις καὶ γλίσσαις, καὶ χολῇν διτεταῖν, ἔχουν ξανθὴν τι καὶ μέλαιναν καὶ ταῦτ' ὅσων αὐτῶν ἡ φύσις τοῦ σώματος. Tertullianus de carne Christi: « Perora, age, jam spurcitas genitalium in utero elementorum humoris et sanguinis, foeda coagula carnis ex eodem caeno alendæ per novem menses. » Gronov.

5. *Nam et huic deest*, i. e. imperfecta est: ut sequentia docent. *R.*



bonum : ratio illud secum affert. Quid ergo inter ista, quæ retuli, distat? In eo, quod irrationale est<sup>1</sup>, nunquam erit bonum : in eo quod nondum rationale est, tunc esse bonum non potest : in eo, quod rationale<sup>2</sup> est, sed imperfectum, jam potest esse bonum, sed non est. Ita dico, Lucili : Bonum non in quolibet corpore, non in qualibet ætate invenitur ; et tantum abest ab infantia, quantum a primo ultimum, quantum ab initio perfectum : ergo nec in tenero, modo coalescente, corpusculo est. Quidni non sit? non magis quam in semine. Hoc si dicas<sup>3</sup> : « aliquod arboris ac sati bonum novimus : » hoc non est in prima fronde, quæ emissa quum maxime solum rumpit. Est aliquod bonum tritici : hoc nondum est in herba lactente<sup>4</sup>, nec quum folliculo se exserit spica molli ; sed quum frumentum ætas et debita maturitas coxit. Quemadmodum omnis natura bonum suum, nisi consummata, non profert : ita hominis bonum non est in homine, nisi quum illi ratio perfecta est<sup>5</sup>. Quod autem hoc bonum<sup>6</sup>? Dicam : liber animus et erectus<sup>7</sup>, alia subjiciens

1. *In eo quod irrationale est, etc.* Sic a. c. A. Vulgo inverse, *Nunquam erit bonum in eo, etc.* Perperam ed. R. *Non quod erit bonum.*

2. *In eo quod rationale est, sed imperfectum.* Vulgo unde, *in imperfecto*, inde a Mureto cum c. A. et Pine. nuda, *sed imperfectum* dabit ms. a. et. R. Nempe in his temere omissa erant priora verba, *in eo quod rationale est*, quæ integra servavit cod. Pal. tert. in quo etiam commodius transposita verba in hunc modum, *in eo quod est rationale. S.*

3. *Hoc si dicas, aliquod arboris ac sati bonum novimus.* Sic libri nostri cum Pine. et Grut. Vulgo edd. *Uti, si dicas aliquod arboris nut*

*sati bonum, hoc non est, etc.* ex Mureti ing. Schw. — Sensus : si aliquid boni arboris habet, non illud bonum continetur in prima fronde.

4. *In herba lactente* est a conjectura Pineiani, ut eodem modo hic dicatur *herba lactens*, quo Virgilio lætencia frumenta Georg. I, 315. Mss. eodd. et edd. ant. habent *lactente* : unus pal. *in terra lactante. R.*

5. *Quum illi ratio perfecta est.* Illi dedit ms. c. eam ed. R. Perperam illa ms. a. et ed. A. Vulgo *in illo. S.*

6. *Quod autem hoc bonum?* Sic n. c. R. A. Vulgo sit inserunt, scribuntque *Quod autem hoc sit bonum, dicam. Schw.*

7. *Liber animus et erectus* scripsi

sibi, se nulli. Hoc bonum<sup>1</sup> adeo non recipit infantia,  
 13 ut pueritia non speret, adolescentia improbe speret. Bene  
 agitur<sup>2</sup> cum senectute, si ad illud<sup>3</sup> longo studio inten-  
 toque pervenit. Si hoc<sup>4</sup>, et bonum intelligibile est.

« Dixisti, inquit<sup>5</sup>, aliquod bonum esse arboris, aliquod  
 herbae : potest ergo aliquod esse et infantis. » — Verum  
 bonum nec in arboribus, nec in mutis animalibus est :  
 hoc, quod in illis bonum est, precario<sup>6</sup> bonum dicitur.  
 — Quod est? inquis. — Hoc, quod secundum naturam  
 14 cujusque est. Bonum quidem cadere in mutum animal  
 nullo modo potest; felicioris meliorisque naturae est. Nisi  
 ubi rationi locus est, bonum non est. Quatuor hae natu-  
 rae sunt, arboris, animalis, hominis, Dei. Hae duo,  
 quae rationalia sunt, eandem naturam habent; illo di-  
 versa sunt<sup>7</sup>, quod alterum immortale, alterum mortale  
 15 est. Ex his ergo, unius bonum natura perficit, Dei sci-

cum c. A. Malim vero nude erectus,  
 absque et, cum ms. a. Vulgo, *Li-  
 ber animus est ac rectus*. Schw. —  
 — *Liber animus.... nulli*. Cf. Epist.  
 LXXIV, ubi de hac re multus est, R.

1. *Hoc bonum... speret* : neque in-  
 fans sibi adjudicat, neque puer : ado-  
 lescens vero temere positum eo se esse  
 sperat. R. — Nescimus an perfecte  
 Ruhk. sensum intellexerit; pueritia  
 non speret nobis valet : sperare non  
 possit, non debeat; adolescentia im-  
 probe speret valet : nondum merito  
 sperare possit : si sperat, spes illius  
 est improba, temeraria. Cf. not. sq.

2. *Bene agitur c. s.* Int. felix est,  
 sibi gratulari debet, senectus : totum  
 hunc locum bene vertit Lagrange :  
*Bien loin que l'enfance soit suscep-  
 tible de recevoir ce bien, l'adolescence  
 ne peut l'espérer; l'âge viril peut à  
 peine se flatter de le posséder; et*

*la vieillesse se trouve fort heureuse,  
 quand, par une longue et pénible  
 étude, elle est parvenue à se le pro-  
 curer.*

3. *Ad illud. Illud* edd. ab. Er. non  
 male, sed ex conject. quum nude il-  
 lud dedisset ed. R. Sed ad illud de-  
 dere a. c. A. Schw.

4. *Si hoc, et bonum intelligibile  
 est.* Vulgo ubi hoc et bonum, et in-  
 telligibile est, ex Pineiani libris. *Ubi  
 bonum* ms. c. *Ubi hoc bonum* ed. A.  
*Si hoc et bonum* ms. a. eum ed. R.  
 Dein omnes quidem et intelligibile;  
 ubi et ex conject. delectum putavi.

5. *Dixisti, inquit.* Epicureus. —  
*Herbae* : cf. § 11. Ruhk.

6. *Precario bonum dicitur* : Epist.  
 LXXIV, 16 : « cetera opinione bona  
 sunt, et nomen quidem habent com-  
 mune cum veris, etc. » Ruhk.

7. *Illo diversa sunt.* Ex conject.

licet; alterius, cura hominis. Cætera tantum in sua natura perfecta sunt<sup>1</sup>, non vere perfecta; a quibus abest ratio. Hoc enim demum perfectum est, quod secundum universam naturam est perfectum; universa autem natura rationalis est: cætera possunt in suo genere esse perfecta. In quo non potest beata vita esse, nec id potest, 16 quo beata vita efficitur: beata autem vita bonis efficitur; in muto animali non est<sup>2</sup>, quo beata vita efficitur: [3ergo] in muto animali bonum non est.

Mutum animal<sup>4</sup> sensu comprehendit<sup>5</sup> præsentia; præteritorum reminiscitur<sup>6</sup>, quum id incidit, quo sensus admonetur: tanquam equus reminiscitur viæ, quum ad initium ejus admotus est; in stabulo quidem nulla illi<sup>7</sup> viæ, quamvis sæpe calcatæ, memoria est. Tertium vero tem- 17 pus, id est, futurum, ad muta non pertinet. Quomodo ergo potest eorum videri perfecta natura, quibus usus perfecti temporis non est? Tempus enim tribus partibus

nostra sic scripsi; illo intelligens illa re. Vulgo omnes illa diversa sunt; ubi videndum, an eodem significato teneri illa (scil. parte) potuerit; quod mihi quidem secus videtur. Schw.

1. Cætera tantum in sua natura perfecta sunt. Abest tantum editis, ex conject. positum a nobis pro tam, quod dabat ms. a. et ed. R. aut pro tamen, quod habebat ed. Er. cum c. et A. Schw. — Cætera relative sed non absolute perfecta sunt, sive secundum universam naturam que rationalis est: ita et muta animalia neque beata esse, neque beata vita, sensu absoluto, frui possunt, quia bono carent. Ruhk.

2. In muto animali non est, quo beata vita efficitur. Sic edd. a Mur. ex nro codice Pinciani cui suffragatur Noster c. Abest quo ms. a. et

ed. A. In muto animali beata vita non efficitur ed. R. Ven. et Er. S.

3. Ergo abest a. c. R. A. Adjectivum a Mur. ex uno cod. Pinc. Schw.

4. Mutum animal, etenim ratione, ideoque bono orbatum est, et omnia sensu comprehendit, etc. Ruhk.

5. Comprehendit. Ms. a. pro more: comprehendit. Schw.

6. Præteritorum reminiscitur, quum id incidit, quo sensus admonetur: tanquam equus reminiscitur viæ, quum ad initium ejus admotus est. Sic Erasm. Morcius, etc. Codd. turbant, vel exemplum omitunt, vel ponunt: tanquam quos, tanquam quoque. Sed inde eulibet patet equum a manu auctoris esse. R.

7. Nulla illi. Hanc lectionem viæ. e codd. plurimis reduxi, quum in codd. deficiat illi. Ruhk.

- constat : præterito , præsentē , venturo <sup>1</sup>. Animalibus tantum , quod brevissimum est in transcurso , datum , præsens ; præteriti rara memoria est , nec unquam revocatur ,
- 18 nisi præsentium occurso. Non potest ergo perfectæ naturæ bonum in imperfecta esse natura : aut , si <sup>2</sup> natura alia habet hoc , habent et sata. Nec illud nego , ad ea , quæ videntur secundum naturam , magnos esse mutis animalibus impetus et concitatos , sed inordinatos ac turbidos. Nunquam autem aut inordinatum est bonum , aut
- 19 turbidum.—« Quid ergo ? inquis : muta animalia perturbate et indisposite moventur ? »—Diccrem illa <sup>3</sup> perturbate et indisposite moveri , si natura illorum ordinem cape-ret ; nunc moventur secundum naturam suam. Perturbatum enim id est , quod esse aliquando et non perturbatum potest. Sollicitum est , quod potest esse securum.
- 20 Nulli vitium est , nisi cui virtus potest esse. Mutis animalibus talis ex natura sua motus est. Sed , ne te diu teneam , erit aliquod bonum <sup>4</sup> in muto animali , erit aliqua virtus , erit aliquid perfectum ; sed nec <sup>5</sup> bonum absolute , nec virtus , nec perfectum. Hæc enim rationa-

1. *Venturo* ms. a. Alii vulgo , et futuro. Schw.

2. *Aut , si natura alia habet hoc , habent et sata.* Ruhnkepius dat cum Lips. *aut si natura habet , hoc habet , quod habent et sata.* Nec ipse , nec Schw. notam addidit ullam de contextu. Ruhnke. tantum monet supple-dum *talis post natura* , sine quo enim ejus lectio intelligi difficile posset. Profecto meliorem sensum offert lectio Schw. et probari debet , etiamsi libri , quibus innititur , non proferantur.

3. *Diccrem... potest.* Int. si consideres meliorem naturam , quæ ordinem recipiat ; indisposite moventur :

sed , quum natura eorum ordinem non recipiat , non indisposite moventur , quæ sequuntur naturam suam : quod natura vetat , ne in optimo sit ordine , non dici debet perturbatum : nam illud solum perturbatum est , quod aliquando in ordine esse possit.

4. *Aliquod bon.* quod est in vulggo. ed. ex Erasmi. conject. puto. Equidem *aliquale* conjectabam : quod in parenthesi apposui. *Erit aliquando bonum* , a. c. A. Pal. 1 et Col. *Aliquando erit bon.* ed. R. (Negativam particulam , quam habent nonnulli Palatini , nullus nostrorum librorum agnoscit.)

5. *Sed nec bonum absol.* Sic libri

bilibus<sup>1</sup> solis contingunt, quibus datum est scire, quare, quatenus, quemadmodum. Ita Bonum in nullo est, nisi in quo Ratio.

Quo nunc pertineat ista disputatio, quæris, et quid<sup>21</sup> animo tuo profutura sit? Dico: et exereet illum, et acuit; et, utique aliquid acturum, occupatione honesta tenet. Prodest autem etiam quod moratur<sup>3</sup> ad prava properantem. Sed [et] illud<sup>4</sup> dico: nullo modo prodesse<sup>5</sup> possum magis, quam si tibi bonum tuum ostendo, si te a mutis animalibus separe, si eum Deo pono. Quid, inquam, vires<sup>22</sup> corporis alis et exerees? pecudibus istas majores ferisque natura concessit. Quid excolis formam? quum omnia feceris, a multis animalibus decore vinceris. Quid capillum ingenti diligentia comis? Quum illum vel effuderis more Parthorum, vel Germanorum nodo<sup>5</sup> vinxeris, vel, ut Scythæ solent, sparscris; in quolibet equo densior jactabitur juba, horrebit in leonum cervice formosior. Quum te ad velocitatem paraveris, par lepusculo non<sup>23</sup> eris. Vis tu, relictis in quibus vinei te necesse est, dum in aliena niteris, ad Bonum reverti tuum? Quod est hoc? animus scilicet emendatus ac purus, æmulator Dei, super

nostri omnes, cum Pinc. et Grut. Vulgo *sed quale? nec bonum*, etc. ab Erasmo, nescio unde. Schw.

1. *Rationalibus* h. l. dedere a. R. A. *Rationalibus* ed. Lips. et sqq. cum nostro ms. e. et quinque Græterianis. Schw.

2. *Prodest autem etiam quod moratur.* Vulgo *et quod* edd. *Quod* (absque *et*) ed. R. *Etiam quo a. e.* A. et Pal. 1, 2, *etiam quod* dederunt Pal. 3, 4. et Col. Schw.

3. *Sed et illud dico.* Voculam *et*, quom abesset vulgo, necessariam h. l. putavi, et vel reclamantibus libris

adjiciendam. Schw. — *Sed et illud... pono.* Sic Ep. LXXIII, 11, ait: « So- lebat Sestius dicere, Jovem plus non posse, quam bonum virum. — Inter duos bonos non est melior. Jupiter quo antecedit virum bonum? diutius bonus est. » Cf. ibi notam. Ruhk.

4. *Prodesse possum*, a. R. *Prodesse tibi possum* edd. eum e. A.

5. *Vel Germanorum nodo.* Sic Schw. nisi quod sic interpretavit: *vel Germanorum, nodo*, quasi supplendum esset *more* post *Germanorum*. Vulgo *vel ut Germ.* — Conf. ad III de Ira 26, 3: add. Herodian. IV, 7.

humana se extollens, nihil extra se sui ponens. Rationale animal es! Quod ergo in te bonum est? perfecta Ratio.

- 24 Hanc tu ad suum finem<sup>1</sup> evoca, in quantum potest plurimum crescere. Tunc beatum esse te judica, quum tibi ex te gaudium omne nascetur, quum in his, quæ homines eripiunt, optant, custodiunt, nihil inveneris, non dico, quod malis, sed quod velis. Brevem tibi formulam dabo, qua te metiaris, qua perfectum esse jam sentias. Bonum tunc habebis tuum<sup>2</sup>, quum intelliges, infelicissimos esse felices<sup>3</sup>. Vale<sup>4</sup>.

Capitolini Verum c. 10. Tacit. Hist. 4, 61. *R.*—Quod de omnibus Germanis generaliter dicit Seneca, Tacitus Suevis privatim tribuit. « Iosigne gentis (Suevorum) obligare crinem, nodoque substringere. Sic Suevi a cæteris Germanis; sic Suevorum iogeni a servis separantur. Io aliis gentibus seu cognatione aliqua Suevorum, seu (quod sæpe accidit) imitatione, rarum et intra juventutis spatium; apud Suevos, usque ad canitiem, horrentem capillum retro sequuntur, ac sæpe in ipso solo vertice religant: principes et ornatiorem habent: ea cura formæ, sed innoxie. » Germania, cap. 38.

1. *Ad suum finem* recte a. c. *A.* *Ad summum finem* edd. ex *R. S.*

2. *Bonum tunc habebis tuum.* Schweigh. delet *bonum*. Adjiciunt *Bonum*, inquit, alii initio, ut edd. vulgo, alii post *tuum*, ut c. *A.* Sed nomen ex scholio invecum ignorat ed. *R.* cum ms. a. Pal. 1, et probato Pinciani codice. — *Intelliges*, sed *intelliges* suo more scribit a.

3. *Felices*. I. e. qui felices vulgo habentur. Spectant hæc ad Epicureos, quibus felicitatem summum bonum esse constat. *Rohk.*

4. *Vale*. Ms. a. in hæc verba desinit: L. ANNÆI SENECAE EPISTULARUM E FELICIT LIBER XX. *Schw.*

CLARISSIMI VIRI D. DIDEROT

TESTIMONIUM.

DE L. ANNÆI SENECAE

EPISTOLIS LXXXIX-CXXIV.

---

DANS la LXXXIX<sup>e</sup> Lettre , Sénèque expose les divisions de la philosophie ; puis , se repliant , selon son usage , sur la morale , il gourmande avec beaucoup d'éloquence l'avarice , l'abus de la richesse , et l'extravagance du luxe. »

« Eh quoi ! toujours les mêmes réprimandes ? » Et vous , toujours les mêmes fautes ?

« On ne peut , dit-il , avoir la vertu sans l'aimer. » Cela est vrai.

« On ne peut l'aimer , ajoute-t-il , sans l'avoir. » Cela ne me le paraît pas.

Il a consacré la xc<sup>e</sup> à l'éloge de la philosophie , et à la réfutation de Posidonius.

« Nous devons aux dieux de vivre , à la philosophie de bien vivre. »

C'est à cette Lettre que je renverrai celui qui sera curieux de connaître la délicatesse et la vigueur du pinceau de Sénèque. Ici le philosophe s'est complu à nous peindre d'une manière belle et touchante les premiers âges du monde. Mais ce bonheur des hommes anciens n'est-il pas chimérique ? La félicité serait-elle le lot de la barbarie , et la misère celui des tems policés ? Le bonheur de mon espèce m'est si cher , que je suis toujours tenté de croire aux romans qu'on m'en fait : cela me laisse l'espoir d'un âge , où le plus vertueux serait le plus puissant.

Posidonius pensait que , dans les siècles de l'homme inno-

cent, le commandement était déposé dans la main des sages ; que les sages contenaient le bras de l'homme violent, et protégeaient le faible contre le fort ; qu'ils conseillaient, qu'ils dissuadaient ; qu'ils indiquaient ce qui était utile ou nuisible ; que leur prudence pourvoyait aux besoins des peuples ; que leur courage écartait les périls dont ils étaient menacés ; que leur bienfaisance accroissait la félicité générale ; que la souveraineté était un fardeau, et non une distinction ; que ce n'était point un riche héritage, mais une charge onéreuse ; qu'une puissance accordée pour protéger n'était pas tentée de vexer ; qu'on obéissait sans murmure, parce qu'on commandait sans tyrannie ; et que la plus grande menace d'un roi était d'abdiquer.

Jusque-là Sénèque est assez d'accord avec Posidonius ; mais lorsque celui-ci fait honneur aux sages de l'invention des sciences et des arts, enfans de l'oisiveté, de la curiosité, de l'ennoi, du besoin, des plaisirs et du tems, Sénèque s'oppose à toutes ces prétentions exagérées ; et je crois qu'il a raison.

Vous trouverez, dans la Lettre xci, le récit de l'incendie de Lyon, avec des réflexions sur ce terrible événement.

Dans la xcii<sup>e</sup>, qui est fort belle, la réfutation du principe fondamental des épicuriens, qui plaçaient le souverain bien dans la volupté.

Dans la xciii<sup>e</sup>, la mort de Métroanax ; et que la vie ne se doit pas mesurer par sa durée, mais par son activité.

« Est-ce à vous d'obéir à la nature, ou à la nature de vous obéir ? »

« La vie courte de l'homme utile ressemble au plus précieux des métaux, qui a beaucoup de poids sous un petit volume. »

« Celui qui a fait de grandes choses, vit après sa mort ; celui qui n'a rien fait, est mort de son vivant. »

« Combien d'années Caton a-t-il vécu ? Caton vit encore ; il s'adresse à nous, il s'adresse à nos neveux. Il a laissé sur la terre le modèle impérissable de l'homme vertueux. »

Là, Sénèque assure que rien n'est plus commun que des hommes équitables envers les hommes ; et rien de plus rare que



des hommes équitables envers les dieux. Je crois les uns et les autres fort rares, et les premiers peut-être plus encore que les seconds.

Dans la xciv<sup>e</sup>, l'union de la philosophie parénétique ou de préceptes, avec la philosophie dogmatique. Cette Lettre est pleine de sens ; il y a plus de substance dans une de ses pages, que dans tous les volumes des détracteurs de Sénèque. Il y compare le courtisan à ces insectes dont la piqure imperceptible, accompagnée d'une démangeaison agréable, est suivie d'une enflure douloureuse ; et il la termine par la sortie la plus violente contre Alexandre et les conquérans.

Ce serait à tort que les philosophes modernes se glorifieraient du mépris qu'ils ont jeté sur ces fameux assassins : il y a près de deux millé ans que Sénèque en avait fait justice.

Chaque individu participe plus ou moins aux vices de sa nation. Sénèque, Galien et Tacite en sont les exemples frappans. Sénèque s'est laissé éblouir des victoires du peuple romain ; son indignation s'exhale contre les conquêtes d'Alexandre, et il ne s'aperçoit pas, ou se dissimule, que celles des Romains ont été plus longues, plus sanglantes et plus injustes. Galien, qui certes n'était pas un homme ordinaire, croyait aux rêves, aux amulettes et aux maléices ; et Tacite paraît avoir donné dans les prestiges de l'astrologie judiciaire et les miracles de son tems.

Voici comment il raconte ceux de Vespasien, parag. 81, liv. IV de ses *Histoires* : « César attendait, dans Alexandrie, le retour des vents d'été et une mer navigable, lorsque le ciel manifesta, par des prodiges, de la prédilection pour ce prince. Un Alexandrin de la lie du peuple, mais connu par son infirmité, se jeta à ses genoux, et le supplia, avec gémissement, au nom de Sérapis, le plus révééré des dieux chez cette nation superstitieuse, de le guérir de la cécité, en daignant humecter de sa salive les orbites de ses yeux. Un autre, paralysé d'une main, également inspiré par le dieu, lui demandait de la presser de son pied. D'abord l'empereur ne leur accorda que de la plaisanterie et du mépris. Balançant ensuite entre les instances réi-

térées de ces malades, les flatteries de ses courtisans et la crainte d'un reproche de vanité, il ordonna aux médecins d'examiner si leurs maladies étaient de nature à céder à des secours humains. Quelques-uns prononcèrent que la faculté de voir n'était pas entièrement détruite dans l'un, qu'on la lui rendrait en dissipant les obstacles, et que, par des moyens énergiques et salutaires, l'art restituerait à l'autre l'usage de ses membres; mais que peut-être il était dans les décrets des dieux que la cure s'opérât merveilleusement par l'entremise de César; qu'au reste, si le remède sollicité produisait un heureux effet, l'honneur en serait pour l'empereur, et le ridicule pour ces affligés, s'il n'en produisait aucun. Vespasien, persuadé que rien n'était au-dessus de sa fortune, et que l'incroyable même était au-dessous de sa puissance, prend un visage serein, satisfait aux vœux des deux malades, au milieu d'une multitude attentive à l'événement, et aussitôt l'aveugle voit, et le paralysé se sert de sa main. Ces deux faits sont attestés aujourd'hui par des témoins oculaires qui n'ont à se promettre de leurs mensonges aucune sorte de récompense.» D'après ce récit, je me demande si ces miracles sont vrais, ou s'ils sont faux; et j'avoue qu'après y avoir bien réfléchi, je vois presque autant d'inconvénient à les rejeter qu'à les admettre.

L'homme peuple est le plus sot et le plus méchant des hommes : se dépopulariser, ou se rendre meilleur, c'est la même chose.

La voix du philosophe qui contrarie celle du peuple, est la voix de la raison.

La voix du souverain qui contrarie celle du peuple, est la voix de la folie.

C'est avec une espèce d'indignation que je l'entends avancer, dans la même Lettre, qu'il ne trouve rien de plus froid, de plus déplacé à la tête d'un édit ou d'une loi, qu'un préambule qui les motive. « Prescrivez-moi, ajoute-t-il, ce que vous voulez que je fasse; je ne veux pas m'instruire, mais obéir<sup>1</sup>. »

<sup>1</sup> Ce passage a été mal compris par Diderot. Voy. Let. xciv, § 38. Il n'a pas mieux réussi dans la traduction du chap. de Tacite, qu'il vient de citer. Ed.

J'en demande pardon à Sénèque, mais ce propos est celui d'un vil esclave qui n'a besoin que d'un tyran. J'obéis plus volontiers, quand la raison des ordres que je reçois m'est connue. Lorsque notre philosophe dit ailleurs que les lois contribuent au bonheur, quand elles sont autant des enseignemens que des ordres, ne se réfute-t-il pas lui-même ?

Quoique nous ayons vu de nos jours des souverains vendre leurs sujets, et s'entre-échanger des contrées, une société d'hommes n'est pas un troupeau de bêtes : les traiter de la même manière, c'est insulter à l'espèce humaine. Les peuples et leurs chefs se doivent un respect mutuel ; et, *faites ce que je vous dis, car tel est mon bon plaisir*, serait la phrase la plus méprisante qu'un monarque pût adresser à ses sujets, si ce n'était pas une vieille formule de l'aristocratie, transmise d'âge en âge, depuis les tems barbares de la monarchie, jusqu'à ses tems policés. Je décerne un autel au ministre qui daigna le premier nous rendre raison de la volonté de notre maître. Quant au souverain qui croira pouvoir, sans descendre de son rang, substituer à la phrase usuelle celle qui suit : « Faites ce que je vous dis, parce qu'il y va de votre sûreté, de votre liberté et de votre bonheur ; » je lui décerne une statue d'or, avec cette inscription : *Des hommes l'élevèrent à un de leurs semblables.*

« Il arrive quelquefois à la crainte de philosopher, et à l'en-  
« nui de raisonner sagement. »

« On serait tenté de croire que la bonne fortune est incompatible avec le bon jugement. »

« On honore assez l'Être suprême en l'imitant. »

« On continue de vivre par faiblesse et par courage. »

« L'homme sage vivra, non pas autant qu'il lui convient, mais  
« autant que la nécessité l'exigera. Il se commandera la vie ;  
« quand la sécurité des siens en dépendra : il y a de la grandeur à rester pour les autres. . . » C'est d'après ces sages principes que Sénèque et Burrhus gardèrent leur poste après la mort d'Agrippine.

Je lis dans la Lettre xcvi : « Le nombre des médecins est à

« proportion des maladies , et les maladies à proportion des cuisiniers... » On pourrait ajouter : et les maladies difficiles à proportion de la multitude des remèdes ; et les vices à proportion du nombre des lois.

« O bizarrerie incroyable ! le meurtre , puni quand il est commis clandestinement , est ordonné par le décret du sénat , et exigé par la frénésie du peuple. »

« O bizarrerie incroyable ! le faste des tables est soumis à la censure ; et l'on ne s'élève point à la censure sans une profusion publique et scandaleuse. »

En quel endroit du monde ne remarque-t-on pas cette contradiction des usages et des lois ?

Il faut laisser subsister la loi , parce qu'elle est sage. Il faudrait réformer l'usage , mais cela ne se peut : c'est la folie générale de toute une nation , à laquelle le remède serait peut-être pire que le mal : ce serait un acte de despotisme. Celui qui pourrait nous contraindre au bien pourrait aussi nous contraindre au mal. Un premier despote , juste , ferme et éclairé , est un fléau ; un second despote , juste , ferme et éclairé , est un fléau plus grand : un troisième , qui ressemblerait aux deux premiers , en faisant oublier aux peuples leur privilège , consommerait leur esclavage.

La société ressemble à une voûte : si la clef , ou le premier voussoir pèse trop , l'édifice n'est tôt ou tard qu'un amas de ruines.

La Lettre xcvi<sup>e</sup> ne le cède en rien à la précédente : Sénèque y prouve que la philosophie parénétique , ou de préceptes , ne suffit pas. Lorsque Saint-Évremond s'expliquait si légèrement sur Sénèque , il ne l'avait pas lu.

Un de ces hommes frivoles , qu'on appelait de son tems d'agréables débauchés ; un épicurien , un sensuel , un bel esprit , était peu fait , par son état , son caractère et ses mœurs , pour apprécier les ouvrages de Sénèque , et goûter ses principes austères. Voici mot à mot le jugement que Saint-Évremond portait de Sénèque , et de lui-même.

« Je vous avouerai , dit-il avec la dernière impudence , que

j'estime beaucoup plus la personne que les ouvrages de ce philosophe. »

Saint-Évremond, ainsi que la plupart de ceux qui ont parlé de Sénèque, soit en bien soit en mal, ne connaissaient ni ses ouvrages ni sa personne.

« J'estime le précepteur de Néron, l'amant d'Agrippine, l'ambitieux qui prétendait à l'empire. »

Sénèque ne fut l'amant ni d'Agrippine, ni de Julie; la méchanceté le soupçonna seulement, sur l'intimité qui régnait entre lui et celle-ci, d'avoir été le confident de ses intrigues. Saint-Évremond n'est que l'écho de Dion, ou du moins Xiphilin; l'écho de l'infâme Suilius.

Sénèque corrupteur de Julie, estimé par Saint-Évremond, n'en resterait pas moins exposé à la censure des hommes qui ont un peu de morale. Quoique la dépravation ait fait de grands progrès depuis un siècle, nous n'en sommes pas encore venus jusqu'à louer l'adultère.

Sénèque n'eut point l'ambition de régner. Néron ne put jamais l'impliquer dans la conjuration de Pison; et pour assurer qu'il n'ignorait pas que les conjurés avaient résolu de l'élever à l'empire, il faut s'en rapporter à un bruit populaire <sup>1</sup>.

Il ne suffit pas de faire une jolie phrase, il faut encore y mettre de la vérité.

« Un philosophe et de l'écrivain je ne fais pas grand cas. »

C'est être bien difficile; c'est l'être plus que Quintilien, qui n'aimait pas Sénèque; plus que Columelle, Plutarque, Juvénal, Fronton, Martial, Sidonius Apollinaris, Aulu-Gelle, Tertullien, Lactance, Saint-Augustin, Saint-Jérôme, Juste-Lipse, Erasme, Montaigne, et beaucoup d'autres, qui se sont illustrés comme philosophes et comme littérateurs. Il y a plus de saine morale dans ses écrits que dans aucun autre auteur ancien; et plus d'idées dans une de ses lettres que dans les quinze volumes de Saint-Évremond.

<sup>1</sup> *Fama fuit, Subrium Flavium*, etc. (TACIT. *Annal.* lib. XV, cap. 65.)

« Sa latinité n'a rien de celle du tems d'Auguste ; rien de facile , rien de naturel. »

Cela se peut ; mais c'est un bien léger défaut , surtout pour d'aussi pauvres connaisseurs que nous dans une langue morte. Sa latinité est celle de Pline l'Ancien , de Pline le Jeune et de Tacite : en admirons-nous moins ces auteurs ? Tacite n'écrit pas comme Tite-Live ; cependant, quel est l'homme d'un peu de génie qui ne préfère le penseur profond à l'écrivain élégant, le nerf de l'un à l'harmonie de l'autre ? On est souvent pur et plat , sublime et barbare ; on met souvent le plus grand choix des mots à dire des riens , et l'on dit de grandes choses d'un style très-négligé , très-incorrec.

« Toutes pointes , toutes imaginations qui sentent plus la chaleur d'Afrique ou d'Espagne , que la lumière de Grèce ou d'Italie ! »

Sans doute il y a dans Sénèque des jeux de mots , des *concelli* , des pointes , qui me blessent autant que Saint-Évremond ; des imaginations ontrées , dont il faut moins accuser le manque de génie , que l'enthousiasme du stoïcisme , et que je voudrais , non supprimer , mais adoucir. La pensée de Sénèque peut très-souvent être comparée à une belle femme sous une parure recherchée ; Quintilien , le rival de Sénèque , s'en était bien aperçu : « Cet auteur , dit-il , fourmille de beautés , il a des sentimens de la plus grande délicatesse. On y rencontre à chaque page des idées sublimes qui forcent l'admiration... » Et , n'en déplaît à Saint-Évremond , Quintilien est un juge un peu plus sûr que lui.

« Néron avait auprès de lui des petits-maîtres fort délicats , qui traitaient Sénèque de pédant. »

Saint-Évremond en a fait tout à l'heure un amant d'Agrippine ; ici il en fait un pédant. S'entend-il bien lui-même ? connaît-il ceux qu'il appelle des petits-maîtres ? un Tigellin , un Pallas , un Narcisse , un Sporus , un Athénagoras , un troupeau d'infâmes débauchés , de corrupteurs , d'adulateurs d'un monstre , de scélérats dignes du dernier supplice , en comparaison desquels le plus vicieux de nos courtisans est un homme de bien.

Il est glorieux d'être ridicule aux yeux de tels personnages ; c'est presque leur ressembler que de les nommer sans indignation. Néron fut plus cruel qu'eux, mais ils furent plus vils que lui.

Sénèque a dit : Une ame qui connaît la vérité, qui sait distinguer le bien du mal ; qui n'apprécie les choses que d'après leur nature, sans égard pour l'opinion ; qui se porte dans tout l'univers par la pensée, en étudie la marche prodigieuse, et revient de la contemplation à la pratique ; dont la grandeur et la force ont pour base la justice ; qui sait résister aux menaces comme aux caresses ; qui commande à la mauvaise fortune comme à la bonne ; qui s'élève au-dessus des événements nécessaires ou contingens ; qui ne voudrait pas de la beauté sans la décence, de la force sans la tempérance et la frugalité ; une ame intrépide, inébranlable, que la violence ne peut abattre, que le sort ne peut ni humilier, ni enorgueillir ; une telle ame est l'image de la vertu, etc... Voilà le philosophe dont Saint-Évremond a osé dire qu'il ne lisait jamais les écrits, sans s'éloigner des sentimens qu'il voulait lui inspirer ; voilà les pointes avec lesquelles il écrivait de la vertu.

« Sa vertu fait peur... » C'est que sa vertu n'a ni l'afféterie, ni les petites grâces, ni les petites mines d'une femme de cour. Sa vertu fait peur : oui, aux efféminés, aux flatteurs, aux enfans, et peut-être même à l'homme que la nature n'a pas destiné au rôle de Régulus ou de Caton, si l'occasion s'en présente, et par conséquent à beaucoup de monde, à Saint-Évremond, à moi ; avec cette différence qu'il est fier de sa faiblesse, et que je suis honteux de la mienne ; qu'il plaisante de cette vertu, et que je me prosterne devant elle.

« Il me parle tant de la mort, et me laisse des idées si noires, que je fais ce qu'il m'est possible pour ne pas profiter de ma lecture. »

Saint-Évremond n'est pas digne de l'école où il s'est glissé ; et il n'écouterait pas sans pâlir l'histoire des derniers momens d'Épiqueure, son maître.

« Il est ridicule qu'un homme qui vivait dans l'abondance,

et se conservait avec tant de soin , ne prêchât que la pauvreté et la mort. »

Celui qui s'exprime ainsi n'a jamais lu les ouvrages de Sénèque , et n'en connaît guère que les titres ; sa vie privée lui est inconnue. Sénèque était frugal ; riche , il vivait comme s'il eût été pauvre , parce qu'il pouvait le devenir en un instant : sa fortune était le fonds de sa bienfaisance ; son luxe , la décoration incommode de son état : c'étaient ses amis qui jouissaient de son opulence ; il n'en recueillait que l'embarras de la conserver , et la difficulté d'en faire un bon usage.

Le vrai ridicule , c'est celui d'un vieillard frivole , prononçant d'une manière aussi tranchée et d'un ton aussi indécent sur les écrits , la doctrine et les mœurs d'un personnage aussi respectable que Sénèque.

Le vrai ridicule , c'est de permettre de lire Sénèque , et de l'imiter quand on en sera réduit à se conper les veines : lorsqu'on en est là , il n'est plus tems de lire. Quand on n'a pas lu et relu Sénèque d'avance , on l'imité mal. Il me semble que j'entends Sénèque , s'adressant à Saint-Évremond , lui dire : « Et qui est-ce qui n'est pas exposé d'un moment à l'autre à avoir les veines coupées ? Si ce n'est par la cruauté d'un tyran , ce sera par le décret de la nature. Et qu'importe que votre sang soit versé ou par un centurion , ou par un phlébotomiste ; par la fluxion de poitrine , ou par la proscription ? en mourrez-vous moins ? en serez-vous moins obligé de savoir mourir ? » Lorsque la corruption est systématique , et que le vice est devenu les mœurs de l'homme , il n'y a pas plus de remède qu'à la vieillesse.

J'ai apostrophé Saint-Évremond , parce que , devant la justice également à ceux qui sont et à ceux qui ne sont plus , je parle aux morts comme s'ils étaient vivans , et aux vivans comme s'ils étaient morts.

On a écrit autrefois des libelles contre les honnêtes gens comme on en écrit aujourd'hui ; mais peu sont parvenus jusqu'à nous.

Nos bibliothèques immenses , le commun réceptacle et des



productions du génie et des immondices des lettres , conserveront indistinctement les unes et les autres. Un jour viendra où les libelles publiés contre les hommes les plus illustres de ce siècle , seront tirés de la poussière par des méchans animés du même esprit qui les a dictés ; mais il s'élèvera , n'en doutons point , quelque homme de bien indigné qui décèlera la turpitude de leurs calomniateurs , et par qui ces auteurs célèbres seront mieux défendus et mieux vengés que Sénèque ne l'est par moi.

Le vice des ignorans est d'enchéris sur les invectives des méchans , dans la crainte de n'en paraître que les échos. Les détracteurs modernes de Sénèque ont été beaucoup plus cruels que les anciens : les douze lignes d'un Snilius ont enfanté des volumes d'injures atroces.

La xcvi<sup>e</sup> Lettre est de la résignation ; la xcviij<sup>e</sup>, du jugement de Clodius : lisez-la , si vous voulez. frémir de la dépravation romaine , même au tems de Caton. Un jeune libertin s'introduit , à la faveur d'un déguisement , dans le lieu de la célébration des mystères de la bonne déesse , et déshonore la femme de César : il est appelé devant les tribunaux , et renvoyé absous. Mais quel fut le prix de la corruption des juges ? De grandes sommes d'argent. C'eût été comme aujourd'hui , et dans tous les tems. Avec ces sommes d'argent on stipula la prostitution de plusieurs femmes désignées , et la jouissance de jeunes gens de la première distinction. Nous le cédonz autant aux Romains dissolus qu'aux Romains vertueux.

Dans la xcviij<sup>e</sup>, il dévoile la frivolité des biens extérieurs ; et dans la xcix<sup>e</sup>, il vent que le style de l'orateur soit énergique ; celui du poète tragique , sublime ; et que le poète comique ait de la finesse<sup>1</sup>.

Le philosophe se soutiendra par la grandeur des choses.

Les Lettres xcix, c, ci, cii et ciii, nous instruisent de la mort

<sup>1</sup> Diderot s'est trompé ; il n'est pas question de style dans la xcix<sup>e</sup> Lettre , mais dans la suivante , à propos des ouvrages de Fabianus Papirius. La xcix<sup>e</sup> ne parle que de la mort du fils de Marullus , et des bornes qu'il faut mettre à la douleur. Ed.

du fils de Marullus , et de la modération dans la douleur ; du caractère des ouvrages de Fabianus Papirius ; de la différence du style oratoire et du style philosophique ; de la mort de Sénécion ; de la célébrité dans les siècles à venir ; des terreurs paniques. Dans celle-ci il dit à Lucilius : « Que la philosophie » vous corrige de vos vices , mais qu'elle n'attaque pas ceux des » autres ; qu'elle se garde bien de se déclarer hautement contre » les mœurs publiques... » Il me semble que Sénèque a fait , toute sa vie , le contraire de ce qu'il prescrit ici , et qu'il a bien fait. A quoi donc sert la philosophie , si elle se tait ? Ou parlez , ou renoncez au titre d'instituteur du genre humain. Vous serez persécuté ; c'est votre destinée : on vous fera boire la ciguë ; Socrate l'a bien bue avant vous : on vous emprisonnera , on vous exilera , on brûlera vos ouvrages , on vous fera peut-être vous-même monter sur un bûcher... Vous pâlissez ! la frayeur vous prend ! et vous voulez attaquer les mauvaises lois , les mauvaises mœurs , les superstitions régnantes , les vices , les vexations , les actes de la tyrannie ! Quittez votre robe magistrale , ou sachez renoncer au repos : votre état est un état de guerre ; vous n'avez pas seulement affaire aux erreurs et aux vices , mais encore aux aveugles et aux vicieux ; votre unique souci , c'est d'avoir raison. Ménager les préjugés , c'est manquer à la vérité ; ménager les vices , c'est rougir de la vertu....

Cet ouvrage sera bien mauvais , s'il n'irrite pas la haine , et n'excite pas les cris de la méchanceté. Elle souffrirait patiemment que je lui enlevasse une de ses victimes ! Je ne m'y attends pas. Heureusement , entre les ennemis de la philosophie , si les uns ont la perversité des Tigellins , ils n'en ont pas la puissance ; et si les autres en ont la puissance , ils n'en ont pas la perversité : ceux qui pourraient me nuire ne le voudront pas , et ceux qui le voudraient ne le pourront pas. Si je vous disais qu'un merveilleux critique a découvert , après de profondes méditations , que D'Alembert était un idiot , un pauvre mathématicien , un mauvais écrivain , un malhonnête homme , et que le pain que nous mangeons était un poison , la proscription des

tripots de jeu une loi injuste, j'aurais rendu cet homme aussi absurde, aussi ridicule qu'on peut l'être ; cependant il ne m'en arriverait rien.

Sénèque parle, Lettre *crv*, de sa faible santé, et de la tendresse de sa seconde femme Pauline. « Mes études, dit-il, » (Lettre *lxxviii*) m'ont sauvé : c'est à la philosophie que je » dois la vie, et c'est la moindre des obligations que je lui ai... » Il ajoute, dans une autre Lettre (Lett. *crv*) : « Ne pouvant ob- » tenir de Pauline d'en être aimé d'une manière plus coura- » geuse, elle a obtenu de moi que je m'aimerais avec plus de » faiblesse... » De là il passe au peu d'effet des voyages dans les maladies de l'ame.

La Lettre *cv* contient de bons préceptes de conduite.

Il prétend, Lettre *cvl*, que les vertus sont corporelles : vaines disputes des mots.

La *cvii*<sup>e</sup> est une exhortation dans les adversités.

Il enseigne, Lettre *cviii*, la manière de lire et d'écouter les philosophes. Si le lecteur a eu la patience de me lire jusqu'ici, j'espère qu'il ne se rebutera pas pour quelques lignes de plus ; en revanche, je m'engage à plus de brièveté dans l'examen des autres ouvrages.

« Le sage peut-il être utile au sage ? Chaque homme a-t-il » son bon génie?... » Et, à ce sujet, le mot d'Épicure, qui ne demandait que du pain et de l'eau pour être l'égal de Jupiter. A quoi bon les sophismes et les chicanes dans la philosophie ? A la déshonorer. Les mauvaises habitudes se déracinent-elles facilement ? Telle est la matière des Lettres *cix*, *cx*, *cxi* et *cxii*.

Il dit, Lettre *cx* : « Soit que vous soyez sous la protection » d'une Providence, ou abandonné au hasard, l'imprécation la » plus terrible que vous puissiez faire contre un ennemi, c'est » qu'il le devienne de lui-même. »

« Ne vous applaudissez pas trop de mépriser le superflu ; vous » vous applaudirez quand vous en serez venu à mépriser le né- » cessaire... » Ou je me trompe fort ; ou mépriser le superflu est d'un sage, et mépriser le nécessaire, d'un fou.

« Epicure demande du pain et de l'eau : s'il est honteux de » faire consister son bonheur dans l'or et l'argent, il ne l'est pas » moins de le faire dépendre du pain et de l'eau... » Je voudrais bien savoir où est la honte de ne pas vouloir mourir de soif et de faim. On n'est pas heureux pour avoir l'absolu nécessaire ; mais on est très-malheureux de ne l'avoir pas.

Lettre CXII, il déscspère de l'amendement de l'ami de Lucilius : il n'y a rien de bien à faire d'un homme de cet âge.

Lettre CXIII, il se moque un peu de ses bons amis les stoïciens, qui disputaient entre eux si les vertus étaient des animaux. En vérité, lorsqu'on voit des hommes tels qu'un Cléanthe, un Chrysippe, s'occuper de pareilles frivolités, on serait tenté d'attacher peu d'importance à la perte de leurs ouvrages, et de les ranger dans la classe des Albert-le-Grand, des Scot, et autres péripatéticiens, dont la réputation s'est évanouie avec l'ignorance de leur siècle.

Là, il se déchaîne de rechef contre Alexandre : ailleurs il s'adresse à ces hommes qui feraient peut-être assez peu de cas de la vertu, s'il ne leur était permis d'en afficher le faste ; qui en ont toujours, et d'aussi mauvaise grâce, le mot à la bouche, que les femmes sauvages leur perle pendue à la lèvre, et qui semblent nous dire, par leurs continuels apophthegmes : Écoutez-moi, regardez-moi ; c'est moi qui suis sage. Si tu l'étais vraiment, tu t'occuperais moins à le persuader, tu le serais sans ostentation ; la vertu obscure, la vertu, même convertie d'une ignominie non méritée, ne serait pas sans attraits pour toi.

« Si vous refusez d'être juste sans gloire, vous serez quelque- » fois exposé à l'être avec ignominie. Alors, si vous avez une » ame vraiment grande, la mauvaise renommée, encourue par » des voies honnêtes, ne sera pas sans charme pour vous. »

Si Sénèque a montré de la finesse et du goût dans quelques-unes de ses Lettres, c'est à la CXIV<sup>e</sup>, où il examine l'influence des mœurs publiques et du caractère particulier sur l'éloquence et le style. Mécène écrivait comme il s'habillait ; son discours fut mou, négligé, lâche comme son vêtement. Sénèque ne veut pas

que le philosophe, l'orateur même, s'occupe beaucoup de l'élégance et de la pureté du style ; il l'aime mieux véhément qu'apprêté.

Les richesses font-elles le bonheur ? L'opinion des péripatéticiens sur l'utilité des passions est-elle vraie ? Quelle différence le stoïcien met-il entre la sagesse et le sage ? Qu'est-ce que le bon ? Qu'est-ce que l'honnête ? Quels sont nos besoins et nos désirs naturels ? Quelle est l'origine de nos idées sur le bon et l'honnête ? En quoi consiste la constance du sage ? Les animaux ont-ils le sentiment de leur état ? de la vie réglée , de l'extravagance du luxe, de la frugalité ? Le souverain bien réside-t-il dans l'entendement ? Sa notion y est-elle innée ? on les premières idées de la vie ont-elles pour base , ainsi que les élémens de toute science et de tout art , quelques phénomènes acquis par les sens ? Voilà le reste des questions agitées depuis la cxv<sup>e</sup> Lettre jusqu'à la cxxiv<sup>e</sup> et dernière.

Lettre cxvi : « Un jeune fou demandait à Panétius si le sage » pouvait être amoureux. Panétius lui répondit : Oni, le sage. »

Lettre cxxi : « L'accomplissement de vos désirs les plus vifs a » souvent été la source de vos plus grandes peines. . . » En effet , combien il m'est arrivé de fois de soupirer après le malheur !

Lettre cxxii : « Discerner la vérité au milieu de l'erreur générale , c'est le caractère du génie. Opposer son sentiment à celui » de tout un peuple , c'est l'indice d'une âme forte. »

Il serait difficile de citer un sentiment honnête , un précepte de sagesse , un exemple de beau , qui ne se trouvât dans ces Lettres. On y voit partout un penseur délicat , subtil et profond , un homme de bien. Cependant , où ont-elles été écrites ? A la cour la plus dissolue. Dans quel tems ? Au tems de la plus grande dépravation des mœurs. Elles sont au nombre de cent vingt-quatre ; et dans aucune , pas un seul mot qui sente l'hypocrisie. Ici , sa pensée s'échappe librement de son esprit ; là , son âme et sa tête s'échauffent de concert : il est indigné , il est violent , mais , à travers les différens mouvemens qui l'agitent , toujours vrai , toujours lui. Je suppose que ce recueil tombât entre les mains

### 382 DE EPISTOLIS TESTIMONIUM.

d'un homme de sens , mais assez étranger à la philosophie pour ignorer le nom de Sénèque ; et qu'après la lecture de ces Lettres , on lui demandât ce qu'il pense de l'auteur. Balancerait-il à répondre , qu'on n'écrit ainsi que quand on a reçu de la nature une élévation , une force d'ame peu commune ? Et réussirait-on à lui persuader le contraire , surtout si l'on faisait passer successivement sous ses yeux les autres ouvrages de Sénèque , et qu'on terminât cet essai par l'histoire de sa vie et le récit de sa mort ? Ne serait-il pas tenté de s'écrier de Sénèque , comme Érasme de Socrate : *Sancte Seneca* ?

Deux grands philosophes firent deux grandes éducations : Aristote éleva Alexandre ; Sénèque éleva Néron.

Les deux hommes les plus sages , les deux plus grands philosophes , l'un d'Athènes , l'autre de Rome , sont morts d'une mort violente <sup>1</sup> : tous deux ont été tourmentés pendant leur vie , et calomniés après leur mort. Vous qui marchez sur leurs traces , plaignez-vous , si vous l'osez.

Les Lettres de Sénèque sont trop pleines , trop substantielles , pour être lues sans interruption. C'est un aliment solide qu'il faut se donner le tems de digérer.

<sup>1</sup> Diogène Laërce cite un auteur nommé Eumélus , qui prétend qu'Aristote s'étant retiré à Chalcis , s'empoisonna à l'âge de soixante-dix ans. (DIOGEN. LAERT. in Aristot. *segm.* 6.)

**FRAGMENTA**  
**LIBRORUM L. A. SENECAE**  
**QUI INTERCIDERUNT.**

*N. B.* De his omnibus quæ sequuntur Epistolas, vide, si placet, et consule præfationem in initio hujus voluminis præfixam. ED.



---

# FRAGMENTA

L. A. SENECAE

EX VETERUM LIBRIS COLLECTA,

CUM J. LIPSII NOTIS.

---

QUINTILIANUS, lib. VIII, cap. III, § 31.

1. NOSTRI autem in jungendo, aut derivando paulum aliquid ausi, vix in hoc satis recipiuntur: nam memini juvenis admodum inter Pomponium et Senecam etiam præfationibus esse tractatum, an *gradus eliminat* apud Attium, in tragædia dici oportuisset.

Cap. v, ejusdem libri, § 18.

2. Facit quasdam sententias sola geminatio; qualis est Senecæ in eo scripto, quod Nero ad Senatum misit occisa matre, quum se periclitatum videri vellet: « Salvum me esse adhuc nec credo, nec gaudeo<sup>1</sup>. »

Lib. IX, cap. II, § 42.

3. Novi vero, et præcipue declamatores, audacius, nec mehercules sine motu quodam imaginantur; ut Seneca in controversia<sup>2</sup>, cujus summa est, quod pater filium et novercam, inducente altero filio, in adulterio depre-

1. *Nec credo, nec gaudeo.* Nec credo, ob magnitudinem scilicet et præsentiam periculi: nec gaudeo, ob pietatem, quia mater exitium meum

molita est, et in eam debui insurgere ad amoliendum.

2. *Seneca in controversia.* Dubites, sit Noster iste, an ipsius pater.

hensos occidit : « Duc : sequor , accipe hanc senilem manum , et quocumque vis imprime. » Et paulo post : « Adspice , inquit , quod diu non credidisti. Ego vero non video , nox oboritur , et crassa caligo. » Habet hæc figura manifestius aliquid : non enim narrari res , sed agi videtur.

Ibidem , § 98.

4. Nam in totum jurare , nisi ubi necesse est , gravi viro parum convenit. Et est a Seneca dictum eleganter : « Non patronorum hoc esse , sed testium. »

PLINIUS , Nat. Hist. lib. VI , cap. XVII.

5. Seneca etiam apud nos tentata Indiæ commentatione<sup>1</sup> , LX annes ejus prodidit , gentes duodeviginti centumque. Par labor sit montes enumerare.

Lib. IX , cap. LIII.

6. Ævi piscium memorandum nuper exemplum accepimus. Pausilypum villa est Campaniæ , haud procul Neapoli ; in ea in Cæsaris piscinis a Pollione Vedio coniectum piscem , sexagesimum post annum expirasse scribit Annæus Seneca , duobus aliis æqualibus ejus ex eodem genere , etiam tunc viventibus.

SORTONIUS , in TIBERIO , cap. LXXIII.

7. Seneca eum (*Tiberium*) scribit , intellecta defectione , exemptum annulum , quasi alicui traditurum , parumper tenuisse : dein rursus aptasse digito , etc.

A. GELLIUS , lib. XII , cap. 11 , Noct. Atticarum.

8. Seneca in lib. XXII Epistolarum moralium , quas

<sup>1</sup> Tentata Indiæ commentatione. historiam scripsit , ut apparet. Adde Itaque regiones descripsit , aut etiam Fragmentum 7 , 29 , 38 , et 39.

ad Lucilium composuit, deridiculos versus Q. Ennium de Cethego antiquo viro fecisse hos dicit :

..... Dictus ollis popularibus olim,  
Qui tum vivebant homines, atque ævum agitabant,  
Flos delibatus populi et suada medulla.

Ac deinde scribit de iisdem versibus verba hæc : « Admiror eloquentissimos viros, et deditos Ennio, pro optimis ridicula laudasse. Cicero certe inter bonos ejus versus et hos refert. » Atque id etiam de Cicerone dicit. « Non miror, inquit, fuisse qui hos versus scriberet, quum fuerit qui laudaret : nisi forte Cicero summus orator agebat causam suam, et volebat hos versus videri bonos. » Paulo post : « Apud ipsum quoque », inquit Seneca, « Ciceronem invenies etiam in prosa oratione quædam, ex quibus intelligas illum non perdidisse operam, quod Ennius legit. » Ponit deinde quæ apud Ciceronem reprehendat, quasi Enniana, quod ita scripserit in libris de republica, ut « Menelao Laconi fuit suaviloquens jucunditas »; et quod alio in loco dixerit, « breviloquentiam in dicendo colat. » Deinde, « Non fuit », inquit Seneca, « Ciceronis hoc vitium, sed temporis; necesse erat hæc dici, quum illa legerentur. » Deinde adscribit, Ciceronem hæc ipsa interposuisse ad effugiendam infamiam nimis lascivæ orationis et nitidæ. De Virgilio quoque eodem in loco verba hæc ponit : « Virgilius quoque noster non ex alia causa duos quosdam versus, et enormes, et aliquid supra mensuram trahentes interposuit, quam ut Ennianus populus agnosceret in novo carmine antiquitatis aliquid. »

Addit non multo post ex Seneca :

« Quidam sunt tam magni sensus Q. Ennii, ut licet scripti sint inter hircosos, possint tamen inter unguentatos placere. » Et quum reprehendisset versus quos supra

de Cethego posuimus : « Qui hujusmodi, inquit, versus amant, liceat sibi eosdem admirari et Soterici lectos. » Audias tamen commemorari ac referri pauca quædam quæ ipse idem Seneca bene dixerit : quale est illud quod in hominem avarum et avidum et pecuniæ sitientem dixit, « Quid enim refert quantum habeas ? multo illud plus est quod non babes. »

TERTULLIANUS, de Anima, cap. XLII.

9. Multo coactius Seneca : « Post mortem, ait, omnia finiuntur, etiam ipsa <sup>1</sup>. »

LACTANTIUS, Divinarum Institutionum lib. I, cap. v.

10. Annæus quoque Seneca, qui ex Romanis vel acerrimus Stoicus fuit, quam sæpe summum Deum merita laude prosequitur ! Nam quum de immatura morte disserteret, « Non intelligis, inquit, auctoritatem, ac maiestatem judicis tui ? Rector is orbis terrarum, celique et deorum omnium Deus, a quo ista numina, quæ singula adoramus et colimus, suspensa sunt ! » Item in Exhortationibus : « Hic, quum prima fundamenta molis pulcherrimæ jaceret, et hoc ordiretur, quo neque majus quidquam novit natura, nec melius, ut omnia sub ducibus suis irent, quamvis ipse per totum se corpus intenderat, tamen ministros regni sui deus genuit. » Et quam multa alia de Deo nostris similia locutus est, quæ nunc differo, quod aliis locis opportuniore sunt !

Cap. VII.

11. Et est illud verum quod dixisse in Exhortationi-

1. *Tertullianus de anima.* Citant alium locum ex eodem, c. 20, ut Fragmentum : atqui exstat locus ille IV De Benef. cap. 6, totidem verbis. Sed et sequens sententia alibi in Epistolis, nisi memoria fallit.

bus Senecam supra retuli, « genuisse regni sui ministros Deum. »

Eodem cap. vii.

12. Quod Seneca vir acutus in Exhortationibus suis vidit. « Nos, inquit, aliunde pendemus. Itaque ad aliquem respicimus, cui quod est optimum in nobis, debeamus. Alius nos edidit, alius instruxit : Deus ipse se fecit<sup>1</sup>. »

Ejusdem lib. cap. xvi.

13. Non illepide Seneca, in libris moralis philosophiæ, « Quid ergo est, inquit, quare apud poetas salacissimus Jupiter desierit liberos tollere ? Utrum sexagenarius factus est, et illi lex Papia fibulam imposuit ? an impetravit jus trium liberorum ? an tandem illi venit in mentem, Ab alio exspectes, alteri quod feceris ? et timet, ne quis sibi faciat, quod ipse Saturno ? »

Lib. II, cap. II.

14. Recte igitur Seneca in libris moralibus, « Simulacra, inquit, deorum venerantur, illis supplicant genu posito, illa adorant : illis per totum adsident diem, aut adstant : illis stipem jaciunt, victimas cædunt : et quum hæc tantopere suspiciant, fabros, qui illa fecere, contemnunt. »

Ejusdem lib. cap. iv.

15. Merito igitur etiam senum stultitiam Seneca deridet. « Non, inquit, his pueri sumus, ut vulgo dicitur,

1. *Deus ipse se fecit.* Condito nempe mundo, qui est Deus Stoicus. Aliquid pro hoc sensu in Physiolog. I, Dissert. vii, vide, et hunc lo-

cum, sis, adde. *Lips.* — Nobis vero sensus esse videtur : Dum nos ab alio, nempe Deo, pendemus, ipse a nullo pendet, et a nullo alio, factus est.

sed semper. Verum hoc interest, quod majora nos ludimus. »

Cap. viii.

16. Melius igitur Seneca omnium Stoicorum acutissimus, qui vidit nihil aliud esse Naturam, quam Deum. « Ergo, inquit, Deum non laudabimus, cui naturalis est virtus? Nec enim illam didicit ex ullo. Immo laudabimus; quamvis enim naturalis illi sit, sibi illam dedit, quoniam Deus ipse natura est. »

Lib. III, cap. xv.

17. Eodem ductus errore Seneca (quis enim veram viam teneret, errante Cicerone?): « Philosophia, inquit, nihil aliud est, quam recta vivendi ratio; vel, honeste vivendi scientia; vel, ars recte vitæ agendæ. Non errabimus, si dixerimus philosophiam esse legem bene honesteque vivendi. Et qui dixerit illam regulam vitæ, suum illi nomen reddiderit. »

Ibidem.

18. Item Seneca in Exhortationibus, « Plerique, inquit, philosophorum tales sunt, ut sint disertissimi in convivium suum; quos si audias in avaritiam, in libidinem, in ambitionem perorantes, professionis indicium putes: adeo redundant ad ipsos maledicta in publicum missa; quos non aliter intueri decet, quam medicos, quorum tituli remedia habent, pyxides venena. »

Ibidem.

19. « Faciet sapiens, inquit idem Seneca, etiam quæ non probabit, ut etiam ad majora transitum inveniat: nec relinquet bonos mores, sed temporis aptabit: et qui-

bus alii utuntur in gloriam, aut voluptatem, utetur agendæ rei causa. » Et paulo post : « Omnia quæ luxuriosi faciunt, quæque imperiti, faciet et sapiens, sed non eodem modo, eodemque proposito. »

Cap. XVI ejusdem libri.

20. Et Seneca, « Nondum sunt, inquit, mille anni, ex quo initia sapientiæ nota (mota) sunt. » Multis ergo seculis humanum genus sine ratione vixit.

Cap. XXIII.

21. Fuisse Seneca inter Stoicos ait, qui deliberaret, utrumne Soli quoque suos populos daret; inepte scilicet, qui dubitaverit.

Cap. XXV.

22. Platonem quidem redemisse Anniceris quidam traditur sestertiis VIII<sup>1</sup>. Itaque insectatus est conviciis redemptorem Seneca, quod parvo Platonem aestimavcrit.

Lib. V, cap. IX.

23. Qui volent scire omnia, Senecæ libros in manum sumant, qui *morum vitiorumque publicorum et descriptor verissimus, et accusator acerrimus* fuit.

Ejusdem libri cap. XIII.

24. Recte igitur Seneca, incongruentiam hominibus objectans, ait : « Summa virtus illis videtur magnus animus; et iidem eum, qui contemnit mortem<sup>2</sup>, pro furioso habent; quod est utique summæ perversitatis. »

1. Redemisse Anniceris sestertiis octo. Justissime, ut neutro genere accipias octona sestertia: id est, *Philippicos ducentos* (circiter 1,600 fr.)

Sunt enim ipsæ viginti minæ, quibus veniisse eum Laertius scripsit; etsi alii augent ad triginta.

2. Iidem eum, qui contemnit mor-

Lib. VI, cap. XVII.

25. Item Senecæ in libris moralis philosophiæ dicentis : « Hic est ille homo honestus, non apice<sup>1</sup> purpurave, non lictorum insignis ministerio, sed nulla re minor : qui quum mortem in vicinia videt, non sic perturbatur, tanquam rem novam viderit : qui, sive toto corpore tormenta patienda sunt, sive flamma ore recipienda est, sive extendendæ per patibulum manus, non quærit quid patiat, sed quam bene. » Qui autem Deum colit, hæc patitur, nec timet.

Lib. VI, cap. XXIV.

26. Nec lucrari se quisquam putet, si delicti conscius non habebit ; scit enim ille omnia, in cujus conspectu vivimus : nec, si universos homines celare possumus, Deum possumus, cui nihil absconditum, nihil potest esse secretum. Exhortationes suas Seneca mirabili sententia terminavit. « Magnum, inquit, nescio<sup>2</sup> quid, majusque quam cogitari potest, numen est, cui vivendo operam damus : huic nos approbamus. Nam nihil prodest inclusam esse conscientiam : patemur Deo. » Quid verius dici potest ab eo qui Deum nosset, quam dictum est ab homine veræ religionis ignaro ?

Ibidem.

27. Idem in ejusdem operis primo : « Quid agis ? inquit ; quid machinaris ? quid abscondis ? Custos te tuus sequitur. Alium tibi peregrinatio subduxit, alium mors,

tem. De Peripateticis sermo, qui abhorrent mortem spontaneam.

1. *Non apice*, sc. sacerdotum.

2. *Magnum nescio quid*. Mirifica

sententia, et merito Lætantio laudata. Sed nota, quod clausit Exhortationes Senecæ : sicut et eadem Physiologiam nostram, de Divinis. Lips.



alium valetudo : hæret hic , quo carere nunquam potes. Quid locum abditum legis , et arbitros removes ? Putas tibi contigisse , ut oculos omnium effugias ? Demens ! quid tibi prodest non habere conscium , habenti conscientiam ? »

Ejusdem , cap. xxv.

28. Quanto melius et verius Seneca ? « Vultisne vos , inquit , Deum cogitare magnum et placidum , et majestate leni verendum ? amicum , et semper in proximo ? non immolationibus , et sanguine multo colendum : quæ enim ex trucidatione immerentium voluptas est ? sed mente pura , bono honestoque proposito ? Non templa illi , congestis in altitudinem saxi exstruenda sunt : in suo cuique consecrandus est pectore. »

Lib. VII , cap. xv.

29. Non inscite Seneca ! Romanæ urbis tempora distribuit in ætates. « Primam enim dixit infantiam sub rege Romulo fuisse , a quo et genita , et quasi educata sit Roma : deinde pueritiam sub cæteris regibus , a quibus et aucta sit , et disciplinis pluribus , institutisque formata : at vero Tarquinio regnante quum jam quasi adulta esse cœpisset , servitium non tulisse , et , rejecto superbæ dominationis jugo , maluisse legibus obtemperare , quam regibus : quumque esset adolescentia ejus sine Punici belli terminata , tum denique confirmatis viribus cœpisse juvenescere. Sublata enim Carthagine , quæ tam diu æmula Imperii fuit , manus suas in totum orbem terra marique porrexit : donec regibus cunctis et nationibus Imperio subjugata-

1. *Non inscite Seneca.* Hæc ad Flori historiam , quæ extat , referunt , et colligunt Senecam cognos-

mento fuisse. Non puto huc facere , et res inspecta dicet : quia alia in Floro divisio , aliisque finibus ætates

tis, quum jam bellorum materia deficeret, viribus suis male uteretur, quibus se ipsa confecit. Hæc fuit prima ejus senectus, quum bellis lacerata civilibus, atque intestino malo pressa, rursus ad regimen singularis imperii recidit, quasi ad alteram infantiam revoluta. Amissa enim libertate, quam Bruto duce et auctore defenderat, ita consenuit, tanquam sustentare se ipsa non valeret, nisi adminiculo regentium niteretur. »

[ B. HIERONYMUS adversus JOVINIANUM, libro primo.

30. Claudia, virgo Vestalis, quum in suspicionem venisset stupri, et simulacrum matris Idææ in vado Tiberis hæreret, ad comprobendam pudicitiam suam fertur cingulo duxisse navem, quam multa millia hominum trahere nequiverant. « Melius tamen, inquit Lucani poetæ patruus, cum illa esset actum, si hoc quod evenit, ornamentum potius exploratæ fuisset pudicitiae, quam dubiæ patrocinium. »

Eodem libro.

31. Scripserunt Aristoteles, et Plutarchus, et noster Seneca de matrimonio libros, ex quibus et superiora nonnulla sunt, et ista quæ subjecimus. « Amor, formæ oblivio est, et insaniae proximus, fœdum minimeque conveniens animo sospiti vitium, turbat consilia, altos et generosos spiritus frangit, a magnis cogitationibus ad humillimas detrahit : querulos, iracundos, temerarios, dure imperiosos, serviliter blandos, omnibus inutiles, ipsi novissime amori, facit. Nam quum fruendi cupiditate insatia-

terminantur. Confer, agnosces. Ergo verius, ipsius Senecæ scriptum hoc fuisse; et Florum imitando decerpisse. Lips.—Nos de M. Seneca,

L. patre, agi crediderimus. Cujus opinionis rationes vide infra, Nova Fragm. p. 412, not. 1. De utroque Seneca Fabric. Bib. Lat. t. II, p. 87,

bili flagrat, plura tempora suspicionibus, lacrymis, conquestionibus perdit, odium sui facit, et ipse novissime sibi odio est. »

Paulo infra.

32. Refert præterea Seneca, « cognovisse se quemdam ornatum hominem, qui exiturus in publicum, fascia uxoris pectus colligabat, et ne puncto quidem horæ præsentia ejus carere poterat, potionemque nullam nisi alterius tactam labris, vir et uxor hauriebant : alia deinceps non minus inepta facientes, in quæ improvida vis ardentis affectus erumpebat. »

In fine.

33. « Nam quid, ait Seneca, de viris pauperibus dicam ? quorum in nomen mariti, ad eludendas leges quæ contra cælibes sunt, pars magna conducitur. Quomodo potest regere mores, et præcipere castitatem, et mariti auctoritatem tueri, qui nupsit ? »

B. AUGUSTINUS, de civitate Dei, lib. VI, cap. x.

### 34. DE SUPERSTITIONE.

Hunc locum præ aliis omnibus laudat Justus Lipsius, ut pote *acumine, prudentia, libertate* præclarum ; ita ut illum in suis *Electis*, lib. II, c. XVIII, inseruerit et peculiaribus notis ornaverit, quas hic suo quasque loco apponendas curavimus. Postquam locum exscripsit, exclamat :

« En fragmenta, et quidem tota. Juvit enim describere : atque utinam plura ! Nam quid non solum liberius, sed melius, acu-

1. *Qui nupsit.* Nempe pauperculus ille, umbratilis maritus. Qui nubere dicitur asperere, quoniam in leges

et manum venit, facturus quod jubetur, et obnoxius ut femina. Nam *nubere* proprie de femina dicitur.

tius, prudentius potuit, in impiam illam pietatem? Et si non vagus aut vanus tibi sensus, habebis, Lector, quod huic etiam ævo serviat; quo religionum, ut sic dicam, thyrso percussæ, bacchantur ac gallantur multorum mentes. Sed ut maneam in meo citco, promit hæc Augustinus e libro Senecæ quem contra Superstitiones scripsit. Qui, ut optima pleraque, periit: sed memoria tamen ejus apud Tertullianum etiam, in Apologetico hoc velut auctoritatis firmæ telum intorquentem contra Gentes. *Infrendite*, inquit, *inspumate*; *iidem tamen estis qui Senecam aliquem pluribus et majoribus de superstitione vestra perorantem reprehendistis.* (Ubi scripsisse Doctorem magnum censeo, *aliquampluribus*: qua forma et conjunctione in Apuleio, immo et in Ciceronis Verrinis lego, *aliquammultos.*) Et alludere quidem Tertullianus ad hunc titulum, De Superstitione, videtur. Non tamen nego, quin pluribus locis, immo libris hoc argumenti genus tractarit Annæus, præsertim in Exhortationibus: quas Lactantius aliquoties nominat, et adducit sententias haud dispares istis. »

Libertas sane, inquit Augustinus, quæ huic defuit, ne istam urbanam theologiam theatricæ simillimam, aperte sicut illam reprehendere auderet, Annæo Senecæ, quem nonnullis indiciis invenimus Apostolorum nostrorum claruisse temporibus<sup>1</sup>, non quidem ex toto, verum ex aliqua parte non defuit. Adfuit enim scribenti, viventi defuit. Nam in eo libro quem contra superstitiones condidit, multo copiosius ac vehementius reprehendit ipse civilem istam et urbanam theologiam, quam Varro theatricam atque fabulosam. Quum enim de simulacris ageret:

1. *Quem nonnullis indiciis... Apostol. nostr. claruisse tempor.* Quibus indiciis, o Augustine? Illiane Epistolarum ad Paulum (quas vide infra)? Suspicamur id te suspicatum; sed frustra: quia vanæ illæ, et ab inscitis

impostore: et bonis sane hameris Hieronymus qui admisit, et habuit fidem. Tamen quid indiciis opus? Aqua et aere isto liquidius est, comparem ætate Senecam Apostolis fuisse, et vixisse Claudii ac Neronis ævo.

« Sacros, inquit, immortales, inviolabilesque deos in materia vilissima atque immobili dedicant. Habitus illis hominum, ferarumque, et piscium, quidam vero mixtos ex diversis corporibus induunt<sup>1</sup>. Numina vocant, quæ si spiritu accepto subito occurrerent, monstra haberentur. »

Deinde aliquanto post, quum theologiam naturalem prædicans, quorundam philosophorum sententias digessisset; opposuit sibi quæstionem, et ait : « Hoc loco dicet aliquis : Credam ego cælum et terram deos esse, et supra lunam alios, alios infra ? Ego feram aut Platonem, aut Peripateticum Stratonem, quorum alter fecit Deum sine corpore, alter sine animo ? » Et ad hoc respondens, « Quid tandem ? inquit : veriora tibi videntur T. Tatii, aut Romuli, aut Tulli Hostilii somnia ? Cluacinam T. Tatius dedicavit deam, Picum Tiberinumque Romulus, Hostilius Pavorem atque Pallorem, teterrimos hominum affectus : quorum alter mentis territæ motus est, alter corporis, ne morbus quidem, sed color<sup>2</sup>. Hæc numina potius credes, et cælo recipies ? » De ipsis vero ritibus crudeliter turpibus, quam libere scripsit ! « Ille, inquit, viriles sibi partes amputat, ille lacertos secat. Ubi iratos deos timent, qui sic propitios habere merentur<sup>3</sup> ? dii autem nullo ipsi debent coli genere, si et hoc volunt. Tantus est perturbatæ mentis et sedibus suis pulsæ furor, ut sic dii pla-

1. *Quidam vero mixti.* etc. Lipsius, in Electis scribit : *quid vere mixto sensu diversis corporibus induunt.* Libri veteres, inquit in nota, *mixto sexu.* Quid haud improbo, quasi e mare et femina compositi quidam divi : ut Hermæonæ, Hermeracles. *Mixto sensu* tamen præferam, ut velit deos componi et misceri ex hominibus simul ferisque, et animantibus

quibus diversi sensus. Quod in pietura et fictura stultissime receptum illis scimus.

2. *Quorum alter mentis territæ motus est, alter corporis : ne morbus quidem, sed color.* Si attendis, omnino ex subjecta sententia, utrobique aut *motus* scribendum, aut *morbus.* Atque illud potius.

3. *Ubi iratos Deos timent, qui sic*

centur, quemadmodum ne homines quidem sæviunt. Teterrimi, et in fabulas traditæ crudelitatis tyranni, laceraverunt aliquorum membra, neminem sua lacerare jusserunt. In regiæ libidinis voluptatem castrati sunt quidam, sed nemo sibi ne vir esset, jubente domino, manus intulit<sup>1</sup>. Se ipsi in templis contrucidant; vulneribus suis ac sanguine supplicant. Si cui intueri vacet quæ faciunt, quæque patiuntur; inveniet tam indecora honestis, tam indigna liberis, tam dissimilia sanis, ut nemo fuerit dubitaturus furere eos, si cum paucioribus furerent: nunc sanitatis patrociniū est, insanientium turba. » Jam illa quæ in ipso Capitolio fieri solere commemorat, et intrepide omnino coarguit, quis credat nisi ab irridentibus, aut furentibus fieri? Nam quum in Sacris Ægyptiis Osirim lugeri perditum, mox autem de invento magnum esse gaudium derisisset; quum perditio ejus inventioque fingatur, dolor tamen ille atque lætitia, ab eis qui nihil perdiderunt, nihilque invenerunt, veraciter exprimatur: « Huic tamen, inquit, furori certum tempus est. Tolerabile est, semel in auno insanire. In Capitolium perveni: pudebit publicatæ dementiæ, quod sibi vanus furor attribuit, officii. Alius numina Deo subjicit<sup>2</sup>, alius horas Jovi nun-

*propitios merentur? Acule; nec alius Quintilianus præci illius et Attici (ita me judice audiet) declamatoris sensos, in Fanatio: Istud si Deus cogit, iratus est.*

1. *Sed nemo sibi ne vir esset, jubente domino, manus intulit.* Mallem, *jubente animo.* Nam ut a dominis quidam ad id adacti, eum pernegemus?

2. *Alius numina Deo subjicit.* Legebam, *lumina.* Et carpi censebam eam, qui cereos lychnosque passim clara luce accendebant in templis.

Lactantius libro VI: «Maciant hostias Deo, tanquam esurienti; profundunt vias, tanquam sitiienti; accendunt lumina, velut in tenebris agenti.» Al liber vetus et bonus, quem oculus sum ex dissipata bibliotheca Batava Egmondana, refert nomina. Et vide num occultior ritus sit, tanquam diis adstiteriot sui nomenclatores, qui salutantem sive adorantem nomina velut seseis ingererent: ambitione videlicet et ritu qui ioter pncees Romanos. Mihi hoc assidere ineptiis iis videtur, quæ sequuntur.

tiat<sup>1</sup>, alius lictor est, alius unctor<sup>2</sup>, qui vano motu brachiorum imitatur ungentem. Sunt quæ Junoni ac Minervæ capillos disponant, longe a templo non tantum a simulacro stantes, digitos movent ornantium modo. Sunt quæ speculum teneant<sup>3</sup>, sunt quæ ad vadimonia sua deos

1. *Alius horas Jovi nuntiat.* Ita enim mos passiva apud alios etiam Deos. Martialis de Iside : « Nunciat octavam Parie sua turba juvenem. » *Apulius* libro XI, de eadem : « Ac dum valvis candentibus reductis in diversum, Deæ venerabilem conspectum apprecamur, et per dispositas aras circumiens sacerdos rem divinam procurat, supplicamentis solemnibus da penetrali fonte petitum spondeon libat : rebus rite consummatis, inchoatæ laeis salutationibus, religiosi primam nunciantes horam perstrepunt. » Quo loco obiter legendum moneo, *dum velis candentibus*, fide scripti libri mei. Et sane vela fuisse scimus ante sanctiores aras statnasque (etiam apud Jodæos) quæ adduci solitum et reduci. Idem Milesius scriptor, de se initiato : « Sic ad instar Solis exornato, et in vicem simulacri constituto repente velis reductis, in adspectum populi arrabam. » Quin et Christianorum templis similis ornatus. Paulinus Nolanus : « Aurea nunc niveis ornantur limina velis. » Et alibi in VI Natali Felicitis. Ita enim at hæc ex eodem meo codice emendo. Cæterum solennes salutationes hæc deorum, ut multa, et tenebris eruit Jos. Scaliger notis in Tibulum : quibus apposite huncce Senecam locum addes, et alterum ex Epistola xcv, § 47 : « Vetemus salutationibus matutinis fongi, et foribus adsidere templorum. Humana ambitio istis officiis capitur : Deum colit, qui novit. » Vide notam.

2. *Alius lictor est, alius unctor.* Displect hic lictor, scribo, fector. Id enim nomen inter officia divina. In lapidibus legi : DISCIPULUS. PICTORUM. PONTIFICUM. Item : PICTOR. v. p. id est, Virginum Vestalium. Alibi : PICTOR. PONTIFICUM. Quid fuerint, Isidorus explicat aperte simul et ad nostram mentem apte : « Fictor, inquit, a componendo et fingendo, velut qui capillos mulierum linit et pertractat, ungit et nitidat. » Nam alias Fictor Latinis, qui Græcis Plastes, notione magis vulgari. Agnoscit autem hæc easdem vanitates in deorum cultu etiam Artemidorus libro II, cap. 34, *Ἐπὶ θεῶν πρῶς*. Ait : « Ἐκράσονται δὲ θεῶν ἀγάλματα, ἢ καθάριον, ἢ ἀλείφειν, ἢ σαρκεῖν τὰ πρὸς τοῦν ὄψον καὶ τὰ πρὸς τοῦν ἀγαλμάτους, ἢ παρρησίαι τι εἰς αὐτοὺς ἐκείνους τοὺς θεοὺς σημαίνει. » Sed et Vestitores suos diis fuisse, Jolius Firmicus me docet libro III : « Mercurius, inquit, cum Veuere in tertio ab horoscopo loco, faciet vestitores deorum. »

3. *Sunt quæ speculum teneant.* Insignis, nec vulgo nobilis hic ritus. Speculum autem diis præsertim feminis tenebant ostendebantque, quasi ad inspicendum explorandumque satissæ cultæ. Seneca ipse in Epistolis : « Vetemus lintea et strigiles Jovi ferre, et speculum tenere Junoni. » Ubi lintea et strigiles ad balnea scilicet referes, quasi lotionem quoque Jovi usus. Apuleios de iisdem speculis bene illustrat, Milesias. XI. De pompa Isidis : « Mulieres, inquit, candido

advocent<sup>1</sup> : sunt qui libellos offerant , et illos causam suam doceant. Doctus Archimimus , senex jam decrepitus<sup>2</sup> , quotidie in Capitolio mimum agebat , quasi dii libenter spectarent , quem homines desierant. Omne illic artificum genus , operantium diis immortalibus , desidet. » Et paulo post , « Ili tamen , inquit , etiam si supervacuum usum , non turpem nec infamem Deo promittunt<sup>3</sup> : sedent quædam in Capitolio , quæ se a Jove amari putant : nec Junonis quidem , si credere poetis velis , iracundissimæ respectu terrentur. » Hanc libertatem Varro non habuit , tantummodo poeticam theologiam reprehendere ausus est , civilem non ausus est , quam iste concidit. Sed si verum attendamus , deteriora sunt templa , ubi hæc aguntur , quam theatra , ubi finguntur. Unde in his sacris civilis theologiæ has partes potius elegit Seneca sapienti , ut eas in animi religione non habeat , sed in actibus fingat. Ait enim : « Quæ omnia sapiens servabit tanquam legibus jussa , non tanquam diis grata. » Et paulo post , « Quid quod et matrimonia , inquit , deorum jungimus , et ne pie quidem , fratrum scilicet et sororum ? Bellonam Marti collocamus : Vulcano Venerem : Neptuno Salaciam : quosdam tamen cælibes relinquimus , quasi conditio defe-

splendentes amicimine , verno florentes coronamine , quæ de gremio per viam , qua sacri incedebant comitatus , solum sternerant flosculis. Aliæ quæ , nitentibus speculis pone tergum reversis , venienti deæ obvium com monstrarent obsequium. »

1. *Sunt quæ ad vadamonia sua Deos advocent.* Immo , qui. Nec viros ab his nugis excernamus : quorum vadari certe est , et hæc forensia obire , non feminarum.

2. *Doctus Archimimus , senex jam*

*decrepitus.* Itane *Docti* adjectio conveniens Mimo ? non meo sensu : putemque nomen certi hominis fuisse , et scribendum *Docimus Archimimus* , aut *Docio*. Memoria non semper mihi prompta : tamen lectum simile aliquod mimi nomen confuse mihi est in mente. In iisdem etiam verbis legere malim , *senex* , imo *decrepitus*.

3. *Deo promittunt.* Haud mutem : deo promunt. Tamen veriore hanc lect. censeo.



ccrit : præsertim quum quædam viduæ sint , ut Populonia , vel Fulgora , et diva Rumina , quibus non miror petitorum defuisse <sup>1</sup>. Omnem istam ignobilem deorum turbam , quam longo ævo longa superstitio conguessit , sic , inquit , adorabimus , ut meminerimus , cultum ejus magis ad morem , quam ad rem pertinere. » Nec leges ergo illæ , nec mos , in civili theologia id instituerunt , quod diis gratum esset , vel ad rem pertineret : sed iste , quem Philosophi quasi liberum fecerunt , tamen quia illustris populi Romani senator erat , colebat quod reprehendebat , agebat quod arguebat , quod culpabat adorabat.

Cap. XI , de eodem SENECA.

35. Hic inter alias civilis theologiæ superstitiones reprehendit etiam sacramenta Judæorum , et maxime sabбата : inutiliter id eos facere affirmans , quod per illos singulos septem interpositos dies septimam fere partem ætatis suæ perdant vacando , et multa in tempore urgentia non agendo lædantur. Christianos tamen jam tunc Judæis inimicissimos , in neutram partem commemorare ausus est : ne vel laudaret contra suæ patriæ veterem consuetudinem , vel reprehenderet contra propriam forsitan voluntatem.

Ibidem.

36. De illis sane Judæis quum loqueretur , ait : « Quum interim usque eo sceleratissimæ gentis consuetudo convalluit , ut per omnes jam terras recepta sit : victi victoribus leges dederunt <sup>2</sup>. » Mirabatur hæc dicens , et quid

1. *Quibus non miror petitorum defuisse.* Erige sententiam jacentem interrogandi nota , et scribe , *miror.* Nec plura ad hos ritus : in quibus

perclara imago vanitatis erroris prisci ; a quo quantum beneficium est , quod eripuit nos melior ille deus.

2. *Ficti victoribus leges dederunt.*

divinitus agcretur, ignorans. Subjecit plane sententiam, qua significaret, quid illorum sacramentorum ratione sentiret. Ait enim: « Illi tamen causas ritus sui noverunt, et major pars populi facit, quod cur faciat, ignorat. »

SCRIPTOR vitæ P. Virgilio Maronis.

37. Seneca tradidit, Julium Montanum poetam solitum dicere, involaturum se quædam Virgilio, si et vocem posset, et os, et hypocrisin; eosdem enim versus, eo pronuntiante, bene sonare; sine illo, inarcescere quasi mutos.

SERVIVS, in VI Æneid.

38. Seneca scripsit de situ et sacris<sup>1</sup> Ægyptiorum; hic dicit, « circa Sienem extremam Ægypti partem esse locum, quem Philas, hoc est, Amicas vocant, ideo quod illic est placata ab Ægyptiis Isis, quibus irascebatur, quod membra mariti Osiridis non inveniebat, quem frater Typhon occiderat. Quæ inventa postea quum sepelire vellet, eligit vicinæ paludis tutissimum locum, quem ad transitum constat esse difficilem; limosa enim est et papyris referta. »

Idem SERVIVS, in IX Æneid.

39. Ganges fluvius Indiæ est, qui secundum Senecam, in situ Indiæ, « novem alveis fluit, » secundum<sup>2</sup> Melonem septem: qui tamen et ipse commemorat nonnullos dicere, quod tribus alveis fluat.

Rutilius: « Atque utinam nunquam Judæa subacta fuisset, Pompeii bellis, imperioque Tit! Latus exeseis pestis contagia serpant, Victoresque suos natio victa premit. » Ubi etsi Judæi nominantur, certum Christianos ma-

xime intelligi: sicut et in Seneca ipso.

1. *De situ et sacris.* An et ipsam Ægyptum ergo descripsit? nisi legis, *deritu.* Tamen et statim, Frag. proximo, *de situ Indiæ.*

2. *Melonem.* Suspiciamus legendum

PRISCIANUS, lib. VII.

## 40. Seneca Ovidium sequens :

*Gausapa si sumpsit* <sup>1</sup>, *gausapa sumpta proba.*


CONCILIUM TURONENSE II, Can. XV.

41. Aliqui Laici, dum diversa perpetrant adulteria, hoc quod de se sciunt, in aliis suspiciantur, sicut ait Seneca, « pessimum in eo vitium esse, qui in id quo insanit, cæteros putat furere. »

esse *Melam*. Omnibus enim notus est Pomponius Mela, cujus exstat liber *de situ orbis*, quum nulla illius Melonis apud veteres mentio fiat. Ed.

<sup>1</sup>. *Gausapa si sumpsit*. Est ipso Ovidii versus, lib. II de Arte Amandi. Ergo vult hic Prisciani locus, Senecam non versum scripsisse, sed illo exemplo *Gausapa* extulisse.

His fragmentis nonnulli addunt Orationem Senecæ ad Neronem, qua philosophus noster Imperatorem, quum ad deteriora inclinare cerneret, seque variis criminationibus incessi, oravit ut sibi in otium secedere liceret. Nos vero, quum jam oratio illa in nostra Taciti editione inserta fuerit, et præterea dubitandum sit an ipsius Senecæ verba a Tacito relata essent, quippe qui (ut ipse fatetur *Annal.* XV, c. 63 fin.) aliorum verba invertere solebat, hanc orationem præterire satius duximus, nostros lectores ad ipsum Tacitum (lib. XIV *Annal.* cap. 53, 54) remittentes.



---

# NOVA FRAGMENTA,

EX PALIMPSESTIS ERUTA.

---

## PRÆMONITIO.

SEQUENTIA fragmenta ex illo libro exscripta sunt, quem V. Ill. B. G. Niebuhr, C. F., nuper cum quibusdam aliis edidit, sub hoc titulo : *M. Tullii Ciceronis Orationum pro M. Fonteio et pro C. Rabirio fragmenta, T. Livii lib. XCI fragmentum plenius et emendatius, L. Senecæ fragmenta, ex membranis Bibliothecæ Vaticanæ* (Romæ, 1820; Paris. apud Lenormand), paulo post quam Gaii *Institutiones* ipse reperisset et in lucem edidisset.

Hæc Senecæ, æque ac Ciceronis et T. Livii fragmenta, ex eodem illo jam nobili Bibliothecæ Vaticanæ codice Palatino XXIV, Tobie, Judithæ, Jobi atque Estheris libros continente, eruta sunt, ex quo jam antea T. Livii Historiarum insigne fragmentum exscripserant Paulus Brunsius et Vitus Javenatius.

Suæ horum fragmentorum editioni satis amplam notitiam præmisit Niebuhr, in qua postquam nonnulla monnisset, et de pretiosi, sed misere laceri, codicis descriptione, et de rationibus quibus usus fuerit ut oblitteratas et fere perditas litteras erueret et legeret, tandem ad ipsarum schedarum notitiam accedit, et de nostris fragmentis sic loquitur, Notitiæ in libri frontem præmissee p. 13 :

« Prima inter illas (schedas) comparent sex folia ex duobus *L. Annæi Senecæ* scriptis, quorum memoria penitus interciderat, petita : unum, quo initium libri *de vita patris* continetur ; reliqua quinque *de amicitia* disputationem exhibent, quo tamen titulo libel-

lum inscriptum fuisse præstare nolim. Jam vero codex ille cujus reliquæ ad hunc nsum converse sunt, ejusdem formæ fuit qua libros biblicos scribi placuit, singulæque paginæ singulis respondentæ, ut nunc se habet codex, 10, 15, 39, 40, 43, 44, numerantur. Hæ sunt quas paulo ante situ et madore corrupta fere evanuisse indicavi, quo factum est ut partem antiquæ scripturæ assequi non potuerim. Scriptionis specimen, cujus indoles investigandi facultatem haud parum auget, in tabula dedi. Eam semiminusculam satis apposite nominare possumus : typorum autem qui in libris imprimendis adhibentur origo manifesto inde repetenda est. Denique titulus libri *de vita patris* illam refert qua in scribendo utimur : quæ facile in tabellionum quoque scriptione agnoscitur, quoties, sive in chartis sive in membranarum marginibus, perspicue, non ligatis inter se ductibus, scribere placuit. Utrumque autem scripturæ genus quod in his Annæanis conspicitur, in volumine librorum S. Hilarii de Trinitate obtinet quod in tabulario Basilicæ Vaticanæ asservatur; Carthagine sub Trasimundo Vandalo rege, primis sexti sæculi annis, scripto : cujus subscriptiones, de quarum antiquitate sanus nemo dubium movere poterit, eam exhibent speciem, ut obiter inspicienti facile in mentem venire possit eas ante duo vel tria sæcula adscriptas esse. Itaque minime crederem hujus scripturæ nsum sæculis intermediis omissum fuisse : quanquam haud scio an nihil illo genere exaratum ex eo ævo supersit : Petrarchæ certe epistola, quæ Patavii ostenditur, iis litteris scripta est quibus tunc in codicibus utebantur. Quod vero ad litteram semiminusculam attinet, volumen alterum Codicis Theodosiani inter libros manuscriptos Regiæ, haud dubie ad eadem fere cum codice S. Hilarii tempora referendum, eadem illa, licet crassiore, scriptum est; idemque de fragmentis orationum Symmachi Romanis et Mediolanensibus valet..... »

« Jam quod ad editionis consilium attinet, illud institutum secutum sum quod Juvenatio et Herculaneus voluminum clarissimo editori, atque diu ante eos Fulvio Ursino et Radbodo Schelio, aliisque præterea præclaris viris placuit, ut quid singulis pa-

ginis, versibusque contineatur, quam late pateant lacunæ, quot seu versus seu litteræ perierint vel legi non potuerint, præsertim in iis quæ majoris pretii sunt, accuratissime ante oculos proponerem: ita enim viri criticæ artis periti qui ad codicem accedere nequeunt, tuto sese in emendando supplendoque exercere poterunt: ii vero præcipue, qui post me hasce membranas tractabunt, hac ratione se valde adjuvari sentient. Ea est enim hujus investigationis indoles, ubicumque scriptura oblitterata est, ut vix ab uno perfici possit: alius postea, deinde alius plura quam primus editor feliciter divinando assequatur, atque a conjecturis progressus etiam oculis agnoscat: atque hæc profecto unica ad omnia paulatim in hujusmodi codicibus exculpanda via est. Ego vero, si alius ea de quibus desperavi a se perspecta esse monstrabit, sive etiam, licet magna adhibita diligentia, me nonnunquam errasse, minime me ignominia affectum esse arbitror: quin potius hoc consequar ut eisdem viros graves fidei meæ testes habeam: cæterum non mea res agetur, sed communis litterarum utilitas, quæ bonis omnibus semper carissima fuit, et esse debet. » (Ex Notitia, p. 27.)

Hoc tamen institutum paululum immutavit in edendis his Senecæ Fragmentis, quæ, sane melius servata, paulo melius quam reliqua legi poterant.

« In his Fragmentis proponendis, inquit in eorum fronte, satis visum est omnia vulgato more atque interpuncta perscribere; paginas tamen codicis, et quantum quoque loco oblitteratum sit accurate indicavi. »

*De amicitia* <sup>1</sup>.

\* 1. (il) le tristior quam solebat | o . . ru. ille<sup>2</sup> . . m . .  
 si | . . . . . me . . . in ad . . | . . a quærentem . erm . . |  
 . . . . . t . ni . se . . | grcs . r. ac fecit . . . . | ter alteri  
 . . . . . | dit a . . . . . | scs . . . . . |  
 plus . . . . hi . conquesturus venit : at contra se adfuit et  
 satisfaciendi satisfacit : non minus hic sollicitus fuit ne  
 fecisse videretur injuriam quam ille ne accepisse : aut  
 certe nihil || resedit quod serperet, sed in medium dedit  
 uterque offensiones suas, et alter ab altero quidquid late-  
 bat expressit. Familiare jurgium non judicem sed ar-  
 bitrum quærit, nihil autem componitur inter absentes ,

1. *De amicitia.* Hunc titulum præscripti ut esset aliquis: exterum neque in membranis adest, neque hoc modo inscriptus liber Senecæ memoratur; quia fieri potuit ut, quæ hic habemus, in libris Moralis philosophiæ existeriat, quos se elaborare ad Lucilium Seneca scripsit, perfectosque et editos fuisse ex Lactantio patet, qui plurima inde profert. Potuit autem Seneca, Aristotelis exemplum secutus, absoluta doctrina de moribus atque officiis, in illis de amicitia disserere.

2. *O. ru. ille.* Quicumque membranarum rescriptarum rationem tenet, divinando tentandum gressum esse scit, ubicumque antiquior scriptura usque ad ductum exidion obliterata, atque a superposita recentiore contexta est: comparatis deinde conjecturis cum illis quæ non sine acerrima oculorum contentione apparent ductibus, recte ne an falsæ sint dijudicari. Hanc viam secutus quoniam in Liviano tum in his fragmentis, plu-

rima, quæ non primo solum intulæ, sed vel vicies tentata, prorsus desperanda esse videbantur, tandem assensus sum: manent tamen in his Annæianis lacunæ, pro exiguo eorum modulo magnæ, in quibus explendis ut alius Senecæ præstare possit quod ego Livio, optandum est. Cui rei quo melius se accingant oculati et eruditi viri, a Senecæ lectione recentes, meliusque quam ego instructi, quum hoc loco, tum aliis ejusdem naturæ; quæcumque visn percipere potui, diligenter proposui, versuum fines indicavi, in quibus singulis 16 aut 17, raro plures, litteras contineri moneo; neque pro iis reprehensionem metuo ubi in litteris erratum fuerit, quippe qui certo sciam, successoribus in hæc opera meis plurimum adjumenti collatum esse his, quæ nisi alios post me felicius elaboratos esse sperarem, ut inutilia abjicerem. — Ex 17 uniuscujusque paginæ versibus 10 vel 11 primi superposita scriptura continguntur: reliqui in versuum in-



nec tuto epistulis omnis querela committitur, et inexplo-  
rata fronte, per quam produntur animi, incertum est  
quam simpliciter detegatur ira, quam fide || liter desinat. ·1 77 ·d  
Sic amico<sup>1</sup> judicaturus amicus a præsente secundum ab-  
sentem det.

Quisquis re consulta ri.... contrahat<sup>2</sup> plurimum operis  
facit : in rem præsentem<sup>3</sup> perducatur amicum. Quemadmo-  
dum multa quorum in tenebris audacia est, luce prohi-  
bentur; ita, quæ absentes irritant et concitant, ad præs-  
entiam non ferunt. Optimum est itaque, etiam si quid  
neg || legentius prætermissum est .... bu . an . u. | fac- ·A 65 ·d  
tum cre ..... con | putatum ... verbi . | .... in id tem-  
pus. . . | niq . o possit ... nob . | le . . le re . . . . . ne  
| pcns ad . . nari . . si : prae | terea *sinceram* amicitiam  
deceat ut sine cicatrice sanetur.

Quæramus a venientibus quid absentes agant, debi-  
toribus illorum instemus, creditoribus respondeamus,  
inimicis resistamus : si aut—— ·A 66 ·d

II. Quæritis : itaque momento amicitiae vestrae exoles-  
cent quarum mens aut animus pignus est.

Una peregrinatio eradit animo jus omne : si vero lon-  
gior hæc est et longinquior, excidit notitia quoque, non  
tantum amicitia. Quod ne possit accidere, omni opera  
sistamus, et fugientem memoriam reducamus : utamur,  
ut in prima parte diccbam, || animi velocitate, neminem ·A 67 ·d

terstitiis comparentes, dempto tamen  
folio 10, r. quod situ confectum est,  
facile leguntur.

1. *Amico*. Sic scripsi quia ante *ju-  
dica*, vocabuli reliquias, duæ tantum  
litteræ oppressæ sunt.

2. *Ri... contrahat*. Perfacile cœt

*rixam* supplendo scribere, neque  
litterarum vestigia adversarentur : at  
quo sensu? verbis *plurimum operis* in  
membran. superscriptum est *multum*.

3. *In rem præsentem*. Seneca ad  
Lucil. Ep. IV, p. 14, ed. Bip. « Plus  
tibi et viva vox et convictus quam

a nobis amicum abesse patiamur, in animum subinde nostrum revertantur futura nobis promptu, jam ut præterita repetamus : sic ille manus, sic ora ferebat : imago effingatur animo notabilis et e vivo pectita, non evanida et muta. Sic ille manus, sic ora ferebat : adjiciamus illa  
 1751 d quæ magis ad rem pertinent : sic loquebatur, sic hor || tabatur, sic deterrebat, sic erat in dando consilio expeditus, in accipiendo paratus, in mutando non pertinax : sic solebat beneficia liberaliter dare, patienter perdere, sic properabat benignitas ejus, sic irasebatur, eo vultu ab amico vincebatur, quo solent vincere : ceteras virtutes pererremus, in harum usu tractatuque versemur : et, si  
 1751 d plures eodem tempo || re absunt, vclut sparsa pluribus locis membra familiaritatis nostræ colligamus : nunc hic, nunc ille in ore animoque sit, ubi . . e . ius . . si . . hui . nempe nes : nulla tantum possit vetustas ut memoriam ami | citiæ . . . dæ . . | sic nun . . . . . | lum est . . . . . liæ es . | se interdum . . cu fati | solet in iram' est  
 1751 d quam | valde illum amem | conscientia ea con | . . . . .

III. — (*notitia animi esse certior debet*, quia vultus incertus est. Magnos humanum pectus recessus habet : quod *vultu* quo placet virtus eo fraus adumbratur, et cogitationibus pessimis facies benignissima obducitur : nec facile nisi peritus intellegas quid intersit inter animum amici et colorem.

Hoc<sup>2</sup> sibi quisque proponat quo minus facile fucatis

oratio proderit : in rem præsentem venias oportet. »

1. *Solet in iram.* Quivis videt quæ hic scribuntur non nisi fallacem litterarum speciem esse, quam tamen exhibere, propter rationes antea alla-

tas, placuit. L. — Alius explicare lentet.

2. *Hoc . . officiis.* Tres hosce versus tanquam Ciceronis edidit Melior p. XCIV, addens : « Non ovum ovo similis esse quam isthæc Tullianis plane gemella. »

capiatur officiis : || *rara res est amicitia* : vulgaris aut exposita ut implere totas domos possit vulgo sibi homines persuasere<sup>1</sup>. An aurum ingenti opera tegi creditis, cuius ubique quæsi vix sub aliquo monte vena deprehenditur; amicum autem ubique inveniri, sine ullo labore, sine ulla investigatione<sup>2</sup>? Quid enim<sup>3</sup> tam simplex apertumque est? Atqui non tam in alto latet aurum argentumque —

*Incipit ejusdem | Annæi Senecæ | de vita patris | feliciter : scribente<sup>4</sup> | me . . . . die et lo (co) s (upra) s (cripto).*

Si quæcumque composuit pater meus et edi voluit jam in manus populi emissem, ad claritatem nominis sui satis sibi ipse prospexerat : nam nisi || me decipit pietas, cuius honestus etiam error est, inter eos haberetur qui ingenio meruerunt ut puris scriptorum titulis nobiles es-

1. *Rara... amicitia.* Hic locus apud Meliorem est fragmentum II Ciceronianum.

2. *Vulgaris... persuasere.* Hæc ita in membraui scripta extare omni dubio caret : non tamen eo minus mendosus est locus, qui ne miti quidem medicina sanari potest. Atque ego quidem nullum emendandi genus pejus odi quam illud quod contra libros negationem sive inserit sive tollit : tamen, quum in desperatis ad ultima remedia confugere necesse sit, non video quomodo hæc ad sensum aliquem revocari possint, nisi scribendo : *rara res est amicitia*, non *vulgaris aut exposita, ut implere totas domos possit*, ut vulgo sibi homines persuasere. *Expositum* enim pro re patente seu vulgari dictum esse

arbitror, qua significatione apud Statium et Juvenalem obvium est,

3. *Amicum... investigatione.* Melior, apud quem hæc p̄nc̄ quintum fragmentum efficit in quo *ultra loquentem sese prodere Ciceronem* existimat, pro *amicum*, erat *mecum* præbet.

4. *Quid enim... argentumque.* Apud Meliorem quatuor hi versus III fragmentum sunt, *aureolum* illi nuncupatum, quod tamen *Oedipum requirat*. Idem perabsurde pro *atqui*, aut qui legendum esse pronunciat.

5. *Scribente.* Hujus vocis lectionem amice mihi indicavit ill. Maius qui idem post *me*, *Niciano* aut certe non absimile nomen agnoscere sibi videtur. *Stabilita* autem voce *scribente*, cætera (*die et lo ss*) certissima r̄p̄-

412 L. A. SENECAE FRAGMENTA.

sent. Quisquis legisset ejus historias <sup>1</sup> ab initio bellorum civilium <sup>2</sup>, unde primum veritas retro abiit, pæne usque ad mortis suæ diem, magni æstimaret scire quibus natus esset parentibus ille qui res Roma || *nas*

tionem explicantur: scilicet ad calcem libri qui præcedebat, cujusque fragmenta dedimus, diem locumque subscripserat librarius.

1. *Historias.* Historiarum, quas M. Seneca pater scripserit, nulla apud auctores memoria extat, nisi quod inde petita esse suspicor, quæ Suetonius tanquam a Seneca de morte Tiberii Imp. narrata, in Tiberio cap. 73 refert. Cuius enim tempora attigisse, qui tamen, quum filius sub Claudio exularet, mortuus erat, ex Suasoria II certissimo argumento colligo, quod (p. 21 ed. Bip.): « Cornelii Tuscii, qui Mamercum Scaurum, in quo Scaurorum familia castiocta fuerit, reum fecisset, hominis improbi animi, memioit. » Scauri enim accusatio, ex qua mortem sibi ille conscivit, triconio ante exitum Tiberii accidit (Tacit. An. vi c. 30), quo principe vivo ejus rei mentio, cum accusatoris vituperatione conjuncta, sine manifesto periculo fieri non potuisset.

Hunc locum Fabricii diligentiam effugisse miror, qui alium in eadem Suasoria animadvertit ubi de Attalo Stoico sermo est, Sejani fraude circumvento; is vero sub Tiberio scribi poterat. — Ex hoc loco, quo Marc. Senecam, Nostri patrem, historias scripsisse constat, facile crediderimus illi tribuendos esse historicos quosdam locos Lacio Senecæ a nonnullis tributos, et qui leguntur inter ejus Fragmenta (vide supra, frag. 5, 7, 29, 38, 39), de quorum vero auctore ambigitur. Ed.

2. *Initium bellorum civilium* Divi Julii adventus in Italiam est: nam de iis temporibus, quorum historiam Sallustius conscripsit, dici non poterat *veritatem retro abiisse*. — Igitur, qui, nisi civilia bella eum impedissent, Cicronem audisset (Controv. I proem.) et Tiberio Imp. supervixit (vide not. super.), ad ultimam senectutem pervenit, et ferme nonagenarius obiit.

L. ANNÆI SENECAE  
EPIGRAMMATA.



---

L. ANNÆI SENECAE

## EPIGRAMMATA.

---

HÆC Epigrammata, quæ alio in loco ab aliis ponuntur, a plerisque tamen, nec male, post Consolationem ad Polybium, ab exule quoque scriptam, locantur, inter Fragmenta et Incerta iuserere satius nobis visum est. De his sic loquitur *Ruhkopf*, qui ea in suæ edit. IV vol. post libros de Beneficiis edidit :

« Sequuntur in hoc volumine *Epigrammata novem*, quæ quum Senecæ tribuantur, apponere non dubitavi : quanquam Dionys. Dideroti iudicio<sup>1</sup> subscribendum censeo : neque poetam præstant qui delectet, neque infelicem qui moveat, neque philosophum qui instruat. Nec aliunde nisi a librariis scimus ea Senecæ factum esse, quorum tamen fidem in tali re haud certi momenti ad veritatem evincendam esse constat. Cæterum contuli *Burmanni* Anthologiam Vet. Lat. qui codice Vossii et schedis manuscriptis Scaligeri, una cum editionibus Pithæi, Scaligeri, etc. in usum suum conversis hæc Epigrammata amplo et eo docto commentario ornavit, quo et *Wernsdorfius* beat. mem. in Poet. Lat. Min. Vol. V, 3, ubi nr. I, II, IX edidit, usus est<sup>2</sup>. »

Vulgatum titulum, *Epigrammata super exilio*, paulum mutavimus, quum cuilibet legenti obvium sit perpanca ex illis circa exilium versari. *Ruhkopfii* notas ad Epigrammata servavimus.

<sup>1</sup> Dideroti iudicium ipsius verbis vide ad Epigrammatum calcem.

<sup>2</sup> In hac Collectione, Poet. Lat. min. Vol. IV, p. 543 seq.

## I.

## AD CORSICAM.

CORSICA, Phocaico tellus habitata colono,  
Corsica, quæ patrio nomine Cyrrus eras,

1. *Corsica Phocaico*, etc. Exstat in Bermanui Antholog. Vet. Lat. To. I. Lib. III, Epigr. xxi, p. 464 et VVernsdorffii Poet. Lat. Minor. To. V, Part. III. p. 1368, ut Pithœi Scaligerique edd. omittam. Relegatus in Insulam Corsicam auctor precatur, ut delitescere sibi liceat non infelicitè. Quamquam nihil obstat, quominus L. Aun. Seneca, quem iu Corsicam a Claudio relegatum esse constat, pro auctore huius epigrammatis habeatur, tamen propterea dubitatio quædam nobis iijicitur, quod admodum jejunum est poemation et rhetoricum colorem præ se fert indignum eo qui tantis malis immersum se queri debet. — *Phocaico*. Sic codex Salmasii, qui ad Soliu. pag. 94 ed. paris. ex hoc libro suo antiquissimo legendum monuit, non *Phocaio*, ut est in codice Vossiano. Scaliger inter utramque hanc lectionem fluctuasse videtur. Ceterum *Phocaicus*, *Phocaius*, *Phocaicus*, *Phoceus* et *Phocensis*, et a librariis, quin et ab auctoribus confundi, docet Burmann. ad b. l. post Doker. ad Thucyd. lib. 1, cap. 13 aliosque. Attigimus ad c. 8 Consolat. ad Helv. § 1. — Phocaium Colonum vero Cyrron appellat, Phocæusium ducem, qui sexto ant. Chr. nat. sæculo in hanc iusulam commigravere. Sed vid. notam ad vs. sequentem, vnc. *Cyrrus*.

2. *Patrio*. Codex vetustiss. ut Burmannus ad h. l. putat, Salmasii sic

præstat, Nic. Heinsio ad Ovidium probante: ad stipulantur vestigia codicis Vossiani, in quo, eodem Burmannoneute, est: *patrio nomine*. Interpretor, antiquissimo, primo, popularique nomine. Conf. Spanhem. ad Callim. Hymn. in Del. vs. 19, qui Bochartum sequens a Phœnicibus insulam hæc appellatam putat propter multa promontoria: unde Corsica, i. e. Silvana, etiam nomen accepisse videtur, quamquam alii a Corsa Baulca, itala muliere, quæ dum laurum nautem cymbala sequitur, a Lyguriæ littoribus profecta, insulam prospexit, et popularibus nuntiavit, qui statim regionem occupavere. Vid. et cf. Rutil. Itin. 1, 438 et Isidor. Orig. 14, 6. Alii, inter quos Burmann. et VVernsd. *Graio* præferunt, Servii verbis ad Virgil. Eclog. IX, 30: hæc autem insula Græce *Cyrne* (ἡ Κύρνος) dicitur a Cyrrno Herculis filio, hanc lection. confirmari putantes. Sed quidni et hæc Servii observatio ad codicis scripturam fulciendam adhiberi possit? — *Cyrrus*, vel *Cyrrus*, *Cyrne*, Græcum est nomen quod antiquitus huic iusulæ contigit. Aliiter tamen vocatam etiam antebac quidam volunt, etc. Tercepenen aiunt nomen antiquissimum huius iusulæ fuisse: dein *Cyrne* appellata est a Cyrrno (si Græcos mythographos, unde Servius sua habet, sequaris), Hercules (vel Jovis) et Cyrrus filio, qui idem credendus est ac ille Pho-



Corsica Sardinia brevior, porrectior Ilva,  
 Corsica piscois pervia fluminibus,  
 Corsica terribilis, quum primum incanduit aestas, 5  
 Sævior, ostendit quum ferus ora Canis,

cænsium beros, notus ex Herodot. 1, 165, qui narrat, Phœcienses in istam insulam misisse coloniam, condita nrbe Alalia; quanquam et alii aie dictam valint a Phœnicibus ob multa promontoria. Nam promontorium Phœnicum lingua Cyrenus fuit. Quæ Strabo V, 2, 7 ad. Lips. de Corsica tradit pauca, parum eam commendant, nec Boswellus aliique, qui eam descripserunt, extollunt. Burmannus laudat Pomponium Melam, *De situ orbis*, lib. II, 7, 129 ed. Is. Vossii, et notas Delrii ad Clandiani Consul. Mallii vers. 203 (2 Gennero omissas). *Ruhk.*

3. *Sardinia brevior.* Sardinia insula est Interni maris, Corsicæ contigua, a qua nam freti exigui cui nomen Taphros (id est *fossa*) undæ separant. Longior latiorque paulo quam Corsica est. — *Ilva.* Ita recte emendavit Scaliger, quam codices Salm. et Voss. habarent: *porrectior illa*. Hanc lectionem ex inaeitia librarii mansisse apparet, qui insulam Ilvam ignoraret. Rectius autem esse *porrectior*, i. e. extensior, longior, quam *projectior*, notavit Burm. ad Aethol. lat. lib. I, Epigr. CLVII. — Ilva est parvula insula adiacens Tusciæ in conspectu Populoniæ. Græci vocabant Ætbaliam. Hodie nuncupatur *Elbe*, omnibus in æternum nobilis ob clarissimum axilem. Conf. Rutil. Itiner. I, 35: « halybum memorabilis Ilva metallis, Qua nil uberius Norica gleba tulit; Non Biturix largo potior strietura ætæno; Nee quæ Sardoo

cespite massa fuit, etc. » ubi vid. Poet. Lat. min. VVernsdorf. V, 1, p. 131. (Nostræ Editionis, Vol. IV, p. 127). Cæterum ridicule porrectiorem Ilva Corsicam essa monet. Nam tanta est longitudinis latitudinisque differentia, ut comparare illas nemini nunc in mentem veniat. Sed Senecæ temporibus multarum regionum ignotæ figuræ arant, neque tabulæ geographicæ, aliqui raræ, veram terræ formam exhibebant.

4. *Piscois... fluminibus.* Supra triginta flumina tabulæ geographicæ in ea asserunt: sed parva sunt et torrentes a montibus ruentes niva liquecente pluvisque ingruentibus. Alio itaque tempore, e. e. æstate, ne haustum quidem aquæ (da quo queritur in Epigr. aeq. vers. 7) reperiri licet. Seneca in Consolatione ad Helviam, cap. IX, 2 consentit: « non magnis at navigabilibus fluminum alveis irrigatur. » *Ruhk.*

5. *Corsica terribilis*, etc. Hæc descriptio a recentioribus etiam confirmatur. Gravitate idæo cæli insulæ tribuit Seneca in Consolat. ad Helv. VIII, 1, atque aridam at spinosam saxum vocat. *Ruhk.* — Hæc verba da æstu sideris, hominem exnrente in Corsica, præparant acumen quod verso ultimo sequitur: *vivorum cineri sit*, etc.

6. *Canis.* Canienla, Procyon, quod sidus quum in cælo apparet, calidissima est tempestas; unde sæpissima apud poetas pro calidissima tempestate per metonymiam usurpatur.

Parce relegatis, hoc est, jam parce sepultis :  
Vivorum cineri sit tua terra levis !

## II.

DE EADEM.

Barbara praeruptis inclusa est Corsica saxis,  
Horrida, desertis undique vasta locis.

7. *Sepultis*. Sic cod. Voss. praefere-  
rente etiam Lipsio ad Senec. Consol.  
ad Helv. 1, 3 et Jo. Schulting. ad  
Suasor. III p. 34 : quid quod idem  
fere hemistichium occurrit apud Vir-  
gil. *Aen.* III, 41 : « Quid miserum  
*Aeneas*, lacerasti jam parce sepulto, etc. »  
Nec dubito, quin Seneca eo respexerit.  
Pithæus tamen ex vetere, ut ait,  
codice edidit : *jam parce solutis*,  
probante Burm. cum Wernsdorf.  
ad h. l. Sed eorum, etsi haud negem,  
quod Burmann. bene docuit, tum  
*solvi* et *solutum esse* de mortuis dici,  
tum *sepultus* et *solutus* in codd. mss.  
saepe confundi, tamen id *sepultis*  
glossema τοῦ *solutis* esse h. l. Bur-  
manno non concedam, quum imi-  
tatio loci Virgil. laudati manifesta  
sit, nec verbum exquisitum alio et  
ipso exquisito interpretari glossatores  
soleant. Accedit, quod *sepultus* de  
exule civiliter mortuo ac quasi se-  
pulto in usu fuerit, ipso Burmanno  
docente. *Ruhk.*

8. *Vivorum cineri... levis*. Oxymo-  
rum est. Vivunt quidem exules, sed  
quum civiliter sicut mortui, cinis non  
inepte locum habet, adeoque et ac-  
clamatio illa sollemnis et vulgaris in  
funere amicorum, quae in tali re saepe  
occurrit : *sit tua terra levis*, e. e.  
Tibull. II, 4, 50. Euripid. *Alc.* 462.  
Meleager in Antholog. graec. (Anal.  
Brunckii To. I, p. 35, CXXII, 7)

λάθοι νῦν αἱ βῶλες Παρρῆ, etc. sicut  
inimicis et improbis contra preca-  
bantur, ut terra sit gravis, e. c. Cal-  
limach. Epigram. XXVIII, 3 (LXI p.  
475 Anal. Brunck. To. I). Werns-  
dorf. ad h. l. laudat Eleg. in obit.  
Maecenatis vers. 141 et Martial. lib.  
V, Epig. XXXIV, vs. 9. *Ruhk.*—Idem  
Mart. in ambiguitate verborum jo-  
catus, hanc formulam sumit ut anni  
euidam imprecetur, lib. IX, Epigr.  
XXX, fin. : « Sit tibi terra levis... Ne  
tua non possint eruere ossa canes. »

II. Burmannus recensuit in Anthol.  
Vet. Lat. To. I, lib. III, Epig. XIII,  
p. 465. Wernsdorfius in Poet. Lat.  
Min. V, 3 p. 1319, sq. (Nostr. Edit.  
IV, 546). Querela exulis de Corsicae  
feritate. Nisi haec, quae de caeli inele-  
mentia et soli asperitate exponuntur,  
in spinosam, ubi exul viveret, partem  
insulae dicta putes, vereor, ut fidem  
mereantur. — Male codd. Salm. et  
Voss hoc epigramma praecedenti con-  
tinuant, quum hoc quaedam habeat  
priori contraria. *Ruhk.*

1. *Barbara praeruptis... saxis*. Se-  
neca in Consolat. ad Helv. VI, 4, de  
Corsica simili modo loquitur : « Quid  
tam nudum inveniri potest, quid tam  
abruptum undique, quam hoc saxum?  
quid ad copias respicienti jejuni-  
us? quid ad homines immansuetus? quid  
ad ipsum loci situm horribilius? plu-  
res tamen hic peregrini quam civis

Non poma Autumnus, segetes non educat Æstas :

Canaque Palladio munere Bruma caret :

Umbrarum nullo Ver est lætabile fetu,

Nullaque in infausto nascitur herba solo :

Non panis, non haustus aquæ, non ultimus ignis :

Hic sola hæc duo sunt, exsul, et exsilium.

consistant. » — Quæ ultima verba (*plures... peregr. quam eis.*), addit Burmannus, illustrant finem hujus epigrammatis: *Hic sola hæc duo sunt, exsul et exsilium* : quo versu respici ad enpiam exsulum in Corsica delitescuntium nræ Pithœanæ editionis adscripserat Casaubonus. Quam diversa autem de hac insula prodiderint auctores, collegit Spanhem. ad Callimach. Hymn. in Del. 19, nec a nobis prætermissa ad Consol. Senecæ ad Helv. l. l. *Ruhk.*

3. *Non poma... Æstas.* Fere consona sunt, monente VVerndorf. ad b. l. hæc Ovidii de Ponto s. 3, 57: « Nun ager hic pomum, non dulces edneat uvæ: Non salices ripa, robora monte virent. »

4. *Canaque... caret.* Nec olivæ quæ Minervæ inventisunt (cf. Spanhem. ad Callim. Hy. in Pal 26), atque hieme leguntur, in hac insula crescunt. VVerndorf. ad b. l. laudat et Virgil. Georg. II, 519: « Venit hiems; teritur Sicunia bacca trapetis » : et Columell. XXII, 52 (non 50) qui olivitatem mediam, i. e. olivarum vindemiam mediam, esse initium Decembris monuit. R.—Canam vero brumam vocat, sive quod sæviante hieme omnia albescant (Horat. carm. lib. I, Od. IV: « Et prata canis albescant pruinis »), sive quod brumæ tempore annus videatur senescere, et pruinarum niviumque albedini canitiem senum maxime similem quisque judicat.

5. *Umbrarum.* Sic Pitbæus. *Umbrorum* vitinse est in codice Voss. *Imbriferum* præstat cod. Salm. probante Burmanno: vernis enim imbribus fecundari tellurem, ut umbras æstivas arboribus proferat: laudatque idem Virgil. Georg. I, 313, ubi *ver imbriferum* occurrit. Quæ etsi per se quidem vera sint, tamen huic carmini, quod omni fecunditate Corsicam carere prædicat, adversantur. A librariorum itaque indocto hanc endictælectionem profectam esse nemo dubitaverit. *Umbras* autem pro ramis ac foliis arborum, et deinceps pro arboribus ipsis, inprimis frondosis dici, nemo, qui poetas legerit, ignorat, doctæque a Burm. ad b. l. adstruetum est exemplis. *Umbrarum fetu* haud dubie dictum est, etsine exemplo itaque parum abest quin eredam, fuisse, *fractu*, i. usu. Præfero igitur eum VVerndorf. ad b. l. *umbrarum*, nec nisi pro lusu ingenii emendationem Cannegieteri ad Aviani fab 33 p. 184 habeo: « Hic florum nullo ver est lætabile fetu. » — *Umbrarum... fetu.* Ver nullas novas frondes, i. e. umbras, procreat. *Ruhk.*

7. *Ultimus ignis.* Bart. ad Claudian. p. 322 non utilis ignis legendum putavit, ut exprimat auctor ultimam egestatem et miseriam exsulis, cui aqua et igni interdictum fuerat, calamitatem. Sed recte Burm. ad b. l. huic constatum retulit: de igne enim rugi intelligendum esse docuit quem passim ignem ultimum

## III.

## QUERELA.

Occisi jugulum quisquis scrutaris, amice,  
 Tu miserum necdum me satis cœcè putas?  
 Desere confossum! victori vulnus iniquo  
 Mortiferum impressit mortua sæpe manus.

vel supremum vocari crudite docuit  
 Burm. v. c. Lucan. VI, 358. Ovid.  
 Amor. I, 15, 41, etc. — *Non hau-*  
*stus aqua.* Cf. ad Epig. 1, vs. 4 et quæ  
 ibi notavimus.

III. Summis malis ohrtus auctor,  
 quem tamen exulare carmen non  
 declarat; rogat inimicum, ne se am-  
 plius vexet. Si de mortuo intelliga-  
 mas hoc locuto ex sepulcro, carmen  
 in hominem, qui famæ mortui de-  
 tractum irret, directum intelligamus  
 oportet. Nec inepte hoc fieri potest.  
 Nam mortuos interdum a poetis fingi  
 inimicos suos alloqui constat. Ut  
 alios omitam, exemplo sit Epigram-  
 ma ἀδίσποτον CCCCLVI (Anal.  
 Brunck. To. III, p. 248) egregie ab  
 amicis. Jacobsio sanatum Animadv.  
 III, 2 p. 132 de Ajace mortuo, qui  
 Phrygem conviciis heroem proscin-  
 dentem responso suo in fugam ver-  
 teret: Αἴαντος παρὰ κύρβον ἀποδύσσοιο  
 παραστάς θρύλ' ἐπὶ τῶν λαϊδρῶν ἤρχει  
 ἐκροβελίης Αἴας δ' οὐνί' εἴμην· ὁ δ'  
 ἀντιφώνων ἔρπεδ' ἔμεινον· ὁ δ' οὐνί'  
 ἔειπ' ἔως ἀποδύμενον. Bene tamen  
 hoc carmen etiam a Seneca exsule,  
 adeoque civiliter mortuo, ad invi-  
 dum, qui convicia in hominem in-  
 felicissimum jaceret, scriptum ha-  
 beri potest. Sic cepit Burmannus in  
 Anthol. Vet. Lat. To. I, lib. III,  
 Epig. CLII, p. 597 sq. cum titulo: Se-

necæ Exsulis Querela in Invidum.  
*Ruhk.*

1. *Occisi jugulum quisquis scru-*  
*taris amici.* Sic Heinsius, Serive-  
 rius, Francius et Tollius probante  
 Burm. scribendum putaverunt. Sed  
 illud *quisquis* non patitur, ut *amici*  
 retineamus. Rescribendum itaque  
 fuisset, *amice*, o bone. Codd. Voss.  
*Occisum jugulum quisquis scr. unus*  
*amicus.* Seq. versum corrigunt quoque  
*Et miserum*, etc. Sed hoc verso *τὸ*  
*Τὸ* tuor. — *Scrutaris* i. e. lacesis.  
 Ille enim excutiendi et motitandi  
 prima verbi, a *σπούς* forsitan derivati,  
 vis est, unde manavit altera nunc  
 aetior quærendi. Hinc Lucret. VI,  
 809: « Terræ penitus scrutantes abdi-  
 ta ferro. » Horat. Serm. lib. II, Sat. III,  
 276: « Adde eruorem Stultitiæ, at-  
 que ignem gladio scrutare. » *Ruhk.*

3. *Desere confossum*, i. e. si de  
 exsule capias, durissime jam a fato  
 tractatum, pessime habitum. Tropiceo  
 enim hoc verbo usos esse veteres mul-  
 ta exempla docent. Sic Seocæ de Vi-  
 ta beata c. 27, 6: « Mala quæ vos ab  
 omni parte confodiunt. » *Ruhk.*

4. *Impressit. At pressit* præstitit  
 cod. Voss. a prima maou. — *Mortua*  
*manus* offendit Oudendorpium, ut  
 nimis dure dicium pro *moriens*. Ita-  
 que correxit: *sæpe manus moriens*.  
 Sed quomodo mortuis interdum sit quasi

## IV.

## ITEM.

Quisquis es (et nomen dicam? dolor omnia cogit),

Qui nostrum cinerem nunc, inimice, premis:

Et non contentus tantis, subitisque ruinis,

Stringis in extinctum tela cruenta caput.

Crede mihi, vires aliquas Natura sepulcris

5

mortuus, pro mortuo habitus, et mortuus concidat, qui tamen vivit, vulgatam servo: et si vel maxime vitæ sensu careat, tamen v. e. gladium telumve mortiferum teneat, quo victor temere irruens interfici potest. Quare non opus est, ut, quod amico placuit, *Ænigma* 34 in Brunckii Anal. III p. 326, de Nesso Centauro post mortem Herculem veste venenata interficiente, Κραδὲς ἐὼν καὶ θάνατον κατέτανον, etc. in partes vocemus. *Sæpe* autem est interdum. *Ruhk.* — Quod ad sensum attinet, patet satis per se; et aliis ac multis expressus est; nulli tamen melius quam *Æschylo*, in *Εὐνὴ ἐπὶ Θήβας*, Act. V, ubi:

Ἀντιγόνη.

Παισθεὶς ἰπαισιος.

Ἰσμήνη.

Χὺ δ' Ἰθάκης κατακτανών.

Ἀντιγόνη.

Δορὶ δ' ἔκτανος.

Ἰσμήνη.

Δορὶ δ' Ἰθάκης.

Ἀντιγόνη.

Μελεόπορος.

Ἰσμήνη.

Μελεόπορος.

IV. Recensuit Bormann. In *Anthologia Vet. Lat. To. I, lib. III*, *Epig. clxxv*, p. 599 sq. *De Custodia sepulcrati* inseribitur in veteri codice

Vossii et Schedæ mss. Scaligeri. *Querela* et *minæ* in invidum, qui ne extinctum quidem malis et conviciis afficere, quin adeo affligere desistat. Plerique ab exsule Seneca scriptum esse putant: carmen ipsum a mortuo profectum indicat. Cf. quæ ad carmen antecedens monui. *Ruhk.*

1. *Et nomen dicam?* Bormann. coniecit: *an nomen dicam?* vel potius sine interrogandi nota, *Quisquis es, en nomen dicam*, ut minetur, ac nomen ejus non taciturnum, quod suadent sequentia *dolor omnia cogit*, ut in *Epig.* in *Lucian. lib. II*, *Epig. CCXLVI*, p. 436 *Anthol. Lat.* « Nunc læde, nunc lacease, si quidquam vales: Et nomen adscribo tuum, etc. » ubi *Burm.* iudice etiam ut legendum est. Quæ bona quidem sunt, sed haudquaquam vulgato meliora. Nam sensus est: an nomen quæ tuum dicam? nam dolor, etc. *R.*

2. *Qui... premis*, i. e. vexas: idem fere quod mox sequitur: « noli mea tangere fata. » *Ruhk.*

5. *Vires... sepulcris.* Bormann. in *Add.* monuit, Jo. Schraderum emendasse *sepultis*, quia sequitur *ombra*. Sed eo ipso etiam vulgata lectio bene defenditur. — *Crede mihi... sepulcris... suos.* Spectant hæc ad antiquissimam hominum ut Græc. et Roman. ita fere omnium, persuasionem de

Attribuit : tumulos vindicat umbra suos.

Ipsos crede Deos hoc nunc tibi dicere; Livor,

Hoc tibi nunc Manes dicere crede meos :

Res est sacra miser. Noli mea tangere fata.

10 Sacrilegæ bustis abstinuere manus.

## V.

## ITEM.

Carmina mortifero tua sunt suffusa veneno,

religione sepulcrorum : qua jam primis temporibus instituta nihil sanctius fuisse constat. Cf. Cicero de Legg. II, 25. Tusc. Disp. I, 12, ubi cf. Davis.—Similiter Hor. Carm. lib. I, Od. xxxvii : « Negligis immeritis nocituram Postmodo te natis fraudem committere : forsitan Debita jura viresque superbas Te maneant ipsum : precibus noo linquar inultis. »

7. *Ipsos... meos.* Simile rursus illud Martialis lib. IX, Epigram. xlii : « Ipsam crede tibi naturam dicere rerum » adeo ut alterius imitatio videatur. Ut autem hic manes non violandos obtestatur, ita in epitaphio veteri apud Pithæum lib. III, p. 108 : « Nam duræ mortis saceratos lædèra manes Parce, monent leges et levis umbra loci : » ut versus corruptissimos legeodas esse putamus. *Ruhk.*

9. *Res est sacra miser.* Io ms. cod. Voss. et schedis Scalig. erat, notaote Burm. *Res est atra miser*, quod tamen ferri nequit : nam etsi dies atri i. e. nefasti vocentur, tamen res atra pro sacrosancta in usu non fuit. Recte itaque Scaligeri Scriverique emendationem, quæ jam apud Pithæum legitur, Gronovius aliiq. in textum recipere non dubitarunt. — *Res est sacra...manus.* Burmannus de relegato et commerciis hominum exempto,

tanquam de mortuo et sepulto, ut supra Epig. I, III, exponendos hos versus jodiat : quod haud dubie vero simile est, si a Seneca hæc profecta esse concedamus. Cæterum, si ad vivum hæc rescare institueris, sponcione defendi veritas non potest : refutant enim quum et *τοῦσπεύχαι*, quos spoliatores mortuorum, bustis fodiendo apertis, ornamento sepulcralia furatos esse (Chariton. III, 2, 9 p. 59 et 63, ed. Lips. cf. Hesych. h. v.) inter omnes constat, tum ipsæ leges de sepulcris violatis agentes adhuc in Corp. Just. superstites. Laudant Tac. Ann. II, 69. Phædri fab. I, 27, etc. *R.*

V. Recensuit Burmannus in Anthol. Vet. Lat. To. I. lib. III. Epigr. CLIV, p. 600 sq., cum titulo : *Quærela in eum, qui maligne jocatur.* In vet. cod. Voss. et schedis Scaligeri titulus tantum est : *In eum, qui maligne jocatur.* Exstat ap. Pithæum p. 44, et ap. Scaliger. p. 199. Minator maligne jocanti, a quo nemo tutus sit, vindictam et aliorum poetarum et suam, nisi a carminibus malignis pangendis desistat. Cæterum neque de auctore, neque de eo in quem factum sit poemation, quicquam constat, nisi quod codd. Senecæ adscribunt. *Ruhk.*

1. *Mortifero... suffusa veneno.* Ut

Et sunt carminibus pectora nigra magis.  
 Nemo tuos fugit; non vir, non femina, dentes;  
 Haud puer, haud ætas undique tuta senis.  
 Utque furens totas immittit saxa per urbes:  
 In populum sic tu verba maligna jacias.  
 Sed solet insanos populus compescere sanus:  
 Et repetunt motum saxa remissa caput.  
 In te nunc stringit nullus non carmina vates,

5

lingua Invidiæ ap. Ovid. Met. II, 777 est suffosa i. repleta veneno; sic noster vocat hæc carmina, quæ Ovidius in Ibin 4, sanguinolenta, 234, verba canina, et Trist. II, 566 jocum venenatôm appellavit. Jam quum venenum serpentibus sit proprium, quorum *dentes* emitte illud solere constat, hinc bene *dentes* verso 3 posuisse dicendus est. Alio sensu occurrit dens invidus ap. Horat. Carm. II, 2, 16, V, 6, 15, quatenus detrahit alterius laudi, deterit ejus merita, ut verbis Mitscherlichii ad h. l. utar. *Ruhk.*

2. *Et sunt carminibus.* Ita cod. Voss. et schedæ Scaligeri, Pithæus et Scrivierius, probantibus Lipsio, Burmanno aliisque. *Criminibus* operarum errore in Voss. et Scalig. edd. exstat. *Sunt tua carminibus* emendavit Heinsius. *Sed sunt carminibus* Bormanu. *At sunt carm.* Francios. *At sunt carminibus pectora tetra magis* Oodendorp. Liudembrog. em. *malis.* — *Et sunt carminibus.. magis.* Neque solum carmina tua maligna sunt, sed tu ipse gaudes malis, quorum causa convicia tua sont. *R.*

3. *Nemo tuos fugit* (pro *effugit*). Sic Heins. Franc. et Burm. Sed *fugiet* cod. Voss. et schedæ Scalig. non, ut Pithæus, *fugiat*: illud magis consentaneum est *vq̄ jacias* verso 6.

4. *Haud...haud. Aut puer, aut ætas* habet cod. Voss. et schedæ Scal. solenni *vñ haud* et *aut* commutationse librorum. Sed *haud...haud* præstat. *Ruhk.*

5. *Urbes.* Scaliger, Pithæus et Scrivierius, non ut postea Gronovius, quem sequimur, post *urbes*, sed post *populum* distinxerunt. Recte observat Burmann. ad h. l. aogeri ita invdiam, quod non tantum in se, sed in omnem populum maligne eum jaceri dicat. Sic paullo ante: *Nemo tuos fugiet* etc.

8. *Motum.* Pithæus em. *votum* i. a. devotum, diris exsecratum. Ovidius in Ibin 470. Sed recte Heinsius Burmannusque vulgatum teneatur, *motum*, i. e. furibundum hominem. Miror tamen nemini placuisse, immo soccurrisse *notum*. — *Et repetunt...caput.* Motum caput est, recte interpretante Bormanuo, insanum, furibundum, ut numine divino agitati moti dicuntur. Glossarium Leidensis Bibliothecæ ineditum: *Limphatus*, meote motos, furiosus. Seneca de Tranq. An. 15, 16, ait: «non potest grande aliquid et sopra cæteros loqui nisi mota mens.» Sic *mota mens* pro alienata, furiosa est Ovid., Trist. V, 6, 24, Senec. Consolat. ad Polyb. 37, 5, etc. *Ruhk.*

9. *In te nunc stringit*, jactit, præ-

- 10 Inque tuam rabiem publica Musa furit,  
 Dum sua compositus nondum bene concutit arma  
 Miles, it e nostra lancea torta manu.  
 Bellus homo valide capitalia carmina ludis :  
 Deque tuis manant atra venena jocos.  
 15 Sed tu perque jocos dicis vinumque. Quid ad rem,  
 Si plorem, risus si tuus ista facit?

parat pangitque. Stringere gladium, enses, tela, i. e. vibrare in hostem propria dici constat. Jam quum carmina cum telis, ideoque poeta cum milite, comparentur, tropus facilis est, quo iambus apud Ovid. Remed. Amoris 377 et carmina h. l. stringuntur. Omnes, ait, poetæ accinguntur ad carmina tua maligna liberis suis iambis refutanda : equidem tantisper, dum illi hae in re toti sunt, hoc in te carmen pango. *Ruhk.*

11. *Dum sua compositus* etc. Aliud epigramma et a praecedentibus separandum esse censebat Lipsius, quem sequutus est Sriver. et Gronov. in Ed. Tragici Senecæ, sed conjunxit in ed. philosophi. Sic et end. Voss. et schedæ Scal. connectunt, *it e* Burmanno legit : olim *et e.* — *Compositus* est oppositus, adversarius. *Componi* enim ut *comparari*, de iis, præsertim de gladiatoribus, qui secum pugnaturi sunt, dici vel e Cicerone constat. — *Miles... concutit*, movet, tractat. Sic Ovid., Metam. XII, 79, « concutiens tela. »

13. *Bellus homo valide*, etc. Alii *Bellus homo et val. cap. erim.* Heinians delebat *et* quem sequutus sum; *tudit* cod. Voss. et sched. Scalig. Pro *erimina* scribendum cum Seriverio *carmina*, ut paullo ante, versu 2, Burmanno iudice, qui sequenti versu *tetra venena* cum Francio prætulit, non *atra*, coll. Broukhuis. ad Pro-

pert. II, 13, 70, *Sumere et in nostras tetra venena manus, non trita.* Sed nostro loco non opus est emendatione. — *Bellus... sales.* Facetiosus es homo, ideoque carmina maxime maligna facis, parum cogitans de lacrimis quas nobis exprimis, dummodo risum excites audientibus legentibusve. Sed quum in hoc jocos non consistat, malignum esse, ideo tolle jocos tuos tantas molestias atque tot mala creantes, etc. *Bellus* est is qui jocos dicacibus atque amoris in alios jactis risum assensumque capitat; quare venustus et dicax vocatur Catullo, XXII : alio sensu capit et sic definit Martial. lib. III, Epigr. LXIII. « *Bellus* homo est flexos qui digerit ordine crines, Balsama qui semper, cinnama semper olet, Cantica qui Nili, qui Gaditana musurrat, Qui movet in varios brachia vultu modos; Inter foemineas tota qui luce cathedras Desidet, atque aliqua semper in aure sonat; Qui legit hinc illinc missas seribitque tabellas, Pallia vicini qui refugit cubiti, Qui scit quam quis amet, qui per convivia currit, Hirpini veteres qui bene novit avos. Quid narras? hoc est, hoc est homo, Cotile, bellus! Res prætrieosa est, Cotile, bellus homo. »

15. *Sed tu... ista facit?* Ita in ed. Pith., Scalig. ac Sriver.; et ipse Scaliger in margine correxerat. *Sed tu per\*\* totum*, sched. Scal. et cod. Voss.



Quare tolle jocos : non est jocus , esse malignum.  
Nunquam sunt grati , qui nocuere sales.

## VI.

AD AMICUM.

Crispe , meæ vires , lassarumque ancora rerum ,  
Crispe vel antiquo conspiciende foro ;  
Crispe potens nunquam , nisi quum prodesse volebas ,

dabant. Scaliger correxerat quoque vers. seq. *quum plorem*. Heinsius : *ut plorem* , probante Burmanno. Sed *iste*, ait Burman. etiam malim pro *isto*. *Ut plorem , risus si tuus iste facit*, si tunc iste risus malignus efficit, ut plorem. Certe si sic bis ponitur non admodum venuste. Burm. qui etiam e schedis Scalig. majorem distinctionem posuit post *vinumque*, parum abest quin legendum eenseat : *quid ad me?* Catulli X, 31 : « Verum utrum illius, an mei, quid ad me? » comparans. *Ruhk.*

17. *Tolle jocos : non est jocus , esse malignum*. Sic recte editum est. Vitiiose affert *D'Orléans* ad Tacit. p. 513 : « Quare tolle jocos, non est jocus, esse malignus. » *Tolle jocos* eod. Voss. et schedæ Scalig. et vers. ult. *grates*, unde in margine *grati* vel *gratis* correxerat. *Burm.*

VI. Recensuit Burmannus in Antholog. Vet. Lat. To. I, lib. III, Epigr. CLVII, p. 598 sq., cum titulo : *Ejusdem ad amicum Crispum*. In eodice Voss. et sched. mss. Scalig. titulus est : *Ad amicum optimum*. Quis ille Crispus sit, quem auctor earminis alloquitur, ad liquidum perdoei nequit, quia de auctore hujus epigrammatis, ideoque de tempore quo scriptum sit, nondum liquet. Esu-

lem foisse e carmine colligimus. Si schedas Pithœi sequamur Senetæ epigramma hoc tribuentes, Crispum Passienum oratorem celebrem, Agrippinæ maritum et Neronis vetricum, intelligere licet, cujus quidem Seneca de Benef., I, cap. ult. et Quæst. nat. IV init. meminit, sed sine ulla singularis amoris nota. Cf. de hoc Crispo Passieno Lipsii Exercura. A. ad Tacit. Annal. XII, 6, Opp. To. II, P. II, p. 810, sq. ed. Oberlin. *Ruhk.*

1. *Crispe, meæ vires*. Imitatio Virgilii, qui, *Æn.* lib. I, v. 668 : « Nate, meæ vires, mea magna potentia. »

2. *Crispe vel antiquo... foro*. H. e. quem etiam inter veteres oratores fama illustravisset. Nam hoc tempore jam minor ac minor in dies eloquentia obsolescebat sensim, neque par quisquam ant Tallio, ant Hortensio, Crasso, Antonio et Cæsarei ævi disertis viris.

3. *Crispe... volebas*. Ita in cod. Voss. et schedis Scalig., at *solebas* Heinsius. *Burm.*—*Crispe... volebas*. Idem de se moriturus Pericles dixisse narratur, quum amicis seiscitantibus quid in sua vita gloriosissimum arbitraretur respondit : « Quod pluribus profuerim, neminis sanguinem profuderim. » Idem de Livia dici apud Vel-

Naufragio littus tutaque terra meo ;

5 Solus honor nobis, arx et tutissima nobis ,

Et nunc afflicto sola quies animo ;

Crispe, fides dulcis, placidique acerrima virtus,

Cujus Cecropio pectora melle madent ;

leium Patercul. notaverat Casaubonus, respiciens sine dubio illa ex libr. II, c. 130, in fine: «cujus potentiam nemo sensit, nisi aut levatione periculi, aut accessione dignitatis.» Albinovan. de eadem in Epicedio ad Liviam, vers. 47: «Nec nocuisse ulli, et fortunam habuisse nocendi, Nec quemquam nervos extimuisse tuos.» Auctor Elegiae in obitum Mæcen. vs. 15: «Omnia quum posses, tanto tam carus amico, Te sensit nemo velle nocere tamen.» Burmannus ad h. l. et in Addendis. Ruhken. ad Vellei. Pat. l. l. similem attulit locum a Senecæ Conso- lat. ad Polyb. XXII, 3: «Nemo potentiam ejus injuria sensit, numquam ille te fratrem ulli minatus est.» R.

5. *Solus... nobis.* Sic Pith., schedæ mas. atque editio Scalig.: *a nobis arx et tutissima*, cod. Vossii: *arx munitissima nobis* conjecerat Hein- sius. *Burm.*

7. *Crispe. placidique acerrima virtus.* Verum hunc corruptum sus- picans Burmannus legendum putat: *Latique acerrime vindex, Cujus Cecropio pectora melle madent.* Sed locus non emendatione, sed inter- pretatione indiget: sensus vero hic est: in te ille, qui placidam vitam degere velit, neminemque lædat, spem suam secure collocare atque vir- tuti tum oratoriae, qua contra quem- cumque defendatur, committere se suaeque omnia potest. Si abstracta in concreta, quæ dicunt, hæc sic muta- veris, sensus bene procedit, nec ulla causa subest pro corrupto hanc lo-

cum habendi cum Burmanno. *Ruhk.*

8. *Cujus Cecropio... madent.* Atti- cam et eam suavissimam, qua *ma- debat* i. abundabat, eloquentiam ei tribuit, respiciens hand dubie ad Demosthenem. Sic in Petronii Epigr. (Anthol. vet. Lat. To. I, CXXVIII)... «et ingentis quatit Demosthenis arma, etc.» Quum perbiberet quis libe- ralis studia (Senecæ Epist. xxxvi, 4) diceretur et *madere* de iis, qui vino largius se invilaverant, in usu esset, facilis erat transitus, quo tam- en græca vox unde *madeo* derivatur, *πάσσω* caruit, ad usum tropi- cum, ut alicujus pectus *madet*, i. e. repletum esset, abundaret litteris, artibus, sermonibus, *melle Cecropio*, i. e. eloquentia attica (*mel* enim, cum respectu fortasse ad Hom. II, α, 49, de eloquentia imprimis sollenne fuit): sic Martial., lib. I, Epigr. xi, 3, Decianus vocatur: «Cecro- piæ madidus Latineque Minervæ ar- tibus.» Idem, lib. VII, Epigr. LXX. de Theophila: «Hæc est illa tibi promissa Theophila, Cui, Cujus Cecropio pectora rore madent.» Quem locum e nostro loco haustum putat Burm. ad h. l. Non abest Laceretius, qui de Ber. Nat., libr. IV: «Scilicet arte madent simulacra.» Neque Ho- ratius, Carm., lib. III, od. xxi, v. 9, 10: «Non ille, quamquam Socraticis madet Sermonibus.» De istius vocis usu cf. Burmann. ad Antholog. lib. II, Epigram. CCXLIII, 2, To. I, Anthol. Vet. Lat. et Mitscherlich. ad Ho- rat., Carm. III, 21, 9. *Ruhk.*

Maxima facundo vel avo, vel gloria patri;  
 Quo solo careat si quis, in exilio est :  
 An tua, qui jaceo saxis telluris adhærens,  
 Mens mecum est, nulla quæ cohibetur humo ?

## VII.

## DE QUALITATE TEMPORIS.

Omnia tempus edax depascitur, omnia carpit,  
 Omnia sede movet, nil sinit esse diu.

9. *Maxima.... patri.* At *facundi* erat in cod. Voss.; in sched. Scalig. mss. legitur cum lacuna: *vel avi* \*\* *gloria*; sed, in margine, *vel avo vel gloria patri* correxerat Scaliger. — *Maxima.... patri.* De Passieno certum est, patrem baboisse etiam oratorem; vid. lib. II, Controv. 5: « De avo nihil scio. » De Sallustio capiendum inscripserat N. Heinsius, notante Burmanno. *Ruhk.*

10. *Quo solo careat si quis, in exilio est.* Ita recte distinxerunt Pithæus, Scaliger, Scriverius, Gronovius post Senecam Tragicum, et editio Lipsiæ Morelliana Senecæ philos. sed in Gronov. utraque editione perperam distinguunt: *Quo solo careat, si... est. Burm.*

11. *An tua, qui jaceo saxis telluris adhærens, Mens mecum est, nulla etc.* Sic refixi e codd. vestigiis. Codex enim Voss. præstitit: *An tu, qui jaceo.* Schedæ mss. Scalig.: *An tu, cui jaceo.* In margine correxerat Scaliger: *An tua.* Pithæus edidit: *En hic qui jaceo.* Quia tamen Senecam exsilem in Corsica hujus epigrammatis auctorem esse putabant viri docti, *telluris*que vocem, nullo epitheto adjecto, lingue, Scaliger et Scriverius legen-

dum censuerunt: *An tua Cyrneæ saxis.* Faber; *At quia Cyrneæ.* Burmannus: *At mea Cyrneæ saxis.... Mens tecum est,* uti quoque Gronov. in Senecæ philosophi opp. edidit, qui tamen post Tragicum vitiose exhibuit: *An tua, Cyrneæ.... Mens tecum est.* Enimvero cnr codices, qui bonum sensum fundunt, deseramus, nulla causa subest. *Tellus* autem apud poetas, a. c. Virg. *Æn.* III, 73, VIII, 422, simpliciter insula est. — *An tua, qui jaceo saxis... Mens mecum est... humo.* Rogat et exquirat poeta, an Crispus etiam sui memor sit, et an ejus animus, qui nullis terrarum angustiis cohiberi vel retineri possit, non secum sit jam in insula exsulante. *Ruhk.*

VII. Recensuit Burmannus in Anthol. Vet. Lat. To. I, lib. III, Epigr. xcv, p. 550, sq. cum titulo: *Senecæ de qualitate temporis.* *Ruhk.*

1. *Omnia... depascitur.* Idem fere apud Nemesian., Eclog. IV, 32 (in VERNADORF. Poet. Lat. min., To. II, p. 210): « Omnia tempus alit, tempus rapit, usus in areto est. » Simillimus et huic et Senecæ Nostræ *Roussetius* (J.-B.) in Carm., lib. III, Od. II.

Le tems, cette image mobile  
 De l'immobile éternité,

Flumina deficiunt, profugum mare littora siccant,  
Subsidunt montes, et juga celsa ruunt.

- 5 Quid tam parva loquor? moles pulcherrima cæli  
Ardebit flammis tota repente suis.  
Omnia mors poscit. Lex est, non pœna, perire.  
Hic aliquo mundus tempore nullus erit.

## VIII.

## VOTUM.

Sic mihi sit frater majorque minorque superstes,

A peine du sein des ténèbres  
Fait éclore les faits éclatans,  
Qu'il les replonge dans la nuit.  
Auteur de tout ce qui doit être,  
Il détruit tout ce qu'il fait naître,  
A mesure qu'il le produit.

3. *Profugum... siccant.* Heinsius legendum censuit: *siccant.* *Ruhk.*

4. *Subsidunt montes* etc. Ita Stili-  
con apud Claudian. *Bell. Get.* 526:  
« Quum cesserit omnis Obsequiis na-  
tura meis; subsidere uostris Sub pe-  
dibus montes, arescere vidimus am-  
ues. » *Ruhk.*

5. 6. *Moles... repente suis.* Cogi-  
tabat auctor illud Ovidii lib. I, *Me-  
tam.* 258: « Esse quoque in fatiis  
reminiscitur, affore tempus, Quo  
mare, quo tellus correptaque regia  
cæli Ardeat, et mundi moles operosa  
laboret », ubi vide Heinsii notas.  
Locum classienm exscripsimus e Lu-  
can., *Pharsal.*, lib. I, v. 72: « Sic  
quum compage soluta Sæcula tot  
mundi suprema coegerit hœra, etc. »  
*Tragicus*, *Thyest.*, act. IV, sc. ult.:  
« Trepidant, trepidant pectora magno  
Percula metu, ne fatali Cuncta rui-  
na quassata labeat. Iterumque Deos  
hominesque premit Deforme chaos;  
iterum terras Et mare, et ignes et vaga

picti sidera mundi Natura tegat. Non  
æternæ facis exortu Dux astrorum,  
sæcula dicens, Dabit ætatis brumæ-  
que notas, etc. » *Albinovan.*, *Eleg.*  
ad *Liv.*, vers. 365: « Omnia sub le-  
ges mors vocat atra snas. Ecce uicem  
intentam cælo terræque fætoque, Ca-  
surumque triplex vaticiuatur opus. »

7. *Lex est... perire.* Seneca in *Con-  
sol.* ad *Helv.*, XIII, 2: « Si ultimum  
diem non quasi pœnam, sed quasi  
naturæ legem, aspicias, etc. » *Ruhk.*

VIII. Recensuit Bormannus in *An-  
tholog. Vet. Lat.*, To. I, lib. III,  
*Epigr.* CLV, p. 603, sub titulo: *Se-  
neceæ Votum.* Sub Senecæ nomine  
etiam apud *Pith.*, lib. I, p. 41, et  
*Scalig.*, p. 212. *De Patris filio par-  
culo*, inscribitur in veteri codice  
Voss. et schedis mss. Scaligeri. In  
fine astericis appositis nonnulla de-  
esse adscripserat Heinsius, et maucum  
*Epigrammatum votumque imper-  
fectum* esse notavit Lipsius; simile  
illud Ovidii, lib. II, ex *Ponto*, 6,  
15: « Idque facis, faciasque precor,  
sic mater et uxor, Sic tibi sint fra-  
tres, totaque salva domus. » *Ruhk.*

1. *Sic mihi... superstes.* Major est  
M. Annæus Novatus, postea dictus

Et de me doleant nil, nisi morte mea.  
 Sic illos vincam, sic vincar rursus amando :  
 Mutuus inter nos sic bene certet amor.  
 Sic dulci Marcus qui nunc sermone fritinnit,  
 Facundo patruos provocet ore duos.

## IX.

## AD CORDUBAM.

Corduba, solve comas, et tristes indue vultus :

Junius Gallio, ad quem scripsit libros de Ira et de Brevitate vitæ, minor vero Annæus Mela. *Ruhk.*

2. *Et de me doleant.* Burmannus cum Heinsio sic scribendum censuerunt, quos sequendos duxi. Olim : *doleat. Ruhk.*

3. *Sic vincar... amando.* Scilicet ab illis.

4. *Mutuus inter nos... certet amor.* Similiter Tibull. Eleg. 1, 7, 82 : « Mutuus absenti te mihi servet amor. » *Ruhk.*

5. *Sic dulci Marcus etc. Sic Marcus, duci etc.* editur post Senecam Tragic. Gronovii.—*Si Marcus.* Lipsius recte intellexit L. Annæi Senecæ Philosophi filium, Marcum, puerum blandissimum, quem ita describit in Consolat. ad Helv., XVI, 13. Burmannus tamen hoc versum per Marcum potius cum Heinsio intelligendum opinatur Lucanum, Junii Annæi Galliois et L. Annæi Senecæ ex fratre eorum Annæo Mela nepotem, ideoque per patruos Gallionam et Senecam : cui quidem opinioni Statium in Genethliaco Lucani lib. II, Silv. 7, 30, et Sidonium Apollinarem, Carm. IX, 230, aliosque favere putat. Sed simplicior et verior est Lipsii ratio.—*Fritinnit* proprium esse

avium parvarum, in primis hirundinum, et deinde translatum esse ad infantes garrientes nugantesque, nonne notum est. Diggo tamen docta Burmanni nota de hoc verbo ad b. l., quæ perpendatur. *Ruhk.*

IX. Recensuit Burmannus in Anthol. Vet. Lat. To. I, lib. III, Epigr. XI, p. 463 sq. Sub *Senecæ* titulo, addit *Burmannus*, tria ista epigrammata (quæ hic leguntur sub numeros I, II, IX) ad Corsicam et Cordubam habentur apud Pithæum, lib. I, p. 42, et vulgatis Senecæ Philosophi editionibus vel præfiguntur, vel inter alia Epigrammata de exilio scripta exstant ante Consolationem ad matrem ejus Helviam, ut et in fine Senecæ Tragicæ ex editione Gronoviana conspiciuntur. *De se ad Patriam* inscribit vetus Vossii eodex et schedæ ms. Scaligeri, qui margini Senecæ nomen adseripserat, quanquam nullo auctoris nomina apposito ediderit lib. I, Catalect. p. 197, sed in notis Senecæ hæc tribuenda monuit. Repetit *Wernsdorf.* in Poet. Lat. min. Ed. nost. T. IV, p. 543, cum docta illustratione. *Ruhk.*

1. *Corduba.* Urbs nobilissima Hispaniæ Bætiæ, quam Bætis amnis (*la Guadiana*) interfuit, de qua

Illacrimans cineri munera mitte meo.

Nunc longinqua tuum deplora, Cordubæ, vatem :

Corduba non alio tempore mæsta magis :

5 Tempore non illo, quo versis viribus orbis,

Incubuit belli tota ruina tibi ;

Quum geminis oppressa malis utrimque peribas,

Et tibi Pompeius, Cæsar et hostis erat ;

Martial. lib. IX, Epig. LXII : « In Tarsessiaci domus est notissima terris, Qua dives placidum Corduba Bætin amat. » Illiturgis et Mellariæ propinqua. Hinc oriundi Severæ et Læanus. Unde idem Martial. lib. I, Epigr. LXII : « Duosque Senecas unicumque Lucanum Pæunda loquitur Corduba. » — *Solve comas.... meo.* Luctum indicit Cordubæ patriæ suæ tanquam propter mortem suam. Effunde sine lege comas. Nam passis capillis in funebribus ceremoniis solebant plorare. Læanus. Phars. lib. II, 38 : « Nunc, ait, o miseræ, contundite pectora, matres, Nunc laniate comas. » Et Tragædographus Latæus, in Troad., act. I, sc. 11, ubi omnia quæ ad luctum pertinent copiosissime describuntur : « Fidæ casus nostri comites, Solvite erinem ; per colla fluant Mæsta capilli, tepido Trojæ pulvere torpes. » Mox : « Solvimus omnes Lacerum multo funere erinem ; Coma demissa est libera nodo. » — *Tristes induit vultus.* Cultus placebat Heinio. Sed illud exquisitissimum est. *Ruhk.*

2. *Illacrimans.* Idem Heinio legebatur : *I lacrimans* etc., ut frequenter amabat voculam illam reponere, de quo alibi. Sed hic nihil mutò. *Illacrimari, adlacrimari, delacrimari* et similia verba ipse adserit in notis ad Virgil. X. Æn., 528. *Burnmann.* — *Illacrimans* etc. Lugubrem sume vestem vultumque, et mitte

*munera feralia, parentalia, inferias* (ῥα; χεῖς), i. e. florum sarta, etc., cineri meo, in sepulcrum meum. Confer. Tacit. Hist. lib. II, 95 ; Suet. Caligula, cap. III, 15. Sed res nota est. *Ruhk.*

4. *Non alio tempore mæsta magis.* Nobis hæc et sequentia, quibus se auctor maximis laudibus extollit, probare videntur hoc Epigramma non ab ipso Seneca, sed ab aliquo declamatore sub ejus nomina scriptum fuisse.

5. *Tempore non illo.* At cod. Voss. et schedæ Scaligeri, ejusdemque et Pithæi editio, *Tempore non alio* : melius tamen *non illo* tam hic, quam paullo post, Pithæus, Scriverius et Heinio, qui etiam legebat : *Quo versi viribus orbis. Burn.* — *Recepi non illo.* *Versis* tamen retinui. Utramque emendationem Heinio probabat Wernsdorf., adducto Lucani Phars. lib. I, 5 versus : « Certatum totis concussi viribus orbis. » — *Tempore non illo... erat.* Spectant hæc ad bellum Jul. Cæsaris cum Pompeianis gestum in Hispania et finitum prælio ad Mundam a. U. c. 709. Hoc bello Hispaniensi Jul. Cæsar Cordubam oppugnavit, Sexto Pompeio eam præsidio tenente, multaque ipso hostiliter in Cordubenses faciente. Cf. Appian. Bell. civil. II, 104 sq., ubi *Schweighæuser* reliquos, qui hæc de re egerunt, designavit. *Ruhk.*

Tempore non illo, quo ter tibi funera centum

Heu nox una dedit, quæ tibi summa fuit;

Non, Lusitanus quateret quum mœnia latro,

Figeret et portas lancea torta tuas.

Ille tuus quondam magnus, tua gloria, civis,

Infigar scopulo. Corduba, solve comas :

9. *Tempore non illo... fuit.* Cre-  
dere par est cum VVernsdorfio ad h.  
l., funestam eam noctem ab aliis au-  
ctoribus non memoratam significari,  
quæ expugnationem Cordubæ præ-  
cessit, de qua videri possunt scriptt.  
laudati a Schwgh. Burm. hic furtas-  
se imbratinoem esse putat Ovidii Ep.  
x1, v. 114: « Hæc tibi prima dies,  
hæc tibi summa fuit. » *Ruhk.*

10. *Heu nox... fuit.* *Fox* vitinse in  
cod. Voss. *Ruhk.*

11. *Non, Lusitanus... tuas.* Intel-  
ligitur Viriathus, Lusitanorum en-  
tra Romanos dux virque magnus, uti  
audit in Epitom. Liv. 54, ut qui ab  
a. U. c. 606 — 614, bellum feliciter  
gessit contra multos Romanos duces,  
nempe Veitillum, Plantium, Clau-  
dium Unimanum, L. Lælium, Q.  
Fahium Servilianum, Q. Servilium  
Cæpinem. Qui ultimus, quum des-  
peravisset vincere vi adversarium,  
eum a servulo interficere eodem cura-  
vit. Cf. Appiani Bell. Hisp. 63 sq.,  
75, et Fabric. ad Dion. Cass., To. I,  
p. 32 sq. Valer. Maxim., lib. VI, cap.  
4, Sil. Ital. de Bell. P., lib. III, v.  
354; Eutrop., lib. IV, cap. 15. Ro-  
mani auctores, quin etiam Cie. de  
Off., II, 16, latronem latronumve  
docem eum vocant, qui multos per  
annos, nam de annorum numero non  
convenit inter auctores (cf. Schwgh.  
ad Appian. Vol. III, p. 277), omnia,  
ut cum Floro, II, 17, 15, a *VVerns-*  
*dorf.* laud. loquar, citra ultraque Ibe-

rum et Tagum igni ferroque popula-  
tæ, Cordubam quoque infestare non  
dubitavit, præsertim quum Quin-  
tius (de quo cf. Schwgh. ad Appian.  
III, p. 282) Cordubæ inclusus C.  
Marcium in Viriathum interdum  
emitteret.

12. *Lancea.* Lanceam dicit, eru-  
dite notante VVernsdorf. quia de his-  
panicis hostibus sermo est, et lancea  
vocabulum hæc hispaniensis. Vid.  
A. Gell. XV, 30. *Ruhk.*

13. *Ille tuus... civis.* Merito hæc  
suspecta videbantur Heinsio, qui ten-  
tabat *Marcus*, vel *magna et tibi*  
*gloria.* *Burm.*— Sed quid juhet  
*Magnum* hic pro cognomento ha-  
bere? *Magnus* Cordubæ civis vocatur  
Seneca, i. e. illustris, excellens, et  
fama celebratus. Atque hinc rectius  
vocabulum istud com minuscula li-  
tera scribitur, ut Gronovius fecit.  
*Marcus* hic locum habere nequit,  
quia hic pater Seneca est, non auctor  
epigrammatis. *VVernsdorf.*

14. *Infigar scopulo.* I. e. in exsi-  
lium eiectus hærebo, apte monente  
VVernsdorfio, in asperissima et scopu-  
losa insula, quæ, ut altero epigr.  
dicit, « præruptis inclusa est Corsica  
saxis. » Unum scopulum dicit per con-  
temptum, quasi parvam et ignobilem  
insulam, qua indignus sit *magnus*  
*civis.* Phrasin *infigar scopulo* petiit  
a Virgilio, qoi, *Æn.*, lib. I, v. 45 :  
« Turbine corripuit scopulomque in-  
fixit acuto. » Ubi cf. Heynius. Vide

- 15 Et gratare tibi, quod te Natura supremo  
Alluit Oceano : tardius ista doles.

Senecæ Consol. ad Helv. VI, 4. R.

15. *Natura* est Deus, vis illa divina quæ elementorum ordinem disposuit, et summi cuique locum assignavit, quæ sunt verba Mitscherlichii amic. ad Horat. l. I. Cf. Senecæ Consolat. ad Helv., VIII, 4. Perperam cepit Wernsdorf. de hac universi maebina, qua continetur, quicquid natura creavit, quam vocis vim, ut solitus erat vir egregius, erudite exposuit ad Rutil. Itin., I, 61, et Priscian. Perieg., vers. 1. *Ruhk.*

16. *Supremo alluit Oceano.* Hoc

paulo laxius et per catachresin accipiendum est; nam Corduba, Bætiæ Hispaniæ urbs, non omnino alluitur Oceano, et mari Interiori aliquanto propior quam isti censeri potest; sed apud veteres remotissimum mare Atlanticum habebatur, et pro quocumque distante mari poetæ ponere solent Oceanum. Vide v. c. Horat. Carm. lib. I, od. III, v. 20: «Necquidquam Deus absceidit Prædens Oceano dissociabili Terras.»



CLARISSIMI VIRI D. DIDEROT

TESTIMONIUM

IN L. ANNÆI SENECAE EPIGRAMMATA.

---

SÉNÈQUE avait de l'esprit, du génie, de l'imagination, de la verve ; cependant ces petits ouvrages , écrits sans grâce et sans facilité , ne donneraient pas une haute idée de son talent : tous relatifs aux désagréments de son exil, et pleins d'humeur, on n'y trouve ni un poète qui vous séduise, ni un malheureux qui vous touche, ni un philosophe qui vous instruisse. Je crois qu'on peut s'en épargner la lecture et dans la traduction et dans l'original. Ce n'est pas au premier instant de la douleur qu'on parle bien : l'on sent trop fortement, et l'on ne pense pas assez. Les vers de Sénèque auraient été meilleurs quelques mois, quelques années peut-être après son retour de la Corse. Les plaintes ingénieuses d'Ovide à Tomes ne me feront pas changer d'avis. Il en est de l'esprit comme de la gaîté naturelle : on en a toujours, et on l'a quelquefois déplacée.

---



EX L. A. SENECAE LIBRIS  
EXCERPTA QUÆDAM

ET

EIDEM NONNULLA FALSO TRIBUTA.

Hæc excerpta libenter omissem. Senecæ enim non esse, vel cæco perspicuum est. Sed veritus sum, ne quis ea, quælibet sunt, sublata quereretur. Et in eis tamen multa ex vetere libro emendavimus.

---

EX L. A. SENECAE LIBRIS

EXCERPTA QUÆDAM

27

EIDEM NONNULLA FALSO TRIBUTA.

---

I. DE PAUPERTATE LIBER.

*Continens sententias e Senecæ scriptis concinnatas in morem centonis.*

HONESTA, inquit Epicurus, res est, paupertas læta. Illa vero jam paupertas non est, si læta est. Cui cum paupertate bene convenit, dives est. Non qui parum habet, sed qui plura cupit, pauper est. Quid enim refert, quantum illi in arca, quantum in horreis lateat, quantum pascat aut fœneret, si alieno imminet, si non acquisita, sed acquirenda concupiscit? Quis sit divitiarum modus, quæris? Primo, habere quod necesse est: secundo, quod satis est.

Nulli potest segura vita contingere, qui de producenda nimis cogitat. Nullum bonum juvat habentem, nisi ad cuius amissionem præparatus est animus. Magnæ divitiæ sunt, lege naturæ composita paupertas. Lex autem naturæ, scis quos terminos nobis statuit? Non esurire, non sitire, non algere. Uti famem sitimque depellas, non est necesse maria tentare, nec castra sequi. Parabile est

quod natura desiderat, et cito apponitur. Ad supervacua sudatur : illa sunt quæ togam terunt, quæ nos senescere cogunt, quæ in aliena littora impingunt. Ad magnum est, quod satis est. Si cui sua non videntur amplissima, licet totius mundi dominus sit, miser est. Miser est, qui se beatissimum non judicat, licet toti mundo imperet. Non est beatus, qui se id non putat esse. Nihil habeamus, quod cum magno emolumento insidiantis eripi possit. Quam minimum in corpore tuo sit spoliolum. Nemo ad humanum sanguinem venit propter ipsum, vel admodum pauci. Nudum latro transmittit : etiam in obsessa via pauperi pax est. Is maxime divitiis fruitur, qui minime indiget. Si ad naturam vives, nunquam eris pauper : si ad opinionem, nunquam dives. Exiguam naturam desiderat, immensum opinio. Si congeratur in te quidquid multi locupletes possederunt, si ultra privatum pecuniæ modum fortuna te provehat, auro tegat, purpura vestiat, eo deliciarum opumque perducatur, ut terram marmoribus abscondas, non tantum liceat habere, sed calcare divitias ; accedant statuæ et picturæ, et quidquid ars ulla luxuriæ auro et argento elaboravit ; majora cupere ab his disces.

Desideria naturalia, finita sunt : ex falsa opinione nascentia, ubi desinant, non habent. Nullus enim terminus falso est. Veritati aliquid extremum est : error immensus est. Retrahe te ergo a vanis : et quum voles scire, an naturalem, an vanam habeas cupiditatem, considera num alicubi consistat. Si longe progressio semper aliquid longius restat, scito id naturale non esse. Paupertas expedita, secunda est. Quum classicum cecinit, scit non se peti : quum aliquo conclamatum est, quomodo exeat, non quid efferat, quærit. At quum navigandum est, non stre-

pitu portus, non unius comitatu inquieta sunt littora. Non circumstat illum turba hominum, ad quos pascendos transmarinarum regionum optanda est fertilitas. Facile est pascere paucos ventres, et bene institutos, et nihil aliud desiderantes quam impleri. Parvo fames constat, magno fastidium. Paupertas contenta est desideriis instantibus satisfacere. Sanus dives est, qui licet habeat divitias, eas tamen ut fugientes habet. Quid ergo est, quare recuses eam contubernalem, cujus mores sanus dives imitatur? Si vis vacare animo, aut pauper sis oportet, aut pauperi similis. Non potest studium salutare fieri sine frugalitatis cura. Frugalitas, paupertas voluntaria est. Perpersi sunt multoties exercitus inopiam omnium rerum, vixerunt herbarum radicibus, et dictu foedam tulerunt famem; et hæc omnia perpersi sunt pro regno, quo magis mireris, alieno<sup>1</sup>.

Dubitabit aliquis ferre paupertatem, ut animum a furoribus liberet? Multis, divitias parasse, non finis miseriarum fuit, sed mutatio. Nec hoc miror. Non in rebus vitium, sed in animo ipso est. Illud quod paupertatem gravem nobis fecerat, et divitias graves faciet. Quemadmodum nihil refert, utrum ægrum in lecto ligneo, an in aureo colloques; quocumque illum transtuleris, morbum suum secum transferet: sic nihil refert, utrum æger animus in divitiis, an in paupertate sit; malum suum illum sequitur. Ad securitatem non est opus fortuna. Quod enim necessitati sat est, dabit, licet irata. Ne imparatos nos fortuna deprehendat, fiat nobis paupertas familiaris. Securius divites erimus, si sciemus quam non sit grave

1. Post hæc verba, in veteri libro Lugduni, apud Sulpit. Sapidum ann. D. 1543 edito leguntur notissimi hi

duo versus: « Rebus in adversis facile est contemnere vitam; Fortius ille facit, qui miser esse potest. »

pauperes esse. Incipe cum paupertate habere contubernium.

Aude, hospes, contemnere opes, et te quoque dignum  
Finge Deo.....

Nemo alius dignus Deo est, nisi qui opes contempsit. Quare possessiones tibi non interdico, sed efficere volo, ut illas intrepide possideas; quod uno consequeris modo, si te etiam sine illis bene victurum speraveris, et si illas tanquam exituras aspexeris. Discedat quisquis non te, sed aliud in te sequebatur; ob hoc unum est amanda paupertas, quod a quibus ameris, ostendit. Multum est, non corrumpi divitiarum contubernio. Magnus ille est, qui in divitiis pauper est. Nemo nascitur dives. Quisquis exit in lucem, jussus est pane et lacte esse contentus; ab his initiis regna nos non capiunt. Panem et aquam natura desiderat; nemo ad hæc pauper est; intra quæ si quis desiderium suum clusit, cum ipso Jove de felicitate contendat. Res inquieta, felicitas est, ipsa se exagitat, movet cerebrum, non in uno genere; alios in cultum irritat, alios in potentiam, alios inflat, alios mollit. Si vis scire, quam nihil mali sit in paupertate, compara inter se vultum pauperis et divitis. Sæpius pauper et fidelius ridet: nulla sollicitudine concutitur, in alto est; cura velut nubes levis transit. Horum qui felices vocantur, hilaritas ficta est: huic gravis et suprema superbia, licet non palam, tristitia est; eo quidem gravior, quod interdum non licet palam esse miseros, sed inter ærumnas cor ipsum credentes, necesse est agere felicem. Abstrahunt a recto divitiæ, honores, potentiæ, et cætera: quæ opinione hominum cara sunt, pretio suo vilia. Nescimus æstimare res, de quibus non cum fama, sed cum rerum natura deliberandum est. Nihil habent ista magnificentum,



quod mentes nostras in se trahat, præter hoc quod mirari illa consuevimus; non enim quia concupiscenda sunt, laudantur: sed quia concupiscuntur. Hanc præcedentem causam habent divitiæ; mutant animos, superbiam et arrogantiam pariunt, invidiam trahunt; eo usque mentem alienant, ut fama pecuniæ nos etiam nocitura delectet. Bona omni culpa carere decet: pura sunt, non corrumpunt animos, non sollicitant: extollunt quidem animos et delectant, sed sine tumore. Quæ bona sunt, fiduciam faciunt; divitiæ audaciam. Quæ bona sunt, magnitudinem animi dant, divitiæ insolentiam.

## II. DE REMEDIIS FORTUITORUM LIBER.

Est oratio per dialogum Sensus et Rationis<sup>1</sup>.

LICET cunctorum poetarum carmina gremium tuum semper illustrent; aliquando deliberans, hoc tibi opusculum pro accidentibus casibus dirigere curavi, quod non præcedentes, sed posterius narrabunt. Unde ergo primum incipimus? Si tibi videtur, a morte. Ab ultimo, inquis? Immo a maximo. Ad hoc præcipue gens humana contremittit; nec immerito tibi videtur hoc facere. Cæteri timores habent aliquem post se locum: mors omnia abscondit. Alias nos torquent: mors omnia devorat. Omnium quæ horremus, ad hanc exitus spectat, aliorum quæ per circuitum. Etiam qui alioqui se nihil timere iudicant, hoc timent. Quidquid aliud extimescimus, habet aut remedium, aut solatium. Sic ergo te forma, ut si quis tibi palam mortem minetur, omnes terriculas ejus deludas.

1. Hic titulus sequenti opusculo ea Lugduni, a Sulpitio Sapidio, 1543, præponitur in nonnullis edd. v. c. in curata.

Morieris. Ista hominis natura est, non pœna. Morieris. Hac conditione intravi, ut exirem. Morieris. Gentium jus est, quod acceperis, reddere. Morieris. Peregrinatio est vita. Multum quum deambulaveris, domum redcundum est. Morieris. Putabam te aliquid novi dicere; ad hoc veni, hoc ago, huc me singuli dies adducunt. Nascenti mihi natura protinus hunc posuit terminum. Quid habeo quod indigner? In hæc verba juravi. Morieris. Stultum est timere, quod vitare non possis; istud non effugit, etiam qui distulit. Morieris. Nec primus, nec ultimus; multi me antecesserunt, omnes sequentur. Morieris. Hic est humani officii finis. Quis sanus exauctorari moleste tulit? Quo transit orbis, ego transibo; ad hanc conditionem cuncta gignuntur. Quod cœpit, et desinit. Morieris. Nihil grave est, quod semel est. *Æs* alienum meum novi; hoc quidem cum eo creditore contraxi, cui decoquere non possum. Morieris. Dii melius! Nemo hac re melius mortalibus minari potest.

Sed decollaberis. Quid interest, utrum cœsim moriar, an punctim? Sed sæpe ferieris, et multi in te gladii concurrent. Quid refert, quam multa sint vulnera? non potest amplius quam unum esse mortiferum.

Peregre morieris. Undecumque ad inferos una via est. Peregre morieris. Ego quod debeo, solvere paratus sum; videat fœnerator, ubi me appellet. Peregre morieris. Nulla terra est aliena mortuo. Peregre morieris. Non est gravior foris quam domi somnus. Peregre morieris. Hoc est, in patriam sine viatico pervenire.

Sed juvenis morieris. Optimum est, antequam optes, mori. Juvenis morieris. Hoc unum est, quod æque ad juvenem quam ad senem pertinet. Non citamur ex censu, nec exigitur numerus annorum; et adolescentes et im-

puberes eadem fati necessitas ducit. Optimum est mori, quum juvat vivere. Juvenis morieris. Quicumque ad extremum fati sui venit, senex moritur. Non enim refert quæ sit hominis ætas, sed quæ sit meta. Juvenis morieris. Fortasse alicui malo subducit me fortuna: si nulli alii, vel senectuti. Juvenis morieris. Non refert, quot annos habeam, sed quot acceperim; si plus vivere non possum, hæc est senectus mea.

Insepultus jacebis. Quid aliud respondeam, quam illud Maronis?

..... Facilis jactura sepulcri.

Si nihil sentio, non pertinet ad me jactura corporis insepulti. Si sentio, omnis sepultura tormentum est. Insepultus jacebis.

..... Cælo tegitur, qui non habet urnam.

Quid interest, ignis me an fœra consumat, an tellus omnium sepultura? Istud non sentienti supervacuum est, sentienti onus. Insepultus jacebis. At tu combustus, at tu obrutus, at tu inclusus, at tu putridus, at tu evisceratus et constrictus, ac traditus lapidi, qui te paulatim edat et exsiccoet. Nulla est sepultura; non sepelimur, sed projicimur. Non sepelieris. Quid inter tutissima trepidas? Ultra pœnarum omnium terminam iste locus est. Vitæ multa debemus, morti nihil. Non defunctorum causa, sed vivorum, inventa est sepultura, ut corpora et visu et odore fœda amoverentur; alios terra obruit, alios flamma consumpsit, alios lapis ossa redditurus inclusit. Non defunctis, sed nostris oculis parcimus.

Ægroto. Venit tempus quo experimentum mei caperem. Non in mari tantum, aut in prælio, vir fortis apparet; exhibetur etiam in lectulo virtus. Ægroto. Non

potest istud toto seculo fieri; aut ego febrem relinquam; aut ipsa me: semper una esse non possumus. Cum morbo mihi res est: aut vincetur, aut vincet.

Male de te loquuntur homines. Sed mali. Moverer, si de me Marcus Cato, si Lælius sapiens, si alter Cato, si duo Scipiones ista loquerentur. Nunc malis displicere, laudari est. Non potest ullam auctoritatem habere sententia, ubi qui damnandus est, damnat. Male de te loquuntur. Moverer, si iudicio hoc facerent: nunc morbo faciunt; non de me loquuntur, sed de se. Male de te loquuntur. Bene nesciunt loqui: faciunt, non quod mereor, sed quod solent; quibusdam enim canibus sic innatum est, ut non pro feritate, sed pro consuetudine latent.

Exsulabis. Erras: quum omniâ fecerim, patriam meam transire non possum. Omnium una est; extra hanc nemo proficisci potest. Exsulabis. Non patria mihi interdicitur, sed locus. In quamcumque terram venio, in meam venio. Nulla terra exsilium est, altera patria est. Non eris in patria. Patria est, ubicumque bene est. Illud autem per quod bene est, in homine, non in loco est; in ipsius potestate est, quæ sit illi fortuna. Si enim sapiens est, peregrinatur; si stultus, exsulat. Exsulabis. Hoc dicis: alterius loci civitate donaberis.

Dolor imminet. Si exiguus est, feramus: levis est patientia. Si gravis est, feramus: non levis est gloria. Dolor clamorem exprimat, dum secreta non exprimat. Non potest homo par dolori esse; nec rationi dolor. Dura res est dolor. Immo tu mollis. Pauci dolorem ferre potuerunt. Simus ex paucis. Imbecilles natura sumus. Naturam infamare nolite. Illa nos fortes genuit. Fugiamus dolorem. Quid, quod ille sequitur fugientes?

Paupertas mihi gravis est. Immo tu paupertati. Non in paupertate vitium est, sed in paupere. Illa expedita est, hilaris, tuta. Pauper sum. Nescis te opinione, non re, laborare : pauper es, quia videris. Pauper sum. Nihil deest avibus; pecora in diem vivunt : feris ad alimenta solitudo sua sufficit.

Non sum potens. Gaude; impotens non eris. Injuriam accipere potero. Gaude; facere non poteris. Magnam pecuniam habet. Hominem illum indicas? arca est. Quis ærario, quis plenis oculis invidet? Et ipse quem dominum pecuniæ existimas, locus est. Multum habet. Utrum avarus, an prodigus est? Si avarus, non habet; si prodigus, non habebit. Iste quem beatum credis, sæpe dolet, sæpe suspirat. Multi illum comitantur. Mel muscæ sequuntur, cadavera lupi, frumenta formicæ : prædam sequitur ista turba, non hominem.

Pecuniam perdidisti. Fortasse te illa perdidisset. Pecuniam perdidisti. Sed habuisti. Pecuniam perdidisti. Sed habebis inde, periculi minus. Pecuniam perdidisti. O te felicem, si cum illa avaritiam perdidisti! Sed si manet illa apud te, es tamen utcumque felicior, quod tanto malo materia subducta est. Perdidisti pecuniam. Et illa quidem quam multos? Eris nunc in via expeditior, domi tutior. Non habebis, sed non timebis heredem. Exoneravit te fortuna, si intelligis, et tutiore loco posuit. Damnum putas? remedium est. Desles, gemis, miserum te clamitas, quod opibus excussus es? Tuo vitio ista tibi jactura tam tristis est. Non tam moleste ferres, si tanquam perditurus habuisses. Perdidisti pecuniam. Nempe quam ut tu haberes, alius ante perdiderat.

Oculos perdidisti. Habet et nox suas voluptates. Oculos perdidisti. Quam multis cupiditatibus via incisa est? quam

multis rebus carebis, quas ne videres, vel eruendi erant? Non intelligis partem innocentie esse cæcitatem. Huic oculi adulterium monstrant, huic incestum, huic domum quam concupiscat, huic urbem, et mala omnia. Certe irritamenta sunt vitiorum ducesque scelerum.

Amisi liberos. Stultus es, qui desceas mortem mortaliū. Quid istud aut novum, aut mirum est? Quam rara est sine isto casu domus? Quid si infelicem voces arborem, quod stante ipsa cadunt poma? et hic tuus fructus est. Nemo extra ictum vulneris positus est. Ducuntur ex plebeia domo immatura funera, ducuntur et ex regia. Non est idem ordo fati, qui et ætatis. Non quomodo quisque venit, emittitur. Quid tamen est quod indigneris? Quid contra expectationem tuam evenit? Periere perituri. Sed ego illos superstites optabam. Verum hoc nemo tibi promiserat. Perierunt liberi mei. Habebant illi cujus essent magis quam tui: apud te precario morabantur. Educandos tibi fortuna mandaverat: recepit illos, non abstulit.

Naufragium feci. Cogita non quid perdideris, sed quod evaseris. Nudus exii. Sed existi. Omnia perdidi. Sed perire potuisti una cum omnibus.

In latrones incidi. Sed alius in accusatores, alius in fures, alius in fraudatores. Plena est insidiis via. Noli conqueri quod incideris: gaude quod evaseris. Inimicos graves habeo. Quomodo adversus feras munimenta conquiris, quomodo adversus serpentes: sic adversus inimicos auxilia circumspice, quibus illos aut arceas, aut compescas, aut, quod optimum est, places. Inimicos habeo. Illud est pejus, quod amicos non habes.

Amicum perdidi. Jam enim te habuisse certum est? Amicum perdidi. Alium quære: et ibi cum quæras, ubi

invenire possis. Quære inter liberales artes, inter honesta et recta officia : quære in laboribus. Ad mensam ista res non quæritur : quære aliquem frugi. Perdidisti amicum. Fortem animum habes, si unum : erubescere, si unicum : quid tu in tanta tempestate ad unam anchoram stabas ?

Uxorem bonam amisisti. Utrum inveneras bonam, an feceras ? Si inveneras, habere adhuc te posse ex hoc intelligas licet, quod habuisti : si feceras, bene spera ; res periiit : salvus est artifex. Amisisti uxorem bonam. Quid in illa probabas ? Pudicitiam ? Quam multæ diu custoditam perdidere ! Decus ? Quam multæ inter probatas matronalis ordinis, esse cœperunt postea inter exempla mutatarum ? Delectabat te fides ejus ? Quam multas ex optimis conjugibus pessimas videmus, ex diligentissimis solutissimas ! Omnium quidem imperitorum animus, maxime tamen muliebris, in lubrico est. Si bonam uxorem habuisti, non potes affirmare in illo eam permansuram fuisse proposito. Nihil tam mobile quam seminarum voluntas ; nihil tam vagum. Novimus veterum matrimoniorum repudia ; et, fœdiores divortio, male cohærentium rixas. Quam multæ quos in adolescentia amaverunt, in communi reliquere senectute ! quoties anile divortium risimus ? quam multarum notus amor odio notiore mutatus est ! Sed hæc et fuit bona, et fuisset, si vixisset. Mors effecit, ut affirmare id sine periculo possis. Bonam uxorem amisisti. Invenies, si nihil quæris nisi bonam. Tu modo ne imagines proavosque respexeris, nec patrimonium, cui jam ipsa nobilitas cessit. Ista diu cum forma non repugnabant. Facilius reges animum nulla vanitate tumentem. Non multum abest a contemptu viri, quæ se nimis suspicit. Duc bene institutam, nec maternis inquinatam

vitiis : non cujus auriculis utrimque bina patrimonia dependeant : non quam margaritæ suffocent, cui minus sit in dote quam in veste : quam in patente sella circumlata per urbem populus ab omni parte æque ut maritus inspexerit : cujus sarcinis domus sit angusta. Hanc facile ad tuos mores rediges, quam nondum corruerunt publici. Uxorem bonam amisi. Non erubescis flere, et intollerabilem vocare jacturam ? Hoc unum deest : utrum illam lugeas, an non. Quum maritum te cogitaveris, cogita et virum. Amisi uxorem bonam. Soror bona non potest recuperari, nec mater. Uxor adventitium bonum est : non est inter illa, quæ semel unicuique contingunt. Amisi uxorem bonam. Multos tibi numerare possum, quibus bonam uxorem lugentibus successit melior.

Mors, exilium, luctus, dolor, non sunt supplicia, sed tributa vivendi. Neminem illæsum fata transmittunt. Felix est non qui aliis videtur, sed qui sibi.

### III. DE QUATUOR VIRTUTIBUS LIBER.

N. B. Hic libellus, quem alii *de formula honestæ vitæ*, alii *de quatuor virtutibus cardinalibus* inscribunt, omnes autem L. A. Senecæ tribuunt, magno in honore apud mediæ ætatis doctos fuisse videtur. Plurimæ enim illius libri editiones, nec non cum scholiis, perpetuo commentario, et variis lectionibus, occurrunt, quarum nonnullas habet Regia Bibliotheca. Nos autem Des. Erasmi Roterod. editionem secuti sumus, varias lect. et scholia omittentes, ut in opere nimis exigui momenti. Ed.

« Quod sequitur opusculum sine controversia non est Senecæ, licet admixta sint permulta ex ejus libris decerpta, studio hominis Christiani. Nam in ipso statim initio occurrit : « Scire debes, quia sunt. » Ac mox : « ex rebus transitoriis. » Rursum Cap. de



Continentia : « a corpore ad spiritum. » Mox in eodem : « Scito quia profuit , et scito quia prodesse voluit. » Hæc nimirum christianismum olent. Nec tamen ejusdem hominis videtur consarcinatio. Nam appendix de moderatione singularum virtutum ineptior est superiore parte. Capita de prudentia moderanda , deque temperantia tam erant in exemplaribus varia , ut palam esset id studio factum. Comperi totum opus mire depravatum , sed codice descripta fere omnia restitui. »

Quatuor virtutum species multorum sapientum sententiis diffinitæ sunt , quibus animus humanus componi ad honestatem vitæ possit. Harum prima est prudentia. Secunda magnanimitas. Tertia continentia. Quarta justitia. Singulæ tibi in his officiis quæ subsunt annexæ sunt , ac bene moratum virum efficiunt.

## DE PRUDENTIA.

Quisquis prudentiam sequi desideras , tunc per rationem recte vives , si omnia prius existimes et perpenses , et dignitatem rebus non ex opinione multorum , sed ex earum natura constituas. Nam scire debes quia sunt quæ videantur esse bona , et non sunt. Et sunt quæ videantur non bona esse , et sunt. Quæcumque autem ex rebus transitoriis possides non mireris , nec magnum existimes quod caducum est : nec apud te quæ habes tanquam aliena servabis , sed pro te tanquam tua dispenses et utaris. Si prudentiam amplecteris , ubique idem eris , et prout rerum ac temporum varietas exigit , ita te accommodes temporis , nec te in aliquibus mutes , sed potius aptes , sicut manus quæ eadem est quum in palmam extenditur , et quum in pugnum adstringitur. Prudentis proprium est examinare consilia , et non cito facili credulitate ad falsa prolabi. De dubiis non diffinias , sed suspensam teneas sententiam. Nihil inexpertum affirmes , quia non omne

verisimile statim verum est, sicut et sæpius quod primum incredibile videtur, non continuo falsum est. Crebro si quidem faciem mendacii veritas retinet. Crebro mendacium specie veritatis occultitur. Nam sicut aliquando tristem frontem amicus, et blandam adulator ostendit, sic verisimilitudine coloratur veritas, et ut fallat, vel surrepat, coloratur. Si prudens esse cupis, in futurum prospectum intende, et quæ possunt contingere animo tuo cuncta propone. Nihil tibi subitum sit, sed totum ante conspicias. Nam qui prudens est non dicit, non putavi quidem hoc fieri, quia non dubitat, sed exspectat: nec suspicatur, sed cavet. Cujuscumque facti causam require; quum initia inveneris, exitus cogitabis. Scito te in quibusdam debere perseverare, quia cœpisti, quædam vero nec incipere, in quibus perseverare sit noxium. Prudens fallere non vult, falli non potest. Boni est viri etiam in morte neminem fallere. Opiniones tuæ judicia sint. Cogitationes vagæ, et inutiles, et velut somnio similes non recipies, quibus si animus tuus se oblectaverit, quum omnia disposueris, tristis remanebis: sed cogitatio tua stabilis et certa sit, sive deliberet, sive quærat, sive contempletur, non recedat a vero. Sermo quoque tuus non sit inanis, sed aut suadeat, aut moneat, aut consoletur, aut præcipiat. Lauda parce, vitupera parcius. Nam similiter reprehensibilis est nimia laudatio, ut immoderata vituperatio. Illa si quidem adulatione, ista malignitate suspecta est, testimonium veritati, non amicitiae reddes. Cum consideratione promitte, plenius quæ promiseris præsta. Si prudens est animus tuus, tribus temporibus dispensetur. Præsentia ordina, futura prævide, præterita recordare. Nam qui nil de præterito cogitat, perdit vitam, qui nil de futuro præmeditatur, in omnia

incautus incidit. Proponas in animo tuo futura mala et bona, ut illa sustinere possis, et ista moderari. Non semper in actu sis, sed interdum animo tuo requiem dato, et requies ipsa plena sit. sapientiæ studiis et cogitationibus bonis. Nam prudens nunquam otio marcet. Habet autem aliquando remissum animum, nunquam solutum. Accelerat tarda, perplexa expedit, dura mollit, exæquat ardua. Scit enim quid qua via aggredi debeat, et cito singula, et distincte cuncta videt. Consilium peritorum, ex apertis obscura aestimat, ex parvulis magna, ex proximis remota, ex partibus tota. Non te moveat dicentis auctoritas, nec quis, sed quid dicat intendito. Nec quam multis, sed qualibus placeas cogita. Id quære quod invenire possis. Id disce quod potes scire. Id opta quod optari coram bonis potest. Nec altiori te rei imponas in qua tibi stanti tremendum, ascendenti cadendum sit. Consilia tibi salutifera advoca. Quum tibi alludit vitæ prosperitas, tunc te velut in lubrico retinebis, ac sistes, nec tibi dabis impetus liberos, sed circumspecies quod eundum sit, vel quousque.

## DE MAGNANIMITATE.

Magnanimitas vero, quæ et fortitudo dicitur, si insit animo tuo cum magna fiducia, vives liber, intrepidus, alacer. Magni animi hominis bonum est non vacillare, constare sibi, et finem vitæ intrepidus expectare. Nil aliud magnum in rebus humanis, nisi animus magna despiciens. Si magnanimus fueris, nunquam iudicabis tibi contumeliam fieri. De inimico dices, non nocuit mihi, sed animum nocendi habuit: et quum illum in potestate tua videris, vindictam putabis vindicare potuisse. Scito enim honestum et magnum genus vindictæ esse ignoscere. Ne-

minem susurro appetas, neminem suffodias, palam aggrederc; non geres conflictum, nisi indixeris; nam fraudes et doli imbecillum decent. Eris magnanimus, si pericula nec appetas, ut temerarius; nec formides, ut timidus; nam nil timidum facit animum, nisi reprehensibilis vitæ conscientia. Mensura ergo magnanimitatis est, nec timidum esse hominem, nec audacem.

## DE CONTINENTIA.

Continentiam vero si diligis, circumcide superflua, et in arctum desideria tua constringe. Considera tecum quantum natura poscat, et non quantum cupiditas expectat. Si continens fueris, eo usque pervenies, ut te ipso contentus sis. Nam qui sibi ipsi satis est, cum divitiis uatus est. Impone concupiscentiæ tuæ frænum et modum, omniaque blandimenta quæ occultam voluptatem trahunt, rejice. Ede citra cruditatem, bibe citra ebrietatem. Observa ne in convivio, aut in qualibet vitæ communitate, quos non imitaberis damnare videaris, nec præsentibus delictis inhærebis, nec desiderabis absentes. Victus tibi ex facili sit; nec ad voluptatem, sed ad cibum accede. Palatum tuum fames excitet, non saporcs. Desideria tua parvo redime, quia hoc tantum curare debes, ut desinam, atque quasi ad exemplar compositus divinum, a corpore ad spiritum quantum potes (*al. potest*) te festina reducere. Si continentiae studes, habita non amœne, sed salubriter, nec dominum esse velis notum a domo, sed domum a domino. Non tibi adscribas quod non eris, nec quod es, nec majus quam es videri velis. Hoc majus observa, nec paupertas tibi immunda sit, nec parsimonia sordida, nec simplicitas neglecta, nec lenitas languida: et si tibi res exiguae sunt, non tamen sint angustæ. Nec tua defleas,

nec aliena mireris. Si continentiam diligis, turpia fugito antequam accidunt, nec quemquam alium vereberis plus quam te. Omnia tolerabilia præter turpitudinem crede. A verbis quoque turpibus abstineto, quia eorum licentia imprudentiam nutrit. Sermones utiles magis quam facetos et amabiles ama, rectos potius quam obsecundantes. Miscebis interdum seriis jocos, sed temperatos, et sine detrimento dignitatis ac verecundiæ. Nam reprehensibilis risus est, si immodicus, si pueriliter effusus, si muliebriter fractus. Odibilem quoque hominem facit risus, aut superbus, aut clarus, aut malignus et furtivus, aut alienis malis evocatus. Si ergo ipsos jocos exis, hoc quoque cum dignitate sapientiæ gere, ut te nec gravent tanquam asperum, nec contemnant tanquam vilem. Non erit tibi scurrilitas, sed grata urbanitas. Sales tui sint sine dente, joci sine vilitate (*al. utilitate*), risus sine cachinno, vox sine clamore, incessus sine tumultu; quies tibi non desidia erit; et quum ab aliis luditur, tu sancti aliquid honestique tractabis. Si continens es, adulationes evita, sitque tibi tam triste laudari a turpibus, quam si lauderis ob turpia. Lætior esto, quoties displices malis; et malorum de te estimationes malas, veram tui laudationem adscribe. Difficillimum continentiae opus est, assentationes adulatione repellere, quarum sermones animum voluptate resolvunt. Nullius per assentationem amicitiam merearis, nec ad tuam promerendam per hanc aditum pandas. Non eris audax, nec arrogans, submittes te, non projicies gravitate servata. Admoneberis libenter, et reprehenderis patienter. Si merito objurgabit aliquis, scito quia profuit; si immerito, scito quia prodesse voluit. Non acerba, sed blanda timebis verba. Esto vitiorum fugax ipse, aliorum vero neque curiosus scrutator, neque acerbus reprehens-

sor, sed sine exprobratione correptor, ita ut admonitionem hilaritate prævenias, et errori facile veniam dato. Nec extollas quemquam, neque dejicias. Dicentium esto tacitus auditor, audientium promptus receptor. Requirenti facile responde, contemnenti facile cede, nec in jurgia execrationesque discedas. Si continens es, animi tui motus corporisque observa, ne indecori sint. Nec illos ideo contemnas, quia latent : nam nil differt, si nemo videat, quum tu ipse illos videas. Mobilis esto, non levis; constans, non pertinax. Alicujus rei scientiam habere te nec ignotum sit, nec molestum. Omnes tibi pares facies, sed inferiores superbiendo non contemnes. Superiores recte vivendo non metuas. In reddenda officiositate, neque negligens, neque exactor appareas. Cunctis esto benignus, nemini blandus, paucis familiaris, omnibus æquus. Severior esto in judicio quam in sermone : vita quam vultu (*al.* cultu) : cultor clementiæ : detestator sævitæ : bonæ famæ neque tuæ seminator, neque alienæ invidus. Rumoribus, criminibus, suspicionibus minime credulus vel malignus, sed potius his qui per speciem simplicitatis ad nocendum aliquibus subrepunt, oppositissimus. Ad iram tardus, ad misericordiam pronus, in adversis firmus, in prosperis cautus et humilis, occultator virtutum sicut alii vitiorum. Vanæ gloriæ contemptor, et bonorum, quibus præditus es non acerbus exactor. Nullius imprudentiam despicias. Rari sermonis ipse, sed loquentium patiens. Severus, non sævus, sed hilarem non aspernans. Sapientiæ cupidus et docilis, quæ nosti sine arrogantia postulanti imparties; quæ nescis sine occultatione ignorantæ tibi postula impartiri. Non conturbabit sapiens mores publicos, nec populum in se vitæ novitate convertet. Justitiæ post hæc virtus est.

## DE JUSTITIA.

Quid est justitia, nisi naturæ tacita conventio in adiutorium multorum inventa? Justitia non nostra constitutio, sed divina lex est, et vinculum societatis humanæ. In hac non est quod æstimemus quid expediat, expetit tibi quicquid illa dictaverit. Quisquis ergo hanc sectari desideras, Deum time prius et ama, ut ameris a Deo. Amabilis eris Deo, si in hoc illum imitaberis, ut velis omnibus prodesse et nulli nocere. Et tunc te justum virum appellabunt omnes, sequentur, venerabuntur, et diligunt. Justus enim ut sis non solum non nocebis, sed etiam nocentes prohibebis; nam nil nocere non est justitia, sed abstinentia alieni est. Ab his ergo incipe ut non auferas, ut ad majora proveharis, et aliis ablata restituas. Raptores quoque ipsos, ne aliis timendi sint, castiga et cohibe (*al. prohibe*). Ex nulla vocis ambiguitate controversiam nectes, sed animi qualitatem speculari. Nihil tibi intersit an firmes (*al. confirmes*), an jures. De fide et religione scias agi ubicumque de veritate tractatur; nam si jurejurando Deus invocetur, et non invocanti testis est, tamen non transibis veritatem, ne justitiæ transeas legem. Quod si aliquando coarcteris uti mendacio, utere non ad falsi, sed ad veri custodiam; et si contigerit fidelitatem mendacio redimi, non mentieris, sed potius excusaberis, quia ubi honesta causa est, justus secreta non prodit; tacenda enim tacet, loquenda loquitur, atque illi aperta et segura tranquillitas, ut dum alii vincantur a malis, vincantur ab illo mala. Hæc ergo si studere curaveris, lætus et intrepidus cursus tui finem exspectabis, prospicies hæc tristitia hujus mundi hilaris, tumultuosa quietus, extrema securus.

## DE MENSURA ET MODERATIONE PRUDENTIÆ.

His ergo institutionibus observatis, quatuor virtutum species perfectum te facient virum, si mensuram rectitudinis earum æquo vivendi fine servaveris. Nam si prudentia terminos suos excedat, callida et pavida commiseris, investigator latentium et scrutator qualiumcumque nostrarum ostenderis, notaberis timidus, speciosus, attentus; semper aliquid quærens, semper aliquid timens, semper aliquid dubitans, et subtilissimas suspensiones tuas ad animi tui apprehensionem impingens; monstraberis digito astutia plenus, versipellis et simplicitatis inimicus, contemplatorque culparum, et postremo uno nomine vocaberis a cunctis, malus homo. In has ergo maculas prudentia immensurata perducet, quicumque in illa mediocri lance persistit, nec obtusum in se aliquid habeat, nec versutum.

## DE MODERANDA FORTITUDINE.

Magnanimitas autem si se extra modum suum extollat, faciet virum minacem, inflatum, inquietum, turbidum, et in quascumque extollentias dictorum, actorumque neglecta honestate festinum, qui momentis omnibus supercilia subrigens, et bestiarius etiam quietam excitat, alium ferit, alium fugat. Sed quamvis audax sit impugnator, tamen multa extra se valentia ferre non poterit. Sed aut miserum appetit finem, aut ærumnosam sui memoriam derelinquit. Mensura ergo magnanimitatis est nec timidum esse hominem, nec audacem.

## DE MODO TEMPERANTIÆ.

Continentia deinde his terminis te adstringat; cave ne parcus sis, ne suspiciose et timide manum contrahas. Ne



in minimis quoque speculum ponas. Nam talis et tam circumcisa vilis putabitur integritas. Hac ergo mediocritatis linea continentiam observabis, ut nec voluptati deditus, prodigus et luxuriosus appareas, nec avara tenacitate sordidus, aut obscurus existas.

## QUALITER SIT MODERANDA JUSTITIA.

Justitia postremo eo mediocritatis tibi itinere regenda est, ut nec ductu Jupiter levi (*al. leni*) immotam semper animi rationem negligentia subsequatur. Dum neque de magnis neque de minimis errantium vitiis corrigendi curam geris, sed neque licentiam peccandi, aut alludentibus tibi blande, aut illudentibus proterve permittis, neque rursus nimia rigiditate et asperitate, nil veniæ aut benignitati reservans, humanæ societati durus appareas. Ita ergo justitiæ regula tenenda est, ut reverentia disciplinæ ejus, neque nimia negligentiae communitate despecta vilescat, neque severiori atrocitate diuturna, gratiam humanæ amabilitatis amittat.

## CONCLUSIO PRÆMISSORUM.

Si quis ergo vitam suam ad utilitatem non tantum pariat, sed multorum inculpabiliter componere desiderat, hanc prædictarum virtutum formulam pro qualitatibus temporum, locorum, personarum atque causarum sequatur, eo mediocritatis insistens, quo per abrupta altrinsecus præcipitia, aut ruentem corporis devitet insaniam, aut efficientem puniat ignaviam.

---

## IV. DE MORIBUS LIBER UNUS.

« Gnomologia hæc est, non ex Seneca tantum. Insunt Mimi, et Pythagoræ quedam, postremo fit mentio diaboli. Videntur quedam decerpta ex proverbiiis Salomonis. » *Erasm.*

Sunt totidem distinctæ et minime inter se connexæ sententiæ. In edit. Sulpit. Sapidi supra memorata, singulæ numeris distinguuntur, ita ut sint CLXI.

Omne peccatum actio est. Actio autem omnis voluntaria est, tam honesta quam turpis, ergo voluntarium est omne peccatum. Tolle excusationem, nemo peccat invitus. Educatio et disciplina mores faciunt, et id unusquisque sapit, quod didicit. Itaque bona consuetudo excutere debet, quod mala instruxit. Nihil interest quo animo facias, quod fecisse vitiosum est, quia facta cernuntur, animus vero non videtur. Nulla autem laus est non facere, quod facere non possis. Quid homini est inimicissimum? homo. Libenter feras quod necesse est, dolor patientia vincitur. Expecta quo nunquam pœniteas. Non quam multis placeas, sed qualibus stude. In hoc tantum incumbe, ut libentius audias, quam loquaris. Multos vitam differentes, mors juncta prævenit. Itaque omnis dies velut ultimus judicetur. Tristitiam si potes, ne admiscris; sin minus, ne ostenderis. Amicos secreto admone, palam autem lauda. Verba rebus, non personis æstimanda sunt. Oratorem te puta, si tibi ante omnes, quod oportet persuaseris. Ut licentiosa mancipia animi imperio cocree linguam, ventrem et libidinem. Quod tacitum esse velis, nemini dixeris. Si tibi non imperasti, quomodo ab alio silentium speras? Ridiculum est aliquem, odio nocentis, innocentiam perdere. Monstro similis est

avaritia senilis. Quid enim stultius est, quod dici solet, quam via deficiente viaticum augere? Omnes infantes terra nudos excipit. Non pudet te fortius nasci quam vivere? Quid dulcius quam habere amicum, cum quo audeas, ut tecum, omnia loqui? Magnarum virium est negligere lædentem. Quid sis intrest, non quid habeas. Nondum es felix, si te turba non deriserit. Si vis beatus esse, cogita hoc primum: contemnere, et contemni. Priusquam promittas, deliberes; et, quum promiseris, facias. Id agas, ne quis merito te oderit, et si nullos inimicos tibi facies injuria, multos facit invidia. Solitudinem quærat, qui vult cum innocentibus vivere. Optimus ergo animus et pulcherrimus cultor Dei est. Abstinebis ab alieno matrimonio. Præstabis parentibus pietatem, cognatis indulgentiam, omnibus æquitatem. Devitabis crudelitatem, et ministram crudelitatis iram. Non aliter vivas in solitudine, aliter in foro. Nihil petas quod negaturus fuisti; nihil negabis quod petiturus fuisti. Pacem cum hominibus habebis, cum vitiis bellum. Hoc habet omnis affectus ut, in quod ipse insanit, in id putet etiam cæteros furere. Maximum in eo vitium est, qui non melioribus vult placere, sed pluribus. Vis omnibus esse notus? prius effice, ut neminem noveris. Bonum est non laudari, et esse laudabilem. Stultum est timere quod vitare non potes. Male opinentur de te homines, sed mali. Malis displicere est laudari. Male de te loquuntur homines, bene autem loqui nesciunt, non quod mercaris, sed quod solent ipsi. Homines de te mala loquuntur; si merito, non quod loquuntur molestum est, sed quod non mentiuntur; si immerito, innocentia mea nunc maxime gaudeo. Apparet enim illos vera objecturos, si possent. Non es in patria tua. Patria tua est ubicumque bene es;

illud enim per quod bene es, non est in loco, sed in homine. Nihil magnum, nisi magno animo despicias. Quæ sunt maximæ divitiæ? non desiderare divitias. Quis plurimum habet? is qui nimium cupit. Quid est dare beneficium? Deum imitari. Honestius est quum judicaveris amare, quam quum amaveris judicare. Dissentio ab alio incipiat, a te autem reconciliatio. Succurre paupertati amicorum, immo occurre. Amicos secundæ res parant, adversæ certissime probant. Pejora sunt tecta odia quam aperta: itaque te minus loquax inimicus offendit quam tacitus. Mira ratio est quæ non vult prædicari, quod gaudet intelligi. Ignosci amat, qui quod odit, ostendit. Eleemosyna non tam accipientibus quam dantibus prodest. Et spes præmii solatium fit laboris. Quæ est maxima egestas? avaritia. Pecuniæ imperare oportet, non servire. Nullum conscium peccatorum tuorum magis timueris quam temetipsum. Alium potes effugere, te autem nunquam. Quis est pauper? qui sibi videtur. Qui a multis timetur, multos timet. Infelicem erige, submitte felicitatem. Vera felicitas innocentia est. Nequitia ipsa sui pœna est. Mala conscientia sæpe tuta est, secuta nunquam. Libidinis initia continebit, qui exitum cogitabit. Beneficii accepti nunquam oportet oblivisci, dati protinus. Inhonesta victoria est suos vincere. Satis est pœnarum potuisse puniri. Inimicitias tarde suscipe, amicitias exerce moderate. Simultates depone. Imago animi sermo est. Qualis vir, talis oratio. Magna res est vocis et silentii temperamentum. Qui æquo animo malis immiscetur, malus est. Neminem laudaveris, neminem cito accusaris, semper puta te cum diis testimonium dicere. Vitium est omnia credere, vitium nihil credere. Utendum est divitiis, non abutendum. Nullum putaveris locum sine teste.

Excusationem quærere, vitium. Fortior est qui cupiditatem vincit, quam qui hostem subjicit. Est difficillimum seipsum vincere. Inique irascitur, qui suis irascitur. Amare sic incipe, tanquam non liceat desinere. Magnarum rerum etiam si successus non fuerit, honestus est ipse conatus. Nobilitas animi est generositas sensus. Nobilitas corporis generosus animus. Honestior est quem senectus ad otium retulit, quam quem in otio invenit, et tunc incipiat laborare. Turpe spectaculum præbet animus æger. Nunquam sit tristis facies tibi in commodo alterius. Homo sum, quomodo devitabo secundarum rerum invidiam? Si felicitatem jactaveris, cum multis dives eris. Quomodo optime potentiam tuebor? impotentia occasionis. Locum tenet innocentiae proximum confessio. Ubi confessio, ibi remissio. Iræ severitas in vitio est. Boni judicis est dispensare, non tantum quid damnandum sit, sed quatenus. Proximus justitiæ modus severitas. Quietissimam vitam agerent homines in terris, si hæc duo verba a natura omnium rerum tollerent, meum et tuum. Qui paupertatem timet, timendus est. Vires tuas amici magis sentiant beneficiis quam injuriis. Pecunia non satiat avaritiam, sed irritat. Homo semper indigens pecunia, scit cum ejus moribus convenire. Mihi crede, non potes dives esse, et felix. Auribus frequentius quam lingua utere. Quicquid dicturus es, antequam aliis dixeris, dicito tibi. Nihil interest inter iratum et insanum, nisi unus dies. Alter non semper irascitur, alter semper insanit. Facillime bonis frueris, si ea vitaveris, quæ vituperaveris. Quum alienos timueris, te ipsum verere, nam sæpe sine aliis esse potes, sine te nunquam. Si bene te instruxeris, pudeat deteriora facere. Quod persuaseris, erit diuturnum; quod coegeris, erit in occasionem. Alteri semper

ignoscito, tibi ipsi nunquam. Tantum ad virtutem adjicies, quantum ex voluptate abstraxeris : stultum est somno delectari, et quasi mortem moliri. Bonis nocet, qui malis parcit. Multi quum aliis maledicunt, sibi ipsis convitium faciunt. Nihil turpius quam qui objicit alteri sibi objiciendum. Ut licentiosa mancipia, animi imperio rege, linguam, libidinem, ventrem, cupiditatemque comprime; si non potes, paululum remitte. Sæpe ea quæ sanari ratione non poterant, sanata sunt tempore. Qui propter pecuniæ amorem et libidinum moritur, ostendit se nunquam sui causa vixisse. Turpia ne dixeris, paulatim enim pudor per verba discutitur. Sic habita, ut potius laudetur dominus quam domus. Consuetudinaria res est innocentia; non damnatio, sed causa hominem turpem facit. Merito damnari pœna est, damnatio immerita damnantis est calamitas. Si aliquid cogitaveris, cito apparebit conversantibus. Videri vis ab omnibus; nunquam bonæ honestatis simulatio longa est. Quod de alienis tractas, ex tuis judices. Multi sunt obligandi, pauci offendendi; nam memoria beneficiorum facilis est injuriarum tenax. Objurgationi semper aliquid blande admisce, facilius enim penetrant verba quæ molli vadunt via, quam aspera. Nemo enim se mutatur, qui mutari se desperet. Quoties scribens aliquid dicturus es, scito morum tuorum te hominibus chirographum dare. Qui in servos irascitur et crudelis est, satis ostendit potestatem adversus alienos sibi defuisse. Qui nescit tacere, nescit loqui. Facilius est pauperi contemptum effugere, quam diviti invidiam. Bonus fruitur bona conscientia. Malis hominibus tutissimum est cito fugere. Nulla pusilla domus, quæ multos amicos capit. Scire uti paupertate, maxima felicitas. Acuit intentio, frangit animum remissio. Nunquam scelus scelere vincendum est.

Bonus vir est, qui eo perduxit affectu animum, ut non tantum peccare non velit, sed etiam non possit. Regnantibus pejus multo periculum, quam his qui judicantur; hi enim singulos timent, illi universos. Numquid fortis fortem se gloriabitur, quem corporis ægritudo efficit infirmum? Numquid dives in opibus suis gloriabitur, cujus spem fur vel tyrannus abrupit? Numquid nobilitas gloriabitur affecta, nonnunquam indignis et miserabilibus serviens? Diabolus aliquando se gloriabitur interfectorem tuæ misericordiæ, nunc inter gemiscit socios (forsan socius) tuæ beatitudinis. Fugienda sunt omnibus modis, et abscindenda igni ac ferro, totoque artificio separanda, languor a corpore, imperitia ab animo, luxuria a mente, a civitate seditio, a domo discordia, a cunctis rebus intemperantia. Dixit quidam amicorum omnia esse communia, et amicum seipsum esse alterum. Duorum temporum maxime habendam curam, et eorum quæ acturi sumus, et eorum quæ gessimus : post Deum veritatem colendam, quæ sola homines Diis proximos facit.

Post hæc nonnullæ veteres editiones inserunt multas sententias juxta litterarum ordinem dispositas, sub hoc titulo *Senecæ Proverbia*; quarum maxima pars ex Publii Syri Laberiique mimis est collecta; nonnullæ vero ex L. Annæi Senecæ tum philosophicis quam poeticis scriptis haustæ, sed mire depravatæ, videntur.

## V. EPISTOLÆ SENECAE ET PAULI.

## PRÆMONITIO.

IN veteribus L. A. Senecæ editionibus leguntur quatuordecim Senecæ ad Paulum et Pauli ad Senecam Epistolæ, quæ olim pro authenticis habitæ fuisse videntur, quamvis collibet eas vel levissime insipienti supposititias esse pateat. Nihilominus nonnulli scriptores, nec parvi momenti, inter quos D. Hieronymus, lib. de Scriptoribus ecclesiasticis, c. 12<sup>4</sup>; D. Augustinus, De Civitate Dei, lib. VI, c. 10, et Epist. LIII ad Maced., has Epistolas memorant, sine ullo de illarum veritate dubio. Immo perpetua apud priorum ætatum Christianos opinio viguit Paulum et Senecam magna fuisse amicitia conjunctos, quod confirmat Linus Pontif. de Passione Pauli. De hac amicitia multi disceptaverunt, in primis *Fr. Ch. Gelpke*, in « Tractatiuncula de familiaritate quæ Paulo apostolo cum Seneca philosopho interfuisse videtur verisimillima », *Lips.* 1813, in-4°. Quam dissertationem quum sæpe quesitam comparare non potuerimus, satis erit hic inserere quæ ex illa excerpsit *Fred. Schœll*, *Histoire abrégée de la Littérature romaine*, vol. II, p. 445.

« Cette tradition ne doit peut-être pas être reléguée parmi les fables; plusieurs circonstances se réunissent pour lui donner quelque vraisemblance. Elle explique au moins la singulière ressemblance que les hommes de lettres ont remarquée entre beaucoup de passages de Sénèque et des saintes Écritures, surtout des *Épîtres de saint Paul*. Nous allons rapporter quelques-uns de ces passages parallèles, en commençant par la harangue que l'apôtre prononça devant l'aréopage d'Athènes, et que saint Luc a insérée dans le dix-septième chapitre des *Actes des Apôtres*.

<sup>1</sup> Ipsa ejus verba vide infra, p. 470, not. 3.



Saint Paul.

Deus qui fecit mundum et omnia quæ in eo sunt, hic cæli et terræ quum sit dominus, non in manu factis templis habitat. *Act. XVII, 24.*

Nec manibus humanis colitor indigeus aliquo, quum ipse det omnibus vitam, et inspirationem, et omnia. *Ibid. 25.*

Deus... quamvis non longe sit ab unoquoque nostrum. In ipso enim vivimus, et movemur, et sumus. *Ibid. 27, 28.*

Quicumque enim spiritu Dei agnoscitur, ii sunt filii Dei. *Ep. Rom. VIII, 14.*

Nescitis quia templum Dei estis, et spiritus Dei habitat in vobis. *I. Cor. cap. III, 16.*

Non debemus æstimare auro, aut argento, aut lapidi, sculpturæ artis et cogitationis hominis, divinum esse simile. *Act. XVII, 29.*

Credere enim oportet accedentem ad Deum, quia est, et inquirentibus se remunerator sit. *Hebr. XI, 6.*

Estote ergo imitatores Dei... et ambulate in dilectione. *Eph. V, 1.*

Sicut enim corpus unum est et membra habet multa, omnia autem membra corporis quum sint multa, unum tamen corpus sunt; ita et Christus... Nunc autem multa quidem membra, unum autem corpus... Vos autem estis corpus Christi, et membra de membro. *I. Cor. cap. XII, 12, 20, 27.*

Nihil enim intulimus in hunc mundum: hand dubium quod nec auferre quid possimus. *I. Tim. cap. VI, 7.*

IV.

Sénèque.

Deo non templa coegestis in altitudinem saxi extruenda sunt; in suo cuique conserendus est pectore. *Fragm. citè par Lactance, Inst. VI.*

Totus mundus est deorum templum, solum quidem amplitudine illorum et magnificentia dignum. *De Benef. VII, 7.*

Deum colit qui novit;.... non querit ministros Deus; quidni? Ipse humano generi ministrat; ubique et omnibus præsto est. *Ep. 95.*

Prope est a te Deus, tecum est, intus est. Sacer intra nos spiritus sedet, malorum bonorumque nostrorum observator; hic, prout a nobis tractatus est, ita nos tractat. Bonus vir sine Deo nemo est... In unoquoque bonorum habitat Deus, etc. *Ep. 41.*

Quoniamque te flexeris, Deum videbis occurrentem tibi; nihil ab illo vacat. *De Benef. V, 8.*

Te dignum Deo fuge. Finges autem non auro, non argento; non potest ex hac materia imago Dei exprimi similis. *Ep. 13.*

Primus deorum cultus est Deos credere, deinde seire illos esse... qui humani generis curam gerunt, qui castigant quosdam et coercent.

Satis illos coluit, quisquis imitatus est. Homo sit mansuetus homini,... erranti viam monstret, cum esuriente panem dividat. *Ep. 95.*

Membra sumus magni corporis. *Ibid.*

Per has mortalis ævi moras illi meliori vitæ longiorque præladitur. Quemadmodum novem mensibus nos

30

Saint Paul.

Scimus enim quoniam si terrestris domus nostræ hujus habitationis dissolvatur, quod ædificationem ex Deo habemus, domum non manu factam, æternam in cælis. Nam et in hoc ingemiscimus, habitationem nostram quæ de cælo est, superindui cupientes : si tamen vestiti, non nudi inveniamur. Nam et qui sumus in hoc tabernaculo, ingemiscimus gravati : eo quod nolumus expoliari, sed supervestiri, ut absorbeatur quod mortale est a vita. *II. Ep. ad Cor. cap. V, 1-4.*

Videmus nunc per speculum in enigmate : tunc autem facie ad faciem. Nunc cognosco ex parte, tunc autem cognoscam, sicut et cognitus som. *I. Cor. cap. XIII, 12.*

Non enim accepistis spiritum servitutis iterum in timore, sed accepistis spiritum adoptionis filiorum in quo clamamus : Abba (Pater.) *Rom. VIII, 15.*

Non enim habemus hic manentem civitatem, sed futuram inquiremus. *Hebr. XIII, 14.*

*Rom. V.* Tout le chapitre où l'Apôtre expose le dogme de l'imputation et de la punition du péché.

Non est justus quisquam. Omnes

Sénèque.

tenet maternus uterus, et præparat non sibi, sed illi loco in quem videmur emitti jam idonei... sic per hoc spatium, quod ab infantia patet in senectutem, in alium maturescimus partum. Alia origo nos expectat, alius rerum status. Proinde intrepidus horam illam decretoriam prospice; non est animo suprema, sed corpori. Quidquid circa te jacet rerum, tamquam hospitalis loci sarcinas specta : transcendendum est. Excute redeuntem naturam, sicut intrautem. Non licet plus asferre quam intuleris; immo etiam ex eo quod in vitam intulisti, pars magna ponenda est. Detrahatur tibi hæc circumjecta, novissimum velamentum tui, cutis; detrahatur caro. Dies iste, quem tamquam extremum reformidas, æterni natalis est. Depone onus; quid cunctaris?... pone corpus istud diu inhabitatum; percut semper velamenta nascentium... Veniet qui te revelet dies, et ex contubernio fœdi atque olidi ventris educat. Tunc naturæ arcana tibi reteguntur... Tunc in tenebris vixisse dices, quum totam lucem totus aspexeris, quam nunc... obscure intueris, et tamen admiraris tam procul. *Ep. 102.*

Deus colitur et amatur. Non potest amor cum timore misceri. *Ep. 42.*

Deos nemo sanus timet, nec quisquam amat quos timet. *De Benef., IV, 19.*

Sapiens nihil eorum quæ circa ipsum sunt, suum iudicat, sed ut commodatis nititur peregrinus et properans. *Ep. 120.*

Omnes reservamur ad mortem, in omnes constitutum est capitale supplicium, et quidem constitutione iustissima. *Quæst. nat. II, 59.*

Pecravimus omnes, alii graviora,

*Saint Paul.*

enim peccaverunt et egent gloria Dei.  
*Rom. III, 10, 23.*

Nemo invenitur qui se possit absolvere, et innocentem quisque se dicit, respiciens testem, non conscientiam.

Quem enim diligit Dominus, castigat : flagellat autem omnem filium quem recipit. In disciplina perseverate. Tanquam filius vobis offert se Deus ; quis enim filius, quem non corripit pater ? *Hebr. XII, 6, 7.*

*Sénèque.*

alii leviora, alii ex destinato, alii forte impuls, aut aliena nequitia ablati. *De Ira, I, 14.*

Vir bonus vera progenies Dei, quem parens ille magnificus durius educat... experitur, indurat, sibi illum præparat. *De Provid., c. 1.*

Patrium habet Deus adversus bonos viros animum, et illos fortiter amat, et « operibus, inquit, doloribus et damnis exagitantur, ut verum colligant robur. » *Ibid. c. 2, § 4.*

Quos probat Deus, quos amat, eos indurat, recognoeit, exerceet. *Ibid. 1.*

» On pourrait beaucoup multiplier ces citations ; mais il n'y a pas un lecteur de Sénèque qui n'ait été frappé des sentimens chrétiens qu'on trouve répandus dans ses écrits, et qui sont souvent rapportés dans les expressions mêmes du *Nouveau-Testament*<sup>1</sup>. Dira-t-on qu'il est naturel qu'un homme de bien qui médite sur la nature humaine, et sur les rapports entre Dieu et l'homme, soit conduit aux mêmes vérités morales qui sont énoncées dans les saintes Écritures ? Mais pourquoi ne trouve-t-on rien de semblable dans les traités de morale d'Aristote, dans les dialogues de Platon, dans les Choses mémorables de Socrate par Xénophon, dans les ouvrages philosophiques de Cicéron ? Pourquoi, surtout, dans le Manuel d'Épictète et dans le livre de Marc Aurèle, qui tous les deux professaient les principes de la même école que Sénèque, les ressemblances avec les idées chrétiennes sont-elles si peu nombreuses ? Le phénomène s'explique, si l'on admet que Sénèque a connu et fréquenté les chrétiens, et qu'il a vécu dans des rapports d'amitié avec le plus célèbre de leurs docteurs qui a passé deux années à Rome.

<sup>1</sup> Multa hujus generis loca collegit auctor libri inscripti *Seneca Christianus*, Augustæ, 1782 ; Posonii, 1803.

« Ce ne sont pas seulement des principes du christianisme qu'on trouve dans Sénèque ; on est bien plus étonné encore d'y trouver des phrases inusitées chez les écrivains profanes, et des mots pris dans des acceptions qu'ils n'ont que dans le *Nouveau-Testament*. Tel est l'emploi du mot *caro*, dans le sens biblique, qu'on ne remarque dans aucun écrivain païen <sup>1</sup> ; celui du mot *angelus*, comme il est pris dans la vingtième lettre <sup>2</sup>, et qui rappelle l'ange de Satan dont se plaint saint Paul <sup>3</sup>, et que les interprètes prennent pour un faux apôtre ; telle est encore l'expression de *Saint-Esprit* que nous avons déjà citée, et celle de *progéniture* de Dieu, pour indiquer un homme de bien ; telle est la comparaison de la vie avec un état de guerre <sup>4</sup>. Toutes ces manières de parler sont exclusivement propres à Sénèque parmi tous les écrivains profanes.

« Rien, au reste, de ce que nous savons de la vie de saint Paul, ne jette la moindre invraisemblance sur la tradition qui le met en rapport avec le philosophe romain. Ce fut, d'après le calcul des plus savans critiques, au printems de l'an 61 après J.-C., que l'apôtre arriva à Rome ; le préfet du prétoire, auquel il fut remis, lui permit de demeurer dans une maison particulière avec un soldat qui le gardait à vue, et lui laissa toute liberté de voir ses amis. Ce préfet du Prétoire était Burrhus, l'ami de Sénèque. N'est-il pas naturel de penser que leur conversation sera tombée sur ce docteur juif, éloquent et hardi, qui, pour de nouvelles opinions religieuses, avait été persécuté en Palestine, et en avait appelé au tribunal de l'empereur ? Sénèque n'aura-t-il pas été curieux de voir et d'entendre cet homme extraordinaire ? Il est même probable que le nom de saint Paul était connu de Sénèque avant son arrivée à Rome.

<sup>1</sup> *Animo cum hac carne grave certamen est, ne abstrahatur. De Consol. ad Marciam, c. 26.*—*Animus liber habitat; nunquam me caro ista compellet ad metum. Ep. LXXV.*—Non est summa felicitatis nostræ in carne ponenda. *Ep. LXXIV.*

<sup>2</sup> *Nec ego, Epieuri angelus, scio, etc.*

<sup>3</sup> *Ad Cor. XII, vs. 2.*

<sup>4</sup> *Epist. LI, xcvi.*

Lors de son séjour à Corinthe, l'apôtre avait été amené devant le tribunal de Gallion; celui-ci refusa de prononcer dans une affaire qui concernait les opinions religieuses du plus intolérant et du plus méprisable de tous les peuples<sup>1</sup>. Mais ce gouverneur de l'Achaïe n'était autre que *M. Annaeus Novatus*, ce frère de Sénèque qui, ayant passé par adoption dans une autre famille, avait pris les noms de *Junius Annaeus Gallio*. Probablement le propréteur avait, dans sa correspondance avec son frère, parlé de ce docteur qui avait enseigné pendant dix-huit mois l'Évangile dans la capitale de sa province.

« Nous n'insisterons pas sur les *salutations des frères de la maison de César* qui se lisent à la fin de l'épître de saint Paul aux Philippiens, écrite à Rome; l'expression, *οἱ ἐν τῇ καίσαρος οἰκίᾳ*, désigne tout aussi bien les esclaves du prince que ses parents ou ses ministres, et l'on sait que, pendant long-tems, l'Évangile trouva surtout des adhérens parmi les classes les plus malheureuses de la société.

« Objectera-t-on qu'il est probable que, si Sénèque avait connu saint Paul et la doctrine qu'il annonçait, on trouverait dans ses écrits quelques traces de prédilection pour les chrétiens? Mais le philosophe romain peut avoir goûté la partie de cette doctrine qui se rapportait à l'unité de Dieu et à la manière dont il doit être adoré, sans que l'Évangile de la venue du Christ lui parût autre chose que le rêve d'un honnête enthousiaste; peut-être même partageait-il là-dessus l'opinion de ses confrères d'Athènes<sup>2</sup>. Sénèque n'était pas homme à se déclarer pour une secte méprisée par les uns, et regardée comme dangereuse par les autres, lui qui, dans sa jeunesse, renonça au régime pythagoricien auquel il avait pris goût, sur la seule observation de son père, que cette manière de vivre pourrait l'exposer à être pris pour un juif, à une époque où Tibère commençait à montrer du mécontentement contre cette secte étrangère<sup>3</sup>.

<sup>1</sup> Act. XVIII, 12.

<sup>2</sup> Voyez Act. XVII, 18.

<sup>3</sup> Epist. cviii.

« Une autre objection bien plus grave peut être tirée de la circonstance que la plupart des ouvrages de Sénèque ont été rédigés avant l'arrivée de saint Paul à Rome. On trancherait cette difficulté en adoptant le calcul de quelques savans, d'après lequel saint Paul fut envoyé à Rome dès 56, deux ans après l'avènement de Néron. Mais, sans recourir à cet expédient, on peut faire observer que les ressemblances avec les expressions de saint Paul et des autres écrivains sacrés ne se trouvent fréquemment que dans les derniers ouvrages de Sénèque, dans son traité de la Vie heureuse, dans celui des Bienfaits, qui tous les deux ont été rédigés après l'an 61, et surtout dans ses Lettres, écrites pendant la dernière époque de sa vie <sup>1</sup>. »

Quidquid de illo sive amicitiae, sive Epistolarum, quod Paulum inter et Senecam interfuisse dicitur, commercio sentiendum sit, minime dubitandum est quin illæ quæ nunc servantur epistolæ non eæ sint quas inter se scripserunt, si quas revera scripserint<sup>2</sup>. Audiamus Erasmm de iis, quales nunc habemus, præfatem.

« His epistolis non video quid fingi possit frigidius aut ineptius, et tamen quisquis fuit auctor, hoc egit, ut nobis persuaderet Senecam fuisse Christianum. Divus Hieronymus non ignarus fuci, abusus est simplicium credulitate, ut Senecæ libros lectu cum primis dignos commendaret Christianis<sup>3</sup>, qui tamen ma-

<sup>1</sup> Cæterum illius similitudinis causa esse posset quoque, quod Paulus Senecam legerit et imitatus fuerit, ut paulo post D. Justinus aliique Platonem sunt secuti.

<sup>2</sup> J. Lipsius suspicatur alias fuisse Senecæ et Pauli Epistolas, has vero in ludibrium nostrum compositas fuisse. Quem vide in Senecæ vita, cap. 10, fin. hujus edit. Vol. I, pag. xxxvi.

<sup>3</sup> « Lucius Annæus Seneca Cordubensis Photini stoici discipulus, patruus Lucani poetæ, continentissimæ vitæ fuit. Quem non ponerem in catalogo sanctorum nisi me illæ epistolæ provocarent, quæ leguntur a plurimis Pauli ad Senecam, et Senecæ ad Paulum. In quibus quoniam esset Neronis magister et illis temporibus potentissimus, optare se dicit ejus esse loci apud suos, cujus sit Paulus apud Christianos. Hic ante biennium quam Petrus et Paulus martyrio coronarentur, a Nerone interfectus est. »

jore cum fructu legentur, si legantur ut hominis pagani, quemadmodum initio præfati sumus<sup>1</sup>. Quum autem hæc scribantur clanculum inter ipsos, quam nihil est in Paulinis epistolis illo Pauli spiritu dignum, quam vix usquam audias nomen Christi, quum ille non soleat aliud crepare quam Jesum Christum! Deinde illum fortissimum Evangelii propugnatorem, quam facit in his epistolis formidolosum! Objurgat Senecam quod Neroni indicarit epistolas ipsius, quas in hoc scripserat, ut in omnibus ecclesiis legerentur, atque adeo scipsum redarguit

<sup>1</sup> In Epistola nuncupatoria ad R. D. Petrum Episcopum Cracoviensem: « Equidem, inquit, arbitror magis in rem esse lectoris, ut Senecæ libros legat, velut hominis ignari nostræ religionis. Etenim si legas illum ut pagani, scripsit Christiane; si ut Christianum, scripsit paganice. Quum autem in illo sint plurima, quæ segnitiei nostram possint ad virtutis studium accendere, habebunt eadem acriores aculeos, si cogitemus ab ethnico profecta. Apud illos enim sunt quædam ita dicta gestave, ut juxta Christianam quidem philosophiam vehementer sint improbanda, præ se ferant tamen miram virtutis indolem, velut illud Socratis: *Hoc unum scio, quod nihil scio*, quum sit absurda dictum, tamen exprobrat nobis nostram arrogantiam. Et Lucretius factum, quum sit optimo jura detestabile, nobis tamen commendat pudicitiae studium, et hoc efficacius commendat, quod exemplum ab ethnica femina profectum sit. Itaque quod ad mores attinet, majore fructu legetor Seneca, si legatur, ut, quemadmodum fuit, paganus. Nam et Christiane dicta vehementius afficient, et secus dicta, minus lædent. Alioqui nusquam magis discrepat a Christiana philosophia, quam quum ea tractat, quæ nobis sunt præcipua. Caput enim nostræ religionis est, nosse Deum. At ille commonstraturus nobis quid sit deus: Deus, inquit, est totum hoc quod vides et non vides, quasi totos hic mundus sit ingens animal, ejus corpus sit oculis conspicuum, anima lateat, et hoc sit deus. Jam nusne sit deus, an plures, vehementer ambigit, et tamen frequenter iterat deos deasque. Rorsus irridat eos, qui putant in hoc mundo nihil geri, quod hunc deum non fallat, perinde quasi culicem sentiat elephante. Jam an anima supersit corpori sic disputat, quasi nihil referat, utrum credas. Alioibi, ut refert Tertullianus, pronuntiat omnia finiri morte, etiam ipsam. Postremo quoties incidit in sapientem illum Stoicum, sic eum attollit, ut frequenter diis æquet, nonnunquam et anteponat. At sapientem universam felicitatem suam sibi uni debere, diis nihil opus esse, immo deos aliquid debere sapienti. At pietas nobis persuasit, etiam passerulos et lilja deo curæ esse, tum hominem nihil habere ex se boni, sed summam suæ felicitatis debere munificentiae numinis. Quantum igitur sit periculi, si illa legantur velut a Christiano prodita! »

Apostolus, quod epistolis suis nomen suum solcat subscribere, et huc scilicet allegatur illud, omnibus esse placendum, et domino, nempe Cæsari, gerendum morem. Paulus cuiquam placeret dissimulato Evangelio, quum multo ante Romanis misisset liberam ac prolixam epistolam? Aut hoc docuit Paulus celandum Christianismum, ut placeas impio domino? Deinde Seneca nuntiat Paulo, quod Cæsar immanibus suppliciis sævire in Christianos, quasi hoc Romæ cuiquam esset ignotum. Ad hæc, si quid metuebant, tutius poterant ore collôqui quam epistolis. Nec Paulus amore evangelii gravatus fuisset, vel in Sallustianos hortos venire, si Seneca metuebat venire Romam. Quanta copia, quanto affectu Paulus scribit uni Philemoni de re vulgari, et Senecæ tam celebri viro scribit, tam jejune, tam frigide de amplectendo Christum, hoc est, de re omnium maxima? Quando vero sic loqueretur Paulus: « et si *sors* prospere annuerit? » Non ausus est nominare Deum, quem Seneca paganus toties nominat in scriptis suis? Illud insignitiæ cujusdam stultitiæ est, quod Seneca mittit Paulo librum de copia verborum, quo post hac melius scribat Romane. Atqui si Paulus nesciebat latine, poterat græce scribere, quum græce nosset Senecæ. Qui convenit autem, ut quum Seneca doceat philosophi dictionem sententiis gravem potius, quam verbis ornatam esse debere, nunc in Paulo requirat Romani sermonis copiam? Illud omnium impudentissimum, quod quum faciat Senecam in apostolo desiderantem copiam et cultum sermonis, tamen in his epistolis nihilo cultius scribit Seneca quam Paulus; sed par est utriusque balbuties, et sensuum frigus atque ineptia. Saltem aliqua ex parte Senecæ phrasin æmulari debuerat, aliquid ex Paulinis epistolis effingere, vel vehementia et sublimitate dictionis. Scurrilis impudentia est sic facere loquentem Senecam: blasphemia est sic facere loquentem Paulum. Non dubito, quin vel mulio, vel agaso Senecæ minus inepte fuerit scripturus. Paulo vero quid est minus jejunum aut somniculosum? Et tamen in has epistolas exstant verbosi commentarii. Quid his iudicii cæcius? Hæc non admonerem, nisi talibus imposturis nimium et in aliis tribuant interdum Christiani.



Jam videamus quæ sit illa mirabilis sententia, quæ commovit Hieronymum, ut Senecam insereret catalogo sanctorum, in quo tamen commemorantur et Judæi, et hæretici ab ecclesiæ consortio digressi. In epistola quæ præcedit penultimam (XII) ita scribit, « Nam qui tuus est apud tuos locus, velim ut sit apud meos meus. » Hæc Hieronymus tribuit Senecæ modestiæ; atqui Paulus apud Christianos erat summo in pretio, ut pote apostolus, qui plus omnibus laboravit. An Seneca optat talis esse apud suos, hoc est, ethnicos? verum hoc qui finxit, fortassis huc alludit, quod Tacitus refert, illum invidia multorumque criminationibus jam gravatum, egisse cum Nerone, ut opes ac dignitatem liceret ipsi resignare qui dederat. Sed quid refert magus ne sit an humilis, modo sit apud idololatrias: optare potius debuit, ut sibi liceret vel inter humiles Pauli discipulos numerari. Talis vox poterat illum commendare Christianis affectibus. Postremo si verum est quod hæc fingunt epistolæ, quis unquam Christianus sibi fuit supplicii minister? Quis in uxore sua probavit, ut citra necessitatem sibi mortem conscisceret. Sed in balneum calidum illatus quum jam deficeret, sparsit aquam sanguine mixtam, et Socraticum quiddam referens dixit: « Hoc libo Jovi liberatori », per Jovem, ut aiunt, liberatorem, verum deum intelligeus. Adeo ne moriens quidem ausus est nominare Christum<sup>1</sup>. Sed ego nimis multa de re nihili.

<sup>1</sup> Addenda sunt quæ, in supra laudata Epistola, idem Erasmus scripsit de eadem re: « Illis non assentior, qui certant Senecam facere Christum Nicodemo similem, qui quoniam nullum habeant argumentum probabile, præter epistolas, quas post docebimus a studioso quopiam fuisse confectas, nullum prorsus habent argumentum, nisi quod sub eodem Cesare vixerunt Romæ. Sed fingamus Senecam, quo non alius de contemnenda morte scripsit unquam, vel sæpius vel fortius, adeo fuisse meticulosum, ut ne in scriptis quidem extrema senectæ proditis usquam subindicarit suam professionem; tam cautum, ut nihil suboluerit Neroni, qui quum illum decrevisset e medio tollere, et causas commentitias prætereret, Christianismi crimen non objecit; illud quo colore defendemus, quod in extremis scriptis subinde loquitur deos et deas, subinde dubitat, non quid hominis supersit à funere? Ut largiamur esse fas metu mortis dissimulare Christianum, impia certe dissimulatio

## I. SENECA PAULO SALUTEM.

Credo tibi, Paule, nuntiatum esse, quod heri cum Lucilio nostro de apocryphis et aliis rebus sermonem habuimus. Erant enim quidam disciplinarum tuarum comites nobiscum. Nam in hortos Sallustianos secesseramus, quo in loco occasione nostri alio tendentes, hi de quibus dixi, visis nobis adjuncti sunt. Certe tui præsentiam optavimus. Et hoc scias volo, libello tuo lecto, id est, quum legissemus de plurimis aliquas epistolas, quas ad aliquam civitatem, seu caput provinciæ direxisti, mira exhortatione vitam mortalem continentes, usque refecti sumus. Quos scnsus non puto ex te dictos, sed per te, certe aliquando ex te et per te. Tanta enim majestas earum est rerum, tantaque generositate clarent, ut vix suffecturas putem ætates hominum, quibus institui perficique possint. Bene te valere, frater, cupio.

## II. SENECA PAULUS SALUTEM.

Litteras tuas hilaris heri accepi, ad quas rescribere statim potui, si præsentiam juvenis, quem ad te missurus eram, habuissem. Scis enim quando, et per quem, et quo tempore, et cui quid dari committique debeat. Rogo ergo ne putes te neglectum, dum personæ qualitatem respicio, sed quod litteris meis vos bene acceptos alicubi scribis, felicem me arbitror tanti viri iudicio. Neque enim hoc dicere censor, sophista, magister tanti princi-

est, quæ pietatem impietate dissimulat. Aliud est veste profana Christum occultare, aliud est libris editis pugnare cum Christi dogmatibus, et aliud est silere de Christo, aliud illo indigna loqui. Sed quorsum attinet hoc commentum? An ut libros illius Christianis hominibus commendent? »

pis, etiam omnium, nisi quia vere dicis. Opto te diu bene valere.

## III. SENECA PAULO SALUTEM.

Quædam volumina ordinavi, et divisionibus suis statum eis dedi; ea quoque legere Cæsari sum destinatus, et si modo sors prospere annuerit, ut novas aures afferat, eris forsitan et tu præsens. Sin alias, reddam tibi diem, ut invicem hoc opus inspiciamus, et possim non ei prius edere hanc scripturam, nisi prius tecum conferam, si modo impune hoc fieri potuisset, ut scires et te non præteriri. Vale, Paule carissime.

## IV. SENECE PAULUS SALUTEM.

Quotiescumque litteras tuas audio, præsentiam tuam cogito, nec aliud existimo, quam omni tempore te nobiscum esse. Quum primum itaque venire cœperis, invicem nos de proximo videbimus. Bene te valere opto.

## V. SENECA PAULO SALUTEM.

Nimum tuo angimur sccessu. Quid est, vel quæ res te remotum faciunt? Si indignatio domini, quod a ritu et secta veteri recesseris, et aliorum conversus sis, crit postulandi locus, ut ratione factum, non levitate hoc existimetur. Vale.

## VI. SENECE ET LUCILIO PAULUS SALUTEM.

De his quæ mihi scripsistis, non licet harundine et atramento eloqui, quarum altera res notat et designat aliqûd, altera evidenter ostendit; præcipue quum sciam inter vos esse, id est, apud nos, et in vobis qui me intelligant: honor habendus est omnibus, tanto magis

quanto indignandi occasionem captant : quibus si patientiam demus, omnimodo eos quaqua parte vincemus, si modo hi sunt, qui pœnitentiam sui gerant. Bene valete.

VII. SENECA PAULO ET THEOPHILO SALUTEM.

Profiteor bene me acceptum in lectione litterarum tuarum, quas Galatis, Corinthiis, et Achæis misisti. Et ita invicem vivamus, ut etiam cum honore divino eas exhibeamus. Spiritus enim sanctus in te excelsior, et sublimior, et super te excelsos et sublimiores satis venerabiles sensus exprimit. Vellem itaque quum res eximias proferas, ut majestati earum cultus sermonis non desit. Et ne quid tibi, frater, surripiam, aut conscientiae meae debeam, confiteor Augustum sensibus tuis permotum, cui lecto virtutis in te exordio ista vox fuit, Mirari eum sic posse loqui, ut qui non legitime imbutus sit, taliter sentiat. Cui ego respondi, solere deos ore innocentium effari, aut eorum qui prævaricari doctrina quidem sua possunt, et dato ei exemplo Vaticani hominis rusticuli, cui quum duo viri apparuissent in agro Reatino, qui postea Castor et Pollux sunt nominati, satis instructus videtur. Vale.

VIII. PAULUS SENECAE SALUTEM.

Licet non ignorem Cæsarem nostrum rerum admirandarum si quando deficiet amatorem esse, permittes tamen te non lædi, sed admoneri. Puto enim te graviter fecisse, quod ei in notitiam perferre voluisti, quod ritu et disciplinæ ejus sit contrarium. Quum et ille enim gentium deos colat, quid tibi visum sit, ut hoc cum scire velles non video, nisi nimio amore meo facere te hoc existimo. Rogo te de futuro, ne id agas. Cavendum est enim ne dum me diligis, offensam domini facias. Cujus quidem

offensa, nec oberit, si perseveraverit, neque si non sit, proderit. Si est regina, non indignabitur; si mulier est, offendetur. Bene vale.

## IX. SENECA PAULO SALUTEM.

Scio te non tam tui causa commotum litteris, quas ad te de editione epistolarum tuarum Cæsari feci, quam natura rerum, quæ ita mentes hominum ab omnibus artibus et moribus rectis revocat, ut non hodie admirer: quippe ut is, qui multis documentis hoc jam notissimum habeam. Igitur nove agamus; si quid facile in præteritum jam factum est, veniam irrogabis. Misi tibi librum de verborum copia. Vale, Paule carissime.

## X. PAULUS SENECE SALUTEM.

Quoties tibi scribo, et nomen meum tibi subscribo, gravem et sectæ meæ incongruentem rem facio. Debeo enim, ut sæpe professus sum, cum omnibus omnia esse, et idem observare in tuam personam, quod lex Romana honori senatus concessit, perlecta epistola, ultimum locum eligere, ne cum aporia et dedecore cupiam efficere, quod mei arbitrii fuerit. Vale, devotissime magister. Data v. Cal. Julii, Nerone IIII. et Messala Consulibus.

## XI. SENECA PAULO SALUTEM.

Ave, mi Paule carissime. Putas me haud contristari, et non luctuosum esse, quod de innocentia vestra subinde sumuntur supplicia. Dehinc quod tam duros, tamque obnoxios vos reatu omnis populus judicet, putans a vobis effici, quicquid in urbe contrarium sit. Sed feramus æquo animo, et utamur foro, quod sors concessit, donec invicta felicitas finem malis imponat. Tulit et priscorum ætas

Macedonem Philippi filium, et post Darium, Dionysium; nostra quoque Caium Cæsarem. Quibus quicquid libuit, licuit. Incendium urbs Romana manifeste sæpe unde patiatur, constat. Sed si effari humilitas humana potuisset, quid causæ sit, et impune in his tenebris loqui liceret, jam omnes omnia viderent. Christiani et Judæi quasi machinatores incendii, supplicio affici solent. Grassator iste quisquis est, cui voluptas carnificina est, et mendacium velamentum, tempori suo destinatus est, et optimus quisque unum pro multis donatum est caput. Ita et hic devotus pro omnibus igni cremabitur. Centum triginta duæ domus, insulæ quatuor, sex diebus arsere; septimus pausam dedit. Bene te valere, frater, opto. Data v. Calend. April. Apronio et Capitone Coss.

## XII. SENECA PAULO SALUTEM.

Ave, mi Paule carissime. Nisi mihi nominique meo vir tantus et ad id delectus omnibus modis, non dico fueris junctus, sed necessario mixtus, actum erit de Seneca tuo. Quum sis igitur vertex, et altissimorum omnium montium cacumen, noli latere; ita sim tibi proximus, ut alter similis tui deputer: haud itaque te indignum prima facie epistolarum nominandum censeas, ne tam tentare me, quam ludere videaris; quippe quum scias civem esse te Romanum. Nam qui tuus est apud tuos locus, velim, ut apud meos sit meus. Vale, mi Paule carissime. Data x. Cal. April. Apronio et Capitone Coss.

## XIII. SENECA PAULO SALUTEM.

Ave, mi Paule carissime. Allegorice et ænigmætica multa a te usquequaque opera conduntur, et ideo rerum tanta vis et numeri tibi tributi, non ornamento verbo-

rum, sed cultu quodam decoranda est : nec vereare quod sæpius te dixisse retineo, multos qui talia affectent sensus corrumpere, rerum virtutes eviscerare. Cæterum mihi concedas velim, latinitati morem gerere, honestis vocibus speciem adhibere, ut generosi muneris concessio digne a te possit expediri. Bene vale. Data II. Nonis Jul. Catone et Sabino Coss.

## XIV. PAULUS SENECEÆ SALUTEM.

Perpendenti tibi ea sunt revelata, quæ paucis divinitus concessit. Certis igitur ego in agro jam fertili semen fortissimum sero, non quidem materiam quæ corrumpi videtur, sed verbum stabile dei derivamentum crescentis et manentis in æternum, quod prudentia tua assecuta est, indeficiens fore debet, Ethnicorum Israelitarumque observationes censere vitandas. Novum te auctorem feceris, Christi Jesu præconiis ostendendo rhetoricis irreprehensibilem sophiam, quam propemodum adeptus regi temporali, ejusque domesticis atque fidis amicis insinuabis, quibus aspera et incapabilis erit persuasio, quum plerique eorum minime flectantur insinuationibus tuis, quibus vitale commodum sermo Dei instillatus, novum hominem sine corruptela, perpetuam animam parit ad Deum isthinc properantem. Vale, Seneca carissime nobis. Data Calendas August. Latone et Sabino Coss.






JUSTI LIPSII  
PHYSIOLOGIÆ  
STOICORUM

LIBRI TRES;

L. ANNÆI SENECAE

ALIORUMQUE VETERUM SCRIPTIS,

IN PRIMIS QUÆSTIONIBUS NATURALIBUS ILLUSTRANDIS.



---

JUSTI LIPSII  
PHYSIOLOGIÆ  
STOICORUM

LIBER PRIMUS.

---

DISSERTATIO PRIMA.

*Aditus in sermonem : aliquid de ordine in docenda Philosophia, juxta  
Stoicos. Placere quibusdam, et nobis, a Physicis ordiri.*

AUDITOR. *Manuductio* tua nuper me ad stoicam philosophiam duxit; nondum in ipsam; et in aditu ac vestibulo videor hærrere. Lusto animi oculis sublime, pulchrum, ædificium: ecquid inducis, et interiora illa das usurpare? LIPSIIUS. Pæne æquum petis: in via posui, et jure perducam. Sed et otium nunc ac feriæ: quas ubi melius utiliusque, quam in hoc studio ac meditatione, tecum ponam? Aristotelem memini scribere (VII Polit. cap. XV.): « Fortitudine et tolerantia in negotio opus esse, Philosophia in otio. » Pulcherrime, ubi res et opus, exserenda sunt quæ Philosophia docuit, et robur animi ostendendum: ubi quies et cessatio, illa usurpanda, et præceptis ejus parandi atque instruendi velut ad æciem sumus. Sed tu ecquid vacuus, et avidus? AUD. Vacuus? vasculum vides inane, et optimi liquoris tamen capax. Avidus? vix somnus mihi quietus, ita turbat hoc desiderium et cupido. Gratificare, exple, et siste. LIPS. Sede, et sedabo hanc sitim, pro mea quidem copia, et captu. Nam

ardua, sed ita me Deus, pulchra, splendida, augusta aggredimur :  
quæ autem cum Lucretio, I, 49 ;

Jam tibi de summa celi ratione, deumque,

Disserere incipiam, et rerum primordia pandam.

Hæc enim Philosophia, et præsertim Physiologia, promittit.

Scis porro et audisti, trina esse Philosophiæ membra, *Logicam*, *Physicam*, *Ethicam*, ordine tractanda : sed quo, dubitatur. Laetius Stoicos ipsos dissentire inter se ait (in Zenone) : « Et quosdam mixtim has Partes (alii Locos, alii Species, quidam Genera appellarunt) tradere ac docere, qui censent etiam inter se confusas mixtasque esse. Alii dividunt, inquit, et primam Logicam statuunt ac docent ; dein Physicam ; postremo Ethicam ipsam : quæ sententia est Zenonis, Chrysippi, Archidemi. Alii autem ab Ethica inchoant, ut Diogenes ; alii hanc secundo loco constituunt, ut Apollodorus. Porro autem Panætius et Posidonius a Physica initium sumunt. » Hæc in Laetio ita leges, parte una ambigenda, quæ est de *Chrysippo*. Nam ipsa ejus verba in Plutarcho habes (de Stoic. pugnis, initio), ubi *Ethicam secundo loco* tradi vult, ut Apollodorus ; non autem *tertio*, ut hic Laetio scriptum. Sed plerique tamen *Physicam* ultimo loco statuunt : et in ipsa Physica locum de *Dīs* ultimum : « Ideoque, ait Chrysippus (Ibid.), et Teletas (ea vox Græcis *Finem* significat, itemque *Sacrorum initiationes, et ritus*) appellarunt, traditiones de Divinis. » Hæc ita illi : nobis in dissensu, Panæti et Posidonii, magnorum auctorum, sententia placeat, et consentiam sciscamque *Physica* primo loco tradi. Puerisne ? non mehercules : sed qui paulum maturiores ad disciplinam hanc accedunt. Voluptas in ea parte major, idonea ad alliciendum et tenendum ; dignitas etiam major, et splendor, admirationi excitandæ ; denique animi præparatio et cultus, ad *Ethicam* cum fructu audiendam. Itaque ut de *Logica* ambigere aliquis jure possit, an non præeat ; sic de *Ethica*, vix debet. In *Logica* enim manifestior ratio, quod acuit animos, et ad Veri Falsique discrimen et judicium format : imo et viam modumque-Scientiæ sternit. Itaque, ut verum fatear, aliqua ejus notitia, sed summaria, utiliter præmittatur : cætera seponi possunt, immo et argutæ multæ abjici aut deponi. « Quæ dementia est, supervacua

discere in tanta temporis egestate? » (Sen. Ep. XLVIII.) Nos autem eam hic insuper habemus, Auditor : quia et Aristotelea illa accurata (Logica) imbutum te scio ; et in Stoicas spinas non lubet nunc ingredi, quum in tristitia hac temporum suavius aliquod pabulum animo conveniat, reficiendo et erigendo.

## DISSERTATIO II.

*Physica laudata. Naturam communem et nostram eo ducere : fructum etiam invitare.*

POTESTNE autem suavius, honestius, utilius isto *Physicorum*? Natura totum sinum suum offert, et pandit : supera, media, infera ; cælum, terras, ignem, aquas, aera ; quidquid iis continetur, Deum, Genios, Homines? ad hæc spectanda et noscenda invitat. Quem enim alium, quam te, id est, Hominem? « Non habet Natura inter maxima operum suorum, quo magis gloriatur, aut cui gloriatur » : ut scitissime Seneca dixit ( de Benef. IV, cap. 23). Naturam dixi, intelligo Deum. Epictetus : « Deus hominem induxit in hunc Mundum, in spectorem et arbitrum sui, atque operum suorum : nec solum in spectorem, sed enarratorem. » Ita certe. Magna hæc et pulcherrima moles, tot varia et magna per eam sparsa, hominis causa condita : homo autem, ut Deum norit, tum et ista ; « Ne tanta ejus opera sine teste sint. » (Sen. de Vit. Beat. c. 31.) Itaque invitat eo, ut dixi, atque adeo corpus et habitum nostrum huc direxit. « Ille certe vultus nostros erexit in cælum, et quidquid magnificum mirumque fecerat, videri a suspicientibus voluit. » (Epist. xciv.) Ipse etiam animus eo ducit ; vagus natura, et varietate ac novitate rerum latissimus. Ille in hoc corpore, velut in custodia clausus, premitur : nisi Contemplatio accessit, « Que illum respirare rerum Naturæ spectaculo jubeat, et a terrenis dimittat ad divina. Hæc libertas ejus, hæc evagatio est : subducit interim se e custodia, in qua tenebatur, et cælo reficitur. » (Epist. lxxv.) Cælo, atque etiam terra : cujus incolæ est : et totius mundi civis, nosse patriam suam avet. Quid incolæ? Immo advena, et ut in magnum conventum ac pægyrum qui veniunt, partim emunt, partim vendant, honestissimi

quique spectandi gratia fruantur : sic iste ingenuus, et altæ originis suæ memor, non emit, vendit, agellos, pecudes, ædes, magistratus; sed causas magni conventus; et quæ in eo, inquit : Quis mundum hunc condidit? quis administrat? quæ illa mira in aere, tonitru, fulmen, ventî? qui in cælo perennes et lucidi ignes? Mare cur vices suas fluendi refluendique habet? in terra. quid est quod eam concutit et movet? Atque in hac inquisitione deinde mulcens quædam, et simul percellens, admiratio : quæ mater, ut sic dicam, Sapientiam parit. Plato (in Theæteto.) : « Valde Philosophi illa affectio est, Admirari : neque alia origo et initium Philosophiæ, quam ista. » Nobilis discipulus, ab eo (Aristot. I, Post. phys. cap. 11) : « Propter Admirationem, homines olim et nunc Philosophari cœperunt. » Ita est : ab illa inquirere in causas rerum cœperunt; et repertis, ipsa desiit : secutusque pulcherrimus Philosophiæ fructus, *Nil admirari*. Ab inquisitione enim cognitio et Veritas : « Qua nullus animo suavior est cibus. » (Lactant. I, cap. 1.) Seneca noster apposite (VI Nat. Quæst. cap. 4) : « Quod erit pretium operæ? quo nullum majus est, nosse naturam. Neque enim quidquam habet in se hujus materiæ tractatio pulchrius, quam multa habeat futura usui, quam quod hominem magnificentia sui detinet : nec mercede, sed miraculo colitur. » Et mehercules in ipsa ea cognitione alii etiam fructus, ut Seneca tangit. Quid? duo præcipui, Modestia, et Magnanimitas, quos Cicero (IV de Fin.) porrigit et revelat : « Modestiam quamdam, inquit, rerum cælestium cognitio affert iis qui vident, quanta sit etiam apud Deos moderatio, quantus ordo : et magnitudinem animi, Deorum operæ et facta cernentibus. » Verissime; nec ad Modestiam solum ab illa moderatione componimur, sed etiam a comparatione nostri nostrorumque; et quam vilia, fugacia, levia hæc omnia, præ illis augustis et æternis sint. Idem Cicero alibi (Acad. prior. II) de utroque affectu : « Erigimur, elatiore fieri videmur, humana despiciamus; cogitantesque superâ atque cælestia, hæc nostra, ut exigua et minima contemnimus. » Tunc scilicet juvat, « inter sidera ipsa vagantem, divitum pavimenta ridere, et totam cum auro suo terram. » (Senec. I Quæst. Nat. Præf.) Et in ea deinde parte « terrarum orbem despicientem, angustum, et magna ex parte

mari opertum, dicere : hoc est punctum, quod inter tot gentes ferro et igni dividitor. » (Ibid.) Quid autem, quum homines videt varia et magna, ut putant, molientes ? mercimonia, vadimonia, bella, agitantas ? quid dicent nisi

It nigrum campis agmen ?

Et reuera, « Formicarum iste discursus est, in angusto laborantium. » (Ibid.) Itaque, mi Auditor, suavitate et fructu impulsi, huc eamus :

..... Cælum, mare, sidera, solem

Lamisque globum

avidè lustremus : et totum hunc Naturæ sinum excutientes, opibus donisque ejus, gnari gratique perfruamur.

### DISSERTATIO III.

*Physicæ partitio ; et a Principiis ordiendum videri primumque a Deo et divinis ; quæ pars Theologia Naturalis dicta.*

AUD. Ah ! fruamur, jam induc me, et ostende. LIPS. Diffusum et multiplex opus est : sed ordine et compendio contrahemus. Stoicorum partitio hæc fuit, ex Seneca (Epistola LXXXIX) : « Naturalis pars Philosophiæ in duo scinditur, Corporalia et Incorporalia. Utraque dividuntur in suos, ut ita dicam, gradus. Corporum locus in hos primum, in ea quæ Faciunt, et quæ ex his Gignuntur. Gignuntur autem Elementa. » Itaque duplex erat tractatio, *Corporum*, et *Non-corporum*. Ad Corpora spectant Principia, id est, Senecæ verbis, *Quæ faciunt* ; et deinde *Elementa*, quæ scilicet sunt, et *ex his Gignuntur*. Elementorum nomine ipse Mundus comprehenditur, qui quatuor his præcipuis membris constat : et reliqua minora deinde ex illis fiunt. *Non-corpora* autem sunt Stoicis (postea videndum lib. II, Dissert. v) *Vacuum*, *Tempus*, *Locus*, *Categoria*, et si quid est tale. Sex ex Senecæ igitur verbis ordiri a Principiis debemus : et ratio eo ducit, a simplicibus ad composita facere gradum. Duo ea sunt, *Deus* et *Materia*, quod statim diducam : ergo a Deo ordiendum, quod faciemus cum bono ipso Deo. Hæc pars

*Theologia* Græcis dicitur, interdum *Prima Philosophia*, aut simpliciter *Sapientia*, ab eminenti scilicet dignitate. Nam quid majus aut amplius, quam Deum et divina intueri, agnoscere? ipsum illum *Principem*, minores *Genios*, *Providentiam*, *Fatum*, et quæ adhærent? Est autem ista *Theologia*, *Naturalis* antiquis dicta: quia vel aperit naturam istorum, vel et causas in verò, et in natura habet. Nam alioqui triplex iis fuit *Theologia*, Varrone apud Augustinum (VI De Civit. D. c. 5), pulchre distinguente: « Fabularis, Naturalis, Civilis. Fabularis, qua maxime utuntur Poetæ; Naturalis qua Philosophi; Civilis, qua Populi. » Addit deinde, et partite explicat: « Primum genus quod dixi, in eo sunt multa contra dignitatem et naturam immortalium ficta. In hoc enim est, ut Deus aliquis ex capite, aliquis ex femore sit, alius ex guttis sanguinis natus: in hoc, ut Dii furati sint, ut adulteraverint, ut servierint homini. Denique in hoc omnia Diis attribuuntur, quæ non modo in hominem, sed etiam quæ in contemptissimum hominem cadere possunt. At secundum genus est, quod demonstravi, de quo multos libros Philosophi reliquerunt. In quibus est, Dii quid sint, Ubi, Quod genus, Quale, Ex quonam tempore, an sempiterno fuerint: an ex Igne sint, ut credit Heraclitus; an ex Numeris, ut Pythagoras; an ex Atomis, ut Epicurus. Sic alia, quæ facilius intra parietes in schola, quam extra in foro ferre possunt aures. Tertium genus est, quod in urbibus cives, maxime sacerdotes, nosse atque administrare debent. In quo est, quos Deos publice colere, quæ sacra et sacrificia facere quemque par sit. » Et clausula ejus, ac judicium: « Prima *Theologia* maxime accommodata est ad theatrum; secunda ad mundum; Tertia ad urbem. » Ex quibus liquet, ait Augustinus, illum palmam tribuere « Secundæ, quam pertinere testatur ad Mundum, quo isti nihil excellentius opinantur in rebus. » Observa de Mundo; quidni autem ad eum pertineat *Naturalis Theologia*, quem ipse *Natura* sit rerum; mox docendum; et Dii hanc sedem habeant, ac regnum? Itemque: observa, istos excellentius opinari: quos istos? Stoicos proprie, qui Mundum etiam faciunt Deum. Ecce igitur *Theologiam*, de qua nobis disserendum, et primo quidem: sive quia *Deus* Stoicis inter prima Principia, ut dixi; sive quia



dignitas hoc postulat, et primum summumque illud rerum inter prima dici. Priorem rationem etiam Cicero expressit (De Univ.): « Qui intelligentiæ Sipientiæque se amatorem profitetur, necesse est Sipientis intelligentisque Naturæ (id est, Mundi) primas causas conquirere: deinde secundas rerum earum quæ necessario movent alias, quum ipsæ ab aliis moventur. » Ades igitur animo, et ad alta hæc atque divina mecum transcede. Non enim, ut plerique alii Philosophi, pauca et tenuia de his Stoici, sed ubertim et accurate scripserunt: et quanquam pauca exstent, tamen vel ex iis videbis et miraberis, quo mentem miserint, et quam ad ipsius Veri sæpe metam. O quam decet germanum Philosophum! qui, quantum potest, « animum deducit a corpore, et multum cum meliore ac divina parte versatur: cum hæc querula ac fragili, quantum necesse est. » (Sen. Epist. LXXVIII.) Itaque de illo vere dicitur:

Mente Deos adiit, et quæ Natura negavit

Visibus humanis, oculis ex pectoris hausit.

Quidni autem adeat? illinc ortus, illuc redit: « et hoc habet argumentum divinitatis suæ, quod illum divina delectent: nec ut alienis interest, sed ut suis. » (Natur. Quæst. I, in Præf.) Atque non capiet, inquires. Conabitur, et vel vestigiis aliquid indagasse, quid assecutum esse? delectabit: Aristoteles hoc pulchre (De part. anim. I, cap. ult.): « Et si res mortales istas inferasque, quod ex propiores nobis et magis familiares sint, plenius nosse possimus: tamen res illas superas si vel leviter attingere datur, ob ejus notitiæ excellentiam, illa ipsa levi magis pascimur et oblectamur, quam si ista universa norimus. Non aliter quam amatoribus suavius est, amicæ suæ vel partem oculo delibare, quam aliarum tota membra corpusque inspicere. » Pulchre, inquam: et tantum interest inter utrasque illas notitias, quantum inter humum et cælum, hominem et Deum. Conemur igitur « alia quidem (ut cum Ocello dicam, De Natur. Universi), certis indiciis signisque ab ipsa Natura discentes; alia opinacione etiam, Rationis auxilio, ad id quod probabile est intellectu ducente, assequentes. » Nam certa et plena horum scientia, uni Deo convenit: quod Plato tibi dicat (In Apolog.): « Ita est, solus Deus revera sapiens habendus: et humana omnis sapientia, in

parvo, aut nullo est. » Itaque jam nunc ad Modestiam te meque voco; me disserendi aut asserendi, te censendi vel assentiendi: et cum Aristotele præscribo, « nunquam nos verecundiores esse debere, quam quom de Diis agitur. » O jure! o merito! « Si enim intramus templa compositi, si ad sacrificium accessuri vultum submittimus, togam adducimus, et in omne argumentum Modestiae fingimur, quanto hoc magis facere debemus, cum de sideribus, de stellis, de Deorum natura disputamus? ne quid temere, ne quid imprudenter aut ignoranter affirmemus: aut scientes mentiamur. » (Sen. VII Quæst. Nat. cap. 30.)

## DISSERTATIO IV.

*Duo rerum Principia Stoicis esse, Efficiens et Patiens: illud, Deum; hoc, Materiam.*

HABES de Theologia: ordiamur, et quidem a *Principiis* primis. Ea differunt ab *Elementis*, quod clarum est: etsi Seneca etiam hac voce visus comprehendere in hisce verbis (Epist. LXXXIX): « Ipse Elementi locus, ut quidam putant, simplex est: ut quidam, in Materiam et Causam omnia moventem, et Elementa dividitur. » Itaque quidam una voce et loco utraque illa Principia comprehendebant: alii aliter, quibus Stoici, opinor, nostri accedebant. Nam Laetius, inter Stoica: « Differre aiunt Principia et Elementa; nam illa, genituræ et corruptionis esse expertia; hæc autem, in Universi conflagratione interire. Item corpora sed informia esse Principia; hæc autem formas suscipere. » Clarum est, neque aliter Plato et Aristoteles censuerunt. Elementa prius aliquid habent, et ipsa e Principiis oriuntur: at Principia ideo dicta, quia nihil iis prius, et causam ut sint præbent aliis, causam ipsa non agnoscunt. Variis varia sunt, et vix ulla in re major, quam in hoc capite, dissensus: sed Stoici duo ea ponunt, *Agens* et *Patiens*: sive Deum, et Materiam. Laetius: « Videtur Stoicis duo esse universorum Prin-

<sup>1</sup> De hac lectione aut sententia dico lib. II, infra, Dissert. v.

<sup>2</sup> Eadem Stob. in Physic. cap. 13, et Plutarch. I De Plac. cap. 11.

cipia, Efficiens et Patiens. Et Patiens quidem, qualitatis exsortem essentiam, Materiam: Efficiens autem, Rationem quæ in ipsa est, sive Deum. » Seneca item diffuse (Epist. LXV): « Dicunt, ut scis, Stoici nostri, duo esse in rerum natura, ex quibus omnia fiunt; Causam et Materiam. Materia jacet iners, res ad omnia parata, cessatura si nemo moveat: Causa autem, id est, Ratio, Materiam format, et quocumque vult, versat: ex illa varia opera producit. Esse ergo debet aliquid Unde fiat, deinde a Quò fiat: hoc Causa est, illud Materia. » Et statim: « Querimus quid sit Causa? Ratio faciens, id est, Deus. » Iterumque: « Nempe universa ex Materia, et ex Deo constant. » Cicero (Acad.): « Naturam dividebant in res duas: ut altera esset Efficiens, altera autem quasi huic se præbens, ex qua efficeretur aliquid. In eo quò Efficeret, Vim esse censebant: in eo quod efficeretur, Materiam quamdam: in utroque tamen utrumque. Neque enim Materiam ipsam coherere potuisse, si nulla Vi contineretur; neque Vim sine aliqua Materia. Nihil est enim, quod non alicubi esse cogatur. » In quo tamen opinio, sive error vetus notandus, consentium Materiam simul Deo æternam, nec alterum sine altero fuisse. Observa etiam, *Naturam sic dividi*; quod Platonicum est, itemque Stoicam: et in illorum dogmatis Apuleius (De Dogmate Plat.): « Τας οὐσίας, quas Essentias dicimus (sive Naturas), duas esse ait Plato, per quas cuncta gignantur, Mundusque ipse; quarum una, cogitatione sola concipitur (Deus): altera, sensibus subjici potest », quæ est Materia. Itemque de eo Laertius (In Platone): « Duo rerum omnium Principia Plato statuit, Deum et Materiam; quem illum etiam Mentem appellat, et Causam. » Hæc autem vetus, et ab ipso Homero (Odyss. 8) est opinio, ut censent, qui « Proteum, et Eidotheam induxit allegorice: primam quidem et principem causam (ipsa vox dicit) Proteum appellans et quæ autem in species vertitur Essentiam, Eidotheam. » (Empir. adv. Mathem.) Quid Thales; Mentem et Aquam Initia posuit: recta interpretatione; Deum et Materiam. Pythagoras idem: cui Μῶσις, Unio, est Mens, sive Deus; ὕλη, Bina, Materia. Simile in plerisque aliis, si lubet examinare: et veritas hæc multis innotuit.

## DISSERTATIO V.

*Ea ipsa, Naturas appellari : sed eminenter, Deum. Itemque  
Mundum in hoc nomen venire.*

DIXIMUS *Essentias* sive *Naturas* duas esse : quod uberius paulo diducendum est, et mens ac sermo hic Stoicorum explicanda. Lactantius præcat (lib. VII, c. 3) : « Stoici Naturam in duas dividunt partes ; unam quæ Efficiat ; alteram, quæ se ad faciendum tractabilem præstet. In illa prima esse Vim faciendi ; in hac Materiam, nec alterum sine altero esse posse. Ita isti uno Naturæ nomine res diversissimas comprehenderunt, Deum et Mundum, Artificem et Opus, dicuntque alterum sine altero nihil posse, tanquam Natura sit Deus Mundo permixtus. Nam interdum sic confundunt, ut sit Deus ipsa Mens mundi, et Mundus sit Corpus Dei. » Habes fere quæ Cicero supra, sed paulo magis explicata : videsque et Deum *Naturam* dici, et Materiam. Sed illum maxime, quatenus tamen insertus est Mundo, et molem hanc animat, continetque. Laertii ista mens (In Zenone) : « Naturam modo dicunt, eam quæ Mundum continet ; modo illam quæ gignit producitque super terram. » Prima illa dictio, est nostra : et Cicero palam huc adspexit, immo vertit, quum scripsit (II De Natur. deor.) : « Natura est igitur quæ Continet Mundum omnem, eumque tñetur : atque ea quidem non sine sensu atque ratione. » Sine sensu quomodo possit, quum ipsa sit illa « sentiens et intelligens », id est, Deus ? Idem scriptor : « Mundum et ejus partes Natura sentiente teneri, in qua Ratio perfecta insit, quæ sit eadem sempiterna. Quam vim animum esse dicunt Mundi, eandemque esse Mentem Sapientiamque divinam. » Vides clare, hanc Naturam, Mentem esse Dei et Rationem, uno verbo Deum : quid enim in illo, nisi nostra distinctione, distinctum ? Seneca (IV De Benef. cap. 7) : « Quid aliud est Natura, quam Deus, et divina Ratio, toti mundo et partibus ejus inserta ? » Et alibi (II Quest. Natur. cap. 45) causam etiam appellationis adjungit : « Vis Deum et Naturam vocare ? non peccabis ; est enim ex quo nata sunt omnia. » Lactantius ponit hoc, et approbat (lib. II,

cap. 9) : « Melius igitur Stoicorum omnium acutissimus Seneca , qui vidit nihil aliud Naturam esse , quam Deum , » Ipsum hoc Plinius (lib. II, cap. 7) , plurimum sane Stoicus : « Declaratur Naturæ potentia , idque esse quod Deum vocamus . » Et iterum : « Hic est Deus , per quem intelligitur eadem , et parens rerum omnium et magistra , Natura . » Sed in verbis Lactantii etiam erat , « Mundum a Stoicis Naturam vocari . » Quod verum est , ut in Seneca ( Consol. ad Helv. cap. 8 ) : « Quocumque venerimus , eadem rerum Natura utendum est . » Plinio (lib. II, cap. 1) : « Idemque mundus rerum Naturæ opus , et rerum ipsa Natura . » Quid ita ? quia Mundus et a Deo prima Natura factus est ; et ipse illi insertus , facit Mundum dici Deum . Confundunt igitur , ut Manilius (lib. I) , obscuriusculo aliter versu :

Materiæque datum est cogi , acd cogere Mundo :

quod est , Materiam pati ; Deum agere , qui dicitur et Mundus . Atque eadem ista Natura rerum , *Communis* etiam Stoicis dicitur , ut a Particulari cujusque rei abjuvant . Sic Seneca ( Consol. ad Helv. cap. 8 ) : « Duo nos pulcherrima , quocumque movebimur , sequuntur , Natura Communis et propria Virtus . » Chrysippus apud Plutarchum : « Quod si aliqua Communis Natura , et Communis etiam ipsius Naturæ Ratio , nec Antipodas quidem latet . » Observa . Communis est Natura , atque etiam Ratio in ea Communis , quæ omnia digerit et format . Longe enim Stoici nostri ab illis , qui brutam aliquam et sine sensu Naturam statuebant , omnia gignentem ac conservantem . Inter quos Strato Physicus nobilis , apud Lactantium (lib. De Ira Dei , cap. 10) : « Habere Naturam in se vim gignendi et minuendi , sed eam nec sensum habere ullum , nec figuram . » Idem magnus ille Hippocrates videtur censuisse (VI Epidem.) : « Invenit , inquit , ipsa sibi Natura vias non ex rationatione . » Et iterum : « Indocta est Natura , ex seipsa gnara eorum quæ facere debet . » Profecto hi tales Divinitatem concutiant aut evertunt : « et quum vellent persuadere » , ait Lactantius (lib. III, cap. 28) , « nihil esse divina mente perfectum , Naturam dixerunt esse rerum omnium matrem : quasi dicerent , omnia sua sponte esse nata . » Et de iisdem ipsis : « Probabile est , inquit , Materiam rerum et habere

et habuisse Naturam suam et vim. » Quasi igitur in ipsa Materia tale inisuit quod produceret : sed brutum et sensus experts, ut Materia ipsa. Quod refellit idem egregie : « Quam vim potuit habere, nullo dante? quam Naturam, nullo generante? Si habuit vim, ab aliquo eam assumpsit : a quo autem assumere, nisi a Deo potuit? » Sed et Plato ostendit, olim sic fuisse qui desiperent plures. « Hoc multorum dogma est, inquit (In Sophista, et X De Legib.), Naturam omnia gignere sua sponte et vi, et sine Ratione aliqua producente. » Quid autem tu, Plato? Ego vero assero, inquit, « quod cum Ratione fiant, et divina Scientia, et ab ipso Deo. » Iterumque alibi (In Phileto) : « Naturam juxta Rationem, et cum Ratione ac Mente, cuncta adornare. »

## DISSERTATIO VI.

*Definitio Communis Naturæ, id est, Dei. Ignem esse, et dici Stoicis, atque etiam priscis.*

SED quæ est igitur Stoicis ista Natura, et quomodo definitur? Habes apud Laertium (in Zen.) : « Censent ipsi Naturam esse ignem artificialem, via progredientem ad generationem, quod est, Spiritus ignis et artis similitudinem præ se ferens. » Ipsa hæc definitio Zenoni tribuitur a Cicero (II. de Natur. Deor.) : « Zeno naturam definit, ignem esse artificiosum, ad gignendum progredientem via. » Quare *Ignem*? quia Stoici vim et vitam omnem Mundi, atque ipsum adeo Deum in igne ponebant, immo Deum esse. Sed ignem non quemcumque, non hunc nostrum corruptorem et corruptibilem; sed *artificiosum* : id est, artificem atque opificem, condentem ratione et velut arte, vegetantem ac servantem. Dixi *velut arte*, et Laertius bene interpretatur : simile duntaxat aliquid in eo spiritu ignis et artis esse, Cicero hoc explicat (II Nat. Deor.) : « Artis enim maxime proprium esse creare et gignere : quodque in operibus nostrarum artium manus efficiant, id multo artificiosius Naturam. » Itaque dicitur ab iisdem « Natura, magistra artium reliquarum : » item, « provida et salens : » denique, « qua nihil potest esse callidius. » (Cic. pluribus

loc.) Ideoque iidem Stoici plurimum generationi rerum *Rationem* præficiunt, et sic loquuntur; ut Seneca (de Vit. beat. c. 32): « Quæ Ratio mersa et confusa diduxerit. » Iterum: « Incorporealis Ratio ingentium operum artifex. » Quia scilicet artifice hæc ratione administrante Deus, e confusa et rudi Materie omnia formavit. Hæc igitur Natura: atque adeo hæc est Deus. Semel enim et serio hoc discere, Ignem istum et *Naturam* ἐξόχως et eximie, supra Materiam; dici; eundemque Deum: et fieri omnia ab illo, atque etiam (ita locuti nostri supra, si observasti) ex illo. Nihil enim est sine mixtione hæc aliqua Ignis. Itaque Stoici iidem hanc dictam definitionem tribuunt etiam Deo. Plutarchus et Stobæus aperte: « Deum Stoici dicunt εἶναι πῦρ τεχνικόν ὁδῶ βαδίζον ἐν γένεσι κόσμου ἐμπεριεληφὸς πάντας τοὺς σπερματικὸς λόγους, καθ' οὓς ἕκαστα καθ' εἰμαρμένην γίνονται » esse ignem artificiosum, via vadentem in generatione Mundi, continentem intra se omnes seminales rationes, juxta quas singula Fato deinde fiunt. » Ait, ἐν γένεσι, quod tamen in Athenagora (de Resurr.), ubi eadem hæc descriptio, legitur, ἐν γένεσις, in generationibus, quod non rejicias, immo eligas pro Stoica mente, qui plures mundos, alium post alium, a conflagratione constituebant. Dicit et *Mundi*, non rerum singularium *generationem*: quia primarium Dei opus illud est, et in eo, occultis Fati seminibus, singularium rerum ortus abortusque; et quod adheret, inclusi. Nam ignis ille *complectitur*, inquit, *in se rationes omnes seminales*: id est, rerum omnium Ideas, sive exemplaria formasque, ut Plato appellat. Sed nostri *Seminum* comparatione magis utuntur: quia inclusa in iis et occulta, quæ mox producantur. Placuit et Trismegisto (cap. 14) hæc imago. « Vides, inquit, agricolam, semen in terram projicientem, ibi frumentum, ibi hordeum, ibi aliud? Tale est Deus, qui in celo quidem seminat immortalitatem, in terra mutationem, in universo motum et vitam. » Ecce seminales *Rationes*: et ipsa ea voce Damascenus noster utitur et agnoscit (de Orthodoxa fide, cap. 13): « Deus, inquit, omnium auctor est, et omnium quæ sunt Rationes in se et causas jam ante habet. » Ipse, inquam, et habet et continet: ideoque bene e Stobæo et Athenagora ἐμπεριεληφὸς protuli, etsi in Plutarcho ἐμπεριεληφὸς editur, *continentis*, ut ad *Mundum* referatur. Ultimum deinde

erat, « juxta eas rationes Fato omnia fieri, » quæ est implexa series causarum, et rebus insita, locis suis et temporibus proferenda : de qua dictum alibi et dicendum. Jam hæc, opinor, capis. AUD. Capio, non etiam probo; nam quis Deum ignem censeat, aut quæ ratio huc duxit? LIPS. Neque nimis tamen hæc aliena a Ratione, immo a religione nostra cense, cui dictio ista alludit: non enim dicam, assentit. De Ratione, movit eos quod a calore aut igne omnem vigorem aut vitam viderent, ut tetigi; in ipso etiam Animo nostro acrimoniam et sensum. Itaque jamdiu ante Parmenides et Hippasus dixerant, « principium rerum Ignem esse; » quid nisi Deum? Heraclitus etiam apertius, Deum definivit: « Ambientem et circumstantem ignem æternum, » id est astra et ætherem. Homerum etiam eo trahere possis, qui « divinum ignem » ideo dixisse videatur. Nam Hippocrates quidem apertissime (de Princip.): « Videtur mihi id quod Calidum, sive Ignem, dicimus, immortale esse, et intelligere omnia, et videre, et audire, et scire omnia præsentia et futura. » Potest aliquid, ante natos Stoicos, magis Stoicum? Tribuit enim Æternitatem, Sensus, Intellectum, Scientiam et Præscientiam. Neque dissimilia Plinius de Deo: « Quisquis est, inquit, Deus, totus est sensus, totus visus, totus auditus, totus animæ, totus animi, totus sui. » Quid mirum tota hæc in eo esse, a quo sic largiter dimanant, partita omni ævo in omnes? Sed profanos ut omittam, sacri scriptores huc etiam eunt. Liceat Ter-maximum inter eos recensero, cujus philosophia valde cum Mosaica (in multis quidem) consentit. Ille passim Deum *φῶς*, sive *Lumen*; et Dei filium *φωτεινὸν λόγον*, *Lucidum verbum* appellat. Ille autem Stoicorum ignis Lux et Splendor verius est, cum calore tamen, quam densus aliquis Ignis. Enimvero ipse Moises imaginem istam Deo donat: et apparuisse sibi scribit, *in rubo ardente*; Israelitis prævisse, *in columna ignis*; sed et *Ignis consumens* alibi appellatur. Quid, quod sacer ille Spiritus in Apostolos venit et se ostendit, *in Linguis igneis*? Non quod Ignem Deum dicamus, absit: sed quod illæ « divinæ proprietatis (verba Dionysii Areopagitæ, cap. 15 de Divin. Nom.) inter hæc, quæ sub oculos cadunt, plurimas imagines habeat. » Itaque Stoici haud nimis absurdi, si divinitatem illi dederunt: quod et



consensu pleræque gentes, velut natura præeunte, fecerunt, qui Vestam scilicet et ignem perpetuum coluerunt. De quo scripsimus aliquid in Syntagmate *De Vesta*.

## DISSERTATIO VII.

*Aliæ definitiones Dei, in quibus, Spiritus, Animus, Mens, Ratio dicitur, et per omnia diffundi.*

At vero cautius etiam et veritati propius Stoici locuti, quum Deum definierunt non *Ignem*, sed *Spiritum Igneum*. Ita enim Posidonius, cujus hæc verba in Stobæo: « Deus est Spiritus intelligens et igneus, formam ipse non habens, sed in omnes se vertens, et omnibus assimilans. » Ait *Spiritum* esse, et quidem *intelligentem*: quis hæc abnuat? addit *Igneum*, et sensu aliquo feras, ut sit in illo puro et æthereo igne. Sic enim et Democritus: « Deum esse mentem in igne spherico. » Et Plato apud Justinum Martyrem, Deum locat « in ignea substantia. » Addit: « Formam non habere », verissime; et huc Lactantius adspexit, dum scripsit: « Stoici negant ullam formam habere Deum. » Sed quanquam ipse formam non habeat, non certe ullam adspectabilem, tamen omnes formas format, atque in iis se ostendit. Ipsa hæc Posidonii ita Trismegistus (cap. 11): « Unam quidem Ideam et formam Deus habet, quæ propria est ejus, sed quæ humanis adspectibus non subjicitur, ut quæ sit incorporea; et omnes tamen formas per corpora ostendit. » Itaque bene dicitur, Deum nemo vidit: et, omnes in omnibus quotidie vident. Sed redco ad *Spiritum*, ne crassulos ita fuisse Stoicos opinemur. Idem igitur Posidonio jam ante Zeno dixerat: « Deum esse Spiritum, pertinentem per totum Mundum. » Quod tamen Cicero vertit (I de Nat. Deor.): « Rationem quamdam, per omnem Naturam pertinentem »: et ipsa hæc attribuit Zenoni. Nam *Rationem* aut *Spiritum* dicas, haud interest, aut leviter interest; sicut si *Animam*, *Animum*, *Mentem* (nam et sic appellant); nisi quod illa nobilior Animæ pars *Animus*, *Mens*, *Ratio* magis suevit vocari. Ita enim iterum hoc ipsum aliter Cicero, sed Pythagoræ adscribit (Ibidem): « Deum esse Animum, per Naturam rerum omnem intentum et commanentem. » E quo totidem verbis

Minutius Felix eleganti illo Dialogo transscripsit. Est igitur hæc omnia ; et sic Virgilius :

Spiritus intus alit, totamque infusa per artus  
Mens agitat molem.

Et Cicero (Acad. II, § 19) : « Mundum esse Sapientem, et habere mentem, quæ et se, et ipsum fabricata sit et omnia moderetur, moveat, regat. » *Mundum*, inquit, *fabricata est* : scimus, sed quod præit, *et se fabricatam* esse, quo sensu verum erit ? Nam Mens quidem illa æterna : nisi velit, in exustione Mundi, hanc Mentem confusam cum Materie sedem et splendorem nondum habere ; fabricare ea sibi et disponere in condito jam mundo. Sed simplicius fortasse scribi : *quæ et ipsum fabricata*. At his etiam nominibus Julius Firmicus, juratissimus Stoicus, Deum describit (lib. I, Mathes.) : « Mens illa divina, Animusque cælestis per omne mundi corpus, in modum circuli collocatus, et nunc intrinsecus positus, euncta regit atque componit : et propria originis generatione conceptus, se ad creanda et conservanda omnia, ignita et sempiterna agitatione perpetuat. » Quæ verba rebus facta et graviora, aperienda et educenda leviter in lucem sunt. *In modum circuli* collocat : quia in Æthere *Principale* hoc (mox dicendum) ponunt. Addit, *intrinsecus et extrinsecus* esse, id est, in Mundo, et extra eum in Vacuo ferri : atque ut Seneca loquitur (I Natur. Quæst. in Præfat.) « Opus suum intra et extra tenere. » Deinde, *propria originis generatione conceptus* : quod sane illa Tullii affirmat, ant explicat, et jam nil mutemus. Ita enim et Seneca in Fragm. XII. Conceptus et genitus, sed a se dici potest : quia in Chao, ut dixi, quum in Ignem omnia versa, et ipse deinde Ignis in Aquam (infra, lib. II, explicanda) opus habet sese educere, et puritati pristinae asserere, atque ita quodam sensu, generare. Sed ut in re pergam, his ipsis vocibus Seneca afficit, et Jovem appellat « Animum ac Spiritum mundani hujus operis, » et quare omnia ista ? quia ire volebant et commicare per omnia, atque ut verbis illorum dicam (in Laertio) : « per omnia Mundi membra Mentem pertinere, ut in nobis hanc Animam. » Nota, nota ; est magni hujus Mundi sua quædam Anima, ut in

parvo hæc nostro : atque illa rector est, et Deus. Est Academicorum vetus sententia, et ponit ita Cicero (I Acad.) : « In Natura sentiente Ratio perfecta inest : quam vim Animum dicant esse Mundi » : et assignificat Stoicos tenuisse. Cleanthes quidem et OEnopides ex iis, apud Stobæum : « Deum esse mundi animum. » Et Lactantius universe : « Ita Stoici interdum confundunt, ut Deus sit ipsa Mens Mundi, et Mundus corpus sit Dei. »

DISSERTATIO VIII.

*Mundum ipsum Deum etiam Stoicis dici, sed proprie tamen ejus Animam.*

Et sane Stoici sæpe sic loquuntur, etsi parum sane ; atque adeo ipsum Mundum, hoc adspectu, faciunt Deum. Manilius :

..... Vivere mundum  
Et rationis agi mota : quum spiritus unus  
Per cunctas habitat partes, atque irriget orbem,  
Omnia pervolitans, corpusque animale figuret.

Vult Animal esse Mundum, Ratione regi, Spiritu vegetari et irrigari. Hoc jam ante Plato : « Animal est Mundus, et Rationale et Anima præditum. » Posidonius Stoicus : « Mundus, natura animata et sentiens. » Talem igitur naturam, dicebant Deum. Iterum Manilius (lib. I) :

Qua pateat Mundum divino nomine verti,  
Atque ipsum esse Deum.

Didymus apud Eusebium (XV de Præpar. Evang.) : « Stoici totum Mundum, cum partibus ejus, appellant Deum. » Ipsa hæc noster Seneca (Epist. xciv) : « Totum hoc, quo continemur, et unam est, et Deus est : et socii ejus et membra sumus. » Iterumque alibi (Epist. xcvi) : « Totum hoc, quo divina et humana conclusa sunt, unum est : membra sumus corporis magni. » Et Lactantius eos refutans (lib. VII, cap. 3) : « Nam si hæc omnia quæ videmus, Dei membra sunt, jam insensibilis ab his constituitur Deus. » Multa enim in Mundo scilicet, aut plurima, sine sensu. Tamen hanc sententiam iterum Seneca asserit (II Quæst. N. cap. 45) : « Vis Deum

Mundum vocare? non falleris; ipse enim est totum quod vides, totus operibus suis iaditus, et se sustentans vi sua. » Itaque pro hoc sensu, in parte vera Tertulliani scriptio (Apolog. cap. 47): « Platonici et Stoici corporalem statunt Deum: » scilicet Mundum. Etsi Plato primam Mentem magis pro Deo agnoscit, Deo, inquam, primo. Ita Seneca in fragmento quodam, apud Augustinum (VI De Civit. cap. 10): « Ego feram aut Platonem, aut Peripateticum Stratonem: quorum alter (Plato) Deum sine corpore fecit, alter sine animo? » Plato enim supremam Mentem architectricem agnoscit, liberam et secretam ab omni contagione mortali; atque ut Cicero loquitur, « Deum statuit ἀσώματος, incorporeum »: at Stratonem sine Animo, id est, Naturam hanc rerum et Mundum, sine Mente gubernante. Hæc sententia Stratonis est, quam Manilius tangit:

At neque terra patrem novit, nec flamma, nec aer,  
Aut humor, faciuntque Deum per quatuor artus,  
Et mundi struxere globum, prohibentque requiri  
Ultra se quidquam.

Id est, Sive quatuor elementa non habent auctorem et originem, ipsa sunt et faciunt juncta Deum, nec alium præter se, qui supra se, habent. Sed ad Stoicos; quia igitur Mundus Deus, dabant etiam ei globosam formam. Seneca (Epist. xciv): « Si rotundam illis, qualem Deo, dederint formam. » Idem in Claudium ludens: « Die nobis, qualem Deum istum fieri vultis? Stoicum? quomodo potest rotundus esse, ut ait Varro, sine capite, sine præputio? » Observa hæc postrema, jocosè in Epicureos dicta, qui Deum faciebant humana specie: at Stoici negabant, et animal quidem esse: « sed non humana aliqua forma. » Hæc est sententia, quam neque nos, neque item Plutarchus sanam habet: et iis objicit: « quod Deum, qui principium est, Corpus tamen intelligens et Mentem in materia faciunt; atque ita non purum, neque simplicem, neque incompositum, sed ex alio et per aliud constituunt. » Tamen Varro mitigare et ad veritatem magis flectere videtur, si bene exaudimus. Pulchra hæc ejus in Augustino (VII De Civit. cap. 6.): « Varro de Naturali Theologia præloquens dicit, Deum se arbitrari animam

mundi : et hunc ipsum mundum esse Deum. » Sed discrimen deinde addit, quod valde velim notes. « Sicut hominem sapientem, quum sit ex Animo et Corpore, tamen ab Animo dicimus sapientem ; ita Mundum Deum dici ab animo, quum sit ex Animo et Corpore. » Hoc vult, Mundum a se aut per se non esse Deum ; tantum a parte meliori, id est, Mente illa æterna, quæ tamen insita Mundo, ut illa aliqua in Homine. Non igitur Mundus *οὐρανός* et sua natura Deus, sed *παρά μετέδοσιν*, ut dicunt Græci, et quia communicat et participat illam Mentem. Tale omnino etiam Chrysippus, apud Tullium : « Vim divinam in Ratione esse positam, et universæ naturæ Animo atque Mente ; ipsumque Mundum Deum dici, et ejus Animi fusionem universam. » Id est, Primo quidem et vere Deus est ratio sive Mens : secundo tamen et Mundus, per quem Animus ille se *fudit*, et cui infudit. Seneca eo collineat (I Quæst. N. Præf.) : « Quid est Deus? Mens universi. Quid est Deus? totum, quod vides, et quod non vides totum. » Primo et hic Mens est Deus, secundo hæc Mentis sedes et universi moles. Trismegistus etiam clarissime (cap. 8) : « Secundarius Deus, Mundus, et animal immortale. » Et subjicit pulcherrime : « Primus enim omnium, revera est Deus, ille æternus, et ingenuus, et omnium conditor atque opifex. » Itaque et Stoici sæpe sic attollunt, et a corpore Mundi isto avellunt ; ut Seneca (I Quæst. in Præf.) : « Quid inter naturam Dei et nostram interest? nostri melior pars est Animus ; in illo nulla pars extra animum. » Sed et superiora, quæ attulit, eodem cunt : sequamur. Nam quod illos longius duxit, et induxit, hoc fuit, quod sociabant hunc Animum cum Mundo, ut partem, et formam : at nos scimus eum Lactantio (lib. VII, c. 6) : « Divinum Spiritum esse ubique diffusum, eoque omnia contineri : nec tamen ita, ut Deus ipse, qui est incorruptus, gravibus et corruptibilibus misceatur elementis. » Continetur rebus, non confunditur ; format eas, non forma ; animat, etsi non anima. Bene, ut pleraque, Damascenus (cap. 16) : « Deus ipse omnia pervadit, sed sine mixtione, et omnibus vim et efficaciam suam participat, sed pro cujusque aptitudine et captu. » Concludimus denique, et in parte tenemur Stoicos Plutarchi hisce verbis : « Deum Stoici

dicunt, et Mundum, et Stellas, et Terram; sed snpreum illum, mentem in æthere. » (I De Placit. cap. 7.) Ipsa est intima mens eorum, alia posse dici Deos, et Divinitatem communicare: sed unum, verum, summum esse *Mentem*: atque eam in *Æthere*. Non enim otiosus hoc quoque audi; quia Principale istud Animæ sive Græcis ἡγεμονικόν, in *Æthere* sedem habet. Etsi cum aliquo inter eos dissensu; nam « vulgo Stoici, ait Laertius (Lib. II, cap. 6), *Ætherem* faciunt mundi ἡγεμονικόν, at Posidonius Cælum, Cleanthes Solem. » Cleanthis opinio placuit Plinio, qui scripsit: « Mundi totius Solem esse Animum, ac planius mentem: hunc principale (agnosce τὸ ἡγεμονικόν) naturæ regimen ac numen credere decet, opera ejus æstimantem. » Neque hæc tamen ita læve capies, quasi ipsa illa sint Deus; sed, ut dixi, domus ejus et sedes: ut arx ista capitis Mentem nostram (Platonici quidem) habet. Tertullianus calumniam, liceat dicere, Zenoni struxit, quum impingit (Advers. Marc. I, cap. 13), « Aera et *Æthera* deos statuisse. » Nunquam, illo quidem sensu, fecit: neque, opinor, Chrysippus, etsi Cicero etiam de illo (De Nat. Deor. I), quod « disputarit *Æthera* esse eum, quem homines appellant Jovem. » Imo in æthere, et rem dixisti.

#### DISSERTATIO IX.

*Obscura aut impenetrabilis Dei notitia: sermones ancipites; attribui tamen quædam recte a Stoicis, et primo unitatem.*

VIDES Animam Mundi igitur Deum iis esse; atque illam Ignem, aut verius in Igne. Quod Philo etiam Judæus prorsus baud abnuitt, distinguitque (de Allegoriis): « Universi animam Deum esse quodam intellectn. » Quo? quia nos et omnia vivimus, et movemur, et sumus in Deo. Siquid verbis aliter dixerunt, abeat; et miremur in via, et sic prope metam Veri fuisse; nec insulemus in communibus Orbis tenebris non pervenisse. Quis enim a se, et ingenii solius luce, videat et noscat illum « infinitum, immensnm, et soli sibi quantus est notum? » (Minut. Felix.) Imo vero, ait Damascenus argute: « Solum hoc ejus comprehendi potest, quod comprehendi

non potest. » Et hoc Seneca vidit, et fortiter extulit (Ep. xxxi) : « Nemo novit denm. Multi de illo male existimant impune. » Quin et causas alibi inquit, et promit (VII Quæst. cap. 31) : « Sive illi tanta subtilitas et claritas est, quantam consequi acies humana non potest ; sive in sanctiori secessu majestas tanta delituit. » Piæ et bonæ rationes : addo et tertiam e Damasceno : « Cognitio eorum est quæ sunt ; at Deus super ipsum Esse Est : ergo et supra atque extra notitiam, quia supra Essentiam. » De natura itaque ejus propria omittamus, nec ipsi Christiani ejus gnari, nisi quatenus divinæ litteræ nos docuerunt, leviter et in gustum. Nam, ut iterum Damascenus : « Quod ex usu nostro scire erat, aperuerunt ; quod non tale, et ferre aut capere non poteramus, tacuerunt. » Iis igitur missis, magis quæ de ipso dici et attribui solent, lustremus : et per ea in amorem simul et admirationem ejus ducamur. Enimvero sagaces in istis Stoici, sed et veraces. Sunt autem trium fere generum, quæ de illo usurpamus ; primum negando, et ἡ ἀνυπόθετος, ut dicunt Græci : sicut quum Infinitum, Immensum, Incorporeum dicimus ; nihil enim adstruimus, nec esse significamus, sed aliquid non esse. Alterum, κατὰ ἄλγεα, juxta habitum, ut quum Dominum, Rectorem, Patrem appellamus : significantes tale agere, et taliter affectum esse. Tertium denique, quod κατὰ φύσιν, secundum naturam dicunt : quum aliquid conamur ei insitum et amicum ostendere, ut Justum, Bonum, Sapientem esse. Primum genus tutissimum est, et admirationi, si non notitiæ, facit : alterum tenue, et non nisi a nostri, aut operum ejus, adspectu ductum : tertium conatur adire, sed arcetur ; et aliquid circa naturam, si non ipsam, libat. Plura in his talibus sunt, Stoicis etiam tractata : sed ego eximia tria tangam, quæ valide et utiliter adstruxerunt : *Unum* esse, *Bonum* esse, *Providum* esse. De primo, præiverant jam alii Philosophi, et pulchre Pythagoras : qui non *Unum* proprie vult et *Solum* dici, sed *Solitatem* et *Unitatem*. Optime : non enim oportet specie accidentium de illo dicere, aut sentire : sed magis et deceat et doceat, ut substantiam efferri. Philo Judæus (in lib. Quod Deus sit immutab.) : « Substantia est quidquid de illo concepimus, et extra substantiam nihil. » Ergo Justitia magis Deus et Sapientia est, quam Justus et Sapiens :

etsi modulo nostri captus non damnamus sic loqui. Teneamus tamen illud Arnobii : « Quidquid de Deo dixeris, quidquid tacite mentis cogitatione conceperis, in humanum transilit et corrumpitur sensum : nec habet propriæ significationis notam, quod nostris verbis dicitur, atque ad negotia humana compositis. » Sed pergamus in re, et addamus : Stoicos quoque Deum unice Unum sensisse, etsi nominibus pluribus affecerunt. Laertius inter Zenonia : « Unum quid esse Deum ; sed tamen Mentem, et Fatum, et Jovem aliisque pluribus nomenclaturis solere cfferri. » Hoc et Minutius noster Felix de iis attestatur : « Zeno, inquit, et Chrysippus, et Cleanthes, sunt et ipsi multiformes, sed ad unitatem Providentiæ omnes revolvuntur. » Aliter alii de Deo, sed de Uno omnes loquuntur et asserunt. Multitudo autem illa nominum (non enim numinum) ortum habuit a vi aliqua et peculiari affectu vel effectu, quem volebant expressum. Seneca (IV de Benef. cap. 7.) : « Quæcumque voles nomina propria Deo aptabis, vim aliquam effectumque celestium continentia : tot appellationes ejus esse possunt, quot munera. » Sed ejus, et unius. Ecce (idem alibi II Quæst. cap. 45) : « Vis illum Fatum vocare ? non errabis ; hic est ex quo suspensa sunt omnia, causa causarum. Vis illum Providentiam ? recte dicēs, est enim cujus consilio huic Mundo providetur, ut inconcussus eat, et ætus suos explicet. Vis Naturam vocare ? non peccabis ; est enim ex quo nata sunt omnia, ejus Spiritu vivimus. Vis mundum ? ipse est enim totum quod vides totus suis partibus inditus, et se sustinens vi sua. » Atque idem loco priore subjicit eundem esse *Liberum patrem* et *Herculem*, itemque *Mercurium* : et quæ talia Stoici e mythica historia ad mysticos sensus referebant : et operose referebant, satis sibi in istis allegoriis, sive ut ipsi appellabant *ὑποβολαῖς*, placentes et plaudentes. Cicero (III de Natur. Deor.) : « Magnam suscepit molestiam, et minime necessariam, Zeno primus, post Cleanthes, deinde Chrysippus, commentitiarum fabularum reddere rationem ; et vocabulorum, cur quidque ita appellatum sit, causas explicare. » Culpat et Lactantius Stoicos (I cap. 17) : « quod quum non perviderint quid in vero sit, contentur fabulares Deos cum rerum naturalium ratione conjungere. » Et vero tenuia hæc plurimum, aut infirma, et argutiis sæpe ri-



dendis. Exemplum et gustum e Laertio habe. « Deus pluribus nominibus appellatur, ut sunt potestates. Nam et Dia Græci dicunt quod per eam sint omnia; et Zena, quatenus vitæ est auctor, vel quod per vitam transivit. Athenam etiam sive Minervam, quod in Æthere Principale ejus sit extensum. » O viri graves et serii! magis talia liebat agere. Sed in verbis Laertii obiter monco, quod legitur διὰ τοῦ ζῆν κερῶρκεν, falsum videri, scribendumque τοῦ ζῆν. Duplex enim etymon assignant; vel a *oita*, vel a *fervere*: atque hoc postremum de iis Athenagoras: Ζεὺς, ἡ ζιόντα οὐσία, κατὰ τοὺς Στωϊκοὺς\* « Zeus, fervens essentia, juxta Stoicos: » id est, Ignis.

# DISSERTATIO X.

*Eundem Bonum et Beneficum esse; et hanc velut propriam ejus notam, et nomen.* \*

Unum igitur jam Deum donant: sed qualem illum? dixi, *Bonum Providumque*. Quæ duo pluribus verbis, sed eodem fere spectantibus, eximie aperuit ille inter Stoicos eximins Cleanthes qui *Theogoniam*, sive *Deorum genituram*, inter alia scripsit. Versus sunt in Clemente Alexandrino (nam versibus pleraque ille usus) plane aurei, imo de Deo divini.

Εἰ τὸ ἀγαθὸν ἐρωτᾷς μ' εἶπ' ἔσθ', ἄκουε δὲ.  
Τεταγμένον, δίκαιον, ὅσιον, εὐσθεῖς,  
Κρατοῦν ἑαυτοῦ, χρησίμνον, καλὸν, δίκον,  
Λύστηρὸν, αὐθίκαστον, αἰεὶ συμμέτρον,  
Ἄφροδον, ἄλνκον, λυσιστῆλιν, ἀνώδυνον.  
Ὠφέλιμον, εὐάρεστον, ἀσφαλὲς, φθλόν,  
ἔκταρον, ὑπολογούμενον . . . . .  
Εὐκλείς, ἄκρον, ἐκμιλλές, πρῶτον, σφοδρόν,  
Χρονιζόμενον, ἄμικτον, αἰεὶ διαμένον.  
Ἀνελύθιτος πᾶς, ὅστις εἰς θεῶν ἐλέπει,  
Ὡς δὲ παρ' ἐκείνης τυχεύμενος καλεῖται.

Eos ita reddimus:

Si quale sit bonum rogas, ita accipe.  
Est ordinatum, justum, et est sanctam, pium,  
Sui potens, commodum aliis, pulchrum, decens,

Rectum atque constans, semper autem conferens,  
 Expers metu, dolore, curis onibus,  
 Juvans, benignum, stabile, amicum, amabile,  
 Honore dignum, confitendum . . . . .  
 Et gloriosum, non superbum, quod gerit  
 Curam omnium, placens, et viribus valens,  
 Ævi vetus, culpæ inscium, semper manens.  
 Ah! vilis ille, Opinionem qui adspicit,  
 Tanquam dæce hæc venturus ad Veri scopum.

Considera, mi Auditor; sunt a profano sacri versus et sensus: ac negem aliquid tam sublime et augustum ab alio veteris ævi scriptum. Finis ipse et clausula, quam damnat non occulte receptas de Numine *opinionēs*? vana illa gentilium, et a vero longinqua? Sed attributa ipsa et elogia si vides, quid uberius aut verius dici potest? Omnia autem in forma illa sermonis (observa) qua substantia notatur, ut ante attigi: « Deus bonum, utile, justum. » Et quum plucula sint, id quoque observes, omnia fere ad duo hæc capita revocari, *Bonum Providumque*. Prima est ipsa Bonitas: quam quot nominibus describit, et inculcat? ἁγαθόν, χρησίμον, συμφέρον, λυσιτελεῖς, ὠφελιμὸν, φιλὸν, πρᾶον: atque ipsum Deum initio *Bonum* appellat. Recte, nam et Dionysius Areopagita consentit (de Divin. nominib., cap. 4): « primarium et peculiare hoc Dei nomen esse: ipsamque substantiam divinam, bonitatem appellari. » Trismegistus pariter (cap. 6): « Bonum, inquit, in nullo nisi in Deo esse. Ino vero ipsum Bonum est deus. » Quare? quia Natura ejus Bonitas; nec potest aliter esse. Noster Seneca (de Ira II, cap. 27): « Quædam sunt, quæ nocere non possunt, nullamque vim nisi beneficam et salutarem habent: ut Dii immortales; qui nec volunt obesse, nec possunt. Natura enim illis mitis et placida est, tam longe remota ab aliena injuria, quam a sua. » Iterumque alibi (Ep. xcvi): « Quæ causa est Diis bene faciendi? Natura. Errat, si quis illos putat nocere velle: non possunt, nec injuriam accipere quæunt, nec facere. » Et vis argumentum Bonitatis certius, quam quod pessimis, et in se ingratis, imo maledicis atque impiis, non cessant quotidie bene facere? « Ecce scelcratis Sol oritur, et piratis patent maria. » (Sen. IV. de Benef. c. 26.) Quid amplius? « Beneficia sua ignorantibus dare

incipiunt, ingratis perseverant.» (VII de Benef. c. 31.) Ignorantibus? vide pueritiam nostram, fateberis : bona percipimus, ante eorum sensum. Ingratis? reliquum omne ævum. Et quotusquisque agnoscit, immo cogitat? quam multi dubitant, disputant, abnuunt? « Et nihilominus, more optimorum parentum, qui maledictis suorum infantium arrident, non cessant beneficia congerere de beneficiorum auctore dubitantibus.» (Ibidem.) Omnibus, inquam, sine discrimine : non aliter quam Sol ille in promiscuo lucet. Neque enim hic, ut in theatris, sparsio aliqua est aut missilia, in paucos et apprehensuros : est in omnes, est in immerentes, est in abnuentes. « Æquali tenore bona sua per gentes populosque distribuant, unam sortiti potentiam, prodesse.» (Ibid.) Atque hoc dogma ita proprium Stoicis, ut Tertullianus ab eo errorem Marcionis derivet : « Inde, inquit, Marcionis *deus melior*, de tranquillitate a Stoicis venerat. » Quia scilicet Deum semper Bonum isti statuebant, et nihil ab eo mali manare; Ponticus ille fatue fabricandum alium statuit, hujus auctorem. Frustra, et longe a Stoicorum sensu.

## DISSERTATIO XI.

*Denique Deum Providum et curatorem omnium esse, atque etiam singulorum. Qui aliter, rejecti.*

Sed tertium inter Attributa erat, *Providentia*, Deo semper a Stoicis asserta, et Cleanthis etiam illis versibus nomine *ἐπιμελοῦς* itemque *συμπεπορωτος* inserta. Asserta autem ab illis sic crebro, sic valide, ut ludus jocusque fuerint adversariis : qui hanc, *fatuicam Anum Stoicorum* appellabant. Sed ades, nostra Anus, ades, amanda nobis super omnes Veneres, et Venerum Amores. Te asserimus, et cum Seneca (De Provid. cap. 1) : « Præesse universis Providentiam, et interesse nobis Deum. » Ita sane; gubernat et præest illud Numen; sed adest etiam et interest, et scienter et cum inspectione nos regit. Cicero (II De Natur. Deor.) : « Providentia Dei Mundum, et omnes ejus partes ab initio constitutas esse, et omni tempore administrari. » Nota duo Providentiæ ab eo subjeci, Constitutionem rerum, et Ad-

ministrationem. Jungi enim hæc duo debent, et « Necessè est, ait Damascenus, eundem esse Conditorem rerum et Administratorem: neque possunt, aut debent dividi. Sic enim imbecillitati alteruter esset obnoxius; quasi aut iste Condere non posset, ille non Administrare et conservare. » Sicut parentis boni est, et gignere prolem, et deinde alere atque educare: ita et magni illius nostri. Cicero igitur (III De Nat. Deor.) hæc duo bene jungit, ex nostrorum sententia: « Materie universæ fectricem ac moderatricem esse divinam Providentiam. » Quis enim credit, ait Seneca (De Provid. cap. 1): « Sine custode tantum opus stare, et hunc siderum cursum discursumque fortuiti impetus esse? » Quis tamen credet, hæc tam pugnancia servare ordinem et statum, nisi Rector ille sit, « ejus consilio huic Mundo providetur, ut inconcussus eat, actusque suos explicet? » (Sen. II Q. N. c. 45.) Sed vim hujus Providentiæ, et variantes etiam super easensus, pulcherrime Epictetus exsequitur, apud Arrianum (I Dissert. c. 12): « Quod ad Deos attinet, sunt qui negent ullum Numen esse. Sunt qui esse donent, sed ignavum, incurium, et nulli rei providere. Sunt tertii, qui et esse, et providere, sed non nisi magnis et celestibus, terrenorum autem nulli. Quarti, et celestibus et terrestribus; sed universis duntaxat, non autem singulis et unicuique seorsim. At quinti, in qua parte Ulysses et Socrates, asserunt statuuntque, quod te, o deus, nec in minimo motu lateam aut fallam. » Ecce pulchrum ascensum, et vere ascensum, a tenebris et impietate paulatim ad lucem et veritatem: quam quinta illa sententia est amplexa: id est, nostra. Ita enim et Platonici, et nostri, omnia, minima, maxima, Providentiæ subijci: « Nec sine Ratione, quamvis subita, accidere. » (Sen. De Prov. c. 1.) Nihil est a casu, ubi easus maxime apparet: sed occultum aliquid divini consilii est, quo diriguntur. Plato (In Epinôm.) sermoni suo toti de Diis hoc velut fundamentum præstruit: « Quod curent omnia, magna ea sint aut parva. » Atque id ratione etiam scita docet alibi (Lib. X de Legib.), his fere verbis, aut sensu: « Quum Dii sint, non convenire ut otiosi degant: curare ergo res humanas. Quum autem omniscii sint, etiam minima videre et nosse censendum est, eaque igitur curare. Quid ni? procul enim ab iis ignavia et inertia:

nec minor potestas eorum in minutis, quam in magnis: neque indigna etiam maiestate illorum hæc cura. Imo eam velut gradum ad maiora illa habent. » Optime, et varia ac valida ratio in paucis verbis. Itaque apud Ciceronem (III De Nat. Deor.) Stoice dicitur: « Non universo generi hominum solum, sed etiam singulis; a Diis immortalibus consuli ac provideri. » Quid hominibus singulis? immo animalibus, immo animalculis et insectis: et iidem Stoici (idem Cicero II Acad.) « Dei maiestatem usque ad apum formicarumque perfectionem deducunt. » Si perfectionem, etiam curationem. Bene et hoc Damascenus: « Providentia est divina voluntas aive sententia, per quam omnia quæ sunt convenientem ordinem et regimen habent. » Itemque Alexandrinus ille Clemens: « Est Providentia privatim et publice, et ubique. » Est et in actibus singulis singulorum, ut Lactantius (De Ira, c. 17): « Curat hominum vitam Deus, ac singulorum actus animadvertit. » Nonne ipsum hoc est, quod supra nostræ partis Epictetus, « Te, Deus, nec in minimo fallo? » Atque hæc quum ita habeant, quidam Fortunæ omnia transcribunt: « neque hæc, ait Seneca (I Quæst. in Præf.), intra vulgum dementia est, sed Sapientiam quoque professo contingit. Sunt enim qui putent, sibi ipsis animum esse, et quidem providum ac dispensantem singula, et sua et aliena: hoc autem Universum, in quo nos quoque sumus, expers esse consilii, et aut ferri Temeritate quadam, aut Natura nesciente quid faciat. » Errant hic profecto, mi Seneca, etiam sapientiam professi: nec Epicurus ille solus, cuius nota deliria, et qui de Beata illa Natura profatur:

Immortali ævo, summa cum pace fruatur.

Semota a nostris rebus, sejunctaque longe;

longe semota, atque adeo extra Mundum etiam projecta. Non ille, inquam, solum: sed quod miremur, Plinius, ille in plerisque Stoicus germanus. At hic quam degenerat: « Irridendum, inquit (Lib. II, cap. 7), agere curam rerum humanarum illud, quidquid est, Summum. » Et causam addit: « An tam tristi atque multiplici ministerio non pollui credamus, dubitemusve? » Ne dubitemus quidem, Plini, adeo non credamus. Quid enim censes, humano more quo-

dam agere et curare, sollicitum, districtum, distractum, iratum? Erras; ille cum summa quiete, et placide agitans, hæc agit: « Non divisus, ait Clemens (VII Stromat.), aut distractus, non transiens e loco in alium, sed ubique semper existens, et nusquam circumscriptus, totus mens, totus lux, totus oculus, omnia videns, omnia audiens, omnia sciens. » Et quam pronum tibi hæc credere, si vel eadem his verba tua attendisses? « Quisquis est Deus (si Mundo est alius) et quacumque in parte, totus est sensus, totus visus, totus auditus. » Talem et tantum quum facias, quid metuis, cum Epicuro aliquo, pollui aut fatigari? Et tamen a Sapientia quum hoc dogma spernas, Prudentiæ transcribis, et ais: « Deos curam agere rerum humanarum, credi ex usu vitæ est. » Immo ex ratione est, quam, ut alios omittam, te quoque teste princeps ingeniorum, Homerus agnovit. Ille quam non sæpe, sed ubique eam adstruit! Alibi (Odyss. v, v. 213), de Jove:

..... ἔστι καὶ ἄλλους

Ἀνθρώπους ἰφοῦν, καὶ τίνοισι τοῖς ἀμάρτη.

..... mortalia facta

Mortalesque videt, delinquentes quoque punit.

Ecce inspectionem, ecce et animadversionem. Quin idem apud cum Jupiter effatur:

..... μὲνοις μοι, ἑλλόμενοι περ'

..... habeo curæ et pereuntes.

Non potuit longius penetrare in adyta Providentiæ, quam ut diceret, tunc quoque quum pereunt non negligi a Deo; sed bono aliquo fine perire, aut denique se disponente. Plura in illo sublimi poeta sunt, omitto: et Stoicis hoc testimonium a Tullio attribuo, « Rationem de Providentia deorum ab illis sanctissime et providentissime esse constitutam. » (III De Natur. Deor.)

## DISSERTATIO XII.

*E Providentia Fatum consequi; quid illud? et quomodo libertatem Deo non tollat.*

Est ita; et gradum ab hac ad *Fatum* convenienter profero; quia illud ab ista est, et valde cum ea nexum, immo innexum. Itaque ab ipsis Stoicis confunduntur hæc sæpe: si tamen discerni placet, sic fiet. Ut Providentia in ipso Deo sit scientia, vel sententia omnium; hæc distinctius lex ipsa et decretum singulis datum. Itaque a Deo est istud, magis quam in ipso. Addo, quod illa velut Proconsul est, qui decernit et statuit; istud, velut Lictor, qui sententiam illam facto promit, et omnibus propalat. Ita Apuleius, ex sententia Platonis: « *Fatum* esse, per quod inevitabiles cogitationes Dei atque incepta complentur. » Nota *cogitationes*: Ita enim *Primam Providentiam* (summi Dei) definiebant Platonici, ut esset « *supremi Dei cogitatio sive voluntas.* » (Plut. de Fato.) *Secundam* autem volebant dici « *secundorum Deorum, cælum permeantium, per quam inferiora et mortalia omnia dispensarentur, generi cuique sive speciei ipsi tuendæ et servandæ.* » *Tertiam* denique, « *quæ Genios circa terram tangit, humanorum actuum arbitros et custodes.* » Ita per gradus distinguebant, et ad nos derivabant: « *ut prima Providentia Fatum contineret; secunda, ipsa esset Fatum; tertia, quod ex Fato esset.* » Plutarchum, sodes, vide libello huic rei proprio: et Apuleio (De Dogm. Platon.), qui ista conformiter, sed brevius, lucem ab eo mutuare. Nos ad Stoicos imus, tot discriminum incuriosos. Ab uno Deo ista omnia; immo confundunt sæpe cum Deo. Seneca (II Quæst. Natur.): « *Vis illum Fatum vocare; non errabis; hic est, ex quo suspensa sunt omnia, causa causarum.* » Optime, optime; ratione tamen et intelligentia distinguimus, ut sæpe dixi. *Lex* est a Deo; ut ipse Seneca (De Provid. cap. 5): « *Omnia certa, et in æternum dicta Lege decurrere.* » Id est, Fato. Cicero: « *Omnia æternæ Legis imperio fieri.* » Plato, « *Adrastæ Legem* » dixit (X De Rep.). An non et Pindarus intellexit, quum νόμον πάντων βασιλεία,

Ζνατῶν τε καὶ ἀθανάτων εἶναι· « Legem omnium Reginam, mortalium immortaliumque esse », putō, intellexit. Et certō jam Manilius (Lib. I) :

Sed nihil in tota magis est mirabile mole,  
Quam ratio, et certis quod legibus omnia parent.

Habes Providentiā, quæ *Ratio* est; et ejus prolem, *Fatum*, *Legum* nomine dictam. Homerus pulcherrime βουλῇ Θεοῦ statim initio operis :

..... Διὸς δ' ἐπιτέλετο βουλῇ·  
..... Jovis est perfecta voluntas :

sive potius, *consilium* et *decretum*. Atque o divinum vatem! qui caput hoc Sapientiæ humanæ (ita mihi videtur) statim operi præscripsit, suæ indicem vel testem. Narrabo, inquit, et canam hæc atque ista : iras, bella, funera : sed jam nunc prædico et moneo, ab hominibus ista, sed ex Dei voluntate, administrata. Neque enim quæ vel fortuita putantur, ab hac lege secludimus : neque incidunt ea ipsa, sed veniunt. « Causa pendet ex causa ; privata ac publica longus ordo rerum trahit. » (Sen. de Provid. cap. 5.) Sophocles (Ajace Flagell.) μέλας Στοιχῶς, id est, σιμῶς· *valde stoice*, i. e. *graviter* :

Ἐγὼ μὲν οὖν καὶ ταῦτα, καὶ τὰ πάντ' αἰεὶ  
Φέρομαι ὡς ἀνθρώποισι μηχανῶν θεός.  
Ὅτι δὲ μὴ τὰδ' ἴσταις ἐν γνώμῃ εἶναι,  
Κείνος εἴματα σαργίεω' ἔχγων ταῦτα.

Ego quidem igitur ista, et alia item omnia,  
Accedere nobis censeam Fato Deum.  
Quod si quis hæc in mente non probat sua,  
Ille alia teneat et sequatur ; ista ego.

Sed aiebat Seneca (III De Benef.) : « Longum ordinem rerum esse. » Quid ita? quia « causarum implexa series est, » ut idem alibi : sive ut Stoici, apud Laertium : « αἰτίαι τῶν ὄντων εἰσρομένη, causa rerum implicata » ; quia scilicet εἰρμὸς quidam est, et nexus ac catena. Id quo sensu dicant, Chrysippus apud A. Gellium (Lib. VI, cap. 2) explicet, seria definitione : « *Fatum* esse, naturalem compositionem universorum, ab æterno, mutuo sese consequentium immutabili et inviolabili hæc complicatione. » Observa et scrutare.



Est « naturalis compositio : » nempe rebus insita a Communi et prima illa Natura, id est, Deo ; ideoque et *Naturum*, *Fatum* appellant. Sed quia (nostro intellectu) *Ratione* quadam et *discretionē* Deus hoc facit, et applicat ; plurimum *Rationem* (uti ipsam *Providentiam*) dicunt. Ut quum definiunt (Laert. in Zen.) « *Fatum*, *Rationem* secundum quam mundus administratur. » Itemque diffusius (Iu Stob. Physic.) : « *Rationem*, per quam facta, sunt facta ; fiunt, quæ fiunt ; fiunt, quæ fiunt. » Et discernentes deinde a *Providentia*, « *Rationem* eorum quæ in Mundo *Providentia* administrantur. » Anteriorem causam hic vides, et istam ex ea natam, aut subsequenter. Sed additur in Stoicis : « Mutat interim (Chrysippus) et pro *ratione* supponit *Veritatem*, *Causam*, *Naturam*, *Necessitatem*. » Ut sit *Fatum* nempe *Veritas*, *Causa*, *Natura*, *Necessitas* eorum quæ sic fiunt. Sequebatur, *ab æterno*. Ita ; nam in Dei mente hæc constitutio, et cum *Æterno illo æterna*. De *complicatione immutabili* additur ; quod ad ordinem *seriemque* causarum facit. Prima illa causa (Deus) alias atque alias subserit, miro et incomprehenso nobis nexu : sic, ut quæ *Fato* eveniunt evenire per *Naturam* et *Rationem* videantur. Hæc est illa *Sapientia* inscrutabilis : « a qua est omnis modus, omnis species, omnis ordo, mensura, numerus, pondus : a qua est, quidquid naturaliter est, cujuscumque generis est, cujuscumque æstimationis est : a qua sunt semina formarum, formæ seminum, motus seminum atque formarum. » (August. V, De Civit. cap. 11.) Quid opus perissologia ? a qua est, quidquid est : Peccatum autem ab ea non est, quia nec est. Pelagus hoc, mi Auditor, immo abyssus, immo chaos, si ingrederis : et sic se habere potius, quam quomodo habeat, scimus. Est igitur *series et connexio*, atque ea *immutabilis*, quia ab *immutabili Deo* : ideoque et *Necessitas* coheret ; quæ soror est, ut sic dicam, et gemella *Fati*. Trismegistus (Ad Ammonem) : « Omnia *Natura* et *Fato* fiunt, nec est *Locus vacuus a Providentia*. Est autem *Providentia*, in se perfecta *Ratio* celestis Dei, cuius sunt cognatæ facultates, *Necessitas* et *Fatum*. » Pulchre distinguit, et has ex illa deducit. Quid ergo ? inquiunt. *Necessario* hæc sic fiunt ? et nec Deus mutat ? nec Deus. Asper initio sermo, sed examinatus, Stoicorum etiam vero sensu

mitescit. Voces quidem aspernamur, quæ dicunt : « Destinatum sortem nec Deo fas effugere. » (Herodot. I.) Item :

Δούλοι βασιλέων εἶσιν, οἱ βασιλεῖς θεῶν,  
ὁ θεὸς ἀνάγκης. (Philemon.)

Sunt regibus servi, rex servus est Deo,  
Deus Necessitati.

Etiam noster doctor (De Provid. cap. 5) : « Eadem Necessitas et Deos alligat : irrevocabilis divina pariter atque humana cursus vehit. Ille ipse omnium conditor ac rector scripsit quidem Fata, sed sequitur. Semper paret, semel jussit. » Hæc talia, parum decore ex dignitate Dei dicta ; etsi, ut tetigi, interpretatione ad verum liquidumque deducas. Hoc enim volunt, semel statuta Deum non mutare.

Finxit in æternum causas : quæ cuncta coercet  
Se quoque Lege tenens. (LUCAN. II.)

Non quia imbecillitas aliqua in Deo sit, aut Fatum dominetur : sed quia placuit ei stare Decreto. Nimirum (ut noster Seneca, Quæst. Natur. I), « imminutio majestatis sit, et confessio erroris, mutanda fecisse. Necesse est ei eadem placere, cui nisi optima placere non possunt. » Dic mihi, nonne « vir bonus (quatenus bonus) non potest non facere, quod facit? non enim erit bonus, nisi fecerit. » (Sen. VI De Benef. cap. 21.) Simile (siquid tamen simile) in Deo : qui ut Deus, nihil mavult, aut mutat. « Magnum hoc argumentum est firmæ voluntatis, ne mutare quidem posse. » Quod si aliunde eveniret, aut cogeretur, sane impotentia esset; at jam « non externa deos cogunt, sed sua illis in legem æterna voluntas est. » (Ib. c. 21.) Itaque non possunt videri non posse, quia nec volunt. An tamen non ista servitus est? minime. Seneca egregie (I Quæst. Natur.) : « Nec Deus ob hoc minus liber aut potens est : ipse enim est Necessitas sua. » Vides pium sensum : nec fortasse aliter (apud germanos Stoicos) in tota ista re Fati fuit. Quod Augustino etiam arbitro dicam, qui rejecto *Fato Astrologorum*, infert (V De Civit. c. 8) : « At qui omnium connexionem seriemque censarum, qua fit omne quod fit, Fati nomine appellant (ii sunt nostri) : non multum cum

eis de verbi controversia certandum atque laborandum est : quandoquidem ipsum causarum ordinem et quamdam connexionem , summi dei tribuunt voluntati. » Addit alia (Eod. lib. cap. 9), et alibi ex ipso Seneca approbat hanc eorum mentem esse.

## DISSERTATIO I II.

*Objectiones contra Providentiam et Bonitatem Dei : quæsitumque primo, Unde Naturalia mala?*

AUD. Attenta equidem aure jamdru bibo : sed quid si animo non nihil renitenti alibi , aut assensum certe retinenti ? Nam sunt in istis spinæ vel aculei , qui pungunt : et das mihi operam in evellendis ? LRS. Curiosum ingenium hic asperner , ut rem dicam : et cum Damasceno moneam ( Lib. II Fid. Orth. cap. 29 ) : « Omnia admirari , omnia laudare , omnia sine inquisitione suscipere Providentiæ opera ; etiamsi multis injusta videantur ; quia scilicet ignota est , imo comprehendendi nobis impotens divina Providentia. » Audin , hoc et tutius sanctiusque sic esse ? Alioqui pelagus est , ut dixi : et cymbalum ingenii si immittis , fluctuabit , aut merget. AUD. Curiosam inquisitionem tecum abdico : sed quæ prima fronte omnibus occurrunt et obturbant , quæ culpa sit me attigisse , te rejecisse ? Neque enim alio fine quæro : et favebo equidem Dei causam agent. Dic igitur , sodes ; si a Providentia et a Deo omnia bona : unde Monstra , unde Venena , et Noxæ in isto orbe sunt ? Unde in nobisipsis interna hæc vere mala , et Vitia ac pestes animorum ? quis genuit , quis sustinuit et servavit ? Denique in ipsa gubernatione , quanta iniquitas apparet ? quum boni tolluntur , aut premuntur ; mali vivunt , vigent ; et præmia ac pœnæ injusta plurimum lance pensantur. Hæc quantumvis sedatum ingenium excitent , compositum turbent : utique sic in oculos sensusque incurrentia , et quotidianis exemplis prompta. Remove , obsecro , quamvis levi manu : et quod iterum testor , pronum ad finem me habe et sequentem. LRS. Vetera moves , remota pleraque aliis , et alibi ( De Constant. ) ipsi mihi ; certe in parte. Nunc tamen ordine , quia valde vis , faciam : sed compendio , qua

potest, et ut dicta non iterem, quod odi. Tria visus obijcere Bonitati et Providentiæ, *Naturalia* mala, *Interna*, et *Externa*. *Naturalia*, quæ primo et per se a Natura videntur; eaque duplicia, *Rara* et *Vulgata*. *Rara*, quæ non via solita, nec semper, sed ob causam eveniunt: ideoque *Monstra* aut *Prodigia* vocamus. Ea fere sunt, in *Excessu*, *Defectu*, *Mixtione*, *Modo*. *Excessu*, ut homo biiceps, quadrimanus, tripes. *Defectu*, ut Unipes, aut Unimanus. *Mixtione*, ut Homo porcino capite, Vitulus humano. *Modo*, sive in Magnitudine et mensura, magna nimis, sive parva: ut Gygas, ut Nanus; sive etiam in *Situ* membrorum partiumque, ut Caput in femore, Oculi in pectore: et uno verbo, quidquid extra communem ordinem legemque profertur. At *Vulgata* sunt, quæ semper et sua indole talia; et facta natæque videntur in malum aut noxam; ut sunt Serpentes, Ferae quædam, Venena, et quæ ejus sortis occurrunt. Hæc obijcis, et jam olim alii: breviter et leviter refutamus. Primum de *Raris*: fatemur ea contra, aut præter Particularem ejusque generis naturam esse, sed non contra Communem. Aristoteles (IV De Generat. Animal.) : « Monstrum est aliquid præter Naturam, sed omnem, illam tantum quæ solens et usitata est. Nam præter illam Sempiternam, et quæ ex Necessitate est, nihil omnino fit. » Hoc dicit, respectu cujusque speciei; Homo aut Vitulus talis, Monstrum et Malum videtur: Communem illam si adspicias, et Deum, non est, immo velut usus aliquis ejus, aut oblectamentum. Itaque ille idem scriptor hos appellat Naturæ quasdam *παράξαις*, *exerrationes* aut *excessus*: non aliter quam in longo magisque cursu, extra lineam leviter, nec indecore, licet transilire. Et causas tamen hæc suas habent, faciles indagari: a Materie nimia, aut pauca; sic aut sic disposita; a Gigantum affectione aut habitu, in opere aut post opus. Plura sunt, non hæc inquirenda: sed Universum si spectes, mala aut secunda hæc negamus, immo in ordinatum esse, et plenis perfectisque illis magis agnoscendis. De *Vulgatis* autem, scio apud Ciceronem esse (IV Acad.) qui exclamet: « Cur omnia nostri causa Deus quin fecerit, tantam vim natricum viperarumque fecit? cur mortifera multa, multa perniciose terra marique dispersi? » E Sacris nostris prompta erat responsio: te

faciente, ô homo, fecit. In prima origine hæc omnia sine noxa erant nobis obnoxia : in Deum surrexisti, communem conditorem : ergo illa etiam in te, ut vindicatura, et a prima sua natura demonstrantur. Sed pro communi etiam Philosophia hoc licet dicere : ista tam diversa, tam varia, facere et requiri ad ornatum perfectionemque magni Mundi. Mundi? etiam ad Dei potentiam sapientiamque notificandam. Potes tu illas arancorum subtiles et intextas telas intueri, sine admiratione conditoris? potes viperæ colores, volamina, indolem? potes vel molestum illum et susurronicum culicem, sine ipso hoc cogitationis fructu? At enim, aiebat, nostri causa Deus hæc fecit : contra nunc est, et nocent. Nostri? secundario quidem, sed primum, sua. Gloriæ ejus hæc serviunt, mundo toti serviunt : nec solius hominis aspectum haberi, verecunde quidem petas. Tamen an non et ista humanis usibus se præbent? Omitto ; quod imperium in hæc tam aspera, et calide nocentia, exercemus, et cuncta a natura nos fugiunt : sed vim etiam et usum occultum habere, prior et hæc atas docuit, ac postera docebit. Ne stulte et propere damna : sed, ut Naturæ quidam peritus venator, indaga magis et inquire. Augustinus eo vocat (XI De Civit., cap. 22) : « Divina, inquit, nos admonet Providentia, non res insipienter vituperare, sed utilitatem rerum diligenter inquirere : et ubi nostrum ingenium vel infirmitas deficit, ibi credere occulta : sicut alia, qua vix potuimus invenire. Atque hæc ipsa aut humilitatis exercitatio est, aut elationis attritio. » Pulcherrima clausula ; quid vis, ô homo? stuporem tuum divinæ Sapientiæ opponere? quidquid non capis, carpere? Demitte et inclina te potius : et scito arcana hæc Naturæ adyta, magno illi Pontifici adeunda tantum : fortasse minoribus etiam sacerdotibus, id est, Geniis, haud semper aperta. Quid vobis profanis? caligamus, et in primam illam Causam frustra oculos immittamus.

## DISSERTATIO XIV.

*Secundo quaesitum, Unde Interna mala, id est, Peccata? Stoicos etiam a Fato et Deo remove: et quomodo.*

SED *Naturalia* hæc in parvo sunt, nec nisi obstreperi opponant: *Interna*, id est, vere Mala, magis angunt. Peccata et scelera sunt, fuerunt, et erunt: unde ea, si non ab omnium factore? Quin et Plutarchus Chrysippo objicit, dixisse: « nullam esse intemperantiam, nullam fraudem, cujus non sit Jupiter architectus. » Sed hæc vane objici, et a parte non a iudice dici, ex ipso Chrysippo liquet. Palam ille detestatur: « et ad eos se applicat potius, ait Cicero (De Fato), qui necessitate motus animos liberatos volunt. » Apud Ciceronem, sed et A. Gellium, excerpta etiam sunt eorum, quæ Chrysippus pro hac sententia scripsit: in affirmatione certa, in explanatione involuta. Cicero ait, Causas eum distinguere *Perfectas et Principales*, aliasque *Adjuvantes et Proximas*. Secundum illas igitur, principium quidem motus et actionis dari; sed talis talisque motus, a causis Proximis, id est, a Voluntate et nobis. « Ut, inquit (Cic. ibid.), qui cylindrum protrusit, dedit ei principium motus, volubilitatem autem non dedit: sic visum objectum imprimet in animo suam speciem, assensio autem erit in nostra potestate: eaque, quemadmodum in cylindro dictum est, extrinsecus pulsa, quod reliquum est, suapte vi et natura movebitur. » Sed quod in *Viso* Cicero dicit, et hæret, parum pro interiore ipsa re videtur: et credo plura addidisse, quæ ævo exciderant. A. Gellius magis accedit, aut init, nisi fallor: et Chrysippea hæc sic compendio refert, hausta e libris ejus De *Providentia*, qui utinam exstarent! etsi nec Laertius eorum meminit, notabili in hac parte defectu. Sic, inquam, refert (Lib. VI, cap. 2): « Quanquam ita sit, inquit Chrysippus, ut ratione quadam principali necessario coacta atque connexa Fato sint omnia; ingenia tamen ipsa mentium nostrarum proinde sunt Fato obnoxia, ut proprietas eorum est ipsa et qualitas. Nam si sint per naturam primitus salubriter-utiliterque facta, omnem illam vim quæ extrin-

secus ingruit, inoffensius tractabilisque tramittunt. Sin vero sunt aspera, et insecuta, et rudia, nullisque artium bonarum adminiculis fulta; etiamsi parvo, sive nullo, Fatalis incommodi conflictu urgeantur, sua tamen sævitate et voluntario impetu in assidua delicta et errores ruunt. Idque ipsum, ut ea ratione fiat, naturalis illa, et necessaria, rerum consequentia efficit, quæ Fatum vocatur. Est enim genere ipso quasi fatale et consequens, ut mala ingenia peccatis et erroribus non vacent. » Additque ipsum illud exemplum, sive imaginem, de cylindro. Hæc si bene examinas, signate ab illo et *εὐεργετὴς* scripta: hoc colligas Chrysippum Fatum in causis primis constituere, ut qui talis et talis a natura et ingenio suo est, talia faciat excipiatque: qui alius, alia. Sed ipsum illud sic facere, a voluntate sit, quam tamen bonitas aut sævitas naturæ huc illuc inclinât. Ut lignum illud rotundum, sive turben, in prorum labatur suoque ingenio; quadrum non item; et resistat. Et addebat amplius, non debere « ferri audiri que homines aut nequam, aut ignavos, et nocentes, et audaces; qui quum in culpa et maleficio revicti sunt, perfugiant ad Fati necessitatem, tanquam in aliquod asyllum: et que pessime fecerunt, ea non suæ temeritati, sed Fato attribuenda esse dicunt. » Hæc ex illo: ipsum, uti dixi et iterò, utinam legisse fas nobis sit! Sed hæc non alio (mihi quidem) videntur ire: quam per *Naturam*, sive Deum (quæ prima causa est) homines alios aliter factos, ideoque ad bona aut mala inclinare; sed tamen causas illas primas et insitas temperari, aut flecti leviter a *Voluntate* posse, quæ inter proximas juvantesque censetur. Quum ergo inclinamus; aut præmiam nobis jure esse, si ad Bona; aut pœnam, si ad Mala. Manilius his interpret, aut assertor. Omnia, inquit (Lib. IV), Fato eveniunt:

Nec tamen hæc ratio facinus defendere pergit,  
 Virtutemve suis fraudare in præmia donis.  
 Nam neque mortiferas quisquam minus oderit herbas,  
 Quod non arbitrio veniunt, sed semine certo:  
 Gratia nec levior tribuetur dulcibus escis,  
 Quod natura dedit fruges, non ulla voluntas,  
 Sic hominum menti tanto sit gloria major,

Quod caelo gaudente venit : rursusque nocentes  
Oderimus tuagis in poenam culpamque creatos.

Satis aperire mihi Stoicorum mentem germanus Stoicus videtur, etsi nimis fortasse ad fatalia sua astra nos ligat. Sed heus, Chrysippe, si a Natura hæc constitutio aut devergium : Deum a malo qui excusas? quomodo non ille *Naturæ* auctor, atque ipsa Natura, malum malosque genuit, si tales fecit? Hoc caput est, et arx, ut sic dicam, causæ, nunc adeunda et occupanda. Aio Stoicos Mali principium non in Deo, sed in Materia (quæ tamen Deo, ut ipsi aliique voluerunt, ævo æqualis, et æterna), in Materia; inquam, constituisse. Itaque quum Deus homines aliaque faceret, omnia bona et in bonum fluxisse : sed repugnantem aliquam vim et malitiosam in illa fuisse, atque esse, quæ alio traheret : atque hinc *Interna*, atque etiam *Externa*, mala exstissee. Valde notabile, et vetus dogma, inter religionis etiam nostræ proceres decertatum. De Stoicis, Seneca aperte dixerit (I Quæst. Natural. in Præf.) : « Utrum Deus quod vult efficiat, an in multis rebus illum tractanda destituant : et a magno artificee formentur prava multa, non quia cessat ars, sed quia id in quo exercetur (Materia) inobsequens arti est. » Nota, Materiam *inobsequentem*, et ab ea *Prava* esse. Plato sæpe hæc tangit, et huc transit : ut quum dixit Materiam, aut in ea Animam, « incompositam et mali auctorem, sive maleficam. » Iterumque : « adversariam et rebellem Beneficæ Naturæ », id est, Deo. Animam sive Vim in Materia dicit : neque enim ipsam per se vult malam, sed latens in ea aliquid, quod in generatione se exserit et promit. Immo duas « Mundi animas ab eo statui, natu jam grandiore, in Libris de Legibus ; et quum diu fluctuasset, Beneficam ac Maleficam » ; Plutarchus est auctor. (De Iside et Osir.) Nou abit ab hoc sensu etiam Trismegistus (cap. 14) : « Ipsi factori Deo nullum malum aut turpe assignandum ; nam hæc sunt affectiones generationis assecleæ, sicut ærugo aeris, sordes corporis. » Paria Tyrius etiam Maximus, inter Platonicos, Sermonem huic argumento. Verba hæc pauca ejus habet (Serm. XXV) : « Sicut in opificio manualium artium, aliud ipsa ars ex professo facit, intendens operis sui finem ; alia consequuntur



opificio, non artis opera, sed materiæ affectus (ut scintillæ ex include exsistentes, ut fuligo e fornace, et aliud ex alia materia), quæ necessario adherent operæ, nec tamen artificis proposito: tale nimirum in his quæ circa terram eveniunt, quæque incursus humanorum malorum vocamus. In quibus innoxiam et inculpatam artem censendum, sed esse hæc Fabricæ totius Universi velut necessarias quasdam et consequentes naturas. » Quæ ad *Externâ* etiam, aut *Naturalia* mala ex mente ejus ducas: sicut et Senecæ ista: « Quare tamen Deus tam iniquus in distributione Fati fuit, ut bonis viris paupertatem, vulnera, et acerba funera adscriberet? Non potest artifex mutare materiam; hæc passa est. » (De Provid. cap. 5.) Itaque, ut addit, languida et ignava ingenia « inertibus nectuntur elementis; ut efficiatur vir cum cura dicendus, fortiore fato opus est. » Neque abouit, in principiis Fati aliquid esse, id est, in natura ipsa singularum rerum quod hoc aut illuc ducat: sed in malum, a Materie sic affecta. Vetus, ut dixi, hoc dogma: et an non Pythagoræ etiam? cujus illud traditur: « Principiorum alterum esse Unionem, id est, Deum et Bonum: alterum infinitum Binionem, id est, Dæmonum, et Malum, circa quam Materialis multitudo est. » (Euseb. De præpar. lib. XIV.) Sed et prisci aliquot in Ecclesia nostra, sive extraneam, tenuerunt; ut Hermogenes, Tertulliano oppugnatus: qui (ut hujus verba sunt, cap. 10 et alibi) « Materiam æternam cum Creatore proponebat, ut Malum a Materia, non a Creatore deduceret. » Oppugnavit et Maximus libello, ut apparet, docto et arguto: cujus magna lacinia Eusebianæ *œstis* (Stromat.) est inserta: et digna videri. Tangit hæc sententiam et Arnobius (De Præparat. Evang. lib. VII, cap. ult.), eruditus ille Afer; sed parum fortiter rejicit, immo propior videtur adherenti. Scribit alibi (lib. I) « Quid si prima Materies, quæ in quatuor rerum elementa digesta est, miscrarum causas ans continet irritationibus involutas? » (Ita enim prisca lectio, antehabenda editæ, in *rotationibus*; quia significat, aliquid in ea esse occultum, quod mala provocet et irritet. Siquid tamen mutandum, in *rationibus* magis vellem.) Hoc ibi, velut assentiens; sed alibi spernit, et impugnat (lib. II). « Mala ergo, dicitis, unde hæc omnia? Ex elementis, inquirunt, et ex eorum

inæqualitate, sapientes. Quod qui fieri possit, ut quæ sensum et iudicium non habent, malitiosa esse perhibeantur et noxia; aut non potius ille sit malitiosus et noxius, qui res pessimas, et nocentissimas futuras, in alicujus operis assumpsit affectum; eorum est, qui asserunt, pervidere. » Bene, dico, impugnat; quomodo enim bruta et insensa materia sic prava? viditque Plato, et fugit: qui *Vim* in ea et *Animam* maleficam ponit. Tamen iterum Arnobius iudicium a se abdicat, et alibi fatetur libere, Non liquere. « Quid ergo nos? inquit (eodem libro): mala unde? Responsionis necessitas nulla est; sive enim possumus dicere, sive minus valeamus, nec possumus: utrumque apud nos parum est: nec in magnis ponderibus duximus vel ignorare istud, vel scire, unum solum posuisse contenti; Nihil a Deo principe, quod sit nocens atque exitiabile, proficisci. » Vides fluctuationem ejus in Mali causa: assertionem tamen Boni semper et solum Dei.

## DISSERTATIO XV.

*Alia responsio nostra, et firmior, super istis. Distincta Mala Supplicii et Delicti: et quibusque suis auctor assignatus.*

QUANTO autem clarius hæc gentilis ejus, et ævo paulo anterior, Tertullianus, o magnum Ecclesiæ lumen, nisi caduca stella fuisset! Is distincte admodum objectiunculis et Gentilium, et Hæreticorum, respondet, quorum assidua ista, Unde mala Interna, aut Externa? Et Marcion ille famosus, ut elideret, duos Deos inducebat, Bonum et Malum: et utrumque, talium auctorem. Quod sumptum a Magis Chaldaeorum aliquis dicat: quorum fuit, « Duo principia rerum esse, Bonum Dæmonem, et Malum: quorum ille Jupiter, sive Ormasdes, illorum lingua; iste Pluto, sive Arimanius diceretur<sup>1</sup>. » Ab illis, inquam, propius et vicinius hoc sumpserit, quam a Stoicis; qui Materiam causam Mali, sed non Deum, faciebant. Sed ad rem in illum ita scribit (lib. II, cap. 14): « Mala dicuntur, et Delicta, et Supplicia. Sed adhibita distinctione utriusque formæ,

<sup>1</sup> Vid. Plutarch. de Isid. et Osirid. Laert. in Prefat. aliisque.

separatis malis Delicti et malis Supplicii, malis Culpæ et malis Pœnæ : suum cuique parti definimus auctorem. Malorum quidem Peccati et Culpæ, Diabolum ; malorum vero Supplicii et Pœnæ, Deum creatorem. Ut illa pars, Malitiæ deputetur ; ista, Justitiæ, mala condentis judicia, adversus mala Delicti. » Optime. Mala culpæ, vere mala, non sunt a Deo ; mala pœnæ, dictione et opinione mala, sunt (audacter dicimus) ab illo. Damascenum audi (lib. IV, cap. 20), Græcum Afro congruentem : « Dupliciter Malum dicitur. Natura, quod virtuti adversatur, et divinæ voluntati. Opinione, quod sensu nostro tale est ; ut sunt calamitates, et afflictiones. Nam hæc in specie mala, re bona sunt, sapientibus conversionis et salutis causa. » Addit deinde seitum corollarium : « Sciendum, quod et horum nos causæ simus. Nam malorum quæ a voluntate sunt, hæc quæ contra eam, sunt proles. » Quid potest verius aptiusque ? Externa mala tu accusas ? te potius et interna tua, quibus hæc provocasti, et (illius metaphora) procreasti. Ante sanctam virum, quam sapienter hoc magnus ille Homerus ? Apud quem Jupiter :

ὦ πόποι, ὅσον δὴ νῦν τοὺς βροτοὺς αἰτιάζωνται.  
 Ἐξ ἡμέων γὰρ ποτὶ κακ' ἔμμεναι· οἱ δὲ καὶ αὐτοὶ  
 Ἐφ' ὅσων ἀνασταλόντων ὑπὲρ μέσων ἄλγος ἔχουσιν. (Odys. a.)

Vah : quam nunc homines injuste numina culpant !

Ex nobis namque esse mala aiunt, at sibi ipsi

Nequitia propria, præter Fatum, mala gignant.

Potuisse aliquem profundum hoc Providentiæ penetrare, si non a celesti aura provectum ? profecto fuit. Stulti, inquit, mortales Deum inscribunt cladihus auctorem : sese debent. Non enim ille, nisi ob proprias eorum culpas, hæc immittit ; nec Fato simpliciter, nisi attexta causæ talis, destinavit. Punit, sed quia peccarunt. Nexa hæc sunt : et ideo Zeno noster olim, servo in furto deprehenso, quum castigaret, atque ille reclamaret, « Fatale mihi erat furari : Et cædi, inquit. » Igitur non hæc Mala, sed Opinione tantum, sive ut Seneca, *Specie*. Ita enim alibi (Epist. xcv) : « Dii nec dant malum, nec habent : cæterum castigant quosdam, et coercent, et irrogant pœnas, et aliquando specie mali puniunt. » Jam hæc capis, et assentiris ? Arn. Capio, assentior : nec vel jus est in hos testes refra-

gari. Tamen explicatius, quæro; Malorum culpæ da auctorem. *Diabolum*, aiebas ex Tertulliano. Sed quid? au non et hunc Deus fecit? ergo malum, et mala. LIPS. Respondeo, Diabolum auctorem sui sibi mali fuisse, nostri suasorem. Quomodo? nam Deus hunc quoque bonum fecit primitus, sed liberi sui arbitrii et spontis: elegit autem malus esse. Itaque si quæris, Unde malum? cum Damasceno dicam: « Spontaneæ voluntatis Diaboli inventum. » (Lib. IV, cap. 21.) Ipse sibi, et ex se, fecit: si eo verbo in re nihili est utendum. Malum enim non est aliquid *quod Est*; baud magis quam Tenebræ, aut Cæcitas: sed duntaxat privatio et deliquium boni. Et inde aptissima voce Latini *Delictum* dicunt. Ergo non proprie dixerim *Factum*, aut *Productum*: magis admissum et inductum: sicut luci tenebræ, Soli nox succedit. Creationem igitur non quære: causam potes; atque ea est Voluntas. Augustinus subtiliter (XII De Civit. cap. 6), ut solet: « Mala voluntas est efficiens, operis mali; male autem Voluntas efficiens, est nihil. » Iterumque (cap. 6): « Nemo quærat efficientem male Voluntas; non enim est Efficiens, sed Deficiens: quia nec illa effectio est, sed defectio. » Tenebras nemo videt; silentium nemo audit: intelliguntur absentia contrariorum, quæ sunt; ita hic, quod Malum est, non vides, neque proprie subsistit; neque omnino, ut verbo dicam, est. Ecce in exemplo. Fornicatio actus est, et malus, subsistit et est aliquid, sed ea parte non malus, quæ est amor, conjunctio, actio: ea tantum, quæ præter aut contra Deum ejusque legem exercetur. Itaque initium habet, Boni absentiam; auctorem, Voluntatem; incitatorem, Diabolum. Hæc subtilia, et nostræ Theologiæ! inquires. Sunt, et non sunt; nam et Plato, et Platonici sic adstruxerunt. Ille alibi (lib. X de Rep.), in oratione Læchæsis: « Virtus dominum non habet, libera est; quam ut quisque colit, aut negligit, plus minusve ex ea habebit. Causa eligentis: Dens autem extra culpam. » In arbitrio et voluntate utrumque est nostra, Virtus Vitiumque: « Et malitiam (ait Tyrius Maximus) libertas animæ et parturit, et parit. » Satis jam dedi Deum non auctorem: et cum Platone hoc claudimus: « Deus, et omnia quæ a Deo, semper et ubique optime habent. » (In Timæo.)

## DISSERTATIO XVI.

*Tertio quæsitum de Malis Externis : et responsum. Videri etiam minima illorum a Deo esse.*

AUD. Et satis accepi equidem : sed de *Externis* malis levi sermone, et ut transiens, libasti. Non tanti sunt? Atqui, Deus bone, quam culpant? Poetæ, oratores, ipsi Philosophi inclamant, et ab hoc aspectu non Providentiam tantum, sed Deum pæne tollunt. Juvenis aliquis obiit? vir bonus, et vita dignus, obiit? audi voces.

..... Ignoscite fasso,

Sollicitor nullos esse putare Deos. (OVID.)

Alterius : « Convalesce, ne optimi Senatoris longa vexatio faciat fidem, Nihil curare cælestes. » (Symmachi lib. VIII.) Quid muliercula, quæ e sepulchro clamat? « Procope manus levo contra Deum, qui me innocentem cito sustulit. » Quid ergo? melius erat *nocentem*? iterum alius (Quadrigar.) : « Hæc maxima versatur Deorum iniquitas, quod optimum quemque non sinunt diurnare. » Jam ubi boni jacent, mali florent et vigent; quot querelæ?

Marmoreo Licinus tumulo jacet, at Cato parvo,

Pompeius nullo : credimus esse Deos?

Jason ad Medeam, in scelere felicem :

Testare nullos esse, qua vcheris, Deos. (SEN. in Med.)

Alius Tragicus :

Τολπῷ κατὰ πτεῖν, μὴ ποτ' οὐκ εἶσι θεοί,  
Καὶνὸν γὰρ εὐτυχεῖντις ἐκπλήττουσι μὲν

Audeo profari : Suntne vel regnant Dei?

Namque improborum me attonat felicitas.

Iterum poeta :

Quinetiam infelix Virtus, et Noxia felix;

Et male consultis pretium est, Prudentia fallit :

Nec Fortuna probat causas, sequiturque merentes :

Sed vaga per cunctos, nullo discrimine, fertur. (MANTIL. IV.)

Feratur : quid deinde inferitur ?

..... Jamjam neque Dii regunt ,

Neque profecto Deum summus rex omnia curat.

Non sit finis ejusmodi sermonum : quos impios scio, et expuo : sed cogitationum umbras istas quis potest statim et fortiter pellere, nisi Ratione munitus? quam a te exspecto. LIPS. Ego vero transivi, ut ais, et attingi : quid enim opus dicta mihi aut aliis iterare? Olim in *Constantia* satis ostendi causas suas et justitiam hæc omnia habere, quæ in prima fronte alienissima ab ea videntur. Quid ipse noster Seneca, nonne proprio libello *Providentiam* satis asseruit contra ejusmodi vellicationes, aut morsus? Et pleræque istæ Afflictuum voces sunt, non Judiciorum. Matrem tu illam audies, ut ratione loquentem, quæ amisso filio,

Atque Deos, atque astra vocat crudelia?

audies, sed ut matrem. Tale in aliis, qui de immatura aliqua morte queruntur : in qua sensus et rationis compotes gratulari et gaudere debebant. Nugatoria hæc sunt. At floret, et dives est aliquis malus. Magnum! habeat sibi, in curam, angorem, ruinam. Pauper, bonus. Quid mali? nisi iis qui « hæc sola mala autumant, quæ non faciunt malos : et magis erubescunt (ab Augustino mutuor III De Civit. cap. 1) si Villam malam habeant, quam Vitam. » Alibi distinctius de causis diximus : sed semel nunc et universe, in istis omnibus opinione Malis, aut Punit Deus, aut Exercet. Punit malos aut junctos malis : exercet suos et firmat. Junctos dixi; nam sæpe contagione quadam, ut mali bonorum, sic boni malorum consortes fiunt, utrique ob utroque. Nec Homerus hoc nescivit, qui de Græcis afflictis causam reddit,

.... ἐναι οὐτε νεκροὺς, οὐτε δίκαιους

Ἄδρις Ἰσάρ (Odys. γ.)

.... quia nec sapientes, sed neque justi

Omnes vivebant.

Audis, *omnes*? ob mixtos malos, male fit igitur et probis : sed ob

probum aliquem finem. Augustinus (IV De Civit. cap. 3) : « Justis quidquid malorum irrogatur, non est pœna criminis, sed virtutis examen. » Stringo, etsi in lato ad cursum campo : alia nos vocant. AUB. Ego tamen leviter teneo, aut tuus Seneca : hunc audi, et te indulge. Ille vero in his *Externis* non agnoscere, aut approbare Providentiam videtur : certe non semper. Verba ejus perpendenda (Epist. xcv) : « Deos esse, qui universa vi sua temperant, qui humani generis tutelam gerunt, interdum curiosi singulorum. » Scis eum verba bene librata dare : quid hoc est, Deos *Universa* curare ; *Generis* totius humani tutelam gerere, etiam *Singulorum*, sed *Interdum* ? Quid, inquam, nisi interdum negligi et seponi ? Consequitur, quoquo te vertas : nec aliud in mente sensit. Est nempe hoc quod Balbus ille Stoicus apud Tullium adfirmat, « Deum singulos homines curare » : sed cum exceptione, quam addit : « Nec vero hoc ita refellendum est, ut si segetibus, aut vinetis cujuscumque tempestas nocuerit, aut si quid e vitæ commodis casus abstulerit ; cum, cui quid horum acciderit, aut invisum Deo, aut neglectum a Deo judicemus. Magna dii curant, parva negligunt ; magnis autem viris prospere eveniunt semper omnes res : siquidem satis a nostris (Stoicis) et a principe Philosophorum Socrate dictum est, de ubertatibus Virtutis et copiis. » (II De Natur. Deor.) Hæc illuc eunt, ut Deus insuper habeat, et quasi conniveat, dentur Externa, non dentur singulis, Bona sive Mala : et satis, si Virtus adsit ; in qua una Felicitas et beatæ vitæ summa. Et Cotta in refellendo (lib. III, extr.) prorsus hoc apprehendit, *Singulos non curari* semper a Diis, ex Stoicorum sensu : in hac, dico, Externorum parte. Ubi ergo, Lipsi, Providentia tua omnium et singulorum ? LIPS. Immo, nec hic Austellus turbavit. Seneca, et alii, aliquid vacillant : sed non ut nesciri ista a Deo faciant (non opinor), sed patiente eo, et velut connivente evenire. In Materia hæc insita erant, ut dictum est, ideoque quadamtenus a Providentiæ lege exempta : si ita accipis, ut nolis immittere ea, sed permitti. Non aliud hic video : immo illud video, Senecam toto libello *De Providentia* huic neglectui adversum, et ex destinato omnia, et consulto, et bono etiam nostro fieri. Sed jam ad planiora et minus aspera.

## DISSERTATIO XVII.

*Triplex objectio contra Fatum ; ordine solvuntur singule.*

Aut. Nec nunc dimittam. In Providentia acquiesco, flectuo etiam in Fato. Immobile dixisti : quomodo potest, triplici ista injectione ? Primum, Magia, et Genii inferi vel aerii mutant, aut incidunt : usu notandum, et Lucano alibi clare scriptum. Deinde, Deus ipse mutat, qui precibus exoratur ; et flectitur, atque adeo pœnitet : quod ipse in Sacris de se dicit. Tertio, si pertendis omnino immutabile ; Peccata ab eo non excludes, quidquid ante dixeris, et necessario evenient ex Præscientia illa divina. Has quoque nubeculas si pellis ; o te meum Solem, et fato mihi quoque datum ad animum serenandum ! Lips. De Fati serie diximus : tu quoque videris eam nectere, et catenam struere interrogationum. Solvamus tamen levi opera ; nec fortasse implicata nimis, quæ offers. De Magia, commemini sane Lucanum scribere, ubi Thessala illa maga ad Pompeium filium :

..... conciditur arti,  
Unam quum radiis presserunt sidera mortem,  
Inseruisse moras : et quamvis fecerit omnis  
Stella senem, medios herbis abrumpinus annos. (Lib. IV.)

Hoc in singularibus satis jaetat, sed in publicis, abdicat.

Nam simul a prima descendit origine Mundi  
Causarum series, atque omnia Fata laborent,  
Si quidquam mutasse velis, unoque sub ictu  
Stat genus humanum : tunc, Thessala turba, fatemur ;  
Plus Fortuna potest.

Hæc poeta ille ita divisim, qui amat quidem Stoicus sæpe esse : in hæc tamen sententia hæreo, nec temere decido. Quid vult ? singularia Fata ab æterno et a *prima origine Mundi*, ut loquitur, non definita apparet : aut saltem seorsim causas suas habere, nec cum aliis implexas. Itaque sollicitari et moveri, sine confusione aut turba Universi. Aliter in Publicis ; quæ plures tangunt, et pluribus nexa sunt et injuncta. Ista, dico, mens videtur : sed vana. Nam quan-



tumvis subitum aliquid, aut inopinatum a Magia intervenit (neque enim negamus), nostro tamen sensu id fit, Deo jam ante visum et scitum. Talis, dico, illa subita causa, inter medias est, et adju-trices illius Fati. Quod autem de Publicis ait, non mutari, id sane verum, nec magis tamen minusve, quam Privata: sed hoc singu-lare habent, quod noluerit minutos istos Genios hic inseri, et totum illud notabile et nobile regimen sibi, aut altioribus Geniis, asservavit. Itaque mirum satis est, omnem Genialem collatam ope-ram nihil in Regum consilia vel arcana, nihil in Judicum decreta aut poenas: addo, parum aut nihil in rem nummariam, aut the-sauros, posse. Vim illorum et subtilitatem si vides, quid facilius, quam in cubicula Principum irrumpere, litteras tollere, aut suppo-nere? in arcam meam aut Crassi potius alicujus penetrare, et vim pecuniae auferre, clientulis suis largiri? Non possunt: refrænât benignus, et nostri curator Deus; ne si hæc talia faciant, magis ad se alliciant, et in barathrum secum trahant. Atque hoc de Ma-gia igitur, ex vero si vides, non refellit Fatum: si ex Læani sensu, dubito, et ne ille quoque voluerit (supra dictum) cum pa-truo suo negligi interdum res, aut Fata *Singulorum*. Altera injectio; de Precibus, et Deum flecti ac mutari. Pro vulgo satis hic loqueris, et altius ire te volebam, et prævi. Quid? Deum tu censens mutare sententiam? ira aut miseratione, humanum in morem, tangi? Im-mutabilis est: et Sacra quod sic loquuntur, pro captu nostro est, et figurato duntaxat quodam sermone. Augustino hoc credes, sic scribenti (XIV De Civit. cap. 11): « Deus etsi dicitur statuta mu-tare (unde *tropica* locutione in Scripturis sanctis etiam pernituisse legitur) juxta id dicitur, quod homo speraverat, vel naturalium ordo causarum gestabat: non juxta id, quod se omnipotens factu-rum esse præciverat. » Item alibi (XXII De Civit. 1): « Quum Deus mutare dicitur voluntatem, ut quibus lenis erat, verbi gratia, reddatur iratus, illi potius, quam ipse, mutantur: et eum quo-dammodo mutatum, in his, quæ patiuntur, inveniunt. Sicut muta-tur Sol oculis sauciatis, et asper quodammodo ex miti, et ex dele-etabili molestus efficitur, quum ipse apud seipsum maneat idem qui fuit. » Tale in Hieronymo, quum ad hanc objectionem respondet

(In Ezech. cap. 33) : « At prædixit aliquid Deus », addit : « Non enim prædixit, ut veniat, sed ne veniat : et ideo comminatur, ut convertatur ad poenitentiam cui minatur », et alibi (In Daniel cap. 2) planissime cum Augustino : « Ad preces Ezechie et Ninive Dei sententia commutata est : non vanitate iudicii, sed eorum conversione qui meruerant indulgentiam. » Jam tertium quod opponas, est a Præscientia Dei, quasi eventus alligante, et sibi adstringente. Id firmum quum primo videatur, infirmisimum est inspectum et exploratum. Qua Præscientia? nego in Deo esse. Non enim præseit proprie, sed scit; nec prævidet, sed videt. Nostræ imbecillitatis verba sunt, qui tempora partimur, nec aliter intelligimus : Deo omnia juncta, nexa, unita, Præteritum, Præsens, Futurum. Omnia, inquam, in præsentem et in oculis habet, et Æternitas illi est momentum. Imagine aliqua hoc discrimen Maximus Tyrius ostendere voluit (Serm. I), comparatque « Divinam mentem Soli, qui uno intuitu, quod ubique est lustrat : hominem Viatori, qui longa mora, et temporum intervallo hæc et illa videt, et non videt. » Tenuis comparatio, sed illustriorem unde sit dare? Itaque læx et sordes nostri intellectus sunt, quum argutamur de hæc Præscientia : cogita autem vere Scientiam esse : et simul capies, quam nulla necessitas ab ipsa impressa. Ecce ego te in convivio potantem, saltantem, amplexantem : certo quidem video, nec fallor : numquid ergo causam præbeo, aut eogo? Negabis, et hic nega. Illud magis urgeat aliquis : An non vult igitur illa fieri? Vult, non vult : et distinguo. Est Voluntas in Deo, quæ Græcis Theologis κατ' ἐκδοξιν dicitur : id est, *voluntas juxta id quod libet, et placet* : atque ea est vere et proprie voluntas. Est altera κατὰ συγκατάθεσιν, *ex permissione et concessu* : qua habet se in modum sipientis magis, quam assipientis. Illa prior in Bonis est, aut Mediis : hæc altera in vere Malis, id est, Peccatis, quia videt fieri, et patitur (quid enim illo invito fiat?) sed causas medias liberas et sui juris fecit, nec immutat. Iterum curiosulus : At potuit fecisse hominem in bono firmam, nec malo flexilem : cur non fecit? Stulte causa a causa ipsa petitur : aliquid tamen, ut homo, dicam. Liberum fecisse voluit, et decuit illum sublimem inter omnia animalia, illum

Deo propinquum. Perfectus homo non erat, si liber non erat. Denique sic placuit; cui nisi optimum placere non potest: quid inquiris? « Et quamquam præscierat (Tertullianus Adv. Marc. II, c. 7) hominem male institutione sua usurum: quid tamen dignum Deo, quam gravitas, quam fides institutionum qualiumcumque? » Sed gradum jam refræno. Providentia et Fatum verbis satis asserta sunt, magis seipsa quotidie factis. Tencamus utraque manu, amplectamur toto animo, omnibus et singulis hæc intervenire. Homerus clamat:

.... Μοῖραν δ' εὐτίνα φησὶ πεφυγμένον ἀνδρῶν,  
Οὐκ ἄνδρ', εὐδαίμων δὲ τὸ βέλλον, ἴσθ' ὅτι πρῶτα γίνεται.

.... Fatum aio nullum vitasse virorum  
Pravum, sive bonum, quam primum venit in orbem.

Quis fructus erit? Patientia, et Constantia. « Ad hanc legem animus noster aptandus est, hanc sequatur, huic pareat: et quæcumque fiunt debuisse fieri putet, nec velit objurgare Naturam. » (Ep. cvii.)

#### DISSERTATIO XVIII.

*Genios etiam esse, Dei et Providentiæ ministros; eorum genera, et sedes, ac de Heroibus primo, Laribusque.*

DEUM supremum, et divina, vidimus: ad ministeria ejus imius, sive Genios, quos non auxilium (quid opus erat?) sed ornamentum, et testandæ bonitati, sive magnitudini, assumpsit. Atque etiam ordiinem assumpsit. Nam quum « Mundus Deorum hominumque sit civitas, » ut Stoicis placet: decorum et ordo voluit ubique eum coli; et ab iis, qui gradibus et dignitate distinguerentur. Plato et Platonicus quam multa de istis; sed mihi lubet et convenit in Por-ticu hære: quæ ita definivit (apud August. VII De Civit. c. 6), Varronis verbis. « Mundum dividi in duas partes, Cælum et Terram. Et Cælum bifariam, in Æthera et Aera. Terram vero, in Aquam et Humum. Quas omnes quatuor partes animarum esse plenas: in Æthere et Aere, immortalium; in Aqua et Terra, mortalium. A summo autem circuitu cæli, usque ad circulum Lunæ, Æthereas animas esse, Astra ac Stellas, eosque Cælestes Deos non

modo intelligi esse, sed etiam videri. Inter Lunæ vero gyrum, et  
 minutorum ac ventorum caecumina, Aereas esse animas: sed eas  
 animo, non oculis, videri: vocarique Heroas, Lares et Genios. »  
 De Aqua et Humo omittit, in quibus sunt mortale genus, Homi-  
 nes et Bruta. Ilæc vero pulchra, et Varrone digna, examinenus;  
 atque ad ea Stoicum præcipue sensum aptemus. Dividit *Cælum* in  
*Æthera et Aera*. Ita enim nostri, nec nisi purissimum illum et  
 cælestem ignem, non alium subtilis Lunæ circum agnoscunt. *Aera*  
 autem *Cæli* voce comprehendunt et Hebræi passim, quod e Sacris  
 nostris est notum. Addit mox, » Eas omnes partes Animarum esse  
 plenas. » Plenas? Æneæ Gazæi verbis (In Theophrasto) hoc ad-  
 struendum est, pii et docti scriptoris. » Atqui potestatum intelli-  
 gentium (id est, Spirituum) plenum totum cælum, plenus æther  
 angelorum et dæmonum, plenus aer, plena terra, et mare, et  
 omnia quæ sub terra. Atque ut dixit aliquis<sup>1</sup> nostrorum Sapientum,  
 nihil vacuum, ubi vel capillum in Æthera Aeraque jacias. » Vera  
 dicit; infinitæ, nostro sensu, myriades myriadum sunt, Bonorum  
 Malorumque; Deo finitæ. Memini in veteri quopiam legere, » Non  
 aera ætate tam plenum muscis, quam Geniis esse. » Addit Æneas  
 amplius: » Si Deus donet hunc Mundum decem millia annorum  
 etiam stare, et homines vivere assidue ac mori: numquam tamen  
 Angelorum Dæmonumque numerum Animæ superstites possint  
 æquare. » Pergamus in Varrone, qui ait: » A summo cælo ad cir-  
 culum Lunæ Æthereas animas esse. » Paulô alia distinctio in Mar-  
 tiano Capella (lib. II), qui » Deos, quos ignitæ substantiæ flammant-  
 isque suspicimus, ab ipso Æthere spheræque superioris ambitu,  
 usque solarem circulum » deducit et locat: eosque » Deos simplici-  
 ter, itemque Cælitæ perhiberi et causarum arcana componere. Illi  
 Jovem ipsum regnare. At intra Solis meatum, usque Lunarem glo-  
 bum, secundæ Beatitatis numina, supparisque potentie esse: per  
 quæ Vaticinia, Somniaque, ac Prodigia componuntur. » Itaque et  
 Genios ibi locat, non in Aere; aliter ac nostri, et Plato ipse. Unde  
 hauserit, non nunc quæro: ad meum redeo, qui in *Æthere Ani-*

<sup>1</sup> Aliquis e Patribus Christianis.

*mas ponit, Astra ac Stellas.* Quod in parte Stoicum, atque etiam Socraticum, Sidera aut Animas, aut animata esse. Pergit: « At vero inter Lunæ gyrum, et nimborum ventorumque cœcimina. » Observa: ergo tantum in mediâ aut supera Aeris regione *Heroes, Lares, Genios* locat? Apparet e verbis: si tamen satis plena Augustinus ea retulit, aut exscriptor dedit. Nam ego hercules ambigo, et controverto: jure. Quid? *Genii* nulli in Aere infero, et circa terram? sunt vero, et innumeri: atque ipsi nostri omnes tutelares. Quid *Lares*, in Aere supero? inio inferum istum colunt, atque adeo domos et focos. Denique communis opinio, qui de Geniali hac re scripserunt, totum Aera iis assignat. Quid ergo in Varronis scripto aut sensu hic sit, plane haud dixerim: exempla videamus. *Animas* ibi esse, quæ vocentur *Heroes, Lares, Genii*. Tria genera dat, situ etiam diversa; nam *Heroes* in supero Aere, Lunæ vicini; *Lares* in imo, Terræ; *Genii*, per totum eum sparsi agunt. Licet autem distinctius dividere, *Geniorum* alios (communi nomine) *Animas* quidem esse, sed quæ aliquando in corpore fuerint: uti sunt *Heroes, et Lares*. Alios, præstantiore dignitate, qui semper a corporis compedibus ac nexibus liberi egerant: ut sunt *Genii* proprie dicti. Et qui sunt *Heroes*? Alii nobis, alii Platoni, qui eos *ἡμῖν*, *Semideos*, vocat ex *Aqua* natos (In Epinonide): quod scilicet crassiore quadam substantia, quam *Genios* Aereos, constare ac confici censeret. Hos ἀπὸ τοῦ ἕρως derivat (In Cratylo), « quod ex amore immortalis Dei in feminam aut immortalis femine in virum, procreari videantur. » Cujus sententiæ et Hesiodus fuit, quem scripsit (in Ἑρως):

Ἄνδρῶν ἡρώων θεῶν χείρας, οἱ καλέονται

ἡμῖν

Divinum genus Heroum, quos et vocitamus

Semideos.

Alii ab ἥρας, id est, *Junonis*, aliique ab ἥρας *Terræ* voce *Heroes* formant: quod « *Hera* veteres (ait Marcianus) *Tertiam* dixerunt »: quasi terrestres quosdam Deos. Atque ita Prisci Latini *Semones* dixerunt, velut *Semi homines*: nam *Hemonem* illi hominem efferebant. Sed Augustinum pro Stoico sensu audiamus (lib. X, c. 21):

« Herois nomen a Junone dicitur tractum, quod Græce Juno Ἥρα appellatur: et ideo nescio quis filius ejus Heros fuerit nuncupatus. Hoc videlicet, veluti mysticum, significante fabula, quod Aer Junoni deputetur, ubi volunt cum Dæmonibus Heroas habitare, quo nomine appellant alicujus meriti animas defunctorum. » Apuleius consentienter (De Deo Socr.) : « Deos appellant (hos minores) qui ex hominum numero juste ac prudenter vitæ curriculo gubernato, pro numine postea ab hominibus præditi<sup>1</sup>, fanis et cæremoniis vulgo admittuntur: ut in Bæotia Amphiaraus, in Africa Mopsus, in Ægypto Osiris, alius alibigentium. » Plutarchus: « Stoici Heroas dicunt, τὰς ἀσχυραστὰς ψυχὰς τῶν ἀσπέντων: animas a corporibus abjunctas. » Nec tamen omnes: et restringit merito Laertius, inter Zenonia: « Heroas esse, relictas animas Sapientum. » Lucanus (lib. IX, v. 6 seqq.) :

Quodque patet terras inter Lanæque meatus,  
Semidei manes habitant; quos ignea virtus  
Innocuos vita, patientes ætheris imi  
Fecit, et æternos animam collegit in orbes.

Plura nos, ubi de Anima: libasse nunc satis est. Qui autem *Lares*? Seneca a Geniis separat (Ep. xc): « Quid sint inferi, quid Lares, et Geni? »: sed Apulcius clarius aperit. « Animum humanum, exutum, et liberum stipendiis vitæ, hunc, inquit, vetere Latina lingua Lemurem reperio dictitatum. Ex hisce ergo Lemuribus, qui posteriorum suorum curam sortitus, pacato et quieto numine domum possidet, Lar dicitur Familiaris. Qui vero, propter adversa vitæ merita, nullis bonis sedibus in terra, vagatione, ceu quodam exilio punitur, inane terculamentum hominibus, cæterum noxium malis; hunc plerique Larvam perhibent. Quum vero incertum est quæ cuique eorum sortitio evenierit, utrum Lar sit an Larva; nomine Manem Deum (sic legendum) nuncupant. » Nemo melius descripsit; etsi breviter etiam Marcianus Capella (lib. II): « Lemures, si vitæ prioris adjuti fuerint honestate, in Lares domorum urbiumque vertuntur: si autem depravantur ex corpore, Larvæ perhibentur ac Maniæ. » Ecce igitur duas Animas, quas in Aere

<sup>1</sup> Lega portas hominibus præditi.

Varro locat : itemque Capella , « sed superiorem partem esse Heroum , inferiorem Manium. »

## DISSERTATIO XIX.

*De Geniis proprie dictis, Bonis Malisque. Singulis eos esse, item locis, et regionibus : et eorum curæ, aut opera.*

At jam *Genios* ipsos, quos distinximus a duplici priore genere, videamus. Unde ordiar, ubi desinam ? nam verè licet dicere, adeo hæc Græcis Latiniisque « frequentata et celebrata esse ; ut nemo ea commemorare adortus sit, quin multo plura omiserit, quam recensuerit. » (Apul.) Ingens copia rerum, et sensuum ; nec miremur, quia certe ingens hoc Naturæ et arcanum ministerium, quod per omnia ejus membra se spargit, insinuat, penetrat ; secundæ a primo Deo causæ, et quæ miranda nobis, aut stupenda conantur quotidie, aut patrant. Magne et occulte Deus, tales etiam tui famuli : quos sine veneratione et metu vix est tangere, adstantes hic nobis, spectantes, et arbitantes. Date veniam : liceat cum pace vestra libare, aut iterare dicta aliis : sed compendio et dilectu, ut rei nostræ et sectæ convenientia videbuntur. Esse igitur tales, Stoici asserunt, eosque Græce *δαίμονες* dici ; et definiunt, *οὐρανοῦ ψυχιδές*, *substantias animatas* : id est, Animæ in materiæ similes, usu et fine distantes. (Plut. I De Plac. cap. 8.) Pythagoras ante eos : « Esse totum aera plenum animis : easque et *Dæmonas*, et *Heroas* existimare. » (Laert.) Nam *Lares* Græci non distinguunt, imo, cum *Heroibus* confundunt : atque ita Glossæ, *ἥρωες*, *Lares*, non semel interpretantur. Sed *Dæmones* igitur illis hoc genus dicti. Quare ? « aut quia sunt *δαίμονες* » (Macrobii verba I Saturn. cap. 23) id est, scientes futuri ; aut, « ut Posidonius scribit in libris quibus titulus est *περί ἡρώων καὶ δαιμόνων*, quia ex ætherea substantia parta (lego *partita*) atque divisa qualitas illis est ; sive ἀπὸ τοῦ δαιμόνου, id est, *καυόμενου* seu ἀπὸ τοῦ δαιμόνου, hoc est, *μυριζόμενου*. » Vides hominis Stoici (Posidonii) super verbo sententiam, quæ fere est et Platoniorum : sed ipsæ ex *Ætherea substantia* fingit, isti ἀπὸ τῶν γένος (ipse ita Plato, in Epinom.) *Aereum genus* faciunt ; non tamen ex « hæc sæculenta et

humida caligine conglobata corpora, sed ex illo purissimi Aeris liquido et sereno elemento coalita. » En aliquod discrimen in materie ; et Stoici consentienter reliquæ suæ doctrinæ ex *Æthere* formant, ex quo et Animas humanas. Sed hi sunt, quos Latini *Genios* dicunt. Tertullianus (Apolog. cap. 32) : « Nescitis Genios Dæmonas dici, et inde diminutiva voce Dæmonia ? » Lactantius (lib. II, c. 14) : « Hi spiritus sibi Geniorum nomen assumunt : sic enim Latino sermone Dæmones interpretantur. » Festus etymon dat, « Genium esse Deum, qui vim obtinet rerum genendarum<sup>1</sup>. » Addit deinde : « Aufustius inquit, Genius est Deorum filius et parens hominum ex quo homines gignuntur : et propterea Genius meus nominatur, quia me genuit. Alii Genium esse putant, unius cujusque loci Deum. » Varia miscet : scernamus, et illustremus. Quin *Genius* a *genendo*, non dubium : sive quia genuit nos, sive, ut Apuleius, « quia nobiscum genitur. » Aufustius aiebat, « *Deorum filium esse* : » quorum ? immo unius Dei, Jovis ; ex ipso Festo : « Tages Genii filius, nepos Jovis, » qui disciplinam aruspicii dedit. Igitur supremi Dei filius, et (nisi fallor) Varronis interpretatione Mundus. Augustinus : « Quid est Genius ? Deus est, inquit (Varro), qui præpositus est ac vim habet omnium rerum gignendarum. » Subdit Augustinus : « Quem alium hanc vim habere credunt, quam Mundum, cui dictum est, Jupiter omnipotens, progenitor, genitrixque ? Et cum alio loco Genium dicit esse uniuscujusque Animum rationalem, et ideo esse singulos singulis : talem autem, Mundi animum, Deum esse : ad hoc idem utique revocat, ut tanquam Universalis Genius ipse Mundi animus esse credatur. » Haud dubie in his doctissimi Varronis Stoica aliqua sententia est : et qualis ? Genium duplicem esse : *Singularem*, Animum suum cuique ; *Universalem*, Animum Mundi. Hic igitur Animus, sive « Incorporalis Ratio (ut Seneca) ingentium operum artifex, » Genius ille est a *genendo*. Nec inepte *Dei filius*, quia ab eo est, et idem ipse. Itaque vides duplicem ab iis Genium statui : quod item a Capella. « Ex superiorum, inquit, Deorum arbitrio, et secundorum comitatu, et Generalis omnium præsul,

<sup>1</sup> Ita leg. non *gerendarum*.



et Specialis singulis mortalibus Genius admovetur, quem et Præstitem, quod præsit<sup>1</sup> gerendis omnibus, vocaverunt. Nam et populi Genio, quum Generalis poscitur, supplicant; et unusquisque gubernatori proprio dependit obsequium. » Ubi tamen *Generalem* illum ad populos tantum singulos, provinciasque : sicut *specialem* ad homines, urbes, loca alia certa, videtur allegare. Sed Varroniana mens alia fuit : etsi apta et vera etiam hæc divisio, quosdam Geniorum sub illo magno Imperatore, velut Legatos aut Tribunos, populis regionibusque curare; alios iterum quasi Centuriones, collegiis, oppidis, vicisque; denique et gregales milites, singulis hominibus, locisque. Ita templum *Genii publici*, sive *Genii p. r.* scimus in Urbe fuisse : item Colonis, suos Genios : ipsi Principi seorsim suum, grandio rem aliquem grandiori. Panegyricus scriptor, « Habes profecto aliquod cum illa Mente divina, Constantine, secretum, quæ, delegata nostri diis minoribus cura, uni se tibi dignatur ostendere. » Ostendere, per astitem et præstitem Genium aliquem digniorem. Nota superstitio, an adulatio vetus Romana, per Genium Principis religiose jurantium. At nobis, inquit, Dii minores sufficiunt. Vulgatissima autem hæc sententia Genios, a natali die, cuique asserentium. Menander :

Ἄπαρτι δαίμων ἄνθρωποι συμπαραστανεῖ  
 ἑυθὺς γενεῶντων, μυσταγωγὸς τοῦ βίου.

Cuique Genius jungitur mortalium  
 Statim edito, moderator ut vite siet.

*Mystagogum* ille dixit, Seneca noster *Pædagogum*. « Sepone, inquit (Epist. cxi), in præsentia, quæ quibusdam placent : Unicuique nostrum Pædagogum dari Deum, non quidem Ordinarium; sed hunc inferioris notæ, ex eorum numero quos Ovidius ait, de plebe Deos. » Quibusdam placere hoc ait : quibus? Stoicis suis; nam jungit : « Ita tamen hoc seponas volo, ut memineris majores nostros, qui crediderunt hoc, Stoicos fuisse. Singulis enim et Genium et Junonem dederunt. » Genium, nempe viris, Junonem, forminis; id erat, marem Genium, forminamque, pro sexu. Plinius (lib. II, cap. 7) :

<sup>1</sup> Ideo et Græci εἴχον Genium vertant.

« Singuli ex semetipsis totidem Deos faciunt, Genios Junonesque adoptando sibi. » Itaque vere Lactantius (lib. II, c. 15): « Adhærent singulis hominibus, et omnes ostiatim domos occupant. » Quo tamen fine? jam dicto, ut curatores quidam essent, et inspectores. Hesiodus :

Τὸν μὲν δαίμονες εἶσι Διὸς μεγάλου διὰ βουλὰς  
ἔσθλῃσι, ἱκετῆσθόισι, φύλακις θνητῶν ἀνθρώπων.

Sunt Genii, ex mente et nutu Jovis omnipotentis,  
Approbi, et in terris hominum genus accurantes.

Plato hunc talem vocat : « custodem vitæ, et adjutorem consummatoremque, quæ quisque elegisset. » In tabula Cebetis ingeniosa, *Senex* depingitur *Genius*, « qui Vitæ adstat, Chartam una manu tenens (c qua salutaria Monita legat) et altera quiddam veluti monstrans. Mandat autem ingredientibus, quid, ubi in Vitam venerint, faciendum sit, et cui vitæ se committere debeant, si velint esse salvi. » Est ipsum dogma Stoicum : atque audi Epictetum. « Deus, inquit (I Dissert. cap. 14), nos curat : sed nihilominus curatorem unicuique addidit suum cujusque Genium, et custodiendum eum sibi commisit : atque eum, qui nec conniveat, aut dormiat, quique decipi non possit. » Sed et Zeno fatetur : « esse Dæmones quosdam, sive Genios, qui erga homines afficiuntur, suntque inspectores actionum humanarum. » Inspectores? usque eo, ut etiam forma humana se misceant, et singula ignoti ipsi norint. Homerus sapientia, qua solet :

Καὶ τὰ θεοὶ ξένους ἐνίοτε ἀλλοδαποὶ,  
Παντοὶ ἐλθέοντες, ἱκιστρῶνται πάλιν,  
Ἀνθρώπων ὄφρην τὰ καὶ εὐνομένην ἐφορῶντες.

Atque Dei, hospitibus peregrinis se assimilantes,  
In specie diversa, urbes atque oppida oberrant,  
Et malefacta hominum, simul et benefacta notantes. (Odys. p.)

Quid Plautus ille ab humili socco, nonne huc assurgit? *Arcturum* sidus facit præloqui (in *Rudente*) :

Ita sum, ut videtis, stella splendens, candida  
Hic atque in celo : nomen Arcturo est mihi.  
Noctu sum in celo clara, atque inter deos :

Inter mortales ambulo interdum.

Qui est Imperator divum atque hominum Jupiter,

Is nos per gentes alium alia dispartat,

Hominum qui facta, mores, pietatem, et fidem

Noscamus; ut quemque adjuvet opulentia.

Qui falsas lites falsis testimoniis

Petant, quique in jure abjurant pecuniam,

Eorum referimus nomina exscripta ad Jovem:

Quotidie ille scit, quis hic querat malum.

Et pluscula, quae comiter addit. Quanquam hi Genii magis alti et sublimes sunt, et velut exploratores quidam ab Aethere, et Pratorio ipso, missi. Sunt igitur Genii observatores aut adstites, nec sortis tamen affectusque unius. Alii enim Boni sunt, alii Mali. Atque hos Trismegistus *πονηροὺς* appellat, *Pravos*: *κακοδαίμονας* Plutarchus, et scriptorum vulgus. Clemens Alexandrinus (I Strom.): « Jam etiam Phocylides, Angelos vocans *Dæmones*, quosdam eorum Bonos, quosdam *Pravos* his versibus ostendit. Sicut et nos (Christiani) *Desertores* quosdam spiritus suscipimus, et notos habemus:

Ἄλλ' ἅρα δαίμονες εἰσιν ἐν' ἀνθρώποις, ἄλλοι ἐλλοι.

Οἱ μὲν, ἱεργαῖόν σου κακὸν ἄνθρωπος ἐκλήουσθα.

Miscentur Genii mortalibus, et diversi.

Hi quidem, ut a nobis clades et tristia pellant. »

Quasi dicat, alii autem ut immittant adjuventque. Atque hi mali, culti etiam antiquis, sed ut *Vejoves*, ut *Læva* numina, et « quos (Plinii verbis) placatos trepido metu cupimus: » nec ut adsint, sed absistant. Homerus saepe agnoscit:

..... κακὴ μὲνδεο δαίμων

..... Genius mala mente agitabat. (Odyss. μ.)

Item:

..... τίς τοι κακὸς ἔχρας δαίμων;

..... Malo quo dæmone es usus? (Odyss. ζ.)

Iterumque:

Ἄσθ' με δαίμονας αἶσα κακὴ, καὶ ἀβήρωτας αἶνες

Læsit me dæmon malus, et mala copia vini. (Odyss. λ.)

Satis de Privatis istis sive Singulorum Geniis: de Publicis aut Pas-

sivis aliquid addamus. AUB. Imo unum requiro tactum magis, quam plene dictum, de *Animo*, qui *Genius* suus cuique. LIPS. Attigi, perficiam. Apuleius : « Quodam significato *Animus* humanus, etiam nunc in corpore situs, *Dæmon* nuncupatur. »

... Dine hunc ardorem mentibus addunt  
Euryale, an sua cuique Deus sit dira cupido?

Igitur et *Bona cupido* animi Deus bonus est. Unde nonnulli arbitrantur, *Εὐδαίμωνες* dici *Beatos*, quorum *Dæmon* bonus, id est, animus Virtute perfectus est. Quem nostra lingua, haud scio an bono, certe quidem meo periculo, poteris *Genium* vocare : quoniam is Deus, qui est *Animus* suus cuique, quanquam sit immortalis, tamen quodammodo cum homine genitur. » Satis plene atque etiam plane istic habes. Respexit *Epicharmus* :

Ὁ γένιος ἀνθρώπου δαίμων καλὸς, οἷς δὲ καὶ κακός.  
Mores homini *Genius* bonus est, aut e diverso malus.

Etiam *Heraclitus*, quum dixit : « quod *Ingenium* homini *Genius* sit. » Atque ita quidam *Socratis* illud *Dæmonium* celebre interpretantur (*Plut.* et *Cicero*) : ut quoniam : « *Animus* illi purus, et a corpore maxime abstractus fuit, facillime audiret atque intelligeret monita Deorum. » Quanquam alii vere ad *Privatum Genium* ejus referunt, qui se ei conspicuum etiam dederit, paucis factum. *Amianus*, de *Constantio Imperatore* (lib. XXI) : « Post hæc confessus est convictoribus proximis, quod, tanquam desolatus, secretum aliquod videre desierit, quod interdum squallidius adfuisse sibi aestimabat. Et putabatur *Genius* quidam, tutelæ ejus appositus, cum reliquisse, citius digressurum. Ferunt enim *Theologi*, in lucem editis hominibus cunctis, salva firmitate fatali, hujusmodi quædam, velut actus rectorum Numina sociari : admodum tamen paucissimis visa, quos multiplices auxere virtutes. » Dat deinde *Homerum* auctorem, in cujus libris *Genii* cum viris fortibus versantur, et loquuntur : item « *Pythagoram* horum adminiculis præcipuis entuisse, et *Socratem*, et *Nunam Pompilium*, et superiorem *Scipionem*,

et Marium, atque Octavianum. » Sed onitto *Speciales*, sive Privatos : aliud genus est quod *Generale* diximus, et publice atque etiam privatim multiplices usus et pericula sui præbet. « Horum de numero curant, singuli, ut est cuique tributa provincia, vel Sominis confirmandis<sup>1</sup>, vel Extis fissiculandis, vel præpetibus gubernandis, vel Vatibus inspirandis, Fulminibus jaculandis, ceterisque adeo, per quæ futura prænosçimus. » (Apul.) Uno verbo, Magiam totam isti suggerunt et administrant : nostris quoque Doctoribus scriptum, Ut Tertulliano (Apolog. cap. 23) : « Per hos Magi phantasmata edunt, etiam defunctorum inclamant animas, pueros in eloquium oraculi eliciunt, multa miracula circulatoriis præstigiis ludunt. » Ut Minutio Felici : « Magi quoque non tantum sciunt Demonas, sed quidquid miraculi ludunt, per Demonas faciunt. Illis aspirantibus et infundentibus, præstigias edunt, vel quæ non sunt videri, vel quæ sunt non videri. » Denique vario prædictionum (sæpe fallaci) genere, « æmulantur divinitatem, dum furantur divinationem. » (Tertull. cap. 22.) Pythagoras hoc quoque observavit, et prodidit : « Ab his inimitti hominibus somnia et signa, atque morbos etiam et sanitates : nec solum hominibus, sed pecudibus ac jumentis. Ad hos referri Lustrationes et expiationes ; ad hos Divinationem totam, et Omnia, et similia. » Tertullianus et his addicit (cap. 22) : « Corporibus et valetudines infligunt, et aliquos casus acerbos ; animæ vero repentinos, et extraordinarios per vim excessus. » Minutius : « Vitam turbant, omnes inquietant, irreperentes etiam corporibus occulte, ut Spiritus tenues, morbos fingant, mentes terrent, membra distorquent. » Quid dicam poma, vites, fruges præcipitari ab iis, aut lædi ? quid alio traduci ? quid pluvias ; nimbos, ventos induci ? et plurimum mala, ab his scilicet malis. Sed bona etiam a bonis, si non provenire, promoveri, est confitendum. Artes præeunt, aut docent : et quædam humano ingenio nunquam eruenda, ostendunt. In medicina, exempli causa, quis ambiget occultas multas herbarum vires ab iis proditas ? quis Chemiam, novæ subtilitatis artem, his non deleget ? et magis, quia ambiguam,

<sup>1</sup> Lego, *conformandis*.

et lædere aut fascinare etiam pronam. Quis Horologia ferrata illa, cum tot ponderibus rotisque reperit? quis Magnetem ad nauticum usum suggestit? quis Typographiam? quis Bombardas? Boni isti, aut alii: sed cum Apuleii cauta admonitione, ut « cuncta hæc fiant Cælestium (imo *Cælestis* unius) voluntate, et numine, et auctoritate; sed Dæmonum obsequio, et opera, atque cura. » In bonis, inquam, *Voluntate et auctoritate Dei*; in aliis, permissione et concessu, Sustineo, et a vorticibus me removeo, ad ripam appello. **AUD.** Heus tu, neque ego auctor multa hic inquirendi: universe aliquid scire satis sit, vereri etiam totum genus aut revereri. Sed estne vite etiam aliquis in hoc fructus? **Lips.** In illis de *Custodia* magnus, Epicteti verbis suggerendus. « O homines, inquit (lib. I Dissert. xiv), scitote diligenti et præstanti euidam Custodi unumquemque nostrum esse commissos. Quum igitur fores adduxeritis, et tenebras intus feceritis, mementote nunquam dicere, quod soli sitis. Non enim estis, non: sed Deus intus est, et vester Genius intus est. Et quid lumine istis opus est, ut facta omnia vestra videant? nihil. » Quid autem? vite solum curant, aut assistunt? Immo Plato autumat, non solum tunc « adesse, nemini conspicuos, omnium non modo actorum, verumetiam *cogitatorum* testes » (Apul.); sed et, « ubi vita edita, remeandum est, eundem illum, qui nobis præbitus fuit, raptare illico et trahere velut custodiam suam, ad iudicium, atque illie in causa dicenda assistere: si qua committatur, redarguere; si qua vera dicat, asseverare; prorsus illius testimonio ferri sententiam. » Quis homini hominum hæc suggestit, aut potuit, Sacrorum nostrorum arcanis sic alludentia, aut vicina? Miror hoc satis.

## DISSERTATIO XX.

*Plurcula etiam De Geniis. De origine, de malitia, de varietate munerum: et quædam huic rei e Sacris.*

**AUD.** Et ergo in tota re habeo, quod mirer satis. Multa non multis (morem tuum novi) dixisti: recogitanda mihi in otio, aut rumianda. Et pleraque hercules probasti: sed auctoritatem tamen

Saerorum nostrorum, in re hac sacra, non sæpius advocari; id quoque mirabar. Nam absque ea, nec credens, ut sic dicam, credam. Lips. Ergo alibi aliquid ambigis? prome: fortasse confirmabo. Aud. Ego vero: primum in principio et conditu istorum Geniorum. Esse dixisti: sed quo auctore? qua materie, aut sine ea? et unde quibusdam hæc pravitas? Divisionem deinde dixisti, et munera: quid opus istis tot generum velint Adjuvis illi omnium potenti Imperatori? Per se nuncquid sufficit, publicæ privatimque, Mens illa per omnia diffusa, omnia gubernare? Hæc oratus expedi: sicubi etiam hæsero, orandus. Lips. Cymbam alligabam: solvis, et in fluctus iterum deducis. Pareatur tibi, atque etiam argumento; quod tractare quum cœpimus, pertractandum est. Quæris originem, et auctorem horum Geniorum. Auctorem? et quem, nisi illum omnium Deum? Ipse condidit: ante orbem, et omne opus; an statim ab orbe; disputant Theologi: nam Sacra siluerunt. Quod ante hominem, id consentiunt: et Græci fere etiam, quod ante omnem creaturam: « Decebat enim primo Intellectualē substantiam condi, et tum denique Sensilem »: ut adstruit ex Gregorio Nazianzeno Damascenus. (De Fide lib. I, cap. 3.) Condidit autem sola cogitatione: atque ea, opus illi fuit. De Materie deinde quæris. Theologiam nostram, id est veram, si attendis, non habent. Spiritus et Animi sunt, incorporei. Si Platoniam; corpora sunt, et quidem Aerea. Hand longe a nubium concretionē: nisi quod « fila corporum possident (Apuleii scriptio) magis rara et splendida, et tenuia usque adeo, ut radios omnes nostri tuoris et raritatis transmittant, et splendore reverberent, et subtilitate frustrentur. » Quid Stoici nostri? etiam corpora, sed *Ætherea*, id est, ignea, assignant. Et id sane convenientius nostris etiam Sacris. Ecce rex Hebræus (Psal. ciii): « Qui facit Angelos suos spiritus, et ministros suos flammam ignis. » Nec semel ita nominantur, aut comparantur: et Græcorum aliquis pulchre πῦρ αἰθέρου, *Ignem immaterialem*, eos vocat. Nam agilitatem, levitatem, fervorem, lucem si vides: cum nulla rerum melius assimilentur. Hoc fateor, Aereum sæpe aliquid circumdare et assumere; scilicet ut nobis appareant, aut aliquo vestigio se ostendant. Sed tunc quoque (notatum) quum dissolvuntur, ignis aut sulphuris odorem ali-

quem sive signa ostentant. Sed de apparitione, *Chalcæorum Magi* asserchant, « Inaginum sive, sive Dæmonum, plenum esse Aera, qui velut fluxus quidam evaporationis, acute cernentium oculis se insinuent. » (Laert. in Præf.) Et Homerus ea mente alias cum *ἀέρος πνοῇ*, *centuli aura*, alias cum *ὀμίχλῃ*, *nebula tenuis*, comparavit. Sed et Magi hodie fatentur, et infelices feminæ libidinis Genialis victimæ, tactu frigidos plurimum esse : ab Aere et vapore scilicet isto circumfuso. Sed et idem poeta conspici a quibusdam, non ab aliis qui adsunt, facit : quod Magi etiam volebant :

Ὅς γὰρ πῶς πάντων θεῶν φαινομένη Ἰσμερίης;

Non etenim apparent Divi cunctis manifesti. (Odys. π.)

Ubi illud mirabile, et ex Naturæ sinu excussum : Telentæum, qui aderat, Minervam non vidisse; canes vidisse;

Ἀλλ' Ὀδυσσεύς τε κύνες τε θεῶν καὶ β' οὐχ ὤκνεον,

Κρυγέμεναι δ' ἱερῶν διὰ σταθμοὺς πτόνθων.

Vidit Ulysses, atque canes : hi nec latrabant,

Sed blando gannitu aliorum diffugiebant.

Vides sensum numinis habuisse, et reveritos cum gannitu, non autem latratu, diffugisse. Et tale etiam hodie observatum, ad naturam sagacissimi animalis; haud frustra Hecate, id est, Lunæ, Geniorum præsidi, attributi. Sed inbibeo : de Materie satis dixi. Quærebis amplius. Unde pravi etiam facti? Id notum tibi oportuit, Litteræ sacræ nostræ tradunt, initio bonos omnes (quomodo aliter a Bono Deo?) conditos : sed in libertate arbitrii, ad fastum et prava inclinasse, et Deo adversantes, dejectos e cælo, sparsosque varie per hanc machinam esse. Illud notabile, quod Damascenus ait : « Ex angelicis potestatibus, illum qui Præses rectorque erat Terrestris ordinis, et cui Terra a Deo custodienda permissa erat : illum, inquam, Deo rebellasse, et cum suis a cælesti felicitate, in hanc terram et tenebras decidisse. Tanquam ille non fuerit supremi (quod alii plerique Theologi) Ordinis angelus, sed hujus inferioris : et ideo in Terram suam relegatus, quam non carat nunc, sed turbat. Athenagoras etiam, paulo altius philoso-



phatus, et ad *Animam Materiæ*<sup>1</sup>, malorum causam Platoni, adspiciens, etsi Christianus, ita tradit. « Angelorum, inquit, alii mansere quales a Deo facti erant, Boni, et munera sua fideliter curantes; alii, res sibi creditas proterviter habuerunt, et a Deo defecerunt: » Isti fuerunt, « Materiæ et Formarum in ea Princeps ac Rector, et alii qui circa primum<sup>2</sup> hoc firmamentum erant. » Iterumque postea vocat, « Materiæ Principem: atque illum Dei bonitati, sua procuratione et administratione, adversari. » Procedit longius, et ait: « quosdam ex istis, captos amore virginum, et libidine victos, defecisse. Ex quibus Gigantes, qui vocantur, nati sunt: eorumque Gigantum animæ, circa terram obversantes, motus affectionesque similes parentum suorum edant. » Immo et Latini aliqui vestustiores in hoc sensu; ut Lactantius: « Deus Angelos misit; inquit (lib. II, cap. 15), ad tutelam cultumque generis humani; sed illos, cum hominibus commorantes, dominator ille terræ fallacissimus paulatim ad vitia pellexit, et mulierum congressibus inquinavit. Tum in Cælum ob peccata, quibus se immerserant, non recepti, ceciderunt in Terram. Sic eos Diabolus ex angelis Dei suos fecit satellites ac ministros. Qui autem sunt ex his procreati, quia neque Angeli, neque Homines fuerunt, sed mediam quamdam Naturam gerentes, non sunt ad Inferos recepti, sicut nec in Cælum pareotes ipsorum. Ita duo genera Dæmonum sunt facta, unum Cæleste, alterum Terrenum. » Ipsa hæc talia Justinus Martyr, Clemens Alexandrinus, Eusebius, Tertullianus, Sulpicius Severus: e quibus Eusebius etiam Poetarum fabulam de Gigantum rebellionem petit et ducit. Horum igitur sensu, duplex Dæmonum lapsus, et discretis temporibus: alter statim initio Mundi; alter iste, paullo ante Diluvium, ut narratio Moysis docet. Vides etiam istos palam genituram Geniis adscribere, et feminis jungere, easque implere: aliis Theologis fortiter negatum. Exempla aut testimonio etiam hodie multa illuc eunt: rationes ahnuunt, et Spiritus si sint, unde iis semen, et qua effundant? At corporati sunt, et

<sup>1</sup> Supra, Dissert. De Resurrect.

<sup>2</sup> Terræ proximum.

Aerei, inquit Platonici. Sinto; quæ mixtio aut comprehensio inter tam dispares? non magis, quam inter hominem et piscem. Tamen, ut tetigi, exempla nos turbant, et istæ quotidianæ Genialium libidinum victimæ, infelices mulierculæ, de mixtione et coitu omnes asserunt: etiam de liberis aliquæ: et sunt in hac Lovanio urbe exempla. Quid dicam? pro me Plutarchus aliquid, qui judicio videtur censuisse: « Tam Gignere, quam Gigni, alienum a Deo esse. » (Quæst. Convivial. VIII, cap. 1.) Exceptionem tamen, aut interpretationem aliquam adhibet: fieri posse, « ut vi aliqua occulta, Materie principium fecificum infundat, a quo moveatur illa et vertatur. Neque absurdum, inquit, autumo, si non humano more Deus congregiatur feminæ et se jungat, sed aliis quibusdam contactibus, et per alia contrectationibus moveat et impleat mortale corpus semine diviniore. Neque mea est istæ sententia, sed Ægyptii Apim hoc modo concipere et parere tradunt, Lunæ contactu: atque adeo prorsus Deo cum mortali femina consuetudinem donant: sed non contra, nec admittunt virum mortalem Deæ feminæ initium partus aut prolificationis præbere; quoniam Geniorum natura in Aere, et Spiritibus, et Caloribus quibusdam, et Humoribus consistit. » Similia quædam idem scriptor (In Numa), ubi de celebrato congressu Numæ regis, eum Egeria nympa: atque ait: « Ratio suggerit, Deum non equorum aut avium amore, sed hominum teneri: ideoque iis, qui excellenter boni sunt et virtute inclyti, nihil absurdum, adesse illum, et consortio jungi. At quod corpore etiam aut forma humana fruatur, capiaturque vel Deus vel Genius, difficile hoc quidem creditur est. Etsi Ægyptii videntur non improbabiler dicere, quod spiritus sive afflatus Dei mulieris partibus accedat et titillet, et principia inserat generationis; viro autem eum Dea congressum mixtionemque nullam esse. » Ista ille vir satis scite: non ultra a me scrutanda, aut protrahenda, quia aut fœda omnia, aut tenebrosa. Unum dixero, non opinari me, ullo retro ævo, tantam copiam Satyrorum et salacium istorum Geniorum se ostendisse; quantam nunc quotidianæ narrationes, et judiciales immo sententiæ, proferunt: quo infelicis sæculi fato? Sed ad ultimum quesitum tuum venio, quod erat, Cur auxiliares istos gubernationi

Deus assumeret? Respondeo, non quia egeret, sed vellet: vellet autem, quia bonus, et « non contentus (ait Damascenus) sui contemplatione, fecit etiam quibus bene faceret, et qui bonitatis suae participes essent, Angelos, Mundum, Homines. » Quid, quod decorum et ordo sic videtur postulare? Seneca rationem eam ingerit (apud Laet. I, cap. 4): « Deus, quum prima fundamenta molis pulcherrimae jaceret, ut omnia sub Ducibus suis irent, quamvis ipse per totum se corpus intenderat, tamen ministros regni sui Deos genuit. » Genuit, id est, fecit. Quid magis pie, pulchre, et vere potest? nam et agnoscit sub initium conditos, ut Theologi fere nostri. De multiplici autem divisione eorum, et munere, non turbet; turba esset, nisi esset. Immo vero Deus pulcherrimo ordine, et ut cujusque natura aut dignitas erat, sparsit per hoc corpus Universi: « curantes (ait Damascenus) Terræ certas partes, præfectosque Gentibus, et locis. » Sacri nostri libri hoc ostendant: et Hieronymus aperte (In Ezech. cap. 28): « Traditæ sunt Angelis ad regendum Provinciæ, quasi Judicibus ab Imperatore. » Rufinus (Exposit. Synbol.): « Ab initio præfectæ quædam virtutum cælestium Potestates, quibus regeretur et dispensaretur mortalium genus. » Immo et singulis assignati. Hieronymus in illud Evangelii (Matth. 28): « Angeli eorum vident faciem Patris; » scribit: « Magna dignitas animarum, ut unaqueque habeat, ab ortu nativitatis, in custodiam sui Angelum deputatum. » Immo et ante ortum; ex Tertulliano, (De Anima, cap. 37), « Omnem hominis in utero serendi, struendi, fingendi paraturam aliqua utique Potestas, divinæ voluntatis ministra, modulatur. » Desino, hoc admoneo, pulchra quædam et digna legi, a *Trismegisto* super tota hac re scripta: qui *Dæmones* tamen astris assignat, et sub eorum velut signis ordinat: mira et occulta alia, proprio libro, a *Michael Psello*, qui ante annos paullo plus quingentos *Michaelis Duca* Imperatoris doctor et institutor fuit. Is mira et recondita, ut dixi, tradit auctore quodam *Marco*; qui, diu et familiariter cum Geniis versatus, consultissimus talium habebatur. Si voles, vide.

## DISSERTATIO XXI.

*De Loro Dei obiter, qui ubique est, sed conspicua tamen sede in Cælis.*

Ego me abjuncto; et vos, boni malique Genii, favete, aut valete: ad Humana jam imus. *Aud.* Leviter me sistente, et super Dei sede et loco aliquid requirente. Genios disposuisti: hunc omittes? *Lars.* Feci vero, ut condignum ipso erat: ubique disposui: qui est intra omnia, qui extra omnia, sine loco, sine motu, semper. *Aud.* Atqui Stoicum nempe nunc agis, et hanc doctrinam revelas. *Lars.* Ago, revelo. *Aud.* Aliena igitur ab ea, quæ dixisti, et dicis. *Tertullianum* audi (*Apolog. cap. 47*): « Stoici Deum extra Mundum statuunt, qui figuli modo extrinsecus torqueat molem hanc: *Platonici* autem intra Mundum, instar *Gubernatoris* in navi. » Viden' palam extra Mundum esse? *Lars.* Dici, non esse: et a *Tertulliano* dici, atque hoc impingi Stoicis, planissime nec dictum iis nec cogitatum. Quomodo possint? toties audisti, « Mentem per omnia commicantem, diffusam, omnibus insitam: » et quæ non opus iterare. Quæri sane hoc solere ab aliis, non abnuo et *Seneca* ostendit (*De Vit. Beat. cap. 31*): « Deus utrum extrinsecus operi suo circumfusus sit, an toti inditus? » atque altera hæc pars, mens ipsa est Stoicorum. *Plinius* etiam eadem expressa alibi (*I Quæst. Natural. in Præf.*): « Solus est omnia, opus suum intra et extra tenet. » Quid potest clarius? Atqui *Tertullianus* aperte; quid ad rem? scio Patres illos parum inquisite sæpe aliquid adstruere, et sectarum decreta permiscere. In exemplo alio illustri. *Theophilus Antiochenus Patriarcha*, *Tertulliani* ævo fere compar, ad *Autolycum* scribit (*lib. II*): « Stoici, Deum esse in universum abnegant: aut si sit, asserunt cum nullius quam sui, curam gerere. » O improvidentiam! non enim malitiam; et potest quidquam adversius eorum menti dici? Et ne errorem verbi putes, addit, « Hæc eadem *Epicurum* et *Chrysippum* dicere. » De *Epicuro*, scimus et agnoscimus; de *Chrysippo*, tam falsum, quam *Solem* hunc nigrum esse. Sed

ad rem præsentem ; illi vero Deum ubique locant et inserunt , totum in toto , totum in partibus , partiumque partibus : usque eo ut Tatianus , vetus scriptor , Zenoni objiciat , quod eum etiam in cloacis et furtudinis constituat. Verba ( Advers. Gentes ) : « Et Deus juxta Zenonem malorum factor erit , si etiam in cloacis , et vermiculis , et nefandis operibus aliis insit et versetur. » Tua venia , Tatiane ; ego non video hanc sequelam : nisi si vis nec minuta illa et sordida a Deo auctore esse. Atquin et Clemens Alexandrinus damnat ; Deum istis inversari ; et una nostros : « Sed nec , inquit ( in Parænetico ) , Stoicos præteribo , qui Deum per omnem substantiam , etiam vilissimam pertingere aiunt : et valde Philosophiam dehonestant. » Bono sensu , non puto ; immo et Theologi Deum essentia , potentia , præsentia ubique , et in omnibus ponunt. Dicimusque audacter , cum Arnobio ( lib. VI ) : « Proprium hoc Dei , complere omnia vi sua , non partiliter uspiam , sed ubique esse totum. » Cum Damasceno : « Divinum illud sine partitione , totum totaliter ubique esse , et in omnibus esse , et super omnia esse ; » iterumque ( lib. I , cap. 16 ) : « Deum omnia implere , et super omnia esse , et omnia continere. » Quæ verba satis palam dicunt , quod et Stoici , illum « intra et extra suum opus esse. » Quomodo extra ? in Vacuo , quod nostri ponunt , in loco dicendum. Vis magis non argute , sed vere efferam ? Deus est ipse sibi locus. Ecce ante Mundum conditum , quum nihil esset , ubi Deus erat ? apud se , et in se. Quid tamen ? nonne etiam aignate in Cælo esse dicitur , ut sua sede ? Dicitur , et bono suoque sensu. Damascenus : « Dicitur et Dei locus ubi manifestatur magis operatio ejus et gratia , et gloria. » Tale est Cælum , ubi beati illi Spiritus , ubi beatorum animæ ; et velut cumulus , et splendor , majestatis. Iterum Damascenus : « Dicitur Dei locus , qui plurimum ejus operationis participat et gratiæ : ideoque Cælum ei sedes. » Nec inepta comparatione Lactantius ( De Opific. Dei , cap. 15 ) : « Videtur Mens , quæ dominatum corporis tenet , in summo capite constituta , tamquam in cælo Deus. » Est enim et ipse Stoicis , Mens Mundi. Quo aspectu Statius docte :


Artem hanc æternam , mentis sacraria nostræ. ( III Theb. )

Et Cælum nempe sic vocat ipse Jupiter , ubi *ἡγεμονίῳ* illud ; supra

dictum. Sed nihil hoc tamen (absit, absit) Providentiæ ejus, ant et præsentæ, in locis nostris inferis deroget : quod Aristoteles, Euripides, et tales alii videntur censuisse. Primus ille quidem aperte, in libello *De Mundo*, ubi vel maxime Providentiam debebat adstruere, sic tamen sentit : « ut Deus sit in Cælo et loco illo summo, tum proximis quibusque suum numen et vim participet, usque ad hunc locum et sedem nostram. Sed Terram et terrena, quam longissime a beneficentia ejus et adminiculo abesse, ideoque ea hic *ἀσθενῶς* (verbo ponenda sunt) καὶ ἀκατάλληλα εἶναι, καὶ πολλὰς μάλιστα ταπεινότητας : infirma, et male inter se hærentia aut congrua esse, ac multæ perturbationis plena. » O mi sophæ, ne dixeris. Deus ut hominem hunc negligat, ant minus quam cælis aut acri intendat : cujus causa omnia fecit? Aut Deus sic angusta mentis acie sit, ut non nisi proxima videat curetque, longius sita paulatim negligat? Inscitia hoc totum, aut impietas : et prisci sane auctores objecerunt. Plutarchus (De Placit. II, cap. 3) : « Aristoteles censet, neque animatum mundum, neque providentia gubernari. » Atticus apud Eusebium : « Aristoteles usque ad Lunam Deos collocans, reliqua Mundi excludit a Providentia. » Tatianus, et alii Patrum nostrorum, culpant : etsi non aperte in libris qui exstant id scripsit ; sed vel ex iis tamen hauritur. Omitto diducere : at Stoici quanto clarius hoc totum, et sanctius? quin Deum videri omnia et omnes, et curare, atque etiam cogitationibus interesse voluerunt. Quid ipsos homines? attolli ad Deum, et patrem illum, servatorem, ac quotidie beneficum, laudibus precibusque venerari. Epicteti verba, quæso, audiamus, et stupeamus ad ea, an et rubeamus? utrumque. « Si sani simus, quid aliud nobis agendum, et publice et privatim, quam Numen celebrandum, et laudandum, et gratias persolvendum est? Nonne et inter fodiendum, et arandum, et edendum, hymnus hic cantandus est Deo? Magnus est Deus, qui nobis instrumenta hæc, quibus terram colimus, dedit. Magnus Deus, qui manus dedit, qui vim diglutiendi, qui stomachum; qui efficit, ut latentes adolescamus, ut dormientes respiremus. Hæc singulis in rebus cantanda sunt; et hymnus divinissimus cantandus, quod intellectum rerum dederit, quod vim rationemque utendi.» (Lib. I, Dis-

sert. cxvi.) Et mox, velut ex instinctu, proclamat : « Si lusciniā essem, lusciniæ munus fungerer ; si olor, oloris. Nunc, quum rationale animal sim, Deus mihi laudandus. Hoc meum munus est, hoc facio. Neque stationem hanc deseram, quoad licuerit, vosque ad eandem cantilenam hanc exhortor. » Claudam Senecæ brevi, sed alti-loquio : « Magnum nescio quid, majusque quam cogitari potest, numen est, cui vivendo operam damus. Huic nos approbemus. » (Apud Lact. lib. VI, cap. 24.) Abi, indormi, aut invigila potius his verbis : habes quod rumineris.

---





---

# JUSTI LIPSII

# PHYSIOLOGIÆ

## STOICORUM

LIBER SECUNDUS.

---

### DISSERTATIO PRIMA.

*Anteloquium ; de Morte aliquid , et eam cogitationem utilem ad  
vitam et robur animi esse.*

AUD. Ah, quam oculis et animo volupe est, meliorem commo-  
dioremque te videre ! LIPS. Paulo quidem, licebat addere. Nam  
ne erres, amice, etsi morbus abiit, languor etiam habet, et va-  
cuum valde virium me reliquit. AUD. Deus reddet, meo et publico  
voto : sed quando tu nobis reliqua sermonum, quos jucunde et uti-  
liter serebamus ? LIPS. Frontem etiam habes ? et te hominem ad  
laborem ducere, cui severa quamvis castra dent commentum ?  
Laxem animum, vires instaurem, si Deo visum : et tum ludo huic,  
non ludo, me include. Nunc quidem aliæ mihi istis cogitationes  
sunt, aut curæ. AUD. Quæ illæ ? LIPS. Mortuales, ut verbo te per-  
cutiam, neque nunc videor mihi bona fide ab Orci limine rediisse.  
AUD. Hæc sunt, a quibus abductum igitur te imus : pabula tui  
morbi, atræ illius bilis germina et factus. Pone ista de morte aut  
morbo etiam, et jam vales. LIPS. Tunc dicis : Philosophiam igitur  
ponere me jubes, quam nuper definiebamus, *meditationem esse*

*mortis?* Et vero, mi adolescens, quid homini magis convenit, quam hanc habere in animo et oculis, quæ semper imminet, et tacito quodam pede surrepit? Pone de morte, inquis. O quam aliter sapientes! Vel Græcum illum audi (Musonius apud Stob. Serm. 1): « Non est præsentem diem recte transigere, nisi statuis eam quasi ultimam transigere. » Quid noster Seneca? vide, quam consonet (Ep. LXI): « Id ago, ut mihi instar totius vitæ sit dies. Nec mehercules tanquam ultimum rapio, sed sic aspicio, tanquam esse vel ultimus possit. Hoc animo tibi hanc epistolam scribo, tanquam quum maxime scribentem mors evocatura sit. » Salutaria dicta, et sensa. Surgo, possum non ire cubitum: decubui, possum non exsurgere. Antverpiam eo, an domum redibo? ad hanc redii, an illam revisam? At, inquis, tristis hæc cogitatio super morte, et ipsam adducit. Falleris; sapiens eum tranquillitate de ea cogitat: non aliter, quam in mari et navi, ventos et vela spectat, quibus fertur in portum: nec tamen ipsa cogitatio eum transfert. At hæc stultitia, et omnis error noster est; in fluctibus et inter undas jactari volumus; reformidamus, quo natura et ratione ducimur, pervenire. De Natura, scimus:

Omnes eodem ducimur, omnium  
Versatur urna.

sed et de Ratione, quis ejus compos abnegabit? Quid nisi hic jactationes, curæ, miseriæ, corporis atque animi dolores sunt? Ecce finem: quid reformidas? ecce portum: cur non intras? Sed revera ut ii qui in carcere sunt, elabi velint et possint, nisi custos teneat: sic in hac vita nos sistit ille velut commentariensis, Amor vitæ. Pellendus est; et ut possit, sæpe cogitandum, quod semel faciendum est. « Supervacuum forsitan putas id discere, quo semel utendum est? Hoc est ipsum, quare meditari debeamus; semper discendum est, quod an sciamus experiri non possumus. » (Sen. Epist. xxvi.) Animus hoc modo fortior, vita enendatior, immo et lætior; quid enim terreat aut turbet, quem

..... ille timorum

Maximus haud urget, leti metus? (Lucan.)

Itaque, mi Auditor, non avoca te a tam salutari meditatione : ipse potius eo veni. « Junior es, quid refert? non dinumerantur anni. Incertum est, quo te loco mors expectet : itaque tu illam omni loco expecta. » (Sen. Ep. xxv.) Philosophia autem, ut tetigi, eo ducet, et hanc meditationem, et ab ea robur, animo tuo indet. Aug. Quin tu igitur, mi Doctor, porro me ad illam? Nam ducere cœpisti, sed in via etiam destituisti. Lips. Morbus fecit, quod non ignoras : et nunc, etsi haud firmissimus, tamen cœptum spatium tecum decurram, et (Deus annuet) ad candidam calcem sistam.

## DISSERTATIO II.

*Materia prima, alterum Principium, descripta; Æternam esse; Non augeri, non minui; Non item pati.*

DICERAMUS igitur ante sex menses (hanc comperendinationem valetudo dedit) duo esse Stoicis rerum Principia, Deum et Materiam. De illo, quod licuit, diximus : hæc pervidenda est, et quæ ex iis fiant. Materiam ita notificat Laetius (In Zen.), ex scitis Stoicorum : « Essentiam sive naturam, omnium quæ sunt primam statuunt, Materiam. Materia autem est, ex qua quidlibet conficitur. Dupliciter autem dicitur et Essentia, et Materia; nempe Omnium, et Singulorum. Illa omnium, sive Universalis, neque crescit, neque decrescit : illa Particularis contra, augmenta et decrementa habet. Corpus autem est, secundum Stoicos, atque item finita. Est et patibilis; nam si immutabilis; non ea quæ fiunt, ex ea sint facta. Hinc et illud consequens, quod sectio illius in infinitum fit. At non ipsam infinitam, Chrysippus dicit. Non enim est dare infinitum, in quod sectio cadat. Est autem continua. » Hæc ille stricte et caliginose alibi : licet uberius clariusque nobis effari. Est, inquit, « prima essentia. » Sane prima : unde alioqui Principium et æque primam æternamque eam faciunt, atque ipsum Deum. Zenonis verba reperi (In Stob. Physic.) : « Essentiam omnium rerum primam esse, Materiam : atque eam totam æternam nec majorem nec minorem fieri. » Hæc consensu fere veterum doctrina. Si enim nata factaque Materia, ex aliquo factam necessum est :

atque id ipsum Materia sit. Nam illud Democriti effatum omnes receperunt : « Nihil ex nihilo gigni, nihil in nihilum reverti. » Et tamen, quod mirere, Seneca dubitat, an Deus Materiæ auctor. Ita enim in *Questionibus Naturalibus* : « Quam utile existimas ista cognoscere et rebus terminos ponere ? quantum Dens possit ? Materiam ipse sibi formet ; an data utatur ? » Dubitat ecce, quod Christianos quosdam non est pudicum contra affirmare, et cum priscis Materiam æternare. Ille fuit Marcion et Hermogenes hæretici, quos *Materianos* ideo Tertullianus appellat. Sed Seneca etsi dubitat, non tamen ut Stoicus, quorum perpetuum hoc dogma, ut fere philosophorum. Quos refutant apud Eusebium (lib. VII, *Præparat. Evang.*) Dionysius, Origenes, Philo, Maximus : Tertullianus (*Advers. Hermog.* lib. II, cap. 9), et Lactantius, et Latini nostri passim. *Æternam* igitur statuunt : sed illam Primam et Communem. Ita enim Laertius eam distinguit : « Duplicem esse, omnium et Singulorum. » Illa Omnium, est hæc Prima ; Illa Singulorum, est Secundaria, in tale ac tale corpus formata. Quia igitur illa Prima æterna, additur : « Neque crescere, neque decrescere. » Etsi enim diffusior aut rarior fieri potest, ut in *Epyrosi* quum Vacuum omne implet : tamen ipsa non crescit, et extensio in modo est, non in essentia augmentum. Zeno (*In Stob. Phys.*) : « Illam æternam, neque majorem neque minorem fieri : at partes ejus non easdem manere, sed separari, et commisceri. » Separari, quum interitus ; misceri, ubi generatio consideratur. Nam totum hoc nasci aut perire, quid nisi formæ alius atque alius inductio est, Materia prima permanente ? Philosophorum scholis hæc decantata, sed et versibus poetarum. Pythagoras apud Ovidium :

Nec perit in tanto quidquam, mihi credite, mundo,  
Sed variat, faciemque novat ; nascique vocatur  
Incipere esse aliud, quam quod fuit ante ; morique,  
Desinere illud idem. (XV *Metamorph.*)

Poeta alius :

Cecidit enim rerum novitate extrusa vetustas  
Semper, et ex aliis aliud reparare necessum est,  
Nec quidquam in barathrum nec Tartara decedit ima. (Lucan.)

Versu ultimo vult dictum, nihil perire. Addit Laertius, « Corpus juxta Stoicos esse. » Ita lego in Stobæanis Eclogis : « Stoici corpus, Materiam dicunt. » At quomodo, nisi Forma accesserit sine qua nec latitudinem, nec altitudinem, nec longitudinem habet? sine quibus non est Corpus. Respondeo, Stoicis late Corpus esse (de quo postea) quidquid est. Deinde, Materiam eaiipsa tria habere, sed non finita, nisi accedente Forma, quæ circumscribit. Nec Platonici quidem alieni ab hac sententia, inter quos Plutarchus describit (De genitura Animæ) : « Materiam aut chaos, non incorpoream, neque immobilem, neque inanimam, sed informe et inconditum illud corporeum habuisse. » Iterumque (ibid.) : « Illud omnicapax et Materiale, magnitudinem quidem habebat, et intervallum, et locum; pulchritudinem vero, et formam, et figurarum modificationem requirebat. » Universe igitur corpus erat; tale et tale, designatui aptum, non erat. Apuleius Platoni haud aliam mentem, etsi aliis verbis, attribuit. « Neque corpoream, inquit (de Dogm. Plat.); Materiam, neque sane incorpoream esse concedit. Ideo autem non putat corpus, quod omne corpus specie qualicunque non careat. Sine corpore vero esse non potest dicere, quia nihil incorporeale corpus adhibeat; sed vi et ratione sibi eam videri corpoream. » Neque Aristoteles est in alia mente, qui *Materiam substantiam esse* affirmavit (VIII Physic.) : sed sensu quem Posidonius Stoiens aperit (VII Metaphys. cap. 3) : « Differre substantiam quæ existit, a Materia, ratione et intellectu tantum. » Sed pergit Laertius, « Atque item finita. » Quod verum est : mundo enim clausa. Etsi infinitam etiam Platonici asserunt, alio aspectu. Apuleius (De Dogm. Plat.) : « Infinitam Materiam commemorat, quod ei sit interminata magnitudo; nam quod infinitum est, indistinctum magnitudinis habet finem. » Utrique recte. Stoici, quia finire potest, et finitur : Platonici, quia in se considerata (exempli causa, ante mundi conditum) fines certos non habet. Sequitur, « Patibilem etiam esse. » Male enim in Græco ἀπαθὴν legitur, id est, *impatibilis* : et vel exsequentibus falso. Illa vero afficitur; mutatur, cogitur a Deo, qua lubet.

Materiæque datum est cogi, sed cogere Mundo.

Denique *Principium* τὸ πᾶσιν, *Patiens*, a Stoicis appellatur. Plato Materiam ait, « rationem habere Fœminæ et Matris : » quod verum est, et concipit formas omnes, et tertium aliquid ex his parit. Amplius in Laertio : « Sectio illius infinitum est. » Cicero (I Acad.) pro toto hoc sensu : « Materiam esse ex qua omnia expressa atque efficta sint : eoque etiam interire non in nihilum, sed in suas partes, quæ infinite secari ac dividi possunt, quum sit nihil in rerum natura minimum, quod dividi non queat. » Et consentiunt Philosophi ac Geometræ; excipio Epicureos, quibus corpuscula quædam sunt individua, ideo ἀτομοὶ dicta. In ultimo, « Est autem continua. » In Græco est ἀκατάλυτος; nec scio cur *finitam* hic verterit interpres. Ego putavi eum dicere, *indesinentem et continuam* esse : quia hoc quærebatur a Seneca (Ibid. cap. 31) : « Individua sunt, per quæ struitur omne id quod natum futurumque est, an continua eorum materia sit, et per totum mutabilis. » Iterumque idem : « Continua sit omnis et plena Materia, ex qua cuncta gignuntur, an diducta, et solidis inane permixtum sit. » Vides quæsitum, et contra Epicureos a nostris assertum : quibus Materia *Individua*, itemque *Diducta*, id est, Atomī, esset.

### DISSERTATIO III.

*An non plura Principia? et de Ideis dictum, eaque assertæ.*

Sed hæc omittamus : illud magis quærendum, satisne plene Principia Stoici dederint, neque alia associanda? Nam Plato *Ideam* suggerat, Aristoteles suum *Idos* : ut *Privationem* (quæ Senecæ *Orbatio* est) nunc seponam, nec Peripateticis satis acceptam. Sed de *Idea* aliquid videndum est ; vel ad Senecæ nostri lucem. Ipse ita aperit (Epist. LVIII) : « Quid sit Idea, id est, quid Platoni esse videatur, audi. Idea est eorum, quæ natura fiunt, exemplar æternum. Adjiciam definitioni interpretationem, quo tibi res apertior fiat. Volo imaginem tuam facere, exemplar picturæ te habeo, ex quo capit aliquem habitum mens quem operi suo imponat. Ita illa quæ me docet et instituit facies, a qua imitatio petitur, Idea est. Talia ergo exemplaria infinita habet Natura rerum (id est, Deus)

hominum, piscium, arborum : ad quæ quodcumque fieri ab illa debet, exprimitur. » Satis clare aperit Platonicum sensum, et sincerius sane, quam discipulus ejus Lyceo fecit. Ille enim Ideas sic accepit et prodidit, quasi extra Intellectum per se subsistentes, et agentes in Materiam, ut sigillum in ceram solet. Alii abnunt, et Plutarchus clare, ex Platonis mente describit : « Ideas separatas a Materie, in sensibus et cogitationibus Dei, id est, Mentis, consistere. » In Deo, inquam, Ideæ : et noster ita Seneca (Ep. LXV) : « Hæc exemplaria rerum omnium Deus intra se habet, numerosque universorum quæ agenda sunt, et modos mente complectitur. Plenus his figuris est, quas Plato Ideas appellat, immortales, immutabiles, infatigabiles. Itaque homines quidem percunt, ipsa autem Humanitas, ad quam homo effingitur, permanet. » Sed dices, ergo varia ista in Deo et diversa, qui totus unitas est, et simplicissima natura? Nostro sensu, varia : sed in Deo una est Idea et exemplar, in rebus singulis tamen disparanda. Trismegistus hoc vidit (c. 11) : « Unam habet Ideam Deus, quæ ejus est propria, quæ nec oculis subjacet, ut pote incorporea : et omnes Ideas per corpora tamen ostendit. » Audis? In corporibus Idea variat, in Deo est una. Nec ita ut in loco sita, quod idem Termaximus amolitur (Ibid.) : « Omnia sunt in Deo, non ut loco sita. » Quomodo igitur? « in cogitatione incorporea. » Consentiant sane hæc cum Platone, atque adeo, cum Chaldeis, si forte ab iis hausit. Psellus : « Ideas eessent, modo Patris cogitationes, modo Universi rationes naturales, animales, et intellectuales, modo etiam abstractas a rebus substantias. » Sed et cum Veritate ipsa consentiunt, probe accepta. Dionysius noster Ideas agnoscit, et definit : « præfinitiones et voluntates Dei » in rebus nempe condendis. Et certum, species in Deo rerum esse, ad quas formet. Boethius (lib. III De Consol.) :

..... tu cuncta superno  
Ducis ab exemplo : pulchrum pulcherrimus ipse  
Mundum mente gerens, similique in imagine formans.

Sed et Augustinus asseruit (Question. XLVI) : « Sacrilegium quidem esse, existimare quod Ideæ sint extra mentem divinam ; si tamen Plato, inquit, in ipsa posuit, veras tum Ideas asseruisse ;

in Deo enim rerum omnium exemplar erat ab æterno. Joannis I : Quod factum est, in ipso vita erat. » Neque sane Tertullianus damnat (cap. 18), etsi videri possit, De Anima : ubi dumtaxat Gnosticos et Valentinianos rejicit, qui *Æones* suos, et alia deliria, e Platonici Ideis prave hauriebant. Sunt igitur Ideæ : an et Principium? Platoni quidem ; eoque *Originales rerum species* Macrobius (in Somn. I, cap. 11), *Principales formas* Claudianus Mamertus dixit (De Stat. An.) ; et Ausonius *Datas formas*, id est, rebus a Deo impressas. Nam ejus hunc Gryphum non aliter interpreter :

In Physicis tria prima ; Deus, Mundus, data Forma.

Tria Platonis principia ponit, *Deum materiam* (hanc per Mundum signat, qui ex ea est) *Ideam*. Trismegistus etiam amplius, Exemplarem Formam, prius principium ipso principio interminato dixit (cap. 1) : id est Materia. Ratione prius, quia in Deo est, et prævenit facienda. Seneca quæsitum tamen hoc ostendit (Quæst. Nat. I in Præf.) : « Utrum Idea Materie prius supervenit, an Materia Ideæ? » Sed Mercurium illum recte decidisse arbitramur, et ideam antevenire. Illud tamen non omitto, in Senecæ eo loco quosdam libros scribere : « Ratio Materie prius superveniat, an Materia Rationi : » quod stoicum magis sit, et capis ex ante dictis. Sed Ideam igitur cum Seneca admittat, et agnoscat : etiamne ut Principium? Non facit, neque Stoici ; nec sane est opus. Deum enim quum ponant : quid Ideas seorsim apponant, quæ sunt in Deo? Neque iidem etiam *Formam* Aristotelis, sive τὸ ἴδιον accensent : quantum nec eam sane tollant. Quid sit, et ab Idea differat, operæ pretavit Seneca explicare (Epist. LVIII). « Quid intersit quæris? alterum (*Idea*) exemplar est, alterum (*Idos*) forma ab exemplari sumpta. Alteram artifex imitatur, alteranti facit. » Plura addit, quæ non obscura sunt : eoque omittenda. Sed hæc forma, quum ad rem constituendam concurrat, faciatque maxime : cur non Principium Stoicis? Quia placuit iis prima Principia dare, et ante quæ nihil esset : quæque eadem æterna sint. At formæ auctor Deus est, et nascitur assidue ac perit. Vis inter seria etiam, quod rideas? Varro ut rem magnam, ut mysticam, religiose aperit, se tria Principia apud Samothracas reperisse. « In eorum, inquit (apud Augusti-



num. De Civ. lib. VII, c. 28), simulacris, multis indiciiis collegi aliud significare cælum, aliud terram, aliud exempla rerum, quas Plato Ideas appellat. Cælum, Jovem intelligo; Terram; Junonem; Ideas Minervam. Cælum, a quo fiat aliquid; Terram, de qua fiat; Exemplum, secundum quod fiat. » Et tibi tria Principia, etiam Romæ in Capitolio consecrata. Quid si etiam in Circo? Tertullianus asserit (De Spect. cap. 8), « trinas ibi aras Diis parere magnis, potentibus, valentibus. Eosdem et Samothracas existimari. » Tres ibi, cum Varrone (IV De L. L.), nominat: etsi ipse Varro alibi duos tantum agnoscat, *Cælum ac Terram* pariter interpretatus. Sunt isti *Cabiri*: de quibus Dionysius, Strabo, alii.

## DISSERTATIO IV.

*De Corpore, quid Stoicis? late accipi, et omnem essentiam includere. Quænam etiam eorum, pro nostris scholis et sensis, nugamenta.*

At Principia quæ habemus, ad ea veniamus quæ ex his sunt. Cicero (I Acad.): « Quod ex utroque fit (Causa et Materia) id jam Corpus, et quasi Qualitatem quamdam nominabant. » Quidquid igitur Materiam habet, estis Corpus, atque id ipsum definiunt, « Corpus esse quod in tria dividitur, longitudinem, latitudinem, altitudinem. » (Laert. in Zen.) Atque hæc sane proprie Corpora sunt, pro aliorum etiam philosophantium sensu. At Stoici (notandum est) longius laxiusque hanc vocem tendunt: et communiter, quidquid omnino est, sic appellant. Ita non Genii solum et Anima (nam hæc iis materia sunt), sed Deus, et Materia, et Virtutes, Vitia, Affectus, et plura talia, Corpora dicuntur: quod Scholæ hodie rideant, sed sua hæc lingua iis fuit. Itaque Laertius, post eam finitionem, addit: « Atque hoc solidum etiam Corpus vocatur: quasi alia essent, extra eam agnominationem. Notare autem in Cicerone licuit, etiam *Qualitates* ea corpora appellari: quia scilicet « qualia et qualitate affecta » essent. Itaque statim « Qualitatum alias Principes facit, alias ex iis ortas Principes, elementa ipsa: ex iis ortas, animantium formas, quæque gignuntur e terra. Ubi palam est;

Corpora cum Simplicia intelligere, et mixta. Etsi ab ipsis Corporibus compositis abjungunt etiam *Qualitates*, et Materiam faciunt subjectam, et Formarum eas vices habere. Plutarchus adversus eos (In Contr. Stoic.): « Etsi ubique Materiam, per se inertem et immobilem, Qualitatibus subijci prædicant: Qualitates autem spiritus esse, aliqui vigores et intentiones quasdam aereas, quæ partes, quibuscumque ingenerantur, forma afficiant, et figurent. » Ecce Qualitates palam Corpora: quidni? sunt enim *Spiritus*, et *aereum* quiddam. Et vero *Qualitates* pro Formis Trismegistus etiam usurpat (cap. 8): « Affatim autem Idearum qualia Pater inseminans globo, tanquam in antro conclusit, omni qualitate exornare cupiens quod eum ipso erat quale. » Non aliud, quam varietatem Formarum acceperim, quas Mundo Deus inseruit, petitas a primis Formis, id est, Ideis. Atquin et hæc tales, ut dixi, corpora: quod Plutarchus dicit, et damnat. Ita enim contra istos: « Essentiam et Materiam subijci dicunt Qualitatibus: Qualitates autem rursus corpora faciunt. Implexa vero ista res; nam si Qualitates essentiam suam propriam habent ex qua dicuntur et sunt corpora: non quærunt essentiam aliam: » et pluscula, quæ adjungit. Quin et Galeni libellus hodie, contra eodem argumento et titulo: « Quod Qualitates sint incorporeæ. » Nec de formis solum essentialibus accipe, sed de Virtutibus, Vitiis, Affectibus, atque aliis, quæ Plutarchus enumerat item, et ridet. (Advers. Stoic.): « Absurdum autem nimis, Virtutes, Vitia, Artes præterea, omnesque Memorias, item Phantasias, et Affectus, Appetitiones, Assentiones, corpora quum faciant, in nullo ea dicere posita esse ac subsistere: locum duntaxat iis unum in corde exiguum, qui puncti instar sit, relinquere, ubi animi item Principale est. » Sunt fateor, in fronte hæc ridicula: sed subtiles illi viri, et vel maxime Dialectici, causæ aliquid habuerint sic judicandi, nobis in scriptorum illa raritate obscuræ. Chrysippus unus exstaret, in aperto res esset: Sed bene an male illi, non nunc quarramus: res quidem et sensus eorum ponendus est. Noster Seneca ad Lucilium (Ep. cvi): « Non puto te dubitaturum, quin Affectus Corpora sint: »

<sup>1</sup> Idem Tertull. de Anima. cap. 8.

et enumerat subinde *Iram*, *Ambitionem*, *Tristitiam*, *Metum*, *Audaciam*. Quid? tam diversa in una illa (ut Plutarchus scripsit) « punctuali cordis sede? » Non pugnent-igitur? nam et vitam, ecce habent, atque adeo *Animalia* esse affirmant. AUD. Haba, video: Animalia? LIPS. Audi Senecam (Ep. cxiii): « Desideras tibi scribi a me, quid sentiam de hac questione jactata apud nostros, an Justitia, Fortitudo, Prudentia, cæteræque virtutes Animalia sint? » Et multis deinde adstruit Animalia esse. AUD. Sunt, sunt: quis abnuat? Videsne pictores, et id genus, Stoicis addicere, qui fœminas etiam efformant? LIPS. Immo tu serium illorum argumētum audi. « Animum constat animal esse (ait Seneca, ibid.): quum ipse efficiat ut simus animalia. Virtus autem nihil est, quam animus taliter se habens: ergo animal est. » O Achillem! cedite, fugite, Trojani. Nec satis. Vitia etiam Animalia, quod sequitur: etiam Artes, et Physica, et Dialectica: quid? etiam partes earum *Enunciata*, et *Solæcismus*, et *Syllogismus*. Vides « quam multa (Senecæ irridentis verba) animalium millia habitent his angustiis pectoris? » Et de *angustiis*, e Plutarcho supra interpretare. Abjicit et alibi idem Seneca, et in vano aut levi habet. « Sunt, inquit (Epist. cvi), quæ scire magis juvat, quam prodest, sicut hoc, de quo quæris. An corpus bonum sit? » Respondet deinde: « Corpus esse, facit enim: quod facit, corpus est. » Ubi et axioma illud Stoicum observes, Quidquid facit, est corpus. Qua eadem illa ratione Vox corpus adstruitur, in Laertio: « Corpus est Vox, secundum Stoicos. Omne enim quod facit, Corpus est: facit autem Vox, quæ a loquentibus ad audientes accedit. » Quod tamen plenius diceretur, « Quidquid facit aut fit, est corpus: » id est, agit aut patitur. Ipse Noster, ita effert alibi (Epist. cxvii), et Plutarchus inter Stoica: « Sola quæ sunt corpora appellant: quoniam id quod est; facit aliquid, aut patitur. » Sed de Voce quod erat, etiam Epicurci sic asserebant, ut Lucretius:

Corpoream quoque enim vocem constare fatendum est,  
Et sonitum: quoniam possunt impellere sensus.

Plura, si quis volet, super hoc legat in Eustathio Homeri interprete, ad Iliados secundum. Nos ad Senecam, qui aiebat *Bonum*

corpus esse? Quid ita? ratio : « *Corporis bona, sunt corpora : corpora ergo sunt et quæ animi : nam et hic corpus est.* » Profecto mira hæc Logica est, in nostris scholis non audita, non audienda. Sed rationem omitto, rem concutio. Certe Stoici, apud Sext. Empiricum, negant *Bonum* corpus esse, sed *Bonitatem*. Ait enim (Advers. Mathem.) : « Veritatem nonnulli opinantur, et maxime Stoici, a Vero differre tribus modis, Essentia, Constitutione, Virtute. Essentia quidem, quia Veritas est Corpus. Verum autem incorporeum. » Amplius, « Nox, Dies, Vesper corpora sunt : » et quid verba ultra facio? initio dictum repeto, Quidquid est, censent corpus.

## DISSERTATIO V.

*Deum et Materiam Corpora esse Stoicis : et quatuor dumtaxat proprie Incorporæa.*

ACD. Fateor non invitum me hæc audire, etsi animo obhærenti. Si enim omnia hæc Corpora, cedo, quid igitur Incorporeum est? an id solum, quod non est, ut Chimæra et Centaurus? LIPS. Et ego libere fateor diutile in hac inquisitione me fuisse, et obhæsisse. Seneca quidem expedire nos debebat, et tæperat, ubi divisionem *Corporum* et *Non-corporum* instituit : sed deseruit, et in vado reliquit. Verba ejus ista (Epist. LXXXIX) : « Naturalis pars Philosophiæ in duo scinditur, Corporalia et Incorporalia. Corporum locus dividitur in hos primum gradus, in ea quæ Faciunt, et quæ ex his Gignuntur. Gignuntur autem Elementa. Ipse Elementi locus, ut quidam putant, simplex est : ut quidam, in Materiam et Causam omnia moventem, et Elementa dividitur. Superest ut Rationalem partem Philosophiæ dividamus. » Ecce institutam divisionem, et unum caput exsequitur de Corporibus : alterum de Incorporeis nec verbo tangit. Consilio aut neglectu ejus omissum, an ignavia exscriptorum, non definio : sed hoc clare haurio, ipsa prima Principia Corpora esse, *Materiam et Causam*. Et de Materia quidem jam ante satis firmavimus (Dissert. II supra), ubi de ea dictum : sed Laertii etiam verba sunt, quæ de utroque principio evincunt. Inter Stoica,

ubi ab Elementis ea dividit : « Et corpora esse Principia, et formæ expertia. » Ubi tamen viri docti fidenter rescribunt : « Et incorporea esse Principia. » Quod pro communi nostra philosophia verum fateor, abnuo de Stoicorum. Ipse enim *Deus* iis corpus, id est, Senecæ « Causa, omnia movens. » An non Corpus sit, quum etiam Animal est ? Ita enim idem Seneca dividit alibi (Epist. LIX.) « Corpus, in Animantia, et inanima ; rursus Animalia aut Mortalia sunt, aut Immortalia. » Et sub hac specie Dii ac Genii continentur. Neque aliter alii : unus modo nodus me ligat ab ipso Seneca injectus, qui alibi primam illam Causam appellat *Incorporalem* (Consol. ad Helv. cap. 8) : « Quisquis formator Universi fuit, sive ille Deus est potens omnium, sive incorporealis Ratio ingentium operum artifex, sive divinus Spiritus per omnia intensus. » Profecto hæc ratio est Deus, aut Dei melior pars : et si illa incorporea ; cur non Fatum, Providentia, Justitia Dei et Sapientia, et denique ipsa in nobis Ratio, pars illius ? Vix opinor hoc Stoice, sed potius Platonicè dictum : aut si est, seorsim a Deo et ab Igne eam nunc aspicit et avellit, non alibi factum. Certe Ratio *Prima Causa* est, atque ea palam Corpus illi dicta. Est et axioma Stoicis certum : « Omne quod est, esse corpus » : an non Ratio est ? Laetius (lib. XV) : « Corpus est juxta ipsos Essentia. » Numenii liber citatur ab Eusebio : « Quod non sit Corpus quidquid est, juxta Stoicos » : ubi eos scilicet refutavit. Sed et Tertullianus noster, hoc illorum dogmate imbutus, Animam, Angelos, Deum corpora facit : et alibi universe scribit (De Carne Christi), « Omne quod est, Corpus est sui generis : nihil est Incorporale, nisi quod non est. » Quo sensu Augustinus cum excusat de Deo et Angelis corporeis : quia « timebat, inquit (De Genesi ad lit. e. ult.), ne nihil essent, si Corpora non essent. » Neque Stoicorum nova hæc opinatio. Prisci quidam philosophorum (Platone teste in Sophista) aiebant « Justitiam, Prudentiam, itemque contraria, aut nihil eorum quæ sunt esse, aut corpora esse. » Tam lata igitur hac significatione, quid mirere dicta a nobis omnia comprehendere ? AUD. Cedo equidem, et dono : sed quod injeci equid solvia ? Ubi enim incorporea, nisi in imagine ? LIPS. Non hoc cense ; sunt reipsa quedam ; et reperier-

mus. Seneca palam divisit supremum illud τὸ ὄν : « Quidquid est , aut Corporale est , aut Incorporale. » (Epist. LVIII.) Et postea iterum ita dividit , sed exempla non donat. Ergo aliquod Ens dicimus Incorporale : et axioma illud supra positum leviter restringendum est. Nam lego in Sexto Empirico : « Ex incorporaleis Stoici enumerant quatuor species, Id quod dicitur, Vacuum, Locum, Tempus. » Primum illud Græce est (ex alio Empirici loco) τὸ λεκτόν. Senecæ inde lux (Epist. cxvii) : « Video Catonem ambulante : Corpus est , quod video. Dico deinde : Cato ambulat ; non Corpus quidem est quod nunc loquor , sed enunciatum de Corpore ; quod alii effatum vocant , alii Enunciatum , alii Edictum. » Ecce τὸ λεκτόν varie interpretatur : et ostendit esse quid quum vere dicitur (ut , Cato ambulat , sapit , desipit) : nec tamen Corpus , sed Incorporale esse. Ab ea re apud eandem Senecam (Ibid.) quaestio , « Quum Sapientia sit Corpus , an etiam Sapere ? » et disputat εἰς ἑκατέρωθεν , *in utramque partem* : sed non est profecto , pro dicto sensu. Plura in hac re non habeo , nisi illud Plutarchi (Contra Stoic.) etiam : istine consequi , « Corpus Corporis esse locum , et Corpus penetrare per corpus » : quod verum est , si Qualitates sunt corpora , initio dictum.

## DISSERTATIO VI.

*De Mundo , optimo maximoque corpore. Varii vocis significatio.*

*Differt ab Universo : quid Totum Stoicis ? itemque de Vacuo.*

SED nos ad amœniora et simul graviora pedem promoveamus. E Principiis, Elementa et Corpora : ac præstantissimum Corporum, Mundus. De cujus nomine obiter videndum est : tum et res inquirenda , et pro illorum sensu aperienda. Nomen vel Græcis , vel Latinis , ab ornata est ; nam et illi κόσμον dicunt , primo ejus nomenclaturæ Pythagora auctore. Id enim ita Laetius : « τὸν οὐρανὸν πρῶτον αὐτὸν ἀνομάσαι κόσμον » hunc primum Cælum appellasse Mundum : « quod tamen alii ad Parmenidem , Zeno noster ad Hesiodum refert. Galenus cum Laertio : « Pythagoras primus appellavit hunc rerum ambitum Mundum. » Idem de eo Plutarchus , et

causam etiam addit : « ab ordine qui est in illo. » Ab ordine ,  
 inquam , sive a toto ornatu. Plinius : « Quem κόσμος Græci nomine  
 ornamenti appellaverunt , eum nos a perfecta absolutaque elegantia  
 Mundum. » Nam et muliebrem mundum obtinuit dici. Trismegistus  
 interiorem nomenclaturæ causam dat ( cap. 9 ) : « Merito Mundus  
 sive ornatu<sup>s</sup> dicitur ; ornat enim omnia varietate generationis ,  
 continuatione vitæ , indefessa operatione , et ordine genitorum ; » et  
 plura quæ addit. Quæ ratio Mundum proprie spectat , quatenus  
 facit aliquid , et est Deus. Isidori nova origatio est , immo vetus  
 ex Varrone : « Mundus , inquit ( lib. XIII ) , quod in sempiterno  
 sit motu , ut cælum , sol , luna , maria. Unde et animalia Varroni  
 videntur Elementa , quoniam per semetipsa , inquit , moventur. »  
 An bene ex Varrone transcripserit , nescio : neque Elementa prop-  
 rie Animalia , sed Mundum dixerit , ex Stoico et Platonico sensu.  
 Vides ex his Cælum primo Mundum dictum ; deinde latius vocem  
 se fudisse. Notant autem Stoici : « Tripliciter dici Mundum. Primo  
 ipsum Deum omnis essentiæ opificem , qui incorruptibilis est et  
 ingenuus , architectus ipsius Muudi , et post temporum aliquas pe-  
 riodos iterum in se absumens et vertens omnem essentiam , iterum-  
 que ex se gignens. Secundo , ipsam astrorum ordinationem , id est ,  
 Cælum , Mundum dicunt. Tertio , quod fit ex utrisque. » ( Laert. in  
 Zen. ) Quæ postrema verba satis tenebrosa sunt : et ex quibus  
 utrisque ? ex Deone , et Cælo ? ita textus sermonis suadet , sed re  
 abnuente. Putem magis , *Ex Deo et Essentia* , id est , Materia , eum  
 velle dictum. Philo clarius ista extulit ( De immor. Mundi. ) : « Primo  
 Mundus dicitur , compositio ex cælo et astris , terram ambientibus ,  
 et animantia ac stirpes. Secundo , solum ipsum Cælum. Tertio , ut  
 Stoicis visum , Essentia quædam ad exustionem perveniens durans-  
 que , sive digesta sive indigesta , ejus motus intervallum Tempus  
 esse dicunt. » Itaque tertia hæc sententia peculiaris Stoicorum est ,  
 quam ad Deum retulit Laertius , ad Essentiam Philo : uterque recte.  
 Nam essentia illa tota , Deus est Stoicis : neque aliud quam Senecæ  
 et Latinis *Rerum natura* , vel *Communis Natura* , de qua supra dixi.  
 Ea igitur , sive in Mundum formata sit , sive indigesta , est iis  
 Mundus. Et hoc sensu doctissime , ut solet , Ausonius *Mundum* pro

Materia supra dixit. Sed aliud igitur Stoicis κόσμος, καὶ διακόσμησις : sicut etiam τὸ πᾶν, καὶ ὅλον. Laertius discriminat (In Zen.) : « Universum dicitur et Mundus ; et alio modo, quod ex Mundo et extrinseco Vacuo constat. Nam Mundus finitus est. Vacuum infinitum. » Itaque et Mundus etiam πᾶν sive *Universum* dicitur : sed magis erat : in scholis præsertim distingui. Plutarchus (II De Placit. c. 1) : « Stoicis differunt Universum, et Totum. Universum enim esse, cum Vacuo Infinitum, sine Vacuo Mundum. » Falsa hæc autem, rescribendaque : « Universum enim esse cum Vacuo infinito » : et ἀπὸ τοῦ οὐνοῦ advocanda vox, κόσμος. Recte ita Stobæanæ Eclagæ : « Stoici differre dicunt Universum et Totum Universum esse, cum Vacuo infinito ; Totum sine eo, Mundum. » Atque hæc ita apertissime etiam Empiricus (Advers. Mathem.), ubi de Toto. Hinc illud eorum effatum est, valde Plutarchi exagitatum (Cont. Stoic.) « Universum, corpus non esse. » Quidni dicerent ? Inane enim cunctatur : neque id sane est corpus. Itaque ipsius Plutarchi verbis hoc solvamus : « Vacuum enim infinitum exterius Mundo circumfundentes, neque Corpus Universum, neque Incorporatum affirmant. » Cautè, et jure, o Plutarche : et tu hic atque alibi haud æquus arbiter eos culpas. Qua Vacuum continet, corpus unum est ; qua Mundum, corpus. Atqui non est Vacuum. Sane quidem : « Abusque Thalete Physici (ut alibi tu scribis, I De Placit. cap. 18) ad Platonem, Vacuum ignorarunt » : quod fatemur, et ipse Plato ubique abdicat : sed qui Italiciæ sectæ fuerunt, diu ante Platonem, Leucippus, Democritus, et ab his Epicurus, posuerunt. Atque illi quidem laxè, et ubique rebus mixtum : Stoici restrictius (Ibid.) : « in Mundo, nihil esse Vacui ; extra, infinitum illud esse. » Causa statuendi, Conflagratio sive ἐκρόσησις, quia Mundus in illud resolvitur, post istam. Quid, quod ipse Pythagoras : « Tantum Vacui esse extra Mundum, ut respirare cælum possit, esse enim ipsum igneum. » Pythagoræ, inquam, hoc verius tribuetur, quam ut ab eodem Plutarchi alibi, Aristoteli ipsi. Nam ille nimium quantum abhorret. Abhorreat : nos posuimus (infra Dissert. IX), et plures hodie etiam Theologorum. Quid autem id est ? quod est, et unum est. Nam Cleomedis Stoici verbis : « Simplicissima ejus est con-



ceptio, ut quod incorporeum sit et intactile, quod nec figuram habeat, neque figuratum sit, quod neque patiaturs neque agat, tantum corpus suscipere aptum sit. » Atque idem ille in *Cyclicis* suis *Theoriis*, pluribus docet, revera tale extra Mundum esse : atque id infinitum.

## DISSERTATIO VII.

*Definitio Mundi. Civitatem dici, itemque Templum : eaque imagines explicatæ.*

SED nomina Mundi vidimus : nunc ipsum ; et quid est tertia significatione Mundus ? Chrysippus ( apud Stobæum ) definivit : « Mundum esse compagem e cælo et terra, et naturis quæ his continentur. Vel aliter : Compagem conventumque ex diis hominibusque, et quæ horum causa sunt facta. » Utraque hæc etiam in Laertio totidem verbis, sed Posidonio adscribuntur. In Eusebio prior, paulo uberius ponitur ( lib. XV ) : « Compages e cælo, acre, terra, mari, naturisque contentis. » Atque ille idem alteram illam adjunxit : et causam utriusque variantis dedit : « Sicut enim, inquit, Civitas dupliciter dicitur, et ipsa sedes sive domicilium, et corpus incolarum civiumque : ita Mundus tanquam Civitas est, e diis hominibusque constituta ; cujus dii quidem principatum et regimen habent, hominibus subjectis. Communionem autem inter utrosque esse, quia Ratione participant, quæ natura <sup>1</sup> Lex est. » Sunt pulchra et dignitatem Mundi exprimunt, et nostram, itemque officium et munus. Imago est, quæ valde placita Stoicis et passim usurpant ; ut Senece, ad Marciam ( cap. 18 ) : « Intratura es urbem diis hominibusque communem. » Cicero ( I De Leg. ) : « Universus hic Mundus una civitas, communis deorum hominumque, existimandus est. » Idem alibi ( II de Nat. Deorum ) : « Est enim Mundus quasi communis deorum atque hominum domus, aut urbs utrorumque. » Iterum dico, sunt pulchra, alta, et quis non attollatur, atque idem vereatur, quum Deum et Genios circum se, et supra se, cogitat inspectores, eosdemque rectores ? Et parte altera, ava-

<sup>1</sup> Græce φύσις, natura. Nec male φύσις, naturæ. Utrumque verum est.

ritiam contemnat, viles curas exuat, quum, velut patriam et urbem, mundum sibi circumdat? Seneca (Consol. ad Helv.): « Magno animo nos non unius urbis mœnibus inclusimus, sed in totius orbis commercium emisimus, patriamque nobis professi sumus Mundum, ut liceŕet latioreŕ campum virtuti dare. » Sane *virtuti*, et maxime caritati ac curæ generis humani. Omnes unius urbis cives sumus. Cicero de Stoicis (IV de Fin.): « At quanta conantur? Mundum hunc omnem oppidum esse nostrum. Incendit igitur eos, qui audiunt. Vides quantam rem agas? ut Circeiis qui habitat, hunc omnem Mundum suum municipium esse existimet. » Et vero hanc communionis rationem Pontifici Judæorum fuisse in animi oculis, Philo prædicat (De Monarchia II): « Quum enim, inquit, aliarum gentium sacerdotes, non nisi pro suis, et amicis, et civibus vota aut sacra faciant, summus Judæorum Pontifex, non solum pro toto genere humano, sed et pro naturæ omnibus partibus, terra, aqua, aere, igne, preces gratesque concipit: Mundum hunc existimans (uti revera est) patriam suam esse. » Fructum sententiæ vides: et adde alterum, de Exsilio; quod esse nullum potest sic animato. « Emetiamur enim quascumque terras, nullam invenire intra Mundum est, alienam nobis. » (Sen. ad Helv. cap. 11.) Sic igitur de Mundo Stoici: etsi *Cælum* etiam Civitatem, et quidem propriè, si Clementi credimus, volunt dici. Ille quum cælestem civitatem in Sacris legeret, et rei suæ aptaret, addit (IV Strom. in fine): « Dicunt et Stoici Cælum propriè civitatem esse; quæ autem hic in terra sunt civitates, dici quidem, at non esse. » Quo ego Plutarchi réprehensionem spectasse arbitror, etsi verba in Græcis (meo quidem libro) corrupta aut manea sunt: « Sed et aiunt, deorum domum (putem enim scribendum, *θεῶν οἶκον*, pro *τὸ ναὸς*, quod nullum sensum præbet) esse civitatem, cives autem stellas, ad hoc etiam tribules, et magistratus: nempe Solem etiam Senatorem, et Hesperum Prytanem vel Ædilem. » (De Commn. Not.) Nisi magis tamen est legi *τὸν κόσμον εἶναι*, et concinnare divulsa: atque ad priorem imaginem de Mundo toto referre, cui Dii scilicet et cælites illi præsunt. Quem iterum alia imagine, et magis augusta, assimilant etiam eum Templo. Seneca (De Benef. VII, cap. 7): « To-

tum Mundum deorum esse Templum, solum quidem amplitudine illorum ac magnificentia dignum. » Et alibi (Epist. xc) : « Per quæ non municipale sacrum, sed ingens omnium deorum Templum Mundus iste reseratur. » Cicero (In Somnio) : « Homines tuentur illum globum, quem in Templo hoc medium vides, qui terra dicitur. » Ubi Macrobius apposite (lib. I, cap. 14) : « Quidquid humano adspectui subjicitur, Templum ejus vocavit qui sola mente conceipitur; ut, qui hæc veneratur ut templa, cultum tamen maximum debeat conditori : sciatque quisquis in usum templi hujus inducitur, ritu sibi vivendum Sacerdotis. » Bona, bona postrema monitio et Plutarchus accedat (De Tranq. animi) : « Templum esse hunc Mundum, sacratissimum quidem ac religiosissimum, in quod per ortum inducimur, spectatores non signorum surdorum et manufactorum, sed Solis, Lunæ, siderum. » Et addit, hæc « veluti initia et mysteria quædam esse, tranquillo et læto nobis animo spectanda ac peragenda. » Philo denique Judæus claudat (De Monarch. II) : « Templum Dei supremum, et vere tale, existimare oportet esse totum hunc Mundum; qui Sacrarium quidem habet, purissimam rerum Naturæ partem, Cælum; ornamenta, stellas, sacerdotes, ministros potentia ejus angelos, incorporeas animas. » Imagines habemus, aptas, et pro splendore ac dignitate Mundi, nec supra. « Nihil enim omnium rerum (ait Stoicissans Tullius, II De Natur. deor.) melius est Mundo, nihil præstabilius, nihil pulchrius : nec solum nihil est, sed ne cogitari quidem quidquam melius potest. » Vide ipsum totum, vide magnas parvasque partes : omnia « ita constituta sunt, ut neque ad usum meliora esse potuerint, neque ad speciem pulchriora. » (Ibid. infra.)

## DISSERTATIO VIII.

*Factum esse Mundum a Deo, hominum causa : et breviter, quomodo sit factus.*

TANTI autem operis quis auctor ? Nullus, aiunt quidam, et ab æterno fuit, æternumque erit. Alii qui factum statuunt, partim a Natura (ut Strato) : partim a Forte et Casu, ut Epicurus. Stoici

verissime, a Deo et Providentia esse. Passim ita : et Chrysippi, apud Lactantium (De Ira Dei, cap. 10), argumentum validum sane exstat. « Si quid est, inquit Chrysippus, quod efficiat ea, quæ homo, licet ratione præditus, efficere non possit ; id profecto est majus, et fortius, et sapientius homine. Homo autem non potest facere cælestia : ergo illud, quod hæc effecerit, superat hominem arte, consilio, prudentia, potestate. Quid igitur potest esse, nisi Deus? » Nec testimonia congero in sententia decantata : illud addam, *Quare, Quomodo, Ubi, Quando, Qualem* fecerit Deus? *Quare?* sua, inquirunt, et hominum causa. Neque enim alius ei finis fuit, quam potentia et bonitatis designatio, in maximo optimoque opere sic ostensa. Cicero (II De Nat. Deor.) : « Quorum igitur causa quis dixerit effectum esse Mundum? Eorum scilicet animantium, quæ ratione utuntur ; hi sunt dii et homines, quibus profecto nihil est melius. » Et de altera sane parte, nostri Doctores consentiunt ; ut Lactantius (De Ira Dei, cap. 13) : « Vera est sententia Stoicorum, qui aiunt nostra causa Mundum esse constructum. Omnia enim quibus constat, quæque generat ex se Mundus, ad utilitatem hominis accommodata sunt. » Et singillatim ibi exsequitur : quod ante eum Cicero accurate, De Natura deorum (lib. II). Neque Seneca id negatum voluit (haud ita veri et partium transfuga) quum scribit (II De Ira cap. 27) : « Non enim nos causa Mundo sumus, biemem æstatemque referendi : suas ista leges habent, quibus divina exercentur. Nimis nos suspicimus, si digni nobis videmur, propter quos tanta moveantur. » Immo vero, o bone, propter nos vel maxime ista moventur : sed non solos : et hoc voluisti dictum. Dii quoque hic suas partes habent. Itaque alibi scribis (lib. VI, De Benef. cap. 23) : « Dii non per negligentiam nos gennere, quibus tam multa genuerant. Cogitavit enim nos ante Natura quam fecit. » Ita est. Providentia hominem, et pleraque ista homini fecit. Sed *Quomodo* fecit, et quæ compositio aut digestio molis hujus fuit? Zeno apud Laertium ita prodit : « Deum in principio, quum apud se esset, Essentiam omnem per acrem in aquam convertisse. Et ut in fortu semen continetur, ita Deum qui seminalis Ratio mundi est, tale semen reliquisse in Humido, quod facilem aptamque operi

Materiam præberet, ad rerum deinceps generationem. Deinde progenuisse primum Elementa quatuor, ignem, aquam, aerem, terram. » Ait, *in principio* : ipsis Sacrorum nostrorum verbis. Ait, *quum apud se esset*. Pie et pulchre. Deus sua perfectio, sedes, regnum :

Cui esse sibi sufficit, efficitque cuncta :

ut vir summus nostri ævi (Jul. Scal.), in Carmine super Deo scripsit, plane divino. Deus sibi, et suum ei esse, sufficit : quidni? in ipso omnia, ipse omnia. Itaque frustra, et pro humana imbecillitate istæ quæstiones, Quid faciebat, agitabat? Vel Seneca noster respondet (Epist. ix) : « Jupiter resolutio mundo, et diis in unum confusis, paulisper cessante Natura, acquiescit sibi, cogitationibus suis traditus. » Optime; vis et ego aliquid audacter, sive argute? Idem quod nunc facit, fecit. Erras, qui in Deo tempora disparas, omnia ei sunt in presenti. Poeta Christianus olim, Claudius Victor :

Regnabatque potens in majestate creandi,  
Et facienda videus, gignendaque mente capaci  
Sæcula dispiciens : et quidquid tempora volvunt,  
Præsens semper habens ; immensum mole beata  
Regnum erat ipse enim.

An deerat occupatio, hæc quæ fuere, quæ sunt, et quæ instant, contemplanti? Pergit Laertius, *Essentiam omnem vertisse*. Si de primo conditu intelligit, Materiam cape : sin de reparatione Mundi post exustionem, cape Ignem reliquum et in eo semina rerum. *Per Aerem*. Ergo vel Materia, vel ignis ille reliquus, Aere tenuior. Et ita est ; quoniam tradebant Stoici diffundi, vel totum Vacuum illud occupare. Contrahitur igitur sed gradatim, et habilis sit corporum generationi. Primo autem in Aerem, quia facillima ea mutatio ab Igne. Deinde, ait, *In Aquam*. Hæc igitur proxima facies Materie, quum elementa genita. Ideo vetus opinio, « Aquam principium rerum-esse », Thaleti adscripta. Quid Thaleti? Homeri ante illum fuit, apud quem legas (Iliad. ξ) :

..... ποταμοὶ πύθοντα  
Ὠκεανὸν, ὡς περ γένεας πάτερων τέτυκται·  
..... flumina magni  
Oceani, cunctis qui rebus præbuit ortum.

Vis aliquid clarins? iteratque alibi, et vocat

Ὠκεανὸς τε θεῶν γενέσθαι καὶ μητέρα τοῦ κόσμου

Oceanum Divis genesim, matrem et nutricem.

Dii et Genii ex illo orti (nam et hi ex Materie) atque etiam vapor-  
ationibus ejus aluntur. Postrema autem ipsa verba, de *Matre et*  
*Nutrice*, Plato in Timæo assumpsit, et Materie aptavit. Quia et  
Barbarica vetus philosophia in hac parte. « Brachmanibus apud  
Iudos », ait Strabo, « aliarum omnium rerum alia principia, Mundi  
autem aqua. » Sed quarum rerum alia? credo singularum rerum,  
quæ ex Elementis; ut ad proxima principia hoc referatur. Jam et  
Egyptii (Philo notat De Vita Moysis I): « Aquam eximie colue-  
runt, principium Universi generationis eam censescentes. » Sed pro  
tota Stoicorum sententia, Seneca audiendus (III Quæst. Nat. c. 13):  
« Aqua, ait Thales, valentissimum elementum est; hoc fuisse pri-  
mum putat, ex hoc surrexisse omnia. Sed et nos quoque (Stoici)  
aut in eadem sententia, aut in ultima sumus. » Ultima, ex hac  
nempe omnia surrexisse. Quo ducere et Manilium possis, immo  
debeas (lib. I):

Seu liquor hoc peperit, sine quo riget arida rerum

Materies, ipsumque vocat, quo solvitur, Ignem.

Inter variantes sententias Mundi conditi, nec Stoicam omittit: et  
Sive, inquit, Aqua initium rebus fuit, in quam Materia se vertit:  
quæ deinde *vocat* (ita legerim, non *orat*) sive adhibet ipsum  
Ignem, qui destruit, et in varias formas mutat. Sive, qui solvit et  
destruit, in *ἐκρύπτει*. Neque aliud Stoici decantatum illud *Chaos*  
interpretabantur, quam hanc *aquam*: non illam Elementi. Philo-  
nem ita audi (de Immortalitate Mundi): « Quidam Stoicorum Chaos  
existimant Aquam esse, a fusione factum nomen arbitantes. » Sed  
quid jam Aqua? pergit Laertius: *Deum qui seminalis Ratio est re-  
linqui in humido*. De Deo enim hæc verba, ejusque Ratione (etsi  
obscuriuscula sunt) omnino capienda. Ita enim alibi ipse Zeno (In  
Stob. Phys.): « Per Materiam (sic aqueam) discurrere Universi  
Rationem, quam aliqui Fatum appellant, tanquam in factu se-  
men. » Vides eandem ibi imaginem, et ipsis verbis, uti hic po-

nitur; significat autem, immobilem per se et inefficacem Materiam animari ab hoc Igne (illo qui Deus, et Ratio): non aliter quam semen ejusque spiritus et calor factum formant, augent, alunt. Notanda igitur et hic *λόγος* vocula: qua crebro in hac Generationis re utuntur, ut Seneca (Epist. LXV): «Causa autem, id est, Ratio, Materiam format.» Iterum (Consol. ad Helv., cap. VII): «Incorporalis Ratio, ingentium operum artifex.» Ingentium, totius Mundi. Ait, *incorporalis*: quia mens ipsa Dei est, et animus, ut sic dicam, Ignis. Fatum interpretatur Zeno, alii Providentiam: et utrovis sensu poeta Manilius (germanus Stoicus) saepius usurpat. Ut in ista re gignendi, Sidera et cælum, esse «Cælestis Rationis opus (lib. I).» *Tale semen reliquisse.* Ipsum Ignem, sive Colorem, qui Humido miscetur, vocat *Semen*: Ratione tamen illa semper adjuncta. Plutarchus, adversus nostros: «Mundi semen Ignem dicunt.» Alio verbo, sed eodem sensu, Aristocles apud Ensebium (I Acad.): «Elementum rerum omnium Ignem dicunt, ejus principia, Denm et Materiam.» Bene Aristocles; et Deus sive ipsa Ratio, ab hoc Igne disparanda. «Zeno, apud Ciceronem (Cic., II de Nat. Deor.), statuit Ignem esse ipsam naturam, quæ quidque gigneret, et mentem atque sensus.» Qualis autem hic Ignis? non ut ille noster, qui cuncta disturbat ac dissipat: sed «vitalis ac salutaris, qui omnia conservat, alit, anget, sustinet, sensuque afficit:» qualem in sideribus videmus. Plura autem super tota hac re, ubi de Exustione mundi. Ultima Laertii: *Gigni primum elementa quatuor, ignem, aquam, aerem, terram.* Idem Laertius postea: «Gigni Mundum, quum ex Igne (qui exustioni reliquus) Essentia vertitur per Aerem in Humorem; deinde crassior ejus pars fit Terra; quod tenuius, Aer; reliquum magis tenue, Ignis.» Sed hic *Aquam* omittit, antea positam, et recte: neque enim Materialis illa aqua sive humor, vere elementum Aquæ est, sed faciem dumtaxat ejus habet, multifaria alioqui mixtione. Hæc igitur in brevi Stoicorum sententia, super rerum conditu: cum qua valde Trismegistus ille consensit: «Ratio sancta (sive Verbum) Naturæ supervenit, et Ignis purus exsiluit ex Humida natura in altum,» inquit (cap. 1). Additque mox: «Movebantur autem, a Ratione spiritali, quæ super

ea ferebatur, ad auditum. » Est sane nostra hic *Ratio*, est *Ignis*. Quid in ipso Moyse, rerum primordiis, nonne « Spiritus Domini ferebatur super Aquas? » Quibus profecto paria et Trismegistus, et Zeno supra, « Rationem per Materiam decurrere. » Quod Tertullianus alludit, an et ridet? « Stoici volunt, Denm sic per Materiam decurrerisse, quomodo mel per favos. » Rideat : Metaphoram non indecoram, nec a Sacris longinquam, ego putem.

### DISSERTATIO IX.

*In Vacuo Mundum librari. Vere natum videri : et quæ forma ejus circiter.*

Quomodo factus, quod satis sit, diximus : *Ubi* autem; et quo situ? « In medio Vacui, ait Chrysippus apud Plutarchum (de Defect. oracul.), atque hanc causam permansionis ejus esse, quod Essentia omnis in sui medium tendat. » Est ipsa sententia; quam damnatum it Epieurus, et ex eo Lucretius (lib. I) :

Illud in his rebus longe fuge credere, Memmi,  
In medium summæ, quod dicunt, omnia niti :  
Atque ideo Mundi Naturam stare sine ullis  
Ictibus externis, neque quoquam posse resolvi  
Summa atque ima, quod in medium sint omnia mixta.

Damnat, sed parum juste : et in Terra, quæ se sustinet, et undique in se redit, eadem ratio, neque alia, valet. Plutarchus etiam, dicto loco, irridet : quia Vacuum omne spernit. Non nos hercle, et cogitanti cuicumque aliquid Vacui extra Mundum, vel invito occurrit, quod præter ante dictos, etiam Philo Judæus palam adstruit, et in Scripturis *Abyssum* dici contendit. Quid Augustinus, an non « extra Mundum infinita spatia locorum » cogitari ostendit (XI De Civ. cap. 5)? Ut Stoicorum assertio neque tam singularis sit, nec ex facili aspernanda : immo Theologorum optimis etiam hodie propugnanda. Addamus, *Quando* sit factus : etsi apud Stoicos quidem nihil super ea re legi. Immo credo eos censuisse, « certum non esse diem ejus ortus : » quod Julius Firmicus tradidit (lib. III), certus eorum assecla et satelles. Tamen curiosa inqui-



sitio huc quoque ivit, et Vere natum esse volunt, Sole in Aricte existente. Panegyristes ad Maximianum : « Divinus ille vestræ majestatis ortus ipso, quo illuxit, auspicio Veris illustrior, augustiore fulgens luminis claritate, quam quum originem mundi nascentis animavit. » Et statim : « O felix beatumque Ver novo partu ! o tempus, quo merito omnia nata esse credantur ! o Kalendæ Martiæ, sicuti olim annorum volventium, ita nunc æternorum auspices Imperatorum. » Virgilius :

Non alios prima crescentis origine mundi  
Illuxisse dies, aliumve habuisse tenorem  
Crediderim. Ver ipsum erat, Ver magnus agebat  
Orbis.

In Carmine veteri : « Vere natus orbis est. » Divus Ambrosius et causam addidit (I Hexam. cap. 5) : « Inde oportebat mundi exordium capi, ubi erat opportuna omnibus verna temperies, unde et nascentis mundi imaginem annus expressit, ut post hibernas glacies, atque hiemales caligines, serenior solito Verni temporis splendor eluceat. » Damascenus item in hac parte (lib. II, cap. 7) : « Quatuor sunt a Sole anni tempora sive conversiones. Prima Verna, in qua Deus fecit universa, quod docet etiam nunc florum in ea germinatio. » Verba Scripturæ adjicit : « Germinet terra herbam virentem, et facientem semen, et lignum pomiferum. » Et nonne probabile est amœnissimo, et maxime vegetabili tempore, cuncta cœpisse ? quum et animantes pleræque fecificant, et aliæ naturæ partes concipiunt aut parturiunt, *ἐλλέως* dicamus et ipsam totam peperisse. At sunt tamen qui fortiter abnuant, Hebræorum auctoritate confisi, quibus principium anni in Autumno fuit : ergo et Mundi. Non ultra inquiri : quum ad Sacrorum auctoritatem itur, Philosophiæ fines jam res egreditur, et ad Theologiæ abit : Hoc tertium potius, *Qualis conditus*, et qua forma ? Rotunda. Ita Stoici apud Lærtium : et causa : « Nam ad motum talem figuram aptissimam. » Plures causæ in Manilio (lib. I) :

Hæc æterna manet, divisque simillima forma,  
Cui neque principium est usquam, nec finis, in ipso  
Sed similis toto remanet, perque omnia par est.

Apta scilicet ea forma ad perpetuitatem motus : denique *Divis par*, ut ait, vel quia Astra sic spectantur ; vel quia principio et fine caret, ut ipse Deus. Observa autem hic *Totum*, τὸ ὅλον, Stoico sermone, ut prædixi. In Platone ratio quoque alia (in *Timæo*) : « Quod a quo animante (*Mundo*) omnes reliquos contineri vellet animantes, hunc ea forma figuravit, qua una omnes reliquæ formæ concluduntur. » Est enim capacissima, est perfectissima ea forma. Et « idcirco (ait explicans Apuleius) perfectissimo et pulcherrimo Mundo instar<sup>1</sup> pulchræ et perfectæ sphaeræ a fabricatore Deo quesitum est, ut sit nihil indigens : sed operiens omnia cœrensque contineat ; pulcher et admirabilis, suique similis, sibiique respondens. » Quod ipsum in capite humano Lactantius considerat : « quod Deus, inquit (de Opific. Dei, cap. 8), orbi et globo simile formavit, quia orbis rotunditas perfectæ rationis est ac figuræ. Eo igitur Mens et ignis ille divinus, tanquam cælo, tegitur. » Ab hac sententia Homerum fuisse argumentantur quod ἀπείρονα γαίαν, infinitam terram dixerit : non magnitudine, sed figura, quæ finis est experts.

## DISSERTATIO X.

*Animal eum esse, sensu et Ratione præditum. Partes ejus libatæ.  
Ipsam animam, Deum esse.*

Et Mundum quidem talem ac tantum vides, sed in externa adhuc facie : nunc animi sensus ad interiora, id est, ad *Animum* ejus mitte. Ita enim consensu Stoici, *sentientem eum, intelligentem, sapientem* : et quid te moror ? *Animal rationale esse*. *AVD.* Hoc dicunt ? repudio :

Et procul a vera hoc aio ratione repulsam.

*LARS.* Et ego tecum : sed quid judicare, priusquam audire, properas ? Intellige, et tum cense. Et sententia hæc non illorum primitus, ne nescias ; a Socrate et Platone est, qui protulerunt. Iste in *Timæo*, ut Cicero vertit : « Quapropter non est cunctandum profiteri, si modo aliquid investigari conjectura potest, hunc Mundum Animal

<sup>1</sup> Id est, *imago, forma*.

esse idque intelligens, et divina Providentia constitutum. » Et sapius iterat, et inter *ζώων*, primaria, dogmata habent sectatores. Sed, illis omissis, Stoicos audiamus : de quibus ita Laertius (in Zen.) : « Quod autem Animal sit Mundus et rationale et animatum, et intelligens, asserit Chrysippus, et Apollodorus, et Posidonius. Animal quidem ita, ut sit natura animata et sentiens. Quod enim animans, non animante præstantius est : nihil autem Mundo præstantius ; Animans est igitur. Animatum porro esse, liquet ex nostra Anima, quæ particula avulsa est ab illo. Boethus tamen dixit, non esse Animal, » Vides affirmationem, et additam rationem : Quod animal præstantius non animato. A Platone ea est sumpta, in Timæo : « Fas, inquit, non est, nec umquam fuit ; quidquam nisi pulcherrimum facere eum, qui est optimus. Quum hanc rationem igitur habuisset (Deus), reperiebat nihil esse eorum, quæ in natura cernerentur, non intelligens intelligente, in toto genere, præstantius. Mentem autem illi rei adjunctam esse sine animo nefas esse : quocirca intelligentiam in animo, animum conclusit in corpore : sic ratus opus illud effectum esse pulcherrimum. » Platonis ratiocinatio est : Deus optimus optimum fecit : nihil natura intelligente melius : ergo Mundus intelligens. Si hoc, etiam animatus : quoniam intelligentia sine anima esse non potest. Intelligentem quum dicit, Rationalem sentit, quod consonat. Itaque Zenonis verba ejusdem rei sunt, in Sexto Empirico, ista : « Si, quod est particeps rationis, est melius eo quod est illius expers : est ergo Mundus particeps rationis. Et similiter argumentabatur in eo, quod est anima præditum, et quod Inanimatum. » Adu. Neque nunc sine risu audio : et quale istud Animal, et quas partes habet ? Lips. Partes ? Bene suggeris : dabo, ad hominis et tuum instar. Plutarchus ita distribuit (de Facie in orbe Lunæ) : « Stellæ sicut oculi lucentes in facie Universi orbem suum peragunt. Sol vi præditus cordis, ut hoc sanguinem et spiritum, sic diffundit ex se vegetantem calorem et lucem. Terra et Mari Mundus, ut animal ventre et vesica, utitur. Luna inter Solem et Terram, ut inter Cor et Ventrem, velut Jecur, aut aliud molle viscus est, et respirationes illine excoctione aliqua et purgatione attenuans diffundit. » Atque ego sane (etsi aliter Ma-

crobius, I Saturn. cap. 20) eodem versus Sarapidos retulerim, quos interrogatus a Nicocreonte Cypriorum rege protulit. Ægyptii enim istum *Deorum maximum* dicunt, id est, Mundum. Versus sunt :

Εἰμι θεὸς τοσοῦτοι παθεῖν, οἷον κ' ἔγὼ εἶπω.  
Οὐράνιος κόσμος κεφαλὴ, γαστήρ δὲ θάλασσα,  
Γαῖα δὲ μοι πόδες αἰεὶ, τὰ δ' οὐκ' ἐν αἰθέρι καίεται,  
Ὀμῶδ' τι τέλειον, λαμπρὸν φάος ἔλλοισα'

Sum Deus, et talis qualem describam ego meipse.  
Cæli arx mi caput est, ventrem dico mare magnum.  
Terra, pedes; aures ponantur in æthere puro;  
Longe splendentes oculos, dic lampada Solis.

Mutat aliquid in illis Plutarchi : et quis non pro ingenio possit ? *Tetram* facit *pedes*, satis apposite : sicut Chrysippus Stoicus eandem : «fulcrum, ut in animali ossa.» (Stob. Phys.) Est enim maxime compacta et dura, sed et infimo loco, ut Pedes. Hæc Stoica esse, etiam Jo. Damascenus docet : « Stoici, inquit (de Hæresibus), Deum statuunt animum hujus Universi, corpus ejus ipsum Universum : oculos vero, Solem, Lunam, astra. » Sed et Manilius stoicissans (lib. I) :

..... flammæque nûcantes,

Quæ Mundi fecere oculos.

Oculos, id est, stellas. Sed ut ad Laertium redeam, a quo me leviter abduxisti : altera in illo ratio, cur Animal Mundus, *quod nostra ex eo anima avulsa*. Quasi dicat : Quod Animam emittit, ipsum animatum est ? talis Mundus. Verba Zenonis huic sententiæ, in Empirico : « Quod emittit semen ejus quod est particeps rationis, est ipsum quoque rationis particeps : Mundus autem emittit tale semen : ergo Mundus rationis particeps. » Cicero etiam huc faciat (IV Acad.) : « Qui Stoicus est, non magis approbabit nunc lucrare, quam hunc Mundum esse sapientem, habere Mentem quæ et ipsum fabricata sit, et omnia moderetur, moveat, regat. » Vides quam assermate hoc nostri ? Nec soli tamen, ne erres. Omitto Platonicos, Aristoteles ipse (XI Metaphys. cap. 10), sed ex aliena mente, inquit, alibi *Animal Mundum* appellat. Trismegistus planissime ex sua :

« Mundus, primum animal; secundum ab illo, Homo. » Et alibi, « immortale animal » dicit. Sed iterum ad Laetii verba, *Animam ex eo avulsam*. Quo? an toto? non, sed ipsa Anima, quam Toti dabant. Et quæ illa? Ignis; quis Ignis? Deus. Hoc diversum a Platonicis nostri habent; etsi audita sententia, non explorata, imponat. Nam utrique Animam Mundo tribuunt, et Deum faciunt: sed diverso paulum sensu. Plato Mundi animam ex Deo natam vult: nostri, Deum ipsam esse. Illi quoque Deum, sed secundarium quendam; nec primum et patrem. Pro Stoicorum mente Varro, apud Isidorum (lib. VIII): « Varro Ignem Mundi animum dicit. Proinde quod in Mundo Ignis omnia gubernet, sicut animus in nobis. Quam vanissime! Qui quum est, inquit, in nobis; vivimus; quum exit, emorimur. » Augustinus, de eodem Varrone (IV de Civ. cap. 31): « Dicit idem auctor acutissimus atque doctissimus, quod hi soli videantur ei animadvertisse, quid esset Deus, qui crediderunt eum esse Animam motu ac ratione Mundum gubernantem. » Vox *motu* non omnino disconvenit, fateor: et verius tamen credam, *Mente*. Cicero, de Stoicis (I Acad.): « Mundum natura sentiente teneri, in qua Ratio perfecta insit, quæ sit eadem sempiterna. Quam vim Animum esse dicunt Mundi eandemque esse Mentem Sapientiamque perfectam, quam Deum dicunt. » Est igitur iis Anima, est et ejus *ἰσχυρισ*, *Ratio*, in Mundo; sicut in homine ponimus: atque ea *Ratio* proprie Deus. Multa super hac re, e multis, possem: sed quod satis sit, dixi nuper, quum de ipso Deo dissertatum (lib. I, Diss. VII): Cum Philone claudam, qui hæc a Chaldeis manasse ostendit, et damnat (πρὸ ἀρχαίων): « Chaldei, inquit, super alios homines Astronomiam et Genethliacam excolentes, infera superis, caelestia terrenis adaptare et jungere nitebantur, tanquam Musica rationibus omnia concinere et convenire inter se aiebant, locis disjuncta, cognatione conjuncta. Iidem apparentem hanc et sensibus subjectum Mundum suspicati sunt et ediderunt, aut ipsum solum esse Deum, aut quæ eo continetur Universi animam, Fatum autem et Necessitatem deificantes, ut sic dicam, et consecrantes, summa impietate vitam humanam repleverunt, docentes præter hæc quæ conspiciuntur, nul-

lam esse omnium Causam. » Sunt ipsa Stoica ; qui *Rationem* in hac Anima *Fatum* et *Necessitatem* etiam interpretabantur. Absurda igitur, sic accepta, sed e quibus subtilissime argumentum pro Dei unitate, contra Gentiles Arnobius ducit (lib. III) : « In Philosophiæ memorabiles studio, universam istam molem Mundi, Animal esse unum, sapiens, rationabile, consultum, probabili asseveratione definiunt : quorum si est vera, et fixa, certa sententia ; etiam illi continuo desinent Dii esse, quos in ejus portionibus constituebatis. Ut enim homo unus nequit, permanente sui corporis integritate, in homines multos scindi ; neque homines rursus multitudinis, junctionis differentia conservata, in unius sensus simplicitatem conflari : ita si Mundus animal est unum, et unius Mentis agitatione motatur, nec in plura potest numina dissipari ; nec si ejus particulæ Dii sunt, in unius animantis consistentiam cogi atque verti. » Audisti ; jam, tecum damnamus, etsi *probabile* hoc, cum Arnobio : quia certum, divinam illam vim per omnes Mundi partes ire, ut Animam, sed non Animam : et hic error, quod æternum illud et secretum, cum perituris impurisque unionis nexu miscent.

## DISSERTATIO XI.

*Divisio Mundi prima, et secunda. Elementa quatuor esse, et in se invicem commutare.*

ANIMAL igitur iis Mundus ; cujus duæ magnæ Partes, Cælum et Terra. Varro ita dividit scite, ut opinor, ex mente et more Stoicorum. Augustinus (VII De Civ. cap. 6) : « Adjungit (Varro) Mundum dividi in duas partes, Cælum et Terram : et Cælum bifariam, in Æthera, et Aera ; Terram vero, in Aquam et Humum. E quibus summum esse Æthera, secundum Aera, tertiam Aquam, infimam Terram. » Sunt omnino Stoica ; qui primo dividebant Elementa « in Gravia, et Levia. Levia faciunt, Ignem et Aerem. Gravia, Aquam et Terram. Leve autem esse, quod a medio suo recedat ; Grave, quod accedat. » (Stob. Phys.) Ovidio etiam hæc divisio :

Quattuor æternus genitalia corpora mundus

Continet, ex illis duo sunt onerosa, unoque  
 Pondere in inferius, Tellus atque Unda, feruntur.  
 Et totidem gravitate carent nulloque premente  
 Alta petunt, Aer atque aere purior Ignis.

Clara ista, neque voces morentur, haud vulgaria omnino usurpatione in Varrone. Nam *Cælum* pro *Aere*, olim et priscis dictum: Hebræis quidem, ut Sacra docent; Latinis, ut Varro idem alibi notat. « Cælum, inquit, dupliciter dicitur, et supremum illud ubi stellæ; et hoc totum, quod complexu continet terram », quod est scilicet Aer. Lucretius (lib. IV):

Constituuntur in hoc cælo, qui dicitur Aer.

Servius illud Virgilii

.... Maria, ac terras, cælumque profundum:

pro Aere accipit, « nam *Æther*, inquit, immotus. » Plinius apertissime: « Namque et hoc Cælum appellavere majores, quod alio nomine Aera. » Immo et *Æthera* Græci, pro Aere, consimiliter etiam dicunt. Omitto, in re pergamus. Quatuor igitur ista Elementa sunt, *Principes Qualitates* (ita Cicero appellat I Acad.), sive corpora, hujus mundi. Quare *Principes*? quia Elemento hoc convenit, et definitio ejus Stoica in Lærtio: « Elementum, ex quo primo fiunt, quæ sunt: et in quod extremum resolvuntur. » Fiunt, nempe hæc minora et multiformia corpora: alioqui ex Principiis primis ipsa Elementa. Sed de Compositis accipiendum est, Elementa sunt simplicia. Quatuor ea consensu fere ponunt. Et bene Plinius: « Nec de Elementis video dubitari, quatuor ea esse. » Quare sint, Platonis pulchra consideratio est, in *Timæo*. « Divini decoris ratio postulabat, inquit (ex Macr. I in *Somn. Scip.*) talem fieri Mundum, qui et Visum pateretur, et Tactum. Constabat autem neque videri aliquid posse sine Ignis beneficio, neque tangi sine solido, et solidum nihil esse sine Terra. Unde Mundi omne corpus de Igni et Terra instituere fabricator incipiens, vidit duo convenire sine medio colligante non posse: et hoc esse optimum vinculum, quod et se pariter, et a se liganda devinciat. Inde Aerem et Aquam inter Ignem Terramque contexit: et ita per omnia una et sibi conveniens jugabilis compe-

tentia occurrit, Elementorum diversitatem ipsa differentiarum æqualitate consocians. » Pluscula addit, merito a te legenda, et sine alio interprete capienda. Nam et Aristoteles, quem in scholis audimus, has Qualitatum, consentientium semper parte altera, συζυγίας exposuit. Et ab hoc isto ordine est, quod Ambrosius στοιχεῖα Græcis dicta censet: « quod sibi convenient, inquit (III Hexaem. cap. 4), et concinant. » Quatuor igitur: sed an non Seneca abnuit, qui de tribus affirmat? Alibi (Epist. cxvii): « Hæc nempe sunt Elementa, quibus hic Mundus administratur: Aqua, Terra, Spiritus. Omnia ista tam causa vivendi sunt, quam viæ mortis. » An excidisse et delinquere hic putamus vocem *Ignis*? an pro suo quoddam sensu nunc hoc dixit, et de isto inferiore mundo sentit tantum? Nam ait, *hic Mundus*. Et ad rem præsentem tria hæc facit, quia de spontanea morte agit: quam ab illo æthereo igne non sumas. Abi, inquit, Aqua te merge, si vitæ pertæsum est; Terra conde, aut ex altiore ea deice; Spiritum, id est, Aerem ne reciproca habes vias mortis. Certo ipse alibi quatuor agnoscit, et Stoici passim ponunt. Respondent huic numero et Elementis singulis Anni tempora, siquis comparet, Ver, Æstas, Autumnus, Hiems: respondent hominis item Ætates, Pueritia, Juventus, Gravisitas, Senectus. Ordo eorum, elegantibus sane versibus, in Manilio, quos, sodes, lege. Nam nobis propositum, non omnia quæ ad rem exsequi, sed quæ obscura aut rara, et ad Senecæ proprie lucem. Pro eo addo, Elementa hæc non pura prorsus esse, et communicare inter se, atque etiam mutare: Ipse dicit (III Quest. esp. 10): « Omnium Elementorum alterni recursus sunt: quidquid alteri perit, in alterum transit. Et (lego, At) Natura partes suas, velut in ponderibus constitutas, examinat: ne portionum æquitate turbata, Mundus præponderet. Omnia in omnibus sunt. Non tantum Aer in Ignem transit, sed nunquam sine Igne est. Transit Aer in Humorem, sed nihilominus non sine Humore est. Et Aera et Aquam facit Terra, sed non magis unquam sine Aqua est, quam sine Aere. Et ideo facilior invicem transitus est, quia illis in quæ transeundum est, jara mixta est. » Sunt verissima; omnia mixta sunt, et partibus (non enim totis) Elementa vertuntur: mirabili



Nature providentia, ut æqualitas et proportio servetur, necessaria tutelæ Universi. Ovidius hæc in parte (XV Metamorph.) :

..... omnia fiunt<sup>1</sup>

Ex ipsis, et in ipsa cadunt, resolutaque tellus  
In liquidas rarescit aquas; tenuatur<sup>2</sup> in auras  
Aerque humor habet; dempto quoque pondere rursus  
In superos aer tenuissima emicat ignes.  
Iude retro redeunt, idemque retextitur ordo.

Lucretius etiam, contra nostros (lib. I) :

Quinetiam repetunt a cælo atque ignibus ejus.  
Et primum faciunt ignem ac vertere in auras  
Aeris, hinc imbrem gigni, terramque creari  
Ex imbei, retroque a terra cuncta reverti,  
Humorum primum, post aera, deinde calorem :  
Nec cessare hæc inter se mutare, meare  
De cælo ad terram, de terra ad sidera mundi.

Rejicit, qua amplecti debuit, et vel sensuum testimonio fidem habere: Sane hæc mutatio est, et ex inixtione generatio : in qua tamen discrimen, et alia Agunt, alia Patiuntur. Cicero, ut Stoicus (I Academic.) : « Aer et Ignis movendi vim habent, atque Efficiendi : reliquæ partes accipiendi, et quasi Patiendi. Aquam et Terram dico. » Paria Aristoteles : et duo Elementa superiora velut Mares sunt, et Artifices<sup>3</sup>; reliqua ut Fœminæ, et Materiæ vicem habent. Ægyptii etiam ita distinguebant, in Mares dico et Fœminas : sed aliter, et singulis dabant utrumque hunc sexum. Exempli causa, « Aerâ marem indicant qua ventus est; fœminam, qua nebulosus et iners. Aquam virilem, Mare vocant; muliebrem, omnem aliam. Ignem masculum, qua ardet flamma; fœminam, qua lucet innoxius tactu. Terram fortiolem, marem vocant, saxa cautesque; fœminæ nomen assignant huic tractabili ad culturam. » Ista Senece alibi, subtiliora quam veriora. (III Quæst. cap. 14.) Sed jam ad singula Elementa eamus.

<sup>1</sup> Ipsa definitio Stoicorum supra.

<sup>2</sup> Legam, tenuatus l. a. A. humor abit.

<sup>3</sup> Vide Fulgent. Mythologica, de Saturno. Lib. I.

## DISSERTATIO XII.

*De Elemento Ignis, sive Æthere. Stoicis Ignem ibi statui: atque illum, aut in illo, Deum.*

PRIMUM est Ignis, qui in *Cælo* sive *Æthere* locum suum habet. *Cælum* Græcis οὐρανός quia πᾶσιν ὁράμενος et oculos omnium pulchritudine ad se vocat. Neque alia causa Latinis *Cælum*, « quod haud dubie (ait Plinius) cælati argumento diximus, ut interpretatur M. Varro. » Est enim, ait Isidorus, « stellis, velut vas, signatum. » Et Deus superum illum « Mundum (pulcherrime Cicero I De Natur. Deor.) signis et luminibus tanquam *Ædilis*, ornavit. » Is ornatus in Varronis hisce versibus :

Mundas, domus est maxima omnium,  
Quam quinque altitona fragmine zonæ  
Cingunt; per quam limbus pictus  
Bis sex signis stellimicantibus  
Altus in obliquo æthere, Lunæ  
Bigas acceptat: Posthumi cui So-  
plasia foetet.

Ideo igitur *Cælum*: etsi nostra quoque Terra, et vivorum regio. *Cælum*; sed comparatione, et respectu inferorum. Ut in Virgilio:

Et falsa ad cælum mittunt insomnia manes.

Nam « sicut Dii nobis (ait Macrobius), ita nos defunctis superi habemur »: quibus nostra regio, velut *Cælum*. Idem *Æther* Græcè, παρὰ τὸ αἶψιν, ab ardore, et quia igne constat, ut nostri: etsi Aristoteles παρὰ τὸ αἰεὶ εἶναι, quia perpetuo moveatur et currat, mavult dictum. Nam ipse Ignem scilicet a *Cælo* spernit, quod ex quinta quadam natura constituit; et sub eo demum Ignem locat. Res nota e scriptis ejus, neque Plutarchum pro vero habeo, qui (II De Placit. cap. 11) Aristotelem statuere cælum facit « e quinto Corpore Igne, e calidi et frigidi mixtione. » Corrupta aut falsa ista, nec sic profecto Aristoteles. Omitto quæ habemus, et exstant. Atticus etiam apud Eusebium, inter dissidia Platonis et hujus refert: « Ille (Plato) ait, cælestia plerumque Ideam ex Igne habere; iste (Ari-

stoteles) nihil participare cum eo. » At nostri, ut dixi, cum Platone, cælum et astra ignea : et quantum hoc Elementum ibi locant. Quid, cum Platone? ante eum Heraclitus, a quo nostros hausisse vult apud Tullium Cotta (III De Natur. Deor.) : « Sed omnia vestri (Stoici), Balbe, solent ad igneam vim referre, Heraclitum, ut opinor, sequentes. » Sed quocumque auctore, sententia certa est « quartam partem Mundi (Ætheream) et ipsam tota natura fecundam esse, et cæteris naturis omnibus salutarem impertire et vitalem calorem. » (Idem II Nat.) Nam superum hanc Ignem, quem illi « purum, lucidum, tenuem, mobilem » constituebant; misceri omnibus volebant, et vitam, vegetationem, aut conservationem dare. Denique hunc esse « Mundi animam, » hunc Deum : illum dico in « æthere ardorem tennem, nullaque admistione concretum. » Itaque describitur iis : « Cælum extrema circumferentia, in quo sedem habet quidquid est divinum. » (Ibid. Laert. in Zenone.) Et quanquam omnis ea pars talis, tamen supera ejus magis : et Cleanthes (in Tullio, I De Nat. Deor.) : « quam ipsum Mundum esse Deum dicit, tum ultimum et altissimum atque undique circumfusus et extremum, omnia cingentem atque complexum ardorem, qui Æther nominatur, certissimum Deum judicat. » Quod Scipio etiam ita, doctore scilicet Panætio, stoicissans apud Ciceronem (In Somn.) : « Orbis cælestis ultimus, qui reliquos complectitur, Summus ipse Deus, arcens et continens cæteros. » Quæ talia Macrobius tamen ad Platonis dogmata trahit, Cicerone haud usquequaque volente. Ut enim « Terra gradatim tenuiora omnia et puriora sunt Aqua, Aer, Ignis : ita in ipso Igne illi gradus, et summa ejus pars purissima eoque maxime divina, et Rationis illius incorporealis sedes. Hanc Pythagoræ etiam mentem adscribit Theophilus, Antiochenus Antistes : « Pythagoras, inquit (lib. III ad Autolyceum), magno labore ima et summa perscrutatus, extremam naturam, Deum autumat. » Qui tamen sublimius paulo rectiusque locutus mihi legitur, in Clemente : « Deus, inquit (In Protreptico), unus ; et is, non ut quidam suspicantur, extra Mundum, sed in ipso totus, in toto circulo inspector atque arbiter omnis generationis, temperies universorum ; qui semper est opifex suarum pote-

statum et operum omnium, in cælo lumen, et omnium pater, Mens et animatio totius circuli, omnium motio. » Sed alia, quæ ad Stoicum hunc sensum, antea, quum de Deo, nobis dicta (lib. I, Dissert. viii). De Cælo porro exsequamur: cui et Epicurus « igneam substantiam » attribuit: et Plinius, « Ignium elementum, inquit, summum, inde tot stellarum collineantium illi oculi. » A quo Igne videtur Stoicis petita causa orbicularis illius motus, quo cælum assidue rotatur. Nam « quum omnia (ait Zeno apud Stobæum) ad medium totius ferantur: etiam corpora quæ gravitatem non habent, ut Aerem et Ignem ad medium ferri, eircaque ejus ambitum consistere. » Credo eum dicere: qua possint, ferri ad medium: et quaquam natura attollantur, consistere tamē circa ambitum, atque inde quasi impetum capere ad medium redeundi; sed natura vetante, moveri assidue, nec deprimi, nec attolli. Etsi ab Anima etiam Mundi peti ratio potest, cujus vita et æternitas in motu est: nec potest motus esse æternus, nisi iste, qui continuatione perpetui in se reditus agitur.

## DISSERTATIO XIII.

*Ætheris præstantissimum Solem videri: regem siderum: et esse Mundanæ animæ ὑπερνοῦς. De Luna additum.*

UNIVERSE de Igne, sive Cælo, satis dictum; de signis, quæ in eo, stellisque breviter videamus. Et in primis de duobus quæ eminent, et caput inter cetera efferunt, Sole ac Luna: siquid de iis Stoici seorsim ab aliis dicunt. Solem Latini appellant, ab excellentia, et « quia tantam claritudinem solus obtinuit » (Macrob. I Sat. cap. 17): et Græci ἥλιον quasi δῆλιον litteræ abjectione, quod ab eadem claritate sit omnibus manifestus et conspicuus. Stoici de eo: « Esse Solem purissimum ignem, et majorem terra: sed et orbiculari figura, juxta eum Mundo; ignem quidem esse, quoniam omnia, quæ Ignis, præstat. Majorem terra, quia omnem eam illustrat, sed et ipsum cælum. » Ait primo, Ignem esse: sed quod genus? Tetigi antea, et magis e Zenone explicemus, qui et Solem, et astra « artificialis ignis esse » scribit. « Duo enim genera Ignis. Unum

artis experts, et convertens in se omne alimentum : alterum artificiale, quod auget res et conservat, sicut in plantis conspicitur et animalibus. Hoc autem Natura est, et Anima. Atque ejus Ignis essentiam astrorum esse. » (Stob. Phys.) Vides hunc Ignem? Frustra igitur censet et timet Aristoteles (I Meteor. cap. 3) : « Si intervalla stellarum plena igne essent (ipsi orbes) et corpora earum ex igne, jam pridem quodque aliorum Elementorum absumptum evanisset. » Pone metum; neque intervalla omnia Ignem, sed ignea dicimus : et a tali jam descripto servatore igne; quem *Artificem* Zeno dicit, et alio verbo, sensu consimili, *νοστήν* passim alii : *intellectu praeditum*; non brutum illum et exsensum. Igneum igitur Solem censent : et inerepat Seneca (III De Benef. c. 31), « qui saxum aliquod, aut fortuitorum ignium globum, et quidvis potius quam Deum appellant. » Ubi de *Saxo*, ad Anaxagoram pertinet : sive et ad Democritum, qui item dixit « ferrum vel saxum candens. » De *Fortuito globo*, ad Epicurum; qui tamen non parum ignem statuit; sed « terrenum fartum esse, pumicis aut spongiae instar, ab igne per foramina accensum. » Est igitur nostris aliisque Ignis aut Igneus : non Aristoteli, qui etiam calorem ab eo tollit. Damnat Ambrosius, et ad nostros inclinat (Hexaem. II, c. 3) : « Tautum autem inest illis (Philosophis talibus) impugnandae veritatis studium, ut Solem ipsum negent calidae naturae esse, eo quod albus sit, non rubicundus aut rutilus in speciem ignis. » Etsi haec et talia satis fortasse exsequitur, et rideant hodie in Scholis. Addebat Laertius, « Majorem terra esse. » Et nunc consentiunt astrorum consulti, faciuntque « centies sexagies sexies » majorem. Seneca (I Quaest. Nat. cap. 3) : « Solem, quem toto orbe terrarum majorem probat ratio, acies nostra sic contraxit, ut sapientes viri (Epicurei) pedalem esse contenderint. » Quod veteres tamen nostri Doctores haud ita affirmant. Damascenus : « Sol a quibusdam dicitur multis partibus terra major, a sanctis autem Patribus ei par. » Quibus Anaximander olim consenserit, asserens « Solem terra non minorem esse. » At argumentum in Laertio magnitudinis, quod « terram illustret, atque etiam caelum. » Quomodo caelum? nam de terra liquet. Credo, quod vel det stellis aliis lumen, vel augeat

temperetve. Seneca ad Marciam (cap. 18) : « Videbis illic (in cælo) innumerabiles stellas, miraberis uno sidere omnia impleri. » Quæ omnia, si non hæc astra? Arnobius (lib. I) : « Sol siderum princeps cujus luce omnia vestiuntur. » Julius Firmicus, ad Solem : « Qui cæterarum stellarum ignes flammiferarum luminis tui moderatione perpetuas. » Certe affirmat, etsi flammiferæ a se sint et igneæ (ita enim ipse, cum Stoicis), tamen accipere a Sole aliquid, et ab eo temperari atque æternari. Ideo Heraclitus olim, *Fontem celestis lucis* Solem nominavit. Sed et Cicero pro hac sententiâ : « Sol dux et princeps, et moderator luminum reliquorum. » Neque Macrobius nimis audiam, qui interpretatur « Moderatorem, quod cursus eorum et recursus certa definitione spatii moderetur. » Quid enim hoc ad lumen? quin et hodie Astrologi in isto plerique sensu. At alii et idem ille Macrobius, solam Lunam fulgere alieno, cæteras stellas suo volunt. Sed satis hæc super Sole : pergamus. AUD. Immo ad Senecæ lucem aliquid, nisi grave est, addes. Indignabatur in verbis, quæ recitasti, « quidlibet potius Solem, quam Deum dici. » Deum ergo habet? LIPS. Ipse et Stoici, æe magnum Deum, principem cæterorum. Firmicum audi hujus sectæ (lib. I) : « Sol optime maxime, qui mediam cæli possides partem, mens mundi atque temperies, dux omnium princepsque. » Adde Plinium; quem qui Epicureum faciunt, viderint; ego Stoicorum sensibus comperior bona fide. Ille igitur : « Sol non temporum modo terrarumque, sed siderum ipsorum cælique rector. Hunc Mundi esse totius Animam, ac planius mentem, hunc principale Naturæ regimen (id est, ἡγεμονίαν), ac numen, credere decet. Vis magis augusta? et plerique e Stoicis cum Plinio sentiebant : etsi alii supremum Æthera, ut dixi, ἡγεμονίαν volebant. Sed claritate et magnitudine effectuum, tum et sua, itemque situs dignitate obtinuit, a multis supremus Deus censeretur, aut certe Mentis sive Rationis illius sedes. Itaque et *Cor cæli* Physici veteres nominabant. Pertinani et Sinenses etiam hodie summum Deum colunt : quid Aurelianus olim Princeps? (in Vopisco cap. 5) : « Dii faciant, et Deus certus Sol : » quasi de uno hoc fides et certitudo. Etiam Trismegistus « Sol Deus maximus eorum qui in cælo sunt, cui cedunt omnes dii cælestes tanquam prin-

cipi et Regi. » Et talia Plato, etsi uterque majorem eo alium agnoscit, ipsum *δημιουργόν* et conditorem. De Sole quod satis sit, dixi : ad *Lunam* eamus ; quam Laertius, inter scita Stoica, *terream magis* scripsit : « sicut et Terræ magis vineam. » Videlicet non tam puro liquidoque igne eam lucere, quam Solem, et terrenum aliquid ac turbidum habere. Ita Plutarchus ( de Facie in orbe Lunæ ) : « Ignis turbidus et sæculentus, ut Stoici autumant. » Qui idem ostendit ( De Oracul. defectu ) dictam *terram caulestem* ; sive etiam, *astrum terrestre* : ab eadem causâ. Itemque Macrobius ( I. In Somn. ) *Ætheream terram* : in quo occultiorem tamen rationem lege. Nescio an huc, Cleanthi adscriptum pertineat, a Stobæo : « Κλειάνθης ἔφησεν πυρραυθὴ τῶν σιλήνων, πλευσθὴ τῷ σχήματι. » Cleanthes dixit Lunam igneam esse apparentia tamen lutosa. » Nisi quis ibi *πλευσθὴ* legat, et « pilei formam » ei tribui censet : sicut inde Cleanthes Cui formam dat sublimioribus astris. Sed hanc, obtusum scilicet ignem, obtusius planiusque paulo surgere. Sed addit Stobæus : « Posidonius et plerique Stoici, mixtam ex igne et acre statuunt, et majorem terra, sicut et Solem : orbiculari autem figura. » Quam mixtionem Plutarchus improbat et refellit, *De facie in orbe Lunæ*. Nec plura de Luna, propria quidem Stoicis, habeo. AUD. De Terra ruminor, quod sic eam dictam notasti. Facitne, quod etiam habitatum voluerunt, ut ipsam hanc terram? Cicero ( Acad. II. ) : « Habitari ait Xenophanes in Luna, eamque esse terram multarum urbium et montium. » LYS. Plutarchus et Macrobius talia : atque ille refellit, iste explicat et ad animarum sedem referre videtur. Sed « fuisse Seneca (apud Lactantium lib. III, cap. 23) etiam inter Stoicos ait, qui deliberaret ; utrumne Soli quoque suos populos daret? » Addit irridens : « Inepte scilicet, qui dubitaverit ; quid enim perderet si dedisset? » Ego hæc talia, sic obvio et simplici sensu, dicta aut dubitata ab iis vix arbitror : sed vel ad Animas, vel ad Genios respexisse. Nisi tamen non sapientia, sed sanitas homines defecit.

<sup>1</sup> Fortasse verius *πλευσθὴ* : *multiformem*.

## DISSERTATIO XIV.

*De Astris in genere. Rotunda esse, ex æthere conflata; ideoque ignea, et vaporibus pasci. Eadem futurorum conscia.*

UNIVERSE de Stellis pauca etiam libanda. Laertius : « Videtur iis (Stoicis) et astra rotunda esse, et terram non moveri. » Astra rotunda iis aliisque communiter : seorsim tamen Cleanthes de *Coni figura* sensit. Stobæanæ eclogæ : « Alii quidem sphericæ figuræ stellas, Cleanthes coni fecit. » Movit Cleanthem, quod ignis semper in altum eat; atque ab imagine flammæ nostræ, a rotundo infra corpore voluit extenuari : et in altum aretari : id enim Conus : neque absona mihi ea opinatio. Sunt sane Ignes, sed densiores et compacti, ex rariore ætherica natura. Seneca super ea re (VII Quæst. cap. 1) : « At mehercule non aliud quis aut magnificentius quæsierit, aut didicerit utilius, quam de Stellarum siderumque natura, utrum flamma contracta, quod et visus noster affirmat, et ipsum ab illis fluens lumen, et calor inde descendens : an non sint flammei orbes, sed solida quædam terrenaque corpora, quæ per igneos tractus labentia, inde splendorem trahant coloremque, non de suo clara. In qua opinione magni snere viri, qui sidera crediderunt ex duro concreta, et ignem alienum pascentia. Nam per se, inquit, flamma diffugeret, nisi aliquid haberet quod teneret, et a quo teneretur : conglobatamque, nec stabili inditam corpori profecto jam Mundus turbine suo dissipasset. » Ecce ponit primum, de « flamma contracta » : quæ ejus, et popularium, sententia est, ut dixi. Posidonius, apud Stobæum : « Stellam esse corpus divinum, ex æthere compositum. » Æthere, nempe densiore sive contracto. Addit, « Quod et visus affirmat. » Argumenta Stoicorum, et nominatim Cleanthis. Cicero (II De Nat. Deor.) : « Sidera esse tota ignea, duorum sensuum testimonio confirmari Cleanthes putat tactus et oculorum. » Aliorum tamen sententia, sunt, ait, « solida terrenaque corpora. » Quod a Thalete manavit, qui dixit : « terrena quidem, sed ignita corpora, stellas esse. » Sed et Anaximenes :



« igneam quidem naturam astrorum, sed habere etiam terrena corpora mixta, quæ cum iis circumferantur, inaspectabilia. » Fuerunt etiam qui saxa, aut saxa crederent; fuere qui ferrea: quos omnes Seneca hic tangit. Ait amplius, « Ignem alienum pascere. » Nempe æthereum, cui terrea illa corpora aliena. Sed et Stoici pastum in Sideribus agnoscunt, atque ali vaporibus et aere fervidam illam naturam volunt. Laertius, « Nutrirî atque ali et hæc ignita (Solem et Lunam) et cetera astra. Solem quidem magno mari, quod sit fax et accensio quedam intellectu prædita. Lunam autem, ex aquis dulcibus et potabilibus, quod sit acri permixta, et vicinior terræ. » Primum, universe dicit omnia sidera nutrirî. Et Seneca (Quæst. Natur. II, cap. 5): « Ex cælo et terra alimenta omnibus animalibus, omnibus satis, omnibus stellis dividuntur. Hinc quidquid est virium singulis; hinc ipsi Mundo, tam multa poscenti, subministratur: hinc profertur, quo sustineantur tot sidera, tam exercitata, tam avida, per diem noctemque, ut in opere, sic in pastu. » Plinius iterum Stoicus (lib. II, cap. 9): « Sidera vero hand dubie humore terreno pasci. » Terreno tantum? immo et marino (sed utrumque elementum in uno intelligit) atque ex aliis aquis, ipso Plinio addicente (lib. II, cap. 33): « Oceanus omnes fundens recipiensque aquas, ac sidera ipsa, tot et tantæ magnitudinis, pascens. » Panegyricus Constantino dictus: « Iturus ad deos, genitorem illum deorum, ignea cæli astra refoventem, prospexit Oceanum. » Cicero (I Nat. Deor.): « Sunt autem stellæ natura flammæ; quocirca terræ, maris, aquarum vaporibus aluntur iis, qui a Sole ex agris tepefactis, et ex aquis, excitantur: quibus altæ renovatæque stellæ refundunt eodem, et rursum trahunt indidem. » Atque ideo divina Providentia Macrobius factum putat (I in Somn.) ut sub zona torrida locaretur Oceanus: « Ut omnis nimirum latitudo, qua Sol cum quinque vagis, et Luna, ultro citroque discurrent, habeant subjecti humoris alimoniam. » Quam Syrtium etiam causam Lucanus proponit (lib. IX, 313):

Quod rapidus Titan, ponto sua lumina pascens,  
Æquora subduxit zonæ vicina perustæ.

Etsi longiuscule sane Syrtes ab ea zona absunt: sed scilicet mare

eo usque delinquere, et terram fieri. Plures enim ejus versus vide. Jam vero idem poeta *Ægyptios* facit dicere (lib. X, 258) :

Nec non Oceano pasci Phœbumque polumque  
Credimus.

Quid facetissimus Anacreon?

Πῶς δάλαρον δ' αἶρας,  
Ὁ δ' ἥλιος δάλαρον  
Et potat æquor auras,  
Phœbusque potat æquor.

Et infert, quidni etiam nos bibamus? Levibus testibus sit a magno Hippocrate pondus. « Soli, Lunæ, astris, inquit (de Flatibus), via per Spiritum. Nam igni Spiritus est pabulum. Spiritu privatus ignis non possit vivere. » Ipsum Homerum, divinarum omnium inventionum fontem et originem (vero elogio a Macrobio sic dictum) idem Macrobius eo ducit; qui « sub poetici nube figmenti, inquit, verum sapientibus dedit intelligi: quando Jovem, cum diis ceteris, id est, cum Stellis, profectum in Oceanum, Æthiopibus eum ad epulas invitantibus, scripsit; significans, hauriri de humore nutrimenta sideribus. » Consignet hanc sententiam et noster Ambrosius (II Hexaem., cap. 3): « Frequenter Solem videmus madidum et rorantem; in quo evidens dat indicium, quod alimentum sibi aquarum, ad temperiem sui sumpserit. » Etsi indicium sane infirmum est, et plebeio sensu nixum: at ejus tamen mens apparet. Sed propius aliquid ad verba Laertii. Aiebat distincte, « Solem e marinis aquis pasci. » Ideo Cleanthes (in Stobæo) Solem dicebat, « Facem intellectu præditam; e mari accensam. » Quod ad alimenta referendum modo esse, quæ inibi sequuntur docent. Chrysippus tale: « Solem esse facem collectam et accensam, intellectualem, ex vapore maris. » Et quod mox in Laertio sequitur de Luna, « ex aquis dulcibus: » idem Chrysippus eam dicebat: « collectam accensamque facem, post Solem, ex aquarum potabilium vapore. » Dicas ex istis, quod Ignea quidem illorum natura, sed ardor ille sit e materia tali. Sed desino hæc minuta et scruposa: nisi fortasse nihil in Philosophia parvum est,

..... præsertim rebus in illis

Quæ supra caput ætheris cernuntur in oris.

AUD. Non est, mi Lipsi; eoque resistere te etiam rogabo, et edere, quid ita Posidonius *Stellam*, *divinum corpus* definiebat? LIPS. Jam dictum aut tactum sæpius, Omnis æther, et omnia æthereæ, Dii sunt: quia participant, aut constant maxime ex illo Igne. Augustinus (IV De Civ. cap. 11): « Dicunt omnia sidera partes Jovis esse, et omnia vivere, atque rationales animas habere, et ideo sine controversia Deos esse. » Et apud Stobæum Zenon ait: « Solem, Lunam, et singula astrorum aliorum, esse intelligentem, sapientem igneum ignem, tanquam arte constantem. AUD. Hui, intelligentes, sapientes? LIPS. Vel maxime, et supra alias animantes. Cicero (II De Nat. Deor.): « Sidera æthereum locum obtinent, qui quoniam tenuissimus est, et semper agitur et viget: necesse est, quod animal in eo gignatur, idem quoque sensu accerrimo, et mobilitate celerrima esse. » AUD. Ergo et Animalia? LIPS. Quippini: et rationalia, immortalia, aut certe longæva. Neque nimis hæc rideas: est invenire inter primores illos Patrum, qui istis annuerunt. Origenes, doctrinarum culmen, « Solis, et Lunæ, et Stellarum animas » agnovit: « neque eo tamen tempore, quo Mundus factus est, esse cœpisse, sed antequam lucens illud et ardens corpus intrarent: » quod Hieronymus de eo plus simpliciter vice testatur (Epist. LIX ad Avitum). Et Philo Judæus quam sæpe sic Platonissat? Scribit alibi (de Opific. Mundi): « Stellis sensu præditas, imagines divinas et pulcherrimas. » Item (de Insom.): « Incorrutibiles et immortales animas. » Iterumque (de Opific. Mundi): « Animalia esse dicuntur, et animalia intelligentia. Magis autem quæque earum Mens est, undique et omnino bona, et omnis mali incapax. » Non tamen, ut alibi fatetur (de Pietate), Dii sunt; sed: « Præsides quidam, ut ita dicam, Sub-præfecti omnium parentis. » Posteriores Judæi et Rabini talia, aut deteriora; quos secutus quidam nostro ævo *Animalia cælestia* audacter asseruit, et ipsum *Mundum animatum*. Nobis modesta sententia sedeat, quæ est Theologorum: qui Animas quidem aut potius Intelligentias conjunctas attribuant; sed non ut εἰδὴ οὐσιώδη, *formas essentielles*, nec quæ faciant unum corpus. AUD. Si tamen ita veteres, jam non miror Divinationem astris assignari, et ab iis peti, sic divinis. Et merito sane Astrologi Stoicis

tuis sunt amici. *LIPS.* Fateor, et quanquam Fatum et Necessitatem in ipsa Materie ponunt, quam inhæret: tamen Astra vel movere aliquid volunt, vel certe monere. Dubitat Seneca (Ep. cxvii), « An ad stellarum motus nostra moveantur corpora, an corporibus animisque omnium illine impetus veniat? » Et affirmare illud videtur alibi (de Provid. cap. 1): « Hanc inoffensam velocitatem (siderum) tantum rerum terra marique gestantem, non esse materiæ errantis ordinem. » Quasi ipsa sidera res habeant, gestentque inclusas. Iterumque alibi (ad Marciam, cap. 18): « Ex siderum quinque (Planetarum) levissimis motibus fortunæ populorum dependent, et maxima ac minima proinde formantur, prout æquum iniquumve sidus incessit. » Denique longius, ad sidera etiam fixa, vult protendi (II Quæst. Nat. cap. 32): « Quinque stellarum potestates Chaldæorum observatio exceperit. Quid tu? tot millia siderum judicas otiosa lucere? Quid est porro aliud, quod errorem incutiat peritis natalium, quam quod paucis nos sideribus assignant: quum omnia quæ supra nos sunt, partem sibi nostri vindicent? » Valde pro Genethliacis facit, quos tamen vellet non Planetarum tantum quinque, et Solis ac Lunæ; sed etiam fixorum siderum potestates novisse: quæ ignorantia, inquit, causa est cur a vero sæpe delirent. Palam quidem hæc sunt pro Astris, et causas ipsa eventuum esse, ac movere. Tamen æquius meliusque alibi anbigit, et sententiam alternat (Epist. lxxxviii): « Sidera effectus rerum omnium aut movent, aut notant. » Bene de notatione tantum, et hoc est quod *monere* dicebam. Significare aliquid possunt ex Fato futurum, non ipsa sunt, aut faciunt Fatum. Itaque Manilii hoc toleres:

..... conscia Fati

Sidera:

Illud nollem,

..... diversos hominum variantia casus.

Magis enim sit, « significare ista quam facere, » et Plotini modestior assertio: « Nihil vi vel potestate eorum hominibus evenire, sed ea, quæ Decreti necessitas in singulos sancit, ita per horum septem (Planetarum) transitum, statione recessuve monstrari; ut aves prætervolando, seu stando, futura pennis vel voce significant

nescientes. » Modestior, dixi, non verior, et longa hæc disputatio sit, seponatur : illud fatemur, Stoicos plusculum omni Divinationi tribuisse, ut sic quoque Divinitatem et Providentiam affirmarent.

## DISSERTATIO XV.

*Aer, et ejus divisio, primo Frigidum Stoicis esse.*

AER Ignem excipit, quæ Græca vox est, recepta tamen usu, ait Cicero, a Latinis. Ipsi est *Spiritus*, sive *Anima* etiam Ciceroni : interdum *Cælum* et *Inane*. De ejus situ Cicero (II De Natur. Deor.) : « Aer autem, ut Stoici disputant, interjectus inter mare et cælum, Junonis nomine consecratur : quæ est soror et conjux Jovis, quod ei similitudo est *Ætheris*, et cum eo summa conjunctio. » Soror nempe, quia tenuitate refert, aliqua facie ; conjux, quia adsitus et connexus. Dividitur in tres partes Senecæ, Summam, Mediam, Imam. Summa pars, inquit (II Quæst. N. cap. 10), « calidissima est et siccissima, et ob hoc etiam tenuissima, ob viciniam æternorum ignium. Pars ima et vicina terris, densa et caliginosa est, quæ terrenas exhalationes recepat. Media pars temperantior, si summis imisque conferas, quantum ad siccitatem tenuitatemque pertinet : ceterum ntraque parte frigidior. » Plinius sic quoque dividit, et mensuras inæqualium intervallorum concepit, Posidonio Stoico (ideo libentius memoro) auctore. « Ille, inquit (Plin. lib. II, c. 23), tradit, non minus quadraginta stadiorum a terra altitudinem esse, in qua nubila, ac venti, nubesque proveniant. Inde purum liquidumque, et imperturbatæ lucis Aerem : sed a turbido ad Lunam, vicies centum millia stadiorum. » Ima ergo pars, ad quadraginta stadia attollitur ; mediam non definit ; ultima et liquida amplissima, ad multa millia. Seneca autem partim calidum et frigidum, pro partitione ea faciebat : sed idem postea clare : « Natura aeris gelida est. » Iterum : « Frigidus per se, et obscurus. » Atque adeo prima et eminens ea qualitas est Stoicis ; contra Aristotelem, ut scimus, qui calidum ponit. Laertius, de nostris : « Esse quatuor Elementa ; Ignem, qui calidus ; Aquam, quæ humida ; Aerem, qui frigidus ;

Terram, quæ sicca. » Plutarchus hoc ipsum (de primo Frigido) : « Stoici primum frigidum Aeri assignant, Empedocles et Strato Aquæ : » uti et Stagirites. Inde noster (Epist. xxxi) : « Nihil sine Igne calidum, nihil sine Aere frigidum : » quasi et causa ac fons sit frigoris. Idem ergo Seneca cum attentione legendus alibi (de Ira II, c. 18) : « Quum quatuor elementa sint, Ignis, Aqua, Aer, Terra ; potestates pares his sunt, frigida, fervida, arida, humida. » In potestatibus non servat ordinem : et *Frigidam* omnino ad Aera referes, ex Stoæ quidem decretis. Apud Ciceronem ita Stoicus Balbus (II De Nat.) : « Ipse vero aer, qui natura est maxime frigidus, minime est expers caloris. » Caloris nempe adventitii, ut subdit. Sed, *frigidus*, dixi, uti omnes fere libri : Lambini magna temeritas, qui, *humidus*, edidit imperite. Etsi fatemur Humidum, sed non primo nostris esse. Fuit tamen nuper vir philosophus, qui ut copulas illas Aristotelis non violaret, Frigidum quidem, sed tamen Siccum pronunciaret : atque ita siccitate cum igne, frigore cum aqua sociaret. Sed id sane abs re videtur : et tribus ita Elementis Siccitatem Stoici donent, Igni, Aeri, Terræ. Mala mixtio : et ad Ignis coercionem ac temperiem, melius ac providentius Natura (jugatione illa omissa) contrarium Elementum subjunxit, materiæ tamen raritate consonum et conveniens. Neque aliud Stoici hic mutant.

#### DISSERTATIO XVI.

*Aqua, et præcipua ejus pars Mare. Id terram circumit, init, subit, vinculum ejus et irrigatio.*

AQUA sequitur, Terræ mixtum elementum, et cum ea facit suum globum. Etsi quidam dividunt, et volunt Mare proprie Elementum esse, et a terra sejunctum. Philo hoc aperte, ad verba Moysis (de Opific. Mundi) : « Fons ascendebat e terra, et irrigabat omnem superficiem ejus. Nam alii philosophi, inquit, universam Aquam Elementum constitunt unum e quatuor, quibus mundus componitur. At Moyses acrioribus oculis etiam dissita et obscura pervidere solitus, Elementum censet esse magnum Mare quartam re-

rum partem : quod alii post Moysen Oceanum appellarunt, cum quo nostra navigabilia maria si conferas, portuum habere magnitudinem censeas. » Plura in hanc sententiam adtexit, et vult dulces quidem aquas Terræ partem esse, cumque ea censeri : at Mare secretum, et facere orbem suum atque Elementum. Tale est, quod Fabianus ambigit, de Oceano (Suasor. I) : « Utrumne terras velut vinculum circumfluat, an in suum colligatus orbem, et in hos, per quos navigatur, sinus, quasi spiramenta quædam magnitudinis exæstuet. » Censuerint igitur quidam suum distinctumque globum facere, et dumtaxat hæc nostra maria exiguum ejus partem, et velut lacinias esse. Immo nec solem ambire, et tenebras in extremis ejus, et horridum secretum habere. Declamatores apud Senecam patrem indicant, quum Alexandrum ab eo revocant : et Pedit Albinovanus, in navigatione Germanici :

Jam pridem post terga diem, Solemque relictum.

Et statim :

..... ruit ipse dies, orbemque relictum  
Ultima perpetuis claudit natura tenebris.

Ambrosius etiam in hac dubitatione (III Hexaem. cap. 3) : « Quis scit, in quantum se illud magnum, et inausum navigantibus, atque intentatum nautis, fundat mare, quod Britannias frementi includit æquore, atque in ulteriora et ipsis fabulis inaccessa secreta se porrigit? » Immo censebant quidam, Oceanum immensum protendi : et Solem atque astra in eo cadere, et resurgere, humoribus ejus resecta. Plebeia et poetarum opinio, sed viris gravibus etiam posita, aut dubitata. Tacito nostro, quod alibi notamus : et Fabiano Philosopho apud Senecam patrem (Suasor. I) : « Illi, quibus ignota nulla pars mundi est, de Oceano tamen dubitant : utrumne terras, velut vinculum circumfluat, an in suum colligatus orbem, et in hos per quos navigatur sinus, quasi spiramenta quædam magnitudinis, exæstuet : ignem post se, cujus augmentum ipse sit, habeat au spiritum. » Ecce, alii scorsim locant a terra, et ambigunt an *Ignis*, id est, *Æther* et sidera (quæ ipse pascit) eum excipiant, an *Spiritus* sive *Aer*. Sed hæc olim ; nobis veritas innotuit, et totus pæne.

Oceanus, navigationibus Hispanorum, Britannorum, et jam nunc Batavorum felici audacia peragratus. Excipio ad Septentrionem et Austrum, frigore inaccessa. Mittamus igitur immania illa de Oceano, et inania : fines suos habet, et cum Terra ntilliter uno velut corpore, et orbe, Natura junxit. Hoc Stoiei quoque nostri senserunt (in Laertio) : « Mediam esse Terram (totius Universi) : post hanc, Aquam globosam, quæ idem centrum cum terra habet, ita ut Terra sit in Aqua ». Vera hæc sunt, et examinemus. Ait, « Aquam globosam. » Certum est, tumet et attollitur, et altitudine sua vel montes terræ æquat. Cur non cadit? quia centrum cum terra idem habet, eoque vergit. Balbus Stoicus, apud Ciceronem (II de Nat. Deor.) : « Eadem ratione mare, quum supra terram sit, medium tamen terræ locum expetens, conglobatur undique æqualiter, neque redundat umquam, neque effunditur. » Addit, « Terram in Aqua esse. » Providentia divina factum, neque debuit, aut potuit seungi hoc elementum. Plinius (II, c. 65) : « Hoc ita formasse artifex Natura (agnosce Stoæ verba) credi debet, ut quum Terra arida et sicea constare per se ac sine humore non posset; nec rursus stare Aqua, nisi sustinente Terra, mutuo complexu jungerentur : hæc sinus pendente, illa vero permeante totam, intra, extra, supra venis, ut vinculis discurrentibus. » Philo Judæus, hoc amplius a Providentia structum, ut dulcibus aquis rigaretur undique et humesceret, non ad vinculum solum, sed frugum, stirpium, animantium alimentum. Sed de *Vinculo* etiam ipse (de Opific. Mundi) : « Tanquam vinculo continetur duleore aquarum. » Et causam eandem Plinio addit : *quod a se arida, facile dissipetur et pulverescat* : « sed, inquit, coercetur et manet, partim vi unientis spiritus, partim humore, qui per meatus et foramina varie penetrat, non sinente arefactam alire in parva majoraque fragmenta. » Nota ibi de *Variis meatibus* : quod verissimum est, et tales sub terra, acceptam ab Oceano aquam colant, mitigant, et usibus nostris exsulsam reddunt. Seneca (III Quæst. N. cap. 4) : « Occulto enim itinere mare subit terras, et palam venit, secreto revertitur, colaturque in transitu mare, quod per multiplices amfractus terrarum verberatum, amaritudinem ponit, et in sinceram aquam exit. » Dicit *palam* ve-



nire; nimirum quum flumina omnia in mare eant: sed *secreto re-vertitur* per subterraneos illos meatus. Immo magnam etiam copiam sub ipsis terris relinquit: quod hodie metallarii fossores dicunt, et nos, ubicumque terra humilior, fodiendo comperimus. Nec vani omnino illi (apud Senecam, *ibid.* c. 8), qui censent, « interiora terrarum abundare dulcibus aquis, nec minus illas stagnare, quam apud nos Oceanum, et sinus ejus: immo eo latius, quo plus terra in altum patet. » *Ultimis verbis, in altum*, id est, profundum. Nam maria pleraque terra sustentantur et innatant, altius illa descendit. Atque hæc verissima causa est, cur maria tot fluminum accessu non crescant: « quia quod influxit, non in suum vertunt, sed protinus reddunt. » (*Ibid.* lib. VI, cap. 5.) Lucretius alias quoque causas tangit, primam, quod omnis hic influxus nihili sit ad maris totius summam. Hæc parum vera est: verior secunda, quod « magnam partem Sol detrahat æstu, » itemque venti siecent, et vapores in nubes surgant. Tertiam hanc nostram, et præcipuam addit (VI, 631 et sqq.):

Postremo, quoniam raro cum corpore tellus  
Est, et conjunctas oras maris undique cingit;  
Debet, ut in mare de terris venit humor aqual,  
In terras itidem manare ex æquore salso.  
Percolatur enim virus, retroque remanet  
Materies humoris, et ad caput amnis omnis  
Confluit.

Atque ista fontium causa et origo, « etiam in summis jugis erumpentium, quo spiritu acta aqua, et terræ pondere expressa, siphonum modo emicat. » (Plin. II, cap. 65.) Addi et de altitudine maris potest, ipsa juga montium, ut dixi, æquantis: nec mirum igitur eo pertingere, et erumpere, in certo aliquo meatu. Hanc originem princeps Sapientum tetigit Homerus, de Oceano:

Ἐξ οὗτου πάντες ποταμοὶ, καὶ πᾶσα θάλασσα,  
Καὶ πᾶσαι κρήναι, καὶ πάντα μακρὰ ρέοντα (Iliad. φ.)  
Omnes ex illo fluvii, omne mare, omnis et unda  
Fontibus, itemque lacus manant, puteique profundi.

## DISSERTATIO XVII.

*Duplicem Oceanum esse, eumque Terram quadrifariam partiri, ex sensu veterum, haud prorsus vano.*

PERMANAT igitur terram interiorem Oceanus, sed et supra dividit, ac cingit. Vinculum est simul, et discrimen. Noster Seneca (Ad Marc. cap. 18) : « Vinculum terrarum Oceanus, continuationem gentium triplici sinu scindens. » Verba examinanda, ne ignarum priscæ hujus descriptionis fallant. Nam quomodo de *triplici* hic sinu, quum Panegyristes dicat (Ad Maximianum.) : « Orbem quadrifariam duplici discretum Oceano ? » Et alii de gemino tantum, non triplici, affirmant. Altius repetenda res est, et pro mente veterum globus hic totus secandus. Atque ea fuit : Terram cum Mari rotundam esse ; sed ipsam duplici Oceano dividi, et velut decussari. Priorem esse, ipsum verum, magnum, originalem Oceanum : qui terram ab ortu ad occasum mediam dividit, sub ipsa zona torrida, id est, *Æquatore*. Alterum, qui ab illo ortus eandem terram, parte altera, mediam secat, ab Austro in Septemtriones. Itaque duplici hoc Oceano tota Terra scinditur in partes quatuor : id est, totidem insulas, e quibus unam dumtaxat nos habitamus. Hæc testimoniis firmanda, et tum ad Senecam aptanda sunt. Plinius (II, cap. 67) : « Maria circumfusa undique dividuo globo, partem orbis auferunt nobis ; nec inde huc, nec hinc illo pervio tractu. » Nam etsi videri possit de una et media illa orientali divisione loqui tantum : tamen quum addat « undique dividuum, » potest et de altera intellexisse. Sic alibi (cap. 66) : « Est igitur in toto suo globo tellus, medio ambitu, præincta circumfluo mari. » In toto globo ait, non parte tantum. Sed eludat hæc aliquis, sicut illud Pomponii : « Hujus medio terra sublimis cingitur undique mari, eademque in duo latera, quæ hemisphæria, ab Oriente divisa ad Occasum. » Age igitur, sint hæc de primario et originali illo Oceano tantum : sed dicimus ad polos cum parte utraque se porrigere, et per eos in se redire. Clarissime et uberrime hoc exsequitur Macrobius, in illa Ciceronis (lib. II, cap. 9) : « Omnis

terra, quæ colitur a vobis, angusta verticibus, lateribus latior, parva quædam est insula, circumfusa illo mari quod Atlanticum, quod Magnum, quem Oceanum vocatis. » Summa est : « Non uno, sed gemino Oceani ambitu, terræ corpus omne circumflui. Cnjus primus, inquit, meatus est, qui ab indocto hominum genere nescitur; atque ea corona, per zonam terræ calidam meat, superiora terrarum et inferiora eingens, flexum circi Æquinoctialis imitata. Ab Oriente vero dnos sinus refundit, unum ad extremitatem Septemtrionis, ad Anstralis alterum : rursusque ab Occidente duo pariter enascuntur sinus, qui usque ad ambas, quas supra diximus, extremitates refusi, occurrunt ab Oriente demissis. Et dum vi summa, et impetu immaniore miscentur, invicemque se feriunt, ex ipsa aquarum collisione nascitur illa famosa Oceani accessio pariter et recessio. » Post pauca deinde : « Tam igitur ipse, qui Æquinoctialem, quam sinus ex eo nati, qui Horizontem circulum ambitu suæ flexionis imitantur, omnem terram quadrifariam dividunt : et singulas habitationes insulas faciunt. Ideo Tullius hæc volens intelligi, non dixit : *Omnis terra parva quædam est insula* : sed, *Omnis terra, quæ colitur a vobis* : quia et singulæ de quatuor habitationibus parvæ quædam efficiuntur insulæ, Oceano bis eas, ut diximus, ambiente. » Strabo hæc confirmat (lib. I) : « Quod omnis habitata tellus insula sit, primum quidem sensu et experientia docemur. Quacumque enim versus licuit hominibus libuitque ad ultima terræ progredi, mare inventum est, quod Oceanum appellamus. » Ab omni, inquit, latere Oceano claudimur : et est ergo bifaria illa divisio dicta : quam et postea ingerit, terramque, ut Macrobius, quadrifariam secat. Boethius hoc ipsam (lib. II) : « Terræ quarta fere portio est, quæ a nobis cognitis animantibus incolatur. » A nobis cognitis ? ita ; quia a nostro hoc quadrante, sive Strabonis *τρεπανλέρρη*, in alios accessus non est, vel ob zonam torridam, vel ob vasta maria interjecta. Ut veterum plurimi quidem eensebant. Nam nostra hæc ætas refutavit, docnitque et colli Torridam, et adiri ; itemque alios laterales tractus. Dixi plurimos veterum ; neque enim omnes censuere ; et Posidonius Stoicus aperte (apud Cleomedem) disserit, « clima sub Æquidiali temperaturum

esse. Nam, inquit, circa Tropicos, ubi Sol diutius moratur, non sunt loca inhabitata, cur sub *Æquatore* essent? Deinde, quum nox diei æqualis sit, spatium etiam refrigerandi satis amplum est, et imbres et venti erunt qui idem præstabunt: ergo habitabilis. »

Bene cum *Chlamyde* comparatur a Strabone habitata hæc nostra terra: et simul Senecæ veriloquium, « triplici sinu continuationem gentium scindi. » Triplici, inquam; pro cujusque quadrantis ambitu: qui duos sinus ab oriente et occasu ad polum habet: tertiumque, ab oriente ad occasum. Liqueet etiam Panegyristæ sensus, « Orbem quadrifariam duplici Oceano discerni. » Hæc in parte nota veteribus erant (et ad sensum Strabo appellat): in parte non erant. Parte dico Australi: de qua conjunctura idem præsumebant. Macrobius: « Nec dubium est, inquit, in illam quoque Australis generis Temperatam, mare de Oceano similiter influere: sed describi hoc nostra attestatione non debuit, cujus situs nobis incognitus perseverat. » Ita igitur prisci: quid hodie? res non obscura est, alluisse verum, non attigisse prorsus antiquos. Neque enim sub *Æquatore* est statim magnus ille Oceanus, neque directo mediam terram dividit: sed infra illum obliquus, præter Bonæ Spei promontorium versus Orientem quum fluxit, limite alio Magellani fretum perumpit, et priori illi vastus occurrit. Ad polum etiam nostrum, id est, Septemtrionem, maria confluere utrimque, pæne compertum est. Batavi magno animo explorarunt, pernavigare tentarunt: glacies, et monstra, et frigora repulerunt. Sed ita, ut auras hausserint Indici illius sive Orientalis maris. Atque, hæc, ut pleraque vera, vetus etiam opinio hausit; vel Orphei, qui dixit:

Κύκλον ἀκαμάτου καλλιρρόου Ὠκεανοῦ

Ὃς γὰρ ἂν δίηται περὶ ἔχει ἀμυγδαλεῖς

Indefessi orbem Oceani, pulchreque fluentis,

Vorticibus terram qui circumplectitur almam.

vel Homeri, quem ideo ἀΨόρρουν Ὠκεανόν, *Refluum Oceanum*, appellasse volunt: « tanquam in se impetu ruentem, et redeuntem, atque ita terram sibi includentem. » (Eustath.) Hæc ad Senecæ mentem uberius dixi: poteram brevius, *triplicem sinum* esse, Mediterraneum, Arabicum, Persicum. Brevius, sed non verius;

nam et plures sinus sunt, et pro diffusionem Oceani manca et angusta dictio sit; sed neque *continuationem gentium illi scindunt*. Nonne navigantur, nonne et pedibus circumcuntur? Ita est; nec *Sinuum* vox aliquem moveat, quam et Macrobius laterali utrique Oceano tribuit, quia videlicet magni Oceani sunt recessus aut partes. Nescio an Varro non sic explicandus sit: quem Priscianus in *Orthographia* (immo *Cosmographia*, vel si ausim *Orbigraphia*) ita laudat:

Ergo inter Solis stationem, et sidera septem,  
Exporrecta jacet tellus, huic extima fluctu  
Oceani, interior Neptuno cingitur ora.

Inter Tropicum, inquit, et Septentrionem jacet terra nostra habitabilis, exterior Oceano Atlantico, interior Septentrionali. De altero Senecæ loco magis affirmem, isto (I Quæst. in Præfat.): « Hæc est terra, in qua regna disponitis: minima, etiam quum illis utrimque Oceanus occurrit. » Quomodo utrimque? a latere utroque, opior, ad occasum et ortum: ubi terra habitata latissima est, et exporrigitur: sed mari utrimque superveniente dirimitur. Omittit enim de Australi vel Septentrionali parte, quam notum erat, Torrida et Frigida zonis claudi. Pincianus, Censor eximius, legi volebat, *undecumque Oceanus incurrit*. Non mutem contra libros: aut si, *utrumque* velim.

#### DISSERTATIO XVIII.

*De Terra. Matrem dici, et Animal; unde sustentetur firmeturque.*

TERRA excipit, imum atque ultimum Elementorum. Dignitate aut sitn ultimum: non usu, quod ad nos attinet, immo primum. Itaque mater et parens nobis dicitur: quid si et Deorum? quid si prima condita, et ex ea deinde alia? Stoici ipsi (apud Stobæum): « A Terra generationem Mundi cœpisse, tanquam a centro; nam initium Sphæræ, centrum ipsum esse. » Itaque ex materia illa aquea, ab Igne primo expressum et secretum gravissimum elementum esse, Terram: atque hæc, ut fundamento, posita, reli-

quum ordinem et orbem circumfusum. Ideo Statius magnifice ad eam (lib. VIII, 303, et seqq.) :

..... O hominum divumque æterna creatrix ,  
 Quæ fluvios , silvasque , animasque , et semina Mundi  
 Concta , Promethæasque manus , Pyrrhusque saxa  
 Gignis , et impastis quæ prima alimenta dedisti ,  
 Mutastique vices , quæ pontum ambisque , vehisque .  
 ..... firmum atque immobile Mundi  
 Robur innocidui , te velox machina cæli  
 Aere pendentem vacuo , te currus uterque  
 Circuit , o rerum media , indivisaque magnis  
 Fratribus .

Ipsæ Seneca : « Terra et pars est mundi , et Materia. Pars est mundi ut cælum. Ex illo deinde et ista , alimenta omnibus animabus , omnibus satis , omnibus stellis dividuntur. » Materiam igitur interpretatur , quia alit : atque adeo Trismegistus « tres in ea naturas collocat , Ignis , Aquæ , et Terræ , ab una stirpe deductas. Unde , inquit ( cap. 16 ) , omnis materiæ *promptuarium* creditur : et donat quidem atque erogat alimenta , vicissim autem superne substantiam accipit. » Eadem Senecæ dicit , si pro Stoicorum mente capis. Magnifice etiam de ea Hippocrates ( In Epist. ) : « Sacratissima terræ sedes ; e qua animæ , et plantæ , et alimenta , et medicamenta , et fortuna atque opes ipsæ gignuntur. » O magna et benigna mater ! sed non libet in laudes ejus ire : ad inceptum magis redire. Nam quod de primo ejus ortu dixi , non omnes consentiunt : et Laetius *ultimam* videtur locare et gignere , inter Stoæ scita. Sic et Manilius :

Ultima subædit glomerato pondere tellus.

Quod autem in Trismegisto de *triplici in ea natura* erat , ratio et sensus dicunt , et mixta hæc , aut seorsim insita , in penetralibus videmus. Hæc causa , cur aliqui cum Corpore nostro Terram comparent , ut Seneca ( Quæst. VI , cap. 14 ) : « quia et Aquis , quæ vicem sanguinis tenent , Ventis , quos nihil aliud quis quam animam vocaverit , pervia est » : atque adeo subdit fuisse , « quibus animal placeret esse terram. » An Pythagorici ? nam ipse Pythagoras , apud Ovidium ( XV Metam. 342 ) ,

Nam sive est animal Tellus , et vivit , habetque  
 Spiramenta , locis flammam exhalantia multis.

Terræ igitur hæc dignitas : et de Situ dixi, in medio esse, sed pendulam, et in se reductam : quo sustentante? quidam aquis volunt innatare : ut Thales, de quo Seneca (Quæst. III, cap. 17) : « Quæ sequitur Thaletis inepta sententia est : ait enim, terrarum orbem aqua sustineri, et vehi more navigii, mobilitateque ejus fluctuare, tunc quum dicitur tremere. » Eidem iterum hoc attribuit : « Thales totam terram subiecto judicat humore portari, et innatare : sive illud Oceanum voces, sive mare magnum, sive alterius naturæ simplicem aquam. » Sunt qui e Sacris firmamentum petant : quia Psalmista scripsit : « Qui fundavit terram super aquas. » Sed id verissime de mari dicitur, ut Damascenus explicat (lib. II, cap. 10), undique circumfuso. Plures Aere fulciri et attolli voluerunt. Lucanus, lib. I, 83 :

..... dum terra fretum, terramque levabit  
Aer.

Magnus Hippocrates (libro de Flatib.) : « Spiritus Lunæ fundamentum, et terræ vehiculum » Plinius (II, cap. 5) : « Aerem per cuncta rerum meabilem, totoque confertum; hujus vi suspensam, cum quarto aquarum elemento, librari medio spatio tellurem. » Sed alibi idem et alteram, verioremq; causam, tangit (ibid. c. 70) : « Mirantur pendere terram, ac non cadere nobiscum, ceu spiritus vis, mundo præsertim inclusi dubia sit; aut possit cadere, natura repugnante, et, quo cadat, negante. » Hoc optime. Natura est quæ repugnat, et sistit, et tendere eam ad media sui jubet. Ad media

..... quia totus ab illa  
Tantumdem refugit Mundus, fecitque cadendo  
Undique<sup>1</sup>, ne caderet; medium totius, et imum est :

ut ingeniose Manilius scripsit, et addit (lib. I) :

Nec vero tibi Natura admiranda videri  
Pendentis terræ debet, quum pendeat ipse  
Mundus, et in nullo ponat vestigia fundo.

Vi igitur sua stat et naturæ, nullo nixa; quod pulehre Jobus, sacer vates (c. 26) : « Qui terram fundavit super nihilum, ἐπ' οὐδένος. »

<sup>1</sup> Nam undique in se cadit, sicut in eam imbres.

Et ipsa pæne est nihilum universi comparatione, et velut punctum. O miser! cælum aspice, et in terram despicite! « Punctum est illud, in quo navigatis, in quo bellatis, in quo regna disponitis: minima, etiam quum illis utrimque Oceanus occurrit. »

## DISSERTATIO XIX.

*Stabilis ea, an moveatur? itemque de Novo orbe, sive America, an veteres gnari fuerint?*

FIXI de Elementis. AUD. Non mihi; de Terra duo sunt, quæ etiam quæram, Vetus unum, ecquid stare eam Stoici censcant, an moveri? Novum alterum, An novus hic noster, cognitus iis orbis? Nam hoc ultimum ego atque alii sæpe addubitamus. LIPS. Ad utrumque sic habe. Et prius quidem etiam Seneca vult executi (VII Quæst. cap. 2), « Utrum videlicet Cælum Mundus terra stante circumbeat, an Mundo stante terra vertatur? Fuerunt enim qui dicerent, nos esse quos rerum Natura nescientes ferat: nec cæli motu fieri ortus et occasus, sed ipsos nos oriri et occidere. Digna res est contemplatione, ut sciamus in quo rerum statu simus: pigerrimam sortiti, an velocissimam sedem: circa nos Deus omnia, an nos agat. » Ait, « fuisse qui dicerent. » Qui illi? plures reperio; sed « primus Philolaus Pythagoricus dixit: terram moveri in orbem. » (Laertius, In Philolao.) Addit tamen: « Alii tamen Hicetæ Syracusio id tribuunt. » Et de Hicetæ, etiam Cicero (Acad. II): « Hicetas Syracusius, ut ait Theophrastus, cælum, Solem, Lunam, stellas, supera denique omnia stare censet: neque, præter terram, rem ullam in Mundo moveri. Atque hoc etiam Platonem in Timæo dicere quidam arbitrantur, sed paulo obscurius. » At de Philolao quod Laertius, universe Plutarchus *Pythagoricis* adscribit (In Numæ), eosque Terram non putare immobilem, sed esse in gyrum circa ignem suspensam, » additque de Platone, ut Cicero, « eadem jam seuem sensisse: » quod Theophrasto auctore in vulgus mansisse, idem alibi ostendit. Ubi et ex professo verba Timæi examinat, e quibus id colligebant, nam scripserat (In Quæst. Plat.): « Ani-



mas in terram, et Lunam, et quæcumque alia temporis instrumenta, dissipari. » At quomodo terra, si quiescit, temporis instrumentum? Sed respondet ipse, et bellissime solvit: tu vide. Addit ibidem, « Aristarchum idem de Terra posuisse, Seleucum affirmasse: » sed et *Cleanthem Samium* alibi in hac parte ponit. Denique Leucippus sensit (de Facie in orbe Lunæ): « Terram vehi, circa medium assidue versam, esse autem figura tympani. » Vides deliria; quomodo aliter appellem? aut quid in ista inquiram? et si (tantus Paradoxorum amor est) etiam patrum ævo nobilis mathematicus hanc hæresim excoitavit, sed cum ipso sepultum. Nostri stare consensu affirmant: et cælis motus suos relinquunt. Alterum quod quærebas, De novo Mundo, quem ante sæculum repertum, *Americam* ab uno inventorum appellamus, cum injuria aliqua aliorum. Noruntne veteres? inquis. Nosse non dicam proprie, sed scivisse. Quum enim Australem orbem, nostro adversum adstruxerunt, et quatuor adeo Terræ partes, sive insulas fecerunt (supra doctum), quomodo non cogitatione novum orbem comprehenderunt? necessario illum, aut nullum Cicero in Somnio: « Globum mundi duabus oris distantibus habitabilem et cultum; quarum altera, quam nos incolimus, posita sub axe ad septem stellas; altera australis, ignota nobis, quam vocant Græci ἀντιθώρα. » Pomponius Mela: « Reliquæ duæ habitabiles, paria agunt anni tempora, verum non pariter. Antichthones alteram, nos alteram incolimus: illius situs ob ardorem intercedentis plagæ (Æquinoctialis) incognitus, hujus dicendus est. » Non possunt constantius aut certius, dicere de altero, id est, novo orbe. Cicero ἀντιθώρα appellatam, ab opposito nobis axe dicit; Mela ἀντιθώρα, quasi adversam terram. Est et in Platone (in Timæo et Critia) profecto vetus et vera memoria magnæ *Atlantis insulæ*, quam Asia et Africa ampliorem scribit: atque ita describit, ut mihi videatur locus dubitationi non esse, quin Novus orbis pars sit Platonicæ illius terræ. Nam primum facit locatque grandem illam insulam, ad fauces Gaditani maris; quæ longe lateque introrsum scilicet pateret; « et ex qua esset gradus transitusque ad alias insulas; iterumque ex istis ad oppositam continentem, adjacentem mari, quod vero nomine sic appellamus. » Si hæc consideras et

scrutaris, quid nisi dicit, magnam illam fuisse insulam statim ab Hispania, ubi nunc reliquæ (nam illuvione periit) et velut fragmenta tot illa insularum sunt? Canariarum, Fortunatarum, et quas alias tota ora Africæ, et interior habet. « Ex illa autem, inquit, transitus in insulas. » Quas? eas quæ nunc etiam præjacent continenti, *Cubam*, *Hispaniolam*, *Jamaicam*, et plures. « At ex insulis in ipsam continentem. » Verissime; statim ex illis vel in Peruanum tractum, vel in vastiorem Mexicanum transitur. Et *Continentem* appellat, etsi insula est, sed ita, quomodo nostra hæc pars a nobis habitata. Hæc magis totum Novum orbem nobis aperiunt et asserunt, quam illa Aristotelis in Admirandis traditio: « In mari extra Herculis columnas, insulam desertam inventam fuisse, silva nemorosam, fluviis navigabilem, fructibus uberem, multorum dierum navigatione distantem, in quam crebro Carthaginenses commeerint, et multi sedes etiam fixerint: sed veritos primores, ne nimis loci illius opes convalescerent, et Carthaginis laberentur, edicto caviisse, et pœna capitis sanxisse, ne quis eo navigasse deinceps vellet. » Quod verum censeo de una aliqua novarum insularum? quia *multos dies* navigationi impendit; neque probabile igitur Canarias, aut alias vicinas, fuisse. Et vero de iisdem terris, quis non Aviti declamatoris (apud Senecam Suasor. I) libens illa accipiet? « Fertiles in Oceano jacere terras, ultraque Oceanum rursus alia littora, alium nasci orbem. » Clarius non potuit effari, aut designare. Clemens B. Petri discipulus in epistola quadam (Epist. ad Ephes. cap. 1): « Oceanus, et Mundi qui trans ipsum sunt. » Ita Hieronymus ex eo citat: et *Mundos* appellasse credo, magnitudinem indicantem. Quæ vel in terris notis mirifica: etsi tractus ille Australior, et trans Fretum Magellani, nondum innotuerit, nisi a præternavigantibus libatus. Noster Seneca (nam ille Tragœdiæ Medæ certo auctor est) de iis ipsis prædixisse videtur, pueris jam decantatum (Medea, 375):

Venient annis sæcula seris,  
Quibus Oceanus vincula rerum  
Laxet, et ingens pateat tellus,  
Tiphysque novos detegat orbes,  
Nec sit terris ultima Thule.

Quod ille tamen proprie de Britannicis insulis intellexit, et in Claudii gratiam scripsit. Magis pro nobis, quod idem timet, et timendo adstruit (V Quæst. cap. ult.): « Unde scio, an nuac aliquis magnæ gentis in abdito dominus, fortunæ indulgentia tumens, non contineat intra terminos arma, an paret classes, ignota moliens? Unde scio, hic mihi, an ille ventus bellum invehet? » Palam ostendit, magnos reges et gentes, ultra maria, ignotos esse. Illis ignotos, nobis noscendos: alibi etiam ab eo prædictum (VII Quæst., cap. 31): « Multa venientis ævi populus ignota nobis sciet. Multa sæculis futuris, quum memoria nostri exoleverit, reservantur. Pusilla res Mundus est, nisi in illo quod quærat omnis Mundus habeat. » At vero Virgilius vaticinatur, etiam Romano imperio terras eas (neque enim de aliis ceperim) subjiciendas.

..... Jacet extra sidera tellus,  
Extra anni solisque vias, ubi califer Atlas  
Axem humero torquet stellis ardentibus aptum. (VI, *Æn.* 795.)

« Extra sidera? qui potest? » cælo certe tegitur: sed majora sidera accipe, aut planetas, qui intra Tropicos decurrunt, Ideo addit, velut interpretans, « Extra anni et solis vias. » Ergo ultra τῆς καυµάτης, id est, Torridam, locat: nempe ἀνράζοντα illam nobis, et temperatam, ut supra dictum. Nam de Atlante quod scribitur, non de illo Africæ intelliges, sed de isto quem Plato celebravit, et regnasse iis locis scribit. Eo, inquit, Augustus *Proferet imperium*. Estne factum? nugæ, et mella poetica; etsi, Marinæus Siculus Auctor, « repertum in Novo orbe nummum aureum veterem, cum effigie Augusti: cumque Romam ad Pontificem, fidei ergo, missum per Joannem Ruffum, Episcopum Consentinum. » O bellum impostorem ant ludionem, quisquis nummum ibi abiecit! nam aliter repertum non esse, mihi quidem liquet, nisi si Genius hoc fecit. Illud magis mirum et fidum, quod Hispani scribunt, « in valle, quæ Cautem dicitur, in Chili provincia, oppidum esse, quod Imperiale ab hac causa nominant, quoniam in plerisque domibus et portis repperunt Aquilas bieipites formatas, ut hodie videmus in Romani im-

<sup>1</sup> Indis occiduis hæc evenerunt, ignariisimis Hispanorum.

perii signis. Et auget admirationem, quod nulla in iis locis avis biceps, quam potuerint adumbrare. Non dissimile, quod Ammianus notat (lib. 17) in obeliscis Ægyptiorum « sculpta conspici, voluerum ferarumque, etiam alieni mundi, genera multa. » Ignota ipsa et nostro hinc orbi invisa. Fuit igitur jam olim ista pars mundi, et auditione accepta, et ratiocinatione stabilita, etsi inspectione fortasse non usurpata. Non quidem ab Europæis : de Afris ambigo, et extrema ea regio huc tendit. *Aud.* At enim dixisti ex Ammiano, de « volucris et feris alieni mundi : » quæ vere diversa a nostro sunt, et vix unum aliquod undique respondet. Quid ergo? nonne vel hoc argumentum est alicujus diversi mundi vere novi et postea nati? *Lips.* Non autumo, neque sacræ litteræ indulgeant dubitare, aut disputare. Semel creavit Deus et produxit terram, animalia, et quidquid in ea vides. Mixtione possunt aliquæ dispares species surgere, plane novæ non possunt. Unde ergo illic ea diversitas? Dic, unde in Africa? unde in última Asia? neque leones, tigres, elephantes Europa ista gignit, aut vulgo alit. Cuique regioni, pro cælo atque etiam solo et peculiari indole, sua quædam Deus jam ab initio dedit et assignavit. Major alia dubitatio; unde in hæc loca sic dissita, post diluvium et arcam illam Noachi, vel animalia, vel ipsi homines advenerint? Si terra dicis; facile id quidem : sed plerique putant (neque res adhuc aliter docuit) orbem illum cum nostro nusquam ad Septentriones jungi. Superest ut mari. At quam vasta ea navigatio est? et quis olim tentarit, aut perfecit, usu magnetis nondum reperto? quis etiam animalia illa, et quidem noxia multa, transverexit? Ea consideratio inclinat, immo pervincit, vere Platonem de Atlantide illa scripsisse : et finitimam Europæ atque Africæ fuisse, et facilem in eam transgressum. Divulsa postea, aut mersa est : et tamen homines ibi, aut animalia reliqua, quæ olim ab ea conjunctione illata. Sic censeo, et ad propriæ Zenonia iterum pergo.

## DISSERTATIO XX.

*Unus, an plures Mundi? idem an æternus? esse, et non esse.*

ELEMENTA vidimus, et præcipua corporis hujus membra: sed ipsum Corpus an *Unum* sit, an item *Æternum*, quæramus. Varius enim philosophantium hic sensus; nostri Stoici, « Unum esse Mundum posuerunt, atque eum esse totum illud corporeum. » (Stob. Phys.) Postrema sensum habent, universam Materiam in eo absumptam: nihil reliqui, nisi Vacuum illud esse. Nam Parmenides quidem Unum statuebat: « sed exignam Universi partem; reliquum autem Materiam esse. » Itaque ejus sensu superfluebat Materia, vel ad plures mundos. Quos reipsa ponebant et existere volebant *infinitos in infinito*, Anaximenes, Anaximander, Archelaus, Xenophanes, Diogenes, Leucippus, Democritus, Epicurus. Atque hujus discipulus Metrodorus imagine etiam utebatur ad probandum: « Absurdum esse, ut una spica in magno campo produceretur; et pariter, unus Mundus in infinito. » Plato et si alibi unum statuit et firmat; tamen vacillare videtur, et quinque numero admittere. Quod etsi aliter quidam interpretantur, nimirum ut orbes appellet Mundos, « Terræ, Aquæ, Aeris, Ignis, et supremi denique Cæli: » tamen Plutarchus tueri conatur simpliciter de quinque totis integrisque Maudis. Et disserta ei videre est, libello *De Oraculorum defectu*. Nostri veriores, et ab uno Deo unum producunt; atque eum, « finitum et animal et æternum, et Deum. » Alia alias explicata sunt: sed *Æternum* ibi ponit Arius Didymus (ex illo enim, apud Eusebium, lib. XV, sumpsit): quomodo, si conflagratio sit, etiam interitus ab aquis? Ipse distinctione expedit: « Dupliciter enim dici Mundum, et illud quod ex tota Natura existit; et illud, quod ornatum et constitutionem jam talem habet. Ideo priore significatione, Mundum, æternum dicunt; posteriore, natum, et mutabilem, et periturum. » Philo Judæus paullo aliter (de Immort. Mundi): « Potest, secundum Stoicos, Mundus aliquis æternus dici, et aliquis corruptibilis. Iste quidem, juxta ornatum, ut nunc est; ille autem, qui post exustionem iterum nascetur iterumque,

certis periodis, nunquam desituris. » Aliter, inquam, postrema dicit, res et ratio eodem cadunt. Perit hic et ille Mundus igitur : et scitum hoc Stoicum Laertius sic expressit : « Placet iis corruptibilem esse Mundum, quippe genitum ea ratione, qua solent sensibus percepta. Cujus etiam partes corruptioni obnoxiae sunt, id et totum : partes autem Mundi tales (nam invicem assidue mutantur) ; ergo et Mundus. Et amplius, si quid mutationem in deterius admittit, corruptibile est : facit Mundus ; nam exarescit, et inundatur. » Rationes adjunctas vides : primam, *Quod genitus sit* : et quidquid ortum habet, idem finem. Cui Plato (nam is immortalem constituit) sic occurrit (in Timæo) : « Ut sit mortalis quidem, qua genitus est ; sed non solvetur, neque sortem moris subibit, propter Dei voluntatem. » Significat, ita factum et conditum a Deo, ut ne pereat ; et, quæ eo ducunt, desint. Apuleius (de Dogm. Plat.) : « Ad hæc attributa est ei perpetua juvenus, et inviolata valetudo : eoque nihil præterea extrinsecus est relictum, quod corrumpere posset ejus ingenium ; et, si superesset, non eum læderet ; quum ita apud se ex omni parte compositus atque ordinatus foret, ut adversantia et contraria naturæ disciplinæque ejus officere non possent. » Trismegistus (ut sæpe) hic quoque Platonissat (cap. 8) : « Pater (Deus) ipse a se æternus : Mundus autem a Patre semper vivens et immortalis est factus. » Altera Stoicorum ratio, *Quod partes Mundi corruptibiles*. Ita est, elementa docent, et ipse æther : quem tamen Aristoteles voluit exemptum. Nostri minime, sed hunc quoque pasci, minui, verti et in aerem solvi. Si quatuor elementa, si ea quæ ex his nata ; ergo totus Mundus. Lucretius pariter concludit (lib. V, 236 et seqq.) :

Principio quoniam Terræ corpus, et Humor,  
Aurarumque leves animæ, calidique vapores,  
E quibus hæc rerum consistere summa videtur,  
Omnia nativo ac mortali corpore constant :  
Debet tota eadem Mundi natura putari.

Debet, nec Plato hoc rejiciat, nisi scuto iterum assumpto a voluntate divina. Tertia ratio, *Quod Mutationem in deterius admittit*. Verissime. « Quid enim (ait Noster, Epist. LXXI) mutationis peri-

culo exceptum? non terra, non cælum, non totus hic rerum contextus, quamvis Deo agente ducatur. Non semper tenebit hunc ordinem, sed illum ex hoc cursu aliquis dies dejiciet. » Sed addebat etiam Laertius, *in deterius*, et pro exemplo; *exarescit enim et inundatur*. Apposite, duo exitia eum manent, sive Aquæ, sive Ignis: et utriusque jam nunc signa alibi, et alias, mittit. Illic aquæ deficiunt, et siccitas et sterilitas supervenit; ibi abundant, et bona terræ perdunt. Hæc velut via ad illa ducit. Plinium audi, qui scribit (lib. VII, cap. 16), multa in dies minui, « consumente ubertatem seminum Exustione, in cujus vices nunc vergat ævum. » Homines atque alia minora, quare? quia Exustio paulatim appropinquat, et ubertatem seminum absorbit. Idem in Ætna ignivomo notat: « Nec tantum, inquit (II, cap. 6), in illa Natura sævit, Exustionem terris denuncians »: sunt enim plures ejusmodi montes; atque hæc omnia signa, aut note in partibus, futuræ communis illius exustionis. Vides Plinium, in capitalibus dogmatis, bona fide Stoicum esse? Seneca claudat (Epist. LXXI): « Quæcumque vides supra nos currere, et hæc quibus ingixi atque impositi sumus, carpentur, ac desinent. Nulli non senectus sua est. »

## DISSERTATIO XXI.

*Dupliciter interit, Aqua et Igne. Primum de Aqua, sive Cataclysmo.*

SENECTUS, ergo et mors. Sed qua via mors? duplici, ut tetigi, Aquæ aut Ignis; sive, Diluvii vel Exustionis. Sed cum discrimine, quod illa prior animantium tantum, et frugum fructuumque sit, aut quæ in terra sata; hæc ultima ipsius terre, elementorum, et Mundi. Itaque magna hæc mors est, et omnium; illa minor, et quæ partes modo tangit. De utraque ista Cicero (In Somn. Scip.): « Propter eluviones exustionesque terrarum, quas accidere tempore certo necesse est, non modo non æternam, sed ne diuturnam quidem gloriam assequi possumus. » Quæ tamen pro Platonis sensu dicta modo vult Macrobius (lib. II), ut crescens humor, sive ignis, alter alterum vincat: « sed nunquam tamen, seu eluvio, seu exustio, omnes terras, aut omne hominum genus, vel omnino operiat,

vel penitus exurat. » Plato ipse in *Timæo*, *Ægyptium* sacerdotem facit Solonem alloqui : « O Solon, Græci pueri semper estis, neque ulla vobis cana scientia. Quod ideo evenit, quia multa et varia hominum exitia fuerunt, eruntque. Maxima quidem, aut ignis combustionem, aut aquæ inundatione evenire necessum est; minora, aliis quibusque casibus, aut cladibus ferri. » Et addit, *Ægyptum* ab his duobus immunem, ideoque antiquissimarum illie rerum monumenta servari. Propius ad sensum Stoicū Aristoteles accesserit, si tamen ex vero Censorinus hoc ei adseripsit (*De die Natali*) : « Est præterea Annus, quem Aristoteles Maximum potius, quam Magnum appellat, quem Solis et Lunæ vagarumque quinque stellarum orbes conficiunt; quum ad idem signum, ubi quondam simul fuerunt, una revertuntur. Cujus anni hiems summa, est Cataclysmus, quam nostri diluvionem vocant; æstas autem Ecpyrosis, quod est mundi incendium. Nam his alternis temporibus mundus tum exignescere, tum exaquescere videtur. » Aristotelem<sup>1</sup> advocat; et sane tale aliquid ille vir, sed contractius, nec de Mundi mutatione, sed partium aliquot terræ diserte prodit. In *Meteoris* super ea re dissertatio, et damnat rejicitque eos, qui ad Universum<sup>1</sup> producunt. « Ridiculum enim, inquit (lib. I, cap. ult.), ob leves parvasque mutationes, movere universum » Sed inquit, præsumendum, « quod hæc fiant temporibus fato aut natura definitis. Sicut in anni temporibus Hiems intervenit; ita in magis aliqua temporum conversione, magna Hiems accidit, et copia aquarum. » Dicat locum esse, quem Censorinus adspexerit, etsi paulum a se auxit et ampliavit. De *Hieme* hic sane comparatio; quæ et Seneca placita, atque usurpavit (*Quæst. III, cap. 29*) : « Inundatio, non secus quam Hiems, quam Æstas, lege Mundi venit. » In eo dissensus, quod nostri etiam totam terram hoc genere fati aut perdunt, aut novant. Seneca (*Consol. ad Marc. cap. ult.*) : « Inundationibus, quidquid habitatur, obducat; necabitque omne animal, orbe submerso. » Idem, ubi ex professo hoc traetat (*Quæst. III,*

<sup>1</sup> Dubitavi, an non *Aristoteles* legendum, quem ex Eusebio disco de *Conflagratione* scripsisse : lib. I, cap. ult.



cap. 29) : « Ergo quandoque erit terminus rebus humanis, quum partes terræ interire debuerint, abolerive funditus totæ, ut de integro totæ, rudes, innoxieque generentur, nec supersit in deteriora magister. » Nam hunc finem ponebant, emendare et innovare. Itaque, ut idem ait (Ibid.), « non semper ea licentia undis erit, sed peracto exitio generis humani, exstinctisque pariter feris, in quarum homines ingenia transierant, iterum aquas terra sorbebit, et rejectus e nostris sedibus, in sua secreta pelletur Oceanus : antiquus ordo revocabitur. Omne animal ex integro generabitur, dabiturque terris homo inscius scelerum, et melioribus auspiciis natus. » En, quam vere hæc nostri : et quis non e Sacris libris hausisse putet, et eventum, et causam? Cæterum de Inundatione, et quomodo ea fiat, belle et diserte Seneca, fine libri tertii Quaestionum : tu vide. Vetus autem et popularis hæc opinio de Diluviis, ac plura fuisse Plato asserit, etsi illud Deucalionis decantetur tantum : sed et Novi orbis incolæ a majoribus sic acceperunt. Peruviani tradunt (Angust. Carata) : « terras eas omnes aquis mersas latuisse, periisse homines, exceptis paucis, qui in lignea vasa se receperunt, velut naves » : ibi commeatu proviso egisse, donec aquæ decrescerent, et abirent ; quod indicio canum collegérunt : quos foras identidem mittebant, et quum madidi a natatu redirent, sciebant aquas superesse ; quum denique sicci, deesse. At Mexicani, « quinque Soles ad hoc ævi luxisse. Et primum illum aquis perisse, unaque cum eo homines, et quidquid in terris esset. » (Lupus Gomara.) Hæc illi picturis et notis prodita ab antiquo habent fidem Platoniei diluvii, quod in Atlantide insula, et circa evenisset. Heus, etiam illud obiter ; in Censorino legi, *exignescere, et exaquescere* : quæ sunt ipsa Stoæ verba, quæ in Laertio supra et Græce erant *ἐξαιχμοῦσθαι καὶ ἐξαιδατοῦσθαι*.

## DISSERTATIO XXII.

*De Ignis interitu, qui Ecpyrosis dicta. Quando, Quomodo, Qua  
gratia fiat?*

MINOREM mortem diximus; magnum exitium videamus ἐκπόρσιν solemniter iis dictam, Latine *Conflagrationem*, sive *Exustionem*. Hanc illi eodem fine inducunt, purgandi, et effocta omnia instaurandi. Itaque non est proprie φθορά, sive *Interitus*; sed μεταβολή, *mutatio*, ut Numenius apud Eusebium scribit: « Non enim in mundi interitu, qui secundum maximas conversiones fit, proprie interitum accipiunt illi, qui in Ignem omnia resolvi docent, quam vocant Exustionem; sed pro Mutatione secundum naturam, utuntur Interitus verbo. » Itaque et in Seneca (Consol. ad Polyb. init.), eam vocem sic accipies, Numenii quidem monito: « Mundo quidem (Stoici) minantur interitum, et hoc universum, quod omnia divina humanaque complectitur; si fas putas credere<sup>1</sup>, dies aliquis dissipabit, et in confusionem veterem tenebrasque demerget. » Etsi revera, quidni interitus, quum prior forma tota occidit, nec nisi Materia manet? Sed Numenio hoc visum edicere, quia non idem, sed talis iterum Mundus gignitur, mox docendum. Ordine enim videmus, « Quando, Quomodo, et Quo fine fiat. » Quando? Seneca respondet (Quæst. III, cap. 28): « Quum Deo visum ordiri meliora, vetera finire. » Deo, id est, Fato. Nam *Lege Mundi* (ea Fatum est) alibi scribit (ib. c. 29) venire. Ita Aristocles, apud Eusebium: « Per fatalia quædam et definita tempora Mundum omnem exardere. » Quid Ovidius? (Metam. I, 256.)

Esse quoque in fatis reminiscitur affore tempus,  
Quo mare, quo tellus, correptaque regia cæli  
Ardeat, et mundi moles operosa laboret.

Aliqui tamen ad *Magnum annum* referebant, ut in Censorino supra vidimus: et tangit Numenius, verborum aliquo defectu, sensu tamen

<sup>1</sup> Dat hoc Polybio, qui alterius sectæ fuit.

aliq̄ue apparente : « decursu annorum quum sidera ad eundem locum veniunt, Anastasin, » id est « Eversionem rerum fieri, atque id esse Magnum annum; iterumque post eam fieri Apocatastasim, sive Redintegrationem rerum et Restitutionem. » Quis autem ille Magaps annus, et quot annorum millium, variant : in Julio Firmico huic rei legi ista. Disputat de die Natali, sive genitura Mundi, et negat « facili posse ratione concipi, aut explicari. Nec, inquit (lib. III), eosque se intentio potuit humanæ fragilitatis extendere, præsertim quum trecentorum millium annorum major ἀποκατάστασις, hoc est, Redintegratio, per ἐκρύψασιν, aut per καταλυµὸν, spatio perficiatur. His enim duobus generibus Apocatastasis fieri consuevit; namque Exustionem Diluvium sequitur. Nulla enim re alia poterant res exustæ renasci, nec ulla re alia ad pristinam faciem formamque revocari, nisi admixtiones atque concretus favillarum pulvis omnium genitalium seminum collectam conciperet fecunditatem. » De Magno anno illic vides (nam alia differo), sane magno, et « trecentorum millium annorum, » si lectio est recta. Equidem variant<sup>1</sup>, ut dixi : et Macrobius, qui *Annum Mundanum* scite hunc appellat, ut communem nostrum illum, *Solarem*; Macrobius, dico, « quindecim millibus » eum definit. Censorinus sententias plurium refert, sed duorum qui maxime augent, « Orphei, ad centum millia viginti; Cassandri, ad tricies sexies centena millia. » Bono animo simus; ἐκρύψασιν non videbimus, istis quidem auctoribus : sed nec Firmico in quo « triginta millium » legere aliquando volui, sed desisto. Nam et in Numenio est, hæc fieri, « post periodos quasdam Maximas. » In Didymo, « periodos infinitas. » Quam vacuum autem, immo ineptum, ista definire, quæ nulla experientia, aut ratio affirmet, aut indaget? Tam hercules, quam quod etiam cæli statum et signa notent, quibus hæc eventura: Chaldæorum ista vanitas : « et Berosus, qui Belum interpretatus est (ait Seneca, Quæst. III, cap. 29), dicit cursu ista siderum fieri, et adeo quidem affirmat, ut Conflagrationi atque Diluvio tempus assignet. Arsura enim terrena contendit, quando omnia sidera in Cancro convenient; inun-

<sup>1</sup> Aliquid et in Stobæi Physic. vide.

dationem futuram, quum eadem siderum turba in Capricornum con-  
 venerit. » Videsne? apposite, nam sunt hæc æstuantia, et hiemantia  
 item signa. Seneca tamen haud plane rejicit (ibid.): « sed rationem  
 illam, quæ in conflagratione Stoicis placet, hac quoque transferen-  
 dam putat. Sive animal est Mundus, sive corpus, natura guber-  
 nante, ut arbores, ut sata; ab initio ejus usque ad exitum, quid-  
 quid facere, quidquid pati debeat, inclusum est. Ut in semine omnis  
 futuri hominis ratio comprehensa est, et legem barbæ, et cano-  
 rum, nondum natus infans habet; sic origo Mundi, non minus  
 solem et Lunam, et vices siderum atque animalium, quam quibus  
 mutarentur terrena, continuit. » Ad occultas, et ab æterno fatales  
 causas, revocat verecundius veriusque. Initio verborum aliquid  
 mutavi, et *Sive animal legi*, non *Anima*, ut passim edunt: res  
 ita vult, nec quisquam tam stolidus, qui *Mundum* Animam esse  
 dixerit, sed *Mundi*. At illud ambigitur, sitne sentiens Corpus, an  
 Corpus tantum. Itaque in ipso Mundi conditu inclusum est, quam-  
 diu vigeat vivatque, ut in quoque animali. Sequitur, *Quomodo* hæc  
 Conflagratio fiat. An ab æthereo illo igne? atqui innoxius est, et  
 vitalis tantum. Respondeo, nec ab illo solo, nec sine illo. Sol et  
 sidera calorem intendunt, aer exardescet, humor absumetur, et  
 quæ Natura antea temperabat, eadem exasperabit et extra legem  
 mittet. Vis Senecam audire (Consol. ad Marc., cap. ult.)? « Quum  
 tempus advenerit, quo se renovaturus Mundus exstinguat, viribus  
 ista suis se cadent, et sidera sideribus incurrent, et omni flagrante  
 materia, uno igne, quidquid nunc ex disposito lucet, ardebit. » Et  
 statim hæc fiunt, nec magno molimento; quia « nihil difficile est  
 Naturæ, ubi in finem sui properat. Ad originem rerum parce utitur  
 viribus, dispensatque se incrementis fallentibus; subito ad ruinam,  
 et toto impetu venit. Quam longo tempore opus est, ut conceptus  
 ad puerperium perducatur infans? quantis laboribus educatur, et ado-  
 lescit? at quam nullo negotio solvitur? Urbes constituit ætas, hora  
 dissolvit. Momento fit cinis, diu silva. » (Sen., Quæst. III, c. 27.)  
 Pulcherrime dicta, et capiunt me recitantem. Ergo ab Igne illud  
 exitium, cujus indomita vis rebus est inclusa, tunc educenda. Philo  
 Judæus (de Immortal. Mundi): « Stoici censent, Deum quidem cau-

sam auctoremque generationis Mundi esse, at non interitus; sed eam quæ in rebus est insita Ignis potentiam, post longa temporum intervalla, omnia in se resolventem. » Deus, inquit, non est causa. Secundaria et instrumentalis: esto. Quis ergo? Ignis inclusi rebus omnibus potentia, quæ tempore se exserit et vires capit, et omnia populatur, edit, et in alimentum sui vertit. Considera: tot illa astra et celorum orbes, ignes aut ignea; dii boni, quanto cetera elementa exsuperant? Quid in ipso mari, nonne calor et semina ignium? quid in terra, ipsis ejus penetralibus, et super eam? Idem in aere, in animantibus, stirpibus; ubique ignis; et ille, inquit Philo, paulatim augescens, omnia denique in se vertet. *In se*, optime. Ita Numenius: « Placet Stoicis omnem essentiam ac naturam in Ignem convertere, tanquam in semen. » Sed quem hunc Ignem? Æthereum et purum, observa. Mixtus est ille, qui vastabit; purus et a Materia paulatim reducendus ille, qui gignet denuo et formabit. Nam Materia scernetur, ut dicemus. Æthereum dixi: mecum Numenius. « Stoicis placet omnia evanescere et perire, post longissima spatia, omnibus in æthereum ignem resolutis. » Sed omnia prius pereunt, omnia? ipsi Dii minores, Genii, Animæ, et quidquid est extra unum supremum Deum, id est, Jovem. Ita Seneca, solum hunc superesse facit, « et acquiescere sibi, resoluti, inquit (Epist. ix), Mundo, et diis in unum confusis. » Sane in unum, in ipsum Jovem. Plutarchus Cleanthem inducit dicentem, (De Com. Notion.) « Lunam, et sidera et Solem perire, Jovem autem (desunt in Græco quædam, sed is sensus est) assimilare omnia sibi, et in ipsum se vertere. » Nam Jupiter scilicet est, purior ille Ignis. Cicero etiam, de interitu hoc Deorum (Acad. II): « Stellas omnes, terram, mare, deos esse: fore tamen aliquando, ut omnis hic Mundus ardore deflagret. » Sed et alius Seneca:

Cæli regia concidens

Ortus atque obitus trahet:

Atque omnes pariter Deos

Perdet mors aliqua et Chaos. (Herc. OEet. 1112 et seq.)

Igitur omnia in Ignem abeunt, rursumque ex Igne surgunt. Laertius, de Deo: « qui est incorruptibilis, et ingenuus, conditor

hujus Mundi, absumens in se omnem essentiam, rursumque ex se generans. » Quomodo autem idem perdat, et generet, videamus. Omnia jam Ignis, ut dixi, sed turbidus, materiæ mixtus, et faeculentus : tamen ignis ; ideoque tenuis, et diffunditur, et totum hoc Mundi, qui fuit, spatium occupat, immo et Vacui extra eum regionem implet. Ita Stoici tradunt, et hoc etiam sine Vacuo ponunt. Plutarchus clarissime (De Commun. Not.) : « Ignem semen aîunt Mundi ; et post Exustionem, mutare Mundum e corpore minore, habentem jam tumoris et amplitudinis multum, et Vacui regionem immensam occupantem, quæ ipsa angusta facta sit illo augmento : rursumque quum gignitur Mundus, sensim abire et collabi magnitudinem, subeunte scilicet, quum generatio existit, et contrahente se in seipsam Materie. » Vacuo igitur jam pleno, sit paulatim (Ratione administrante) depuratio ; et « vertitur omnis substantia in Aerem, deinde in Humorem (ex Laertio ante docui) : et tum Elementa et Mundus gignuntur. » Sed ita in Aquam omnia vertuntur, ut scire debeas excretum illum purissimum Ignem superesse, qui agat, moveat, et Materiam per se inertem animet. Philo notat, Stoicos hoc cante monuisse, « quod post Exustionem, quum novus Mundus condi debet, omnis ignis non exstinguitur : sed aliquanta ejus portio manet. » Causam subdit : « Valde enim verobantur, ne omni eo interstincto, maneret materies quieta, ignava, inepta condere, quum causa motus non esset. » Aqua igitur post Ignem, sed non sine reliquo igne. Hoc est, quod κατακλυσμός sive *Diluvium* Firmicus vocare videtur, in verbis quæ alio etiam sine supra dedi. Nam palam ait : « Epyrosin Cataclysmus sequitur ; nulla enim re alia exustæ res poterant renasci, nec ulla re alia ad pristinam faciem formamque revocari, nisi admixtiones<sup>1</sup> atque concretus favillarum pulvis omnium genitalium seminum collectam conciperet fecunditatem. » Non aliud equidem, vel e verbis, vel ex ratione addita colligo, quam conversionem illam in Aquam, Cataclysmum ab eo dici : atque ita diluï pulverem, et mixtione humoris ignisque fecundari. Satis de modo : tertium superest, *Quo fine?*

<sup>1</sup> Legam, admixtio esset.

Etsi nec id obscurum e dictis, est enim idem ille purgandi et renovandi, qui in Diluvio fuit. Tolluntur mali, et mala aut vieta: boni et innoxii creantur, et pulchra iterum ac juvenescens facies Mundi. Plutarchus, de Stoicis (De commun. Not.): « Quum mandum isti incenderint, mali nihil usquam relinquitur, sed universum est prudens, probum, sapiens. » Seneca (Quæst. III, cap. ult.): « Omne animal ex integro generabitur dabiturque terris homo inscius scelerum, et melioribus auspiciis natus. Sed illis quoque innocentia non durabit, nisi dum novi sunt: cito nequitia subrepet. » Nova igitur omnia, an potius novata? Neque enim alia facies Mundi erit, quam hujus fuit: et eadem omnia, immo et homines iidem redeunt in orbem. Cicero (II De Nat. Deor.): « Post inflammationem relinqui nihil præter ignem, a quo rursum, ac de eo, renovatio Mundi fieret, idemque ornatus oriretur. » Numenius apud Eusebium: « Iterumque post Ignem Mundum constitui et perfici, qualis antea erat. » De ipsis etiam hominibus, Seneca (Epist. xxxvi): « Mors, quam pertimescimus ac recusamus, intermittit vitam, non eripit. Veniet iterum, qui nos in lucem reponat dies, quem multi recusarent, nisi oblitos reduceret. » Vides *παλινγενεσίαν*, sed alio quodam a Pythagoricis sensu. Atque has innovationes, iterationesque, æternas faciebant: « talibus conversionibus, ait Numenius, periodisque ab æterno evenientibus, indesinenter. » Atque hoc est, quod Tatianus, vetus piusque scriptor, in iis damnat (Advers. Gentes), non ipsam Inflammationem: « Corpus aliquis Deum statuit? ego incorporeum. Incorruptibilem Mundum? ego corruptibilem. Exustionem per vices temporum advenire? ego semel, et in universum. » Nam et Christianis proba hæc sententia, sed sic modificata.

## DISSERTATIO XXIII.

*Christianos etiam hujus sententiæ, sed divisiæ, esse: item Epicureos, et Heraclitum ante omnes: neque omnes tamen Stoicos.*

CHRISTIANIS, inquam, qui inflammandum, renovandumque Mundum agnoscunt, vel Divo Petro præeunte. « Cæli, inquit (Ep. II, cap. 3), qui nunc sunt, et terra, igni reservati in diem judicii. » Iterumque: « Cæli magno impetu transibunt, elementa calore solvantur; terra autem, et quæ in ipsa sunt opera, exurentur. » Quod autem de Cælis, *transire* modo dixit: mox tamen manifesto etiam igne solvit et purgat. « Cæli, inquit, ardentes solvantur: » etsi de superioribus cælis, sunt inter Theologos qui controvertant. Sed jam olim, ut invidiosum, objicitur Christianis in Minutio Felice; quod « cælo et astris interitum denuntiarent. » Respondet Octavius, jampridem Philosophos hoc fecisse; et « Stoicis, inquit, constans opinio est, quod consumpto humore Mundus hic omnis ignescet. Et Epicureis de elementorum conflagratione, et Mundi ruina eadem ipsa sententia est. » Ubi tamen, quod ait « Constantem Stoicis opinionem, » temperandum, et ad plures referendum est; nam fuerunt etiam, inter sectæ principes qui abnegarent. Philo Judæus: « Boethus, et Posidonius, et Panætius, viri in Stoicis dogmatis primarii, tanquam a numine correpti, relictis Exustionibus, ad divinius dogma de immortalitate Mundi transfugerunt. Dicitur et <sup>1</sup> Diogenes, quum juvenis esset, subscripsisse istis. » Quatuor ipse nominat, qui dissenserint: licet quintum ex Numenio addi. « Hoc dogma, inquit, de Exustione primi et antiquissimi ejus sectæ tenuerunt, Zeno, Cleanthes, Chrysippus: et hujus tamen discipulum, ac scholæ successorem, Zenonem <sup>2</sup> aiunt dubitasse de Universorum hæc conflagratione. » Quod autem in Philone de *Panætio* erat, etiam in Cicerone (II De Nat. Deor.): « Eventurum nostri (Stoici) putant id, de quo Panætium addubitare dicebant, ut ad extremum

<sup>1</sup> *Babyloniensis cognomento.*

<sup>2</sup> *Sidonium cognomine.*



omnis Mundus ignesceret. » Itemque Stobæo : « Panætius probabiliorem censet, certe sibi magis probatam, Æternitatem mundi quam ejus in ignem commutationem. » Idem in Laertio Græco, etsi aliter et contrario ab interprete versum. Erat autem in Minutio supra, etiam Epicureis hunc sensum esse; quod verum est: et putant Mundos singulos (infiniti iis sunt) ut animal quoddam esse, et variis rationibus interire. Sed discrimen etiam ponebant, plane cum Stoicis, etsi aliis verbis *Summam* interire, *Summam summarum*, manere æternam. Id est, διαδόμην, sive Mundum hunc labi, at non κόσμον, sive principia rerum, *Atomos* et *Inane*. Hoc discrimen sermonis in Lueretio aliquoties occurrit, nec satis interpretibus observatum. De interitu autem, Lueretius (lib. II):

Sic igitur magni quoque circum moenia Mundi  
Expugnata dabunt labem, putresque ruinas.

Et ex professo libro quinto poeta id probat. Ante autem omnes istos, Heraclitus id docuit: « Unum esse Mundum, eumque ex igne factum et rursus in ignem vertendum post aliquot periodos; idque per vices, in omne ævum ita futurum. » (Laert. in Heracl.) Sunt germana Stoica, et ipsi auctorem illum sibi inscribant. Finivi, nisi placet annotare, quosdam Christianorum nimis etiam hic fuisse Stoicos et assiduam hanc exustionem renovationemque approbasse. Origenes inter eos, qui, ut ait Hieronymus (Epist. lx), « Mundos esse innumerabiles asserebat, non juxta Epicurum uno tempore plurimos, et sui similes; sed post alterius Mundi finem alterius esse principium. Et ante hunc nostrum, alium fuisse, aliumque: » quæ talia Basilus etiam alibi ei objectat (Homil. IV Hexæm.).

#### DISSERTATIO XXIV.

*De Tempore adtextus; quid et quam breve, aut nihil, sit: tenendum  
utiliter, et asserendum.*

HABES pleraque, mi Auditor, quæ communiter ad Mundum: nam ad minora aut partia non imus. Tria tamen etiam considerari in eo solent, *Motus*, *Locus*, *Tempus*. In duobus prioribus vix est, aut

leviter, ut Stoici ab aliis discedant : et siquid tale , ad Senecam nihil facere comperior , quem his Dissertationibus illustramus. De *Tempore* dicam , quod tamen originem habet ex Motu. Varro (IV de Ling. Lat.) : « Status et Motus duo. Quod stat aut agitur, Corpus ; ubi agitur, Locus ; dum agitur, Tempus ; quod est in agitu, Actio. » Et singulorum dat exempla : « Cursor, Stadium, Hora ; Cursio. » Itaque plerique omnes qui Tempus definiunt, a Motu explicant, et hunc includunt ; ut Aristoteles : « Mensuram esse motus, et numerum secundum prius et posterius. » Ut Stoici nostri, quibus est *διάστημα τῆς τοῦ κόσμου κινήσεως* ; quod Varro verbalim reddidit (V de Ling. Lat.), « Intervallum mundi motus. » Is autem motus ab Solis et Lunæ cursu maxime innotuit, divisimusque in partes : ideo (ait idem Varro) « ab eodem tenore temperato, Tempus dictum. Utramque hanc tamen finitionem, Aristotelis dico et Stoicorum, Plutarchus, carpit an cavillatur, in Quæstionibus Platoniciis : quia hæc ab « accidente tantum est, inquit, essentiam et vim temporis non promit. » Itaque Platoni magis adhæret, qui aiebat ; *χρόνος εἶναι αἰώνας εἰκόνα κινήτην καὶ τὴν τοῦ οὐρανοῦ ποσὸν*, ut in Laërtio legas. Et Apuleius vertit (de Dogm. Plat.), « Tempus ævi esse imaginem ; si quidem tempus movetur, et perennitas fixa et inmotata est natura. » Et est, ut Plutarchus vult, « Tempus, non cujuscumque motus affectus aut accidens ; sed causa, vis principium omnia continentis symmetriæ et ordinis, qua Universi animata natura movetur : aut potius, motio illa, et ordo, et symmetria, Tempus dicitur. » Probat igitur Pythagoræ dictum interrogati, *τί χρόνος ; ἢ κόσμου ψυχὴ* respondentis : « Quid Tempus ? mundi anima. » Ista et plura Plutarchus, in tempore tibi videnda : nostri a re et natura magis abstrahunt, et circa eam duntaxat ponunt. Itaque Chrysippus etiam definiebat (Stob. Phys.) : « mensuram celebritatis et tarditatis. » Quæ definitiones sensum nostram de Tempore magis exprimunt, quam ipsum. Immo vero non nisi in nostra ratione et ratiocinatione quidam illud ponebant, quærebantque : An revera Tempus esset ? Apud Senecam (Epist. LXXXVIII) : « De Tempore uno vide quam multa quærantur : Primum an per se sit aliquid ? deinde, an aliquid ante Tempus sit, si Tempus cum mundo coepit ?

An et ante mundum, quia fuerit aliquid, fuerit et Tempus? » En primam quæstionem, An per se sit Tempus? Quod Epicurus negabat, asserebatque « accidentium accidens esse, » ut scribit Empiricus : et ipse Epicurus : « Tempus non est quærendum sicut nec cetera quæ in Subjecto quærimus, referentes ea ad anticipationes, quasdam a nobis ipsis visas. » De quorum tamen vero sensu, idem Empiricus aliquid volenti dicit. At Stoici esse, et quidem « per se intelligi. » Tamen idem « incorporeum esse : sicut Inane, et Locum. » Empiricus, itemque Laertius : « Esse et Tempus incorporeum. » Et de Incorporeo, alii consentiant : in Essentia vel Existentia Temporis, aliquid etiam nostri mutant. Nam videntur nullum Tempus statuere (ait Plutarchus de Commun. Not.) quum Chrysippus, « Præteritum et futurum non existere, sed substituisse (οὐχ ὑπάρχειν, ἀλλ' ὑποστέλλειν); solum existere τὸ ἐνσὸς, instans sive præsens. Ac id ipsum mox facit et distribuit, partim præsens, partim præteritum : ita nihil quod existat, relinquit. » Talia Plutarchus : ipsa verba et veri sensus in Stobæanis exstant. « Sicut Inane infinitum est, ita et Tempus omne utrimque esse. Nam et præteritum et futurum sine carere : præsens autem nullum integrum tempus esse. Quum enim continua in infinitum secantur, tempus quoque sectionem eandem recipere. Igitur nullum, secundum perfectionem, tempus præsens esse, sed late et crassiore modo ita dici. Sed et solum præsens tempus existere (ὑπάρχειν), præteritum et futurum subsistere quidem (ὑποστέλλειν), sed non existere, nisi ut prædicatum aliquod existere dicitur, merum accidens : sicut Ambulare mihi adest, et existit, quum ambulo; jacente autem et sedente, non existit. » Primum ait, « Infinitum omne tempus utrimque esse. » Quod ita quidem cum aliis verti, et est in Græco, εἰς ἑκάτερα; fortasse tamen verius, *ad alterutrum* reddas : id est, ante aut post infinitum esse. Exempli causa, Præteritum, anteriore parte tale est; Futurum, posteriore : « utrumque tamen (ut recte Posidonius) Præsenti finitur. » Quod autem de ipso Præsenti est, « perfecte non existere : » haud vane; nam revera est in assiduo fluxu, et « constat ex præterito aliquo et futuro (ut idem Posidopius), sed cum discrimine Nunc, quod ta-

men instar puncti est : Illud autem quod *Nunc* dicimus , large , et laxè , non stricte et absolute intelligi . » Hæc vera sunt , et extra calumniam , probe accepta : neque diversa valde Aristoteles tradit ( IV Phys. , cap. 10 et 11 ). Noster etiam Seneca ( de Brevit. Vit. , cap. 10 ) : « Præsens tempus brevissimum est , adeo ut quibusdam nullum videatur . In cursu enim semper est , fluit et præcipitatur : ante desinit esse , quam venit . » Ovidius :

Ipsa quoque assiduo labuntur tempora motu ,  
Non secus ac flumen ; neque enim consistere flumen ,  
Nec levis hora potest .

Ita vere aliquis dixerit , non aliud esse tempus , quam *Nunc fluens* . Altera quæstio in Seneca , « An aliquid ante tempus ? » Ita , sed id appellatur *Ævum* . Tempus autem non nisi cum motu incipit , eoque digesto ac ordinato . Nam et ante Mundum erat motus in materia , sed indeterminatus et confusus . Ergo Tempus , cum cælo . Atque ex hac distinctione etiam tertiæ quæstionis solutio prompta est : in qua quæritur , « Quia aliquid fuit , an et Tempus fuerit ? » Negamus , ubi sola Principia sunt , Tempus esse . Materiæ hoc non convenit : Deo autem *Æternitas* convenit : « Quod enim ( ait Damascenus ) iis quæ Tempori subjecta sunt est Tempus , id æternis illis est *Ævum* . » Argute etiam Tertullianus ( I Advers. Marc. , cap. 8 ) : « Non habet Tempus *Æternitas* , omne enim Tempus ipsa est . » Sed , mi Auditor , quid argutamur ? quid quærimus , sit , necne sit ; et dum quærimus , patimur elabi ? O thesaurum , non ultra reperiendum ! Fluit assidue , et nobis effluit : quod unum avariter habere debeamus ; et nulla merce aut pretio permutare . Illic otio , illic alea , illic conviolo perdimus : et quantum in valetudine , aut somno ? Deus bone , quum recogito : undecim lustra fui , quinque ex illis vixi ? et quod vixi ubi est ? « Infinita est velocitas temporis , quæ magis apparet respicientibus . » ( Sen. , Epist. XLIX . ) Modo in Iscano puer lusisse videor , modo Bruxellæ primas scholas adiisse , modo Athi , Coloniae , Romæ egisse : et a Batavis quam recens memoria est ? « Punctum est quod vivimus » ( Sen. , Epist. LXIX ) : sed hoc punctum specie quadam longioris temporis divisimus , et Pueritiam , Adolescentiam , Juventutem , Senectutem fecimus ; heu , ubi ista , et quam in brevi

sunt? Abierunt prima, et tunc denique computamus, et damnum taxamus, quum abierunt. Ah, vel tarde, non enim sero, incipiamus æstimare et amare, «cujus unius honesta avaritia est.» (De Brevit. Vit. cap. 3). Et illius brevitatis, et nostra fragilitas nobis occurrat: bene ponamus, hoc quidque datur, «nec tunc vivere incipiamus, quum desinendum est.» (Ibid. cap. 4.)

..... Carrit mortalibus ævum,  
Nec nasci bis posse datur. (SILIVS.)

Fac, et ad te abi.



---

JUSTI LIPSII  
PHYSIOLOGIÆ  
STOICORUM

LIBER TERTIUS.

---

DISSERTATIO PRIMA.

*Vestibulum et ingressus. De occupationibus aliquid; et inter eas  
quoque philosophandum.*

AUD. Mi doctor, salve. LIPS. Tibi idem; quid tam mane? Sol lineam quartam vix tangit. AUD. At tua monitio heri excitavit, et huc misit. Meministin' aiebas Tempore utendum: labi id et fluere; nec fas lapsura unquam revocare. Pareo igitur, et uti fruique meditor, et primam quamque horam Bonæ Menti consecrare. Quid scio an eras, an a meridie licebit? Quum temporis illa velocitas animo obversatur, quum incerta hæc et insidiosa mortalitas, cur non properem? quem futuri temporis prædem accipio? « Dum differatur vita, transcurrit. » (Sen. Epist. 1.) LIPS. O vere, quid autem, dum eripitur vita, an non transecurrit? Hoc nobis fit, quos litteræ, sermones, aliæ curæ vel actiones assidue occupant: et vix seriis tempus est dare, nisi quod relinquitur in subsecivis. « Omnium occupatorum, ait Annæus (De Brevit. Vit. cap. 19), misera est conditio; eorum tamen miserrima, qui nec suis occupationibus laborant. » Credo eum de me scripsisse, aut in me certe competi:

qui cum Livio Druso possim exclamare, « Uni nec a puero ferias contigisse. » Mane surrexi? Ecce litteræ, responde. Feci, ad alia me verto; puer: Est nobilis vir aut adolescens e Gallia, Germania, Sarmatia: vult salutatum. Ille autem et illi, libellis suis Amicitiae symbolum inscriptum. Vix suspiravi; en e Belgis meis aliquem, Heus! carmen aut libellum scripsi, lege. Quid etiam? cense, et emenda. Quid amplius? carmen aut elogium præscribe. Absolutum me censeo; alius: Mihi aut fratri, patri, amico epitaphium: domui aut arci, aræ, inscriptionem. Quid studiosos juvenes, et tui similes dicam, scis quam iis pateam, audire, respondere, dirigere et in via ponere, quam rectam censeo, studiorum. Hujus unius operæ minime inter omnes me pœnitet: et quid interest, voce an scriptione juvem: nisi quod hæc ad plures fortasse venit? sed illa si ad pauciores, efficacius et fructuosius fortasse venit. Hæc fere vita mea est, et ferre inducor:

..... levius fit patientia,  
Quidquid corrigere est nefas.

Fit etiam sapientia levius, quam pro meo modulo usurpo. Seneca exemplum mihi monitumque præbuit: « Quum, inquit (Ep. LXII), me amicis dedi, non tamen mihi abduco: nec cum illis moror, quibus me tempus aliquod congregavit, aut causa ex officio nata. » Quid ergo? ad me subinde redeo, et in animo salutare aliquid, atque usui meo verso. Leviter atque obiter quidem: sed verso. Quis vetat cupienti, et in theatro solitudinem, et in solitudine theatrum esse? Utrumque tibi struxeris, animo et cogitationibus huc aut illuc missis. Aiunt apodes quasdam aves, a re dictas, esse: quæ quum longum aut firmum insistere non possint (pedibus enim carent), tamen muro aut arbori affixæ, aut in aere suspensæ, quod satis sit quiescant: imitari possumus, et agentes aliquid aut loquentes, animo interjungere; et serium quiddam meditari. Cogitationibus bonis, etsi brevibus, semper est locus. Facio igitur, quæ possum: sed quanto liberius atque uberius, quum vespere (morem meum nosti) licet mihi prodeambulare, et mœnia illa, agros, prata calcare? Tunc mihi in pascuum meum immissus videor, tunc vetera et nova ruminor atque agito, tunc Græciam et Latium, philologa



et philosopha lustrō. Tunc, ut apud te fatear, libellos istos, et siquid a me in publicum manat, fere conceipio aut dispono : et styli operam, quum domum redii, addo. Quorsum ego ista? ut tibi quoque præeam, et vel inter turbas quietum esse suadeam; inter occupationes feriatum. Sicut medicus inter ægros, sine sensu morbi sui, agit : sic inter nugatores seriî, inter vanos graves esse conemur. Impediant nos fortasse, non mutant. A te, inquam, non abeas : aut statim certe ad te redi; ad te, id est, ad philosophiam, et animi illum interiorem cultum. Huic vacare (nihil exuses) etiam quum non vaças, licet. At ego nunc tibi, immo mihi : communis enim res dicenda, et mihi quoque discenda est, *Quid sit homo* : in qua notitia, illa etiam Dei et Virtutis fere est inclusa. Nam de ipso *Deo*, tum de *Mundo*, ut scis, diximus : Mundi igitur præstantissimum *homo* sequitur, quem lustremus, et in eo nos illustremus.

## DISSERTATIO II.

*Hominem parvum Mundum esse : et breviter ejus præstantia.*

JURE autem statim a *Mundo*, quid enim aliud ipse *Homo*, quam *parvus* quidem *Mundus*? Philo Judæus, ut commune verbum, retulit (Quis divin. action. heres) : « Parvum mundum Hominem esse ; magnum Hominem, Mundum. » Macrobius idem, totidem paucis verbis (II in Somn. cap. 12) : « Physici Mundum, magnum Hominem dixerunt ; et hominem, brevem Mundum. » Quid ita? quia ut ille rectorem in se Deum habet, sic homo divinum animum. Quid amplius? omnia quæ *Mundus*, fere habet : quatuor in se elementa ; capitis quoddam cælum ; in eo flammantes oculos, ut stellas : ipsam formam rotundam, vel in matris utero ; vel jam liber, quum brachia et pedes expandit. Lineæ enim ab extremis illis ductæ, faciunt justum fere orbem. Quid, quod omnia quæ in *Mundo* sunt, ipse continet, et in capaci illa mente gestat? ita est : solus homo scientiam omnium et amat, et pro captu habet. Quid ei clausum est ; cælos penetrat, et Deum ac divina mente adit. Manilius scite (lib. IV) :

..... quid mirum, noscere Mundum

Si possunt homines, quibus est et Mundus in ipsis :  
Exemplumque Dei quisque est et in imagine parva ?

Itaque Trismegistus *prolem Mundi*, id est, Mundum alterum, Hominem facit. « Est Mundus quidem Dei filius, Mundi autem soboles Homo. » (Cap. 10.) Immo verum si dicimus, nos Dei filii, et velut proximi ab illo sumus. Seneca (De Benef. II, cap. 29) : « Ita est : carissimos nos habuerunt dii immortales, habentque : et qui maximus tribui honos potuit, ab ipsis proximos collocaverunt. Magna accepimus, majora non cepimus. » O aurea verba et sensa ! Proximos ab ipsis ? ita. Trismegistus (cap. 10) : « Qua propter audendum est dicere, Hominem terrenum esse Deum mortalem ; Deum caelestem esse hominem immortalem. » Præfatur audaciam ; et siquid supra verum, non longe a vero. Idem iterum attollit (Ibid.) : « Homo animal est divinum, aliisque animantibus non confertur, sed iis qui sursum in cælo Dii dicuntur. Immo vero, si verum libere dicendum est, etiam super illos est is, qui vere homo est : aut certe pari cum iis æstimatione. » Eugene, attollere, sed cum modestia, et pietatem ac Deum si colis (is *vere Homo* est, in Mercurio), ad beatos Genios, aut supra eorum quosdam, ascende. Colis, inquam ; nam, ut recte Cicero (I Tusc. 28), Deus fecit « hominem, quasi contemplatorem cæli ac Deorum, ipsorumque cultorem ; atque hominis utilitati agros omnes et maria parentia. » Jure addit, omnia nobis parere, et servire. Quid clarius ? terras habitamus, aramus, peragramus : ipsa maria, indomitum elementum, domamus : bestiis ferisque omnibus legem et imperium damus.

Quis dubitet post hæc hominem conjungere cælo ?  
Eximiam natura dedit linguamque, espaxque  
Ingenium ; volucremque animum ; quem denique in unum  
Descendit Deus atque habitat, ipsumque requirit. (MANIL. II.)

Multæ hominis dotes, et prærogativæ : tangit quasdam, sed extrema an non a divino instinctu sunt ? Dicat suo ille sensu, nostro verissima sunt : Deus in nobis habitat, *Templum* ejus sumus : Deus hominem requirit, *Deliciæ* ejus sumus. Denique, ait Plato (Iu Minoe) : « Res omnium sanctissima, vir bonus. »

## DISSERTATIO III.

*Nosce teipsum, hoc fine utiliter edictum.*

SED alibi etiam de hac præstantia, quum de Animo videmus : nunc, quod præmisi, homo eminet, et Deum in parte refert, quia solus cupiens scientiarum, et capax. « In tanta animantium varietate, ait Cicero (II Acad. in Fragm.), homini soli cupiditas ingenerata est cognitionis et scientiæ. » Ideo jure φῶρ, id est, *Lumen*, Græci dixerunt : quia odit ignorantiam tenebras, nosse et notescere vult, scire et sciri. Atquin ante omnes scientias, una ei necessaria sui. Infera ac supera scrutare ;

..... nil tibi prodest

Acrias tentasse domos, animoque profundum

Percurrisse polam, hoc nisi noris.

Huc te verte, ad te, inquam. Seneca noster (Consol. ad Marc. cap. 11) : « Hoc jubet illa Pythicis oraculis adscripta vox, Nosce te. » Vox merito adscripta oraculis : et quæ a Deo est, aut certe non sine Deo. Ab ipso esse, indicat Seneca : et alii item volunt, « Chiloni roganti, quod optimum esset ? responsum hoc ab Apolline, Γνωθὶ σεαυτὸν : Nosce te ipse. » (Porphyr.) Alii tamen *Phemonoes*, alii *Phanthea* ; quidam *Thaletis*, *Biantis*, aut *Chilonis* etiam vocem affirmant. Cujuscumque, emisit Deus, aut immisit :

..... e Cælo descendit γνῶθὶ σεαυτὸν.

Et constat sane inscriptum fuisse in vestibulo atque aditu templi Delphici, ante ipsa περιβάλλοντες, ubi ingressuri se aspergebant aut lavabant : una cum dicto altero Μηδὲν ἄγαν, *ne quid nimis* (Ex Porphyr.) Conspirat enim utrumque, ait Plutarchus (Consol. ad Apollon.) : et in illo hoc continetur, ac modestia præcipitur, ut jam videbis. Ad sensum enim dicti venio, magni, ardui, et quod legant sive audiant multi, non intelligant ; nec qui intelligunt, præstent. Nam, ut Ion poeta,

Τὸ γνῶθὶ σεαυτὸν, τοῦτ' ἔσται μὲν εὖ μέγα,  
ἔργον δ' ὅσον Ζεὺς μένος ἰσχυράται· Διῶν

Hæc Nosce teipsum, quidem est brevis,

Sed tanta res, quam Jupiter solus sciat.

Ita est, fateamur : « Solus plene se novit Deus » : sed homini usque aliquo pertingere licet, et pro ingenii modulo se capere ac scire. Quis sensus igitur ? a contrario Plato indagat, et assequitur. « Nam triplex est, inquit (In Philebo), sui ignorantia, in Opibus, in Corpore, in Animo » : triplex igitur, et omnia hæc externa ? nec tua vides ; abeunt, veniunt, ludicrum, aut potius ludibrium quoddam, Fortunæ.

Ὡς ἔτι τις φάμεθον συνάγει παλὺς ἄγχι θαλάσσης,  
 ὅσιν' ἔπει οὐκ ποίησι δούρματα νηπλετοισιν  
 Ἄψ' αὖθις συνίχουσι ποσὶ καὶ χερσὶν ἀθύρων (HOMER.)  
 Ut puer undisoni ludens ad littora ponti,  
 Colligit in cumulum, et varie deformat arenas,  
 Mox manibus pedibusque ea subruit, ac confundit :

sic illa Dea struit, destruit, donat, recipit omnes has opes. Opes tantum ? honores etiam : et

Summum ad gradum quam claritatis veneris,  
 Consistes ægre, et citius quam ascendas, decides. (LABRÆUS.)

Itaque hæc nosce : et quid sequitur ? non attollere in iis sed σοφρόν-  
 νη. Σοφρόννη, inquam, id est, modeste age et senti : quod quidam præcipue subjectum voluerunt huic dicto. Sed altera scientia partem tui spectat, Corpus. Ab eo, quid est homo ? « quodlibet quasum vas, et quodlibet fragile : jactatu, non tempestate magna, ut dissiperis, opus est. » (Sen. ad Marc. cap. 11.) Quid est homo ? « lucerna in vento posita. » (Epictet.) Quid est homo ? qui ab ipso « lucernæ odore perire potuit, a quo plerumque abortus. » (Plin. VII, cap. 7.) Nosce, nosce et σοφρόννη. Huic « uni animalium ambitio, uni avaritia, uni immensa videndi cupido, uni superstitio. » (Ibid. cap. 1.) Iterum dicam, nosce et σοφρόννη. At jam tertia, et præcipua scientia, Animum tangit. Nosce te, sed a pulcherrima illa et divina tui parte ? Parte ? immo toto. « Nec enim tu is es, quem forma ista declarat ; sed Mens cujusque is est quisque, non ea figura, quæ digito demonstrari potest. » (Cic. in Somn.) Philo Judæus : « Homo, non illud biforme animal, sed pars optimæ Animæ, quæ Mens et Ratio dicitur. » Est profecto ita ; Duplex in vobis homo, ut Termaximus ait (cap. 9), « Unus Materialis, alter Essentialis » : atque iste vere Homo est, princeps alterius, ductor,

et rector. Mancipium est, inquam, pars altera : et homo quoque, siquis eam colit. Diogenes ille Canis scitissime olim, quum aliquando, « Hecus ! homines, adeste ! » dixisset : et concursus factus esset, baculo abegit omnes, addens : « Homines enim advocavi, non purgamenta », non hæc mancipia. Pars illa est, quæ eminet, quæ sola ab animantibus brutisque distinguit. Nam « corpore valet ? et leones ; formosus est ? et pavones ; velox est ? et equi : ut non dicam, in his omnibus vincitur. » (Sen.) Unum ergo Hominis et proprium bonum, Ratio : quæ nascenda, et colenda est. Neque enim, ut Homericus ille Laertius, hortum, agros, domum, omnia curabat, se neglecto : sic nos oportet corpori et externis mancipari, animi securos. Immo vero *Te nosce*. Et nimirum « hanc vim habet præceptum Apollinis, ait Cicero (I Tusc. 22), quo monet, ut se quisque noscat. Non enim id præcipit, ut membra nostra, aut staturam figuramve noscamus : neque nos corpora sumus : neque ego tibi dicens hoc corpori tuo dico ; quum igitur, Nosce te, dicit, hoc dicit, Nosce animum tuum ; nam corpus quidem quasi vas est, aut aliquod animi receptaculum : ab animo tuo quidquid agitur, id agitur a te. » Attende, et fac. Sed quomodo, inquires, noscam animum ? illum occultum, illum sensibus subductum ? Ipso animo. Sicut oculum non nisi oculus videt, sed in speculo : sic sese animus, quodam reflexu. In se igitur intueatur : « et maxime, inquit Plato (I Alcibiade), in eum locum, in quo inest virtus Animi, Sapientia. » Is locus est, Mens sive Ratio : et quæri illic Sapientiam vult, atque inveniri : Sapientiam, id est, Virtutem. Nam animum qui adibit et consulat, videbit et discet « aliquid se habere divinum, ingeniumque in se suum, sicut simulacrum aliquod, dedicatum putabit : tantoque munere deorum semper dignum aliquid et faciet, et sentiet. » (Cic.) Itaque ab hac notitia, contemptus aliarum rerum, æstimatio unius Virtutis sequetur : ad quam factum se sciet, per quam beatum se fore judicabit. Denique ad Deum per hanc ibit : ut pulchre Agapenus (Ad Justinianum) : « Nam qui se novit, Deum noscet : Deum noscens, Deo assimilabitur : assimilabitur, qui Deo dignus erit ; dignus erit, qui nihil Deo indignum admittit, sed cogitat quæ Dei sunt, et quæ cogitat loquitur, et quæ

loquitur, facit. » Pulchra gradatio, et ex vero deprompta. Nemo se, sine Deo, novit; et in se, Deum. Tum amor assimilandi, ad cujus imaginem facti sumus; id nisi per Virtutem non fit: hanc igitur amplectimur, et cum ea Deum et divina amamus, loquimur, operamur. Facite, o mortales, vos noscite. » Ecce ad Olympia proficiscimini, ut Phidie statuam videatis: et non magis curæ habebitis, ut vosipsos videatis, qui et quales sitis. » (Ex Epictet. Diss. lib I.)

## DISSERTATIO IV.

*De primo Hominis ortu variantes sententiæ. Stoicorum approbata, et explicata.*

EAMUS ergo ad Hominem, mi Auditor: vel quia ordo, vel quia utilitas tanta eo vocat. Et quidem totum videamus, ab ipso ortu. Unde enim primus Homo? primariæ hic duæ sententiæ, Non ortum esse, et Ortum. Primi æternum faciunt, cum ipso Mundo: alteri initium dant, sed alii aliud: atque ista omnia Censorini uberibus verbis commode proponam. Ait igitur (de Die natali): « Prima et generalis quæstio, inter antiquos Sapientie studiosos versata est, quod, quum constet homines singulos ex parentum seminibus procreatos, successione prolis multa sæcula propagare; alii semper Homines fuisse, nec unquam nisi ex hominibus natos, atque eorum generi caput exordiumque nullum exstitisse arbitrati sunt. » Hæc primorum ecce sententia: quæ magnos auctores habet, ut addit, Pythagoram, Ocellum Lucanum, Archytam Tarentinum, omnesque adeo Pythagoricos: sed et Platonem cum antiqua Academia: denique Aristotelem, Theophrastum, et Peripateticorum totam scholam. Idem de animalibus aliis: ideoque frustra quæri, « nec posse reperiri, Avesne ante, an Ova generata sint; quum et Ovum sine Ave, et Avis sine Ovo gigni non possit. Ita et omnium, quæ in sempiterno isto Mundo semper fuerunt, futuraque sunt, aiunt Principium fuisse nullum: sed orbem esse quemdam generantium nascentiumque in quo uniuscujusque generis initium simul et finis esse videatur. » Ista quidem Æternitatis defensores, non sine injuria illius Æterni: qui, si nihil fecit aut condidit, quæ dignitas, potestas,

bonitas, erit? Sed neque facile cogitare est, animantes omnes æternas; et ut fragile hoc ac mortale, nulli ortum aut initium sui inscribat. Alios igitur audiamus, et in iis Porticum nostram. « Nam qui homines aliquos primigenios, ait iterum Censorinus, divinitus, naturave, factos crederent, multi fuerunt: sed aliter atque aliter in hac existimatione versati. Nam ut omittam, quod fabulares poetarum historiæ ferunt, primos homines aut Promethei molli luto formatos, aut Deucalionis Pyrrhaque duris lapidibus esse natos: quidam ex ipsis Sapientiæ professoribus, nescio an magis monstruosas, certe non minus incredibiles rationum suarum proferunt opiniones. Anaximander Milesius, videri sibi ex Aqua Terraque calefactis, exortos esse sive pisces, sive piscibus similia animalia: in his homines concrevisse, foetusque ad pubertatem intus retentos; tunc demum ruptis illis, viros mulieresque, qui se jam alere possent, processisse. Empedocles autem primo membra singula ex terra quasi prægnante, passim edita, deinde coisse et effecisse solidi hominis materiam, igni simul et humori permixtam. Hæc eadem opinio etiam in Parmenide vel in... *Stæ* fuit, pauculis exceptis, ab Empedocle dissensis. Democrito vero Abderitæ ex Aqua limoque, primum visum est homines procreatos. Nec longe secus Epicurus; is enim credidit, limo calefacto uteros, nescio quos, radicibus terræ cohærentes primum increvisse, et infantibus ex se editis, ingenitum lactis humorem Naturam ministrantem præbuisse: quos ita educatos et adultos genus hominum propagasse. Zeno Cittieus, Stoicæ sectæ conditor, principium humano generi ex novo Mundo constitutum putavit, primosque homines ex solo adminiculo divini ignis, id est, Dei providentia, genitos. Denique etiam vulgo creditum est, quarumdam gentium principes terrigenas esse, ut in Attica, et Arcadia, Thessaliaque, eosque Autochthonas vocari. » Septem sententias hic habes valde aut leviter dissonas: e quibus prima Poetarum est, qui e luto aut lapidibus formant, idque humana opera. Fabellæ notæ. Altera est Anaximandri, qui ex Aqua et Limo format: hactenus haud pessime: sed quod in pisces primo, et e piscibus in homines, id monstrum aut delirium sapit. Et vero apud Plutarchum (de Plac. cap. 18) alia est Anaximandri sententia: « in Humido

nata prima animalia, corticibus quibusdam spineis circumdata : iisque ruptis, quum maturum esset, prodiisse. » Hoc eolorem aliquem magis habeat ; et cum sententia assideat, quæ ex arboribus homines educit mox dicenda. Tertia Empedoclis, qui e Terra ; sed, ut Censorinus ait, membratim, nec statim totos. Varronis fragmentum huc facit : « Empedocles e terra homines natos facit, ut blitum. » (Nonius in Blitum). Addit Censorinus, « cam opinionem etiam in Parmenide, vel in Ste fuisse. » Corruptum liquet : an faci-mus, « vel in Zenone » ? Certe Zeno Eleates censuit (Laertius auctor) : « ortum hominem e Terra esse. » Posset etiam legi : « Parmenide et Veliate Zenone. » Quarta sententia Democriti, ex Aqua et Limo : quæ refert illam Anaximandri, sed a fronte. Lactantius super ea (lib. VII, cap. 7) : « Democritus ait homines, verniculorum modo, effusos de terra, nullo auctore, nullaque ratione. » Quinta Epieuri, qui ex Limo item, sive Terra. Lucretius (lib. II) :

Haud, ut opinor, enim mortalia sæcla superne  
Aurea de cælo demisit funis in arva.  
Sed genuit tellus eadem, quæ nunc alit ex se.

Sed quomodo ? ex *Uteris* quibusdam terræ affixis, ait Censorinus. Quod ita etiam Lucretius (lib. V) :

Crescebant uteri terræ radicibus apti :  
Quos ubi tempore maturo patefecerat ætas  
Infantum, sugens humorem aurasque petissens,  
Convertebat ibi Natura foramina terræ,  
Et succum venis cogebat fundere apertis  
Consimilem lactis.

Putavit ille et Uteros et Ova ante animantes fuisse : ut esset scilicet e quo surgerent, et in quo crescerent ; ad exemplum facturæ hominæ. Nam et de Avibus canit :

Ova relinquebant, exclusæ tempore verno,  
Folliculos ut nunc teretes æstate eicadæ.

Ad quam opinionem Lactantius respexit (II, cap. 12) : « Aiunt certis conversionibus, et astrorum motibus, maturitatem quamdam existitisse animantium serendorum ; itaque terram novam, semen genitale retinentem, folliculos quosdam ex se, in uterorum simi-



litudinem, protulisse. » Etsi primo verba Ciceronis mutatur et aptat, sed in alteram et Stoicorum sententiam prolata, ut dicam. Nam sexta jam Zenonis nostri, in Censorino erat, qui « solo ad-  
miniculo ignis, id est, Dei providentia, gignit. » Pia et vera sen-  
tentia. Deus solus auctor humani generis, conditorque. Cicero ut  
Stoicus (I de Leg.): « Hoc animal providum, sagax, multiplex,  
quem vocamus Hominem, præclara quadam conditione generatum  
esse a summo Deo. » Et crebrum in Stoicis, Deum patrem et  
genitorem nostrum esse. Sed in modo tamen gignendi, aliquid  
ab eunta libris nostris Sacris. Nam illi volunt (apud Ciceronem, *ibid.*):  
« Perpetuis cursibus, conversionibus caelestibus, extitisse quamdam  
maturitatem serendi generis humani: quod sparsum in terras atque  
satum, divino auctum sit animorum munere. » Cursus illi perpetui,  
referendi ad periodos exustionis et innovationis mundanæ: ac tum  
*maturitatem* (alii tamen *materiam* legunt) fuisse generis humani  
novi serendi. Id autem « in terras sparsum ac satum, » id est, in  
Materia prima comprehensum; eaque jam crassiore et animationi  
parata, animam ab Igne advenisse, et Deo, Ovidius (I Metam.):

Sanctius his animal, mentisque capaxius alta  
Deerat adhuc, et quod dominari in cætera posset:  
Natus homo est; sive hunc divino semine fecit  
Ille opifex rerum, manali melioris origo;  
Sive recens tellus, seductaque nuper ab alto  
Æthere, cognati retinebat semina cæli.

Prior sententia est Stoica, et supra abunde diximus (lib. II,  
Diss. VII). Ignem velut semen esse omnium, et in se continere sin-  
gularum rationes seminales, Providentia educente. Seneca (Ep. xc):  
« Ad initia deinde rerum Sapiens redit, et æternam Rationem toti  
(id est, Mundo) inditam, et vim omnium seminum, singula proprie  
figurantem. » Cicero iterum ad hanc Stoicorum rationem adspiciens,  
et in Cottæ persona rejiciens (I de Nat. Deor.): « Semina Deorum  
decidisse de cælo putamus in terras, et sic homines patrum (id est,  
Deorum) similes extitisse? Vellem diceretis: Deorum cognationem  
agnoscere non iuvit. » Ultima sententia Vulgi, qui sponte  
e Terra extitisse homines censuit, ut in Areadin, atque alibi. Ne-

que e Terra tantum, sed Arboribus, aut Rupibus, saxisque. Homerus adspexit, quum Penelope ad Ulysem :

Ἀλλὰ καὶ ὧς μοι εἶπε τὸν γένος ἐπαυθὲν ἰοῦσ'·  
Οὐ γὰρ ἀπὸ δρυὸς ἰοῦσι παλαιφάτου, οὐδ' ἀπὸ πέτρης·

At jam tu mi effare tuum genus, utque parentes.  
Nam neque fatidica quercu satas es, neque saxo.

Et uberrime Statius exequitur (lib. IV) :

Arcades hinc veteres, astris lunaque priores,  
Agmina fida datis; nemorum quos stirpe rigenti  
Fama satos, quum prima pedum vestigia tellus  
Admirata tulit; nondum arva, domusque, nec urbes,  
Connubique modus: Quercus Laurique ferebant  
Cruda puerperia, ac populos umbrosa creavit  
Fraxinus, et feta viridis puer excidit orno.

Vides jam igitur originem nostri, pro aliorum, et nostro sensu. AUD. Video, aliquid tamen requiro. In ista origine Stoica, quis aluit infantem natum, quis educavit? Nec enim alius alium, quum omnes opis ejusdem indigi essent. LIPS. Negamus eguisse: male hoc sumis. Rationem, sive Providentiam, nonne architectam dedimus? illa seivit perfectum hominem faciendum, aut frustra iri factum. Macrobius hoc vere (VII Saturn. cap. ult.): « Natura (id est, Deus) primum singula animalia perfecta formavit: deinde perpetuam Legem dedit, ut continuaretur procreatione successio. Perfecta autem in exordio fieri potuisse, testimonio sunt nunc quoque non pauca animantia, quæ de terra et imbre perfecta nascuntur: ut in Ægypto mures, et aliis in locis ranæ, serpentesque. » Similia Plutarchus (II Quæst. Convival., cap. 11), a quo Latinus isto hausit. Frustra igitur Orum, Uterum, et talia præstruunt: et fides jam dictis a divino Moyse etiam esto, qui Hominem et Animalia sic format.

## DISSERTATIO V.

*Homines primi an majores, et paulatim deinde minores? atque obiter  
an Gigantes?*

SED quæri cum causa etiam aliud potest. Primi illi homines, in primo et vegeto Mundo, an non ipsi magis vegeti, et membris corporibusque grandiores? Ratio suadere videtur; quia plena omnia tunc virium et spirituum, alimenta valida, et e corpore bene habito atque integro illi partus. Videmus in terra, quæ novatur et segeti primum proscinditur: videmus in tumida virginitate, robustiora quæ nascuntur. Nuper in novo orbe, quum Hispani arbores suas et fruges severunt, incredibile quantum adoleverint: et poma fructusque supra communem modum tulerunt. Addo, quod vetus et passiva valde hæc opinio; ac Græci, Barbari, ipsæ Sacræ litteræ magnos quosdam homines, sive Gigantes adstruxerunt. Hoc de animo tantum magnis, superbis, impiis interpretantur quidam, scimus: sed testimonia profecto aliorum ire, a pudore abeat, qui neget. Non diffundor, neque extra Portiensem meam spatior: aliquid tamen in Seneca etiam reperio, quod huc ducat. De primis illis hominibus, negat Sapientes natos (Epist. xc): « Non tomen negaverim, addit; fuisse alti spiritus viros, et, ut ita dicam, a diis recentes. Neque enim dubium est, quin meliora Mundus nondum effectus ediderit. » *Meliora* dicit, non *majora*: et tamen de robore etiam subdit. « Quemadmodum antem omnibus indoles fortior fuit, et ad labores paratior, ita non erant ingenia omnibus consummata. » Philo Judeus apertius (De Opific. Mundi): « Talis mihi primus Homo videtur factus, et corpore et animo reliquos omnes; qui vel nunc sunt, vel ante fuerunt, excelluisse. » Addit rationes duas: « Illum enim Deus condidit, nos ex hominibus gignimur; quanto autem melior majorque auctor, tanto et opus oportuit. Deinde quidquid viget, senescente et effecto melius est, sive animal, sive planta, sive fructus, sive aliud eorum quæ in Natura sunt. Itaque par est, primum illum Hominem; robur et vigorem extitisse totius nostri generis; et secutos deinde haud ita viguisse per ætates

et successiones, deteriores semper forma et viribus factos. » Varro hoc ipsum : « Nisi si, ut Homerus opinatus est, vastiora prolixioraque fuerint corpora hominum antiquorum : et nunc quasi jam mundo senescente, rerum atque hominum decrementa sunt » (in A. Gell. Noctib. III, cap. 10). Ubi quod de Homero est, liquet sæpius ab illo usurpatum :

..... οἷος γὰρ βροτοῖς εἶναι

Qualia nunc hominum producit corpora tellus,

ut Virgilius vertit. Sed, missis poetis, Plinius etiam censuit, « In plenum euncto mortalium generi minorem in dies mensuram fieri, rarosque parentibus proceriores, consumente ubertatem seminum Exustione, in cuius vices nunc vergat ævum. » Ad senium velut Mundi refert : quod Tremelius pariter ad Terram sterilescentem aptat, etsi Columella dissentiente. « Tremelius, inquit (cap. 1, lib. II), falso credidit, parentem omnium Terram, sicut muliebrem sexum, anili jam ætate confectam, prognerandis esse facultibus inhabilem. » Epieurei in eodem sensu. Lucretius (lib. II) :

Jamque adeo affecta est ætas, effortaque tellus  
Vix animalia parva creat, quæ cuncta creavit  
Sæcla, deditque ferarum ingentia corpora partis.

Quando dedit? olim :

..... quum plura coorta,

Et majora, nova tellure, atque æthere adalto. (Lib. V.)

Enimvero et in Hebræorum libris est, quod firmet. Esdras (lib. IV, cap. 5) : « Interroga eam quæ parit, et dicet tibi. Dices enim ei, Quare quos peperisti nunc, non sunt similes his qui ante te, sed minores statura? Et dicet tibi ipsa : Alii sunt qui in juventute virtutis nati sunt, et alii qui sub tempore senectutis, deficiente matris, sunt nati. Considera ergo et tu, quoniam minori statura esis præ his qui ante vos : et qui post vos, minori quam vos : quod senescentes creaturæ, et fortitudinem juventutis prætereuntes. » Quæ tamen dictio et argumentatio si vera, et ab ævo in ævum Homines minores : quid causæ, quin jam Pygmæi, et minus, simus? Atqui constat nos a his terque mille annis parum aut nil mu-

tasse, et populari aliqua præsumptione illa, non veritate scripta. Ratio autem dicat, quosdam initio exuberasse: sed ad modum deinde certum venisse, a Natura præscriptum, in eoque stetisse. Sane quod ad Gigantes, fuisse aliquando, et apud varios, omnium fere gentium historiæ aut traditio testantur: et reliquæ æ monumenta hæri et nuper, in novo etiam orbe, certissime visa. Neque id ratio dicta abantat.

## DISSERTATIO VI.

*E Semine Homines propagari: et illud definitum. Viri genitabile habent, non item fœminæ: et de vi Spiritus.*

SED primi igitur homines a Deo et Providentia conditi: secuti, generatione propagati. Generatio autem, per Semen. Quid igitur Semen? communiter ita Stoici definiunt: « Quod potens sit generare talia, a quali et ipsum secretum sit. » (Laert. in Zenone.) Id est, quod gignit similia illis, a quibus ipsum genitum et avulsum. Non est igitur ipsum simile, nisi potentia: et ideo Varro argute derivat, Semen, quod non plane id quod inde: quasi dicat a *Semi* dictum, quod aliquomodo tale, non prorsus. Etsi vera, puto, derivatio erat a *Sero*, quasi *Serimen*. Hæc de omni Semine: at de Humano peculiariter, ista in Zenoniis scitis: « Hominis Semen, quod ipse emittit, cum Humido misceri Animæ partibus, secundum mixtionem rationis progenitorum. Esse id Chrysippus ait Spiritum, quod ad essentiam; idque apparere ex seminibus in terram jactis, quæ vetera non gignunt: scilicet expirata jam illa vi et facultate. A totis corporibus id desinere Sphærus dicit: ideoque et omnes corporis partes gignere. Mulieris autem semen infœcundum esse, ut pote Spiritu non intensum, et modicum item, et aquosum. » (Laert., ib.) Hæc Stoici breviter: illustremus. Ait, « cum Humido mixtum Animæ partibus esse. » Omnibusne Animæ partibus? non opinor, ex nostrorum sensu: non certe Rationali, quæ postea, et aliunde, accedit. Mox videbimus. Sed Stoici partes animæ octo faciunt: reliquas licet Semini inseras, hæc excepta. « Secun-

dum mixtionem rationis progenitorum. » Obscuriuscula mihi ista, nec scio an sincera, aut plena. Numenius quidem in Eusebio, uberior profert, ut Zenonis verba : « Semen ait Zeno esse, quod vir emittit cum Humido, Animæ partem et avulsionem, seminis progenitorum temperiem et mixturam occultam Animæ partium. » Quæ clara sunt, aut erunt e dicendis : et pergo. Ait, « Esse Spiritum. » Non solum quidem : Humor adest : sed vim et efficaciam gignendi in Spiritu ponit, eumque velut Seminis essentiam ac naturam : Argumentum a seminibus in terram jactis : an humanis (quia de Homine loquitur), et masturbatores fœda re et nomine intelligit ? an de frugum seminibus simplicius capi, quæ veterascentia pleraque scimus non gignere, Spiritu exhausto aut vanescente. Spiritui igitur tribuunt etiam in Homine a simili. Seneca (II Quæst., cap. 6) : « Consideremus quam ingentem vim per occultum agant parvula admodum semina : et quorum exilitas in commissura lapidum vix locum inveniatur, in tantum convalescunt ut ingentia saxa distrahant, et monumenta dissolvant. Hoc quid est aliud, quam intensio spiritus, sine qua nil validum, et contra quam nil validius est ? » Hoc ad aspectum, credo, dicebant (quod Plutarchus miratur, et damnat, De Com. Not.) : « Semen amplius et grandius esse, quam quod ex eo gignitur » : non modulo aut quantitate, sed efficacia. Quanquam et modulo in quibusdam, ut in Igne, post conflagrationem, qui est Semen mundi. Ab hac causa (Spiritu, dico) et φῶς dicta videtur Stoicis ὡς ἐν φῶτι οὖρα : « Natura, quod sit in spiritibus et inflationibus, et diffusio proportionum ac numerorum. » Est igitur semen *Spiritus* : isteipse, « corpus Zenoni (ait Plutarchus) : Animæ epim particulam avulsam esse. » Animæ, non totius : sed ejus partium, ut ante. Epicurus non dissimiliter dixerat : « Semen corporis et animæ detractam partem. » Pergit Laertius : « A totis corporibus defluere. » Et causa additur : nam et tota corpora format, sed et vitia, aut dotes partium, sæpe effingit. Trismegistus : « Quum generatio semen seponit, evenit ut ex omnibus corporis partibus essentia quædam influat et inspiret, divina operatione, ut in hominis fit ortu. » Inspirationem sive Spiritum etiam ibi notes ; et sapienter additum, de *operatione divina*, quæ profecto ortui et

productioni omni inserenda est. Illa in occulto administrat pleraque, et disponit. De Semine autem *a toto corpore*, etiam Polybus in libello *περί γυναικός*, et Hippocrates pluribus locis, consentiunt: itemque Democritus: « A totis, inquit (iu Stob. Phys.), corporibus, et præcipuis partibus, genitura. » Itaque idem « Venerem (apud Plinium, lib. XXVIII, cap. 6) damnavit, ut in qua homo alius exiliret ex homine. » Hinc debilitas et languor ab illo cætu, etiam animi remissio, spiritibus scilicet exhaustis. Etsi Tertullianus, qui traduci Animam vult, in argumentum hoc sibi vertit. « In illo ipso, inquit (de Anima, cap. 27), ultimæ voluptatis æstu, quo genitalis virus expellitur, nonne aliquid de anima quoque sentimus exire, atque adeo marcescimus et devigescimus, cum lucis detrimento? » Vertit inquam: de Rationali tamen parte, haud juste. Porro Laetius: « Mulieris semen infocundum. » Quidni? Spiritu enim caret, et *ἄσπερον* est, ut addit. Censorinus hoc ipsum Stoicis quoque adscribit: « Illud etiam ambiguum inter auctores facit opinionem, utrumne ex Patris tantummodo semine partus nasceretur, ut Diogenes, et Hippon, Stoicique scripserunt: an et id ex Matris, quod Anaxagoræ, et Alcmaëoni, nec non Parmenidi, Empedoclique, et Epicuro visum est. » Licetbit Pythagoram et Hippocratem his ultimis accensere. At Stoicis Plutarchus Aristotelem adjungit: « Aristoteles et Zeno aiunt, mulierem materiam aliquam humidam ejicere, tanquam a collectatione illa sudorem, sed non seminalem aut prolificam. » Tamen aliter iterum de Aristotele Lactantius (de Opif., cap. 12): « Varro et Aristoteles aiunt, non tantum maribus inesse semen, verum et fœminis: et inde plerumque matribus similes procreari. Sed earum semen Sanguineum esse purgatum. » Non miror distrahi: nam ipse Aristoteles videtur in scriptis vacillare. Tamen veritas est, quod ipsum Semen non habent, nec donat Aristoteles: sed ejus vice menstruum puriorem Sanguinem (quod etiam in Lactantio) solum virili semini et alimentum. Addit Laetius: « Modicum et Aquosum. » Ita, de illo quasi sudore, ut Zeno dicebat, sive lentore, quem in lucta emittunt: non ita de sanguine mensurno. Satis de Semine, e quo fœtus fit, et tempore figuratur; qua serie, aut ordine? » Empedocles, ait Censorinus, quæ in hoc

Aristoteles secutus est, ante omnia Cor judicavit increescero, quod hominis vitam maxime contineat : Hippon vero caput, in quo est animi Principale : Stoici una totum infantem figurari dixerunt, ut una nascitur aliturque. » De Aristotele, verum est : et *Cor primo* format, etsi et *Jecur* una jungat. De capite autem, Lactantius mavult, et cum Hipponē sentit (III De Par. Anim., cap. 4). Stoicos nostros quis adjuvat? nescio, et vereor ut inspectio et experimenta damnent.

## DISSERTATIO VII.

*Semen tamen corpus modo Stoicis producere, et Animæ receptaculum parare; ipsam extrinsecus insinuari; idque post Partionem.*

SEMEN itaque causa Hominis : an totius? an et Animam ex illo ducimus, haurimusque? Vetus quæstio, et ad nostrum pæne ævum agitata. Quid autem hic Stoici? aliunde, non ab eo petunt. Id verius certiusque, etiam pro Senecæ mente, quam quod Tertullianus, pertinax traductionis et propaginis defensor, ipsum Senecam eo trahit. « Concludimus, inquit (De Anima, cap. 20), omnia naturalia Animæ, ut substantiva ejus, ipsi inesse, et cum ipsa procedere atque proficere, ex quo ipsa censetur. Sicut et Seneca sæpe noster (IV De Benef. cap. 2) : Insita sunt nobis omnium artium et ætatum semina, magisterque ex occulto Deus producit ingenia, ex seminibus scilicet insitis, et occultis per infantiam, quæ sunt et intellectus. » Sed, o magne vir, vere trahis. Seneca non dicit, ab initio insita, a concepto ingenita : sed insita a prima natiuitate intelligit, cum Anima ipsa. Itaque caute et restricte etiam alibi loquitur (III Quæst. cap. 29) ; attende : « In Semine omnis futuri hominis ratio comprehensa est. Et legem barbæ, et canorum, nondum natus infans habet : totius enim corporis et sequentis ætatis, in parvo occultoque lineamenta sunt. » Illic sane de ipso Semine : sed quid continet et includit? « legem barbæ, et canorum, et totius corporis lineamenta. » De Ratione et Animo, nullum verbum. Enim vero tuiipse, Stoicos alio divertisse, ostendis palam. « Sunt, inquis (c. 25, De Anima), qui præsumant, non in utero



concupi Animam, nec cum carnis figulatione compingi atque produci, sed et effuso jam partu nondum vivo infanti, extrinsecus imprimi. Caterum semen ex concubitu, muliebribus locis sequestratum, compingescere in solam substantiam carnis: eam editam et de uteri fornace fumantem, et calore solutam, ut ferrum ignitum, et ibidem frigidae immersum, ita aeris rigore percussam et vim animalem rapere, et vocalem sonum reddere. Hoc stoici cum Ænesidemo, et ipse interdum Plato. » Potest clarius edici de Stoico sensu? In Utero *nil nisi carnem* compingi, Animam *extrinsecus imprimi*, idque *effuso jam partu*: et cætera, minime dubia aut implexa. Quid Lactantius, satis diligens talium? Lib. III, c. 18: » Pythagorici et Stoici, quum timerent argumentum illud, quo colligitur necesse esse ut occidant Animæ cum corporibus, quia cum corporibus nascuntur, dixerunt non nasci Animas, sed insinuari potius in corpora. » Utitur Insinuandi voce apposita, qua aliquoties Lucretius, in Stoicis refutandis; nam illos maxime intelligit, quum studiose hanc sententiam repellit. Inter alia (lib. III multis versibus):

Præterea si immortalis natura Animæ  
Constat, et in corpus nascentibus insinuat:   
Cur super antectam ætatem meminisse nequimus?

Iterum:

Quod si forte putas extrinsecus insinuatam  
Permanere animam nobis per membra solere.

Tertio:

Nec tamen est, ut jam perfectis insinuetur  
Corporibus.

Ex quibus liquet, dixisse acres Epicureorum hostes Stoicos, Animam aliunde advenire in corpus, nec cum eo igitur perire. Plutarch. item clarissime (De Pugn. Stoic.): » Chrysippus censet factum in utero ali, ut plantam. Quum autem in lucem editus est, frige factum ex aere et induratum, mutare Spiritum, et fieri Animal. » Immo longius ibant, et partem Uteri faciebant factum. Idem Plutarchus (V De Plac. cap. 15): » Plato ait Factum in utero, Animal esse; nam et moveri ibi, et ali. Stoici, partem esse ipsius uteri, non

animal; et sicut fructus arborum partes dicimus, videnusque maturos decidere: sic et factum. » Liqueat igitur de sententia, non item de veritate. Nam Tertullianus fortiter hæc refutat, atque idem Plutarchus. Quid tamen? de adventu ipso et insinuatione haud falso: et gaudeo gratulorque hic quoque Christianis accedere: de tempore, scio controverti. Jam olim quidem; nam Hippocrates (in Stobæanis eclogis) statim a formato semine, Animam admittit: Porphyrius (quod mirere in Platonico) prorsus ut nostri, « in prima statim editione nati infantis. Alia etiam est opinio, quæ plures statuit facultates aut Naturas animæ, opportuno dein tempore, aliam alias advenire, prout corpus idoneum aptumque factum. Primum igitur Naturam<sup>1</sup> accipere, deinde Sentientem vim, tum Appetitum, tum Rationalem animam, denique Intellectualem. » In postrema sententia sunt qui Aristotelem velint accensere, nescio an volentem. Sed inter ipsos Theologos olim dissidium, innata Anima, an ingressa. Innatam Tertullianus, ut dixi, ubertim approbat (De Anima et Resurr.), « et in ipso, et ex ipso seri homine, et vivum esse a primordio Semen. » Multi cum illo Latini: exerte etiam inter Græcos Gregorius Nyssæ antistes. « Posteriorem esse, inquit, originem animarum, ipsasque recentiores esse corporum constitutione, nemo sana mente præditus in animum induxerit; quum manifestum sit, quod nihil ex inanimis vim in se habeat movendi, itemque crescendi. At eorum qui in utero aluntur neque augmentum et incrementum, neque de loco ad locum motus controversus est. Relinquitur ergo ut censeamus, unum et idem Animæ et Corporis constitutionis principium esse. Ac quemadmodum terra si surculum a radice avulsum acceperit, arborem inde efficit, non ipsa vim augendi injiciens, sed incrementi duntaxat materiam atque subsidium impartiens: ita dicimus etiam id quod ex homine avellitur (Semen) ad hominis sationem, ipsum quoque aliquomodo animal esse, ex animato animatum. » Plura addit, et omnes Animæ facultates in Semine esse, occultas tamen, et in tempore atque ordine educendas. Sententia erat quam tueri posses, nisi Ecclesia

<sup>1</sup> Id est vegetationem, et vitam.

et puriores Theologi jam aliter credi consensissent : pareannus. *Aud.* Non lubet in ista velut adyta penetrare : tamen unum valide possit objici. Si traducitur Anima et propagatur : cur mea parentum melior, subtilior, felicior? referre enim eas debebat, ut surendus arborem, ut fructus semen. *Lirs.* Hippocrates jam olim respondit (lib. I, de Dieta), « Animam non mutari, sed corporum temperamentum » : et pro eo igitur, atque ut organa sunt, Animam magis minusve se exserere, et splendere. Tertullianus autem hoc amplius, Deum, aut ministros ejus adhibet; et « omnem, inquit (cap. 27), hominis in utero serendi, struendi, fingendi, paraturam aliqua utique potestas, divinæ voluntatis ministra, modulatur, quamcumque illam rationem agitare sortita. » Bene, bene. Deus adest, disponit, addit, demit, utcumque illi visum. At contra Stoicos simile objiciatur, Quomodo liberi mores sæpe et indolem parentum referant, si in semine hæc non fuerunt? Chrysippus respondit, ista quoque a temperie simili corporum provenire, quibus Anima affici aut infici possit.

## DISSERTATIO VIII.

*E Cælo et Æthere Animum advenire, a Stellis, ab ipso Deo : et pluscula sublimiter, ac nimis, a Stoicis dicta.*

- Itaque advenire Animam Stoici voluerunt : et quidem sub ipsum partum. Unde autem? Hæc et plura super Animo exsequi, animus est : sed qua serie aut dispositu melius, quam illo quem Seneca (ei hanc operam damus) præivit? Nam scribit alibi (Ep. lxxxviii) : « Innumerabiles deinde quæstiones sunt de Animo. Unde sit? Qualis sit? Quando esse incipiat? Quamdiu sit? An aliunde alio transcat et domicilium mutet? Utrum corpus sit, an non sit? Quid facturus sit, et illic nosse se incipiat, postquam de corpore abductus in sublime secessit? » Ecce tibi octo quæstiones capitales : et sub manu aliæ emergent fortasse, sed ad hæc velut signa revocandæ et disponendæ. Ingens opus : sed stringam, disputationum fere exors, et sententiam Stoicam posuisse atque aperuisse con-

tentus. Deus autem, et tuus favor, ille juvabit, hic adspirabit. Certe a Deo initium : *Unde enim Animus ?* a cælo, ex æterno illo igne e siderum natura, et sine circuitu, a Deo ipso. O dignitatem nostram ! sed vereor, immo scio, nimis auctam : tamen ipsos audiamus. Seneca (Ad Helv. cap. 6) : « Animus, si primam ejus originem inspexeris, non est terreno gravique concretus corpore, ex illo cælesti Spiritu descendit. » Iterum (ibid.) : « Animus humanus ex iisdem, quibus divina constant, seminibus. » Divina, id est, sidera et stellæ. Seneca (De Vit. Beat. cap. 32) : « Hominem divini Spiritus esse partem, ac veluti scintillas quasdam sacrorum in terras desiluisse, atque alieno loco hæsisse. » Ait scintilla *sacrorum* : quin verius, *astrorum ?* atque ita lege. Cicero (In somn. Scip.) : « Hominibus Animus datus est ex illis sempiternis ignibus, quæ sidera et stellas vocatis. » Plinius (II, cap. 26) : « Quo nemo magis probaverit cognationem cum homine siderum, Animasque nostras partem esse cæli. » Firmicus (lib. I) : « Quare quum simus cum stellis quadam cogitatione conjuncti, non debemus eas, sacrilegis disputationibus, propriis privare potestatibus. » Cognati ? ita, ex iisdem seminibus, et essentia : atque adeo pars Deorum. Epictetus (I Dissert. cap. 14) : « Animæ ita illigatæ et conjunctæ Deo sunt, ut particule sint ejus, et decerpta. » Cicero (I De Divinat.) : « A natura Deorum haustos animos, et delibatos habemus. » Alibi (V Tusc. lib. II) : « Humanus Animus decerptus ex Mente divina. »

Manilius :

Quis cælum posset, nisi cæli munera nosset,  
Et reperire Deum, nisi qui pars ipso Deorum est ?

Inde magnificæ illæ voces Senecæ (Epist. xcii) : « Quid est autem, cur non existimes in eo divini aliquid existere, qui Dei pars est ? » Et magis (Epist. lxxiv) : « Miraris hominem ad Deos ire ? Deus ad homines venit, immo, quod propius est, in homines venit. » Iterumque (Epist. xl) : « Prope est a te Deus, tecum est, intus est. » Unde hæc talia ? quia persuasum iis, a Deo, id est, Mundi anima, animam hanc esse. Laertius (In Zen.) : « Animæ Universi partes esse animantium Animas. » Omniumne animantium ? omnium : sed aliæ aliis magis participant, ut sunt corpora et instrumenta.

Est Socraticum : « Mundi animam, fontem animarum omnium esse. » (Apul. De Dogm. Plat.) Sed illam, quæ Ratione uteretur, cognatam et participem, immo jam partem divinitatis esse. Plutarchus (Quæst. Platonic.) : « Anima mentis et ratiocinationis consors, non opus solum Dei, sed et pars est; neque ab ipso, sed ex ipso est facta. » Enimvero etiam aliæ (hac ratione) partes Dei, id est, Mundanæ animæ : sed ista scilicet eximie, et quæ proxime vim naturamque ejus referret. *Aut.* Abhorreo audire hæc talia. Ante didici Deum conditorem hominum esse, Animas advenire et insinuari, idque ejus opera : nunc cognatas, partes, et Deum ipsum esse ? iterum abhorreo. *Lips.* Gaudeo, et magnitudinem Dei qui libat tantum, et nostrum istud imbecillum et tenue; ridebit profecto et exsibilabit eas voces. Tamen corpus hoc totum Mundi communicare ita antiquis placuit, et nos velut membra ejus facere ac partes. Seneca (Epist. xcii) : « Totum hoc quo continemur, et unum est, et Deus est, et socii ejus sumus, et membra » Nec Stoici hæc tantum, aut Platonici : ecce Trismegistus (cap. 10) : « Ab una Universi Anima omnes Animæ existunt et promanant. » Ab ipsa, inquam, Dei essentia : et clare idem (cap. 12) : « Animæ, sive Mens, non est quidem abscissus ab essentia Dei, sed quasi diffusus et extensus sicuti Solis splendor. » Vult, sicut lumen a Sole diffunditur, sive Solis imminutione aut noxa; sic Animæ ab illa magna, absque ejus intertrimento. Diffundi autem, ut vasculum cujusque capax et admissionale est. Ita Philo Judæus (Quod deter. potiori insid.) : « Mentem humanam esse divinæ et beatæ Animæ particulam, sed indivisibilem. » Et addit : « Non enim revera quidquid divinum est, scinditur, sed dumtaxat protenditur ac dilatatur. » Hæc ita sententia veterum, et verba fortasse supra sententiam elata ac superba : quid tamen est ? Adeo divinæ res Anima et præstabilis, ut etiam in Christiana luce ac veritate fuerint, qui sic eam honestarint, an dehonestarint ? Manichæi, Priscillianistæ, Marcionitæ, atque id genus erronum, « de propria Dei substantia Animam formabant. » Quidam Tertullianum eo trahunt, quia scripserit, in illud Lucæ (IV Advers. Marc. cap. 37) : *Reddite quæ sunt Dei Deo.* « Hominem igitur reddi jubet crea-

tori, in cujus imagine, et similitudine, et nomine, et materia expressus est. » Ecce, *Nomine* : ergo Deus est? Ecce *Materia* : ergo e Deo? Sed nempe sermones hi tales, ad normam aliorum reducendi atque examinandi sunt : et altius aliquid, pro re nata, interdum dicunt, non capiendum ut dicunt. Ipse abdicat : « Intellege, inquit (Advers. Marc. II, cap. 9), adflatum (ad verba Geneseos adspicit) minorem Spiritu esse, etsi de Spiritu accidit : ut aurulam ejus, non tamen Spiritum; nam et aura vento rarior est; etsi de vento aura, non tamen ventus aura. Capit etiam imaginem Spiritus dicere flatum. » Omnino ita est. Deus aliquid Spiritu inflavit in hominem, non ipsum; similem sibi, non se fecit. Atque ita Ambrosii etiam illa mitiganda : « Animæ rationalis substantia, divinus Spiritus est. » Minime; sed aliquid vicinum, et multum ab eo trahens. Lactantii verbis utar (lib. de Noe et arca, c. 25). « Animam nescio quid esse Deo simile. » Quem ipsum tamen calumniose, vir multa insignis, aspergit hac suspicione *ἐμφορῆς, uni essentia* : quia scripserit : « Ficto corpore spiravit ei animam de vitali fonte Spiritus sui, qui est perennis. » Sunt verborum capendulæ : jam docui : abite. Multa hic occulta aut dubia, fateor : et cum Augustino olim (Epist. ad Optat. Milevit. et adde de Civ. XIV, cap. ult.), « Sine periculo origo Animæ latet : hactenus tamen, ut non eam particulam Dei esse credamus, sed creaturam. » Et jam vides, stoicis *Unde sit Anima* : e cælo, a Deo, ipsam Deum. Elata et vana sunt : illa modestiora, *cognitionem nobis cum Deo esse*, et magis, *Dei filios esse*. Aliquid, inquam, divini in nobis : et facti ejus instar ab illo patre, atque etiam adoptati sumus. « Ego dixi (in Sacris) Dii estis et filii Execelsi omnes. » Quid Seneca? « Inter Deum ac bonum virum necessitudo est, et similitudo. » (De Provid. cap. 1.) Itemque : « vir bonus vera ejus progenies. » O utilis cogitatio! « Si quis huic doctrinæ affici et inhaerere pro dignitate possit, quod facti a Deo omnes primario simus, et ille sit pater hominum simul ac Geniorum : opinor profecto, quod nihil humile aut abjectum de seipso homo cogitare aut disponere posset. » (Epictet. I Dissert. cap. 3.) Ecce enim si Cæsar aut Rex te adoptasset, quis supercilium tuum ferret? quum autem Dei

sis filius, non quæ Deo digna sunt cogitabis? Hoc facimus, et ad optimum hunc finem non optime semper dicta vertamus.

## DISSERTATIO IX.

*Ipsum itaque Animum æthereum Ignem esse, simul etiam Spiritum.*

Et primam Quæstionem jam expunximus, « Unde esset » : altera excipit, « Qualis sit? » Difficilis. Nam « habere nos Animum, cujus imperio et impellimur, et revocamur, omnes fatebimur : Quid tamen si Animus ille, rector dominusque nostri, non magis tibi quisquam expedit, quam Ubi sit. » Annæum nostrum andis (Nat. Quæst. VII, cap. 24), ignorantiam profitentem? adde Tullium (I Tusc.) : « Anima sit Animus, ignisne, nescio : nec me pudet, ut istos, fateri nescire, quod nesciam. » Tale Heraclitus, in Laetio : « De Anima, omittendum, quia nemo reperiet, etiamsi omnem viam ineat : adeo profundam eam rationem esse. » O caliginem ! o miseriam ! illud, quo cætera noscimus, ipsum nescimus. Quid tamen Stoicis visum, videamus. Seneca noster definit (Ep. 1) : « Quid est aliud Animus, quam quodammodo se habens Spiritus? » Quod Græce fuisse arbitror, πνεῦμα τὸ ποίον. Est Spiritus : et Latinis vox hoc insonat, *Animæ*; πρὸς τὸν ἀνέμῳ, qui ventus est et flatus. Placuit Tertulliano hoc istud : et « Stoicos, inquit (De Anima, cap. 5), allego, qui Spiritum dicunt Animam, pæne nobiscum : quia proxima sunt flatus et Spiritus. » Nam et Christiani e Mosaicis libris πνεῦν, sive Spiritum affirmant : etsi πνεῦμα Augustinus haud velit, et distinguit. (De Civit. XIV, cap. 24.) Est igitur Spiritus, sed talis. Qualis autem? clarius hoc Zeno et Posidonius, in Laetio : « Spiritum calidum, esse Animam. » In Stobæanis : « Congenitum nobis calidum Spiritum, censent Animam. » Duo igitur in ea, Spiritus, et Calor : quod etiam Galenus tradit (Libro, *Quid animi mores sequantur corporis temperiem*), et Stoicis non aliud Animam esse quam « temperiem, quum proportionem constat aerea et ignea substantia. » Sane Aerem ibi esse, res iis dicebat, quia hunc reciprocamus viventes, et absque eo nec est vita. Itaque Varro defi-

nichat : « Anima est Aer conceptus ore, defervectus in pulmone, tepectus in corde, diffusus in corpus. » (Apud Lactant. de Opific. cap. 17.) Sed tamen non est is propria natura aut præcipua Animæ; sed est velut vehiculum, aut corpus purioris illius Iguis, quo hæc constat. Cicero (III De Natur. Deor.) : « Omnia vestri (Stoici), Balbe, solent ad Igneam naturam referre, Heraclitum, opinor, secuti : quem ipsum non omnes interpretantur uno modo. Vos autem ita dicitis, omnem vim esse Ignem; itaque et animantes quum calor defecerit, interire; et in omni natura rerum id vigere, quod caleat. » Varro prorsus Stoice (IV De L. L.) : « Animalium semen Ignis : qui Anima, et Mens, qui calor e cælo, quod hic innumerabiles, et immortales ignes. » Itaque Epicharmus Ennii de Mente humana dicit :

Istic est de cælo sumptus ignis, isque Mentis<sup>1</sup> est.

Ab hac excellentia Cicero (I Tusc.) : « Zenoni Stoico Animus Ignis videtur : » quid Zenoni? etiam Hebræis vox, qua *Hominem* appellant, *Ignem* notat. Est igitur iis Iguis, non tamen solus, sed cum hac Spiritus velut veste. Ita Trismegistus appellat (cap. 10), etsi subtilius, et alia quadam distinctione : « Vestem esse Mentis quidem Animam, Animæ ipsum Spiritum. » Nec plura addo, et de cælesti isto Igne, atque intelligente, e prioribus jam clara.

## DISSERTATIO X.

*Animam a partu Stoicis venire : sed verius nobis a formatione fatus.*

TERTIA Quæstio, « Quando esse incipiat? » quam tamen opportune jam ante, de Semine, profligavi aut affeci. Stoicis quidem a partu esse incipit : nec ante Homini animalis illa vita, quam Græci ζῶν quoque vocarunt, παρὰ τὸ ζῆν, a fervore illo Ignis. Hæc docui : quid tamen Iamblichus? monstra Stoicis affingit, si vere ex eo Stobæus (in Physic.) : « Stoici dicunt, non statim Rationem inseri,

<sup>1</sup> Antiquæ pro *Mens*.



verum postea a sensibus et imaginationibus colligi, circa annum decimum quartum. » Hæc parum fideliter adscribi arbitror, si de ipsa Ratione capis : si de Usu ejus perfectiore, haud negem. Obsecratur enim in ipsa infantia, et ut sol quidam, per nubila et nubes ægre perrumpit. Germana eorum sententia, a partu insinuari. Tangit, et spernit Lactantius : « Anima (inquit, de Opif., cap. 1, contra Varronis datam finitionem) non est aer ore conceptus, quia multo prius gignitur Anima, quam concipi Aer ore possit. Non enim post partum insinuatur in corpus, ut quibusdam philosophis (nempe Stoicis) videtur, sed post conceptum protinus, quum factum in utero necessitas divina formavit. » Vides illam poni et rejici ; aliam supponi, quam probam censet, *post conceptum insinuari* : quando? quum *factum Deus formavit*. Optime et Theologi nostri sic hodie censent, formatis principalibus membris, hepate, corde, cerebro, domicilium jam animæ rationali aptum esse, et in id venire. Hieronymus (Advers. Ruff. apol. II) : « Figurato corpore, statim creari et immitti. » Creari? ita a Deo : et exemplo Angelorum de nihilo. In Ruffini verbis, quem ille sanctus vir oppugnat, lego plusculas sententias, compendio recitatas (Ibid.) : « De Anima, fateor me apud quamplurimos tractatorum diversa legisse. Legi quosdam, dicentes quod pariter cum corpore, per humani corporis tradncem, etiam animæ diffundantur, quod puto inter Latinos Tertullianum sensisse, vel Lactantium, fortassis et nonnullos alios. Alii asserunt, quod formati in utero corporibus, Deus quotidie faciat Animas et infundat. Alii factas jam olim, id est, tunc quum omnia creavit Deus ex nihilo, nunc eas judicio suo nasci dispenset in corpore. Hoc sentit et Origenes, et nonnulli Græcorum. Ego vero quum hæc singula legerim, Deo teste dico, quia usque ad præsens certi et definiti aliquid de hac quæstione non teneo. » Præmittit de tradnce Anima : et Lactantium ibi numerat, falso. Liquet ex loco, quem adduxi, et magis ex isto (de Opif., c. 10) : « Utrum anima ex patre, an ex matre, an vero ex utroque generetur? sed ego de meo jure ab ancipiti vindico : nihil enim ex his tribus verum est. Corpus ex corporibus nasci potest, quoniam confertur aliquid ex utroque ; de Animis Anima non potest, quia ex re

tenui et incomprehensibili nihil potest deeedere. Itaque serendarum Animarum ratio uni ac soli Deo subjaect.

Denique celesti sumus omnes semine oriundi,  
Omnibus ille idem pater est :

ut ait Lueretius, II, 990. Nam de mortalibus non potest quidquam nisi mortale generari. » Falso igitur Lactantius accensetur : de Tertulliano, nimis verum ; et licebat, Pompeium, Apollinarem, alios addere, ac verbis Hieronymi, « maximam partem Occidentalium. » Claudamus, cum eodem Lactantio : « Non a parentibus dari Animas, sed ab uno eodemque omnium Deo Patre, qui legem rationemque nascendi tenet solus, siquidem solus efficit.

#### DISSERTATIO XI.

*Eam longam, non Æternam iisdem ; neque omnes etiam, et trepide aut ambigue loqui.*

At nos etiam in tenebris istis pergamus, ut sic dicam, micare. Quarta enim Quæstio, « Quamdiu sit? » digna quæ tractetur : atque utinam Stoici in capitali ista re veraces et recti ! Tangunt tamen, et diuturnas animas faciunt, si non immortales. Diuturnas ; et ideo concepit verba Seneca, *Quamdiu sint?* Non rogat, an semper sint post fatum ; an non sint ἀπλώς : sed *quamdiu*. Hoc ita obscure Laertius (in Zenone) : « Animam a morte permanere : mortalem tamen esse. » Noster Seneca ambigue sæpe hic loquitur (Ep. LXII), et aliquando ad æternitatem accedit, recedit. Accedit ; ut : « Cogitemus ergo, cito nos eo perventuros, quo illum (mortuum) pervenisse mœremus. Et fortasse (si modo sapientum vera fama est, recipitque nos locus aliquis) quem putamus perisse, præmissus est. » Iterum : « Dies iste, quem tamquam extremum reformidas, æterni natalis est. » Alibi (Epist. CII) : « Animus æternitatis suæ memor, in omne, quod fuit, futurumque est omnibus sænls, vadit. » Plura talia notes : sed et in quibus recedit, ut : « At ego mortem diu expertus sum. Quando? antequam nascerer : Mors est, non esse ; id quale sit, jam scio. Hoc erit post me, quod ante me fuit. »

Palam sentit, quod Plinius (lib. VII, cap. 55) : « Omnibus a supremo die eadem, quæ ante primum : nec magis a morte sensus ullus, aut corpori, aut Animæ, quam ante natalem. » Quem sunt qui hoc argumento Epicureum faciunt : vane. Quidni enim et Seneca talis sit? nam ille iterum (ad Marc. cap. 19) : « Mors nos in illam tranquillitatem, in quâ antequam nasceremur jacuimus, reponit. » Euripides hæc ipsa :

Τὸ μὴ γενέσθαι τῷ θανάτῳ ὅσον λέγει.

Non esse natum, et mortuum esse, idem puto. (Troadib.)

Denique alibi Seneca conqueritur, « Æternitatem animorum promitti magis a magnis viris, quam probari. » Audis dicentem, negantem, dubitantem? Omnia tamen in eandem viam sententiæ veniunt, a me dictæ, a Cicerone affirmandæ. « Stoici, inquit (I Tusc.), usuram nobis largiuntur, tamquam cornicibus : diu mansuros aiunt Animos, semper negant. » Quamdiu igitur? ad Ecpyrosiū illam, sive Conflagrationem quum omnia resolvuntur, et ad initia sua revertuntur. Animæ igitur tunc omnes iterum ad Mundi Animam, id est ad Jovem : qua mente Æternæ aliquando dicuntur. Seneca Cordum loquentem inducit, mortuum et inter Heroas (Cons. ad Marc. cap. ult.) : « Nos quoque felices Animæ, et æterna sortitæ, quum Deo visum erit iterum ista moliri, labentibus cunctis, et ipsi parva ruinæ ingentis accessio, in antiqua elementa vertemur. » Tale in Epicteto : « Deus, inquit (III Diss. cap. 13), quum necessaria tibi eripit, victum, vestem, sensus istos, receptui nempe canit, januam aperit, et venire te jubet. Quo? non ad aliquid grave, sed ad illa e quibus ortus es, ad amica et cognata, ad elementa. » Cognata illa et amica, intelligit maxime astra. Et sane rarus ipse Epictetus est, alias sublimis, in immortalitate aut et longævitate animorum adstruenda? quid adstruenda? vix tangenda. Nimirum inter Stoicos ipsos controversa ea res, nec consensu recepta. Panætius, apud Ciceronem (I Tuscul.), *interire Animas* arbitratur : et Laertius aliam etiam sententiæ divisionem ostendit : « Cleanthes, inquit, omnes permanere ait, usque ad conflagrationem Mundi; Chrysippus, solas Sapientum. » Et Seneca, in verbis supra, eo inclinare videtur (ad Chrysippum dico); quum scribit,

« felices Animas æterna sortitas : » non igitur omnes. Tacitus apertius (in Agricola) : « Si, ut sapientibus placet, non cum corpore exstinguuntur magnæ animæ. » Nota magnas : minute igitur et fatuæ pereunt, aut non diu manent. Palam ita Numenius, in Eusebio, de nostris : « Animam natam, et mortalem esse, non statim tamen interire, sed manere apud seipsam. Sapientum quidem, usque ad conflagrationem omnium : stultorum, ad breve aliquod tempus. » Immo vero genere quodam fati exstinguuntur etiam meliores : puta si pondere aut mole magna, una cum corpore obruuntur. Seneca (Epist. LVII) : « Quid interest, utrum super aliquem vigiliarium ruat, aut mons an turris? Erunt tamen qui hanc ruinam magis timeant, quamvis utraque æque mortifera sit. Nunc me putas de Stoicis diere, qui existimant animam hominis magno pondere extriti, permeare non posse, et statim spargi, quia non fuerit illi exitus liber. » Mira sententia, sed cui origo et firmamentum a scito, quod anima sit corpus : itaque pati eadem, quæ corpus, et affligi, ac dissipari, solvi. Alibi super hac sententia legere haud nunc memini, nisi in Statio, qui docte (ut multa) versibus inseruit istis :

..... latet intus, monte soluto

Obrutus, ac penitus fractum obductumque cadaver

Indignantem Animam propriis non reddidit astris. (Thebaid. VI.)

Loquitur de auri scrutatore, qui terras et colles subit, earumque subito lapsu obruitur : nec animam potest ad sidera emittere, pressam sie et obtritam. Veteres et novi Scholiastæ silent. An non simile autem in Aquis, ubi profundo mersantur? Servius dicit in Virgilium (I Æn.), quum, instante naufragio, « Ingemit Æneas : non propter mortem, inquit, sed propter mortis genus ; grave est enim, secundum Homerum, perire naufragio, quia Anima est igæa, et exstingui videtur in mari. » Quod idem Synesius notat, et Homeri versum adducit (III Epist.) :

Αἶψα δ' ἐξαιπλοῦλεν, ἐπεὶ πῶς ἀλκυον ὄψατο

Ajax disperiit, postquam bibit æquoris undam.

Quasi plane ab Anima etiam periisset : argumento tamen parum firmo. Seneca in eodem adspexisse videtur, ubi sævitiam Caii exa-

gitat, qui morituris os panis consecissis farciebat : « Quæ ista sævitia, inquit (II De Ira, cap. 19), est? liceat ultimum spiritum tradere (sic lego) : da exituræ Animæ locum. » Sed populariter ea dicuntur : ipse diversum sentit, et Stoicos adeo suos hic damnat. Nam relata sententia illa, de Obliteratione, addit (Epist. LVII) : « Qui hoc dicunt, videntur mihi errare. Quemadmodum flamma non potest opprimi : nam circa id diffugit, quo urgetur : quemadmodum aer verberare aut ictu non læditur, nec scinditur quidem : sic Animus, qui ex tenuissimo constat, deprehendi non potest, nec intra corpus affligi : sed beneficio subtilitatis suæ, per ipsa quibus affligitur, erumpit. » Hæc veriora, quam priores illæ ληψαὶς, *Ineptiæ, deliria*. Sed heus, incidit male omissum, ex Dionysio Halicarnasseo : quem, vel hoc argumento, Stori vindicabo. Ait super eo scito, in sua persona, ubi de Marcio Coriolano infeliciter extincto (lib. VIII), « Si igitur soluta corpore Anima etiam interit, haud video quomodo beatos dicam, qui nullo ex Virtute fructu, ob ipsam etiam pereunt. » Tum addit membrum alterum : « Si autem incorruptibiles in perpetuum Animæ, ut quidam censent ; aut tempus aliquod, post solutionem corporum, permanent ; longissimum quidem, bonorum virorum ; brevissimum, malorum : sufficiens honos habeatur Virtutis cultoribus. » Stoici igitur manet sic Anima ; ubi, et quid faciat, mox docebo.

## DISSERTATIO XII.

*De migratione Animarum in corpora. Plures ita sensisse, non tamen Stoicos.*

NAM Senecæ ordinem insisto, et Quæstio quinta excepit, « An aliunde alio transeat, et domicilium mutet? » Si manet, inquit : an si forte, cum Pythagoricis, de corpore in corpus migrat? Eodem sensu querit alibi (Epist. LXV) : « Ego nesciam, unde descenderim? seucl hæc mihi videuda sint, aut scæpe? » Scæpe enim ; si reditus est, et ut Tertullianus appellat, « recidivatus animarum. » Et Pythagoreos, immo et Platonicos sic sensisse, decap-

tatum est : an et Stoicos addam ? Volunt aliqui veterum , ut Lactantius (lib. III , cap. 18) : « Superesse Animas post mortem , Pythagorici et Stoici dixerunt : easque non nasci , sed insinuari in corpora , et de aliis in alia migrare . » Item Damascenus (De Hæres.) : « Stoici corpus occidere , animum a corpore in corpus migrare volunt . » Tamen hæc assertio mihi anceps , et apud idoneos auctores tale nihil , immo contra , lego . Nam Animæ illis ad cælos abeunt , et sociantur astris , mox videndum . De remigratione , nusquam verbum : nisi si hoc intelligunt , ex eadem Universi Anima iterum alias Animas fieri , et sic orbe quodam immitti : immo easdem etiam , post Mundi innovationem . Sed longe hæc ab illa Pythagorica *μετεμψυχῶσι* : quæ est de corpore in corpus transitio , et cur non Latine *Transanimatio* ? De qua et Platonici multa , vulgata ant obvia : quid veteres nostri Galli ? in eodem sensu fuerunt . An a Pythagora Druides hauserint , nescio ; an potius ipse ab illis : nam auctores habeo , « Gallos eum audiisse et Brachmanas . » (Clem. I Strom. lib. VI.) Gallorum quidem hoc dogma . Cæsar : « Non interire Animas , sed ab aliis post mortem transire ad alios . » Lucanus ad ipsos Druidas (lib. I) :

..... vobis auctoribus , umbræ  
 Noa tacitas Erebi sedes , Ditisque profundi  
 Pallida regna petunt : regit idem spiritus actus  
 Orbe alio , longæ , cunctis si cognita , vitæ .

Sed et Germanis adscribit Appianus (In Celtico) : « Moribus feri , audacia promptissimi sunt , et mortis contemptores , ob spem secundæ iterum vitæ . » Julianus Cæsar , etiam Getis , quibus « Xámoxim , qui apud eos colitur , hanc opinionem inesse » scribit (In Cæsaribus.) Itaque iidem vitæ prodigi : « non mori , sed migrare se existimantes . » Simile novelli aliquot Indi . Quin Judæi posteriores hoc errore perfusi : quod Justinus Martyr notat (In Dialogo) , et Thalmudistæ profitentur . A qua causa in Sacris nostris libris opinati scribuntur , « Christum esse aut Jeremiam , aut Eliam . » Ipsi Christiani aliqui sic dementiverunt , Carpocrates , et Origenes : etsi iste magis ad Platonicos ascensus , et descensus , ivit . Sed ne Stoica omittamus , ad illa eamus .

## DISSERTATIO XIII.

*Animam corpus Stoicis esse, itemque Tertulliano.*

QUÆREBAT enim sexto loco Seneca, « Utrum corpus sit, an non sit? » Omnino est ipsi, et Stoicis : est enim Spiritus. Laertius : « Animam Spiritum, ergo et corpus esse. » Sed ut Chrysippus ait (apud Plut.), « rariore et tenuiore filo » : adeo ut « præ ipsa tenuitate (Tertulliani verba, De Pugnīs) de fide corporalitatis periclitetur. » Est tamen ; et ipse ille doctus Afer (in multis Stoicus) ita non sentit solum, sed prodit et propugnat. Ipsum, si vis, vide, et Stoicorum (eos nominatim allegat) exposita argumenta. Hoc ita soli Stoici et Epicurei, præter auctores veterum sectarum, quibus incorporea visa : etiam Pythagoræ, ut Plutarchus ait (Plutarch. IV De Plac. cap. 2 et 3), etsi discipuli ejus, qui *Aereum aliquid* statuebant, corpus fecerunt. Non tamen omnes : « et Sextus pater ac filius (Senecæ laudati, et Italicæ illius sectæ) hanc super omni Anima tulere sententiam : Incorporealis, inquit, omnis est Anima, et illocalis atque indeprehensa vis quedam, quæ sine spatio capax, corpus haurit et continet. » Ista in Claudiano Mamerto legas (lib. I, cap. 9), qui tres de Animæ statu libros scripsit, dici non potest, quam eruditos, elegantes, et subtiles. Veteres omnes in hoc tractatu æquat, aut vincit. Et est revera incorporea anima : ac Stoicos jam olim refutavit Plotinus, in scripto : « Quod non possit corporea esse Anima » : cujus excerpta plascula in Eusebio habes. At dicēs. Si corpus Stoicis, qua figura igitur aut circumscriptione? Per se quidem spherica, opinor, quæ Mundi est, et astrorum : atque ipsa delibata ex astris. In corpore autem, figuram scilicet ejus sequitur, cujus membra omnia implet. Ideo Tertullianus universe Humanam ei formam assignat : « Effigiem, inquit, (De Anima, cap. 9), Animæ non aliam præter humanam ; et quidem ejus corporis, quod unaquæque circumtulit. » Nota, circumtulit : ergo et post mortem talis. Causam etiam addit : « Recogita enim quam Deus sufflasset in faciem hominis flatum vitæ ; totum utique per faciem statim flatum illum in interiora transmis-

sum, simulque divina aspiratione densatum, omni intus linea expressum esse, quam densatus impleverat, et velut in forma gelasse. Inde igitur et corpulentia Animæ ex densatione solidata est, et effigies expressione formata. » Quod ad causam; tota est Stoica, et frigus, gelationem: densationem miscet, corporeæ Animæ formandæ, et efformandæ.

## DISSERTATIO XIV.

*Ubi Anima separata? et quid agat? In Lunæ orbe, aut circa esse, ac contemplari.*

Sed illa e superioribus (lib. II, Dissert. IV) lucem suam, si attendiati, habent: si non, actum non ago, et æstu isto disputationum evolvere me pergo. Erat enim septima, « Quid facturum sit Animus, quum per nos facere aliquid desierit? » Sententia est, Quid faciet Animus, solutus et a nobis liber? Duo hic videnda: et Ubi sit, et Qua sorte aut occupatione. Ubi? querit hoc ipsum alibi Seneca, et avet discere (Epist. LXV): « Nesciam quo hinc iturus sim? quæ sedes exspectet Animam solutam legibus servitutis humanæ? » Dicam ego hoc tibi, e patris tui libris? Apud eum Arel- lius Fuscus (Suasor. VI): « Animus divina origine haustus, cui nec senectus ulla, nec mors, onerosi corporis vinculis exsolutus, ad sedes suas et cognota sidera recurrit. » Dicam e tuis (de Tran- quill. cap. 11): « Reverti eo unde veneris, quid grave est? » Atqui venimus (ante doctum) e cælo. Ideo Manilius:

An dubium est, habitare Deum sub pectore nostro,  
In cælumque redire Animas, cæloque venire?

Tamen distinctius paulo hoc dicendum est, ex Stoicorum scitis: quæ Tertullianus propagavit. « Apud Platonem, inquit (De Anima, cap. 54), in ætherem sublimantur Animæ sapientes; apud Arium, in Aerem; apud Stoicos, sub Lunam. » Vide. Plato altius tollit in ipsum Ætherem, et inter sidera locat: Stoici, modestius, juxta illum, et proxime a Luna. Ergo cum Ario, in Aere, sed supremo. Iterum Tertullianus: « In Æthere dormitio nostra, cum Pla-



tone ; aut circa Lunam , cum Endymionibus Stoicorum. » Ridet scite ; sed etiam Cicero hanc sententiam expressit , ut Stoicam ( I Tusc. ) : « Necesse est Animus , quo nihil est velocius , ita feratur , ut penetret et dividat omne cælum hoc , in quo nubes , imbres ventique coguntur ; quam regionem quum superavit Animus naturamque sui similem contigit , et agnovit : junctus ex anima tenui , et ex ardore Solis temperato , ignibus insistit , et finem altius efferendi se facit. Quum enim sui similem et levitatem et calorem adeptus est , tanquam paribus examinatus ponderibus , nullam in partem movetur : enque ei demum naturalis est sedes , quum ad sui simile penetravit ; in quo nulla re egens , aletur et sustentabitur iisdem rebus , quibus astra sustentantur et aluntur. » Palam dicit , regionem turbidam Aeris permeare , in superiore sistere , quum naturæ simili , id est Ætheri ( cujus a Luna initium ) appropinquat , aut est mixtus. Læcanus pariter ( lib. IX ) :

Quodque patet terras inter, calique mentus ,  
Semidei manes habitant : quos ignea Virtus  
Innocuos vita, patientes Ætheris imi  
Fecit , et æternos Animam collegit in orbes.

In Æthere imo ponit , circa Lunam : nec omnes , sed virtute præstantes. Plinius ab hac mente ( In Paneg. ) : « Sed et tu , pater Trajane , si non sidera , proximam tamen sideribus obtines sedem. » Adulatio Principes ipsos , sed consecratos , superiori cælo , et inter Deos , asserebat : at tu , inquit , Principis nostri pater inter Heroas agis et Sapientum animas , juxta sidera , et in aere illo supremo : aut et ipso Æthere , sed imo. Ab hac mente fortasse , quod Lunæ populos suos quidam etiam e Stoicis dabant : de quo ante memini dixisse ( lib. II , supra Diss. XII ). Sed observa , de Sapientum Animis hæc dici tantum : de stultorum et rudium , alia sententia est , quam Tertulliano item ferimus acceptam. Nam quum in prioribus verbis edidisset , *Sapientes Animas* ad Lunam evehi , addit : « Quos quidem ( Stoicos ) miror , quod imprudentes Animas circa terram prosternant , quum illas a Sapientibus , multo superioribus , erudiri affirmant. » Dogma igitur. Sapientum attolli , vulgarium versari et volvi circa terram ; donec ab illis Sapientibus edoctæ ,

et vitis purgatæ, item subvolarent. Non alibi legi, de Stoicis quidem : etsi Platonis similes ascensus et gradus scio, sed non cum hæc disciplina. Quam idem ille Afer naso suspendit : « et Ubi, inquit, erit Scholæ regio, in tanta distantia diversiorum? qua ratione discipulæ ad magistras conventabunt, tanto discrimine invicem abstractæ? Quis autem illis posthumæ eruditionis usus ac fructus, jamjam conflagratione perituris? » In Seneca nostro hæc discrimina non sic reperio : unum locum, ubi leviter tangit. Ait ad Marciam (cap. 25) : « Integer ille, nihilque in terris relinquens, paulumque supra nos commoratus, dum expurgat inhærentia vitia, sitamque omnis mortalis ævi excutit, deinde ad excelsa sublatus, inter felices currit Animas : excipitque illum cœtus sacer, Scipiones, Catonesque. Pater tuus (Crematius Cordus) Marcia, illie nepotem suum applicat sibi, et vicinorum siderum meatus docet. » Examinata enim huc faciunt : et purgari in imo aere (quippe adhuc adolescentem, nec pleuræ Sapientiæ filium ostendit : tum ascendere, et *vicinum sideribus* (non inter ipsa) fieri ac ferri. Alibi non sic exacte, et Diis ipsis miscere videtur ; ut in epistola quadam : « Quum venerit dies ille, qui mixtum hoc divini humanique secernat ; corpus hoc ubi inveni relinquam, ipse me diis reddam. » Iterumque alibi (Ad Polyb. cap. 28), indefinite vel ambigue, quod ad locum : « Fruitur nunc (frater tuus mortuus) aperto et libero cœlo : ex humili atque depresso iam eum emicuit locum, quisquis ille est, qui solutus vinculis Animas beato recipit sinu : et nunc libere vagatur, et omnia rerum Naturæ bona, cum summa voluptate, perspicit. » Ubi postremis etiam verbis vides, quid censuerint egisse Animas, sic in excelso sitas. Nimirum contemplatione (suavissimo pastu Animorum) se occupasse et oblectasse ; ne suprema ex vicino, et ima ex alto, lustrasse ac pervidisse. Itaque « in arcana Naturæ penetrat (ut Seneca alibi, Ad Marciam, cap. 25), et scrutatur cœlestium causas, et in profunda terrarum permittere aciem juvat. » Sed ibidem profecto, « sideribus intermiscet, et in cœlesti arce » collocat, sicut et in epistola cxi extrema : quod Platonice magis, quam Stoicum scito. Nam illi pandebant ipsum Æthera sapientibus : et in via adeo lactea collocabant. Sed et hi

sua discrimina sedium habebant, et quasdam magis imas : non nostro iustituto nunc referendas. Plutarchus, *De facie in orbe Lunæ*, sub finem ; Macrobius in Scipionis Somnium, Stobæanæ utræque Eclogæ, et ipse Plato, ubertim suppeditabant cupienti. Absolvi hoc Septimum spatium, pergo. Atq. Immo siste, et hoc addoce. Sapientum si in felicibus altisque locis : quid Insipientium, nihil iis pœnæ aut multæ ? Si superi, nulli inferi sunt ? Lips. Jam dixi, purgari, et erudiri : sed de Incipientibus aut bonæ spei et profectus hoc acceperim : de pessimis, quæ ratio est ? Pereant, aut certe vapulent. Tertullianus, de Stoicis (cap. 54) : « Reliquas Animas (non eruditas, aut erudiendas) ad inferos dejiciunt. » Lactantius (lib. VII, cap. 7) : « Esse inferos Zeno Stoicus docuit, et sedes piorum ab impiis esse discretas : et illos quidem, quietas ac delectabiles incolere regiones ; hos vero luere pœnas in tenebrosis locis, atque in cœni voraginibus horrendis. » Seneca noster aliquid tangit (Epistola cxvii) : « Quum de Animarum immortalitate loquimur, non leve momentum apud nos habet Consensus hominum, aut timentium inferos, aut colentium. Utor hac persuasione publica. » Publica, sed non propria tamen : et ipse abdicat ac spernit. Ut ad Marciam (cap. 19) : « Illa quæ nobis inferos faciunt terribiles, fabula est. Nullas scimus imminere mortuis tenebras, nec carcerem, nec flagrantia igne, nec oblivionis animum, nec tribunalia, nec roas. Luserunt ista poëtæ, et vanis nos agitavere terroribus. Mors omnium dolorum et solutio est, et finis : ultra quam mala nostra non excurrunt. » Idem Epictetus (III Dissert. cap. 13) : « Nullus Orcus est, nullus Acheron, nullus Coeytus, nullus Pyriphlegethon, sed omnia plena sunt Deorum et Geniorum. » At quum isti sic negant, immo pernegant ; an dissentiunt a capite suo Zenone ? Non arbitror : neque Zenonem aliud sensisse, quam circa terram in cœno et sordibus volutari, contrarium naturæ igneæ, atque hos inferos esse. Lactantii verba inspecta hoc dicent. Tamen mirum, et nobis notandum est, plerosque omnes veterum, immo plerasque omnes gentium, aliquid de Inferis descriptione, aut opinionatione, libasse. Trismegistus aperte, in his quæ exstant, inspersit : et de eo Tertullianus (cap. 10, et in Stobæanis) : « Mercu-

rius *Ægyptius* dicit, Animam digressam a corpore, non refundi in Animam universi, sed manere determinatam, uti rationem, inquit, patri reddat eorum, quæ in corpore gesserit. » Platonem omitto : res nota est : Indos et Brachmanas illi addo, quos Strabo scribit eadem fere Platoni, « de immortalitate Animæ, et de iudiciis apud inferos » sensisse (lib. XIV). Et vere Empiricus, « De inferis, sicut de Diis, omnes homines habere communem notionem. »

#### DISSERTATIO XV.

*De Reminiscencia Animæ, aut Memoria, quum a corpore abivit.*

METAM video, imo jam tango; et ultima questio, « An obliviscatur priorum, et illic nosse se incipiat, postquam de corpore abductus in sublime secessit? » Nihil hic de Reminiscencia Platonis, quæ in terris locum habet; sed dubitatio est de sublimi jam Anima: an illic memoriam priorum habeat; an in se adquiescat, oblita priorum? Definite super ea re nihil reperi: in Seneca tamen, ad Marciam (cap. 25), « agnitio aliorum » ponitur, et quod « cætus sacer, Scipiones, Catonesque, Cremutium excipient; ipse suum nepotem. » Sed idem, alibi, eadem omnia fore « quæ ante Natalem, » non semel dixit: ergo ignorantia aut oblivio vilius istarum rerum, et cura ac meditatio meliorum. Testimonia igitur ambigua sunt, aut deficiunt: rationem si vides, credam pro aiente parte esse, id est, reminisci et scire. Si enim ab Anima mundi huc avulsæ venerunt, atque ea omniscia; retinent in ipso corpore notiones eas et scintillas: atque ita Plato *μαθήσεις ἀναμνήσεις* haud absurde dixit: « Discentias (cum Tertulliano vertam, de Anima cap. 23) reminiscentias esse. » Quidni igitur eadem divinitas et scientia post corpus? Nec facit, si viles curas dicas: cogitant talia, non jam curant, et suis quæque pretiis pendunt. Ad summam, Stoicos non alienos ab hac sententia fuisse, Julius Firmicus mihi adsuadet, fidus eorum assecla et satellites. « Animus, inquit (lib. I, Astron.), suæ originis ac seminis constantiam retinens, omnia quæ difficilia atque ardua putantur, facile divinæ mentis investigatione conse-

quitur. Quis in cælo iter maris vidit? quis attritu lapidum scintillam latentis ignis excussit? quis potestates cognovit herbarum? cui se tota natura Divinitatis ostendit, et prodidit, nisi Animo, qui ex cælesti est igne profectus? Ipse computos tradidit, ipse Solis ac Lunæ, ac stellarum cursus, regressus, stationes, societates, augmenta, ortus occasusque monstravit: et in fragilitate terreni corporis constitutus, brevi majestatis suæ recordatione, hæc omnia ut traderet, non dicit, sed agnovit. » Vides Platonica hæc esse: nec ego video quid (posito illo principio originis) possit obduci. Meminisse igitur priorum concludamus, et sine sensuum aut instrumentorum opera scire. Dionysius Halicarnassæus etiam curare nos et nostra Animas facit, atque adeo vota suscipere pro nobis. 1. « Siquis locus Animas corpore solutas excipiat; non ille subterraneus aut caliginosus meam capiet, nec Oblivionis qui dicitur campus, sed ille sublimis et purus Æther, in quo Deorum filios et Heroas ponunt; quibus illa pietatem tuam renunciabit, et gratiam sibi honoremque habitum, proque iis semper a Diis petet mercedem tibi et præclara præmia. » Que postrema, quis abnuet ad scita religionis nostræ esse? Nec ultra insisto, quia Senecæ hæc alibi intacta.

## DISSERTATIO XVI.

*Divisio Animæ Varronis, et ea breviter explicata.*

FINIVI etiam Questiones super Animo, quas ipse proposuit: alia pauca, magis illustrando, dicam. Animus etsi uniforme quid et simplex est, tamen *Partes* (sic Stoici et Platonici appellant); sive *Facultates* (δυνάμεις Aristoteli); sive, ut scite Varro (quid autem ille non scite?) *Gradus* distinctos quosdam habet. Hos alii atque alii aliter dividunt: Varro hoc modo. Digna enim verba ejus dari, quæ Hipponis antistes libris suis consignavit, et conservavit (de Civit. Dei VII, c. 23): « Varro in libris, de Diis, selectis, tres esse affirmat Animæ Gradus, in omni universaque Natura. Unum, qui omnes partes corporis, quæ vivunt, transit, et non habet Sen-

sum, sed tantum ad Vivendum validitudinem (potentiam). Hanc vim in nostro corpore permanere dicit ad ossa, ungues, capillos: sicut in Mundo arbores sine Sensu aluntur, et cresunt, et modo quodam suo vivunt. Secundum Gradum dicit, in quo est Sensus; hanc vim pervenire in Oculos, Aures, Nares, Os, Taetum. Tertium Gradum Animæ esse summum, qui vocatur Animus, in quo Intelligentia præeminet: hoc, præter Hominem, omnes carere mortales. In qua, quoniam homines Deo videntur esse similes; hanc partem Animæ Mundi, dicit Deum, in nobis autem Genium vocari. Sic ergo et Anima Mundi, tres gradus instituens, unam ejus partem dicit esse Lapides et Ligna, et hanc terram quam videmus, quod non permanat Sensus: ut ossa, et ungues Dei. Solem vero, Lunam, stellas, quæ sentimus, quibusque ipse sentit, quæ pervenit in astra, facere Deos; et per eam quod in Terram permanat, Deam Tellurem; quod autem in mare atque Oceanum, Deum esse Neptunum. » Pulchra ista, pro veteri philosophia: et quæ talia merito desiderium suscitant scriptorum Varronis, quæ pessimo publico perierunt. Sed lustremus, et adeamus. *Gradus* appellat, a præstantia; et quia alia facultas aliam, quasi ascensu quodam, excedit. *Partes* qui dicunt, parum proprie loqui videntur, quia « Pars est, quæ subjecto, forma, et functione ab alia parte differt: at Facultas in eodem subjecto est, et plures esse possunt, quantitate tamen non discretæ. Sicut pomi facultates omnes in uno cernuntur; partes aliæ alibi existunt (Porphy. apud Stob.). » At excusantur qui sic locuti, quia etsi « per se quidem Anima partibus caret, tamen corpori partibus constanti est indita, ac varias ejus partes variis functionibus occupat, et eo respectu Partes habet. Neque enim eadem functio caput tenet, et pectus, et jecur. » (Ibid.) Sed his omnis, Varro igitur tres Gradus fecit: Peripateticorum etiam ritu. Unum *Vitæ* tantum, quem *Σπεντον* Græci, *Alentem* Plinius, hodie *Vegetantem* dicunt. Hunc ipsam *in Mundo* (melius fortasse *Mundi*, vel *Mundano*, nempe corpore) ponit: et arbores, plantas ac talia includit. Nam perseverat in hac comparisonem Animæ Mundi, cum Anima Hominis, et utrobique paria ostendit. Tertius autem Gradus animæ, inquit, « est summus, qui Animus voca-

tur. » Notemus discrimen inter Animam, et Animum, quod fere priscais Latinis fuit. Nam illa est, qua vivimus, ac sentimus : iste, quo intelligimus sapimusque. Itaque bestiis haud temere veteres dabant. Attius apud Nonium :

Sapimus Animo, fruimur Anima : sine Animo Anima est debilis.

Distinguunt et Epicurei, ac Lucretius pulchre Animum velut *pupulam oculi*, id est, Animæ, facit. Ipsum hoc Philo (lib. III de Opific. Mundi) : « Homini Animum eximium dedit, aliam Animæ animam, et velut pupulam in oculo. » Est quod Homerus (ut Plato notat in Theæteto) *ψυχῆς κίαρον* dixit, *cor Animæ* : sicut Latini *Mentem animi* sæpe, et sæpiissime *Mentem*, Græcum illud *Νοῦς* exprimentes. Laetantius (lib. VII) : « Non est idem Mens et Anima ; aliud est enim quo vivimus, aliud quo cogitamus. » Sed pergit Varro, isto Animo « omnes carere mortales : » intellige, brutas Animantes. Amplius, hunc Animum in Mundi Anima, Deum esse et dici : « in nobis, Genium. » De *Genio* isto in *Manuductione* (lib. II, Dissert. xix), si memoria tenes, adfatim a nobis dictum, et Varronis hunc locum junge. Reliqua in Varronianis lucem a se habent.

## DISSERTATIO XVII.

*Alia Stoicorum divisio uberior, itemque Senecæ, utraque explicata.*

At vero Stoici aliter et plenius multo dividunt : quorum sententias (nam et inter se leviter differunt) quia Tertullianus summam retulit, ejus verba audies, tum nostram interpretationem. Ait (de Anima, cap. 14) : « Dividitur Anima in partes, nunc in duas a Platone, nunc in tres a Zenone, nunc in quinque et in sex a Panætio, et in septem a Sorano, nunc in octo penes Chrysippum ; etiam in novem penes Apollonphanem, sed et in decem apud quosdam Stoicorum, et in duas amplius apud Posidonium, qui a duobus exorsus titulis, Principali quod aiunt *ὑπερμαχόν*, et rationali quod aiunt *λογικόν*, in duodecim exinde prosequit. Ita in alias ex aliis

Species dividunt Animam. Hujusmodi autem non tam Partes Animæ sunt, quam Vires, et efficaciæ, et Operæ: sicut de quibusdam (Vegetante, Sentiente, Rationali,) et Aristoteles judicavit. » Semina vides, quæ in multam et uberem messem surgant, si colere lubeat et evocare. Levi manu fiat, et qua utile nobis aut opus. Primum, » dividitur a Platone in duas. » Etiam in tres creberrime: sed Plutarchus utrumque dicet, qui fiat (IV de Placit. c. 4). » Pythagoras et Plato, summaria quadam ratione Animam statuunt bipertitam, Rationalem et Irrationalem: at pressius et accuratius, tripartitam; nam Irrationalem illam iterum dividunt in Irascentem et Concupiscentem. » Addit, » in tres a Zenone. » Doctissimus Pamelius ambigit an non a *Varrone*, nam Stoici, inquit, octo eas fecerunt. Quod verum est in Physica illa, ut sic dicam, et pro natura tota Animæ, divisione: at ubi Moralis res præ manu, tres etiam partes faciebant eum Platone, » Rationalem, Irascentem sive Animosam, et concupiscentem. » E Seneca mox videbis. Porro, » in quinque et in sex a Panætio. » Idem Pamelius ambigit an nou vox defiat, scribendumque » in quinque ab Aristotele. » Et fateor hunc interim sic divisisse: sed quis de Panætio firmiter etiam abuiat, cujus scripta non exstant? Potuit in variis libris variasse, et modo quinque, aliquo adspectu aut causa, modo sex posuisse. De senario numero, est in Nemesii Antistitis libello De Anima (c. 15): » Zeno Stoicus, inquit, octonarum partium Animam esse censet, partiens eam in Principem facultatem (τὸ ἡγεμονικόν), in quinque Sensus, et Vocis mittendæ, procreandique vim. Panætius (male editur Panæus) philosophus edendæ Vocis facultatem, motionis ejus qua per se animalia cecutur, partem esse vult: et quidem rectissime. Procreatricem vero, non Animæ, sed Naturæ partem. » Duas ergo de octo tollit, sex relinquit. Pergit Tertullianus, » in septem a Sorano. » Nihil ultra seio, aut legi. » In octo penes Chrysippum. » Immo et Zenonem, ut supra Nemesius, et communiter omnes Stoicos. Laetius: » Partes Animæ octo dicunt, quinque Sensus, Seminalem in nobis vim, Vocalem, et Ratiocinantem. » Varro, ut solet, Stoice (VIII de Ling. Lat.): » Anima divisa in octonas partes, quinque quibus sentimus, sextam qua cogitamus, septi-



mam qua progeneramus, octavam qua vocem emittimus. » Cogitandi verbo in λογιστικῇ utitur : quia proprie Latinis *Cogitare* est plura in unum cogere et velut ratiocinari : et *Cogitatio*, διάνοια, non solum νόημα. Amplius, « In decem apud quosdam Stoicorum. » Quos credo addidisse, « Alendi et Movendi vim. » Denique « in duas amplius apud Posidonium. » Quæ istæ, nescio : suspicor tamen addidisse « Irascentem, et Concupiscentem » : atque ita ad eum numerum venisse. In Seneca nostro divisio est nulli harum consona, sed miscella. Ad Lucilium suum (Epist. xcii) : « Inter me teque conveniat, in Animo esse partes ministras, per quas Move-mur, Alimurque, propter ipsum Principale nobis datas. In hoc Principali est aliquid Irrationale, et Rationale. Illud huic servit. » Et post pauca : « Irrationalis pars Animi duas habet partes; alteram animosam, ambitiosam, impotentem, positam in Affectionibus; alteram humilem, languidam, Voluptatibus deditam. » Ecce septem hæ sunt partes, « Movendi, Alendi, Ratiocinandi; tum Rationalis, Irrationalis » : iterumque sub ista, « Irascens, Cupiensque. » Sed quid ita duas partes ministras nominat, « Movendi, et Alendi? » Non est Stoicum : atque adeo in octona illa divisione neutra harum infera. Sed credo alios, ut tetigi, fecisse : et Seneca obiter nunc, et ut in exemplum nominat, aliis omissis. Cur autem Stoici non inseruerint, puto factum, quod Naturæ istas et viribus Seminis tribuebant, ab Animo abjungebant. *Ministræ* autem partes bene in bonis libris scribuntur, non *mixtæ*; quia, ut ait, ob ipsum Principale sunt datæ. Ita Stoici, apud Stobæum : « Principale imperantis vice fungi, reliquas in ministri loco quamque ducebant. » Est deinde in Seneca, alteram partem « Affectionibus deditam » : intelligit τὸ θύμικον, *Animosum illud et Irritabile*, quod aliter τὸ παθητικόν, Græci dicunt, *in affectionibus positum*, ut noster expressit. Facit et alteram, *Voluptatibus deditam* : τὸ ἐπιθυμητικόν, scilicet quod *Concupiscens* nominamus. Sed notæ utriusque bellæ : una, inquit, « animosa, impotens est; » altera « humilis, languida. » Philo Judæus scita imagine hoc illustret. « In Anima nostra (ait de Agricultura) Equi sunt, et Auriga vel Adscensor. Equi duo, Irascens et Concupiscens : ille velut mas, hæc fœmina. Ille gestiens,

solutus et liber esse vult; iste servilis, humilis, vafritie gaudens, domi desidet et pascitur, sed et pascit devoratque. » (Græce hoc argute, οἰκόστροφος καὶ οἰκοφθόρος.) « Auriga autem Animus est, si Prudentiam quidem et Rationem audit: si non audit, Adscensōr tantum, sive ἀναβάτης. » Pulchre sane. Si equos hos duos regimus, et Rationis freno domamus, Aurigæ sumus, digni hoc nomine, et per rectam viam ad optimum Finem imus: sin aliter, Adscensores tantum; sedemus in vehiculo, sed imperiti regere, et

Fertur equis auriga, neque audit currus habenas.

### DISSERTATIO XVIII.

*Principale Animæ Quid, et Ubi sit? in Corde Stoicis poni.*

ABSOLVI de Partibus: nisi quod explicatius aliquid de ἡγεμονικῷ dicendum videtur, quod *Principale* Seneca vertit: Cicero autem *Principatum*. Ita enim alibi (II de Natur. Deor.): « Principatum id dico, quod Græci ἡγεμονικόν, quo nihil in quoque genere nec potest, nec debet esse præstantius. » Prima igitur et præcipua pars est *Principale*: quam lubet et expedit Plutarchi etiam verbis (IV de Placit. c. 21), pro sensu Stoico, magis revelare. « Stoici inquirunt animæ supremam partem, *Principale*; id quod facit imaginationes, assensiones, sensus, et appetitiones: atque id Ratiocinationem appellant. » Addit « ab isto Principali septem partes reliquas Animæ enatas esse ac protensas, ut e polypode<sup>1</sup> cirros. Ex his Visum, esse Spiritum qui a principe parte ad Oculos pertingit: Auditum, Spiritum qui ab eadem ad Aures: sic de Sensibus reliquis. Seminalem autem partem, esse Spiritum qui a Principatu ad genitales meatus permeat. Vocalem, Spiritum qui ab eodem ad fauces et linguam. » In istis nota de *Spiritu* ubique dici: scilicet, quia ipsa Anima *Spiritus* iis est: eoque aspectu de *Vocalem et Seminalem* (aliter Panætio visum) ad Animum pertinere. Nota amplius λογιστικόν, id est, *Ratiocination-*

<sup>1</sup> Piscis, qui Latine *Multipes*.

*nem*, sive eum Varrone *cogitationem*, Principale dici : non autem ipsum λόγος, sive Rationem, quia illa pars et *Rationale* continet et *Irrationale*. Ascensus enim in ea et iudicia, sed non semper recta ; depravante opinione et corpore, verum illud rectumque, quod a cælo habet. Est igitur λογική, sive *Rationalis*, quum recta Ratione utitur ; est ἀλογος, sive *Irrationalis*, quum Errore. Ut verbo absolvam, non aliud ille Stoicorum λογισμός, quam aliorum νόος, sive *Mens*, sive *Animus* cum Varrone. Ubi illi sedes ? nam reliquas etiam partes in corpore vim alibi atque alibi exerere, et ibi velut incohere scimus : ubi igitur primaria, inquam, sedes ? Disputant : et Stoici nostri in *Corde* assignarunt. Laertius : « Principale esse primariam Animæ partem, in qua imaginationes et appetitus fiunt, et unde sermo (an Ratio ?) sursum mittitur. Id autem in Corde esse. » Idem Tertullianus (cap. 15), qui « summum in Anima gradum (agnoscis Varronis verbum) Vitalem et sapientialem, quod ἡγεμονικόν appellant, certo in corporis recessu consecratum » ait, eumque in *Corde*, quoniam et « inspectorem Cordis Deum legimus, et Corde credi ad justitiam, et Corde suo unumquemque reprehendi : » denique hoc ipsum « Chrysippum etiam sapere » affirmat. Nec de Chrysippo tantum Plutarchus : sed, inquit (IV de Plac., cap. 4) : « Omnes Stoici in toto Corde, aut in Spiritu eo qui circa Cor est, Principale ponunt. » Ergo valde mirum, eundem eodem libro mox scribere (cap. 21), ubi de Stoicis : « Ipsum Principale, sicut et in Mundo, habitat in nostro rotundo Capite. » Profecto non est hic Stoicus, sed Platonicus sensus et pro illo capiendus est loqui. Nam iterum alibi (de Com. Not.), ubi Stoicos carpit, miratur illos « Assensiones, et Visiones, et Artes, et Memorias in Cordis puncto ponere ; ubi et principem Animæ partem. » Clara sunt et mens illorum, fontem vitæ et intelligentiæ in Corde esse, loco medio et dignissimo : quem ipsa Natura thorace, præcordiis, undique munivit : quo læso (non ita in aliis partibus) hominem illico perire necessum et exstingui. Ab eo igitur, ut e castello aquarum rivi ducuntur, reliquas Animæ facultates effluere, et suis quasque locis se prodere et usibus servire. Ridet Galeus Chrysippi in hac re argumentum, quod Natura ipsa doceat, et clamet Animi vim illie

esse : quoniam sponte homines , quum de se aut illo loquuntur , manum Cordi admovent , Feci , Dixi , Sensi , Non feci , Dixi , Sensi , pronunciantes . Rideat : enī non et Hippocratem suum , qui ita palam ( de Corde ) ? « Cogitatio enim , sive Mens hominis in sinistro ventriculo ( Cordis ) insita est , et reliquæ Animæ imperat . » Ausonius idem ( in Monosyll. ) :

Mens , quæ cælesti sensu rigat emeritum cor :  
Cor vegetum , Mundi instar habens , Animæ vigor ac vis .

Epicurei pariter , e quibus Lucretius ( lib. III ) ,

Consilium , quod nos Animum Mentemque vocamus ,  
Idque situm media regione in pectoris hæret ,

ponunt , inquam , vel in ipso Corde , aut in Pectore circa . De Stoicis sensisse etiam Lactantium puto , quum Mentem « aut in medulla cerebri hæere » facit ( de Opif. , cap. 16 ) , quod Plato ; « aut in illo sanguine hipertito , qui est inclusus in corde , » quod Nostri .

## DISSERTATIO XIX.

*Aliquid de præstantia Animi , et ad ejus cultum adhortatio .*

PRINCIPEM jam partem , Quæ sit , et Ubi , vides : o quam merito sic dictam ! Animus ille est « dñx atque imperator vitæ mortalium : » idem « rector humani generis , agit atque habet cuncta , neque ipse habetur . » ( Sallust. Jugurt. ) Vis præstantiam , et pæne divinitatem ejus videre ? Omnia momento pervadit , sideribus velocior , cogitatione velocior , temporibus velocior . Quid dicam ? pæne ubique est . « Corpora , ait Seneca ( de Benef. III , c. 20 ) , obnoxia sunt et adscripta dominis : mens quidem sui juris , quæ adeo libera et vaga est , ut nec ab hoc quidem carcere , cui inclusa est , teneri queat , quo minus impetu suo utatur , et in infinitum comes cælestibus exeat . » Quid ais , comes ? immo antecessor . Tu ipse alibi ( II de Benef. , cap. 29 ) : « Animo nihil non eodem , quo intendit , momento pervium est , sideribus velocior , quorum post multa sæcula

futuros cursus antecedit. » Addam amplius, Cogitationem ipsam antecedit : quid autem ea celerius? Pulchre Homerus; de Phœacibus :

Τῶν κείς ἀσπίδας, ὥσπερ περὶν ἢ εὐρηται

Quorum sunt celeres naves, velut alitum ala,  
Aut brevis in nobis sensus. (Odys. II.)

Quod Claudianus imitari voluit, Rapt. Pros. II, 200 :

Quantum non jaculum Parthi, non impetus Austri,  
Non leve sollicitæ Mentis discurrit acumen.

Denique magis dixi, et dicam, Tempora ipsa antecedit. Præsens hoc quod in lapsu est, præteritum quod lapsum, futurum quod labetur, totum illud assidui motus agmen Animus conplectitur, et, ut Cicero ait (II de Fin.) « simul trium temporum particeps est. » Itaque vere Philo (quod deter. potiori insid.) : « Sola Mens, ut omnium ocissima, etiam Tempus ipsum, quo omnia fieri videatur, præcurrit et occupat, viribus occultis, sine Tempore, universum hoc et partes ejus pervagando, pertractando. » Trismegistus hanc celeritatem bene ingerit : « Dic, inquit (cap. 11), Animæ tuæ illo abire, et dicto citius illic erit. Præcipe Oceanum tranare; celerime illic erit, non ut e loco in locum delata, sed tanquam jam ibi existens. Jube in cælum evolet : alis non egebit, neque ullum ei obstaculum; non Solis ardor, non æther, non cæli volutatio, non corpora astrorum : quin omnia pervadens ad extremam Naturam pervolet. Immo et extra eam (siquid extra eam) intuci tibi licet. » Mira et maxima hæc æstimanti sunt : quid reliquæ dotes intelligentiæ, inventionis, memoriæ? Pelagus rerum et laudum : et vere imago ac simulacrum Dei. O attende, et « cogita in te, præter Animum, nihil esse mirabile : cui magno nihil est magnum. » (Sen. Epist. VII.) Quid ista vilia, et terrena, et peritura sunt? fumi. Similitudinem tuam recole, atque item originem : utraque divina est. Ut igitur « radii Solis contingunt quidem terram, sed ibi sunt unde emittuntur : sic animus ille magnus et sacer, et in hoc demissus ut propius divina nossemus; conversetur quidem nobiscum, sed hæreat origini suæ » (Sen. Epist. XLI.) Fiat, mi Auditor, et hoc fine

Physica ista lustremus : non ut curiosi abditorum inspectores , sed seduli animi cultores , ut dignitate ejus cognita , locum ei suum decusque servemus. Quem locum? Senecæ verbis (Ep. LXV) : ut « quem in hoc Mundo locum Deus obtinet , hunc in homine Animus : » id est , imperet regatque , colatur a nobis , et affectus , cupidines , omnia humana domita habeat ac subjecta. Hæc via ad ultimum Finem , ad Felicitatem , quo Porticus tota , et magnus ejus tubicen ac tibicen Seneca noster , vocant. Huc tende , hanc et istum ama , qua amant Honesta.

---

# TABULA

REORUM QUÆ IN HOC QUARTO VOLUMINE PRIMÆ PARTIS SENECAE

## CONTINENTUR.

---

	Pag.
Novi Editoris Præmonitio.....	iii
EPISTOLA LXXXIX. Philosophiæ divisio : de luxu et avaritia suar ætatis.....	3
— XC. Laus philosophiæ : ad illam solius animi cu- ram pertinere.....	14
— XCI. De incendio Lugduni : inde de morte cogi- tationes.....	41
— XCII. In Epicureos invehitur : nihil voluptatem ad beatitudinem conferre.....	52
— XCIII. Vitam non ex spatio, sed ex actu metiendam.	68
— XCIV. An utilia sint specialia de officiis præ- cepta?.....	73
— XCV. Solis præceptis virtutem non gigni posse : necessaria esse decreta.....	101
— XCVI. Omnia patienter ferenda.....	132
— XCVII. Et nunc et olim fuisse malos : de vi con- scientiæ.....	135
— XCVIII. Bonis externis non confidendum.....	142
— XCIX. Consolatoria in morte filii ; non iudulgen- dum dolori.....	149
— C. De Papirio Fabiano philosopho, ejusque scri- ptis judicium.....	161

	Pag.
EPISTOLA CI. De morte Senecionis.....	167
— CII. Claritatem post mortem bonum esse.....	174
— CIII. Homini ab homine præcipue cavendum....	186
— CIV. De invaletudine sua, et caritate in se uxoris : animi mala peregrinatione non sanari : cum priscis et magnis viris vivendum...	188
— CV. Quid vitam securam faciat.....	202
— CVI. An bonum sit corpus ?.....	205
— CVII. Firmandum esse animum contra fortuita et necessaria.....	209
— CVIII. Quomodo audiendi sint philosophi.....	215
— CIX. An sapiens sapienti et quomodo prosit?...	231
— CX. Vana optari, vana timeri, remedium a phi- losophia petendum.....	238
— CXI. Sophismatibus veram opponit philosophiam.	246
— CXII. Desperat de quodam Lucilii amico refor- mando.....	248
— CXIII. An virtutes sint animalia? has spernendas esse disputationes.....	250
— CXIV. Eloquentiæ corruptelam e corruptis moribus ortam esse.....	261
— CXV. Describit virtutis pulchritudinem: inde in amorem divitiarum.....	274
— CXVI. Omnino expellendos esse affectus.....	283
— CXVII. An, quum sapientia bonum sit, etiam sapere?.....	287
— CXVIII. Quid sit bonum?.....	300
— CXIX. Divitem esse, qui cupidinibus imperat...	308
— CXX. Quomodo boni honestique notitia ad nos pervenerit.....	315
— CXXI. Omnia animalia habere intellectum sui...	325



# TABULA.

681

	Page
Epistola CXXII. Contra eos qui naturam invertunt. ....	336
— CXXIII. Simplici victui assuescendum : spernendos voluptatis laudatores. ....	348
— CXXIV. Utrum sensu an intellectu comprehendatur bonum ?.....	356
Clarissimi viri D. Diderot Testimonium de L. Annæi Senecæ	
Epistolis LXXXIX-CXXIV.....	367
Fragmenta librorum L. Annæi Senecæ qui interciderunt....	383
Fragmenta ex veterum libris collecta cum Justi Lipsii notis..	385
— De superstitione.....	395
Nova Fragmenta, ex Palimpsestis eruta.....	405
L. Annæi Senecæ Epigrammata.....	413
Clarissimi viri D. Diderot Testimonium in L. Annæi Senecæ	
Epigrammata.....	433
Ex L. Annæi Senecæ libris Excerpta quædam, et eidem nonnulla falso tributa.....	435
I. De paupertate liber. ....	438
II. De remediis fortuitarum. ....	441
III. De quatuor virtutibus.....	448
IV. De moribus.....	458
V. Epistolæ Senecæ et Pauli. ....	464
JUSTI LIPSII PHYSIOLOGIÆ STOICORUM LIBRI III, L. Annæi Senecæ aliorumque veterum scriptis, in primis Quæstionibus Naturalibus illustrandis.....	481

## LIBER PRIMUS.

DISSERTATIO I. Aditus in sermonem, aliquid de ordine in docenda Philosophia juxta Stoicos. Placere quibusdam, et nobis a Physicis ordiri....	483
— II. Physica laudata. Naturam communem et nostram eo ducere : fructum etiam invitare..	485

DISSERTATIO III. Physicæ partitio ; et a Principiis ordiendum videri , primumque a Deo et divinis ; quæ pars Theologia Naturalis dicta.....	487
— IV. Duo rerum Principia Stoicis esse , Efficiens et Patiens : illud , Deum ; hoc , Materiam...	490
— V. Ea ipsa , Naturas appellari : sed eminenter , Deum. Itemque Mundum in hoc nomen venire.....	492
— VI. Definitio Communis Naturæ, id est Dei. Ignem esse , et dici Stoicis , atque etiam priscis.	494
— VII. Aliæ definitiones Dei , in quibus , Spiritus , Animus , Mens , Ratio dicitur , et per om- nia diffundi.....	497
— VIII. Mundum ipsum Deum etiam Stoicis dici, sed proprie tamen ejus Animam.....	499
— IX. Obscura aut impenetrabilis Dei notitia : ser- mones ancipites ; attribui tamen quædam recte a Stoicis et primo unitatem.....	502
— X. Eundem Bonum et Beneficium esse ; et hanc velut propriam ejus notam , et nomen...	505
— XI. Denique Deum Providum et curatorem om- nium esse , atque etiam singulorum. Qui aliter , rejecti.....	507
— XII. E Providentia Fatum consequi ; quid illud ? et quomodo libertatem Deo non tollat....	511
— XIII. Objectiones contra Providentiam et Boni- tatem Dei : quæsitumque primo , Unde Naturalia mala?.....	515
— XIV. Secundo quæsitum , Unde Interna mala , id est , Peccata ? Stoicos etiam a Fato et Deo removere : et quomodo.....	518

# TABULA.

683

Pag.

DISSERTATIO XV. Alia responsio nostra, et firmior, super istis. Distincta Mala Supplicii et Delicti: et quibusque suis auctor assignatus .....	522
— XVI. Tertio quæsitum de Malis Externis: et responsum. Videri etiam minima illorum a Deo esse. ....	525
— XVII. Triplex objectio contra Fatum; ordine solvantur singulæ. ....	528
— XVIII. Genios etiam esse, Dei et Providentiæ ministros; eorum genera, et sedes, ac de Heroibus primo, Laribusque. ....	531
— XIX. De Geniis proprie dictis, Bonis Malisque. Singulis eos esse, item locis, et regionibus: et eorum curæ, aut opera. ....	535
— XX. Pluseula etiam De Geniis. De origine, de malitia, de varietate munerum: et quædam huic rei e Sacris. ....	542
— XXI. De Loco Dei obiter, qui ubique est, sed conspicua tamen sede in Cælis. ....	548

## LIBER SECUNDUS.

DISSERTATIO I. Anteloquium; de Morte aliquid, et eam cogitationem utilem ad vitam et robur animi esse. ....	553
— II. Materia prima, alterum Principium, descripta; Æternam esse; Non augeri, non minui; Non item pati. ....	555
— III. An non plura Principia? et de Ideis dictum eæque assertæ. ....	558

DISSERTATIO IV. De Corpore, quid Stoicis? late accipi, et omnem essentiam includere. Quænam etiam eorum, pro nostris scholis et sensis, nugamenta.....	561
— V. Deum et Materiam Corpora esse Stoicis: et quatuor dumtaxat proprie Incorporea....	564
— VI. De Mundo, optimo maximoque corpore. Varia vocis significatio. Differt ab Universo: quid Totum Stoicis: itemque de Vacuo.....	566
— VII. Definitio Mundi. Civitatem dici, itemque Templum: æque imagines explicatæ....	569
— VIII. Factum esse Mundum a Deo, hominum causa: et breviter, quomodo sit factus...	571
— IX. In Vacuo Mundum librari. Vere natum videri: et quare forma ejus circiter.....	576
— X. Animal cum esse, sensu et Ratione præditum. Partes ejus libatæ. Ipsam animam, Deum esse.....	578
— XI. Divisio Mundi prima, et secunda. Elementa quatuor esse, et in se invicem commutare.	582
— XII. De Elemento Ignis, sive Æthere. Stoicis Ignem ibi statui: atque illum, aut in illo, Deum.....	586
— XIII. Ætheris præstantissimum Solem videri: regem siderum: et esse Mundanæ animæ ἡγεμονικόν. De Luna additum.....	588
— XIV. De Astris in genere. Rotunda esse, ex æthere conflata; ideoque ignea, et vaporibus pasci. Eadem futurorum conscia...	592

# TABULA.

685

Pa

DISSERTATIO XV. Aer, et ejus divisio, primo Frigidum Stoicis esse. ....	597
— XVI. Aqua, et præcipua ejus pars Mare. Id terram circumit, init, subit, vinculum ejus et irrigatio. ....	598
— XVII. Duplicem Oceanum esse, eumque Terram quadrifariam parti, ex sensu veterum, hand prorsus vano. ....	602
— XVIII. De Terra. Matrem dici, et Animal; unde sustentetur firmeturque. ....	605
— XIX. Stabilis ea, an moveatur? itemque de Novo orbe, sive America, an veteres gnari fuerint? ....	608
— XX. Unus, an plures Mundi? idem an æternus? esse, et non esse. ....	613
— XXI. Dupliciter interit, Aqua et Igne. Primum de Aqua, sive Cataclysmo. ....	615
— XXII. De Ignis interitu, qui Ecpyrosis dicta. Quando, Quomodo, Qua gratia fiat? ....	618
— XXIII. Christianos etiam hujus sententiæ, sed divisæ, esse: item Epicureos, et Heraclitum ante omnes: neque omnes tamen Stoicos..	624
— XXIV. De Tempore adtextus; quid et quam breve, aut nihil, sit: tenendum utiliter, et asserendum. ....	625

## LIBER TERTIUS.

DISSERTATIO I. Vestibulum et ingressus. De occupationibus aliquid; et inter eas quoque philosophandum. ....	631
---	-----

DISSERTATIO II. Hominem parvum Mundum esse : et breviter ejus præstantia. ....	633
— III. Nosce teipsum , hoc fine ntilliter edictum...	635
— IV. De primo Hominis ortu variantes sententiæ. Stoicorum approbata , et explicata.....	638
— V. Homines primi an majores , et paulatim deinde minores ? atque obiter an Gigantes ?.....	643
— VI. E Semine Homines propagari : et illud defi- nitum. Viri genitabile habent , non item fœminæ : et de vi Spiritus.....	645
— VII. Semen tamen corpus modo Stoicis producere, et Animæ receptaculum parare ; ipsam extrinsecus insinuari ; idque post Partio- nem.....	648
— VIII. E Cælo et Æthere Animum advenire , a Stellis , ab ipso Deo : et pluscula subli- miter , ac nimis , a Stoicis dicta.....	651
— IX. Ipsum itaque Animum æthercum Ignem esse , simul etiam Spiritum.....	655
— X. Animam a partu Stoicis venire : sed verius nobis a formatione fœtus.....	656
— XI. Eam longævam , non Æternam iisdem ; ne- que omnes etiam , et trepide aut ambigue loqui.....	658
— XII. De migratione Animarum in corpora. Plu- res ita sensisse , non tamen Stoicos.....	661
— XIII. Animam corpus Stoicis esse , itemque Ter- tulliano.....	663
— XIV. Ubi Anima separata ? et quid agat ? In Lunæ orbe , aut circa esse , ac contemplari....	664

# TABULA.

687

Pag.

DISSERTATIO XV. De Reminiscencia Animæ, aut Memoria, quum a corpore abivit.....	668
— XVI. Divisio Animæ Varronis, et ea breviter explicata.....	669
— XVII. Alia Stoicorum divisio uberior, itemque Senecæ, utraque explicata.....	671
— XVIII. Principale Animæ Quid, et. Ubi sit? in Corde Stoicis poni.....	674
— XIX. Aliquid de præstantia Animi, et ad ejus cultum adhortatio.....	676

FINIS QUARTI VOLUMINIS PRIMÆ PARTIS.











